



BIBLIOTECA NAZ.
Vittorio Emanuele III

XXX

D

45_{LI}

XXX
D.
15.

15



SCRIPTORES
DE
ANEURYSMATIBUS.



SCRIPTORUM
LATINORUM
DE
ANEURYSMATIBUS
COLLECTIO.

LANCISIUS

WELTINUS

GUATTANI

MURRAY

MATANI

TREW

VERBRUGGE

ASMAN

EDIDIT ATQUE PRÆFATUS EST
THOMAS LAUTH

MED. DR. ET PROF. P.

CUM XV ICONIBUS.



ARGENTORATI,
SUMTIBUS AMANDI KOENIG BIBLIOPOLÆ.

1 7 8 5.





PRÆFATIO.

ELAPSO fere biennio, utilem fore rem ratus **AMANDUS KÖNIG** (Pater, quo interim mortuo, Filius, splendidi bibliopolii bene meritus hæres) collecta præcipua, quæ Aneurysmata illustrant opera, edere, **Cel. LOBSTEIN**, quem iniquum nobis nuper eripuit fatum, auxilium petiit. Annuit consilio præceptor, lubensque negotium ipse suscepisset, ni titubans jam tum valetudo, juncta laborum Academicorum turbæ, impedimento fuisset. Otium igitur litterarium impendi equidem in curam operis, libellos comprehendentis, qui præcipua doctrinæ momenta, singuli expedientes, juncti, quantum id fieri potest, integram sistant de Aneurysmatibus notitiam, exclusis tamen commentationibus latino sermone non scriptis.

Interna Aneurysmata enodavit, uti notum, **LANCISI** (p. 1.)

Quæ externis Aneurysmatibus ferendæ curationes manuales sint, tentaminibus multis atque multifariis, edocuit **GUATTANI** (p. 101.)

Aneurysmaticos præcordiorum morbos persecutus est **MATANI** (p. 235.)

I.

DIVISIO ANEURYSMATUM.

*Divisio
Aneurysma-
tum.*

§. 1.

Nomina Aneurysmatis *Veri* atque *Spurii*, apud omnes scriptores quidem occurrunt, ast non eodem sensu. *Verum* hodiernis dilatatio arteriæ vocatur; *Spurium* autem, tumor arteria exterior, quem sanguis format per vulnus arteriæ in textum cellulosum elabens, sensim vel confertim (qua in differentia spurii distinctiones in *Primitivum* s. *diffusum*, atque *consecutivum* s. *circumscriptum* sitæ sunt, de quibus quum sufficienter p. 375, 501, 606, dictum sit, nunc nihil additur.) Desumptæ sunt istæ distinctiones, uti fieri fas est, ex diversa morbi natura.

§. 2.

Aliter LANCISI, cujus divisionem (p. 7.) causæ diversitas firmat, unde fit, ut multa Aneurysmata *legitima* sive *vera* illius ab aliis auctoribus spuriorum nomen obtinuissent; ad spuria porro auctorum Aneurysmata, prima species *spuriorum* LANCISII pertinet. Secunda species spuriorum ejusdem, & pars illorum quæ vera appellavit, vera sunt in mente aliorum auctorum.

§. 3.

Differt etiam nonnihil definitio, quam GUATTANI de *Vero* Aneurysmate (p. 217.) dedit, a sensu nunc recepto, quoniam præter dilatatæ arteriæ, etiam vulneris ideam cum illa denominatione conjungit, non tamen penetrantis. Aneurysma proinde p. 203 descriptum nomine *Veri*, spu-

*Diviso
Aneurys-
matum.*

rium est, & quidem circumscriptum. Illud contra, quod p. 165 spurium appellat, Verum, ut ipsi prima facie videbatur, revera fuisse dixerim.

§. 4.

Forſitan in AL. MONRO annotationibus (a) a Guattano (p. 212.) citatis explicationis fundamentum invenietur. Ille nimirum, ut Veri Aneurysmatis nomen arterioſus tumor habere poſſit, non diametri vaſis augmentum modo, ſed & tunicarum arteriæ extensionem abſque ruptura poſtulat; quæ conditio, quum in pauciſſimis obſervationibus adſit, rariſſima eſſe, caſto illo ſenſu, vera Aneurysmata colligit; toties autem ſymptomata ſimilia Aneurysmati Vero oriri, quoties tumor extra arteriam formatur, dum ſanguis per minutum arteriæ vulnus in cellulosaſ elapſus, eam in ſaccum denſat (b), vel quoties ablata fibrarum portione reliquæ in ſaccum expanduntur (c). Tumorem extra arteriam poſtea ab HUNTERO *ſpurium circumſcriptum*, a FOUBERTO *conſecutivum* Aneurysma vocatum eſſe (v. ll. p. 501 cc.) nemo non videt.

§. 5.

Edinburgenſi Profeſſori autem ſuus olim diſcipulus W. HUNTER oppoſuit (d), adeo non rarum eſſe abſque tunicarum

(a) *Effais de Médecine d'Edimbourg*, T. II, n. 16, p. 340.

(b) *Ib.* p. 341, §. 2.

(c) *Ib.* p. 344, §. 5.

(d) *Medical Obſ. and Inq.* T. I, p. 341. Etiam CLEGHORN integritatem tunicarum in Aneurysmate vero defendit. *Ib.* T. III, 25. Quin ipſe AL. MONRO circulares in ſacco vidit, v. *Eff. and Obſ. Phyſ. and liter.* III, 191.

tunicarum ruptura arteriarum dilatationem, ut ipse quinque ejus proprio in museo habeat specimina. Litem interim de Aneurysmatum natura compositum iri sperat, si præter Verum atque Spurium, *Mixtum* notatur (a), quod vulnere partim, partim dilatatione fit; idem cum specie 4.^a Monroi. Notandum, quod male hoc epitheto utatur VERBRUGGE, qui p. 375 illud Aneurysinati Venoso dat.

*Diviso
Aneurys-
matum.*

§. 6.

Mihi videtur inutiliter novus terminus adoptari, quo neque theoria artis perficitur, neque praxis. Ipse Hunter sæpius mixtum simile circumscripto esse dicit. Pone arteriæ omnes tunicas minuto vulnuscule forari, sanguis in cellulosa formabit circumscriptum tumorem. Pone vulnus intimam tunicam non tetigisse, hæc vi sanguinis extrorsum pulsa sensim in tumorem abibit arteriæ externum. Utroque in casu similis tumor, similem curationem postulans, idem circumscripti nomen habere poterit. Vicissim ponendo lacerata tunica intima, salvis exterioribus, has expandi, fiet tumor Vero Aneurysmati similis, similiterque curandus; quare & verum appelletur Aneurysma. Quum itaque in omni re medica curatio non absolute tantum ultimus sit finis, sed & distinctiones theoreticas, perspicuitatis ergo, quippe unice datas limitare debeat; omnia Aneurysmata triplicis indolis esse dicenda sunt, *verum, spurium diffusum atque spurium circumscriptum.*

(a) Ib. p. 338.

*Aneurysmæ
Venosæ.*

I I.

ANEURYSMA VENOSUM.

§. 7.

DE eo morbo videndæ sunt p. 375, 386, 404, 423, 430, 443, 505, 619, semper tenendo, quod Verbrugge erroneam assumeret denominationem. Huc & trahenda Aneurysmata duo quæ GUATTANI p. 223 descripsit. Absque incommodo ferri, W. HUNTER licet (locis in opere citatis) notaverit, sunt tamen non pauci, qui inutile membrum fieri, sibi fingunt, uti multoties audiui, sermonem cum aliis miscendo. Repeto igitur ex Ill. viri scriptis, exque ipsius & P. POTT ore atque ex autopsia, parum molestiæ *Varicem Aneurysmaticum* hucusque attulisse. Vidi mulierem, cujus in brachio per plures jam annos erat *varicosum* hocce *Aneurysma*, nucis minoris magnitudine; sanguis in tumorem ruens obtusum, bombosum edebat sonum; fluidus ei inerat, nullo coagulo, pressione digiti discutiendus; tum nulla amplius apparebat varix, & ostium, quo vena in arteriam patuit, digito percipiebatur; momento repleta redibat illa, hoc remoto; brachio per bene semper usa est femina.

*Aneurysma
Aortæ.*

III.

ANEURYSMA AORTÆ.

§. 8.

CATALOGUM Aneurysmatum Aortæ (p. 445.) augeat exemplum a me nuper in cadavere viri repertum, cujus

dum vivebat, relatum accepi historiam. Georg Feykert, *Aneurysma Aorta.* torosus homo, Rhedarius, in Nosocomium receptus d. 1 oct. 1784, sequentia edixit. Annum se nunc agere 42, ^{dum} optimæ semper fuisse valetudinis, ultimis exceptis duobus annis, quibus, post lapsum ex equo, non interruptum passus sit dolorem in pectore sinistro circa quartam costam; parvi initio rem habuisse, equo vectum esse, spirituosa ingurgitasse. Quatuor post lapsum septimanis, acerbiori dolori supervenisse febrem pectoralem, ex qua paulo post convalescit, superstito dolore. Hunc sensim ita augmentum esse, ut redux Parisiis iter, quod ultima æstate fecit, perficere impotens, in via alicubi decubuerit. Meliore tantillum conditione repetiisse Argentoratum, sed non amplius muneri fungendo aptum. Nuncce (sc. d. 1 oct. 1784) dolorem ex fixo vagantem factum esse, ut jam pectus sinistrum, jam ejus lateris abdomen dorsumve, jam brachium sinistrum, perraro dextrum patiat, esse & respirationem difficilem, molestum in latere sinistro decubitus, vexare tussim siccam per mensem, incedere se corpore curvato; appetitum interim non deficere, nec minui corpus. Hæc ille. Perstabant mala symptomata, datis licet, quæ videbantur, convenientibus in Nosocomio remediis. Liquit igitur ædes d. 26.^{mo} Acerbius autem in dies malum reduxit supplicem d. 20 novembris, cui nunc totum opprimabatur pectus, & vehementer laborabat respiratio, minore tamen doloris sensu. D. 11 decembris vespere, quum ex ambulatione leni rediret, tanta respirationis difficultate correptus est, ut, ne momento suffocaretur, copiose sanguis detractus sit. D. 12, bis idem insultus rediit.

*Aneurysma
Aortæ.*

D. 13, quarta vice, semper eodem lenitus remedio; id autem tantum exinanivit hominem, ut brachii sinistri pulsus defecerit. Mox anhelosa facta respiratio, somnus ea nocte nullus, decubitus neque in latere sinistro, nec dorso ferendus, sensus caloris interni, frigentibus extremis. Obiit luce sequenti. Hæc, uti monui, tradita habeo; neque enim unquam vivum hominem vidi.

§. 9.

Examen Anatomicum ostendit, in fine Arcus Aortæ, post emissam nempe arteriam subclaveam sinistram, *Aneurysma verum*, quod pollices quinque longum, tres cum dimidio latum erat, atque infixum vertebriis dorso tertiæ, quartæ, quintæ, sextæ, septimæ, octavæ. In harum corporibus sinisterius latus carie exesum erat, intactæ autem cartilagines quæ spatia intervertebralia replent, neque ligamentosa illa, quæ anterior est, fascia ullo modo affecta, præter quod ex situ, quem habere debet rectilineo, in arcum dextrorsum convexum inflectebatur. Saccus ille ingens, quem Aorta dilatata obtulit, retrorsum insigni hiatu ruptus erat, sed ita, ut margines corruptam vertebrarum partem ambierint, incluserint, atque nulla fuerit ex arteriæ cavo extrorsum communicatio, nec ullus extra arteriam in mediastino postico elapsus sanguis. Cavitas autem sacci, plurimum in se habuit coagulum sanguinis, pollicis crassitie, cariei contiguum, ibi densissimum, antrorsum rareficans, ut in antica sacci parte, liberum remanserit transeuntis sanguinis iter; conditionem coaguli similem cæterum deprehendi descriptæ a Cel. W. Hunter (a). Crassitudo sacci

(a) *Med. Obs. and Inq.* l. 346.

a reliqua aorta vix differebat; parum hac tenuior videbatur. *Pectoris viscera nil morboſi obtulerunt.* *Aneurysma Aorta.*

I V.

EFFECTUS ANEURYSMATIS DESCRIPTI.

§. 10.

NOTABILIORES hujus morbi effectus, *dolorem perpetuum, cariem, mortem*, rimari, non inutile erit. *Effectus Aneurysmatis descripti.*

§. 11.

DOLOREM omnibus Aneurysmatibus tandem associari, & perpetua auctorum observatio est, & ex pressione facile intelligitur, quam tumoris auctum volumen in vicinas partes exercet, quamobrem & alii pressionis effectus, tensio, inflammatio, gangræna, communi gradu cum dolore incedere solent. Pressio tamen hoc in casu doloris causa fuisse non potuit, quoniam hic lapsus momento adveniebat, ubi nondum dilatata arteria nec premere potis erat. Videtur itaque constans dolor in distractis arteriæ tunicis refedisse, ortus esse vi subito ex lapsu illata, continuatus sanguine qui debile jam vas urgendo distendit. Dolori huic *idiopathico*, accessisse tumore adulto, premente nervi octavi atque intercostalis & truncos in abdomen abituros, & numerosas in Arcu Aortæ ramificationes, *sympathicum*, probabile reddunt sensationes successu temporis, ex fixis, vagæ in pectore, abdomine, brachio ortæ. cf. & §. 13.

§. 12.

Gravissima affectio omni in Aneurysmate inveterato, ossibus vicino est horum *caries* (p. 401, 453,) in cujus

*Effectus
Aneurys-
matia
descripti.*

originem ibi etiam inquisitum est. Non desunt auctores, qui omnes promiscue partes ab Aneurysmate destrui ajunt, plurimi duras præ mollibus affici affirmant; unicus quantum memini, W. HUNTER (a), *cartilagines non affectas* notavit, ubi quæcumque alia destructa erant. Integras etiam cartilagines mea observatio ostendit. Unde hoc? Ratio quidem quam adducam parum ponderis apud illos habebit qui sæpius cartilagines cum osse destructas legunt. Ast considerent velim, toties inventum non esse, in quod non inquisitum est, sæpe certo in reliquarum partium communi strage animadversas non esse superstites cartilagines a loco præprimis naturali motas, repressas. Fatendum itaque primo, me neque solutioni partium in sanguine, istarumque absorptioni, nec erosioni humorum ichororum, admodum favere (p. 401,) sed omnia pulsi arteriæ adscribenda esse persuaderi, prouti jam expositum p. 456 legitur; proinde modo expediendum est, cur aliæ præ aliis patiantur partes. Tam in philosophia naturali, quam œconomia animali veritas stat, vim illidentem in corpus, huic eo magis nocivam esse, quo major ei durities, & quo minor simul elasticitas est. Hinc durissimum os atque cedere nesciens, nunquam impune continuum fert impulsus. Cartilago contra elastica, quoties urgetur, toties cedit, & mox vim vi reddit, id quum semper eadem lege accadat, integritas corporis conservatur. Molles partes tamdiu cedunt innocue, quamdiu, vel soluta continuitas nondum est, vel duris appressæ non sunt, hoc autem facto, ipsæ compressæ durarum legem subeunt.

(a) *Med. Obs. and Inq.* l. 348.

§. 13.

MORTEM duplici modo Aneurysma verum inferre, omnia auctorum documenta docent, dum aut rumpitur & sanguinis, quem vomit, profusione, necat, vel pressione lethalem inducit *gangrænam*. Neutrum in casu descripto accidit, ei tamen morbo succubuit homo. Docent & similia, exempla in opere sparsa (p. 37, 160, 164? 169, 171, 176, 179, 230), annotationes p. 430, atque W. HUNTER (a). Hæc dum comparamus, apparet, occidisse alios *dolorem* (p. 164, 179, 230, 430, ubi scilicet citatus MORGAGNI eum effectum de dolore edicit), alios (§. 8, p. 37, 160, 169, 171, 176,) *virium imbecillitatem* abstulisse. Dolorem quidem, eumque acerbum diutissime tolerare vitam hominis quotidianæ observationis res est, verum & illud unicum symptoma vicisse naturam, sæpe numero alias notatum, confirmant allegata loca; id, quomodo fiat, adducere, superfluum esse puto. Quatenus autem ex Aneurysmate ita frangatur vis cordis, ut tota tandem deficiat, expedire lubet. Quousque sine ullo impedimento sanguis in totum corpus æquabiliter distribuitur, cor, acceptum fluidum constanter tubo arterioso reddit, nunquam a perpetuitate laboris fatigatum. Verum quando arteria alicubi dilatata est, majore in quantitate sanguinem recipit, qui densatus sacci partem implet, interdum ita ut lumen quod superest multo minus sit diametro arteriæ naturali (b). Sive hoc sit, sive cum parvo

*Effectus
Aneurys-
matis
descripti.*

(a) *Med. Obs. and Inq.* l. 350.

(b) Coagulum sanguinis ex sacco ut plurimum in arteriam utrinque extenditur, ut inde sanæ cæterum arteriæ lumen minuanur.

Effectus coagulo fluidi sanguinis lacus quasi in sacco contineatur;
Aneurys- undæ advenienti posita resistentia est. Cor proinde inique
matris depletur; refluit pars propulsi versus illud; inde turbatus
descripti. ejus motus, palpitatio. Intenduntur itaque vires & minuuntur, quo magis vacillans in sacco resistentia augetur. Interim & pulmones sanguine infarciuntur, dum cor posterius non bene inanitum, omnem, quem pulmo sinui infundere debet, cruorem, recipere nequit; ex quo difficilis evadit respiratio. Omnia ista symptomata eo graviora sunt, quo vicinius cordi Aneurysma. Viribus itaque, magis, magisque debilitatis, nullas tandem superesse sequitur. Acceleratur lethum, quando causæ huic, hæmorrhagia accedit. Sanguinis quidem incredibilem jacturam, quæ lente fit, absque incommodo perfert homo, minoris impatiens subitæ (plures minores venæ sectiones nunquam id efficere, quod una grandis præstat, prædici norunt.) Hinc sanguis, sive ex sponte rupto Aneurysmate parva licet quantitate effluens (a), seu ex venis detractus, animi deliquia, & eam impotentiam infert, quæ pristinæ addita debilitati inevitabile fatum adducit.

V.

CURATIO INTERNA ANEURYSMATUM.

§. 14.

Curatio
interna
Aneurys-
matum.

CURATIO ANEURYSMATIS duplex est, interna s. palliativa s. medica & externa s. radicalis s. chirurgica (v. p. 509, & citatos ibi auctores). *Interna* vocatur, quæ victu

(a) Multos, qui rupto Aneurysmate, hæmorrhagia periisse dicuntur, inanitione non mortuos esse, sed ipso de quo loquor virium defectu, persuasus sum.

viſtu tenui, quiete corporis, venæ ſeſione, medicamentis diluentibus, atque refrigerantibus perficitur (v. p. 41, 67, 431, 605.) Plura in opere ſparſa ſunt Aneurysmatum verorum (a) externorum, interna medela mitigatorum (p. 51, 131, ſq.) exempla, ut illius effectus negare, neſas eſſet; eaque, ut in externis, ita & in internis Aneurysmatibus erit proficua, & in his quidem eo avidius arripienda, quum chirurgicæ locus non ſit. Quum vero HAENII (b) deſiderium » Cognitio Aneurysmatum, utinam ſignis munita pathognomicis eſſet! « neminem chirurgorum adhucdum non premat, caute mihi medicationes, quæ deſcribuntur, internæ accipiendæ videntur. Nunquam major me tenuit præſentis, quod ſanatum legi, Aneurysmatis interni dubitatio, quam quod in arteria cœliaca ſe obſervaffe ſcribit LANCISIUS (p. 72.) Illa enim, qua morbum diſtinxit in ægro obſervata ſymptomata, pulſatio nempe moleſta, anhelitus & cordis angor, Aneurysma quidem illarum partium proſeſto comitata eſſent; aſt toties aliis cum ægri tudinibus perinde obvia ſunt, palpitationum cordis nomine. Senſiſſimam eſſe corporis partem, quæ retro ſcrobiculum cordis eſt, obſervata docent, dum mentis commotiones eum præcipue locum ſenſu afficiunt, docetque theoria, dum ibi eſt in plexu ſolari centrum omnium abdominis nervorum. Diathēſis hypochondriaca & hyſterica hanc naturalem ſenſilitatem ita auget, ut frequentiſſima ibi ſint enumerata

Curatio
interna
Aneurys-
matum.

(a) Aneurysmati ſpurio, plane nihil curationem internam utilis aſſerre, illius idea monſtrat. *

(b) *Rat. Med.* V. 187.

*Curatio
interna
Aneurys-
matum.*

symptomata; ut ipse observavi. Si & remedia considero, quæ Aneurysmati illi tulit Lancisus, semper magis in mea sententia confirmor, quum cardinalia interna, venæsectionem, quietem corporis, & Diætam tenuem, ibi fuisse adhibita non invenerim. Animadversiones istæ plus minusve alias, de sanatis medice Aneurysmatibus internis, potest ferire observationes; præcipue quum pulsatio molesta unicus morbi affertur character. Dubitare mecum hac in re invenio D. MONRO (a).

§. 15.

Ad internam curationem etiam naturæ in sanando Aneurysmate efficacia pertinet, de qua cf. p. 125, 545.

(a) *Ess. and Obs. Physf. and Litt.* III, 261. If LANCISI, and other practical authors, have not mistaken the disorders, Aneurisms have sometimes been cured by a proper regimen, and medicines.



JOH. MARIÆ LANCISII
DE
ANEURYSMATIBUS
OPUS POSTHUMUM.



LANCISIUS
DE
ANEURYSMATIBUS.

LIBER PRIMUS
DE ANEURYSMATIBUS IN GENERE.
PROPOSITIO^a I.

Agitur de Aneurysmatis Etymologia.

QUAMQUAM Galenus 6. Met. cap. 1. non laudaverit Medicos curiosos nominum disquisitores : rerum namque naturas, non nominum voces diligentius præstat inquirere, nihilominus cum nomina sapientum sint munera, ut putarunt Cratylus, Heraclitus, & Pythagorici, eaque media sint inter ideas dicentium, aut scribentium, ac judicantium, aut legentium, quæ ideas rerum in nobis excitent; statim firmandum censemus, quid Prisci, quibus summum arbitrium, & jus fuit rebus nomina imponendi, de Aneurysmatibus etymo senserint.

Aneurysmatis vocem, quam Arabes corruptis nominibus Emborisma, Aporisma, Hyporisma, Latini verò strictiori sensu Arteriæ dilatationem à triplici Græco vocabulo apud nostros derivatam invenio. Primò etenim Hieronymus Montanus Aneurysma enervationem transtulit ab α privativâ particulâ, & τῇ νεύρῳ, id est à nervo;

A.

& quamquam hujusmodi etymon minimè probetur Marco Aurelio Severino De novissimis observatis abscessibus cap. VII, pag. 170. (nescit etenim intelligere, quò hujusmodi translatio referatur, cum specie differat Nervus, qui istius sedes non est affectus, & Arteria, quæ sedes est mali) attamen isthæc etymologia aliquo modo exponi potest, si accipiamus enervationem pro Arteriæ debilitate: eo quòd reverà in Aneurysmate eadem Arteria summopere infirmari, dum dilatetur, necessum sit. II. Johan. Baptista Silvaticus sedulus inter Galenicos istius mali scriptor, Aneurysma à verbo græco *εὐρυς* quod *dilato* significat, non inepto vocabulo deduxit: cum in communibus Aneurysmatibus Arteriæ adsit dilatio. Postremo præcitatus Severinus scribit, Aneurysma vocari translata græcâ dictione *εὐρυς* quæ Latinis idem sonat atque *exilire* seu *effluere*.

Sed inquiet aliquis vestrum, qualemnam bonam, utilemque eruditionis frugem ex hisce Græcis derivationibus, quæ ad Grammaticos potius, quàm ad Medicos spectare videntur, nos hodie colligemus. Sanè statim reponimus hujusmodi voces Græcas nobis scitu necessarias, docere quot, & qualia universalissima fuerint apud Practicos Aneurysmatum discrimina: scilicet duplicis ordinis; primò enim vocarunt Aneurysma tumorem illum, qui ex Arteriæ dilatatione producitur. II. Aneurysma etiam dixerunt alteram Arteriæ affectionem, in qua, apertis quomodolibet Arteriis, sanguis erumpit, ac profilit. Unde nos curabimus in sequentibus hujusmodi generalia divisionis membra, ita sejungere, ut Aneurysmatis doctrina clara, atque utilis, quantum summa hujus rei difficultas patitur, possit evadere.

PROPOSITIO II.

Exponitur generalis Aneurysmatis idea cum descriptione locorum, quæ ab hoc malo affici solent.

CUM scientia locorum affectorum apud Priscos Medicos, tanti fuerit, ut Hippocrati idem sit locorum, ac ipsorum morborum diversitas, eà ratione moveor hic ad ea describenda loca, quæ ab Aneurysmate solent occupari, ut ducto statim hoc veluti affectuum partium filo, ab Ariadneo Aneurysmatum labyrintho si fieri potest, aliquando nos expediamus,

Sciendum est itaque præprimis, quemadmodum Hippocrates medicina in cunis adhuc vagiente, nullius Aneurysmatis meminit Arteriarum, ita postmodum adolescente Arte, quemadmodum apud Galenum, Paulum, Oribasium, Aëtium, Actuarium, & Avicennam, istius in Arteriis mali plurima leguntur exempla; sic apud eosdem, quantum hæcenus videre potui, altum esse silentium de Aneurysmatibus Cordis, ejusdemque maximorum vasorum, quæ deinde minoribus natu Chirurgis, & Medicis frequenti cadaverum sectione innotuerunt: sed quoniam ut clara evadat doctrina hæc Aneurysmatum, necessarium est nonnulla assumere veluti postulata, quæ planam nobis reddant, quæ nunc aspera est, viam, idcirco sit sequens

PROPOSITIO III.

Breviter proponuntur, quæ necessaria existimantur de statu naturali, & præternaturali impetus Cordis in sanguinem, nec non sanguinis in Arterias, & quæ sit structura, crasis, & proportio prædictorum inter se.

CUM nobis agendum sit de Aneurysmatibus tam Cordis, quam Arteriarum, jure licere putamus, parumper digredi circa ea, quæ claram notionem subministrare possunt, ut causas, & modos quibus tam varia hujusce morbi discrimina oriri possint, probè intelligamus. Et quoniam Aneurysma est vitium viarum sanguinis, quod circulationem perturbat, ut suo loco videbimus, ea hic præmonenda videntur, quæ doceant statum prius naturalem instrumentorum motus sanguinis; recto enim intellectu meliùs innotescit obliquum.

Primò itaque ponendum est tamquam indubitatum, circulationem secundum naturæ leges fieri, subministratâ debitâ sanguinis quantitate à Venâ Cavâ, & Pulmonari utrique Auriculæ Cordis & ab iis immixta in Ventriculos, à quibus magnâ vi idem sanguis urgetur in Arterias, & Venas, ut denuò reducat in Cavam.

Secundò firmandum est, ut hujusmodi, quæ dictu facilis esse videtur, operatio contingat, plurima instrumenta, & causas concurrere debere. Sed quæ ad nostram explicandam doctrinam præcipuè conducunt, tria esse putamus. Primò vim, & structuram determinatam machinæ thoracis, Cavæ radices, Auricularum, & Cordis, quæ omnia ad motum, & impulsum sanguinis validè conspirant. II.

Quantitatem & qualitatem determinatam sanguinis à supradictis moventibus impellendi. III. Determinatam resistantiam, motum, figuram, & libertatem Arteriarum, & Venarum usque in Cavam. Quæ quidem tria brevibus perstringuntur, si dixeris opus esse movente, mobili, & viis.

Tertiò similiter supponendum, inter tria superius enunciata particularem quandam proportionem debere intercedere in tempore, in vi, & resistantiis. Primò etenim instrumenta respirationis, neque minus, neque magis, quàm par est, debent operari. Ita pariter Auriculæ, & Ventriculi Cordis suis perturbari non debent in motibus. Ipsi quoque Ventriculi tantâ vi sanguinem in Arterias opus est impellant, ut major sit resistantia ejusdem sanguinis, sed non major resistantia distractarum Arteriarum. II. Dein sanguis determinatis quantitate, pondere, fluiditate, momento velocitatis, & crassi, necesse est instruiatur, & polleat: si enim exiguæ, vel maximæ sit quantitatis, si in specie gravior, si minus fluxilis, si acer, & mordax; hæc quidem vitiabunt leges proportionis, quæ intercedant oportet inter vires impellentis Cordis, & impulsus sanguinis, ac inter impulsum sanguinem, & resistantias, atque particulares texturas, seu superficies continentium parietum, ac vasorum: finge namque naturali conditione graviolem, & tenaciorem esse sanguinem, certè idem à Corde ægrius urgebitur, & inter inæquales, asperasque Cordis capacitates minus liquidas, & magis graves particulas faciliè relinquer: ac proinde tum Cor necessariò afficietur, tum venturus à tergo sanguis suo in itinere sistetur, quod sanè maximo cum continentium capacitatum, ac vasorum discrimine continget.

Finge rursus sanguinem acrem, ac mordacem; tunc quis non videt ab eodem gracilem villorum cordis, & Arteriarum texturam, si diu hæreat cum iis, de facili posse dissolvi?

Demum Arteriæ ipsæ & figuram cylindricam similem habere debent, & fibrarum firmitatem, & cohesionem eò usque tantummodò distractilem, ut dum eadem Arteriæ in systole reperiuntur, minorem habeant resistantiam ad impetum sanguinis, majorem verò, dum positi sunt in diastole, ut superius diximus, unde Arteria contra sanguinem resilire possit, & contrahi. Cogita modo Arteriam alicubi, vel externo incidente, aut contundente instrumento debilitatam, aut naturaliter, laxè, & minoribus fibris contextam; tunc fieri non

poterit, quin statim tibi veniat in mentem, resistendi vim apud eandem Arteriam paulatim cum vi projecti sanguinis æquandam, ac temporis processu minorem adhuc impetu sanguinis evasuram, seu hic, illicque rimas aperituram. Præsertim cum nifus propulsi sanguinis sit extrinsecus, scilicet à Corde ipsis Arteriis adveniens, ac proinde vehementius in easdem agat, ut patet ex scientia virium percussionis, & exemplo fistularum plumbearum, per quas ex altiori situ aqua devolvitur, quæ ubi minorem quàm oportet, fistulæ offendit resistantiam, facillè illam superat, ac perrumpit. Nemo enim inficiabitur, scissâ usque in capacitatem Arteriâ, liberum sanguini exitum præberi, quia omnis ablata est tunicarum resistantia.

Ad vias etiam sanguinis reducitur libertas Arteriarum. Etenim si alicubi compressa; constricta, obstructa, aut aliter viciata inveniatur, tunc sanguinis fluxu cohibito, statim ictus fluidi sanguinei reflectitur, ac reverberatur, seu duplicatur contra solitam resistantiam superioris sectionis Arteriæ, aut cavarum Cordis. De quibus omnibus (singulatim, & fusiùs particularibus in locis repetendis) supersedebimus hic longius disquirere.

PROPOSITIO IV.

Exponitur generalis quædam Aneurysmatum definitio.

LONGUS sanè, & omninò inutilis esset labor aliorum hic definitiones Aneurysmatum perstringere, cum Auctores particularia quædam ab ipsis cognita, & visa, non verò omnia & singula comprehendere tentaverint, quod equidem nobis in animo nunc est, nec omninò diffidimus id assequi posse; constat enim in quolibet Aneurysmate Cordis, vel Arteriarum cum fluxu sanguinis in vicina spatia, vel extrà corpus, aut sine, sanguinis affluvio semper admittendam esse enervationem, seu divulsionem aliquam fibrarum, Arteriarum tunicas, vel muscularem Cordis, aut Auricularum carnem texentium, quare necessariò concipere debemus, in omnibus Aneurysmatibus villos, ac fibras plus minusve ab eo cohæisionis, & nexûs momento, quo ad invicem colligantur, & connectuntur recedere debere.

Sit igitur generalis hujus mali definitio, nimirum Aneurysma est imminuta plus, minusve, aut omninò ablata cohæsió villorum con-

trañtilium, Arterias, & Cor alicubi textentium, unde oritur, vel tumor pulsatilis Arteriæ, vel fluxus vehemens ejusdem sanguinis extrâ Arteriam. Si quis enim attentè perpendat hujusmodi descriptionem, certè cognoscet, quascumque Aneurysmatum species alterâ ex iis conditionibus donari, scilicet plus, minusve imminuâ, vel omninò ablatâ cohæfione fibrarum Arterias, vel Cordis machinam componentium.

Sed quoniam enervata fibrarum cohæfio multipliciter contingere potest, eâ de re clarioris doctrinæ gratiâ hoc mali genus in suas quasque differentias dividendum, ac subdividendum esse putamus. Quapropter sit

PROPOSITIO V.

Ostenditur necessitas dividendi Aneurysmata in varias differentias, sed præferim in Aneurysma legitimum & spurium.

NULLA profectò in Arte, vel Scientia evidentius, quàm in Medicina illud apparet, quod scriptum reliquit Plutarchus, nomina scilicet numero pauciora semper fuisse numero ipsarum rerum, nos enim uno, eodemque sæpissimè vocabulo plures inter se, & naturâ, & exitu distinctos morbos appellamus, ut res per otium attentè consideramus liquidò patebit. Hodie equidem clarum istius animadversionis offendimus exemplum in eo, circâ quod versamur argumento, Aneurysma enim, ut in præcedenti Propositione obiter tetigimus, quamquàm sedem habeat in Corde, atque in Arteria, non unicam tamen eorum affectionem (si Priscorum vestigia premere velimus) indicare videtur.

Neque tantummodo in firmanda hujus mali essentiâ diversas Medici adhibuerunt ideas, sed vel in recensendis causis vario illarum genere usi sunt: Nunc enim ex Arteriarum, Cordisque vulneribus iisque nunc ad usque cavam penetrantibus, nunc verò externas dumtaxat tunicas scindentibus, nunc ex contusionibus, compressionibus, aut erosionibus, vel nimium auctis sanguinis conatibus ortum habere scripserunt; cumque hæ causæ non agant singulæ eadem ratione, ac nunc in Arteriarum, Cordisque substantiam; quinimò (quod maximi est) cum non eadem omnibus, sed singularis singulis, ex prædictis causis propria opponatur curatio, unicâ certè mentis notionè

multiplex hujus mali status, & causarum concursus contineri non poterit; sed opus erit in suas classes, ac differentias singula Aneurysmata probè referre. Ita siquidem, perspectis singillatim veris, ac specificis ideis, & causarum agendi modis istius funestissimæ ægritudinis, mens nostra prius accedat ei veritati, ad quam sapiens Medicus, priusquam suam curationi manum admoveat, inhareere debet, ut facillè suos ponat ob oculos veras rationes, quibus sit, ut nonnulla Aneurysmata citissimè, nonnulla tardius, nonnulla verò nunquam ægros ad tumulum, nisi senectute collabentes perducant.

Primò itaque dividemus Aneurysmata in legitima, & spuria. Legitima vocamus ea, quæ sunt à causis proximè debilitantibus Arteriarum vel Cordis texturas, & resistentias: nimirum quæ brevi tempore tollunt aut saltem imminuunt firmum, validumque villorum nexum; & hujus porro generis alia sunt, quæ ab exterioribus causis, puta vulneribus, aut contusionibus oriuntur; alia verò quæ ab interioribus, nimirum nunc à naturali villorum paucitate, ac laxitate, nunc ob culpam accreti morbi sunt, cujusmodi sunt erosiones, aut villorum tabescentia.

Spuria verò appellamus Aneurysmata, quæ ab initio non pendent à debilitata resistentia villorum, ac fibrarum Cor, & Arterias texentium, sed potius ab adaucta vi impetus, vel recti, vel reflexi sanguinem supranaturalem, & ordinariam Arteriarum, & Cordis resistentiam impellentis; ita ut debilitatio, ac discissio villorum posterior sit, seu effectus adaucti momenti impetus, ac nifus sanguinis ad consuetas vasorum resistentias. Hanc speciem Aneurysmatis produciunt validi corporis conatus in Bajulis, ac Tubicinibus, qui motum atque impetum sanguinis naturali constitutione longè voluntariis suis nifibus majorem reddunt. Hanc quoque accersunt Arteriarum alicubi convulsiones, compressiones, ac obstructions, ut in hypochondriacis, quibus sanè causis, si erosio postmodum accesserit, spurium Aneurysma in legitimum transit.

Secundò Aneurysmata legitima rursus dividimus in ea, quæ conjunctam habent integram tunicarum Arteriarum, aut partium Cordis scissuram, exesionem, aut quemcumque alium hiatus, per quem sanguis extrà cava, & quandoque extrà corpus erumpat, vel comitem habet solam dilatationem diametri cavi Arteriæ, vel Cordis: unde tumor iis in locis, non quidem à vicinis partibus sanguine

repletis, ac distensis, sed à valido impetu fluentis per ea cava: liquidi elevatur.

Ex iis verò Aneurysmatis discriminibus attentè perspectis, tamquam per Corollarium deducere possumus, non omne Aneurysma sub tumorum genere comprehendi: cum ea quæ à confossis Arteriis, aut Corde fiunt, cadunt sub genere hæmorrhagiarum: & ea solum ad tumores reduci posse, quæ à laxatis, erosis, aut quoquomodo distensis supra naturalem Arteriæ diametrum fibris oriuntur, superstitibus semper integris vicinis partibus, aut saltem si externa fuerint universalibus tegumentis, quæ tumidæ arteriæ superinducuntur.

Sed quoniam diversa est ratio, seu saltem concipiendi modus generationis Aneurysmatis in Arteriis, ac in ipso Corde, idcirco, ut utrorumque Ætiologiæ, quò fieri potest clarius percipiantur, consentaneum suo loco ducimus agere prius de Arteriarum Aneurysmatibus, quippe quæ frequentiora sunt, ac magis obvia: ut deinde facilius ad Cordis Aneurysmata aggrediamur.

Advertenda hic signa, quibus distinguitur Aneurysma Cordis à Pericardii tumore. Vidimus enim quendam inauratorem, qui cum viveret Cordis palpitatione, & spiritus angustiis laborabat, quique palam Aneurysmate certe tentatus credebatur; is post varias sanguinis missiones, à quibus alleviari videbatur, repente obiit: In cujus postea cadavere prægrandis abscessus, qui disruptus liquorem meliceroident effudit: occupabat autem Pericardii basin, unam inter, alteramque tunicam.



LIBER SECUNDUS

DE ANEURYSMATIBUS PARTICULARIBUS.

CAPUT I.

De Aneurysmatibus legitimis Arteriarum.

CUM Aneurysmata legitima Arteriarum, ea esse dixerimus, quæ proximè ab omnino ablata, vel infirmata alicubi resistentiâ ipsarum Arteriarum proficiuntur, nemo certe in horum intimas naturas penetrare poterit, quin rectè prænoscat veram Arteriarum structuram, earumque particulares affectus. Sit proinde

PROPOSITIO VI.

Firmatur qualis sit vera Arteriarum structura, earundemque usus.

QUAMQUAM Arteriæ sint tubi cylindrici, quorum textura in quasque partes facile resolvi potest; nihilominus clamosa viget apud Anatomicos quæstio de earundem structurâ; alii enim contendunt fibris utcunque contractilibus; alii etiam muscularibus constare, quibus fibris dilatari & constringi aliter crediderunt; alii secus nullis ordinatis, seu organice contextis fibris compaginari voluerunt, sed illarum texturam nihil aliud esse, quam tomentosum quoddam villorum aggregatum communi tunicâ circumseptum, ut scilicet sanguinis nisi tantum cederet, quantum distrahi potest, ut naturaliter veniant in contractionem. At verò miror sane, quomodo in re oculis obviâ etiam classici Auctores hallucinati fuerint, præsertim postquam Willisi egregiam dissecandi Arterias methodum tradidit.

Ut igitur hujus canalis structura elucescat, sumatur quicumque Arteriæ ramus: sed ut facilius nudis oculis occurrat, experimentum sumatur Arteria Magna, eaque, intruso apto ligneo cylindro, ferrent aquâ sapius madefiat; deinde cultro, & stylo ab exterioribus

in partes interiores sensim procedatur; ita enim quatuor distinctis membranis Arterias compaginari deprehendimus.

Prima est pure villosa, & tenuissimis constans filis, quæ si elevare tentaveris, eadem implicata cernes perinde quasi gossipii fila, aut eâdem istorum filorum spumam, qua folliculus sericus exterius circumducitur: intra huiusmodi fila implicantur exillima vascula tum sanguinea, tum nervea.

Secundam deinde membranam densiorem, ac distractioni magis resistentem offendes, hæc Willisio glandulosa creditur, & nobis quidem se habere videtur veluti propagatio pleuræ, seu interioris Pericardii membranæ; similem enim soliditatem, ac texturam sortitur: multis etiam instructa est fibris longitudinalibus.

Tertia vero plane fibrosa occurrit, & omnium est crassissima, ita ut eadem sectoris dexteritate, ac patientiâ in plures laminas deduci possit; quemadmodum nobis non semel videre contigit, & quod maximè notandum, huiusmodi fibræ, quæ Galeno ventriculi lacertis assimilantur, revera circulares, seu annulares occurrunt.

Quarta seu postrema ex membranis est omnium subtilissima seu valida, & quamquam angustissimis foraminibus sit pervia, diaphana tamen est, ac lumini objecta perlucet: hæc autem Arteriarum tunica, ei responderet, quæ interiorem ventriculorum Cordis faciem investit, quæque cum densissimâ villorum texturâ compaginetur, subtiliores, ac volatiliores particulas facile procul dubio magnâ ex parte avolaturas unica coërcet: Rarior namque cæterarum textura volatiles partes ægre posset retinere. In hac sane membranâ duo insuper observanda sese exhibent, primum interior ejusdem facies tota oleaceo quodam glutine lævigata, quo glutine influenti liquori via redditur expeditior, ac magis lubrica. Alterum, non ubique, sed certis in locis, & potissimum in magnis Arteriarum ramis occurrit distributio quorundam adiposorum folliculorum, qui citrà microscopium in Aorta evidenter cernuntur: à quibus probabile est adipem separari, & colligi, indeque separatim hic illicque opportunè sensim evomi, ut oleacea huiusmodi substantia Arteriæ lævigentur, ut superius diximus.

Ex iis porrò clarè deducere possumus, Arterias, cum densis, ac sese decussantibus fibris (quas contractiles esse nemo inficiabitur) phvolvantur per vim, & molem sanguinis à Corde exeuntis ultrâ

naturalem diametrum, in quo flaccidæ, seu laxæ esse solent, distendi; sed postquam ad ultimum distensionis statum venerint, & moles sanguinis à Corde noviter expulsa in successivas Arterias rapidè præterfluxerit, introrsum confestim propria fibrarum restitutione, nec non etiam alternativa cum Corde vigoratione sese proripiunt, ut hac ipsa ratione novum impetum languescenti alioquin in cursu suo sanguini novum impetum adjungant.

PROPOSITIO VII.

Proponitur idea, & divisio Aneurysmatum Arteriarum ex vulneribus.

CUM agentes de Aneurysmatibus in genere inter causas legittimorum Aneurysmatum enumeravimus vulnera: hæc autem in sensus nostros faciliùs quàm reliquæ causæ soleant incurere, ordo, ratioque exposcit, ut à magis perspicuis, ac facilioribus initium ducentes, primò enarremus Aneurysmata ex vulnere inducta.

Notandum autem, sectionem Arteriæ, per quam sanguis liberè, & extrà corpus fluit, non esse verum Aneurysma: cum hoc malum reducatur ad genus vulnere, & hæmorrhagiarum. Nihilominus tamen quoniam ex hujusmodi incisione frequentissime oritur tumor, qui passim Aneurysma dicitur, non immeritò de Arteriæ vulnere omnium primò nobis agendum esse ducimus: quia probè intellectà ratione tum modi, quo vulnus reverà in Arterià apertum fuisse cognoscitur, cum methòdi quâ idem citò curari potest, nondum factum Aneurysma præcaveri, factum verò facilius curari poterit.

Notandum II. vulnus Arteriæ vel pertingere ad ipsius cavum usque, ita ut inde sanguis vehementissimè statim ejaculetur; vel non penetrare usque in cavum scissis tantummodò membranis exterioribus cum parte etiam fibrarum circularium. Qui casus licet sit rarissimus, aliquando tamen potest contingere: & contigisse memini cuidam, cujus historiam inferius narrabimus. Et quoniam utriusque casus, rationes, ac medelæ non sunt eadem, ideo distinctis Propositionibus agemus de singulis.



LANCISIUS
PROPOSITIO VIII.

Quomodo cognoscitur Arteriam usque in cavum vulneratam fuisse.

CUM Arteriæ vulnus plerumque contingat in Venæ sectione, cujus abusu fortè hanc datam fuisse pœnam nonnulli ingeniosè opinantur, non immeritò ostendenda sunt signa, quibus non venam simpliciter, sed subjectam insimul, vel ad latus positam Arteriam incisam fuisse cognoscamus, neque enim satis est ad asserendam Arteriam vulneratam fuisse, ut sanguis ex vulnere tenuis, fervidus, & in spatium satis distans profiliat: fieri enim potest, ut incisâ tantummodò vena in juvene biliofo, iracundo, acutâ febris detento, & in quo anastomosis aliqua Arteriæ cum Vena proxima sit, emissario in vena aperto, ut, inquam, omnia superius enunciata phænomena absque ullo Arteriæ vitio contingant. Secus autem vulnerari potest, à Phlebotomo Arteria, etiamsi statim sanguis magno cum impetu non egrediatur: scilicet quotiescumque injectum suprà Venæ incisionem vinculum adeo perstrictum fuerit, ut simul cum Vena Arteriam etiam validè comprimat, cursumque per illam sanguinis infrâ ligamen prohibeat.

Et quoniam Chirurgus, ac Medicus accersiri possunt ad invensum ægrotum, vel dum adhuc Barbitonfor est in actu missionis sanguinis, vel postquam circumducta de more fascia, sanguis per illam trajicitur, aut si non amplius trajicitur, elevatus est in parte tumor, quem nostri Ecchymosim vocant; utriusque casus pathognomonica signa tradenda sunt.

Cognoscitur primò Arteriam fuisse vulneratam, dum actu liberè sanguis fluit, non tantum ex saltu, & summa fluxus vehementia; sed potissimum tentando validè pollice premendo, tum suprà, tum infrâ vulnus; si enim vena tantummodò aperta fuerit, tunc eadem compressa infrâ emissarium è vestigio sanguis fluere desinet; secus autem si Arteria fuerit incisâ per inferiorem illam compressionem non tantum non sistitur ejusdem hæmorrhagia, sed adaugetur, nec eadem retardari potest, nisi forte compressione suprà ipsam incisionem, unde impediatur excursus sanguinis per Arteriam ad apertum locum.

Si verò Barbitonfor existimans se venam aperuisse cum Arteriam vulneraverit brachium consueta fascia in cubitu jam deligaverit, tunc accersitus Chirurgus vel Medicus clarè poterit dignoscere

Arteriam pertusam fuisse; si sedulò advertat, vel sanguinis effluvium, nullà alià ratione sisti posse, quàm injecto fortissimo suprà vulnus vinculo, vel jam suppressam esse hæmorrhagiam, sed inde natum tumorem Anserini ovi circiter magnitudinem æquantem, qui principio pulsatur, & longè major est eo, qui ex Vena duntaxat aperta attollitur. Deinde verò durus, & validè renitens cum sepulta ob coagulatum in succutaneis, & muscularibus spatiis sanguinem pulsatione; quæ vix à peritissimis dignosci solet. Quinimò aliquando ipsa pulsatio omnino cessat, non solum quia concretus sanguis pulsationi mirum in modum resistit, sed vel maximè quia Arteria comprimitur, atque angustatur ab effuso sanguine ex vulneratis vasis in interstitia adjacentium partium: quo sanguine Arteriæ tunicæ extrinsecus gravatæ, ac veluti constrictæ dilatari nequeunt ab urgente intrinsecus sanguine per Arteriarum canales impulso: hujus enim vis impar est oneri extrinsecus prementis sanguinis attollendo. Signa sunt etiam vulneratæ Arteriæ dolor in loco compuncto, & propagatio stagnantis sanguinis per infernas brachii partes, unde solet non rarò necrosis induci, ut inferius docebitur. Color Ecchymosis primò est ruber, deinde livescit.

PROPOSITIO IX.

Quid sentiendum de eventu vulnerum Arteriarum.

DISTINGUENDUM est in Arteriarum vulnere qualitas, & situs canalis; si enim Arteria sit magna, eaque aliquo in ventre incisa, cui nullà ratione mederi possimus, res est omnino conclamata. Si verò sermo sit de Arteriis minoribus, artus, vel externas musculares partes occupantibus, eæ, quidem si peritum in vestigio inveniant Artificem, difficiles utique curatu, sed non impossibiles erunt; nisi tamen affectum membrum ex orta Ecchymosi in gangrænam, & sphacelum transierit: tunc enim res est periculi plena, ita ut ferè omnes, qui ex vulnerata in cubitu Arteria decesserunt ob illatam brachii necrosim obierint: cui, ut opportunè succurratur, sint sequentes Propositiones.



LANCISIUS
PROPOSITIO X.

*Proponuntur methodi curandi vulnera Arteriarum minus rationales,
ac laudabiles.*

UT in omni protinus Arte, ita in Re Medica accidit, ut quot sunt Artificum capita, tot ferantur agendorum sententiæ, hinc plurimæ proponuntur à practicis curandi rationes in Arteriarum vulneribus: quarum quidem rationum, cum aliquæ optatis minimè respondeant, ægros in vitæ periculum ut plurimum inducentes; has non incongruum erit primo referre, ut juniores statim in limine, quod vetare debent inveniunt: Harum vero

Prima est illorum, qui vulneratam Arteriam igne trahant; atque non advertunt isti, transacto triduo, cadentem escharam illicò sanguini fores aperire, & ut ægris vitæ discrimen, ita Chirurgis infamiam asserre.

Secunda illa est, quæ jubet vulneratam Arteriam emplastro adstringente cum pulvillis, & circumductâ fasciâ in loco dumtaxat affecto fortiter esse comprimendam. Sed hujusmodi methodus si ægrum inveniatur cacochymum, aut nimis plethoricum, prohibendo excursum liquidorum sanguinis, ac lymphæ à partibus infra constrictionem positis, in hac facile necrosim producere potest, unde ægrotus mortem, quam ex hæmorrhagia vel Aneurysmate vitare satagit, forsitan citius incurrit.

Tertia est illorum, qui laudant, & magni faciunt aquam stypticam, quam fauciatorum anchoram vocant. Hac enim linteamina quintuplicata probe humectant, & orificio Arteriæ, vel trunco membri extirpato justo injecto vinculo superimponunt, illamque ad sidera extollunt, affirmantes momento temporis congelare sanguinem, ac vasa protinus corrugare. Sed licet is non sim, qui hujusmodi aquæ efficaciam in sistendo sanguine, non majorem simplicis aquæ pluvie vel fontis credam, ut famigeratissimus quidam nostræ ætate Vir scriptum reliquit: ejus tamen energiam eo ipso nomine periculofam, quod magnâ polleat vi cogendi, ac sistendi sanguinem, quæ quidem vis tanta est, ut prædicta aqua in vivi canis Venas infusa, è vestigio idem animal in miros ejulatus, inque varias, vehementesque convulsiones urgeat, brevique interimat. Quarè

metuendum mihi videtur, ne, cum in Arteriarum incisionibus ut plurimum Venæ etiam vulnerentur, istius liquoris particulæ redeunt versus Præcordia sanguini permixtæ eum, cum in Cordis ventriculis, tum in Pulmonibus coagulent. Id quod probè norunt ii, qui experimento compererunt, quod ipse sæpius observavi ex effusa aqua styptica amputatis membris, post modicum temporis intervallum, varia Cordis pathemata, asphyxias, eandemque mortem, magno cum Chirurgorum dedecore supervenisse. Illud tamen tacere non possum inter aquas stypticas nonnullas inveniri, quæ non sunt ex destillatis vitriolo, alumine, sed ex solutis dumtaxat in aqua pluvia addita etiam terra Japonica, hæ enim habent utique vim constringendi ob salium austeritatem, subitam tamen, sed sanguini coagulationem nequaquam inducunt: verum, ut inferius dicemus, præstat topicis glutinosis, & in emplastri formam, quam aqueis in sanguiferorum vulneribus uti; vel ipse enim aquæ stypticæ contactus noxius est; facili enim (cum fluida sit) extrinsecus illita interiora subit, & perniciem affert.

PROPOSITIO XL

Quæ sit opportunior methodus pro curandis Vulneribus Arteriarum; dum adu fluit sanguis.

ANTEQUAM methodum, ac viam curandi Arteriarum vulnera exponam rationi magis consentaneam, eorum error abjiciendus, qui existimant, quo minus coalescant vulnera, atque cicatrice obducantur, inopiâ fieri materiæ vi corporis partes instaurandi præditæ: quam quidem Veteres ex spermate proficisci commenti sunt.

In qua opinione refellenda tempus non teram. Duæ igitur potissimæ sunt causæ, quibus vulneratæ Arteriæ coire prohibentur: distantia nimirum, ac distractio labiorum vulneris, ac motus sanguinis, alternaque Arteriarum systole, ac diastole. Quarum causarum prima est veluti intrinseca, & aliis corporis partibus communis, quæ ex fibris contextuntur, quibus insita est facultas se contrahendi. Etenim incisæ fibræ sese contrahentes labia vulneris diducunt: quamobrem aptari nequeunt, ac glutine jungi, ferruminarique: Altera vero causa Arteriis est propria ac peculiaris, motus videlicet sanguinis, qui ex Corde pulsus tunicas Arteriarum distendit: quò fit, ut vul-

neris labia alternatim recedentia, atque accedentia inter se committi non possint : cum statim ac coire coeperint, sanguinis impulsu divulsâ removeantur, glutine disjecto adhuc molli, & infirmo.

Ex his apertè intelligitur Arteriarum vulnera curationem facile; obduâ cicatrice, admissura, si eorum labia inter se admota, atque conjuncta, probè aptentur, ac diutius in eo situ contineantur : interim verò una curatur, ne sanguis ad affectam partem impellat, vel saltem ut ipsius impetus quoad fieri poterit infringatur, ac debilitetur : hæc enim ratione succus, qui ex tunicarum fibris sponte manat nutritioni idoneus sensim coalescet, ac infixam plagam glutinabit.

Quamobrem incisarum Arteriarum curatio in tribus potissimum reposita est. In cito nimirum sanguinis fluxu sistendo, deinde in vulnere apte deligando, tertio in idoneo remedio topico admovendo.

Quod ad primum attinet, nullum efficacius, ac tutius est auxilium ad vulnerum labia componenda, sanguinisque impetum, atque effluviū cohibendum, quàm admotis vulneri pulveribus digitis, ac manibus hiantem Arteriam comprimere, ac diuturno continere, donec confirmetur. Utinam in Emin. Purpurato, aliisque quibus Romæ loco Venæ incisa fuit Arteria, ipsi Chirurgi non solis fasciis, sed ministrorum digitis confisi, sanguinem sistere curassent, procul dubio idem ægri non decessissent eâ civissime privati animâ quam satis impie in solo sanguine locavit Galenus. Quid enim facilius est apud divites, vel etiam apud pauperes in Nosocomiis, quàm per vices mutare ministros, & famulos, qui exitui sanguinis diligenter invigilent, & suis digitis optimè renitentur. Sed quoniam fieri potest, ut adstantes, etiamsi fuerint necessarii, adhuc tamen tædio afficiantur, idcirco chalybeum instrumentum inventum est apud Gallos, quod persimile dixerim illi instrumento, quo ad repellendum omentum, vel intestinum apud herniosos utimur; habet namque vim elasticam foris intrò urgentem, quod sanè, cum violenter dilatatur, membrum admittit, sed postea in naturam suam rediens affectum locum ita premit, urgetque, perinde quasi ministri digitus esset : Quinimò cum instrumentum non undequaque, & circulariter, quemadmodum fascia, sed oppositis quasi punctis anteriori nimirum supra vulnus, & è diametro posteriori dumtaxat pone brachium valide nitatur, opportunissimum est ad inhibendum exitum sanguinis,

sed

sed non ad prohibendum fluidorum exitum, reditumque per alia quæque vasa, cum spatia lateralia supersint, quæ à pressione sunt omnino libera. De cætero hujusmodi machina parari etiam posset cum cochlea, per quam circumducta ferrea spira pro opportunitate subiectam laminam plumbeam, supra vulnus magis, vel minus urgeat. Doctissimus de Nuck in suis Experimentis Chirurgicis Exp. 29. pag. 99. torcular in delineatâ figurâ proponit, quod huic usui tanto certe accommodatius esset, quantò facilius, ac citius ex fasciis in circulum ductis parari potest, nisi ipsa resurgentis sanguinis renitentia, summo pere obstaret. Anxie interim expectamus novum, si talis est, modum sistendi sanguinis citrà ligamen, quem spondet in sua IV Epistola D. Desnoëves Chirurgus Gallus.

Cum provisum fuerit exitui sanguinis, statim cogitandum erit de convenienti per fasciam constrictione, nec non de qualitate topici admovendi. Circa fasciæ admotionem, eam semper in isto casu præferrem, quam proponit alias laudatus Genga; hæc enim à summis & singulis digitis incipiens in brachio, vel in crure, sensimque scaridens per Venarum cursum usque ad affectum locum, ubi firmius pluries, ac decussatim circumducta ascendere debet, usque ad humerum, vel ad coxam. Ita enim probe compressis Venarum, Arteriarumque extremitatibus, ne remoram faciant, ac necrosim inducant, prohibentur. Juvat etiam rotundam assulam in parte internâ humeri, de more fasciis consuere, & foriter deligare, ut sanguinis decurrentis per Arteriam impetus si non plane tollatur, saltem diminuat.

Denique quamquàm unio, & cicatricis obductio, omnino pendeat à natura, nihilominus juvari potest per admotionem remediorum, quæ in isto casu (exclusis spiritibus mineralibus) multiplicia esse possunt : & idcirco varia apud Auctores prostant in forma scilicet pulveris ex bolo armeno, terrâ sigillatâ, scoriâ ferri, myrrhâ, lapide hæmatite, gypso, terrâ Japonicâ, radicibus consolidæ, plantaginis, sed potissimum ex vitriolo calcinato, seu ex pulvere, quem unguentum armatum vocant : In forma etiam emplastri calcinati ex isidæra pulveribus, cum succo plantaginis, consolidæ, & urticæ, nec non albumine ovi, & modico laudani opiat; fert enim & Wepferus laudano Arteriæ vulnere admoto hæmorrhagiam stetisse. Sunt qui magis compendiarium curam faciunt (aliquandò enim ruri facere cogimur) utentes frustulo casei recens, & non saliti, quod glut-

nosum quid habet vasorum unioni admodum consentaneum. Sunt qui ceratum laudant, cujus hæc sit formula.

℞. Pul. Catechu.	}	a 3 i j.
Croc. mart. adstr.		
Terræ vitriol. dulc.		
Bol. armen.	}	a 3 j.
Ter. sigill. rubr.		
Thuris,	}	a 3 ff.
Myrrhæ.		
Opii pulv. gr. viij.		
Comphoræ gr. jv.		

cum sufficienti quantitate cereæ resinæ pini, & olei hyperici f. ceratum molle. Huc etiam conferre poteris, quæ describit Julius Cæsar Claud. conf. 67.

Sunt qui laudant emplastrum de calcitide, quod apud Rosinum Lentilium Miscellaneis Medicis Præf. Tit. Empl. de Calcit. pag. 66. descriptum invenies, quique subdit hujusmodi remedium à Scretæ plurimum fuisse commendatum in Aneurysmate nondum inveterato, ubi monetam minorem, aut laminam plumbeam cum hoc emplastro diu applicare jubet, & quidem duriusculum vinculum, vitatis exercitiis vehementioribus, & diætâ parciore primum institutâ.

Præusquam igitur fasciæ circumducatur, labia vulneris carpitis linteis emplastro hoc, vel pulveribus immixtis erunt obturanda, deinde monetâ plumbeâ aut æneâ cum quintuplicato linteo (imbuto liquore styptico, ex solâ infusione, & ebullitione cholcoris vitrioli factâ in aquâ tormentillæ chalybeatâ) muniatur pars affecta: quæ deinde in situ magis naturali, sed paulò elatiori collocata fasciis modò superius indicato, sed inter se contrariis cum ordinibus circumductis appositè deligetur; neque interim per octiduum de alio cogitare oportet, quàm de quiete illius membri, & de reiterata sæpe in die humectatione fasciarum in loco vulnere respondente cum liquore styptico, qua sanè via ipse Galenus v. method. cap. 6. plura Arteriarum vulnera à se feliciter curata tradit. Quod si aliquid mali ex fortiori constrictione infernis partibus timeretur, eadem sæpe vino myrrhato, aut spiritu vini camphorato erunt fovendæ, cavendo semper, ne hujusmodi liquida vulneratum locum tangant. Transacto octiduo, auferenda erit ferula, & laxandæ parumper fasciæ, donec denudetur

vulnus, quod emplastro, moneta plumbea, plumaceolis, & fasciâ rursus muniendum, & quidem quanto diuturnior erit gestatio fasciarum, tanto validior singulas membranas comprehendens generabitur cicatrix, idonea ad resistendum impetui sanguinis: Memini duorum virorum, qui per integros annos monetam plumbeam cum fasciâ suprâ cicatricem prudenter gestarunt. Secus atque aliquibus accidit, qui suis viribus, & apparenti cicatrici nimirum fidentes enata inde Aneurysmata infelicitè sustulerunt. Cujus sanè eventus causa patentissima est: etenim cum Arteria ex pluribus, ut diximus, tunicis constet, quarum tertia diversis fibrarum ordinibus invicem decussatim advolutis comprehenditur, fieri interdum potest, ut per validas fasciarum constrictiones, & per admota adstringentia exteriores tunicæ coalescant, interioribus verò adhuc divulsis, quibus ita stantibus si tollatur superadditus fasciarum obex, sanguis adhuc appellens cum solito minorem resistantiam offenderit, locum divisionis necessariò distraheth, & ad amplitudinem coget, seu in tumorem, quem Aneurysma dicimus, sensim elevabit; quòd si fuerit in principio, solo usu fasciæ comprimentis, & adstringentis feliciter curari potest, si verò ad magnam excreverit amplitudinem, tunc efficaci opus erit Chirurgiâ, quam dabimus Prop. XV.

Loquendum pariter esset in curâ vulneris Arteriarum de aliis remediis, quæ universum corpus respiciunt, puta de sanguinis missione, si æger sit robustus, quam ex contrariis partibus celebrandum esse laudamus: hæc enim molem, & motum sanguinis avertit, quominus ad affectum locum influat: De rigorosa diætâ, quæ vulneratis semper conducit, ac proinde tantopere ab Hippocrate commendatur: De juribus vulnerariis, quæ resinosis suis particulis citam vulneris agglutinationem adducere solent: De vini abstinentia: De alvi lubricitate per clysteres promovenda, nec non etiam per blanda solventia, si pravus adsit corporis apparatus, qua sanè in re legatur curatio facta cum purgantibus à Gulielmo Fabricio Hildano Cent. 3. observ. 44. Tandem de quiete tum animi, tum corporis: sed cum hic agamus de parte præcipuè Chirurgica, assumimus jam peritum Medicum hisce ægrotantibus consilia, opemque opportunè laturum, idcirco à longiori istarum rerum disquisitione libenter abstinemus.

LANCISIUS
PROPOSITIO XII.

Agiur de vulnere Arteriarum cum Ecchymosi, quam verum esse Aneurysma probamus.

RECTÈ quidem Thômas Bartholinus cent. 3. Epistolarum Epist. 54. Deum precari solebat, ut hujusmodi Aneurysmatum species, vel averteret, vel curæ suæ subtraheret, cum plerumque mala ista lethalia sint, eorumque progressus à minimo ad maximum incuriæ Chirurgorum, ac Medicorum à vulgo hominum soleant adscribi. Ut igitur ægris vitæ periculum, professoribus propriæ discrimen famæ opportunè præcaveatur, in memoriam identidem vocandum esse censemus utilissimum illud adagium. *Felix quem faciunt aliena pericula cautum.* tota namque offensio hisce in casibus sita est in eo, quod Artifices timidiore, quàm ratio postulet, tùm in prædicendo, tùm in operando se ostendant; necessarium quippe censemus, ut statim atque accersiti sunt Chirurgus, & Medicus, delineatam futurorum malorum tabulam, si à filo rectæ curationis vel minimum deflectatur, tùm ægro, tùm necessariis viriliter ostendant; factò dein prognostico, totos se curationi accingere debent.

Sed hic me continere non possum, quin acriter succenseam nonnullos, qui parvum morbum extollere solent, quo se magis præstitisse videantur, loquor de illis, qui vocati ad invisendum ægrotum, cui à Barbitonore missus fuerit ex brachii medianâ sanguis, illicò compunctam fuisse Arteriam, ex eo deprædicant, quòd tumorem inventiant ovi magnitudine cum dolore, & levi sepultâ pulsatione. Etenim interdum vel Nervus, vel tendo bicipitis, una simul cum Vena fauciari potest, atque complicata Ecchymosi Venosa cum subjectæ partis convulsione, sæpe Arteria constringi aliquomodo potest, & liberum sanguinis cursum præpedire, quod satis est ad sepultam producendam pulsationem absque legitimo Aneurysmate. Legatur quæso historia XII observationum Riverio communicatarum à D. Pomaret, & si fieri potest risus contineatur; ipse enim non potui cum probè cognoscerem peritissimum aliqui Chirurgum universo imponentem orbi pro vero Aneurysmate accepisse Venosam Ecchymosim in suppurationem cum doloribus, febribus, ac vigiliis transeuntem, tandemque apertam, repurgatam, ac brevi sanatam. Sed redeamus in viam,

Cùm hic agendum nobis proposuerimus de Arteriæ incisione cum supernato tumore, quem Ecchymosim Arteriæ vocamus, auditores monere debemus, nos nunc in primo curandorum Aneurysmatum limine versari: Etenim quamquàm Sennertus, sed præcipuè Diemerbrœek contra Regium hanc non admittant Aneurysmatis speciem, quam effusionem sanguinis ab incisa Arteria in vicina spatia, non autem verum vocant Aneurysma; nihilominus Priscorum (quibus dare nomina rebus jus fuit) vestigia prementes, dicimus, tumorem hunc reverà ad Aneurysmatum classem esse revocandum. Ita sentiunt Galenus lib. de tumoribus præter naturam cap. XI. Aëtius, Strabo IV. ferm. II. cap. XI. Johaunes Baptista Silvaticus in libello de Aneurysmate, Platerus de causis vitiorum ab exuberanti, quem transcripsit Marcus Aurelius Severinus De Abscessibus sanguinis, Antonius Saporta lib. primo de tumoribus cap. XLIII. ac denique Thomas Bartholinus in aureo suo commentariolo ad historiam Aneurysmatum & vulnere. De modo autem quo hujusmodi tumor fit non admodum laborabimus, cum clara sit affectio, scilicet incisa Arteria, sed ipsa ad cicatricem non perducta, cutis vulnus coalescit, effunditurque proinde magno nisu ab Arteriæ hiatus sanguis in vicina sibi spatia, quæ vi cunei distenduntur, & implentur, ex qua distentione non solum affecti membri tumor enascitur, sed vasa omnia, & præsertim venosa, ac lymphatica talem compressionem pati necesse est, ut inde stagnationes, coagulationes, necroses fiant, ut superius monuimus.

Hinc verò factum est, ut Aëtius advertit, Aneurysma ex vulnere ortum esse non adeò molle, quam quod ex interna causa natum sentitur; & quidem utriusque ratio est in promptu. Etenim in eo Aneurysmate, quod ex vulnere nascitur, cruor extra vasa erumpens, & à Corde continuò pulsus omnes cuti subiectas partes veluti cuneus distendit, atque elevat: mox verò iisdem in locis coagulatur, & acescit, unde mixtus ex repletione, ac tensione tumor suboritur. In altera autem Aneurysmatis specie aliter se res habet; cum sensim dilatata ipsa Arteria, liberum eundi, ac redeundi spatium sanguini præbet, etiamsi postea ejusdem accesserit Arteriæ ruptura, ut suo loco docebimus.

Sed clarioris doctrinæ gratia fit

LANCISIUS

PROPOSITIO XIII.

Proponuntur diversi status Ecchymosis ab Arteriâ vulnere factâ.

QUONIAM secundum varios non solum corporis apparatus, sed potissimum modos quibus hujusmodi ægri ab initio tractantur, variî esse possint status in quibus iidem à superveniente Chirurgo, ac Medico inveniantur, ut clara evadat curationis quæ singulis casibus competit methodus, operæ pretium censemus hic probè distinguere, ac seorsim trifariam illos considerare. Primò cum Ecchymosis est recens, tactui cedens, non magna, nec adhuc nigricans. Secundò cum tumor magnus, & durus livorem contraxit, sed nondum pars sensu carere incipit. Tandem cum finitimæ inferiores partes ipsæ quoque intumuerint, denigrentur, sensuque priventur, atque insuper febris prehenderit, aliqua phænomena supervenerint, quæ non tantum futurum in parte sphacelum, quantum etiam necrosim ipsius sanguinis in univarium corpus circumeuntis ostendant.

Si quis autem distinctos hosce casus sibi optimè non proposuerit; difficile admodum est, ut rationalem curationem instituat, sed sola empirica ductus in duobus perpetuò versabitur periculis, ut vel carnificinam adhibeat, ubi placidior fatis esse poterat medela, vel blandiori utatur medelâ; ubi carnificina opus erat; quæ quidem pericula ut evitemus, sequentes damus Propositiones.

PROPOSITIO XIV.

Qua methodo utendum in recenti Arteriarum Ecchymosi, & nominatim Arteriæ in flexura brachii positi, quæ regula esse potest omnium aliarum, quæ in Artubus locatæ sint.

CUM recens Arteriarum Ecchymosis ea sit, in qua sanguis majori ex parte adhuc est fluidus, & nondum acefcens, loca admodum à vulnere distita, eorum interstitia cunei instar trajiciens, occupaverit, spes effulget simpliciori curatione ægrotum evasurum: quæ curatio in eo consistit, ut sanguis ex Arteria Axillari erumpens cohibeatur ea ratione, quam superius demonstravimus; compressa nimirum eadem arteriâ sub humero per assulam descriptam Propositione XI. aut solis digitis periti ministri, deinde collecta Ecchymosis evacuetur;

Id autem ita efficitur. Primum cutis, & subjunctæ membranæ scindantur, donec sanguis partim coagulatus educatur; deinde separato nervo Arteria denudetur unico patens hiatu, eoque non admodum diducto, & divulso. Mox laudarem Gallorum methodum, quæ ab Ettmullero describitur in Chirurgia Medica tit. de Aneurysmate pag. 564. quæque tota versatur in applicatione parvorum globulorum magnitudine pisi paratorum ex vitriolo Cyprio ad albedinem calcinato, qui probè gossypio involuti imponuntur foramini Arteriæ, atque interea vulnere inspergunt pulverem ex thure, & colophonia, & replent cavum plumaceolis digestivo illitis, fasciæque aptè quotidie obvolvunt, exteriores plumaceolos amoventes quo plus evacuari possit, globulos verò, & proximos vulnere Arteriæ plumaceolos non remonent, nisi sponte cadant; vitriolum namque liquefactum rodit nonnihil labia Arteriæ, quæ renovata erosionem, & inducta adstrictione per proximum nutrimentum denuò conglutinantur, ubi advertatur, si cederit globulus, priusquàm satis conglutinata sit Arteria, novum esse imponendum, donec habeatur propositum: hinc etiam caro musculorum vicinorum faciliè supercrevit, & tandem ulcus ex toto consolidatur.

Neque interea reliquæ parvi faciendæ erunt indicationes Propositionis XI. circa victus rationem, & reliqua præsidia expositiæ.

PROPOSITIO XV.

De Ecchymosi orta ex Arteriarum Carotidum vulnere.

CUM apud Milites evenire præ cæteris possit, ut quis levi perstringat vulnere in exterioribus tunicis alterius ex Carotidibus, quæ idcirco debilitata interiori tunica tandem dehiscat, sanguinemque in vicina evomat spatia, undè Ecchymosis oriatur: in hoc rerum statu cavendum omninò arbitramur ab efficaci Chirurgiâ, quam superius proposuimus, & quidem multis de nominibus: Primò metu repentinae, atque irreparabilis hæmorrhagiæ, cum in colli Arteriis ossa proximè non sulternantur quibus valida vincula injici possint: Secundò, quia ipsamet vincula vitam in perniciem adducunt. Legatur hac super re curiosa non minùs, quàm sincera, omniumque Chirurgorum mentibus insigenda historia à Clarissimo Harderio suarum observationum LXXXVI. recensita, cujusdam

nempe militis, qui ex tantillo sinistrae Carotidis vulnere Aneurysmate illius partis detinebatur. « Coacto Chirurgorum consilio anceps » tandem curatio decreta fuit: locus hic Arteriæ vulneratæ notatus, » ejusque inferiore parte arctissime compressâ, facta lancettâ incisio, » grumique sanguinis exempti fuerunt, inde sanguini Arteria ali- » quantum denudata cum imperu proflienti, nodulis vitriolo coo- » pertis, & aquâ stypticâ madidis prospectum, superimpositis plu- » maccolis compluribus, eadem aquâ irroratis: ast cum ad ligaturâs » deveniretur, quæ laxiores inefficaces fuissent, æger inter Chirur- » gorum manus expiravit. » Sic Harderius.

PROPOSITIO XVI.

Proponitur medela ad reliquos gradus Ecchymosis Arteriosæ:

QUONIAM in proposita divisione Ecchymosis Arteriosæ firmamus, secundam, ac tertiam speciem esse, cum ad membri necrosim, & ad totius corporis necem tendunt; idcirco sui cuilibet apta hæc exponenda videtur medela.

Si igitur Ecchymosis nigricet, dura sit, & magna, sed nondum sensu careat sanè efficaciori Chirurgia opus erit, quam longo usu confirmatam ad unguem describit Antonius de Nuck in loco aliâ citato, cujus integrum contextum, clarum æque ac brevem liceat hic transcribere, inquit enim: *Ubi verò tumor notabile jam sumpsit incrementum, & operationem ipse patiens desiderat, sequenti modo procedendum censemus.*

Venæ sectione pridie instituta, ægroque, « bene locato, ministro- » rum unus Arteriam supra tumorem vinculo, vel ligamine, quo » pro libitu Arteriam hanc magis minusve comprimere valet (Galli » ut Tourniquet, Nostrates Torcular vocant) contingat, mox Chi- » rurgus tumorem lanceola simili modo, quo abscessus aperiuntur; » incidat, incipiendo à parte inferiori versus superiorem: aperto » tumore, sanguineque coagulato expresso, atque eruto, Nervus » ab Arteria, qua cum firmiter jungitur, prudentia singulari sepa- » randus, vasque Arteriosum filo duplicato cera obducto, & per » acum incurvatam trajecto probè ligandum.

» Facta jam ligatura, sanguine, & sordibus vacuus locus linteis » carptis liquore styptico imbutis, vel pulvere adstringenti, vel fungo,

» fungo Bovist asperis., adimplendus ; impositoque emplastro una
» cum defensivo, fasciatio conveniens instituenda.

» Secundo, vel tertio post operationem die fasciationis fiat deligatio, majorque plumaceolorum pars removeatur, relictis autem
» iis tantum, qui in fundo locati erant, ne nova hæmorrhagia curam
» interrumpat; mox applicatis applicandis, fasciatio ut ante admittretur.

» Quarto, quintoque die ea quoque adstringentia, quæ hætenus
» in fundo hæere remove licebit, curandumque porrò, ut farcoticis medicamentis excavatus locus novâ carne adimpleatur.

» Interim, ut brachium convenientem obtineat situm (quem nonnulli non satis curant) probè observandum : necessum enim,
» ut quodammodo plicatum cum manu elevata suprâ pulvinar quiescat, ut eò liberior sanguinis fiat circuitus. Præterea maximopere
» consultum injungere patienti, interdum, sed prudenter *brachium, cubitumque flectet* : hætenus de Nuck.

Alium breviorē, vel saltem magis securum efficaciæ Chirurgiæ modum proponit, ac describit Expertissimus Stephanus Blancardus in Institutionibus Chirurgicis cap. XXIX. de Aneurysmate pag. 481. qui ligatâ Arteriâ, & extracto coagulato sanguine locum non vitriolo, aut alio salino, aut bolari adstringenti, sed linteo carpto, & balsamo copaive statim implet, & vulnus fortiter ligat, neque ligamen removel priusquàm locus carne sit impletus.

Quâ sane occasione opportunè rursus monere debemus, quanti sæpe sit periculi amputatis sanguiferis vasis stypticas vel ab acidis salibus utcumque distillatas aquas ad hæmorrhagias cohibendas admove. Facile namque fit, quemadmodum supra innuimus, ut eadem ad Præcordia pertingentes (præsertim si languidus æger sit) partim Auricularum convulsionem, partim sanguinis coagulationem inducendo subitam necem inferant, ut nos ipsi tum artis, cùm artificis dedecore olim vidimus.

Tandem si nobis occurrat æger gangrænâ affectæ partis detentus, tunc nullum aliud (si serum non fuerit) tentari debet remedium, quàm ejusdem membri extirpatio : singula enim inutilia, & forte etiam periculosa esse solent. Hanc suis experimentis edoctus unice laudat Barbeta in Chirurgia, non omissis diaphoreticis, & balsamicis per os exhibendis. Etenim hisce in casibus ipsa partis necrosis

minimorum vasorum, & fibrillarum erosiones demonstrat, & Arteria; quæ sola lanceolâ aperta fuit in frustula ita divisa in cadaveribus inveniri solet, ut sensim dissolvatur, & fracescat. Hoc demonstravit primum Thomas Bartholinus in Historia Anatomica Aneurysmatis Dissert. pag. 41. ubi postquam infelicem casum Hieronymi de Roggiere viri Neapolitani, cui Arteria loco Venæ pertusa fuit, statum describit, in quo post mortem Arteria varias in fimbrias erosa detecta fuit, quemadmodum in alio vidit etiam Harderius Observ. LXXXVI. in quo Arteriæ brachæe infelicitè ab imperito ministro vulneratæ fibrillæ superstites post mortem nonnisi tenui filo pendebant. Quare in hujusmodi rerum statu fieri non potest, quin ad Præcordia per Venas, & ad Cerebrum per Nervos veneficum quid recurat, & ascendat, quod toti corpori brevi necem minatur, nisi amputatione præmortui membri, & infusione per os pharmacorum, & cardiacorum, diaphoreticorum, & balsamicorum citissime succurratur. Hanc quidem methodum nonnullis salutarem fuisse vidimus, legimusque. Exhibeantur igitur potiones vulnerariæ cum radicibus scorfoneriæ, & contrayeruæ, Gelatina Cornu Cervi facta in aqua cardi sancti, boli ex pulveribus radicis contrayeruæ, myrrhæ, mumiæ, lapidis bezoar, bezoartico minerali, sale volatili cornu cervi, succini, sed præ cæteris in partium necrosi summopere proficuum expertus sum spiritum optimi sanguinis humani, qui bis in die ad gutt. X. in jure, aut decoctione supradicta propinari potest.

Sed priusquam ad alios curationum casus procedamus, duo hic solvenda occurrunt Problemata. Quare sit

PROPOSITIO XVII.

Qui fiat, ut in parte supra Arteriæ constrictionem, aut amputationem posita, non manifestetur spurium Aneurysma, cujus inter causas ipsam convulsionem, & compressionem sinus adnumeraturi.

HUIC sane quæstioni facile respondetur, si duo primum consideravimus. Primum, loca, apud quæ Arteriæ ligari, aut incidi solent, sunt artus, non ventres, quibus sane in locis varius occurrit status circumpositarum Arteriis partium; Arteriæ namque in artubus positæ inter musculorum, tendinumque intercapedines validè colligantur, atque accedente veluti fasciâ ex communi omnium tegumentorum

thecâ muniuntur. Quæ verò per ventres feruntur Arteriæ præter propriarum tunicarum, & particularis abdominis, ac thoracis membranæ tutamen, fere nudæ procedunt; & quamquàm eadem à superpositis visceribus perpetuò tangantur, & urgeantur, variatis tamen semper contractionibus premuntur. Atque hinc sane fit, ut Arteriæ, per artus divaricatæ longè majorem superadditam habeant resistantiam, quàm illæ, quæ per ventres feruntur.

Posterior verò consideratio ea est, in amputata, vel ligata Arteria, vel Aneurysmatis curandi gratia, vel alterius artuum affectionis, novam semper superiori Arteriæ tegumento superaddi resistantiam ex cicatrice inducta, quæ cum per Arteriæ longitudinem fiat, novo adhuc tutamine Arteriam firmat, ac roborat.

Ex his verò clarè Problematis enodatio deducitur. Si namque concipiatur sanguis per Arteriæ longitudinem in artubus fluere, & ad locum amputationis, aut vinculi pertingere, certe cum longe majus superadditum resistantiæ momentum ibidem inveniatur, quàm in venibus, minorem usum extrosum manifestabit in illis, quam in his, & idcirco spuria Aneurysmata, ut sæpe in ventribus, ita rarò in artubus observabuntur, nisi Arteriæ locatæ fuerint in superficie manuum, aut pedum, quibus in partibus eadem afferri potest ratio minoris superadditæ resistantiæ, quæ causa est, cur facilius in ventribus hoc Aneurysmatum genus appareat.

PROPOSITIO XVIII.

Cur truncata, vel ligata in Artubus Arteria inferiores membri partes laforum nec motuum, nec nutritionis exhibeant indicia.

Hoc facillime dubium ex Anatomicis principiis enodatur, quibus docemur, naturam in vasorum distributione non statui dumtaxat naturali, atque incolumi, sed vel morbofo opportune, ac divina plane ratione consuluisse. Etenim (cum de Arteriis sermo sit) Axillares, Iliacas, Cervicales, Carotides, aliasque ita divisit, & utrinque ad oppositas quasque partes per decusses studuit distribuere, ut si unus ramus compressionem, obstructionem, aut amputationem forte fortuna passus esset, vicinus, aut oppositus illico succurreret; unde etiam si Arteria, e. g. quæ sub mediana Vena in cubito latet, truncetur, altera, quæ foris, quæ intus ex Axillari producta, unde-

quaque varicata succenturiatur. Non est tamen, ut casum extraordinarium hic taceamus : Nam aliquando non duplex sed simplex est Arteria Axillaris, unde mors misero ægroto allata est, & de qua Celeberrimus Bidlous (ut scribit Wolsius in observatione XIX. pag. 66.) recensuit observationem juvenis, qui Hagæ Comitum oriundus Aneurysma gestaverat in brachio per aliquod tempus, quod cum de die in diem rueret in pejus Exercitatissimus Chirurgus Petri Adriani Verduyn Amstelodami adhibetur in consilium. Vide cætera apud eundem loco citato.

Illud verò hic tacere non possum in iis, qui hujusmodi passi sunt infortunia, licet quod ad nutritionem attinet, nihil postea sensibile detrimentum patiantur, musculorum tamen motus temper debiliores esse, quam sunt in sanis, non quidem ob metum, ne Arteria læsa rursus aperiatur, sed revera quia cum flumen uberrimum sanguinis una sit ex causis motus muscularis, deficientibus cum ipsa mole etiam aliquot tubulis illum ducentibus, necessario nifus, & vigor in musculis paulo languidior observatur.

PROPOSITIO XIX.

De Aneurysmate ex Arteriarum Vulnere, per quod externæ dumtaxat tunicæ vulneratæ fuerunt.

ETIAMSI, quod ad medelam attinet, parum distet species hæc Aneurysmatis ab ea in qua Arteria usque in Cavum incisa fuit, sed nondum Ecchymosis producta, & de qua jam actum est Propositione XI. nihilominus cum hoc Aneurysmatis genus, ex exteriori Arteriarum incisione facultate tantum imaginandi excogitari, non autem re, nonnullis contingere posse forte videatur : eò quod primo rarissime eveniat, ut lanceolæ, vel alterius instrumenti cuspis eo, & non ultra pertingat : deinde quod licet possit accidere, cum exteriores membranæ sanguineis valculis, ac proinde prompta nutritionis materia donentur, facillime consolidari soleant : præsertim cum impetus Arteriæ admodum infractus ad externas partes pervenire credatur.

Sed pace istorum Philosophantium hujus mali exemplum nunquam extaret. Sed quidquid in natura fieri potest, aliquando fit; multorum enim historias referre hic possem, qui in hujusmodi morbum

incidertunt : quos inter duos ipse vidi, unum quidem ante 25 annos in Nosocomio S. Spiritus, alterum in Urbe decem circiter ab hinc annis, in quibus una cum Vena, etiam Arteria compuncta fuit, ita cum de more apud illos fluere ex incisa Vena sanguis, tunc nullum, propter relictum in fundo dolorem, nascituri Aneurysmatis indicium apparuit : unde consuetis fasciis tractatum venosum vulnus, brevi convaluit ; sed post aliquot dies tumor primum exiguus, deinde vero sensim ad ovi magnitudinem, isque pulsatis, & pallidus elevatus fuit, qui omnium postea concursu symptomatum pro legitimo Aneurysmate confirmabatur.

Ut verò arduum minimè est concipere modum, quo huiusmodi vulnus inducitur, cum lanceola per diametrum Venam secans subjectam Arteriam ita possit incidere, ut ad exteriores fibras perveniat, non autem introferatur, similiter nulli erit difficile rationem invenire, ob quam ipsum suboriatur Aneurysma : etenim cum magno naturæ consilio factum sit, ut tota quanta est interior, exteriorque Arteriæ compositio, unice collimet ad hoc, ut nisiui projecti à Corde sanguinis resistat, si alicubi eadem quocunque modo diminuatur, tunc impetus vim suam contra debiliorem tunicarum aggerem exercens, eas ibidem facili negotio extrorsum urgebit. Simile quid passim accidere videmus non tantummodò apud animalia in herniarum productione, quæ circa umbilicum quandoque fiunt, debilitatâ resistantiâ musculorum abdominis ad impetum extrorsum propulsi à visceribus Peritonæi, sed passim etiam in artefactis, ac præcipue in folle lusorio, qui duplici pelle, aut corio formatus, quoties inter ludendum alicubi contingat, ut exteriori pelle debilitetur, ac paulatim dehiscat, tunc mirum est, quàm citò in quandam abeat Aneurysmatis speciem, cum intrusus violenter intrâ folles compressus aëris elater in internam tunicam per debilitatum locum sub forma tuberculi in sphaeræ convexo elevari extrorsum impellat, & adigat.

Multò tamen facilius huiusmodi Aneurysma apud eos accidit, qui pravis, atque erodentibus succis scatent ; tunc enim cum è minimis, discissis intrâ ipsas Arteriæ tunicas vasis, ichor aquæ fortis, analogus in locum sectionis depluat, necessario impedit, quominus exteriores membranæ villi ad coalitum venire possint.

Juvat verò hic transcribere historiam Clarissimi Gulielmi Fabricii Hildani loco, suprâ citato, quæ ad vivum expressit Aneurysma natum

ex sola incisione exteriorum Arteriæ tunicarum. « Quidam, inquit, » Ludimagister, cum propter scabiem ex humore melancholico » ortam, sibi Venam basilicam dexteram à Barbitione incidi » curasset, Arteria quoque simul compuncta fuerat. Unde paulatim » Aneurysma exortum est, cui cum mensis spatium, & ultra medicamenta multa (frustrà tamen) adhibita fuissent, ad me tandem » Paterniacum venit. Eò loci, ubi Venæ sectio facta fuerat, deprehendi tumorem magnitudine ovum anserinum adæquantem, palpidum, & utcumque durum.

In quo sane exemplo illud animadversione dignum, existimo, quod propter scabiem ex melancholicis ichoribus ortam Ludimagister in Aneurysma facilius incidit.

Signa autem, quibus hæc species ab aliis, quæ ab incisa usque in cavum Arteria producuntur, probè distinguitur, sunt primò, quod tumor non statim atque pertusum fuerit sanguiferum elevatur, sed sensim atque nifus ejusdem sanguinis superat renitentiam debilitati loci, sensim etiam tumor apparet. Secundò quod color tumoris est cuti concolor, secùs atque in Aneurysmate producto à penetratione intrà Arteriam, in quo Ecchymosis necessario subsequitur, evadit livescens, ac subniger. Tertiò, quod ipse pulsatilis tumor est aliis ut plurimum mollior, eò quod sanguis, qui tumorem elevat, reditque per Arteriam, nisi extrà ipsam Arteriam intercepti humores coaluerint, ut in Fabricii historia accidisse probabilissimum ducimus.

De prognosi parva dicenda supersunt, cum si peritus accurrat Medicus, & Chirurgus, & præsertim si morbus fuerit in principio, atque in corpore non admodum cacochymo, curationem facile suscipere possit.

Illud tamen hic tacere nec possumus, nec debemus, quod si vel pusillum sit Aneurysma, & corpus pravis non scateat humoribus, vel ægrum pusillanimum cruciatibus tolerandis minimè parem futurum cognoscamus, vel nullum verè peritum artificem præsto esse videamus, tunc tutius erit consilium optimo sex rerum non naturalium regimine Aneurysma tractare, quàm ægrum certo vitæ discrimini audacter exponere. Monet id nostrum experimentum, sed & Expertissimus, Doctissimusque Daniel Sennertus, Medicinæ Practicæ lib. v. part. prim. cap. 43. considerandam historiam describit suæ cujusdam vicinæ, quæ cum ex Arteriæ punctura in flexura cubiti Aneurysma

nucis juglandis magnitudine contraxisset, post trigefimum annum fatis commodam vitam producebat : quod forsitan nequaquam evenisset, si periculosa curationi se subjecisset.

Quamobrem paucis medendi rationem exponemus : eodem enim modo curatur, ac primum Aneurysmatis genus ex Vulnere penetrante illatum. Itaque, si opus fuerit, ægrotans epicratica purgatione tractandus erit, & fluida opportunè corrigenda, sed potissimum diæta, & potionibus vulnerariis.

Quantum ad sanguinis missionem pertinet, si occurrat habitus plethoricus ea instituenda erit, & si opus fuerit, repetenda.

Quod verò attinet ad topica, cum fieri possit, ut duplex adsit tumor in loco Aneurysmate laborante, unus quidem productus ex accretis, & subsistentibus tenacioribus succis extrà Arteriam, nempe in loco sectionis, qui cognoscitur ex duritie magna, ejusdemque nobilitate; alter verò factus ex interiorum dilatatione membranarum, qui mollior est. Quod cum evenit primo curandum erit, & externo tumori provideatur cum emplastro de cicuta, vel cerato emollienti calefanti, quo deinde (succenturiante etiam purgatione) resoluta, altera succedit curatio, quæ Arteriæ dilatationem respicit. Admoveatur nimirum emplastrum, vel ceratum vulnerarium, & adstringens cum moneta plumbea linteo pluries obvoluta, quæ omnia valide circumductâ fasciâ firmentur. Quæ quidem methodus felici ab experimento confirmata traditâ à Gulielmo Fabricio Hildano loco supra citato.

Quod si verò tardè nimis peritus Chirurgus fuerit accersitus, ita ut solis adstringentibus curatio absolvi nequeat, tunc ad loci sectionem, & ad Arteriæ constrictionem deveniendum erit, quam sanè methodum dedimus Propositione XV. & sequentibus.

C A P U T I I.

De Aneurysmatibus legitimis à contusione pendentibus:

AGENDUM nobis hic minimè proponimus de eo Aneurysmatum genere; quæ in minimis Arteriis contingunt, dum contusæ partes traesunt, ac suppurantur; eæ siquidem, cum ut plurimum bene cedant, cumque eodem remedii genere, quo pars contusa, curari

soleant, singulari non merentur dissertatione tractari. Nostræ nunc Thema Propositionis erunt illa Aneurysmata, quæ in magnis, interioribusque Arteriis manifestari incipiunt, postquam membra, quibus Arteriæ illæ substernuntur, magnam aliquam contusionem passa fuerint: horum plura ab Auctoribus describuntur exempla, & nobis quidem diversa videre contigit in dorso, propè sternum, atque in musculis intercostalibus, quorum sanè historias, magni utpote momenti, infertius exponemus.

Illud tamen omnium primum advertendum censemus, doctrinam de Aneurysmatibus ex contusione productis, summæ curiositatis simulque necessitatis existere, cum ut plurimum ab initio ægrè cognoscantur, & pro interioribus abscessibus à minus in Arte peritiù accipi soleant. Quare sit

PROPOSITIO XX.

Agitur de modo, & causis quibus Aneurysmata ex contusionibus fiunt.

QUONIAM interdum accidit, ut majores Arteriæ contundantur in casu ab alto, in percussionibus, cæterisque ictibus, quibus mechanici Artifices, & præcipuè Milites frequentissimè sunt obnoxii, non semper tamen inde oriri videmus Aneurysmata; hujus rei rationes perpendendas, excutiendasque priùs judicamus.

Cum verò Practicorum observationes nos doceant, contusiones in carnibus, atque ossibus exceptas, magnam vim accipere ab interiori corporum contusione, ita ut ubi fluida sunt acriora, ubi ossa fragiliora existant, ibi contusiones, plagam, fracturamque faciliùs aperiant, nullam sæpe molituræ, si, ut in pueris, molliora sint ossa, & vitali balsamo vasa redundant.

Hinc sanè proximas, vel interiores expositæ Aneurysmatis speciei causas nobis sedulo quærentibus, non una, sed tres nunc seorsim, nunc verò unà conspirantes occurrerunt.

Prima esse videtur concursus duorum oppositorum ictuum, qui uno eodemque tempore eundem Arteriæ locum afficiunt.

Secunda est innata gracilitas Arteriarum.

Tertia erit apparatus pravorum humorum in corpore percussæ hominis. Sed quoniam unaquæque ex prædictis causis nisi planius,

ac

ac fufius explicetur intelligi vix poteft ; ïdcircò meorum in gratiam Auditorum circà illarum examen paululum digredi oportebit.

Primò itaque dicimus, inter caufas, cur percuffio fuprà locum, cui infignis Arteria fubjicitur, Aneurysma producat, adnumerandum effe concurfum duorum contrariorum iftuum, quorum alter extrinfecus infligitur Arteriæque membranas intropellit, atque urget : alter à fanguinis nifu, qui eodem tempore à Corde impulfus; eafdem tunicas extrorfum pellit, intenditque. Neque certè alicui mirum videri debebit duos iftos contrarios nifus Arteriæ tunicas ita debilitare, propriamque texturam evertere poffe, quem non lateat, quàm facilè franguntur contrariis motibus fonum cientibus, concuffi necnon rursùs, quàm cito campanæ diffiliant, dum interius malleo percuffæ foris lapide cæduntur. Quorum fanè admirabilem effectuum veras caufas profundè rimatur doctiffimus, æqualique fempè amicitia colendus Laurentius Bellini De morbis Pectoris tit. de Palpitatione Cordis pag. 639. iis enim contrariis eodem tempore motibus oportet, ut partes contiguæ ab invicem, feu ab eodem contactu recedant, atque ita divellantur, ut frangatur corpus.

Secundam ex caufis cenfemus infitam gracilitatem tunicarum Arterias componentium, quàm nos docuit experimentum factum tam generatim in extispiciis, quàm fpeciatim apud nonnullos Aneurysmate laborantes, in quibus Arteriæ folito tenuiores, ac laxiores à nobis inventæ fuerunt, maximè verò apud aliquos, qui ex percuffionibus Aneurysmata contraxerunt. Si enim concipiatur dorfum e. g. percuti, fub quo Arteria Magna procedit; hæc quidem iftu minùs lædi poterit, fi validæ fuerint ad refiftendum texturæ, quàm fi tenues fint, laxæ, & graciles.

Postremo loco pofuimus apparatus pravorum fuccorum; etenim fi contufa Arteria affluat particulari nutritioni aptis, dulcibus, lenibusque, ex bona corporis conftitutione advenientibus, fieri poteft ut ex percuffione nullum inducatur Aneurysma: liquor enim nutritius, temperatus, ac mitis non ita facilè viciatur, atque acredinem contrahit. At fi malo corporis habitu laboret ægrotus; humores acres in parte contufa fenfim intercepti, ac ftagnantes Arteriarum tunicas facilè excedunt, atque erodunt.

Et quoniam doctrina expreffa per exempla profundius in animum

E

nostrum penetrat, quàm tã, quæ solis rationibus nititur, idcirco in singularum causarum exemplis recensendis paululum immorabimur.

PROPOSITIO XXI.

Exponitur exemplum Aneurysmatis nati ex contranifu Arteriæ Aoriæ ad idum externæ percussionis.

CUM certum sit ex Anatomicis Arteriarum diastolem pro ratione magnitudinis canalium maximam, magnam, vel minimam esse, procul dubio in Aorta ictus extrorsum maximus erit. Si igitur contingat (quod evenire potest) ut eadem Arteria percutiatur eodem ipso temporis momento, quo in diastole versatur, summa fibrarum distractione, ac divulsione necessario lædetur. Exemplum quidem utrarum ita summè curiosum ante tredecim ab hinc annis vidi in homine alioquin sano, & robusto, quod sequenti historia narratur.

Vir sanus, & fortis nomine Plinius Eminentiſſi. Cardinalis Albani nunc Pontificis Magni felicissime regnantis, nostrique Clementissimi Principis pedestrium famulorum Decanus annorum circiter 45 habitus quadrati, cum per publicam incederet viam fortuito à quodam ex ludentibus sphaera buxea, vulgò *Boccia* vehementer percussus fuit in læva dorsi parte, domum rediens affectum locum diligenter observari curat, in quo, citrà contusionis indicia, momenti nihil animadvertiur. Curatum idcirco solo admoto rosaceo oleo, superstitè interim ad usque quatuor circiter annos levi, sed molesto ibidem sensu: post tam diuturnum temporis intervallum æger conqueri cœpit de sepulta quadam eo loco pulsatione, quæ sensim sensibiliior facta causa fuit, ut patiens Peritos accerfisset; & quoniam rumor ad Eminentiſſi. Principem aspiraverat, hic pro sua innata, atque singulari benignitate me etiam contendit, ut illam inviserem; convenio itaque cum duobus Chirurgis, quorum unus profundum abscessum, alter sepultum in Aorta Aneurysma censebat morbum. Et cum ipse ego animadvertissem, pulsationem illam Cordis ictibus respondere, magnoque nisu costas extrorsum urgere, statim confirmare non dubitavi sententiam illius, qui assererat verum, magnumque in flexu Aortæ latere Aneurysma. Et revera paucorum mensium spatio (vitiatis etiam liquidis) eò res crevit, ut nullo juvante pharmaco, sed in gibbam prope spinam elevatis, & corroſis costis, nec-

non dolore tendente, ac distrahente ad humeros usque producto; audacissimus quidam empiricus ex eo, quod pulsationis vehementia remiserat, putans sepultum latere abscessum, inficis amicis, & necessariis misero persuasit ægroto, ut se sineret eo in loco aperiri, certò spondens pus intus conclusum illico erupturum, ac eundem ab imminenti mortis faucibus liberatum iri. Ventum est ad facinus, sed proh dolor! Flumen sanguinis, quod debilissima exigui velaminis ripa coercēbat, imperito, crudelique aperta ferro statim extra alveum tanta erupit celeritate, ut animam secum rapuerit à corpore. Ita magno empirici terrore simul atque Chirurgi documento, barbaræ ignaviæ victima miserrimus æger cecidit exanguis. Vide similem historiam apud Amatam Lusitanum lib. 6. Observ. 8.

S C H O L I U M.

Ex hac verò historia nonnulla elicienda sunt tamquam postulata, quæ partim ad cognitionem, partim ad modum productionis, partim etiam ad medelam istius generis Aneurysmatum conducere possunt. Etenim:

Primò indicia istius mali clare quidem occurrerunt: cùm narretur ex contusione paulatim post duos annos pulsationem Cordis pulsationibus synchronam innotuisse, sensimque tumorum cum dolore scapularum, & humerorum ob connexionem elevatum fuisse. Abscessus enim quantum vis pulsantis supponatur, ejus tamen pulsatio, non perdurat nisi quousque pus confectum sit, dein vero cessat: In hoc autem rerum statu augeſcente morbo major, & profundior manifestatur pulsatio, licet postea obducto polyposo veluti muro superficiæ interioris ipsius Aneurysmatis minuat, & vix sensibilis evadat, ut jam docuimus.

Secundò, hinc deduci etiam potest modus productionis hujus Aneurysmatis, quod non alia certe ratione fieri potuit, quam exposito, & probato illo concursu duorum contrariorum istum in determinato Arteriæ loco, & contemporaneo momento. Etenim cùm æger iste fuerit robustus, sanus, & vegetus verosimiliter neque pravorum succorum copia redundare, neque nativâ ipsius Arteriæ debilitate laborare poterat. Si enim altera, vel utraque ex interioribus, & proximis causis ab initio concurrisset, procul dubio non

ad quatuor annos Aneurysmatis manifestatio producta fuisset, sed post menses contigisset, ut in sequenti exemplo patebit. Reliquum est igitur, ut arguamus probabilitatem antedictæ causæ, quæ cum possibilis sit, & æque potens hujusmodi scissionis effectum producere non dubitamus, quin in allata historia unica, & potentissima fuerit causa ad efficiendum Aneurysma; si enim concipiatur Arteria tundi cum per systolem contrahitur, procul dubio multum diminui necessum erit de percussione violentia. Etenim cum motus corporis percutientis; in eandem partem tendat, ac motus Arteriæ, tunicæ fibræ percussæ cum tantum impetum excipiant, qui proficiscitur à differentia celeritatis prædictorum motuum pro ratione massæ. Contra vero si prædicti motus sint adversi atque in contrarias partes tendant, tunc ea motus quantitate tunicæ impelluntur, quæ gignitur à duplo celeritatis earundem tunicarum habitâ pariter massæ ratione, ut ex Mechanicis demonstratur. Sic vola manus minus tunditur à lusoria pila, cum hæc vibrata excipitur ab illa retrocedente; secus verò violentiorem esse ictum cum resistentia tota quanta est contrario ipsi pulsioni nisi opponitur, ut probavimus. Neque solummodo in Arteria percussa malus iste duorum concurrentium oppositorum ictuum effectus, sed in aliis quoque nostri corporis partibus, in quibus summa viget distensio evidenter elucescit, puta in pectore, cum in extremo suæ dilatationis puncto percussitur, atque etiam in pene, quoties rigida tensione lasciviens violenter flectitur, vel tunditur, utrobique enim, plerumque ruptura subsequitur, scilicet vesicularum, & sanguiferorum in pulmone, atque in pene minimorum utriculorum corporis fistulosi, unde malum illud suboritur quod penis distortio vocatur.

Tertiò, aliquod etiam ad durationem conducens deduci posse putamus. Cum enim non levis medellæ pars ea sit, quæ saltem non lædit, hinc horrendus exitus istius ægri perpetuò præ oculis habendus est, ut caveamus à strage, seu ab illo artis errore, qui ut mortem ægris affert, legum etiam poenis est obnoxium, ut latè probat Paulus Zacchia in Quæstionibus Medico-legalibus.



PROPOSITIO XXII.

Exemplum Aneurysmatis à contusione orti, conspirantibus tamen acrium humorum apparatu, & nativâ Arteriarum gracilitate.

ETIAMSI Aneurysma à contusione natum sua natalia externæ causæ debere videatur, nihilominus, ut superius probavimus, nisi cum interioribus causis, puta naturali gracilitate Arteriarum, & copia pravorum succorum in contuso corpore redundantium, aliquando complicetur, vel nunquam, vel tarde, vel minus certe lethale produceretur. Habetis igitur exemplum Aneurysmatis ab externo ictu tamquam à procataruca causa nati, sed accedentibus interionibus causis.

Homo quidam quadragenarius habitus gracilis, professione vestiarus, ob fortunæ suæ tenuitatem pravis alimentis nutritus, proindeque malis succis redundans, cum semel prægrandem, summique ponderis ligneam arcam, baculis etiam oppositis in locis coadjuvantibus ab uno in alterum locum amovere conaretur, vehementissimum ictum ipsius angularis arcæ partis in summo sterni miserrimus excipit. Hinc statim quædam sanguinis spata cum levi tussi prodierunt, atque eo in situ profundus relictus fuit dolor, cui paulo post fortis quædam pulsatio adjungebatur, quæ tandem duorum circiter mensium spatio in verum Aneurysma evecta est. Interim res angusta domi illum impulit ad Nosocomium S. Spiritus in Saxia ubi macie, anhelitu, magna pulsus celeritate, exilitate, atque inæqualitate, licet cum diminuta pulsatione Aneurysmatis, nihilque plane juvantibus præsidii opportune per Clarissimum D. Michaëlem Angelum de Paulis, Primarium ejusdem Nosodochii Medicum adhibitis, post annum ab accepta percussione lenta morte diem suum obiit 11 kalendas Augusti 1701. cujus Cadaver coram me, affectas partes diligenter perquirente, apertum fuit, & sequens rerum series observata.

OBSERVATIO CADAVERIS.

PRI-MO (visa morboſa eminentia summi ſterni, ubi claviculæ dexteræ committitur) elevatum fuit ipſum ſternum, cujus interior pars carie obſeſſa erat, & in cavam figuram elevata, ſub qua latebat cyſtis, ſeu tumor Aneurysmaticus; qui continua pulſatione, &

madore erodentis ichoris, perinde quasi vi vectis, cunei superposita ossa elevaverat, atque exederat.

Secundò in dextero thoracis cavo vase effusum serum occurrit, quod probabiliter fuit lympa, quæ è sua intra thoracicum ductum libera ob Aneurysmatis compressionem immisione prohibeatur, & idcirco pulmonis lymphatica distenderat, atque acredine sua eroderat. Neque etiam a ratione abhorret fuisse subtiliorem, dilutioremque chyli partem, cum in hujusmodi affectibus ductus thoracicus ampliari soleat ob compressionem, ut vidit Gulielmus Riva in historia Aneurysmatis infra exponenda.

Tertiò Pulmones parte sinistra costis adhærebant, illuc adacti, ac propulsi à mole ac tensione describendi Aneurysmatis. Unde æque effuso sero anhelitus oriebatur.

Quartò Aneurysma apparuit tumor magnitudine prægrande, malum Punicum referens, assurgens in parte antica, & dextera flexuræ Arteriæ Magnæ, non absimile illi, quod observatum fuit Romæ, & cuius icon anno primo expressa cura Germani observationi 18. inserta fuit; erat autem foris aliquantulum durus, ac renitens. Hic profectò Aneurysmaticus succus quemadmodum parte sua exteriori variis formabatur membranis, consurgentibus ex contextu superpositarum Arteriæ partium, & potissimum ab exteriori Arteriæ tunica, ita interiùs plerisque in locis ad digiti transversæ crassitudinem consurgebat ex cohærentibus veluti laminis polyposæ substantiæ, quibus intermiscebantur hic, illicque, sanguinis grumi, ubi non obiter notandum venit, hujusmodi laminas Medicâ adhibitâ diligentia in plures laminas diduci potuisse non secus, ac tenuia fasciarum involucria, quas inter laminas collecti sensim ac foras expressi mordaces ichores non solum cartilaginum, ossiumque calcem inducere, sed vel ipsum polyposum Aneurysmatis sepimentum, vel erodere, vel alicubi solent diducere, atque aperire; ita ut plerumque multis diebus, antequam mors pulset ad ostium, hujusmodi Aneurysmata sua sponte hic illicque aperiantur, & ichorem cruentum emittant.

Quintò extractis cruoris grumis in cystidis fundo foramen spectavimus apertum in facie antica summitatis arcus Arteriæ Magnæ, parumper dextrorsum inclinans. Erat autem foramen ferè rotundum, æqualemq; habebat diametrum ei monetæ, quæ vulgo appellatur *un giulio*. In istius verò foraminis circumferentia callus quidem durus

supereminebat, ea tamen lege, ut in situ magis declivi eadem durities esset complanata, & ferè horizontalis cum interiori superficie sacculi Aneurysmatici. In eadem circumferentiæ inæqualitate illud animadversione dignum à nobis judicatum est, quod ubi circumferentia resiliebat, atque elevatum exhibebat marginem, ibi summitas marginis plena omnino erat, perinde ac si Arteriæ membranæ à radente cultro fuissent discissæ. Quamobrem interiores membranæ separari videbantur, ac sejungi à membranis folliculi Aneurysmatici, qui parte dumtaxat extrinseca observabatur obductus externæ tunicæ ipsius Arteriæ. Contra verò ubi circumferentia apparebat demissa, ibi interiores quoque membranæ productæ, & folliculo continuatæ aperitissimè cernebantur, quæ sanè fuerunt causa, ut probabiliter censeamus, superiorem orificii partem illum præcipuè fuisse locum, in quem peculiariter arcæ ictus insiliit, ibique interiores Arteriæ membranas eousque fuisse debilitatas, ut sensim ab impetu sanguinis, & ab influentibus ichoribus erodentibus penitus fuerint discissæ. In parte secùs inferiori Arteriæ membranas solum distensas, & elongatas fuisse putamus.

Sextò non inutilis observatio se obtulit in structura singularum Arteriarum istius Cadaveris, quæ ubique locorum, & omnium maximè circà Cor triplo ferè graciliores inventæ fuerunt: atque Arteria Magna melior, & tenuior esset, quam in aliis cadaveribus Arteria Pulmonica, vel carpi esse soleat.

S C H O L I U M.

Ex iis autem, quæ in cadavere observata fuerunt, satis liquere potest, in tantum adeo celeriter in hoc misero vestiario ex contusione manifestatum fuisse Aneurysma (secùs atque in descripto Propositione XXI. casu accidit, in quo pulsatio elapso tantum triennio ob inculpatam ægri valetudinem sentiri cœpit) in quantum tres insimul causæ ad citissimam istius productionem concurrerunt: duæ quidem interiores, & unica exterior, quæ dubitari non potest, quin fuerit percussio interiorum prior, quæ insita, & frequentius in hujusmodi malis, quam vulgus Medicorum putet occurrens extitit textura languidula, & satis infirma Arteriarum omnium, quæ non modo imperiū sanguinis extrorsum per tunicas nitentis, verùm etiam externis pul-

sionibus, atque ictibus ægrè potuit resistere. Posterior ex interioribus fuit apparatus morbosus, seu copia salium erodentium, ichoribus dissoluta, in homine alioquin gracili, & mali v.etus ratione utente. Hæc enim causa efficere valet, ut quoties casu, vel datâ operâ iidem determinantur ichores ad particularem Arteriæ sectionem, apti sint diducendi, ferendi, lacerandique fibrosam istorum tubulorum texturam.

PROPOSITIO XXIII.

Agiur de signis, tam diagnosticis, quam prognosticis Aneurysmatum ex contusionibus.

DIAGNOSIS istius affectus tam ex generali Aneurysmatum semiotica, quam ex ante positis, ac sedulò descriptis historiis, deduci satis potest. Cum enim aliquis percussione passus, inde, vel brevi, vel post longum tempus incipiat perferire sub eadem parte pulsationem diù perseverantem, primum absque febris mox vero exilitate, atque inæqualitate motus illius Arteriæ, quæ infrâ *dilatationem* posita est, res erit in aperto, præsertim si pulsationi tumor appareat, qui aliquando (cùm Aneurysma dellescit) sensibus non adeo facile ostenditur.

Sed Chirurgus Anatomicam faciem præ se ferens, præire debet manifestationem claram, & nimis apertam istius mali, ut illud, si fieri potest, præcaveat, vel si non potest præproperam saltem necem ab ægri foribus arceat.

Quantum deinde ad prognosim spectat, accersitus artifex tunc se doctum, expertumque in præfagiendo circâ hoc morbi genus ostendet, cùm non tantum exteriorem ictum, quantum interiores causas, & situm, seu qualitatem Arteriæ ad iudicii lancem expenderit. Etenim si corpus optimæ fuerit solidorum constitutionis, bonisque fluidis maximè redundans, & percussa Arteria exterior, & pusilla fuerit, bonum omen prænunciare poterit, præsertim si opportuna Medica, & Chirurgica præsidia ad opus accesserint. Quod si secus gracile fuerit percussi hominis corpus, quinimò Arteria extiterit interior, & insignis, tunc Aneurysma insanabile futurum poterit asserere, cùm nullâ efficaci Chirurgiâ tractari queat.

PRO-

PROPOSITIO XXIV.

Traditur methodus curandi Aneurysmata interiora ex contusione pendentia.

CUM in superiori dixerimus aliam esse conditionem Aneurysmatum interiorum Arteriarum, & præcipuè majorum, quæ per artus excurrunt : idcirco hanc divisionem sequentes, asserimus

Si post acceptam percussione[m] hoc mali genus manifestetur in Arteris thoracis, vel abdominis, vix ullum tam efficax, atque aptum esse pharmacum, quod malum possit averruncare : cum ad malum gignendum plerumque concurrat mala cum fluidorum, tum solidorum constitutio, ut in præcedentibus Propositionibus latè probavimus. Potest utique palliativa curatio ægri vitam in longum producere, quod prudens Medicus faciliè assequetur, si statim Venam tundat, & pro indigentia sanguinis missionem repetat, si laudabilem & mediocriter tenuem victum præscribat, si corporis exercitationes prohibeat, ac potissimum si vulneraria, tam externa, quam interna propinet : in quo sanè remedii genere multum insistere oportet. Vidi enim duos, tresve Aneurysmate ex regimine, necnon fortibus, ac vulnerariis potionibus in melius vitam semper producentes. Ubi tamen duo notanda precor, primùm, vulneraria intus propinanda non admodum volatilia, & sulphurea seligenda esse, cujusmodi existimantur, quæ cum spiritu vini extrahi solent, aut suapte natura nimis resinosa existunt : hæc enim arterioso sanguini motum intestinum, nimiumque fervorem conciliant ; sed optima expertus sum jura ex sola urtica, hædera terrestri, fanicula, scabiosa, plantagine, vincapervinca, & consimilibus, quibus identidem præmittendus est bolus ex Æl. Cerasi Subii, & gr. VI. balsami Peruviani albi. Quod si nondum appareant indicia apertè, per scissionem foraminis in Arteria, quod deduci solet ex magno tumore, dolore, & suppositorum ossium elevatione, jus etiam viperinum cum supradictis vulnerariis temperatis exhiberi posset : cujus usu quendam ab Aneurysmaticæ affectu Arteriæ intercostalis, ex acrium lympharum concretionem pendente, liberavimus. Nitrum quoque stibiatum cum oculis Cancrorum, & modico terræ sigillatæ proficua erunt, cum ad corrigenda salia acria, tum ad eadem cum lymphâ per urinâ

•F•

vias eliminanda. Sed omnium maximè accurata victus ratio, & quies tam corporis, quam animi præ oculis habenda sunt.

De cætero, cum externa percussio lenius, vel gravius malum Arteriis inferat juxta interiorum causarum concursum, harum potissimum rationem habere debet curans, qui pravae constitutionis videat indicia. Tunc etiam jus salæ, & sandalorum cum cancris fluvialibus, vel saltem destillatum magistrale exhibere poterit, cujus formulam dabimus Capite de Aneurysmatibus ortis à siphillide.

Similiter, si ægri corpus fuerit hypochondriacum, tunc aquis bolaribus, & chalybeatis, balneo, fero, & lacte cassiato cum antihæstico Poterii, pro anni tempore uti poterit.

PROPOSITIO XXV.

Exponitur methodus curandi Aneurysmata externa ex contusionibus pendenia.

SI verò à contusionibus externa excitentur Aneurysmata, nempe in artubus, vel in succutaneis Arteriis; non solum ea omnia, quæ superius indicavimus, judicio boni Medici, tentanda erunt, sed efficax quoque, si opus fuerit, Chirurgia præ manibus esse debet; de qua jam egimus ex professo in Prop. XI. ubi modum ligandi Arterias, & reliqua exposuimus, quæ in Aneurysmatibus à vulnere ortis optimo plerumque cum exitu in ægrotis animosis locum habent.

Fieri tamen aliquando solet, ut neque in ventribus, neque in artubus, neque in succutaneis locis, sed in partibus thoracem claudentibus Aneurysmata à contusionibus oriantur, in quibus media quædam medendi ratio tenenda venit. Quare sequitur

PROPOSITIO XXVI.

De Aneurysmatibus in anteriori thoracis parte positis, quæ vitium siccitatis, tum etiam contusionum oriri solent.

SI quæ sunt Arteriarum sectiones, in quibus ex causis tum interioribus, tum potissimum externis oriuntur Aneurysmata, profecto illæ frequentissime occurrunt, quæ ad pectoris anteriora posita sunt: & ratio quidem mechanica mihi esse videtur, quod sectiones istæ non solum in majori distractione ob respirationis vicissitudinem, quam

quæ aliis in partibus locantur, perpetuo versari solent ac majorem impetum sanguinis à Corde propulsi ipsæ primum excipiunt. Exinde sane fit, ut per alternam costarum elevationem, ac depressionem à situ, & positura continue removeantur: quamobrem illarum tunicas non tantum ob vehementissimum Cordi adeo proximum sanguinis nisum, sed ob externam thoracicæ machinæ diè, noctuque perennem motum irrequietas semper, ac distractas aliquantò magis, quàm alias immutari, ac dissolvi necessum est.

Si verò alicui ex iis Arteriarum segmentis liquidum erodens in nutritionem accedat, vel externa adveniat percussio, tunc eadem facile dissolvi, atque erodi poterunt. Ita multos novi, qui ex nimio cantu, ex casu in terram, & suprà lapidem, aut ex alia causa dexterum potissimum pectoris latus percutientes in harum Arteriarum Aneurysmata incurrerunt, in quorum oratione nonnulla præcipue veniunt observanda, quæ vel tentanda, vel omnino vitanda videntur.

Laudantur in hujusmodi Aneurysmatibus ea omnia opportune adhibita, quæ Propositione XXIV. exposuimus, sed potissimum illico post acceptam percussione[m] fotus ex aqua Nuceria[n]a, aut Willenæ cum ebullitione gallarum & baccarum cupressi, deinde ceratum ad contusiones, vel ex stibio, crudo cum balsamo Peruviano, & laudano, vel emplastrum ex urtica, & consimilia topica placidissima, sed non admodum adstringentia, quæ quidem, ut vim aliquam externis faciant regumentis, ad Arteriæ substantiam vix possunt penetrare, quia fortasse fieri potest, ut si paucorum humorum copia redundet in percusso corpore, ipsa nimium styptica minimos obstruendo meatus salinorum ichorum circulationi, vel transportioni unice necessarios Aneurysma reddant gravissimum.

Sed quoniam doctrina exemplis illustrata longe clarior est, & ad docendum magis apta, idcirco duas hic subnectemus historias, quarum unâ describitur vir adhuc post multos annos superstes: alterâ vir pariter, qui suo indulgens genio, & Chirurgo stimulos ad operandum addens citam necem sibi accersivit.



LANCISIUS
PROPOSITIO XXVII.

Exponitur exemplum Aneurysmatis Arteriæ Magnæ ab externa contusione orti, cujus curatio feliciter adhuc procedit.

VIXIT adhuc Romæ vir seagenarius natione Belga, nomine Petrus Wanderchein præcursor Velitum custodiæ Pontificiæ. Hic cum in Dianæ, Venerisque castris diu militasset, tandem pravis, atque hypochondriacis succis redundans frequenti urinarum fusione, ac diabetica quadam affectione laborare cœpit. Hisce affectus ante quatuor annos ruri degens sclopum, cui ab anno solito major à rustico quodam pyrii pulveris quantitas immissa, & nimium forsitan compressa fuerat, pectori admovit, tantumque ictum ab explosio instrumento in dextra thoracis parte excepit, ut non solum dolor ad duos menses superstes affectam partem occupavit, sed quod pejus est, inde paulatim inter secundam, & tertiam, atque inter tertiam, & quartam costam pulsationis sensu emerfit: qui sanè ignorans æger cujus generis esset, diu neglexerat. Denique cum fortè fortuna apud Excellentiss. Equitem Sacchetti in Romana Curia Hierosolymitanæ Religionis Oratorem de eadem pulsatione conquereretur, vera tunc natura morbi primum innouit; Nobilissimus enim Vir (ut rerum naturalium maximè amans, ac studiosus est) affectum locum suis lustravit oculis, & sepultum Aneurysma detexit. Consilium propterea initum est cum Doctissimis DD. Johanne de Tomasis Medico curante, & Marco Antonio Collegiano Celeberrimo Chirurgo, qui una mecum statim dubitarunt de qualitate affectæ Arteriæ, num scilicet ex intercostalibus, an subiecta aliqua fuisset ex iis, quæ intra thoracem delitescunt. Extabant signa dilatationis duarum Arteriarum intercostalium, sensus, tactus, & visus, quibus inter duas prædictas costas evidentissimus pulsationis motus observabatur, ita ut apparerent duæ Arteriæ inter se distinctæ, quæ musculos intercostales una ictibus elevabant; neque aliud indicium læsarum interiorum Arteriarum aderat, quàm pulsuum inæqualitas. Vicit tamen opinio credentium sedem Aneurysmatis esse Arterias intercostales.

Neque interim hæitationi locus fuit; quin Aneurysma mixti generis existeret, nimirum dependens ex contusione simul, & acrium humorum apparatu, cujus generationi modum dedimus Propositione XX. Proinde post testam Venam, & exhibitum bis intrà octiduum oleum

amygdalarum dulcium cum aliquot clysteribus, exterius censuimus adhibendos esse foris ex aqua chalybeata, in qua bolus armena, baccæ cupressi, & simplicia quædam vulneraria ebulliissent, & ad eluenda salia pungentia propinanda censuimus jura vitulina parata ex f̄b j. aquæ nucerinæ, cum decoctione radices plantaginis & urticæ, quibus sanè per tres menses continuatis, una cum optimo, & parco vitæ regimine, tantum miles iste profecit, ut majus imposterum animo detrimentum, quam corpori utilitatem ex muliebri, quam servabat, vivendi ratione se experturum profiteretur; exinde namque factus impatiens paulo liberior comedere, atque exerceri cœpit; ita ut modò præter recurrentem levissimam dumtaxat, præsertim dum violentius agitur motibus, in parte pulsationem, optimè se habeat. Adeo verum est maximam consuetudinis habendam esse rationem, ut Magnus præcepit Hippocrates, nec à scopo abludit adagium apud libertinos sæpe veridicum: Medice vivere est misere vivere. Hinc discamus varia esse Aneurysmatum discrimina, atque eventus, juxta variam corporum, & causarum differentias; ac proinde Clinicum versatilem esse oportere ad ea, quæ ægrotantium naturis magis congruunt, neque uni dumtaxat methodo esse additum, ut oppositum aliquando transire non debeat dummodo caveat, ne noceat.

Videamus modo exemplum infelicis eventus ob nimiam in medendo, inconsultamque festinationem.

PROPOSITIO XXVIII.

Describitur Aneurysma Arteriæ magnæ inter quartam & quintam costam dexteri lateris, quod tandem ad rupturam ocyus properavit usu cujusdam instrumenti chalybei ad instar bracherii.

ILLUSTRISSIMUS Canonicus Tempestivi, ut quinquagenarius, habitus quadrati, & sanguinei, ad cantum, & melodias propensus, atque idcirco violenti thoracis agitationi plus justo deditus, cum post affectionem hypochondriacam mentagra correptus fuisset, purgatione succis antihypochondriacis, & sero convaluit. Sed cum post sex menses levem externam contusionem in dextera thoracis parte accepisset, inde sensim manifestari cœpit dolor quidam pulsatilis inter quartam & quintam costam, qui multis à Chirurgis, & postea etiam à me diligenter observatus deprehensum fuit verum ea in parte

Aneurysma. Ambigebatur tantum circa Arteriæ qualitatē, utrum anterior, & Præcordiorum, an verò Intercostalis fuisset. Sed temporis progressu nihil dubitationi reliquum fuit, quin Arteria Intercostalis læsa esset; quæ cum profundius lateat in robustis corporibus interiorum affectuum signa exhibebat. Etenim post mensem vehementi Arteriæ pulsui, & dilatatione extrorsum elevata, tactu percipiebatur folliculus Aneurysmaticus, qui quidem folliculus non solum divulsis Arteriæ tunicis consari videbatur, quippe qui oblongam, non autem rotundam speciem exhibebat, atque à perito Chirurgo tam apte interpellabatur, ut per aliquod temporis spatium sub intercostalibus musculis probe occultaretur. Variis ab initio feliciter æger curatus fuit remediis, nimirum sanguinis missione ex pede, aqua nuceriana, nec non balneis ex aqua sancta (cum ætas ferveret) accedentibus etiam exterius cerato ex pelle Arietina cum laudano, tumor enim, & pulsatio omnino evanuit. Post duos feliciter annos noviter ex variis causis, sed potissimum ex vehementiori corporis, & animi motibus, morbus recruduit, quem eisdem remediis oppugnare, incassum tamen, tentavimus.

At verò æger à me admonitus, ut à commestationibus, & præsertim à totius corporis, nec non thoracis motibus abstineret, spem ostendens fore ut optima victus ratione ad aliquot annos vitam producere posset, tædio affectus in præceps se conjecit auxilium. Accersito namque Celebris Romano Chirurgo aliquod ab illo præsidium postulavit, quo cystim Aneurysmatis intrâ thoracem posset coercere; plus enim ignarus æger ab externo, quàm ab interiori tumore sibi metuebat. Annuit Peritus, & constructo cingulo chalybeo cum elatere non absimili bracherio, quo Enterocelen intrâ abdomen urgemus, facili negotio saccum prominentem Aneurysmatis eo admoto intrâ pectus violenter detinuit.

Hoc verò admoto instrumento sibi tantum profecisse videbatur æger, ut sine victoria recuperatæ salutis triumphum caneret, quam amoto instrumento statim idem subito saccus emergeret; sed quid inde? Cum mense Februario anni 1699. à Basilica S. Laurentii in Dimafo, cujus erat Canonicus, ipse reduceretur, de repente magno correptus anhelitu, quibusdam prius rejectis sanguinis sputis ruptâ intrâ thoracem fistulâ Aneurysmaticâ suffocatus est antiquæ, ac probatæ amicitie vir,

Ex superius allata historia duplex habemus documentum. Primum quo ostenditur descriptum Aneurysma duplici causa fuisse excitatum; partim nimirum ab humorum acritudine, & compressione, erosioneque externarum Arteriæ tunicarum; id quod præcedens mentagra satis demonstrat; hæc enim probabiliter lymphæ crassioris, atque erodentis copiâ inducebatur; partim vero externo impetu Arteriam urgente, lentosque humores pigrè ex toto fluentes versùs partem affectam propellente: eo usque certum est rarò Aneurysma, præterquam cùm à vulnere sit, ab unica, simplicique causa pendere.

Alterùm verò circà medelam versatur diligenter observandum, & præ oculis semper habendum: videlicet ne quidpiam novi certo cum periculo fiat, sæpe enim spe boni exitus ad ea curantium ars fertur, quæ nocere potius quàm prodesse solent, ad quam sanè erroris semitam ab ægrotantium querelis plerumque ducimur; ii enim artifices perpetuò ad nova invenienda præsidia extimulant, quibus surdas aures opponere debent, qui omnia secundùm rationem faciant, neque ad alia transeant oportet, ut Divinus innuit Cœus. Etenim quamquam in Aneurysmate optimum sit consilium, ipsa partis compressio, hæc tandem ibi proficit, ubi vel os vel durum aliud corpus Arteriæ substernitur: quod majori ejusdem renitatur distractioni, quemadmodum accidit in artuum flexuris, aut in collo; Sed ubi sola tenuissima tunica substrata est, pessimum erit, ut allatum exemplum ostendit, in quo Arteriæ impetus, ferè totus extra delatus resistentes inveniebat suppositos musculos intercostales, pectorales, necnon communia integumenta: postea verò admoto cingulo universam distracta Arteriæ vim nuda pleura sustinere coacta, facili negotio, & pleura, & ipsa Arteria ad integram rupturam pervenerunt.

Similem casum, sed in postica thoracis parte sub scapula proponit Antonius de Heide in sua Cent. Observ. 34. sed in eo tumor in dies ad capitis magnitudinem accrevit, & cutem tandem gangræna (quam sæpe nos etiam factam vidimus) exedit, ægerque satis cessit.



LANCISIUS
CAPUT III.

De Aneurysmatibus à fluido erodente præcipuè pendentibus.

QUAMQUAM in omni ferè Aneurysmate semper consideranda veniat tamquam causa ultimo concurrens ipsa quoque erosio, ut de iis, quæ in contusionibus pendent superioribus demonstravimus Propositionibus, nihilominus tamen totius doctrinæ claritas monet nos, ut distincto capite agamus de Aneurysmate orto primùm & præcipuè à fluido, quod seorsim ab aliis causis erosionem in Arteria molitur: cum revera hujusmodi malum, quod quidem curari non potest, nisi potissimum causæ ratio habeatur, non raro in praxi contingat; occasiones enim morborum singulariter à Medentibus considerandæ sunt, apud Hippocratem. Primùm itaque quid humor erodens sit explanabimus.

PROPOSITIO XXIX.

Quid intelligatur nomine humoris erodentis, & quòduplex sit, qui in Arteria producit Aneurysma.

NOMINE fluidi erodentis accipimus quicquid salini, duri obstruentis, ac scindentis corporis, utcumque liquidis nostris admixtum, solidis dein partibus admotum, eas à continuitate remove aptum est natum. Et quoniam sanguini, lymphæ, succoque nerveo hujusmodi particulæ admisceri possunt, quæ dum in motu unà cum aliis corporibus fluida nostra componentibus versantur, nullam de se produnt erodendi facultatem, sed eam tantummodo manifestare incipiunt, cum solitaria, atque separata; aliquam quietem nanciscuntur, atque ad contactum solidi corrodendi corporis perveniunt.

At verò ad hypothesim descendentes duo advertenda duco circa modum quo liquidum erodens fibrosam Arteriæ texturam scindere valet.

Primum est, hujusmodi liquidum in magnis Arteriis non agere; cum per earundem cavum excurrit, ut Priscorum aliqui opinabantur, sanguis enim tanto velocitatis momento per illas fertur, quò ab ea quiete prohibetur, quâ opus est, ut corrodentes particulæ possint emergere, ac magnarum Arteriarum tunicis aptari.

E_t

Et quamquam non ignorem extrema Arteriarum orificia, quæ per solius membranæ interpositionem in cavum aliquod definunt, facili negotio ac erodente vi sanguinis, tanquam à cuneo, aperiri aliquando posse, quemadmodum accidere videmus in hæmophysi, in nimio mensium fluxu, in apertura sanguiferi intra Cranium, vel Pericardium; attamen cum hujusmodi mala potius ad hæmorrhagias, quam ad Aneurysmata referantur, merito hic silentur. Eâdem quoque ratione etiam si fluida adeo cogi possunt, ac condensa evadere, ut in alicujus Arteriæ sectione validam producant obstructionem, unde sanguis necessario à suo ibidem motu sistatur, ac proinde erodentes particulas facile tum acui, tum ab aliarum complexu separari possent; Hujusmodi tamen morbi, quos ad peculiare classes suo loco redigemus, primo, ac præcipue ab erodente liquido non dependent, atque idcirco peculiari ætiologia, ac therapeutica tractandæ, neque cum præsentî confundendæ videntur.

Aneurysmatis vero speciei, de qua nunc agimus causa est quidquid erodens extrinsecus tunicas Arteriarum adoritur, easque paulatim diducit, findit, adeoque infringit, ut impares sint ad sanguinis impetum per earum sectionem decurrentis sustinendum, qui sane modus, ut clare possit intelligi, sciendum

Secundo est, humorem corrodentem, ut plurimum duplicis generis esse; alterum nempe stabilem, seu ichorem referentem, qui aquæ stygiæ æmulus cum fluido Arteriam nutriente intra texturam fibrosam istius canalîs brevi se insinuat, quique ut plurimum in hypochondriacis, hystericis, atque scorbuticis colligitur; alterum vero lymphaticum, crassiorem videlicet, qui aliquam congestionem prope Arteriam primò producit, dein sensim intra Arteriæ vasa, ac villos urgetur, ac subrept; cujus sane generis non una dumtaxat species occurrit, sed duo potissimum ex distinctis principiis subnascuntur: nimirum una quæ à crassiori, eaque ex pleniori, & subarido acri vîctu oriens cachexiam plerumque adjunctam habet: alia ex syphilitide derivatur. Quas quidem singulas species distinctis Propositionibus rimabimur, & propterea sit

LANCISIUS
PROPOSITIO XXX.

De Aneurysmatibus ab ichoroso erodente principio apud hypochondriaci, scorbuica, aut hysterica corpora oris.

IN corporibus enunciatis culpa pravorum fermentorum tum in hypochondriis, tum in utero stagnantium, ichores quidam mordacissimi pariter, ac subtilissimi colliguntur, qui juxta diversa nostri corporis loca, in quibus decumbunt, ac subsistunt, diversa pariunt morborum discrimina, quæ à Practicis sedulo labore suas ad classes rediguntur. Inter hæc autem præcipuum certe locum tenent, quamquam obiter dumtaxat animadversa, Cordis, atque Arteriarum viiia, quæ modo sub forma motus inæqualitatis, modò palpitationis incipiunt, ac tandem in Aneurysmata Cordis, aut insignis alicujus Arteriæ manifestantur, ac desinunt.

Modum autem, quo hujusmodi Aneurysmata eveniunt, probabiliter censemus morbosam nutritionem alicujus sectionis Arteriæ: cum enim nullæ sint partes in Animalium corporibus, quæ die, noctueque citra Animantis arbitrium perpetuo moveantur, præter Cor, & Arterias, ac proinde quia villi, ac fibræ istorum organorum ob perpetuum distractionis, & contractionis motum semper particulares aliquas nimium attritas percurti meatus emitant, necessum est, ut perenniter nova consimilium particularum appositione refarciantur; quod quidem præstant liquida per Arterias, & Nervos intra prædictam villosam texturam confluentia. Quod si igitur eveniat, ut vel actu, vel minimo structuræ vitio, particulæ acres stygiæ aquæ similes nutrienti humori misceantur, tunc facili negotio post levem Arteriæ convulsionem, paulatim erosio succedet, nimirum scisso forinsecus valido fibroso illius rei incipiet dilatari ea plana ratione, quam exposuimus tractantes de Aneurysmate pendente à scissione extremarum runicarum Arteriæ.

Neque ullus certe sanæ mentis mirabitur erodens liquidum particulis nutrientibus permixtum intra ipsam Arteriæ texturam influere posse, cum videamus solidissimam denum substantiam à validitate stygii liquidi erodi. Ad hanc autem doctrinam clarius illustrandam unam aut alteram historiam subjungam Aneurysmatis ab erodente ichore geniti,

PROPOSITIO XXXI.

Describitur Aneurysma Arteriæ Carotidis dexteræ in nobili Matrona, hysterica, scorbuticis affectibus detenta.

ILLUSTRISSIMA D. Clelia Palaggi quinquagenaria major habitu sanguineo, & robusta, cum olim feracioris meo quidem judicio fuisset uteri, quam duorum solummodo filiorum fertilitate satis sterilefcere tuto potuisset; adhuc juvenis enormi hysterica præfocatione cum metu carcinomatis in læva tuba detenta fuit, dein hypochondriaco-scorbutica facta est: cumque dentium nigredine, & gingivarum erosione diu laborasset, impetigine quadam in capite, ac pone aures erodentem ichorem emittente corripitur: exinde hoc morbo evanescente tribus obhinc annis in Cordis palpitationem, & vertiginem incidit, cui ex levi sane causa cuspidam nimirum ponderis elevatione magna pulsatio dexteræ Carotidis accessit. Ad hunc morbum curandum cum accersitus fuisset Chirurgus, causis minime consideratis partem decocto quodam adstringenti foveri, & fasciâ quâdam obstringi jubet: sed pessimo cum exitu, quo tantum abfuit, ut nobilissima Mulier levaretur, ut majorem pulsationem, & quidem cum dolore deinceps præsentiret. Quare cum ipse accersitus fuisset omnibus topicis, præterquam fotui ex aqua Nucariana, repente vale dixi, & una cum alias laudato Viro D. Johanne de Tomasis Medico curante admonui, ut solis copiosis juribus ex eadem aqua Nucariana, carne vitulina, & succo pomorum redolentium, ultra mensem uteretur, additis etiam pulveribus testaceis, atque ex crystallo montana præparatis; Hac enim methodo, necnon optima victus ratione, & abstinencia à motibus violentis in melius profecit, ut modo miûssimam experietur affectæ Arteriæ pulsationem.

Ex hac equidem historia clare docemur, erodentes ichores, qui ad gingivas, ad capitis cutem, & pone aures deponebantur, sensim supra Arteriam Carotidem decubuisse, & quemadmodum aliis in locis erosiones tentaverant ita easdem moliri cœpisse in externis Carotidis tunicis, quæ cum per obliquum, seu figura litteræ S. curvatum osseum foramen intra cranium feratur, facilius ea in parte, quam alio quovis in loco dilatari potest: eo quod ibidem sanguis aliquam ad liberum intra calvariam excursum invenit repugnantiam.

Uterius hinc monemur, ubi copia adest salium erodentium, ægros ab admois adstringentibus plus mali, quam utilitatis perpetuo solere experiri: eo quod styptica omnium vasorum fibras, ac meatus constringendo, & coarctando, salinos illius ichores, præpedita ad exitum via, in interioribus partibus sistunt.

Tandem non aspernandum est Corollarium, quod ex hac eadem historia elici potest, videlicet si incipientes lethales morbi, circa principium adhibita suaviori, tutiorique methodo tractentur, ægrorum vitam diu produci solere, quin sæpe integre ægrotos confirmari: sed si pertinaciter contraria medendi via incedatur, brevi ut plurimum perire.

PROPOSITIO XXXII.

De modo & causis, quibus fit, & de signis, quibus cognoscitur Aneurysma Gallicum.

QUEMADMODUM serum acre à cystide & succo Aneurysmatico destillans ad ossa, & ligamenta pervadit, eadem paulatim exedit, & tabo consumit, ita è converso fieri interdum solet, ut lymphæ gallicis salibus scatens postquam congestionem in ossibus, ac ligamenti primo tentaverit, mox paulatim mota acrior jam reddita supra, & intra substantiam externam Arteriæ depluens illam exedere incipiat, indeque in Aneurysma distendat, quod ex compressione simul, & erosionem productum tanto reliquis pejus est, quanto minus Medici causæ rationem olim habentes solis sanguinis missionibus, fero, aut lacte plerumque tractare solebant. Cum secus vera curandi methodus tota versetur in temperando idoneis peculiaribus remediis, & ad transpiratam, ac diuresim promovendo veneream lympham, ut inferius appositis exemplis evidenter ostendere satagemus. Hujusmodi siquidem Aneurysmata à venerea cachexia producuntur, ut optimè advertit Marcus Aurelius Severinus De novissima observatione abscessus pag. mihi 197.

Cognoscitur autem Aneurysma gallicum non solum ex impuro, quod præcessit contagio, atque ex indicis luis venereæ in alias quoque partes jam propagatæ, sed potissimum ex modo, quo determinatus locus Aneurysmate afficitur; Non enim subito Arteriæ pulsatio sentitur, sed primo præcurrunt dolores præsertim nocturni

alicujus ligamenti, vel ossis; indeque utrumque tumore extuberans subjectam Arteriam premere, atque exedere, ejusdemque pulsationem efficere incipit.

PROPOSITIO XXXIII.

Expositum Aneurysma validatur duobus exemplis.

VENDITOR Piscarius annorum 45. habitus carnosus vitæ omnino libertinæ Baccho nimirum, Dianæ, Neptuno, ac Veneri frequenter indulgens, ex qua postrema pluries contraxit luis stigmata, quæ fere incurata suis consiliis viribus imprudentissimè contempsit. Tandem cum variis animi pathematibus angeretur, clavicula sinistra dolere, dein elevari cœpit, postremo sub eadem pulsatio emerfit, qui quidem dolor ad humerum, & collum extendebatur. Post mensem accersitus Chirurgus D. Johannes Castigliani partem diligenter observans è vestigio hæsitavit de Aneurysmate Arteriæ Subclaviæ. Res delata est ad Medicum, qui nulla habita syphillidis ratione purgat, & sanguinem mittit, non modò incassum, sed cum detrimento. Denique æger pallidus, anhelosus, & animo defectus meam opem implorat. Ipse affectum locum, & modum, quo morbus à gallico dolore incœpit sedulo perpendens, non dubitavi, quin hoc Aneurysma esset soboles corrodentis gallici: quod, cum intercipitur intra texturam ossium, cartilaginum, ac membranarum, quibus Arteria aliqua incumbit, ac potissimum intra plexus nervosos, quibus eadem in angulum flexa alligari solet; Arteria primum compressa constringitur: dein etiam stillicidio liquoris acris, quo passim membranarum ligamenta, atque ossa erodi videmus, corrumpitur, atque exeditur.

Qua de re multorum factus periculis cautus primitivam ægritudinis causam curandam suscepi, jussique ut purgato leniter atque epicraticè corpore cum electuario lenitivo malaxato cum oleo amygdalarum dulcium, fumeret destillatum magistrale antigallicum vulnerarium, & epicerasticum hujus formulæ

℞. Salsæ elect. minut. incis. ℥ ss.

Radicum Ros. rubr. } a. ʒ ss.

Ligni Citon. }

Infunde in ℥ xx. Aquæ fontis per noctem, manè bulliant lento igne ad consumptionem quartæ partis, adde versus finem ad despu-

mationem carnis vitulinæ maceratae lb iv. Cancrorum fluviatilium num. xij. Testudinis nemorum num. iij. succorum cicorii, borraginis, uricæ, consolidæ majoris, pomorum redolentium a. lb ij. feri caprilli lb iij. seminum cydoniorum contusorum 3 j. Florum violarum, hyperici a. pug. iij. ponantur ad destillationem in B. M. liquoris destillati capiatur manè 3 v. & serò 3 iv. quatuor horis ante cibum. Item loco vini uteretur bocchetto ex infusione salsæ per tres menses continuos una cum victu tenui, exinde eo processit æger, ut diminutis doloribus, tumore, & pulsatione in naturalem statum restituta, sanus videretur. Sed cum postquam Arteria supra suum diametrum multum distracta est, fibræ, languidiores ad resiliendum in systolem, & promptiores ad dilatationem evadant, jure cavendum in vitæ regimine omninò esse prædiximus; Fieri enim posset, ut levi ex causa morbus pejori fato reverteretur: fluxerunt tamen quinque jam anni, nec morbus recruduit.

Alium similiter utcumque felici cum exitu curavimus, qui sub eadem clavicula gallicum Aneurysma diu patiebatur. Hic erat egregius citharædus, qui ex impuro concubitu non semel in pudendis vulneratus, tandem ortis hic illicque per artus doloribus salsa, & mercurio citra ullam methodum, atque utilitatem tractatus est. Exinde macer, & febricitans in tabem Gallicam magnis partibus contendebat, cum dolor, ac tumor, qui claviculam dexteram jam afficiebant majores evaserint, iisque sepulta quædam pulsatio adjuncta fuerit, quæ adeò crevit, ut magnum ostenderet Aneurysma: huic igitur opem laturo oleo primùm amygdalarum cum syrupo violarum coloratarum lenito laxato ventre cogitavimus de ablucendis, elixiviandisque iis potissimum erodentibus salibus, quæ ex mercurio male vel præparato, vel propinato intra ægrorum corpora colliguntur, ac debacchantur; scilicet manè exhibuimus infusionem salsæ in aqua Nucariana cum aliquot granis salis ammoniaci ad lb ij. ac vespere conditum ex textaceis, foliis auri, & confectioe de Hyacintho, & Alckermes. Post duodecim dies istius medelæ remissa febris, destillato superiùs descripto usi fuimus. Sed quamquam inde æger multum profecerit, eò tamen valetudinis non pervenit, quò descriptus Piscator perductus fuit. Etenim quamquam dolores remissi fuerint, ac tumor multum subsederit, in hoc tamen constans perpetuo fuit sepulta gravis illa pulsatio, quæ ægrotum animo dejectum deti-

nebat; utpotè qui impotens factus videretur libere exercendi artem suam, ne vicissitudine motus brachii morbus augeretur. Post sex annos ab exposita curatione incolumis mansit, nunc verò ignoro, vivat ne ampliùs, an decesserit.

Sed quoniam actum est hic de noxa ex mercurialibus, opportu- num ducimus subnectere sequentem Propositionem.

PROPOSITIO XXXI.

In qua ostenditur quàm faciliè ex Mercurialium usu Aneurysmata gignantur.

OMNES verè Chimici in eo consentiunt, Aneurysmata facili negotio ex Hydrargyri litu solere proficisci. Ita Paræus, Ballonius, alique appositis exemplis indubiam rei fidem nobis fecerunt.

Rationem autem inquirentibus nobis cur interdum malum hoc ex hujusmodi causa suboriatur, duæ præsertim occurrunt: altera ex hydrargyri vi: altera ex peculiari corporis, in quo morbus excitatur, qualitate; non enim semper, & ubique, sed tantummodo certis accedentibus conditionibus hydrargyri litu nascitur Aneurysma. Omnis autem hydrargyri vis in excitandis Aneurysmatibus reposta est in momento impetus, quo lymphæ, & sanguis attenuati quaquaversum urgentur, ac debacchantur, qui quidem liquores quoniam admisione salium acidorum intra ægrum corpus erodentes evadunt, faciliè possunt cunei instar vasa impellere, ac distrahere. Id quod evidenter ipsis sensibus apparet in glandulis, osculisque salivaribus, & intestinorum, quæ post hydrargyri litum intumescunt, ac deducuntur.

Quod verò ad constitutionem corporis attinet, procul dubio causa Aneurysmatis consistit in gracilitate, vel obstructione, vel alia quavis prava diathesi, qua alicujus Arteriæ pars laborat. Neque certe à vero abludere censetur opinio, si consulatur casus Ballonii paradigmæ XIII. relatius de quodam Mercatore, qui ad spinam dorsi per annum dolebat. Ter, aut quater litus est. Tandem sursum, deorsum ingens sanguinis copia, aperto Aneurysmate, excreta, & mortuus est.

Ex iis autem, quæ hætenus dicta sunt prudens Medicus jure poterit concludere, in nullo Aneurysmate, etiam si à lue gallica profecto, locum habere mercurialia, & præsertim in forma litus.

PROPOSITIO XXXV.

Probatnr nulla esse Aneurysmata pendentia à paralyfi fibrarum alicujus Arteriæ tunicas textentium.

INGENIOSA magis, quàm vera videtur opinio cujusdam Neoterici, qui inter causas Aneurysmatis ponit laxitatem, & paralyfin alicujus sectionis Arteriæ, quam credit impetui sanguinis resistere non posse, atque idcirco necessario dilatari. Verùm opinionem hanc à vero abhorrere duplici argumento demonstratur.

Primum est, quod fibræ paralyticæ tantùm abest, ut propria infirmitate, ac mollitie impetus sanguinis minus resistentes Aneurysmati generando sint magis idoneæ, ut potiùs ejusdem sanguinis vim intringant, & labefactent, quominùs easdem fibras divellat, atque distrahat; quò enim vehementiùs tunicæ Arteriarum sanguini impellenti renituntur, eò violentiùs percutiuntur, quemadmodum supra Propositione XXX. demonstratum est. Quod quidem vulgaribus experimentis perbellè illustratur. Lana enim, gossypium, plumæ, aliaque hujusmodi mollia irruentium corporum impetum, ac motum facile comprimunt, atque extinguunt, sine propria læsione.

Secundum verò argumentum deducitur ex obvia observatione tot languentium paralyfi, in quibus omnibus, si vera esset hypothesis indicati Auctoris, Aneurysma in affectis membris fieri deberet: cùm secus nulla sint corpora huic mali generi minùs obnoxia, quàm quæ sideratione detinentur.

Non inficior tamen evenire posse, ut tabescentibus fibris ex pravo alimento, acri nimirum, atque exedente, Aneurysmata excitentur; nutriens enim succus depravatus, atque particulis acrioribus scatens cum ipsas fibras exedendo extenuat, tum lacerat, ac convellit. De quo Aneurysmatis genere Propositione XXX. diximus, agentes de Aneurysmate ab erodente liquido pendente.

Relicta itaque ita paralyfi fibrarum, & absoluto tractatu legitimum Aneurysmatum, reliquum est, ut alterum aggrediamur, sit proinde

CAPUT IV.

De Aneurysmatibus, nothis, & illegitimis.

SECUNDUM divisionem superius Propositione IV. traditam post legitima sequuntur illegitima Aneurysmata, quæ pendent ab aucta mole vel impetu sanguinis supra capacitatem, & resistentiam ordinariam ipsarum Arteriarum, ita ut enervatio, dilatatio, ac discissio villorum, & fibrarum posterior omnino sit, ac veluti effectus adauctæ molis vel impetus projecti sanguinis. Hic tamen advertendum, spuria Aneurysmata sæpe exhibere signa dilatatæ, ad usque villorum discissionem, alicujus tunicæ Arteriæ, licet nondum disruptæ; pulsant enim, ac turgent quemadmodum vera. Unde spurium appellabimus Aneurysma pulsationem extraordinariam alicujus Arteriæ cum distractione supra consuetam orbitam tunicarum; ac spurium migrasse in legitimum dicemus, cum distractio transivit in discissionem fibrarum Arterias complectentium.

PROPOSITIO XXXVI.

Exponitur duobus modis impetus ipsius sanguinis superare posse resistentiam Arteriarum, nimirum per impetum rectum, & per impetum compositum ex recto, ac reflexo.

QUANQUAM ex iis, quæ Propositione III. & IV. exposuimus circa discrimina Aneurysmatum, & proportionem inter impetum sanguinis, & resistentiam Arteriarum clare deduci possint, quæ ad spuria intelligenda Aneurysmata satis esse videntur, nihilominus generalis illa doctrina peculiariter hic tractanda sese offert. Scilicet investigandi nobis erunt modi quibus adaugeri potest impetus sanguinis habita ratione renifus Arteriarum.

Duo autem sunt, quantum suspicor, adaucti supradicti sanguinis impetus: unus quidem, quem lato modo appellabimus adauctum impetum rectum: alterum verò mixtum ex adaucto impetu recto, & addito reflexo.

Primus fane ab instrumentis sanguinem pellentibus, nec non a sanguine ipso proficiscitur, quatenus instrumenta respirationis, & Cor majori vi suos conatus, ac vibrationes exercent contra sanguinem;

H

hic autem pleniori sua mole, & elastica quadam vi in Arterias nititur, ac plus solito extrorsum premit, ac distendit, quæ deinde in locis, in quibus minimum particulare structuræ vitium occurrit, debilitari incipiunt: quod quidem præcipue contingit in athleticis, vinosis, tibicinibus, & bajulis, in quibus primo rectilineus sanguinis impetus consueto major exercetur. Etenim in magnis istorum conatibus, atque exercitationibus diaphragma, omnesque thoracis muscoli nituntur contra sanguinem in Cordis Auriculas, & Ventriculos excurrentem, unde fieri non potest, quin Cor vehementius per systolem pellat in Arterias eundem sanguinem, qui jam citatius per Venas versus Cor movebitur, ea plane ratione, qua pila lusoria vehementius à pellente instrumento in contrariam partem truditur, quo prius majori momento motus ferebatur.

Ipsa quoque moles, & vis elastica sanguinis rectilineum ipsius motum potest adaugere, quia quo major, & fervidior est moles fluentis liquidi, eo copiosiores, & validiores sunt partes, quæ ad instar solidi elaterii, & cunei distendere, & nimium diducere, ac disjungere possunt villos, ac fibras Arteriarum texturam textentes. Legatur apud Severinum De Novis Abscessibus Cap. XXXVI. §. V. casus Aneurysmatis observati in juvene Burgundâ ingluviei summe dedita, & meri potatrice nulli secunda, quæ acuta febri correpta ob recensitam causam plenitudinis fervidi sanguinis, post mortem aperta, exhibuit Arteriam Celiacam ad compressi pugni molem dilatatam.

Hoc autem multo facilius contingit si momento adaucto impetus recti sanguinis, aliud etiam momentum impetus adjungatur, quod ex reflexione ejusdem in latera, & superficiem sanguinei cylindri proficiscitur, quod quidem secundo loco considerandum nobis proposuimus. Difficile est autem, quin hujusmodi momentum priori adjungatur; Etenim si una cum vasorum plenitudine, & quodam sanguinis conatu aliquam Arteriam comprimi, obstrui, aut alio quovis modo aliquid de suo diametro præter naturam, & pertinaciter amittere contingat; procul dubio rectilineæ sanguinis undæ, quæ illius axem, & proxima inter fluendum spatia occupantes in obstructum, aut compressum locum (quem nullo impedimento oblitum facile & libere permeassent) incidant, ex reflexionis legibus necessario resiliunt, & quaquaversum in superius canalis cavum

aëræ; extrorsum urgebunt Arteriæ latera, quæ cæteroquin à sanguinis partibus naturalibus in illa cuneorum instar incidentibus dilatantur; ex iis autem duabus trudendi viribus, recte videlicet, & reflexæ fieri non potest, quin superius Arteriæ segmentum paulatim distendatur, diducatur, atque dilatetur.

At enim vero, ut modus productionis istius Aneurysmatis sporii sub ipsis oculis cadat, argumenta producā, tum ex mechanicis legibus fluentium liquidorum, tum vel maxime ab experimentis Anatomicis petita.

PROPOSITIO XXXVII.

Exponitur, ac demonstratur actio momenti compositi impetus recti & obliqui sanguinis, aut compressus Arterias excurrentis.

PIMUM itaque advertatur, in canalibus pelliceis, qui facile distenduntur per vim projecti liquidi, considerari posse partes excurrentium fluidorum perinde quasi totidem lineas, quarum aliquæ ab orificio canalis procedant per axem, aliæ vero incurrant, seu urgeant superficiem internam ejusdem canalis, qui quidem canalis si alicubi comprimatur, vel obstruatur, necesse est ut vel omnes, vel partem ex lineis tum prope axem impulsis, tum ad latera incidentibus à suo libero excurso prohibeatur, reflexionem patiantur. Quod sane in sequenti clare apparebit figura

Sit Arteriæ segmentum cylindricum BE, sitque fluxus vehementer projecti sanguinis ex B in E. His positis detur obstructio, vel compressio in locis DD: quoniam sanguis vehementer propulsus à B in E cum pervenit ad prædicta loca compressa, vel obstructa prohibetur à libero excurso versus E, necesse erit, ut reflectatur à punctis DD quaquaversum, & nisi exerceat contra sanguinem impulsus à B versus E, fierique non poterit, quin cum latera ipsius Arteriæ supra loca DD non sine distractionis resistentia, quemadmodum sunt ripæ fluminis, sed maxime distrahibilia dilatentur in diastolem supra consuetam orbitam suorum orificiorum præsertim in canali BE versus universam circumferentiam FF; quin imo in singulis Cordis pulsationibus, geminato nisu sanguinis, recto nimirum & reflexo, supra loca positorum impedimentorum, necessario membrana ipsius Arteriæ non tantum penitus distrahentur, sed tandem

dirumpentur, præsertim si aliæ accesserint. causæ, de quibus in sequenti Propositione.

Neque sane difficile admodum erit prædictum adacti, & geminati sanguinis impetus operandi rationem in Arteriis concipere, si advertatur, plumbeos canales fluxum devolutæ aquæ dirigentes, ob solam quandoque obstructionem, vel compressionem, duplicato, ut superius exposuimus momento nifus excurrentis liquidi citra ipsa impedimenta, sensim laxari, ac dehiscere.

Sed quid opus est ut externis experimentis utamur, ubi admodum, clara in Animalium corporibus sese obijciunt exempla? Denudet quis in Cane Arteriam e. g. Iliacam, & mox vinculo stringat, vel alio comprimat corpore, inde exitum sedulo observet, & re ipsa docebitur, quanto major sit impetus, & distractio quaquaverfum in illo Arteriæ segmento supra impedimentum post ligaturam, quam ante ipsam extiterit. Legatur hac super re pulchrum illud tentamen Magni Harvei in Lib. de Circulatione Sanguinis Exercitatione III. pag. 214. ubi narrat à se factum experimentum, quod à Galeno & Vesalio indicatum potius, quam tentatum fuerat, sciendendi nimirum transversim Arteriam, & inditâ fistulâ ipsam ligandi. Audiamus illius verba: inquit enim « nam supra calamus, aut fistulam quamprimum, ac vinculo Arteriam strinxeris, supra ligaturam Arteria » statim ab impulsu sanguinis desuper impacti dilatatur ultra orbitam » fistulâ, inde & fluxus inhibetur, & impetus refringitur, ita ut » Arteria vinculo subdita, obscura admodum pulset, quia est sine » impetu transeuntis sanguinis, & quod supra ligaturam reverberatur, &c.

PROPOSITIO XXXVIII.

Deducitur ex multorum serie experimentorum, validam Arteriæ compressionem, seu constrictionem, si diu perduraverit, & canalem impervium reddat, productioni substantiæ polyposæ superioris Arteriosæ segmenti cavum obturantis occasionem præbere.

ILLUD plerumque in præternaturali corporum constitutione solet accidere, ut vitium, quod simplex initio morbi fuerat progressu temporis geminetur, & quod à solidis incæpit, postmodum propagetur in fluida. Hoc sane evidenter apparet in forti seu valida com-

pressionē, vel vinculo ipsarum Arteriarum, hæc siquidem affectiones si diu perseverent, non tantum sanguinis excursus per illam Arteriam præpediunt, & morbosam ejusdem liquidi repercussionem inducunt, sed efficiunt, ut tenaciores quædam cruoris partes, cum minus ad reflexionem sint mobiles agglomerari invicem, paulatimque lateribus Arteriæ adharere incipiant, donec plenior ex novo affluxu facta moles contumilium particularum fila referentium, in densum & fibrosi speciem exhibens corpus, quod polyposum dicimus, coalescat.

Error autem posset hic subrepere, si quis opinaretur hujusmodi polyposum concretam nonnisi scissa, ac dehiscente Arteria fieri, ut de crusta polyposa cystidem Aneurysmatis obducente alias monuimus. Etenim in Aneurysmate sacci formam æmulante crusta polyposa impedit, quominus cruor per Arteriæ axem non interrupta circulatione fluere possit; Secus autem in spurio, de quo loquimur, Aneurysmate polyposum corpus Arteriæ cavum plane obstruens rectam sanguinis viam præcludit, ac proinde eo in loco circulationem intercipit, coacto fluido ad laterales vias capeffendas. Hinc sæpe pulsus ex hac causa obliteratur in carpis, ut in Marchione Paulutio.

Probat verò nostrum de generatione polypi assertum ipsa experientia, quam sæpe in Canibus firmavimus: etenim denudatam apud illos unam ex Arteriis Iliacis cerato filo ante constrinximus; deinde curandum vulnus eorundem salivæ relinquentes post quindecim, aut viginti dies secata per longum Arteria, expositam polyposam concretionem citra ligamen offendimus; quam quidem concretionem canalıs cavum ita opplevisse animadvertimus, ut etiamsi soluto vinculo omnis tubo libertas redire potuisset, obstructio tamen ab irruente postmodum sanguine non omnino tolli potuerit, quia nempe substantia polyposa, vel nunquam, vel nonnisi longo tempore, seu repetitis pressionibus, & salis volatilis alluvione rursus dissolvi potest.

Advertendum ulterius ducimus, nos vel nullam, vel minimam dumtaxat lateraliter canali hærentem invenisse polyposam substantiam, ubi compressio, & constrictio non adeo valida adhibita fuerit, unde fluxus liquidi à superiori ad inferius Arteriæ segmentum subito non restiterit, sed adhuc utrumque perduraverit; torrens etenim sanguinis, cum ad strictum locum pertingit, partim reverberat, partim vero impetu majori fluens crassiores sanguinis partes secum abripit. Sed in humanis corporibus ægriiudine aliqua tentari cœpit

res aliter potest evenire; nimirum ut vitium constrictionis canalis illico jungatur cum vitio fluidi ad stagnandum apti, unde polyposa concretio, quæ tubi culpa non accideret, vitio fluidi acceleretur.

Deinde confirmatur exposita hypothesi diversorum exitus cadaverum, in quorum puris Aneurysmatibus hujusmodi polyposa substantia viam cursus sanguinis Arteriosi plane obstruens, inventa fuit. Pulchra præ aliis videtur historia à Panarolo Pentecoste II. observ. XI. descripta, qui narrat Aneurysma, quod ad verbum transcribendum duximus. « Religiosus quidam cum esset quadrato » corpore, ante multos annos passus fuerat Aneurysma sub axilla » dextera. Huic consulentibus Medicis, singulis quibusque annis » maxima ex brachio opposito sanguinis copia hauriebatur. Accidit » in eo tempore, dum nunquam tam jucundus, & promptior esset » ad vitæ functiones, illi repentina mors. Sexto cadavere, Venam » Azygos maximopere turgentem inveni, ita ut rumpi videretur. » Venæ item, & Arteriæ omnes, quæ musculos intercostales dex- » teros irrigant, summopere tensæ, plenæque erant, ita ut dum » sectio fieret, circa claviculam, & axillam maxima sanguinis copia » redundaret. Sed, quod maxime admirandum fuit, Arteriæ Axil- » laris inspectio; ipsa enim non ut in reliquis Aneurysmatibus rupta, » & corrupta erat, sed undequaque integra: eâ tamen differentiâ, » quod circa Arteriam, & Venam Axillarem, atque intra cavitatem » Arteriæ caro quædam alba, solida, dura, & cartilaginosa maximæ » portioni tam firmiter adhærebat, ut secerni nullo modo posset, » imo ferro mirifice resistebat. Unde cum via sanguinis naturalis, » vitalis ad irrigandum brachium ex insigni interna obstructione pau- » latim clausa esset, retrocedens sanguis Cor suffocando, partem » illam inopinatæ mortis falce refecavit.

Similiter apud Marcum Aurelium Severinum de Novissimis Observatis Abscessibus Cap. XXXIV. §. V. prostat historia Aneurysmatis Arteriæ Celiacæ à Nicolao Larcheo Chirurgo Romano diligenter observati, cujus dissectionis descriptio talis est. « Extorri igitur ab » inferioribus postquam ad Arterias Emulgentes pervenimus, superata » jam parte, qua Magna Arteria primos divaricatus mittit, corpus- » cula offendimus tria ex pituita concreta (hujus uber est modus » Arteriæ longèque amplior quam Vena) vi caloris, opinor, sibimet- » ipsi incumbenâ, quæ obturamenti cujusdam modo Arteriæ ductui.

» sic offarcta transversim erant, ut spiritui se transfundenti præcluc-
 » derent viam; continuo autem ad superiora facto transgressu, tan-
 » dem Cæliaca sese obtulit ita dilata, ut compressum pugnum ad-
 » mitteret, quæ naturæ suæ modo vix annularis digiti crassitudinem
 » æquat, in quo sinu sanguis abunde stagnabat ater, grumofus, in
 » putredinem abeuntis imaginem præferens: à quo uno Arteriæ
 » sic depravato statu profectam interitus causam nemo est qui du-
 » bitet». Attente perlegenda historia prima Observationum Ana-
 » tomico-Medicarum Johannis Baptistæ Fantoni, in qua describitur
 » Aneurysma Arteriæ Magnæ paulo supra Iliacas in viro carnosî habi-
 » tus, frequentibus animi deliquiis, & vagis ventris doloribus vexato,
 » in quo post mortem infra locum Aneurysmatis aderant crassissimi
 » polypi, qui sanguinis fluxum, versus Iliacas impediabant; sed jam
 » tempus est, ut ad alia procedamus.

PROPOSITIO XXXIX.

*Demonstratur adauctum, ac geminatum impetum sanguinis, qui ab
 initio spurium efficit Aneurysma, verum, & legitimum raro indu-
 cere posse, quin vel solito graciliores alicubi inveniat Arteriarum
 membranas, vel in locis peculiaribus, ut erodens liquidum ad causæ
 vim accesserit.*

NOSTRA hæc Propositio habet duas partes, primam, in qua assu-
 mimus Arterias nonnisi raro per auctum impetum rectum, & reflexum
 sua natura laxari, ac dehiscere posse, secundam, in qua probare
 aggredimur, per geminatum hunc impetum facilius, ac frequentius
 Arterias scindi non posse, verumque producere Aneurysma, quo-
 ties eidem insita tubi gracilitas, vel erodens indoles circumfluentis,
 atque excurrentis liquidi pertinaciter non adjungitur.

Prima pars facile probatur cum rationibus, tum experimentis à
 priori quidem; quia licet ponatur dirigi contra resistentiam peculiaris
 Arteriæ utrumque sanguinis impetum supra ordinarias leges adauctum,
 nisi Arteria fuerit exilis, atque extrema (ut in parturientibus, & diu,
 violenterque vomentibus interdum accidit) per solam istam vim im-
 petus vix poterit dissilire: eo quod in Arteris considerari debet non
 solum resistentia, quæ proficiscitur ex propriis tunicis, sed etiam
 illa superaddita resistentia, quæ proficiscitur ex multiplici complexu

membranarum, glandularum, aut muscutorum, quæ ubique locorum ipsas Arterias circumvalidare solent. Unde etiam si prædicta sanguinis vis naturalem solius Arteriæ resistantiam posset superare, non ita facile renisum circumpositarum partium vincere potest.

Experimentis etiam thesis nostra probatur: etenim quoties amputato, aut ligato membro, vel in convulsis, aut ossibus Arteriis apud hypochondriacos, & hystericas fortis pulsatio perentia fuit, quæ licet pertinax ad annos perduraverit, nihilominus in apertum Aneurysma nunquam transivit; spiritum enim Aneurysma cum sola Arteriosi tubi ditractione interdum diu perseverat: Cujusmodi fuit, quo Religiosus quadrati corporis, referente Panarolo loco supra citato, ante multos annos sub axilla citra ullam rupturam, aut corruptionem detentus fuerat; secus vero spurium Aneurysma optime cedit cum placida medela solutis vinculis in naturam redit Arteriæ.

Quantum vero spectat ad alteram Propositionis partem demonstrandam, hoc sane longe facilius assequi poterimus, si Auditores nostri meminerint, quæ alias docuimus de infita, sed præternaturali Arteriarum gracilitate, & de adjunctis pravis humoribus ad alias causas.

Etenim si corpus Arteriam obstruens, vel comprimens erodentes aliquas particulas de se promat, vel aliunde ex sanguine, aut nervis in affectam Arteriam derivet (quod sane ægro in corpore contingere facillimum est) quæ intra fibrosam canalis texturam veluti cunei penetrantes illam sensim diducant, simulque discendant, in Aneurysma spurium ab initio, denique in legitimum transit, & adolescit. Quod nos octo abhinc annis vidimus in aperto cadavere cujusdam Causidici affectione hypochondriaca vexati. Hic multos annos consuetam Cæliacæ pulsationem ex spasmo exoriam passus fuerat, sed postremis duobus annis pulsationi etiam tumor malo punico æqualis adjunctus fuerat, in eo ramus Cæliacæ Arteriæ, quæ primum sola convulsione laboraverat, sensim fluidi impetu, & erodentis vi adeo dilatatus fuerat, ut marsupium formaverit cænofo, ac polypofo humore cursum sanguinis in Arteriolas obstruente plenum, quod postremo dehiscens, & progressu temporis apertam versus partem, quæ incolumi Arteriæ segmento finitima erat, exundante intra cavum Abdominis Arterioso sanguine subitam ægroti necem induxit. Exemplum aliud Aneurysmatis sparii inchoati nempe à plenitudine sanguinis Aortam

Aortam distendentis, ac demum in legitimum adolescentis ob adjunctam fluidorum acritudinem, & erodendi vim clarum, si quod aliud extat apud Saporam De Tumore Præternaturali Lib. 1. cap. 43. de quo miror quomodo à Sennerto dubitari possit, an verum fuerit Aneurysma.

Neque vero hic prætermittendum videtur, quod alias monuimus, circa infitam Arteriarum gracilitatem, quæ cum in aliquibus corporibus consueto minus robusta ad resistendum impetui sanguinis repariatur, facile fieri potest, ut e. g. in bajulis, tibicinibus, parturientibus ob adauctam, respirationis contentione, vim propulsione sanguinis major nisus in particulari Arteria determinetur, quæ minus valida, aut suapte natura, aut ex obice fiat ad resistendum; unde necessario cogitur dehiscere, ut in antecedentibus fusius demonstravimus.

Interim satis fuisse arbitramur, si rationes exposuerimus, cur ex bajulis, cæterisque violentos conatus exercentibus, nec non ex aliis qui obstructas alicubi Arterias habent non omnes in vera incidant Aneurysmata.

PROPOSITIO XL.

Quod Medici tanto studiosius debent inquirere in scientiam incipientium spuriorum Aneurysmatum, quanto hæc, si statim cognoscantur, minus difficulter, quam pleraque legitima, curari soleant.

CUM Aneurysmata spuria initio adjunctam minime habeant diminutam resistantiam Arteriarum ad consuetum sanguinis impetum, sed auctam solum contentorum fluidorum vim; cumque probatum superius jam sit, auctam vim sanguinis vix posse legitimum Aneurysma producere, quin vel ipsius inhirmitas Arteriæ, vel erodens liquidum accesserit, sequitur, ut spuria Aneurysmata, si ab initio cognoscantur facilioris sint medelæ, quam legitima, quia tunc probabilissimum est, nondum superadditam esse labem in Arteriarum tunicis, ob quam major fibrarum debilitas, seu minor resistantia induta sit. Adnitendum itaque erit in principio istarum ægritudinum, ut causa tollatur adaucti impetus in sanguine; quod facilius est assequi, quam resistantiam solidis addere. Atque hinc profecto fit, ut passim curata observentur hujusmodi Aneurysmata in plethoricis, atque hypochondriacis, quorum

medela, si diu neglecta fuisset, frustraneus postea omnis labor extitisset; quia nimirum, ut supra demonstravimus, Arteriæ ex aucto, & duplicato imperu sanguinis una cum accessione liquidi erodentis non ægre debilitari solent. Idcirco etiam atque etiam Auditores nostros monemus, ut quæ in sequentibus tradituri sumus, non tanquam obiter dicta, sed veluti diu elaborata, & ad lydium experimenti lapidem revocata studiose velint excipere; frustra enim laboramus in curatione illorum Aneurysmatum, quæ jam erosas habent membranas, quas nulla acus rursus potest consuere.

PROPOSITIO XLII

De differentiis; & signis Aneurysmatum pendentium à vi cunei plenitudinis sanguinis.

QUAMQUAM sanguinis plenitudo cum ad extremum pervenerit, motus omnes in Animali reddere soleat languidiores, eo quod tollat in minimis vasculis, & loculis necessarium illud ad concidendum, ac resiliendum spatium, sine quo liquidorum separationes, & fibrarum distensiones, contrariis urgentibus nisibus fieri non adeo facile possunt: quapropter ii segniore ad motum evadunt, quorum corpora saginata magis fuerunt; nihilominus cum plenitudo mediocris juncta magnis extemporaneis conatibus, vel membrorum compressionibus, & curvaturis, aut vitio insitæ gracilitatis Arteriarum, multum faciat ad vasorum dilataciones, & causa esse possit non infrequens Aneurysmatis, ideo de hac nunc agendum ducimus.

Illud vero præ primis advertimus communi omnium Medicorum, & Chirurgorum observatione exploratum esse Aneurysmatum causam, ut nos fateri possimus, ex centum Aneurysmatibus sponte, seu absque ullo externæ causæ concursu obvientibus, plus media parte in gulosis, & bibacibus vidisse; reliqua autem in hypochondriacis, hysteriacis, & syphillide obsessis. Vide quæ docte, prudenterque scribit Marcus Aurelius Severinus De Novissimis Observatis Abcessibus Cap. VII. pag. 177, & apud eundem confer ea, quæ tradit Nicolaus Larcheus in Observatione quadam Aneurysmatica data ad D. Marcum Aurelium Severinum, & loco citato adnexam pag. 280.

Sed quoniam ingluvies, juxta diversa alimentorum potuumque genera, necnon reliquæ vitæ rationem, duplicem plenitudinem facere solet, unam sanguinis laudabilis, hoc est sale volatili-oleoso præditam, alternam verò cacochymam, crudorum nempe succorum sale fixo acetoso in phlegmate dissoluto redundantem, ab utraque sane proficiscitur Aneurysma, si præsertim insita alicujus Arteriæ debilitas, vel ignota nobis occasio malis ovis incubatum adjunxerit.

Et quamquam plenitudo optimi sanguinis rariùs Aneurysma solet inducere, nisi constrictionem, seu compressionem alicujus Arteriæ, vel animi pathemata prodromum, & comitem habuerit; idcirco malum hoc cognoscitur, quia fortis pulsatio incipit in corporibus robustis, & laudabilem constitutionem, cum genarum rubore, & lacertorum validitate, præ se ferentibus, quibus tamen vel improvisus aliquis timor, vel pertinax mæror liberam per ipsa Præcordia circulationem præpediverit, aut vita sedentaria, & compressio, vel curvatura alicujus membri causam dederit, cur particularis Arteria amplè, nimiumque distracta sponte laxata fuerit.

Aneurysma verò ortum à plenitudine cacochyma, faciliùs cognoscitur, tum quia anteaustum vitæ genus jam congestam humorum urgentium copiam plenè demonstrat, tum vel maxime; quia ab ipso agro hic illicque per corpus pulsationes quædam præsentuntur: eo quod Arteriæ suis in finibus ob liquidorum copiam leviter obstrui, & ob fibrarum irritationes convelli solent, ut intercepta sanguinis ab Arteriis in venas immissio ejusdem reverberationem intercepta sanguinis ab Arteris in Venas immissio ejusdem reverberationem ad latera identidem efficiat, donec in particulari Arteria plenitudo ista, validiori inducâ obstructione firmiùs determinetur, & fundamenta spurii Aneurysmatis jaciât; sed à signis transeamus ad Therapeuticam, & ad peculiâres spuriorum Aneurysmatum ætiologias.

PROPOSITIO XLII.

Agitur de curatione Aneurysmatum à vi cunei plenitudinis sanguinis.

UT juxta veriore methodum procedat curatio prædicti Aneurysmatis, distinguenda erunt illius tempora; etenim si Medicus accersitus fuerit incipiente malo, tunc secta semel, atque iterum Vena ad minuendam collecti sanguinis molem, nec non exhibitis lenibus

ex cassia, & tamarindo solventibus, una cum placidis diluentibus, ex juribus borraginis, sonci, & similibus, nec non nitro stibiato, totus esse debet in rigida instituenda victus ratione. Quantum namque mero, & esca immodica primum se compleverat æger ad morbum excitandum, tantundem etiam Cereris, & Bæchi parcitate longa uti debet, ita enim periculosissimus Severinus de Novissimis Abscessibus Cap. VII. in scholio num. 8. se restituisse narrat Carolum IX, qui cum primum Aneurysmate ex nimio sanguine erupturum vidit, statim abstinencia repressit.

Neque nobis defuerunt exempla consimilium morborum, qui si vetustatem attigissent, tamquam insanabiles relinquendi fuissent: principio tamen rigida vivendi ratione, exercitatione corporis jejuno ventre, nec non aeris mutatione remisérunt.

Si verò Chirurgus suscipiat curationem confirmati, & jam in legitimum mutati Aneurysmatis, tunc satis erit, si conatus omnes impendat in prohibendo, ne universus sanguis nimia copiâ redundans, vel sibi construat impedimentum ad motum in præcordiis & cerebro, aut Aneurysmatis cystim dirumpens subitam necem possit inferre; alterum enim contingere solet in antiquis, quamquam spuris Aneurysmatibus à plenitudine ortis; apud observatores Medicos adeò frequentes leguntur eorum historiæ, qui extemplo vitam cum morte commutarunt, in quorum cadaveribus, vel turgens dilatatorum in Cerebro, & Præcordiis vasorum plenitudo, vel aliquo in cavo effusus sanguis occurrit.

Prohibetur autem potissimum humores turgere, si statis temporibus vere nimirum, & autumnus corpus sanguinis missione extenuetur, cujus auxilii professò indicatio non ex sola ægri consuetudine, aut Medici inconsulto arbitrio sumenda erit, sed ex ipsis incipientibus indicii adauctæ molis sanguinis: Hæc autem sunt segnities ad motum, Præcordiorum angustia, Capitis gravitas, calor, aut dolor. Sæpe enim vidi aliquos, qui unum vitare cupientes malum, alterum funestius, nempe (ob nimiam sanguinis detractionem) cachexiam, & hydropem incurrerunt. Adeò verum est, prudentiam in Medico potiorē esse suarum virtutum partem.

Deinde moderata quoque victus ratio, quæ ad tenuem potiùs quàm ad mediocrem inclinet optimum erit præsidium ad evitandam, ut superius indicavimus, vasorum plenitudinem; cum autem in

secundo hoc Aneurysmatis statu corporis exercitatio vitari debeat, ne nimiae distensionis affectu jam Arteriæ cuneos addamus, eò magis necessarium arbitramur præsidium, quod à vitæ parcimonia profiscitur, in qua illud etiam diligenter cavendum, ne acetariis, scribis, acidis succis utatur æger, cum jam demonstravimus, spuria Aneurysmata accessione acrium succorum, facile in legitima & omnino lethalia passim immutari.

Neque interim despiciamus decoctiones aliquas vulnerarias, quæ festâ Venâ ad aliquot dies propinari possunt, ut vasorum robur, ac fibrarum vis, quo fieri per Medicum potest, firmetur.

PROPOSITIO XLIII.

De variis speciebus spuriorum Aneurysmatum ab Arteriarum convulsione oriundis.

INTER Aneurysmata spuria non infimū certe locum tenent ea, quæ à nervearum fibrarum spasmo dependent; cum enim Nervi hic illicque hederæ ad instar Arterias circumligent, ita in earundem fibrosam compagem ad motum tunicarum adversus Cordis impetum probabiliter reciprocandum, altè propagentur, ac penetrent, si contingat, quemadmodum in reliquis Nervis solet accidere, ut alicujus Arteriæ Nervus spasmo afficiatur, tunc necessario ob suorum contractionem villorum, ipsa quoque muscularis ejusdem tunica convellatur oportet, ac proinde, ut Arteriosi tubi diameter ibidem constringatur, indeque sanguis versus Cor inflectatur, vel saltem versus partem superiorem Arteriæ, cæteraque contingant, quæ hinc evenire diximus Propositionibus antecedentibus.

Hujusmodi autem spasmodica affectio in Arteriis plures habet differentias, sed duas præsertim; modò enim corripit fibras longitudinales, modò obliquas, seu spirales, nunc verò unam, nunc plures una, scilicet Arterias.

Quoniam Arteria, ut suo loco demonstravimus, obliquis sese mire decussantibus fibris instruitur, simulque longitudinalibus, fistas eas contractionum distinctiones nemo dixerit, qui tum in mortuorum Anatome, tum in vivorum de praxi diu fuerit exercitatus.

Similiter cum Nervi non in Aortam solum, sed in singulis artuum flexuris, & potissimum intra Abdomen miros ob fines intra substan-

tiam Arteriarum disperdantur, hinc sane fit, ut interdum Arteriarum convulsiones nunc fiant circa Cor, nunc in Abdomine, & circa Uterum, nunc in singulis fere extremis ofcillis eorundem canalium. Quod aliquando observavimus apud nonnullos, qui multo saepe acridundantes identidem violentissimas extremarum omnium Arteriarum pulsationes persenserunt, donec & quousque tota quanta vagabatur per corpus uno in loco cumulata erodens materia (nisi cicurata fuerit) verum produxerit Aneurysma. Legatur apud Paræum Lib. VI. Cap. XXVIII. celebris historia pulsationis insignis omnium Arteriarum, cum æstu totius corporis, cui tandem Aneurysma ipsius Arteriæ Venosæ successit.

PROPOSITIO XLIV.

Traditur diagnosi ex historia convulsionis fibrarum longitudinalium Arteriæ.

COGNOSCITUR verò fibras longitudinales Arteriarum spasmotineri, quia ægrotantes pulsationes quasdam persentiunt in Præcordiis una cum sensu molestissimo tractionis, ac divulsionis plurium Arteriarum à finibus versus principium, quòd cum evenit, non dubito quin obliquæ etiam fibræ una convellantur, atamen vitium læsionis in fibris rectis potissimum apparet; & quanquam rarissima sit hujusmodi morbi species, eam nihilominus pluries vidi, sed præsertim primò in muliere hysterica, quam sedulò per intervalla paroxysmo detentam observavi, in quo mirabile occurrebat symptoma palpitationis Cordis, & magnæ palpitationis ampliatarum Arteriarum temporalium, & carpi cum dolore ex earundem contractione, seu versus Cor retractione. In his autem effectibus probabile admodum est, superiores Aortæ ramos convulsionem per longitudinem passos fuisse, unde contractis hisce tubis non solum conhibebatur elutriatio sanguinis ab Arteriis in Venas, sed quod in iliaca contingit affectione, antiperistaltico excitato motu fluidum contentum repercutiebatur ad Aortam, & Cor, ubi palpitationem, & angorem ciebat. Mulier hæc mutatione tum aëris, tum variorum, quibus ejusdem animus agitabatur, objectis, optimè convaluit.

Novi etiam juvenem fusci coloris, & melancholicum, qui in oppido Bracciano Medicinam exercebat: hic post multa animi pa-

themata, & varium acido-acrium ciborum abufum in quandam Præcordiorum, & Axillarium Arteriarum affectionem inciderat, quæ non folum Cordis palpitationem cum fonitu, fed vehementem pulfationem in utroque carpo una cum fenfu violentiffimæ, & dolore contraktæ Arteriæ identidem æqui temporis intervallis inducebat: crevit morbus ad ufque probabilem fufpicionem dilatati juxta Cor magni alicujus vafis: is cum variis ex fero, fuccis, chalybe, cardiacis, purgantibus, aliisque medicamentis, ac fanguinis miffione fe maceraffet, venit Romam inter initia veris, ac me potiffimum fuper curatione confultuit. Ipfe audita morbi hiftoria, fufpicabatur, ichores acres, quos brevitatis gratia dicimus melancholicos, tum in Corde, tum in Arteriis Axillaribus fibras præfertim longitudinales pun gere, atque irritare; hinc enim perturbato, ac diminuto per contraktionem diametro Arteriofi canalis perturbabatur libertas trajectionis fanguinis ab Arteriis in Venas Axillares; unde reflexio, atque repercuffio ejufdem fanguinis ad fuum principium. Damnatis idcirco cæteris pharmacis laudavi pertinacem ufum fucci pomorum redolentium in jure cum balneo aquæ dulcis, nec non oleo amygdalarum dulcium; & vini abftinentia. Poft annum ad Urbem rurfus rediens æger ifte mihi ingenue faffus eft, fe folo fucco pomorum per duos menses fumpto integre convaluiffe. Adeo verum eft cum initia, tum remedia magnorum morborum, plerumque effe puflilla.

Hinc tamen à minus in Arte peritus tamquam per Corollarium notatum velim, palpitationes Cordis, & varias Arteriarum pulfationes nifi quamprimum opportune curentur, in vera tranfire Præcordiorum Aneurysmata, nulla deinde curandi methodo cedentia.

PROPOSITIO XLV.

Exponitur diagnofis, & curatio fpuriorum Aneurysmatum ex convulfione circularium fpiralium fibrarum Arterias comprehendentium.

HÆC affectio ut plurimum corpora valetudinaria corripit nervofis affectionibus obnoxia, cujufmodi præfertim funt hypochondriacorum, atque hyftericarum; In iis enim vel Nervorum fuccus acer factus ad Arteriarum fpafmos descendit aptiffimus, vel ichor Nervis infeftus per Arteriolas in fibras tunicæ majorum Arteriarum delatus fpafmodicam affectionem, ratione fuperius allata, creat.

In Cæliaca verò Arteria frequentissime hujusmodi accidunt Aneurysmata, ut experimentis passim Docti referunt, quos inter Riverius de Melancholica hypochondriaca, & nos etiam allatis exemplis superius demonstravimus, & ratio potissima est, quia hujusmodi canalis est obliquus, & variis Nervorum plexibus, quasi habenis cingitur, ac moderatur; unde cum apud hypochondriacos fermenta primæ digestionis à naturali dulcedine sint devia, fibrosas, nervosasque (quæ plurimæ in Abdomine existunt) partes nonnihil convulsas perpetuo solent detinere, quemadmodum aperte demonstrant alvus adstricta, ventris tormina, tensiones, ructus, horborygmi, & similia: cumque ex chylo austeris, ac peregrinis salibus scatente, lymphæ, & succus nerveus consimilis pariter indolis soleant rursus gigni, hinc sane evenit, ut paulatim res eo perducatur, ut membranæ etiam extra intestinorum cava positæ convelli incipiant, donec fibrosa Arteriæ Cæliacæ compages una convellatur; id quod primum ex identidem recurrente molesta, ac postmodum continua, gravique pulsatione innotescit, quæ ubi ad annos nullis cedens remediis pertinaciter producitur, tumoremque in stomachi fundo, pressionibus pulsatilem secum fert, certo certius in verum migravit Aneurysma, quod tandem rumpitur, & necem ægrotantibus affert, ut admotis exemplis superius confirmavimus.

Sed cum certissimum sit, hujusmodi mala, si ab initio prudentem expertumque Medicum nanciscantur, non ægre curari posse: Idcirco dabimus hic exemplum de victo inter initia hujus generis Aneurysmate.

PROPOSITIO XLVI.

Describitur exemplum sanati spurii Aneurysmatis Arteriæ Cæliacæ, & inferioris Aortæ.

ILLUSTRISSIMUS Marchio Litta Mediolanensis juvenis studiosus, & melancholicus sensim ob affectionem hypochondriacam eo pervenit, ut de alio nihil magis conqueretur, quam de magna pulsatione Arteriæ Cæliacæ, & inferioris Aortæ, quæ non tantum tangenti manui obvia erat, sed ægrotanti adeo molesta, ut anhelitum, & Cordis angorem identidem induceret. Plura ad hanc rem tam Mediolani, quam Romæ adhibuerat pharmaca, sed invicto semper morbo. Tandem cum ejusdem

ejusdem salus doctissimis practicis DD. Baglivo, & Palillo commendaretur, meum etiam exoptarunt consilium : Cœpta itaque curatio est primo per emollientia admisto oleo amygdalarum dulcium per ostidium in jure sumpto, tum extra & intra foribus, & clysteribus; deinde aquâ nucerianâ repenti diluculo sumpta acrium salium solutio, & elixivatio, nec sine fructu, tentata est; denique balneo aquæ dulcis paulo, quam solemus tepidiori absoluta fuit medela. Serum porro irritans fufum per cutis meatus discussum, ac per urinæ vias fuit eliminatum, neque sane abs re alicui videbitur blandum sudorem promovere iis in morbis, cum diluta, & savis fluida reddita fuerit causa, quæ vires accepit ab inertia corporis, atque à vita sedentaria, per quam in studiosis major Arteriæ Cæliacæ, & Iliacarum curvatura efficitur, majorque proinde præbeur ansa sistendis, seu determinandis actibus circa illas in ichoribus. Post aliquot annos revisimus Nobilem hunc ægrotum, qui acidulis chalybeatis omnino convaleuit.

Similem, licet diversa in parte, vidit Roma morbum, felicemque exitum in Jurisconsulto D. Carolo Vernino Auditore Eminentissimi Cardinalis Nerli. Hic cum esset biliosus, summeque mobilis corporis, & ingenii, sensum tensione quadam in crure dextro corripit cœpit, quæ Arteriæ primo pulsationem, dein tumorem induxit, quod sane mali genus multis accersitis Chirurgis Aneurysma indubie creditum, & appellatum fuit. Et quoniam in diversa abierunt curantium consilia, relicta truci, & periculo plena sectionis, vel ustionis viâ, peritissimus tunc temporis Chirurgus Magnanus una cum Excellentissimo D. Denza illius Medico primum fotibus, deinde balneis aquæ dulcis, nec non interioribus diluentibus, & lacte asinino curationem ad umbilicum perduxerunt; subsedit enim, & evanuit tumor, indeque ægrotus iste per sexdecim annos sanus vixit, & acuto dumtaxat malo correptus decessit.

Plura adhuc ex convulsionibus suborta vidimus Aneurysmata in delicatis nutricibus, quæ cum supra vires infantibus lac præbere studuissent, sæpe alicubi Arteriarum pulsationibus cum dolore correptæ fuerunt, quæ nisi lactare desuissent, in tabem, & vera Aneurysmata perductæ fato cedere debuissent.

Sed quoniam frequentissime accidit, ut Aneurysmata Auricularum, & Ventriculorum Cordis à convulsione incipiant, ea ratione moveor ad subnectendas hic Propositiones, quæ modum explicant

K

generationis istorum Aneurysmatum, nec non methodum, qua ab initio feliciter curari possunt.

C A P U T V.

*De Hæreditaria ad Cordis Aneurysmata constitutione :
& de Cordis prolapsu.*

PROPOSITIO XLVII.

Exponuntur exempla hæreditariæ ad Cordis Aneurysmata constitutionis.

CUM apud Hippocratem clara extet doctrina propagationis morborum à parentibus in filios, cum ex fluidorum vitis, præsertim de morbis num. primo per hæc verba : *Et quia Animal secundum parentes enascitur tot humorum species, & sanorum, & morbosorum in se habet*; tum etiam ex solidorum culpa ut de morbo sacro num. 5. *ex lienoso lienosus, ex tabido tabidus nascitur*, nemo inficiabitur Cordis vitia à parentibus in filios propagari posse. Profecto hujusmodi labes, quandoque inurit, seu traducitur à primordiis generationis, scilicet cum radix Venæ Cavæ, Auricula, & Ventriculus dexter languidiori, & laxiori fibrarum nexu coalescit, sinistris interim parietibus cavorum Cordis multo validioribus, tunc enim adolescente sensim Præcordiorum mole, dilatatio dextrorum cavorum, leves ob causas incipit manifestari, nimirum, vel ob violentos corporis animique motus, vel ob aliquem acrium ciborum abusum.

Istius autem hæreditariæ affectionis non leve signum est pulsatio quædam in dextero Cordis latere, quam affecti alioquin sani percipere afferant, post violentas corporis exercitationes, aut post crapulam.

Hujus profecto rei clarum nobis præbuit testimonium nobilissima quædam familia, in qua quatuor sese ordine excipientes generationes, Proavum nempe, Avum, Patrem, & Filium, pessimo hoc mali genere vexatos fuisse nobis innotuit.

Proavus quidem generosissimus alioquin vir cum plane ignoraret læthalem suæ affectionis naturam, apud amicos interdum ludere solebat, se duplici Corde à natura donatum fuisse, ictum enim in

dextera thoracis parte identidem perſentiebat; Hic autem manifeſtato poſt aliquot annos dexteri Ventriculi Aneurysmate deceſſit.

Hunc deinde ſecutus eſt ejuſdem filius nihilo certe minus Parente ſuo generoſus, ac prudens, qui variis per Europam itineribus, ac publicis, privatiſque muneribus diſtaſtus affectione tandem hypo-chondriaca detineri cœpit, cujus graviſſimum erat ſymptoma frequens Cordis palpitatio; cui cum Præcordiorum angor, anhelitus; ædematoſus pedum tumor, ſepulta quædam pulſatio dextero thoracis in latere, nec non magna Venarum Jugularium fluctuatio adjungeretur, paucis dubium tuit, quin dextera Cordis cava Aneurysmate fuiſſent obſeſſa; aliquis enim minus in praxi Medica, & Anatome exercitatus, huic opinioni aniliter repugnabat, donec aperto hujus ægri cadavere, inventa fuerunt prædicta cava ſtriſto pugno capaciora.

Hic vero me temperare neſcitum poſſum, quin empiricis quibuſdam iſtius Magnatis curantibus irarcar, qui cum illum palpitacione Cordis primum tentari obſervafſent, ſpiritibus, volatilibus, & aromaticis ad diſcutiendos, ut ipſi putabant, ſtatus, maxima cum ægrotantis pernicio ignaviter utebantur; Ii enim ſpiritus diſtractionem fibrarum Cordis mirum quantum accelerarunt.

In tertia pariter generatione vivit adhuc juvenis quadragenario major, qui cum quadregimalibus præſertim cibis veſcitur, pomeridianis horis moleſtam ſentit in prædicto pectoris latere pulſationem, quæ uſque adhuc quiete corporis, & ſomno paulatim recedit. Utinam huic etiam par ſinis non ſit futurus.

In quarta demum generatione filiolum fratris ſuperius deſcripti juvenis ante quatuor annos puerorum epilepſia mortuum, Anatomico cultro ſubjecimus, & in eo hæreditariam hanc Præcordiorum labem offendimus.

Quod in dexteris Cordis cavitatibus nos hætenus obſervavimus fieri poteſt, ut in aliis etiam canalibus accidat.

PROPOSITIO XLVIII.

Agitur de auſa mole totius Cordis cum Aneurysmate, & produſtione; ſeu caſu ejuſdem ſupra diaphragma.

ADEO ſunt diverſa, & gravia Cordis mala, ut frequenter vel ipſius augmento molis una cum Aneurysmate laboraſſe deprehendatur; Neque autem intelligimus hic pro molis augmento ſolam

cavorum dilatationem, sed fibrarum crassitudinem, & soliditatem una cum advoluto adipe, qui basim Cordis solito majorem, ac ponderosiores faciens, universum hoc viscus gravius reddit, quam ut à solita suorum vasorum resistentia suspendi, æquarique possit.

Hoc sane malum non Cordi dumtaxat, sed singulis pene visceribus quandoque solet accidere, ita & nunc Hepar, nunc Venter, nunc Lien, Pancreas, Uterus, aut Renes vitio stagnantium, aut interemptorum fluidorum in solito majorem molem augeantur, indeque eorundem viscerum prolapsus, ac descensus proficiicerentur.

Neque hic sane Lectorem nostrum fatigabimus longo causarum, ac symptomatum, seu signorum examine, quibus in hujus mali cognitionem venire possit, satis enim felicius, ac facilius hæc omnia assequi posse censemus sedula exempli historia quod omnium causarum symptomatum, atque extispicii enarrationem comprehendens, singula explicabit, quæ ad theoriam, ac praxim docendam sunt necessaria.

Apud Observatores Medicos, quantum hætenus legere potui, umbratiles dumtaxat istius mali historiæ reperiuntur, quemadmodum est ea, quæ à Petro Marchetto traditur suarum Observationum Chirurgicarum Observ. XLIX. per hæc verba:

» Venetus quidam annorum quadraginta temperamenti calidi, & humidi, crapulæ deditus de difficultate respirationis, & hypochondriorum angustia conquereretur, qui multis adhibitis frustra remediis Patavium cum venisset, postera nocte morte repentina extinctus est.

» Hujus aperto cadavere in hypochondriorum regione nihil quidem præter naturam se prodidit. Verum in thorace Cor adeo amplum observavi, ut tria naturalis magnitudinis æquaret, ventriculis itidem amplissimis, cujus capsulæ, ubique pressus adhærebat, superiori, ac lateralius partibus, pleuræ etiam annexum; inferiori vero diaphragmati, nec solum membranosa ejusdem parti, sed ob ejus molem carnosæ quin etiam; ex quibus conicere non præter rationem fuit, præfatam gravem respirationem, non aliunde orrum duxisse, quam à pulmonum, & diaphragmatis compressione, quæ & causa fuit doloris hypochondriorum, & potissimum distensio ejusdem.

Neque ab ista admodum abludit historia, quam legimus apud

Miscellanea Naturæ Curiosorum decade prima tom. V. obs. XL. in qua maximum Cor supra diaphragma demissum cum dilatazione ingenti Venæ Cavæ.

Sed quoniam utilitas, quæ magna ex observationibus ducitur, tota quanta est ex integra, & absoluta venit historia, quæ non solum postremum ægri statum, sed naturalem ejusdem constitutionem, occasiones unde is ægrotare cœperit, primas, & mox ordine succedentes singulos morborum gradus proponat, ac rimetur, denique si æger decesserit minutam cadaveris tradat inspectionem, alias enim rudis, informis, atque empirica dumtaxat mali notio confurgit, quam interdum ignorasse satius, quam notuisse ducendum esset, melior enim male pictâ tabulâ quæcunque rasa est.

Propterea necessarium ducimus unam absolute, & non perfuntorie delineatam observationis schedam proponere, ut inde omnium complexum tam causarum, quam signorum istius mali possimus eruere.

CAPUT VI.

De Cordis Aneurysmatibus.

DOCTRINA hæc summopere necessaria videtur, non tantum, quia frequentius malum est Aneurysma cavorum, & vasorum Cordis, quam vulgus Medicorum ob raras ab iis tentatas cadaverum sectiones hætenus putaverit, sed potissimum, quia occultæ multorum malorum causæ sunt investigandæ, quæ in ipsis Cordis cavis dilatatis, vel obstructis repositæ sunt. Puto siquidem nonnulla suffocativa asthmata, contumaces Cordis angores, ac fluctuationes frequentes, pectoris hydropes, ac præsertim subitaneas mortes uno ex fonte, inæqualibus videlicet, atque repente disruptis vasis Cordis, pendere, ut pluries attentata cadaverum sectio me docuit. Quare ut materies tanti momenti dilucide tractari possit sequentibus insitemus.

PROPOSITIO XLIX.

Demonstratur Cordis cava, & majora vasa difficulter per simplicem erosionem interioris superficiei dilatari posse.

UT pateat veritas istius Propositionis, notandum est, sanguinem nullibi velocius, & rapidius, quam per majora vasa, & cava Cordis

moveri. Unde fieri nequit, ut cum primum in fluidis erodentia salia emergere, atque vim exerere incipiunt tamdiu ibidem separata, atque à cæteris sejuncta partibus commoventur, nec impetu univærsi sanguinis abrepta, nec multigenis ejusdem particulis lenibus, ac temperatis diluta, ac reſuſa, donec Cordis fibris exſiſis, atque abraſiſ, interioreſ ejus ſuperficiem diſſolvant.

Id autem præcipue Medicorum experimentiſ paſſim confirmatur. Abſceſſuſ enim, exceſſioneſ, vel ulcera Cordiſ in extrema maxime ſuperficie, aut intra muſculares tum vaſorum, tum Cordiſ fibræſ, raro intra cava contigiffe obſervant; quia nimirum liquida erodentia in magniſ caviſ raro, & nonniſi in mox morientibuſ ſeparata, pura, ac quieſcentia, quemadmodum in Pericardio, aut minimiſ Coroſariſ vaſculiſ reperiuntur.

Deinde quotieſcumque Cor exteriuſ eroſum, aut abſceſſu tentatum fuerit, non proinde legimuſ, aut vidimuſ Aneurymate laboraſſe, niſi una ſimul magnorum canaliuſ, & oriſiciorum obſtaculuſ acceſſerit, ut inferiuſ demonſtrabitur.

PROPOSITIO L.

Aneurysmata Cordiſ & majorum vaſorum faciliuſ per diuturnam vim reperiſſi ſanguiniſ accidunt.

AD evidenter Propositionem hanc demonſtrandam ſatiſ eſſet advertere ex communi omnium Præcticorum, quos apud Bonetum in ſepulchreto Anatomico legere poteris, & ex propria obſervatione Aneurymata Ventriculorum, Auricularum, Venarumque Cavæ, & Pulmonicæ nullibi faciliuſ inveniri, quam apud illoſ, qui diuturna Cordiſ palſitatione, vel pertinaci aliquo aſthmatiſ, aut catharri genere, vel terrifico, diuque detinente gravi ipſiuſ animi pathemate vexati fuerunt; etenim in iſ omnibuſ (quæcumque ſit, & quomodo-
documque operetur cauſa) impeditur libertaſ trajectiõniſ ſanguiniſ in eadem vaſa, & cava reperiſſitur; igitur erit in propatulo per vim reperiſſi ſanguiniſ hujusmodi cava facile diſtendi poſſe.

At enim vero, ut hanc hypotheſim dilucidiuſ, ac diſtinctiuſ exponamus opportunum cenſemuſ, ſinguloſ prædictoſ morboſ, qui plerumque Aneurysmatum Cordiſ ſunt prodromi, accuratius per-

pendere, ut illorum natura discussa atque explanata, nihil reliqui fiat, quod nobis tenebras offundat.

Primò itaque extra dubitationis aleam positum est, palpitationem esse frequentiores causas Aneurysmatum Præcordiorum, in quantum in palpitatione, non semper, vel solum aucta Cordis systole, sed perpetuò impedita libertas excursus ejusdem sanguinis à Cordis Ventriculis in arterias vel à majoribus Arteriarum radicibus in proximos ramos conspirat (unde in omni palpitatione pulsus exiles, inæquales, & sæpe intermittentes, non magni, pleni, & æquales tanguntur) fieri idcirco non potest, quin cum rectus impediatur magnus motus ejusdem sanguinis idem repercutiatur, ac reverberetur ab Arteriis in Ventriculos, à Ventriculis in Auriculas, & ab iis in radices Venarum Cavæ, ac Pulmonicæ (impetus enim repercussus sanguinis viget etiam contra leve impedimentum flexilium valvularum) si itaque diu, pertinaciterque hujusmodi pathemata protrahantur, id necessitate mechanica continget, ut fibræ cava Cordis, Auricularum, & radicum Venarum textentes in locis minoris resistentiæ divulsionem atque distractionem patiantur; quia nimirum iis in Cavis, & canalibus duo concurrunt contrarii nixus, seu ictus sanguinis, qui ad continentiam partium divulsionem conducunt: prior nixus est impetus rectus sanguinis, qui ab instrumentis respirationis, atque à vi contractiva Venarum & Cordis dependens, arietat cum posteriori ictu, qui à vi repercussionis proficiscitur.

Secundò in diuturno pariter asthma, aut catarrho cum sit ali-quod impedimentum, aut in viis, aut in instrumentis sanguinem per pulmones ducentibus, contra verò ad liberiores respirationem, & ad ipsam anacatharsim promovendam, necessarium sit, ipsa respirationis instrumenta validis conatibus identidem urgere, prædicti duo contrarii nixus vigeant in sanguine & vasis Cordis: quare ob eandem rationem fibræ Cor, Auriculas, & canalium caudices textentes distrahentur.

Denique in gravibus, diuque detinentibus animi pathematibus peculiaris, sed non absimilis inversus mechanicus operandi modus occurrit in Præcordiis; cum enim æqualibus temporis intervallis justâ normâ, atque ordine projici semper debeat sanguis in statu naturali à Cava in Auriculam, ab hac in Ventriculum dexterum, Arteriam Pulmonicam, ac à Pulmonibus in lævas capacitates usque ad Arteriam

magnam, aliasque inde natas Arterias; si ex vi pathematum animi extemporaneus, & inordinatus fiat hujusmodi motus (ut fieri potest ex Nervorum spasmo contractis, crispatisque vasis, ac fibris) ita ut contractio, circumpressio, & nifus solidorum contra fluidum sanguineum non procedat à caudice Venæ in Auriculam, & ab Auricula in Ventriculum, atque in Arterias, sed è converso habeatur ab Arteria in Ventriculum, vel à Ventriculo in Auriculam, & Venam; tunc necessariò confundantur oportet motus isti; & invicem arietent in fluido cum divulsione certa fibrarum prædicta cava comprehendendum.

Hic autem notandum est supradictam doctrinam de varia, & abnormi contractione vasorum, & cavorum Cordis, quam ex animi pathematibus fieri exposuimus, vigere etiam in quocunque alio morbo, in quo ichor valde stimulans inæqualiterque impactus irriter texturam fibrosam vasorum, & muscutorum Cordis: quod in diuturnis Præcordiorum affectibus, etiam citra ullum animi consensum potest accidere. Hujusmodi autem exleges arque abnormes Cordis, Arteriarumque motus sæpe vidimus feri colluvie excitatos; qui quidem motus vel copioso sudore, vel plerumque uberi diuresi, cessare solent, nisi interceptum in Præcordiis serum hydropem cum Aneurysmate pectoris inferat.

PROPOSITIO LI.

Ostenditur nihil facilius esse ubi acrium humorum viget apparatus, quam ut sanguine jam reverberari incipiente, Cordisque cava divellere, ejusdem Cordis, majorumque vasorum villi una scindantur, & ex utroque vitio Aneurysma exciteatur.

QUÆCUNQUE sit, & ubicunque operetur causa coarctationis, aut obstructionis viarum sanguinis in Corde, & majoribus tubulis, qua humores reperiuntur, si corripit, ac detineat corpus, vel intemperatum, vel nativà acrium, atque erodentium humorum copia refertum, tunc facili negotio, dum causa coarctans, vel obstruens vim suam exerit in punctis C. D. E. nimirum in principio orificii Arteriæ Magnæ, vel in Pulmonicis Arteriis, aut alio quovis in loco stygiæ liquoris particulæ per vascula intra penitiorem substantiam delati scissionem minimæ texturæ Cordis, & vasorum hic illicque
in

in punctis A. B, &c. juxta minorem locorum resistantiam moliri possunt.

Id quod ex eo clarius demonstratur, quod Aneurysmata Cordis ut plurimum accidunt corporibus hypochondriacis, hysteris, aut syphillide affectis, in quibus morbi initio sola irritatio in fibris, vel obstructio in canalibus facile contingit, progressu verò temporis acrium humorum copiâ redundante adjungitur erosio, & discissio villorum, qui minùs resistantem faciunt texturam partium, in quas decumbunt.

Patet autem ulteriùs veritas istius Thesis ex contrario etiam argumentandi genere; etenim quotiescunque pathematibus occupantur Præcordia, quæ à phlegmate nonnihil tenaci, & acido fiant, non acri, & erodente proficiantur, quemadmodum sunt subitæ quædam leucophlegmantia cum spirandi difficultate, vel catharri species, quæ à nimietate ingestorum dependent, sed præsertim chloroses, in quibus non raro palpitationes vitio crassitudinis, ac ponderis sanguinis vibrationi renitentis, non autem vitio irritationis, ac reverberationis sunt; sanè ipsa minimè eveniunt Aneurysmata, quæ alioquin tam facile contingunt apud illos, qui acribus, & erodentibus liquidis redundant, ut passim observavimus.

Itaque si viribus sanguinem trudentibus, ac reverberantibus, Cordique cava instar cunei distrahantur, succenturiatur vis altera villos scindens, multo facilius Aneurysma canalium, & cavorum cordis exorietur, ut proposuimus.

PROPOSITIO LII.

Qui fiat, ut Aneurysmata Cordis frequentius contingant in Auriculis, & in magnarum Venarum vestibulis, quàm Ventriculis, & magnis Arteriis Cordis.

QUOD assumpsimus in Propositione, scilicet Aneurysmata Cordis frequentius in Auriculis, & Venis, quàm in Ventriculis, & Arteriis accidere, probatione minimè egere videbitur apud illos, qui circa cadaverum sectiones, & Auctorum observationes versati fuerint, nihil enim utrobique magis est obvium.

Ratio autem istius eventus tota deducenda est ex minori resistantia Auricularum, & caudicum Venarum habito respectu ad resistantiam

texturæ validæ, ac multiplicis Ventriculorum præsertim sinistri, unde sanguis percussus à magnis Arteriarum orificiis in Ventriculos, & deinde in Auriculis, & Venis, majorem semper distractionis vim exercere debet in locis, ubi minor est fibrarum resistentia, cùmque Ventriculus dexter, utraque Auricula, & utrumque vestibulum Venarum graciliora sint texturà Ventriculi sinistri, exinde fit, ut sinister Ventriculus rarissimè ampliatur, secus autem reliqua Cordis cava frequentissimè dilatata inveniuntur.

Accedit ad faciliorem, vel omnium, vel aliquorum sinuum Cordis dilatationem ipsa in primordiis generationis laxa, & languida totius Cordis, vel particularis in Corde compages, quam in multiplici cadaverum extispicio non rarò spectavimus.

Hæc verò causa est, ut quemadmodum in reliquis nostri corporis vasculis, membranis, & loculis multum facit naturalis fibrarum parçitas, & laxatas ad fluidorum stagnationem, & ad alia, quæ hinc sequuntur creanda mala, ita in Corde, Cordique appensis canalibus, ipsa laxitas, & gracilitas staminum multum potest conducere ad prædictorum Aneurysmatum generationem, ut ex antedictis evidenter deduci potest.

PROPOSITIO LIII.

Agitur de Arteriis, ac Valvulis Præcordiorum ossæam duritiem nactis, quæ sæpe apud illos inveniuntur, qui ex Aneurysmate decesserunt.

FREQUENTIA occurrunt exempla Arteriarum & valvularum in ossæam materiam conversarum in iis, qui Cordis Aneurysmate laborarunt. Celebris legitur historia apud Paræum Lib. primo de tumoribus Cap. XXVIII. de Vestiario, qui ex Aneurysmate Arteriæ Venosæ repente dum pila palmaria luderet, rupto vase corruit. Dissecto cadavere, Arteriæ corpus in amplitudinem dilatatum cum interna ipsius tunica ossæa inventum fuit. Ille dum viveret micantium impetu Arteriarum omnium pulsus, ingentemque toto corpore calorem se percipere asseribat.

Nos pariter in cadavere Illustrissimi Johannis Baptistæ Palaggi Canonici S. Petri in Vaticano, unam ossæam, duas verò ex valvulis ad ostium Aortæ cartilagineas vidimus, indeque mirè angustatum

iter sanguinis à Corde in eandem Arteriam ; in eodem offendimus quoque Venam Cavam , Auriculam , & Ventriculum dexterum ita dilatatos , ut pugnum admitterent , ubi non citra admirationem sinistra Cordis cava admodum valida , & nulla dilatatione affecta notavimus ; Nobilis autem hic vir , cùm esset in humanis singulari morum suavitate , atque ingenti eruditione ornatus hypochondriaca affectione detinebatur , una cum reversiva Cordis palpitatione , pulsusque inæqualitate , atque intermittentia , quibus erat obnoxius , cum præsertim animam , vel corpus vehementer exercuisset ; suffocativo identidem asthma , ac vertigine vexabatur.

Veniam interim spero dabit Lector si maximæ , & forsitan citra exemplum istius ægroti constantiæ meminerim ; hic enim cum mense Januarii 1695. post epilepticos paroxysmos repente dexteræ manus gangrænâ correptus esset , & jam per brachium ad humerum serpentem videret consilia nostra de amputando brachio fortissimè excepit , & plusquam viriliter sustinuit. Etenim D. Marius Cecchinum magnæ famæ Chirurghum , qui brachium jam secturus erat , enixè precabatur , ut ferrum in sanam non emortuam partem adigeret , elatoque ut esset animo precabatur : me quoque adstantem , aliosque quâ Presbyteros , quâ necessarios nutibus , voce , oculis , hilaritate alloquebatur , ut plus doloris à nobis , quàm ab ægro sensum fuisse palam diceretur ; supervixit autem usque ad æquinoctium Vernalis anni 1698 , quo tempore suffocativo asthma correptus brevi è vivis discessit.

Obiter hic Lector monendus , quàm facile , ubi vasorum circa Cor dilatationes existunt , humores colligantur inducendis gangrænis aptissimi : vide casum apud Hildanum Centuria II. Observationum XCIX. cujusdam mulieris , quæ morbo admodum intricato palpitatione scilicet Cordis , tussicula , ac respirandi difficultate diu detenta , denique sinistra manus sphacelo correpta nullo auxilio , nec quidem ipsa sectione juvata ; diem suum obiit. Aperto cadavere monstruosa Venæ Pulmonicæ dilatatio reperta fuit , quam graphicè delineandam judicavit Auctor. Ratio autem cur ex magnorum vasorum Aneurysmatibus frequentissimè sphacelus oriatur , partim deducenda videtur ex principio illo erodente , atque arsenicali , quod ut Aneurysmatis , ita & gangrænæ causa esse potest , partim quoque ex perturbatis motibus mixtionis , & progressionis partium sanguinis , ob

vitiatos canalium diametros, unde vitale illud spirituum, seu oleosum sanguinis volatile necessariò deprimitur, & hebetatur.

Omīssis cæteris causis, quæ primo morbum hunc in Illustrissimum Palaggi procrearunt, rationem tantum attingemus, qua Aneurysma fuit excitatum; hoc autem ex duabus potissimum causis procreatum fuisse judicamus, ex ossibus nimirum, cartilagineisque Arteriæ Magnæ valvulis, atque ex vehementibus animi, corporisque exercitiis. Quod enim ad primam attinet, valvulæ prædictæ partim ossæ, partim cartilagineæ propria duritiæ præpediebantur, quominus tempestive flecti, moveri, atque alternatim ad parietes trunci Aortæ, applicari possent ad aditum sanguini ex Ventriculo aperiendum, & rursus ab iisdem secedere ad ejusdem sanguinis in Ventriculum reditum occulendum; quo sanguinis motum per Aortam summopere turbari, debilitari, atque inverti necesse fuit; hujusmodi autem motus perturbatio, quoties altera adjungebatur causa, animi nimirum, atque corporis violentæ exercitationes, maxime augebatur; ex his enim major sanguinis copia urgebatur in Præcordia, quamobrem sanguis, cohibito ac perturbato ipsius motu, in lævum Ventriculum necessariò fuit percussus; ac proinde sanguinis reditum per Venam Pneumonicam turbari, ac præpediri necesse erat, ac Pulmones jam crassæ lymphæ copia laborantes magis ab aucta sanguinis stagnantis quantitate opprimebantur. Ex quibus omnibus facile intelligitur quomodo Cordis palpitaciones, asthma, atque enormis dextrorum cavorum Cordis dilatatio fuerint inducæ; ad quam quidem dilatationem inducendam præter memoratas causas non parum conspirant fibrarum languor, ac debilitas, quæ in hoc ægroto graciliores apparuerunt, atque humorum acritudo.

Primum, licet impedimentum aliquod cursui sanguinis positum sit ad ostium Aortæ, non idcirco tamen dilatationem sinuum semper contingere in sinistris Cordis cavis, sed juxta minorem fibrarum resistentiam in dextris plerumque solere accidere; cum vero in sinistris accidit fere semper in Auricula, non in Ventriculo observatur, ut patet in casu relato à Josepho Boneto Anatomix Practicæ Lib. II. Sect. VII. Observ. XLIX. ex Daniel Horstii animadversione, in quo cum valvulæ semilunares in levo Cordis sinu ossæ deprehensæ fuissent, sinistra Auricula major dextera apparuit.

Secundum, quæ causa membranas, ac tendines ossæ duritiæ cogit,

eandem ad Aneurysmata inferenda conspirare. Etenim prædictæ paries, ossæ evadunt inopia humoris alkici, quo delinitæ, atque emollitæ fabricæ laxæ minus compactæ, ac flexiles in statu naturali conservantur; destitutæ autem arescunt, rigidæ, ac duræ fiunt.

Ob eandem partium temperatarum lenium, atque oleacearum inopiam, eodem tempore, quo solida obdurefcunt, humores acriores fiunt; salium enim particulæ in ipsis innatantes simul coeunt, coacervantur, ac figuntur; quæ quidem salia vasorum, ac Cordis fibras lacerant, atque exedunt, unde eorundem dilatatio, atque Aneurysmata.

PROPOSITIO LIV.

De Cordis Aneurysmate ex diuturnis animi pathematibus.

NOVA certe minime erit apud eos, qui longa praxi exercitatæ fuerint, origo Aneurysmatum Cordis, ex diuturnis animi pathematibus. Nos quidem hoc eodem, quo scribimus, anno multos vidimus, cæteroquin suapte natura languidos cum viros, tum mulieres ex gravi, diuque premente timore ipsius nutantis terræ in Cordis Aneurysmata incidentes, alios novimus ex zelotypia, ac subitis timoribus, eodem mali genere detentos. Celebre legitur apud Andream Cefalpinum Catoptri. Lib. VI. Cap. XX. exemplum Aneurysmatis totius Cordis, atque Arteriæ Pulmonicæ in B. Philippo Nerio, qui sæpius in palpitationem Cordis incidebat ex vehementi extasi, quæ magna animi simulque Cordis est affectio.

Causa verò cur animi pathemata, si magna, ac diuturna fuerint, dilataciones vasorum Cordis solent inducere (præternaturales diatheses, quas in membranarum, fibrarumque labore, ac laxitate alias posuimus) quærenda esse videtur tam in fluidis quam in solidis ab ipsis animi perturbationibus circa Præcordia maximopere alteratis.

Quod spectat ad fluida, quis ignorat ex huiusmodi animi motibus, sanguinis, ac reliquorum motus perturbari, ac proinde recrementa acriora fieri, & intra corpus subsistere ? quæ deinde facili negotio in Præcordiis interceptantur, ubi noviter inductum structuræ vitium inveniunt.

Hoc autem vitium facile intelligi poterit, si ea perpendantur; quæ circa usum insignium Nervorum, quos ad duas potissimum

Cordis Arterias ferri ostendit Anatome, & graphice delineat Clarissimus Willisius De Medicamentorum Operationibus Sect. VI. Cap. III. p. m. 104. & si revocentur in memoriam, quæ superius docuimus Prop. XLI. in qua demonstravimus Aneurysmata Cordis facilius per diuturnam vim repercussi sanguinis accidere; variè enim convulsis, atque inordinatè motis, & constrictis per Nervos Arteriis Cordis, inordinatus, & repercussus contingat oportet motus sanguinis per Præcordia, ut clarè ostendunt Cordis palpitaciones, angores, pulsus inæqualitates, & similia, quæ frequenter apud gravibus animi pathematibus detentos observantur phænomena, quæ si diu perseveraverint, necesse est, ut acrium ichorum congeriem in locis infirmioribus promoveant, & quæ hinc sequuntur Aneurysmata paulatim inducant,

PROPOSITIO LV.

De Aneurysmatibus Cordis à violentis motibus, sed potissimum à contentione instrumentorum respirationi inservientium exortis.

NON infrequens horum Aneurysmatum causa est violentia contentionis musculorum pectoris, & diaphragmatis. Vivit adhuc Artifex pileorum, qui ob nimiam, ac pomeridianam præsertim trudendi vim cum brachiis contra pileorum tomenta, insuper carbonis fumum aqueis remixtum vaporibus excipiens, in Arteriæ Pulmonicæ dilationem paulatim incidit. Sunt insuper Concionatores, & Tibicines, qui nativa corporis gracilitate, præsertim si bibaces tuerint, facili negotio à Cordis Aneurysmate corripiantur.

Sed nulla magis obvia est horum causa malorum, quam complicatio alimentorum acro sulphureorum, & aromaticorum cum violentia motuum venereorum; tunc enim dum vasa à contentis liquidis plus justo distrahuntur per vim pulsionis, & contentionis musculorum infra & supra diaphragma, nec non inæqualem vasorum Cordis crispaturam inter amoris illecebras contingentem, necessario retardatur, ac reverberatur in Præcordiis sanguinis fluxus, qui cum fit suapte natura acris, & sulphureus fibrarum manipulos dissolvit, disjicit, & erodit.

Sed quoniam rara quædam hujusce causæ historia duos ante annos nobis occurrit, quam ad usque ægrotantis extispicium exactissime persecuti fuimus, ideo Lectorem paulatim hic morabimur. Sit itaque

PROPOSITIO LVI.

Exemplo demonstratur Aneurysma Venæ Pulmonicæ, Auriculæ, & Ventriculi sinistri pendens à sanguine acri, atque erodenti.

ILLUSTRISSIMUS Abbas Pennonus Montis Falisci, quadraginta annorum, filius viri asthmatici, & catarrhis obsessi, habitus carnosus, rubro suffusci coloris, Dianæ, ac Cereris miles ante quinquennium per triennium cum tenaciori lymphæ copiam sanguinis per tussim fere singulis mensibus citra ullum incommodum, præter sensum pruritus in trachea, ab ore rejicere solebat, quam tamen excretionem post duos annos pulvere Haly Abbatis, & ollæ Saxonæ suppressam excepit: paulo post profunda pulsatio sub mucronata cartilagine, quæ quiescente corpore minor ac fere nulla, magna vero in quovis animi, vel corporis motu persentiebatur; insuper anhelitus in quavis corporis, vel animi perturbatione, nec non facilis hyeme in catarrhum proclivitas cum molesta interdum humida tussis. Crevit progressu temporis morbus, ita ut tandem pulsatio, dum æger quiescebat magna, dum movebatur maxima una cum Cordis angore, ac fere lipothymia persentiretur, & anhelitus etiam in quiete eo usque fatigaret, ut ipse horizontaliter decumbere raro posset. Pulsus omni peccabat æqualitatum genere, usque ad sæpe recurrentem intermittentiam, nulla interim apparebat pulsatio, seu undulatio Venarum jugularium, nullaque costarum, aut omoplatæ cernebatur elevatio.

In hoc rerum statu constitutus æger, vario extra Urbem remedium genere tractatus fuit, & potissimum sanguinis missionibus, quæ cum illum è vestigio alleviare viderentur, speratâ causâ, ultra necessitatem reperebantur. Exinde pedum œdemata, leves vertigines, atque hypochondriorum tensiones, anhelitum adaugentes, sed statum coarctationes admodum cedentes supervenerunt. Mox Romam perductus à sene quidem, sed istorum malorum minime perito Medico, ita empirice curatus est, ut post diversa exhibita solventia brevi crura etiam, tandemque femora intumuerint, diminutisque urinis pectoris hydrops adjunctus fuerit & cum ab Aneurysmate simul & orthopnea circa vespèram, & per totam noctem præfocari videretur, ipse quoque, qui olim per epistolas ægro

confulueram, accerfor, qui cum illum toto corpore tumidum, facie livescente, pulsus asphixiâ, & orthopnoico suffocativo anhelitu oppressum intuitus fuisset, vix effeci, ut sacris ille muniretur pharmacis, sequenti namque die grumoso, nigro, fetidoque per os rejecto sanguine vitam cum morte commutavit.

Et quamquam istius extrispcium cadaveris anili affinium scrupulo prætermisum fuerit, cujus nunc defectus in causa est, ut nos citra evidentiam philosophari cogamur; nihilominus similitum exemplorum lumine ducti probabilissimum existimamus in hoc ægroto ex cohibita hæmoptysi illius causam, nempe lympham subacrem, & erodentem nisu circulationis ad sinistrum Ventriculum reducendam in vestibulo Venæ Pulmonicæ, & finitimæ Auriculæ subsistere, ibique interiorum tunicarum villos exedere cœpisse, donec Aneurysma productum fuerit. Quod præcipue signa habet Cordis angorem, lipothymiam, anhelitum, pulsationem sub mucronata cartilagine; quia nempe Cor ipsum à suis vasis pendere, & mole solet aliquantulum decidere.

Ex iis autem, quæ in historia exposita sunt, nonnulla tamquam per Corollarium deducenda esse videntur.

Primum quidem, hæmoptysim salutarem, qua olim æger præservabatur, probabiliter excitatam fuisse ab erodente sanguinis lymphæ, quæ ab Arteriis potissimum Pulmonaribus in vesiculas ac tracheas suffusa membranas erodendo viam sanguini aperiebat, cum quo ea moles utiliter effundebatur, quæ majori evidentium salium copia scatebat, quemadmodum in critico hæmorrhoidum fluxu passim solet contingere; suppressâ vero viscidulorum pulverum usu hæmoptiâ (quod angue & cane pejus cavendum erat) necessario ad sinistra Cordis cava resfluere coactum est morbosum liquidum, ubi jam ad dilatationem proclives tubos exedendo eorundem renisum debilitare potuit. Hoc enim fere perpetuum in hæreditariis asthmaticis observatur, laxitas scilicet tunicarum vasorum revehentium à Pulmonibus in Cor, quia imbecillitate vasorum diametri, oblata occasione, facile dilatantur. Quin imo adeo verum est, plerasque spirandi difficultates, quæ in corporis præsertim motibus solent urgere, inferri ab ipso Aneurysmate Venæ Pulmonicæ, ut Celeberrimus Petrus Poterius scripserit Cent. III. Observationum Cap. XXII. per hæc verba: « Quædam est respirandi difficultas, quæ per intervalla deambulantibus accidit. In hac sit præceps virium lapsus, propinquis tenentur

» tenentur niti adminiculis, alias humi corruerent; hi ut plurimum
 » derepentè moriuntur. In hac Vena Arteriosa in sinistro Cordis
 » Ventriculo difrumpitur, & sanguine effuso spiritus illico suffocantur.

Secundum, inchoatum hoc Aneurysma non magnis, ac frequentibus sanguinis missionibus, quæ sanguinem enervant, & ad erodentia salia acuenda conducunt, sed potius blandis dissolventibus, ac vulnerariis curandum fuisse, cerusa nempe stibii, sanguine hircino, syrupo de terebinthina, diluto salsæ, & consimilibus; hisce namque remediis memini, me alium, cui ab empirico suppressa fuerat Pulmonum hæmorrhœo, eadem redeunte, feliciter curasse.

Tertium Corollarium ipse erit hydropis ortus, quem alias diximus raro magnis interioribusque Aneurysmatibus non adjungi, cum vasa tum sanguinea, tum lymphatica premantur, & exedantur, indeque serum, & lymphæ perpetuo in cava influat.

PROPOSITIO LVII.

Inquirere mechanicam rationem, ob quam in dilatationibus radicis Cavæ, Auriculæ, & Ventriculi dexteri ipsæ Venæ jugulares vicissim dilatentur, fluant, mirisque modis agitentur, & concidant.

Ex dilatatione Auriculæ, ac Ventriculi Cordis dexteri duo præcipua contingunt, maxima consideratione digna, quæ potissimum jugularium alternam dilatationem efficiunt. Primum quidem hisce cavis summe dilatatis, atque ampliatis longe major sanguinis copia in iisdem congeritur. Deinde orificium caudicis Venæ Cavæ amplius quoque fit, quam ut possit ab appositis valvulis omnino præcludi. Hinc propterea fit, ut contracto Corde sanguis ex dextero Ventriculo non solum in Pulmones per Venam Pulmonicam impellatur, sed cum præ nimia copia, tum etiam ob non satis clausum ostium Venæ Cavæ per illius rimas hiantes rursus per universum tractum Venæ Cavæ superius repellitur, ac repercutitur, atque ex ipso recte in jugulares vehementius fertur, quam in cæteros Cavæ ramos, quod illæ in directum sitæ sint ad lineam hujusce motus. Quamobrem cum ob auctam sanguinis molem, & cum ex conspectu sanguinis per easdem jugulares ex capite versus Cor contrario motu resurgentis; ex quo veluti quidam æstus in euripo excitatur, ac fluctatio, jugulares eo loco necessario distenduntur, ac dilatantur à sanguine quaquam

versum urgente; quæ quidem dilatio magis conspicua fit in collo, quod ibi præter communia integumenta, nec muscoli, nec aliud quidquam occurrat, quod cum possit vel comprimere, vel oculare; cessante autem Cordis systole sanguis rursus expedite deorsum ex jugularibus refluit in Cavam, unde eandem detumescunt, atque alterne subsident.

Hoc sane signum tanti est pro demonstrandis dilatationibus dextrorum Cordis cavorum, dummodo sit continuum, etiam dum æger decumbit, & nullo thoracis motu agitetur, angaturque cum reversiva Cordis palpitazione, perenni angore pendere, ac pulsatione, ut mirum sit, quam sæpe contra aliorum sententiam Medicorum (certo credentium dilatationem in sinistris Cordis cavis) confiderent dextros sinus Aneurysmate laborare pronunciaverim; de quo equidem signo apud Auctores altum est silentium, licet aliquin aperientibus naturæ volumina in cadaveribus statim sese offerat.

Sed nostræ huic hypothesei obijci potest quotidiana observatio virginum chlorosi affectarum, apud quas hujusmodi pulsatio Venarum singularium frequentissime animadvertitur absque ulla dilatatione dextrorum Cordis cavorum. Profecto non semel rem hanc animo mecum agitavi, tandemque discriminis rationem reperi; in virginibus enim isthæc pulsatio tunc præcipue observatur, cum eadem in motu per acclivia augment sanguinis recursus per Venas in Cor, unde cum in iisdem sanguis ponderosior, crassiorque evaserit, simulque vasa, partim obstructa, partim compressa, & convulsa, libere per Pulmones circulationi renitantur, idcirco apud eas quoque fit ut restrictio dexterarum cavitatum Cordis partem cruoris versus Cavam repellat, indeque usque in jugulares reverberet; in ipsis vero, qui dilatatis hujusmodi cavis laborant perennis est etiam in quiete hujusmodi jugularium pulsatio. Quod si vero accadat, ut puellæ etiam quiescentes eodem malo afficiantur, tunc si diu perseveret, & chalybeatis, ac viperatis non cedat, ambigi debet de prædicta dilatactione (ut nos interdum observavimus) crassitudo enim simulque acrimonia sanguinis temporis diuturnitate fibras Cordis partim infarcit, partim exedit, unde sentim infirmantur, & dilatantur.

Si vero hujusmodi Venarum jugularium pulsatio virum, vel mulierem corripiat nulla de cætero obstructione, aut chlorosi affectos,

diuque perseveret cum reliquis signis dilatatorum Cordis cavorum; Medicus tuto de illarum partium Aneurysmate poterit pronunciare.

Dum hæc in publicum edituri iterum corripiebamus, occurrit nobis observatio D. Homberg adnexa historiæ Academiæ Scientiarum Parisiensis anni 1704, pag. 159. Historia autem ita se habet: « Matrona annorum tringintaquinque sex annos Pulmonium malo » affecta me consuluit. Hujus symptomata erant dirum asthma, » frequens, & magnum capitis malum, cum perpetuâ vigiliâ, & » doloribus pectoris: cum vel minimum se dimoveret, asthma adau- » gebatur accedente violentâ Cordis palpitatione, quæ interdum » perseverabat per horam, vel sexquihoram; aliis etiâ passionibus » vexabatur, quorum non memini, & quæ invicem succedebant, » unde nobis mulier sæpe morti proxima reddebatur. Per id tem- » poris, quo eadem majori vexabatur palpitatione, atque asthma, » simul patiebatur magnam, ac sensibilem Venarum colli, & bra- » chiorum pulsationem paulo diversam ab illa, qua Arteriæ detineri » solent; quæ quidem Venarum pulsatio exacte sequebatur Cordis » motum.

Hujus vero Venarum motus rationem ipse allaturus, præmittit cadaveris dissectionem, per quam Cor duplo majus inventum fuit, & substantiæ flaccescentis: cava solito erant ampliora, & graciliora: aderant in utroque Arteriarum trunco polypi Cordis parietibus adhærentes, & ad duorum pedum longitudinem, præsertim per Aortam distributi. His positis Auctor comminiscitur Venarum pulsationem pendere potuisse ex sanguine, qui cum citra obstaculum descenderet in Cor, cum nullus in Venis polypus adesset, sed libero ejusdem itineri repugnarent polypi Arteriarum, necessario dexterum Cordis Ventriculum implebat, & convulsivas contractiones, & palpitationes ciebat, unde sanguis in Venis contentus, facto impetu in valvulas repellebatur in cavum, & ob fortem repulsionis impressionem communicabatur Venis Cordi vicinioribus pulsatio similis illi, quæ sentitur in Arteriis: & quoniam pulsationes istæ producebantur à convulsis Cordis contractionibus, illas exacte sequebantur.

LANCISIUS
PROPOSITIO LVIII.

Solvitur problema unde oriatur, ut in antiquis Aneurysmaibus paulatim pulsatio decreseat tandemque prorsus obsceuretur, ac deficiat.

QUONIAM rem hic afferimus, quæ fortasse aliquibus superficie tenus eam considerantibus fidem non faciat, ideo duo gravissima Celebrium Virorum testimonia producimus, Marci Aurelii Severini, ac Friderici Ruyschii, qui in magnis Aneurysmatibus hoc peculiare phenomenon observarunt, quod nos quoque in iis, quos videre contigit eodem mali genere diu obsessos, probe notavimus. Hoc quidem eo clariori alterisco advertendum est à Chirurgis, quod pulsatio Aneurysmatis signum adeo exploratum, ac pathognomonicum vulgo habeatur, ut sine illa Aneurysmata existere nullo modo posse credantur; quo errore imperiti decepti sæpe æquo artis ludibrio, atque ægrorum perniciæ Aneurysmatis tumorem minime pulsantem, ferro, vel igne temere aperiunt, cujus infausti casus exempla apud Dekkers, & Ruyschium legi possunt, quibus nos etiam horrendum experimentum suo loco addemus.

Interim vero ad propositum redeunt istius deficientis indicii causam non unam eandemque omnibus visam esse Scriptoribus advertimus. Etenim Marcus Aurelius Severinus de Obs. Nat. pag. 178. ex putrefactione ipsius Arteriæ à sanguine diffuso, & corrupto intra vicina spatia pulsationem remittere asseruit, quam sane causam mirabili enarratâ historiâ probare studet. Fridericus vero Ruyschius suarum Observationum XXXVIII. idem solvere satagit problema per resistantiam istui sanguinis, inductam à congerie concreti intra Aneurysma cruoris.

Sed quamquam ipse non dubitem, quin una ex causis languescens pulsus interdum sit objecta, & semper aucta grumosi, & polyposi corticis resistantia impetui sanguinis illuc à Corde propulsi; tacere tamen non possum, hanc resistantiam satis per se solam plerumque non esse, nisi eidem adjungatur diminutio virium Cordis sanguinem propellentis, præsertim cum experimento compertum se habuisse narret in descripto Aneurysmate præcitatus Ruyschius pag. 52. quod pulsatio, quæ vehementissima esse solet, in totum aliquot hebdomadibus ante mortem cessaverat. Etenim si ponatur Cordis

vigorem eundem perseverare, necessario ictus sanguinis extrorsum trudens poterit per id temporis dimovere ea obstacula, quæ ex polypofo fornice opposita sunt, cum ossa elevare, atque sæpe etiam disjungere soleat.

Sed præter allatas rationes, eo etiam argumento moveor, quod ad infringendum sanguinis impetum in tunicas Aneurysmatis, ejusque pulsationem imminuendam, nullum præstantius occurrit auxilium sanguinis missione; misso enim sanguine statim pulsatio in parte affecta longe debilior observatur; quod ideo evenit non modo, quia imminuta sanguinis copia, cum is à Corde impellitur, minus spatium occupat, sed etiam maxime, quia Cordis robur detracto sanguine necessario languescit, tum ob imminutum, atque hebetiorem spirituum animalium illapsum, tum etiam quia cum Cordis Ventriculi sanguine minus turgent, parcius ac debilius idem sanguis in Arterias Coronarias truditur.

PROPOSITIO LIX.

Enodatur problema, quò fiat, ut in magnis circa Cor Arteriarum Aneurysmatibus omnes Animalis Arteriæ solito appareant exiliores, & plerumque etiam inæquales; si vero Arteriam Artuum occupaverit Aneurysma, exilitas atque inæqualitas sentiat in Arteria, quæ posita est infra partem Aneurysmate obfessam.

SOLUTIO istius problematis tota pendet ex scientia causarum, & modi, quibus magnitudo, atque æqualitas pulsus in statu naturali fieri solet. Tria vero sunt, ut alias docuimus, quæ ad ordinatum sanguinis motum conducunt; determinata scilicet cruoris moles, & fluiditas; determinata vis, seu potentia Cordis; ac tandem determinata canalium figura, diameter, ac resistentia. Sed ne inutiliter, & forte etiam ad nauseam ea hic repetamus, quibus pulsum inæqualitas minime vitio vertenda, figuram tantum, ac diametrum Arteriarum considerabimus, quæ si ampliores, vel angustiores, quam naturalis corporis constitutio exposcit, fuerint, utique sanguinis motum plurimum turbabunt, depravabuntque; nisi enim Cordis impellentis viribus adamussim respondeant, sanguinis propulsi motum vel intercipient, vel præpedient, vel reprecutient, vel

retardabunt, vel accelerabunt; quod fieri nequit, quin Arteriæ inæqualibus pulsibus micent.

Quapropter si qua parte Aortæ truncus per Aneurysma dilatetur, sanguis è Corde per ipsius ductum impulsus, ubi ad folliculum tumoris pervenerit, statim ex hydrostaticæ legibus retardabitur, utpote ex angustiori via in amplius spatium pervadens; quare hebetior, ac segnior cæteras Arterias præterfluens, minores, ac languidiores earum pulsus efficit.

Hoc sanè probe docent flumina, quæ cum à stricto fine rapidissimè debacchantia in prægrandem, latumque alveum, vel subterraneam, magnamque cavernam excipiuntur, illic de velocissimo suo motu multum solent amittere, ita ut pro ratione amplitudinis alvei minori deinceps velocitatis momento devolvantur. Sed ad oculum id ipsum nobis ostendunt conici, & oblongi quidam cyathi, ita formati, ut identidem amplioribus nodis distincti angustentur, ac dilatentur, per quos quidem inclinatos cyathos immixtus liquor, alternè pro spatiis angustioribus, aut latioribus decursis, acceleratur, vel retardatur.

Cum vero Aneurysma peculiare aliquas Arterias occupaverit, puta Axillares, aut Popliteas, tunc inæqualitas, ac parvitas pulsus in ea solum Arteriæ parte perferitur, quæ infra locum Aneurysmaticum posita est. Sic apud Oculatissimum Harvæum Exercitatione I. De Motu Cordis pag. 36. historiam legimus cujusdam habentis Aneurysma propè descensum Arteriæ dexteræ Subclaviæ in axillam, in quo pulsus ejusdem brachii exilis admodum erat, derivato nimirum, atque intercepto motu, seu influxu sanguinis intra tumorem.

Atque hinc sanè deducenda est ratio, cur Medici non uni dumtaxat carpi pulsui, nec unico tactus examini fidere debent, cum revera, ut Celsus ait, mille res illum possint variare, quem frequentissimè solet perturbare vitium in sola figura, & diametro Arteriæ, quæ momento temporis si per affectionem aliquam convulsivam Nervorum, aut Musculorum ipsi adjacentium prematur, varium, inæqualemque pulsus reddere solet. Facit ad rem nostram, quod per fraudem nonnulli, vitium Præcordiorum simulare studentes moliri solent, dum minus peritis Medicis carpum porrigunt ad explorandum; tunc enim bicipitem brachii musculum violenter, quantum possunt tendere, ac convellere satagunt, quo fit ut Arteria

Axillaris, & quæ ad manum descendit, ipsa quoque inæqualiter à subrensis mæculi fibris constringatur, proindeque inæqualiter celer ejusdem carpi pulsus evadat. Tanti profectò est nosse varietatem causarum præternaturalium effectum, simulque pravorum, callidorumque astutiam ingeniorum, ut utrique ignoratis, sapiens etiam Medicus turpiter aliquando decipiatur.

Sed audio versatum aliquem, & Practicum nobis oggerentem, in Aneurysmate Venæ Cavæ, Auriculæ, & Ventriculi dexteri tantum abesse ut pulsus fiant inæquales, & parvi, ut magni, tensi, æqualesque plerumque tangantur, ac propterea non in omni Aneurysmate pulsus exilem atque inæqualem evadere.

Verum nos minimè ignoramus, & libenter fatemur id evenire; sed nihil ad rem nostram facit; secus enim res sese habet, ubi Aneurysma Arterias & Cordis sinistra cava occupat, atque ubi Venæ Cavæ radix, vel dextera Cordis cava dilatantur; cum enim primum contingit Aneurysma ex pulsus inæqualitate innotescit, quemadmodum demonstratum est; cum secundum, pulsus ut plurimum magni, & æquales observantur: cujus symptomatis rationem, & causas sequenti Propositione ostendemus.

PROPOSITIO LX.

Exponitur mechanica ratio cur dilatatis radice Venæ Cavæ & Auriculæ, ac Ventriculo dextero pulsus plerumque magni, & æquales appareant.

EQUIDEM experimento constat, ampliatis supra naturalem diametrum expositis in Propositione dextris cavis, nisi malo adjungantur sinistri Cordis sinus, aut Aorta, semper pulsus esse magnos & æquales, quibus sanè pulsuum conditionibus peritos etiam quandoque Medicos eoque deceptos vidi, ut nulla dilatazione Cavam, ipsique adjunctos sinus laborare, pertinaciter contenderint, quod nulla appareret pulsus inæqualitas; cum alioquin post ægri mortem de meæ veritate prædictionis abunde fuerint revicti.

Causa verò, ob quam in prædictis malis magnitudo, atque æqualitas pulsus. (dummodo nulla sit in sinistris cavis, & canalibus culpa) plerumque observatur, tota posita est in eo, quod data dilatazione radice Cavæ, & Auriculæ dexteræ, solito minor evadit circumpulsio,

atque elutriatio sanguinis à Cava in dextera Cordis cava; laxatis enim Cavæ fibris, ipsarum vis infringitur, qua sanguis in Ventriculum truditur, quoties igitur enervatus fuerit fibrarum tonus, & ampliatum venosi canalis cavum, necessariò lentior sanguinis pars ibidem subsistet, quæ deinde necessitate pariter mechanicà remorabitur sanguinis recursum à minoribus minimisque Venis in Cor; proindeque orificia Arteriarum pigro ad circulandum sanguine solito magis opplebuntur, atque idcirco solito minus expedita erit, & libera trajectio sanguinis ab Arteriis in Venas, id quod causa erit, ut dum sanguis à Corde singulis pulsationibus in Arterias truditur, etiamsi minima sit moles fluidi, quæ pellitur, pleni pulsi apparebunt, cum Arteriæ consueto tumidiores existant, neque sanguinis molis æqualis ei, quæ à Corde intra Arterias infunditur, ab Arteriis in Venas possit effundi.

Idem sanè non rarò experimur in thoracis hydropè, & leucophlegmatia, in quibus pulsus sunt magni, & æquales, non quidem ob sanguinis bonitatem, aut magnam Cordis vim, sed ob impedimentum liberum circuitum sanguinis ab extremis Arteriis in extremas Venas, opposito circa Cavam, vel Cavæ ramos obice.

Sed urgebit aliquis sciendi cupiditate excitatus, unde poterit Medicus certam, vel saltem minus dubiam diagnosis deducere dilatationis Cavæ, & dextrorum Cordis cavorum. Hanc sane spartam suo loco illustrabimus, demonstraturi præter Cordis angorem, ingentem pulsationem, & palpitationem, aliud quoque symptoma concurrere, quod pathognomonicum signum meritò dici potest: hoc certè est vehemens quædam pulsatio, & fluctuatio Venarum jugularium, quæ ab aliquibus pro Carotidum pulsatione perperam accipitur: cujus rei causas Propositione LIII. supra demonstravimus.

PROPOSITIO LXI.

Rationem inquirere, cur in magnis Aneurysmatibus interna superficies dilatata Arteriæ canoso ac polypofo sanguine corticis inflar dudo incursteur.

CERTUM est in magnis Aneurysmatibus, atque in iis præsertim, quibus Arteria maximè dilatatur, aut foramine pertusa attollitur in folliculum, inveniri quendam veluti fornicem polypofo-grumofum, qui

qui superfitem Arteriæ membranam distensione alioquin attenuatam, diversis compaginis laminis incrustat, ac mirè tuetur.

Hanc sanè pseudocarneam cystim primus vel detexit, vel saltem scriptis, quantum sciam, promulgavit insignis Gulielmus Harvæus Exercitatione III. De Circulatione Sanguinis pag. 215. per hæc verba: « Aneurysma ab exesibus Arteriæ tunicis, non tunicam Arteriæ » dilatatum; sed circumpositam ex membranis, & carne cystim » præternaturaliter factam, pro continente habet. »

Eandem postea rem, quibus apud cadavera videre non contingit, ad oculum delineavit Observatione XVIII. anni primi Centuriæ I. Observationum Naturæ Curiosorum Germaniæ, in qua exhibetur icon Aneurysmatis cum duobus involucris, seu geminis foliis concreti, & in fibras producti sanguinis. Prostat pariter elegans istius rei descriptio apud Clarissimum Fridericum Ruyschium Observ. XXXVIII. ubi inter ea, quæ in magno pectoris Aneurysmate à se visa fuerunt, narrat inventum corpus, quasi lamellatim dispositum, seu ex innumerabilibus tunicis crassis, carnosis, ac satis tenacibus sibi invicem impositis conflatum, inter quas tunicas sanguis copiosus, & coagulatus delitescerebat, quæ sane observatio à nobis ad unguem in huiusmodi extispicio cadaverum pluries respondit. Legatur nostra Aneurysmatis observatio in Vestuario descripto Cap. II. de Aneurysmatibus ex contusionibus Propositione XXII.

Hoc itaque per experimenta demonstrato symptomate, reliquum est, ut ejus causas investigemus, unde nimirum isthæc oriatur accretio polypofo-grumosa substantiæ intra Aneurysma, ubi cum tam vehemens appareat sanguinis nifus extrorsum urgens, ac trudens, difficile forsitan alicui videri poterit, quomodo tanta copia crassi humoris colligatur: cujus tamen eventus rationem facilem reddent nonnulla, quæ hic subnectenda ducimus, tamquam indubia ex theorematibus operationum Animalium.

Primo sanguinem esse fluidum non simplex, sed heterogeneousum, compositum nempe ex diversis partibus quæ solidis, quæ fluidis, crassis, ac subtilibus, in cujus substantiam bis saltem in die rivulus subtenacis chyli, & quidem largâ copiâ solet infundi; qui profecto chylus in statu naturali sanguini permixtus ejus intestino motu, ac continuo particularum attritu, & collisione attenuatur, in minimas partes comminuitur, ac volatilis efficitur.

Secundò præmonemus, ad attenuandum chylum cum sanguine multa fuisse à natura comparata, sed omnium maxime ipsorum vasorum determinatas figuras, certos diametros, & validos motus, seu vires peristalticas, quæ si aliquando vitiari contingat vasorum affectiones juxta gradum in solidis admixti vitii, enormia quoque fluidorum vitia in corpore manifestentur oportet; sed præcipuè necessario turbatur exacta illa in sanguine fluidi cum solido, crassi cum subtili, permixtio, ita ut in locis affectis eæ fluidorum partes subsistant, quæ ponderosiores, quæ fibrosiores, quæque verbo ad motum per se prosequendum minus sunt expeditæ.

Duobus his præpositis perinde quasi facibus, obscura cæteroquin problematis enodatio clarescit; etenim cum certum sit in Aneurysmate, quo idem majus est, eo magis tria hæc apud Arteriam vitiari, figuram videlicet, diametrum, & præcipue motum peristalticum, qui scissis, aut erosis fibris, canalem aptum ad resiliendum, seu ad contrahendum constituentibus, eo in loco debilitetur, prorsusque tandem tollatur necessum est; quare sanguis, liquor nimirum heterogeneus, & chylo scatens cum à Corde impulsus, folliculum Aneurysmatis penetraverit, illico segnius moveri incipit: partim quia ex angustiori Arteriæ diametro, in latiore folliculum insluit; quo fit ut ex hydraulicæ legibus retardetur: partim etiam quia folliculi tunicæ, seu portionis Arteriæ dilatatæ abscissis, atque excisis fibris contrahi nequeunt, atque prætersluentem sanguinem, in proximas Arterias ordine impellere, atque accelerare, seu saltem motum ex Corde conceptum propagare: imminuto autem sanguinis motu, particulæ chyli non adhuc probe subastæ, variæ aliæ quamplurimæ specificæ cæteris graviore, ab iis secedunt, atque inter se coeuntes concrevunt in fibras, ex quibus variæ lamellæ postmodum contexuntur polypi materiam referentes. Ex his autem Aneurysmatis fornix progressu temporis attollitur.

Et quoniam partes, quæ citius à sanguinis torrente alicubi subsistendo secedunt, seu quietem adipiscuntur, duplicis præsertim ordinis esse solent, chylosæ nempe, seu crudæ, & nimium excoctæ, terreæ, uberique tartaro redundantes, ea quidem ratione evenit, ut in cystide Aneurysmatica simul inveniantur admixti laminis polyposis, (quæ nutritiæ, & chylosæ partes sunt) nigerrimi sanguinis grumi, qui nihil aliud sunt, quam aggregatum particularum sanguinis

nimum excoctarum, seu capita dixerim mortua, terrea, salina & tartarea verusti sanguinis.

Neque vero alicui, etiamſi in ſubtiliori Anatomę, & animalium operationum profunda inquisitione, minus verſato ardua videbuntur ad intelligendum, quę propoſuimus circa polypoſi fornicis, & grumorum congeſtionem in Aneurysmate, dummodo motus torrentium, & fluminum à Clariffimo P. Benediſto Caſtelli in aureo Libello De Meſura Fluentium Aquarum expoſitos haud ignoret; is enim Auſtor Corollario V. demonſtrat, in torrente turbidam aquam vehente, ſi retardetur motus, & ingreſſus ejuſdem intra alveum fluminis, tunc quidquid turbidi, craſſi, & majoris ponderis eſt in fluentia præcipitatum, ibi ad fundum cænoſo, ac fere dixerim polypoſo præcipitato incruſtabitur, ac elevabitur.


Ex iis autem, quę hætenus probavimus, duo effecta in magnis Aneurysmatibus paſſim obſervata tamquam Corollaria eluſceſcunt.

Unum eſt, polypoſum iſtum fornicem incruſtatum undique dilatatis, ruptisque Arteriæ membranis fungi aggeris munere, & membranarum vicem gerere, eaſdemque firmare, quominus impetuoſus cruoris torrens in proxima cava, & vicina ſpatia, citam induſturus mortem irrumpat. Eouſque natura in ſtatu etiam præternaturali prodigioſa eſt, atque induſtria, ut quemadmodum brevi collapſuros antiquitate parietes adnata, ac ſerpente undique hædera fulcit; ita pariter Animalium vitam ciuiſſime profundendam, vel per ipſos retinere morbos viriliter ſatagat.

* Alterum vero, in magnis, Cordique proximis Aneurysmatibus productum eſſe malum illud, quod ſemper progreſſu temporis accedit, nimirum leucophlegmatiam, atque hydropem, qui quidem morbi in tantum ſubnaſcuntur, quia dato vitio dilatationis, & defectus circumpulſionis in Arteria Pulmonica, vel Magna, ſtatim vitiiatæ exacta miſcela, vibratio, & confuſio chyli, lymphæque cum ſanguine; unde paulatim ſerum, ac fibroſæ fluidorum partes à ſubtilioribus facile ſecedunt, & in locis, ubi etiam in ſtatu naturali momentum impulſus à Corde accepti, neceſſario elanguet, cujuſmodi ſunt pedes, & crura, minimo negotio ſubſiſtunt, ſeu leucophlegmatæ ſubnaſcuntur, indeque aſcites etiam, ac peſtoris hydroper oriuntur, quia multiplicatis, & acrioribus in dies factis humoribus, vaſa omnia lymphatica viſcerum tumefiunt, obſtruuntur,

atque eroduntur ; quæ sane hinc genita hydropis species tanto cæteris gravior , atque insanabilior est , quanto minus ab arte , vel natura solidorum vitia corrigi possunt : quin imo aliquando lugenda prorsus mihi visa est miserrima istorum ægrotantium conditio , qui Medicos minus peritos , & cautos nacti , iisdem plane remediis quibus hydropes ex primitivo fluidorum vitio enati curari tuto solent , ubi morbus dilatatione Arteriarum , atque enormiter , exesis earundem tunicis progignitur , compendio , ac violenter ad interitum ducti fuerunt. Adeo verum est nullam sæpe meliorem , quam incertam esse Medicinam. Parcat , precor , Lector ingenuitati scribentis ; nam ipse ut Epimetheus loquor :

Felix quem faciunt aliena pericula cautum.



DE EXTERNIS
ANEURYSMATIBUS
MANU CHIRURGICA METHODICE PERTRACTANDIS
CUM NONNULLIS CIRCA ANEURYSMATA INTERNA
AC TRIBUS ALIIS RARIORIBUS CHIRURGICIS
OBSERVATIONIBUS
ATQUE ŒSOPHAGOTOMIÆ OPERATIONE E GALLICO SERMONE
IN LATINUM VERSA
OMNIA CUM TABULIS ARCHETYPIS
OPUS
CAROLI GUATTANI

CLEMENTIS X. V. PONT. MAX. Secretioris Chirurgi : Parif. Real. Academ. Chirurg.
Membri : Litterar. cum Parif. Scient. Acad. commercium habentis : Inter Arcades
Avicennii Eurotæi : In Rom. S. Spiritus, & aliq. Gallicani Noſocomiis Prim. Chirurg.
Prof. atque in iisdem Lithotomiæ, & Chirurg. operat. ac Anatomæ Leſtoris Publici.

AD EXEMPLAR EXCUSUM
ROMÆ MDCCLXXII.

Audeamus, quod credi non potest ausuros nos, eo ipso quod difficultimum videtur, facillimum erit.

T. LIVIUS Decad. III. lib. v. cap. xxiv.

SANCTISSIMO DOMINO NOSTRO
C L E M E N T I X I V .
PONTIF. OPT. MAX.

CAROLUS GUATTANUS

PERBELLE accidit, CLEMENS PONTIFEX MAXIME,
ut quemadmodum à Pontificio Archiatro , Viro sane
Anatomicarum, Medicarumque rerum peritissimo, Joanne
Maria Lancisio, in suo lucubratissimo de MOTU CORDIS,
ET ANEURYSMATIBUS Opere, jam plene, cumulateque
expositum fuerat quidquid ad internorum Aneurysmatum
cognitionem, naturam, curationemque spectabat; ita
Pontificis quoque Chirurgo, etsi longe impari doctrina
prædito, alteram, quæ adhuc intentata supererat, ex-
ternorum Aneurysmatum provinciam aggredi, eamque

pro viribus illustratam prælo committere , reservatum quodammodo videretur.

Dolet quidem , ac vehementer dolet ; hanc à me primum lethalis hujusce morbi perfanandi rationem triginta fere ab hinc annis excogitatam , nunc demum in Orbis aspectum prodire : heu namque quot miseros , qui adhuc usura lucis fruerentur , desertos , soloque prognostico derelictos ,

Abstulit atra dies , ac funere merfit acerbo !

Nemo autem , ut arbitror , miretur , si quod in suo concinnando Opere prælaudatus Lancisius consumpsit , eodem circiter mihi temporis spatio opus fuerit : In nova siquidem Chirurgicarum operationum constabilienda methodo , & priusquam incipias , consulto , & postquam consulueris , seriose factò opus est ; nec ratiocinio dumtaxat , verum diuturnis partis morbo affectæ observationibus , experimentisque res est conficienda. Num ne potius quis jure miretur , quod opellam tenuem laborum meorum fructum dicare Tibi , BEATISSIME PATER , amplissimoque tuo nomini inscribere non reformidem ? Sic est. At cuinam subditus homo optimæ saltem voluntatis erga Patriam , & Concives testimonium præbeat , nisi Clementissimo Principi , qui verus omnium Parens amantissimus , eos præ cæteris diligit , ac sinu fovet , qui
in

in Reipublicæ utilitatem omnes industriæ nervos intendunt ? A quo præterea patrocinium famulo implorandum est, nisi à Domino suo ?

Accedit etiam celsissimam, cæloque proximam dignitatem, qua unus in terris pollens, ac potens es ad metuendum valere ab invidis alienæ famæ, qui malevolentia felle suffusi, de novis inventis minime solliciti, ea, quibus ipsi sunt impares, ut ait Hippocrates in Epistola ad Dionysium, tamquam exigua, & supervacanea traducunt. Quis vero, præter Pontificatus apicem, virtutum omnium genera in Te uno sita non videt, revereretur, & colit, quæ optimum Principem constituunt; Humanitatem intelligo, Temperantiam, Facilitatem, Amorem, Justitiam, Fortitudinem, Providentiam ? Quæ adeo Tibi omnes hominum ordines arctissimo amoris vinculo obstrinxerunt, ut ob novam hanc supremi Sacerdotii dignitatem, non tam ipsi Tibi, quam summæ suæ felicitati gratulentur. Populi vero benevolentiam non sola facilitate, ut alii, sed ipsa virtutis severitate, & juris, legumque observantia, ut de Catone, viro gravissimo, auctor est Tullius, Tibi propemodum conciliasti. Quod si verum est, quod Plato duxerat, tum denique beatas fore Respublicas, quum aut docti, aut sapientes homines eas regere cœpissent; o quam beatos nos fore putandum est ! imo etiam nunc beatissimi sumus; jamque luculentissimum

O

non nobis tantummodo, sed univerſo terrarum Orbi doctrinæ, ac ſapientiæ tuæ ſpecimen præbuiſti; cū ſuſcepto calamitoſis temporibus gubernaculo, mirabili quadam cunctandi ratione plurima, ac difficillima expediſti negotia, felicior ſane præſtantiffimo illo Romanorum Duce (Fabio), de quo ſcriptum legimus:

Unus homo nobis cunctando reſtituit rem.

Hæc, quæ de virtutum tuarum gloria ſic leviter monui (nam quæ reperiri Te ſatis digna poteſt oratio?) clare, ni fallor, oſtendunt, me non temere, atque fortuito, ſed quodam veluti jure auſpicem Te, ac Patronum expoſtulaſſe. Ad hæc noſti, BEATISSIME PATER, ut novit Urbs univerſa, me auguſtiſſimo huic Orbis Terrarum loco, Apoſtolicæ nimirum Sedi, adeo multa debere; ut ſi quando mea curandorum morborum ratio, ex Anatomicis, & Chirurgicis proſecta ſtudiis, à quibus ego nullum confiteor ætatis meæ tempus abhorruiffe, ſaluti hominibus fuit; eorundem in primis fructum debeam acceptum referre eximiæ Anteceſſorum tuorum liberalitati, ac munificentia erga me prope ſingulari. Ea namque factum eſt, ut in exterarum gentes iter ſat longum conficere, totamque Italiam, Galliam, & Belgium peragrarè potuerim. Dulce mihi proſecto eſt meminiffe felices, fauſtosque Francorum Armorum exitus, quorum Vexilla ſecutus anno milleſimo ſeptingenteſimo quadrageſimo

septimo, cum in expeditione ad Loffeld, sub quo atrociter pugnatum est, tum in ardua, difficillimaque Bergæ ad Zomam obsidione sauciis curandis militibus operam dedi. Sed magis, magisque lætor memoria repetens, quot, & quam clarissimos Chirurgiæ Rectores, ac Magistros in diuturna illa peregrinatione datum mihi sit cognoscere, ac familiares habere; ut enim reliquos omittam, in Galliam profectus Lutetiis familiares habui Excellentissimum Virum Franciscum De La Peyronie tunc Galliarum Regis Chirurgum, cæterosque inclytæ famæ Parisiensis Chirurgiæ Professores, Petit, Le Dran, Winslow, Morand, Foubert, Puzos, Moreau, Quesnay, Garengot, Hevin, La Faye, Louis &c. Manet alta mente reposita felix illa dies, qua cùm dissertationem coram præfatis, aliisque compluribus Lutetiæ Chirurgis in eorundem Academia publice perlegissem, haud multo post ejusdem albo me adscriptum cognovi: quo quidem munere nihil accidere mihi poterat aut splendidius ad laudem, aut ad lætitiā jucundius. Nec sine encomio prætereā, quos in Belgio colui perillustres Viros Senacum tunc temporis Saxoniz Ducis, exinde demum Christianissimi Regis Medicum; De La Martinierre, Francisci De La Peyronie dignissimum successorem; nec non peritissimum Andouillé classis illius Gallicæ in expeditione Chirurgum primarium. Vixi Rothomagi cum Claudio Nicolao Le - Cat

magni nominis Chirurgo. Ufus Lovanii familiaritate sum celebratissimi Anatomici Van-Rossum. Moscatum novi Mediolani; Bertrandum Augustæ Taurinorum; Bononiæ Molinellum; Patavii demum Anatomicorum omnium facile Principem Joann. Baptistam Morgagnum, ex quorum ore in privatis colloquiis multos carpebam Chirurgicæ facultatis flores,

Qualis apes æstate nova per florea rura.

Quæ quidem eo libentius dico, quo clarius omnes intelligant, me infinitis pene nominibus devinctum, ob omnino sempiterna beneficia, de quorum magnitudine, si hoc potissimum tempore nihil publicis testarer monumentis, apud æquissimum quemque rerum æstimatorem immemor videri possem, aut parum gratus. Habes igitur, BEATISSIME PATER, quæ, & quantæ rationes, omnesque gravissimæ, fuerint, quare opus hocce meum, qualecumque demum fuerit, Tibi sistere debebam. Unum restat, quod amplissimo illud patrocinio tuo foveas, mihiq; ad Sanctissimos Pedes provoluto Apostolicam Benedictionem impertiaris.





GUATTANI PRÆFATIO

AD LECTOREM.

OPUSCULUM si scriniis meis excidere passus sum, non codicem, non commentarium, ne illico poscas tabellam, benevole Lector, neque me, priusquam causam dixerim, præcipiti suffragio condemnes obsecro. Urget scio tam doctos, quam indoctos scribendi, edendique opera sua cacoethes, urſuque semper homines natura, si Tullio credimus, non tam ad discendum, quam ad docendum proclives; idque ex eo factum est, ut in immensum aucta librorum multitudine, cum aliarum disciplinarum, tum potissimum Chirurgiæ studia nullum jam finem habere posse videantur. Verum cum non nisi perpauca datum sit, facultates, quibus veluti glebæ adscripti sunt, novis inventis augere, atque illustrare; ex his ingentes materiarum tractatus non sine magno verborum apparatu, persæpe cum Polydædala eruditione consarcinant, commentarios, collectiones, prompuiaria, lexica improbo forsân, sed inutili labore componunt. Parcâ sane multis, quin & dignissimos laude puto tam veteres, quam recentes rerum Chirurgicarum Scriptores, qui ut obscuris lumen adderent, ambigua explanarent, maculas, quæ vel incuria, vel ruditate temporum auctoribus exciderunt, abstergerent, in alienis scriptis perpoliendis, ordinandisque plurimum insudarunt. Profecto quis magno in pretio non habeat opus De rara Vulnerum medicatione, à celeberrimo Magato conscriptum? Ingenuus homo sponte, libenterque fatetur, se nova Romæ, & fortasse, ut arbitror,

in Xenodochio S. Spiritus curandorum vulnerum percepta methodo, ut hanc in melius corrigeret, ad tractatum illum consiciendum operam contulisse. Ut postea mutarem consilium (ipissima sunt ejus verba) hinc accidit : Dum Romæ commorarer, præcipuos Urbis Chirugos novam hanc curationem vulneribus adhibentes intuebar, novitate rei permotus &c. Quis laudandum non putet Hieronymum Marinum ejusdem Xenodochii Lithotomum, mihiq; apprime notum, qui veteri despecta suppositæ Carunculæ in uretra persanandæ methodo, novam, ac magis aptam excogitavit ? Hos non perfundoriam, sed utilem, ac necessariam in scribendo operam collocasse, cæcus est, qui non videat, amens, qui dissimulet.

Illos increpo inerudiuissimos fures, qui ad aliquid per se conscribendum impares, ex alienis hortulis hinc inde rapere, mutataque ansa alienis poculis, ut ait Seneca, ne possint agnosci, aliena pro suis venditare non erubescunt. Ex his alii solo rerum ordine immutato, sæpe sæpius in præposterum, transcribere, ac denuo idipsum opus recoquere. Nonnulli armamentarium Chirurgicum inutiliter augere. Quidam cerebrina remedia concipere, ad quæ intelligenda, tamquam ad Oracula Delio natatore opus sit. Nec desunt, qui contra diversas medendi, curandique methodos membranas insipienter impleant : quasi uno, eodemque semper immuabili modo singulis in casibus ægrotis præsto esse possimus. De hac universali medendi ratione si mihi obiter, quod senuio, dicendum est, libere dicam, nil intentatum majores nostros reliquisse ; ab iis enim proposita sunt Olea : Unguenta : Cataplasmata : Cerata : Balsama : Vulneraria in genere : Pulveres : Poscæ : Aquæ cum medicatæ, tum thermales : simplices tam calidæ, quam frigidæ : sili arida : nec partem morbo affectam exsugere prætermisum est. Numquam tamen hoc Theorema Geometricum, quod suadere nituntur moderni Chirurgiæ reformatores, constabiliri potuit ; nec ullatenus judicio meo constabilietur, donec

causæ morbi efficientes, corporis habiudo, calum; anni tempestates, ægotantis ætas, morbi demum positura sedulo inspiciantur, maximaque in ratione habeantur.

Tales ergo viros, quorum opera volumine quidem magna, sed rebus sane exigua, in dies publicari cernimus, Cartesio, Philosopho in primis acuto, opinionem injecisse puto, typorum inventionem potius quam utilem humano generi noxiam fuisse, ac perniciosam. Profecto non juvant, non delectant, nemini placent, nisi Bibliopola, cui lucrum licet miserrimum quandoque parant. Illos e contrario omne iulisse punctum censendum videtur, qui omissa eorum tractatione, quæ jam ab aliis observata sunt, ea, quæ restant invenienda, explicandaque enixe curarunt. Veros proinde Chirurgicæ facultatis illustratores decet appellare, ut nonnullos hic recenseam, Lotterios, Pibrakios, Drakios, Petios, qui & Placcam ad Arteriæ Intercoastalis Hæmorrhagiam comprimendam; & machinulam, qua lingua excisa cohesescere iterum ac conjungi valeat; & extrañionem secundi Dentis molaris Mandibulæ superioris, qua sinus Maxillaris Ozæna facile persanetur; & Ossium Cavorum Terebrationem puris educendi gratia comparatam, aliaque aptissima hujuscemodi remedia excogitarunt, omniumque primi doctissimis lucubrationibus explanarunt. Hac potissimum de causa diffusos in illos materiarum tractatores, atque compilatores odium velut sempiternum exercuisse conspiciamus florentiores Europæ Academias.

Mihi vero in Chirurgia idem obtigisse grauulor, quod olim Eleusynam videntibus: nam ut illa semper aliquid servare solebat, quod reviviscentibus ostenderet, ita quoviescunque ad artis meæ arcana perscrutanda accessi, semper aliquid observavi, quod nec ab aliis, nec à me ipso visum, aut perceptum antea fuerat. Quapropter ut aliquid de penu meo prodiret, quod si re ipsa humanæ societati nil commodi, atque utilitatis afferret, meum saltem alios juvandi animum osten-

deret, facile à me impetravi, ut hanc Chirurgiæ partem, quæ hæcenus velut in puteo Democriti demersa latuit, e tenebris eruerem, ac pro modulo ingenii exornarem. Tuum igitur erit, humanissime Lector, judicare, reprehendendus nec ne sim, quod ab inveterata Scriptorum consuetudine recedendum mihi putaverim. Id unum affirmem, me in hoc qualicumque concinnando libello, tamquam ad unicum finem, ad amplificandam, explanandamque morbos externos persanandam artem respexisse.

Quare in hoc lætandum mihi jure videtur, quod hæc observationes, quantiûscunque demum eæ sint, non in aëre, ut Plautinis verbis utar, piscatus fuerim, vel in Armariolo pomeridianis horis ad oblectamentum, seu potius ad vanitatem effinxerim; quoniam illas in celeberrimo æque, ac publico Sancti Spiritus Nosocomio innumera per experimenta diutius comprobavi, cujus veritatis testes sunt locupletissimi, quotquot in eodem Chirurgiæ dant operam, studiosi adolescentes. Cæterum non parum alacritatis, animique suscepi, ut factum hunc in lucem emitterem, cum observassem, postquam felicem, faustumque tam in brachio, quam in poplite habuerit exitum Aneurysmatis vindura, si quis hoc laboraret morbo, illico ab unoquoque sive rerum Medicarum gnaro, sive ignaro, vinduram tuba cani, inclementerque sæviri in Chirurgum, si forte vita Ægrotus periclitatus fuerit, quia operationem omiserit. Numne igitur Aneurysmatibus quibuscunque vinduram adhibendam putemus? Poterat paulatim in artem irrepere classicus hic error, ac fatalis Ægrotantium saluti (quemadmodum fatalem fuisse jam nonnullis, interdum curantis imperitiis, quandoque nimia animositate infra patebit) si principiis obflare nemo sategisset. Nunc autem de varia Aneurysmatum externorum qualitate edodi, cautiùs, ut spero, in posterum Vindura utentur Chirurgiæ Professores, cæteri tam immani furore imperitiâ non increpabunt.

Quod

Quod si scire aves, unde in me originem duxerit prurigo in universa Chirurgia, quæ iam longe, lateque diffunditur, hanc unam excipiendi gremio, serioque excolendi materiam; dicam libentissime stimulum excitasse casus quosdam, qui a primis usque temporibus mihi sese obtulerunt observatione dignissimi, quorum primus in liðore extitit, idu parvæ igneæ Ballistæ, quæ vulgo Pistola nuncupatur, in flexura cubiti vulnerato. Hic ad Nosocomium Sancti Spiritus adductus cum esset, leðoque acceptus, consueta methodo ad diem usque septimum feliciter curatio vulneris processit. Sequenti vero mane cum ad inviscendum progrededer, quis crederet? nuntiatum mihi est, proxima nocte liðorem occubuisse. Rei novitate permotus ad Cadaver gradu facto, ut tam repentinæ mortis causam investigarem, confestim novi Hæmorrhagiam inopinate obortam ex Arteria Brachiea prope venam Basilicam dissectâ proficiscentem illum miserum necasse. In ejusdem dissectæ Arteriæ latere, quod magnitudine uritici acinum æquabat, adhuc hære comperi escharam, quam illuc glans plumbea intulerat, & cujus sejundio Hæmorrhagiæ causam præbuerat. Eodem fere tempore Græcus Antistes, cui in venæ dissectione cum læsa fuisset Arteria Brachialis, vita fundus est, nullo læsioni adhibito remedio. Popliiis Aneurysma quandoque velut abscessus cultro dissectum est non sine Egrotantis interitu. Quidam haud dissimili laborans aneurysmatico vitio, apposito caustico, simul ac eschara sese disjuxit, interit sanguinis fluxu. Eodem fato succubuit miser alter, cui Popliiis Aneurysma ignito ferro est apertum. Præter hos funestissimos curationum exitus, quos meismet oculis vidi, innumeros addere hic possem, quos vel rescivi, vel in Apologiis, ac criticis, quæ in dies evulgantur, Chirurgorum concertationibus perlegi. Huic tanto malo præseni libello occurrere conatus sum, & quamvis me iis præsidii vix mediocriter instructum, longeque ab illa ingenii felicitate, quæ ad hoc perficiendum requiritur, abesse intelligo; juvit tamen periculum facere tam præclaræ

exercitationis , si forte alios rebus omnibus instructiores commovere , & ad eamdem suspiciendam cogitationem possim excitare.

Videre hîc igitur poteris , candide Lector , si vel saltem curiositate ad perlegendum opus accesseris , quid de Poplitis , Inguinis , ac Femoris sub ligamento Falloppiano , suræ , manus , pedis , aliisque compluribus Aneurysmatibus internis observare mihi opportune contigeris , quæ cuncta ad faciliorem captum cum schemate data opera junxi. Ne autem quid deesset , quod locupletare , ac quodammodo perficere hoc opus posset , dissertationem de Aneurysmatibus in Brachio , ac femore jam primum a me anno millesimo septingentesimo quadagesimo quinto editam hîc adjungendam censui. Hac usus sum opportunitate , ut Œsophagotomiæ operationem transcriberem , quam in Gallica editione tomi tertii Regiæ Chirurgiæ Parisiensis Academiæ impressam fortasse perlegeris. Demum tres in calce operis non inuiles observationes subjunxi , quas , spero , fore non molestas. Nec me arguas , si Prædicorum selectissimas , quæ sparsim hinc inde habemus , de Aneurysmatibus lucubrationes , præter unam Joannis Trulli Verulani , atque in Urbe Chirurgi , Lithotomique præclarissimi a Marco Aurelio Severino in suo libro de efficaci Medicina , & Chirurgia relatam , quam , mutato ne quidem verbo , transcribendam hîc putavi , huc non attexerim. Quantum enim abest , ut clarissimorum Virorum opera , famam , atque æstimationem silentio hocce meo despexisse videri velim ; tantum ex adverso ab institui mei ratione devium esset , atque alienum eorum scripta hîc exhibere , cum eam ab initio mihi dixerim legem , ut mea tibi offerrem dumtaxat , non aliena. Vale.





G U A T T A N I

D E

POPLITIS ANEURYSMATIBUS.

FELIX, faustusque exitus, quem olim habuit Vincitura Aneurysmatis, a me jam pridem in Cubiti flexione instituta, animum mihi, alacritatemque addidit ad eandem etiam in Poplite fuscipiendam, eoque magis, quod hæc, & illa occurrens frequentius, & majoribus scitens difficultatibus, periculisque, si optatum nastæ fuerit eventum, longe majorem humano generi utilitatem sit allatura. Pluribus igitur, diversisque antea factis in Cadaveribus experimentis, exploratisque in antecessum lateralium arterioforum Vasorum Anatomosisibus, a celeberrimo Winslowio jam plenè, cumulatèque descriptis, quas in Genu easdem propemodum, atque in Brachio deprehendi, & quas adversus hunc ipsum morbum, veluti propugnaculum, ac munimentum a natura conditas arbitror, in Viro sanguine mediocriter prædito, & quadragessimum quintum ætatis annum agente, Aneurysmatis in Poplite oborti operationem aggressus sum.

HISTORIA I.

ANEURYSMATICUS tumor a medio femore ad suram mediam porrigebatur, ac in altum se attollens, valdeque utrinque ad latera expansus nullo amplius agitari Arteriæ pulsu valebat, & licet non magna esset rubicunda alteratio Integumentorum, hæc tamen a subiectis musculis deduci, divellique minime poterant, sed unam

cum eis, eandemque molem faciebant. Quæ omnia mihi satis exploratum, atque perspectum reddere videbantur, spurium hoc esse. Aneurysma, cui denique Febris adjungebatur vehementissima, validique, ac præsertim procedente nocte ingravescentes, accedebant dolores.

Die constituta, præmissisque idoneis cautionibus, cultro tumorem secundum longitudinem profunde secui, ablatoque omni concreto sanguine, Arteriæ lacerationem tantam offendi, ut superiorem integrum ejusdem tractum vinculo adstringere non antea potuerim, quam mihi per ipsum femur digitis, ferroque iter aperuissim. Ad inferiorem autem vinciendam Arteriæ sedem me conferens, mirabundus inveni illam expansionis instar Aponeuroticæ haud secus Femoris ossi adhærere, ac Aortam Vertebris aliquando adnecti conspiciamus, quod mihi impedimento fuit, quominus hanc secundam vincturam satis accurate perficerem. Laxato nihilominus torculari, nil sanguinis ex superiori vinculo effluxit, & parum ex inferiori, etsi magnam mihi molestiam attulerint musculorum Arteriæ, quæ in tam longa dissectione necessario præcisæ, copiosum fundebant sanguinem; eundem vero sola compescui pressione, non tantum, quod uniuscujusque Arteriæ vinctura præcipi, quam præstari facilius poterat, verum etiam, quod ægri vires tam diuturnæ, tamque gravi perferendæ operationi pares futuræ non videbantur. Ingenti igitur tumoris cavo filamentis siccis repleto, idoneisque pulvillis inferiori vinculo admoris, affectam partem circulari fascia obligavi, atque ita operationi finem imposui, torculari, remisso licet, laxoque, attamen in sua sede relicto, ut illico pro re nata constringi posset. Postridie etsi torcular haud esset adstrictum, Gangrænam articulus minitabatur irreparabilem, quæ die proximo Ægrotantem de medio sustulit.

ANIMADVERSIONES.

QUUM ego eventus ita infelicitis causas perpenderem, multa hic fecit mihi objecerunt incommoda, quibus ab Aneurysmatico Poplite tumore summotis, rationi consonum videbatur, fore, ut in illo Vinctura, eo, quem optamus, successu expediri, ac perfici posset. Hinc tantum absuit, ut ex celerrima Ægrotantis nece animo conducerim, quinimo majores ex illa mihi accesserunt stimuli, & me

multo magis ad eandem operationem iterum instituendam, repentinus hic obitus inflammavit. Constrictionem igitur hanc proferre cessuram cognovi in illo Aneurysmate, cujus tumor a cæteris ambientibus seungi, atque in insulam redigi eoque posset, donec utrinque, superne scilicet atque inferne, integra, & sana Arteria detegeretur, quemadmodum mihi alias in Cubiti flexione contigerat; in quem finem Aneurysmaticus tumor nec nimis vetustus, nec amplius nimis debebit esse, nullo tamen veri, nothique facto discrimine, quum etiam nothus eisdem dotibus gaudere possit, ob cellularem membranam, quæ sacci munere in hujusmodi casibus aliquandiu perbelle fungi observatur.

Tumoris igitur Aneurysmatici cum Integumentis cohesio, ob quam is non potuit usque ad extremum utrumque sine sacci aperi-
 • tione a reliquis omnibus segregari, primum incommodum fuit, quod in hoc ægrotante se mihi objecit. Secundum detrimentum profectum est a nimis longa Arteriæ ruptura, quæ, longiorem parium abditum patefactionem requirens Chirurgum semper plures secare cogit Arterias musculares, ex quibus erumpens sanguis, aut opus interturbat, aut saltem longe diuturnius id efficit, ut silentio præteream, ex tam immani vulnere uberrimam Puris prolixo tempore manantem copiam ab Ægrotante difficile ferri posse, atque ob elatiorem, quæ necessario hoc in casu fuit Arteriæ vincturam, laterales plerasque illius Anastomoses interire. Valde exporrectam autem Arteriæ rupturam hoc in loco accidere posse satis ostendit Tab. I. Fig. I. quam eo consilio ad vivum delineandam curavi, ut vera maximæ a me umquam deprehensæ lacerationis mensura unicuique innotesceret. Tertium obstaculum, quod mihi se opposuit, fuit mutua Arteriæ, ossisque femoris conglutinatio, quæ non tantum integri sacci a reliquis secessum omnino prohibet, sed etiam ossis denudationem, ejusdemque cariem nonnunquam infert, quo fit, ut Aneurysmatis Chirurgia longe diuturnior, difficilior, minusque tuta reddatur. Quantum impedimentum in ejusmodi casibus a profunditate exoritur, ubi vincienda Arteria reconditur, cum ob tumoris molem, tum ob majorem Genu ipsius inflexionem, atque rigiditatem a tolerato dolore natam. Hinc enim curvissimæ licet acus transvectio, ideoque Arteriæ vinctura perquam difficilis, & incommoda efficitur, eoque magis si nervum, venamque a vinculo amovere, ac liberare consi-

lium fuerit, quemadmodum Chirurgis omnibus semper ipse auctor ero, ut præstare satagant.

Quum autem ego solam Arteriam vinculo adstringere, non vero nervum, nec etiam venam suadeo, me ab æquo, rectoque discedere, haud quaquam puto, etsi mihi satis perspectum fuerit, nonnullos esse, vel summa auctoritate pollentes viros, inter quos clarissimus Molinellus, qui hanc venæ, nervique ab Arteria remotionem, aut nullius, aut minimi certe momenti esse in hac Aneurysmatis operatione arbitrantur. Me vero a sententia mea nullatenus abducunt præclaræ licet ipsius Molinelli circa Brachii Aneurysmata observationes, quæ, nisi fallor, ad meum amplectendum potius, quam repudiandum consilium unumquemque impellere debent. Et re quidem vera si intento animo Symptomata intueamur, quæ duas ab eo allatas operationes exceperunt, illa profecto graviora longe ac periculosiora fuisse deprehendemus, non iis dumtaxat, quæ Cubiti a me descriptæ, sed iis etiam, quæ Genu mox describendæ operationi supervenere. Si ratio autem habeatur temporis, intra quod ægrotantes sanitati sunt restituti, inter meas, ac Molinelli observationes discrimen maximum intercedit; cùm Molinelli ægrotantes tres fere integros menses ante sanationem contriverint, ex meis autem, qui Brachii Aneurysmate laborabat, vix diebus exactis triginta tribus sanitati redditus fuerit; qui vero patiebatur Poplitis Aneurysma, quod sane mirabilius est, statim atque diem attigit quinquagesimum primum, valetudinem pristinam recuperaverit. Jam vero si a Nervi, Venæque vinculo repetendi non sunt pemiciosi hujusce operationis effectus, a sola forsan Arteriæ constrictione istos exoriri putandum erit? Absit profecto, ut absurdum hoc statuamus. Natura enim utrinque plures Anastomosi inter se junctos ab Arteriæ trunco emisisse ramos videtur, ut repugnante licet vinculo trunci, sat nihilominus liber per surculos laterales humoribus transitus concederetur. Hinc immanem dolorem, ac omnimodam sensus, motusque amissionem a nervo repetere necesse est, rationique consentaneum esse videtur, non impeditum sanguinis venosi circuitum ad inhibendam nimiam articuli tumefactionem, arcendamque Gangrænam plurimum facere.

Me pariter nequaquam præterit, quosdam esse ex Chirurgiæ Professoribus, qui superius Arteriæ vinculum dumtaxat præcipiant, de

inferiori nihil solliciti, putantes forsan in compressione satis præsidii esse ad profluentem sanguinem cohibendum. At turpiter hi profecto falluntur, non secus ac egomet in prædicto ægrotante deceptus sum. Sanguis enim, quem ab inferiori vinculo prodiisse admonebam, extra omnem dubitationis aleam ille ipse fuit, qui per furculos laterales ad male revinctam delatus erat Arteriam. Equidem inficias ire non possum, exiguos admodum in naturali statu esse furculos illos, nec singulos ad magnam sanguinis copiam vehendam aptos. Quum autem complures sint, exiguitatis vicem pensante numero, cruoris vim non spernendam suppeditabunt, quemadmodum quisque facillimo experimento discere potest, si factio vinculo, confossoque infra illud Arteriæ trunco, ut ipse in Brachio sæpius expertus sum, aquam repidam siphonis ope desuper in Arteriam injiciat; eam enim ex inflicto vulnere illico profluentem conspiciet. Ad hæc Aneurysmate jam a longo tempore correpto trunco, præpeditoque per hunc libero cruoris transitu ab arterioso sanguine, per laterales furculos fere unice permeante, extenduntur isti paulatim, atque incrementum suscipiunt. Quapropter & numerus eorundem, & adaucta capacitas eam inferiori ipsius trunci sedi vim sanguinis impertiuntur, ut pro viribus illi obstandum vel inferiori vinctura sit. Licet enim compressio & ipsa hæmorrhagiis advesetur, cum tamen fasciarum auxilio absolvenda sit, quemnam latet ab hac, ut optato perfungi munere valeat, laterales etiam Arterias, venasque omnes ita esse coangustandas, ut sanguinis transitus præpediatur? Ex hoc enim, ni fallor, derivanda non minus est celeris illa oborta Gangræna, quæ nostrum sustulit Ægrotantem, quam ex superiori nimis elata Arteriæ Vinctura, ob quam plures lateraliū ramorum Anastomoses intercederint; ideoque ad arcendam quoque Gangrænam, vel inferiori uti vinculo, necessarium profusū videtur.

HISTORIA II.

NULLAS igitur negligens observationes, quoties præsto hæ mihi adefsent, mecumque sedulo ea omnia reputans, quæ nuper in medium attuli, in animum induxi meum circa Poplitis Aneurysma novum periculum facere, sed ad illud curandum dumtaxat aggredi, in quo superius enumeratæ qualitates, conditionesque reperirentur, sicut

revera III. kalendas Majas anno 1756 mihi adamussim contigit in Sancti Spiritus Nosocomio, ubi meæ curæ commissum reperi Vespilionem quemdam nomine Andream Borurrium Romanum. Is vigesimum quintum agebat adhuc ætatis annum, temperamento præditus moderate sanguineo, corporis habitu gracili, pluribusque Venereæ luis cicatricibus inquinato. Ad opus igitur in eo me conferens, illud suspiciebam tanto libentius, quod Æger idipsum avidè expetere videbatur. Felix autem hujusce operationis eventus, simulque desiderium, quo ego flagrabam, ut ad utilitatem publicam, artisque incrementum hæc pariter operatio inter alias cooptaretur, sedemque in Chirurgia stabilem inveniret, mihi in causa fuerunt, cur integram literis illius historiam mandaverim, eoque magis, quod a nemine, si Joannem Trullum, cujus quoque historiam inferius integram consulto descripsi, ac Saviardum exceperis, id hætenus fuisse factum cognoscerem. Cùm vero Saviardi Aneurysma supra Femoris medietatem collocaretur, vulneri originem deberet, & vel ipse anceps hæreret auctor, Truncum ne cruralis Arteriæ, an præcipuum hujusce ramum occupavisset, a meo Poplitis Aneurysmate longe extitisse diversum putandum est. Et revera probabilius videtur, Arteriæ cruralis ramum, potius quam truncum, illic fuisse Aneurysmate affectum, tum quod præcipua hoc in loco occurrat arteriosa pro-pago, tum etiam quod ita elatum cruralis Arteriæ vinculum sanationi officere debuisset, aut saltem ejusmodi incommoda procreare, quorum Saviardus in sua relatione minime oblitus esset.

Mihi igitur Ægrotans significavit, hunc morbum originem in eo duxisse a parvis doloribus in ipso Poplite exortis, quos acerbiores reddi observaverat, dum artem exercens suam modo ingentia deferret pondera, modo attolleret lapides sepulchrorum, modo ab iis cadaverum arcas extraherèt; brevique temporis intervallo se cognovisse natum hoc ipso in loco tuberculum, quod sensim ad amplitudinem transverforum octo digitorum excrevit. Pulsatio in illo haud amplius percipiebatur; durum id erat, tactuique renitens, at figura ovali donatum, nullamque cum mobilibus adhuc integumentis, aut cum Femoris osse cohæsiorem præ se ferebat; dolores tamen movebat Ægrotanti valde crudeles, quos etiam valida febris, atque ingens totius articuli intumescencia comitabantur. Opportunum igitur existimavi initium facere a mitigandis doloribus, lenienda febre, ac totius articuli,

articuli, tumorisque aneurysmatici, quoad ejus fieri posset, immi-
nutione. Quapropter præmissa sectione venæ, eductaque idonea
sanguinis copia, vasis cruralibus usque ad inguen secundum eorum
longitudinem mediocrem admovi pulvillum, quem satis valida vinctura
firmavi. His auxiliis, nec non iterata sæpius venæ sectione, perfecto
vitæ regimine, clysteribusque mihi tumorem hunc adeo compescere
datum est, ut III. Nonas Majas operationi manus admoveere decre-
verim, quam sequenti ratione exsecutus sum.

Translato Ægrotantis cubili in medium Conclave Chirurgicorum
morborum, quemadmodum semper in more positum mihi fuit,
quo Adollescentes Chirurgi melius videre, majoremque inde fructum
capere possent, dictum Ægrotum in illo pronum constitui, ac ido-
neorum Ministrorum auxilio, femore, crureque firmatis, ad san-
guinis cursum in crurali Arteria inhibendum Petitî torcular superiori
temoris sedi curiose admovi. Hinc ipsius genu articulo, quam a
morbo fuerat, ulterius flexo, super tegumenta, quæ oblique
sustuleram, incurva novacula incisionem decem fere digitos longam
in directum peregi, una cum tegumentis adipem etiam sejungens,
donec insulatum redderem, quantum in me fuit, aneurysmaticum
Saccum, qui adamussim ovi anserini figuram, ac magnitudinem
referebat, per cujus medium cum ischiadicum majorem nervum
decurrere animadverterem, omnem adhibui curam, ut illum simul
cum Venâ crurali intactum, atque inoffensum relinquerem. Eodem
postea tumore duce, incurvæ novaculæ, digitorumque auxilio, iter
mihi ad ipsius sacci extremitatem adaperui, quo integram utrobique
arteriam detegerem: tum dicatam huic operationi, instructamque
quadruplici cerato filo recurvam acum sub ea transmittens, primam,
superioremque Arteriæ eidem Vincturam prope tumorem injeci.
Eadem methodo, eisdemque legibus ad inferiorem instituendam
Vincturam memet deinceps contuli, sed ut illam perficerem, opus
mihi fuit Musculi Gasterocnemii initia deducere, Solarisque musculi
plurimas destruere fibras, eo semper consilio, ut evitatis cæteris,
Arteriam solam vincirem, quemadmodum mihi, Supremo favente
Numine, revera contigit.

Resecto deinde secundum longitudinem Aneurysmatis sacco,
ejusque cavo sanguineis grumis, quibus scatebat, depleto, ac potis-
simum polyposis quibusdam tenaciter sibi adhærentibus stratis,

Torcular paulatim laxari jussi, atque ab utroque vinculo, ne minimā quidem sanguinis gutta exeunte, illud iterum modice adstringi volui, quo cohiberetur arteriosi sanguinis impetus non solum in superiorem Vincturam, sed in laterales etiam Arterias, a quibus, tantam ejusdem sanguinis vim amittere illico nequeuntibus, tumere pars, & non parum hinc excandescere, atque immani dolore corripī posset. Ingenti autem ipsius Sacci cavo tenuissimis, mollissimisque lineamentis repleto, & membro idoneis pulvinulis, linteisque defensivo aliquo madidis communito, illud fascia in orbes ducta modice adstrinxi, ad Torcular usque cum ea perveniens, ut liceret mihi leniter comprimere valde extensum quemdam pulvillum, quem ideo cruralium Vasorum funiculo juxta illius longitudinem opposueram, quo nimirum sanguinis cursum eo melius, tutiusque ibidem cohibere possem, ac retardare. Cautio mihi pariter fuit, ne fasciæ orbes potissimum circa Genu nimium constringerentur, ut lateraliū Arteriarum, Venarumque compressionem effugerem, etsi ossis ipsius inæqualitates, atque tubercula propagines istas quodammodo taceantur. Resupinato denique Ægrotante, crureque affecto ita collocato, accommodatoque, ut subiecto pulvinari Poples incumberet, mandavi, ut Cubile suæ sedi pristinæ redderetur.

Nihil etiam de ratione alendi Ægrotantes hujusmodi, quod in omnibus iis, qui magnis quibuscumque operationibus patuerunt, una mihi, eademque servata, ac semper servanda esse videatur, eaque mea quidem sententia posita sit in exhibenda quovis trihorio Patera jusculi, modo simplicis, modo ex vitulina, gallinaceaque carne confecti, & ad summum tenuissimis aliquot albißimi panis crustulis saturati.

Quum autem ad vesperum Ægrotantem febris correptum offenderem, idoneam ei detrahi curavi sanguinis copiam, a qua mirifice remittente febris, ille noctem exegit non admodum irrequietam, vel hoc potissimum nomine, quod partis affectæ dolor haud maximus exitisset. At mane dici proximi tumefactionem inveni totius Articuli longe adauctam, digitosque pedis nonnihil frigidos. Quibus incommodis ut obviam irem, Torcular paululum laxavi, atque articulo linteamina imposui vulneraria, vinique spiritu roborata decoctione madentia. Nulla enim, ut mea fert opinio, utiliori ratione amovetur necessitas, quæ aliter sæpe incideret, adimendi Vincturam

eo maxime, quia sit vel adstricta nimis, vel nimis laxa, quam Torcular adhibendo, quod facili negotio pro re nata laxari, adstringique potest.

Horis vero quarti diei antemeridianis cum superpositum apparatus ubique esse mobilem animadverterem, illum auferre tandem decrevi, quo facto incredibili voluptate perfusus sum, dum maximum hocce vulnus oculis perlustrarem, eo quod viam optimam videbatur arripuisse ad suppurationem, cui morem ut gererem, meque adiutorem etiam præberem, filamentorum ope ei blandum imposui, vulnerariumque digestivum ex Veneta Terebinthina, ovorum vitellis, hypericique oleo, linteisque decocto Vulnerario madentibus, ac fascia, quam continentem vocant, adfectam partem obdixi.

Hac methodo feliciter perveni ad undecimum diem, quo inferius vinculum sua sponte cecidit, eandemque ultra proferens die duodecima etiam superiori vinculo una cum putrefacto sacco elabente, ulcus optimè absterfum, emundatumque redditum est. Illud autem decem transversos digitos longum fere omnem a decidente sacco relictam latitudinem conservabat, & ob superadditam laborum tumefactionem, majori etiam donatum erat profunditate, quam illa fuerat, quæ Saccum aneurysmaticum coercerat. Uno verbo ulcus hoc ejusmodi erat, ut ad illius adspæctum omnes horrore perfunderentur.

Benigna perseverante, ac suavissima digestionem, quæ meo quidem judicio verum specificum est, quod cito, tutoque morbos depellit, pedetentim ad diem decimum septimum ventum est, quo nullo amplius effluente sanguine Torcular omnino removi, atque ut vires valde abundanti huic digestionem sufficerent (quod in diuturnis, magnamque puris copiam fundentibus morbis perpetuo spectandum est), jam alendo Ægrotanti aliquanto magis indulseram; at nihilominus jusculi vulnerarii Pateram ei præbibendam quotidie exhibui.

Inter felicissimum Ulceris hujusce decursum sub noctem diei secundi & vigesimi Ægrotans inopinato gravissima correptus est spirandi difficultate, quæ aliquot momentis persistit, eam illi asserens anhelationem, anxietatemque, ut ne verbum quidem enunciare, ac eloqui posset; atque insuper albescente jam proximo die, quædam cum pulsuum, tum ulceris alteratio nobis in conspectum se dedit, quibus incommodis opportuna adhibita curatione sublatis, Æger ipse

confessus est, illam ortum duxisse a nimia comestione panis, rerumque aliarum, quæ sibi inter manus inciderant.

Eamque hanc methodum, quam institueram, constanter tenens, ubi jam ulceris parietes, totusque articulus omni carebant tumefactione, licet a lateribus effluentis puris optima facies esset, atque conditio, ab ulceris tamen fundo limpidum, tenuemque prodire humorem cognovi, & eum quidem ita copiosum, ut directe offerret sanationi. Quapropter, cum illi pro viribus obsistendum, repugnandumque esse arbitrarer, inutilia prorsus balsamica, atque exsiccantia deprehendens medicamenta, & Ruyschianæ Centuriæ quadragesimam primam observationem minime oblitus, animum ad compressionem adjeci, quam siccis, molibusque filamentis a lateralibus pulvillis, conjungenteque fascia firmatis præstici, ex qua compressione secundum, faustumque eventum adeptus, nequaquam eam remove decrevi, nisi duobus, vel tribus, quatuorve diebus exactis, pro majori scilicet, minorive liquoris copia, quæ ex ulcere profliret.

Hisce cautionibus non solum prædicti liquoris fluxum penitus defuisse lætus agnovi, sed totum pariter ulceris fundum jam repletum inveni, plagamque æquabilem ovali figura præditam, atque ita coangustatam deprehendi, ut VII kalendas Julias cicatrice parti prorsus obducta e Nosocomio Æger egredi postulaverit, a quo etsi claudicans, attamen neque baculo, neque alio fulcimento adjutus, sed suis tantum pedibus insistens domum concessit. Exinde vero officii sui partes optime semper implevit, suoque adhuc munere præclare fungitur, ac nullum aliud reliquum illi incommodum est, præter mediocrem claudicationem.

ANIMADVERSIONES.

FELICI, faustoque hujusce operationis eventu, quem mihi proposueram, me attingisse finem existimo, in spem arrestus hac eadem tunc, vel illas tandem aliquando inveniendas esse medendi vias, quæ iis pariter casibus opitulentur, in quibus ego operationem hanc etiamnum valde ancipitem esse, satis superque perspectum habeo; interea temporis sat mihi fuerit quæstionem hanc solvendam proponere; num videlicet in iis Popliis Aneurysmatibus, quæ requisitas

non possident qualitates, utilius futurum sit Femoris amputationem suscipere, an Ægrotantem solis naturæ viribus credere, cum exempla non desint Aneurysmatum, quæ sine ullo Chirurgico auxilio sensim fuere sua sponte in pristinum restituta, atque ipsæmet res hujusmodi historias in medium proferre possim.

HISTORIA III.

PRIMA hominem quemdam respicit, cui celeberrimus meus Antecessor Petrus Ciasconus subeundam obtulerat amputationem; eam vero ille respuens a Nosocomio discesserat. Is autem cum annis deinceps viginti elapsis ad cognitionem meam devenisset, affectam ejusdem partem videre, ac diligenter scrutari volui, sed illum jam senem factum, atque ab Aneurysmate perfectè sanum deprehendi, nullam præterea reperiens in ipso Poplite cicatricem, quæ prægressam in eo ruptionem, suppurationemque monstraret.

HISTORIA IV.

SECUNDA virum exhibet, qui suo vitæ instituto plaustris regendis se addixerat. Huic autem cum Poplitis Aneurysmate correptus esset, Chirurgus de abscessu dumtaxat cogitans, acuto illud instrumento confodit, sed errorem suum odoratus, valide cohibente, comprimenteque fasciâ, exeuntem sanguinem illico compescere studuit. Verumtamen paucis exactis diebus inchoatam reperit suppurationem, cui pro viribus suppetias ferens ex animi sui sententia rem expedit. Ægrotans enim pristinae valetudini jam optime restitutus ad vetus suum ministerium sese iterum contulit, ac deinceps integrum quinquennium eo functus est, quo elapso in febrem implicitus decessit. Nosocomii adolescens Chirurgiæ studiosissimus, eorum, quæ acciderant, pulchre gnarus, præteritique temporis memoriam repetens, Poplitem solus dissecuit, ac Arteriam talem invenit, qualis Fig. II. Tab. I. exhibetur, eam enim ad veritatem expressam delineandam curavi. Hic sane opportunissima se obtulerat occasio ostendendi lateralium Arteriarum augmentum, quemadmodum in sua elegantissima Tabula accurate præstitit accuratissimus Molinellus, atque eam ob causam ego semper præ oculis habeo Militem quemdam, cujus jam Aneurysma, & ipsum in Poplite perfanatum, tradere aggredior.

HISTORIA V.

TERTIA igitur historia Militem continet, qui Februario mense anno 1746, hoc est antequam Roma Parisios versus ipse discederem, ex Arce S. Angeli ad S. Spiritus Nosocomium delatus est, ut illi vincirem formidabile Poplii Aneurysma, a quo (tanta doloris erat immanitas) ad ultimam pene desperationem compulsus fuerat. Sed quoniam illud æquali, & majori forsitan amplitudine donatum offendi, quàm alterum fuerat a me primò descriptum, a quo satis jam eruditus eram, ei Femoris amputationem objeci. Hanc autem ille perpeti, & perferre renuens e Nosocomio domum suam remigravit, atque ego in Galliam profectus sum. Biennio post Romam reversus, ac illius notitiam exquirens, mihi eum vitæ adhuc esse participem nunciatum est, ac præterea, quoniam claudicaret, scipioni iunxum incedere; at nihilominus per varia oppidula deambulare, ut tenues quasdam, atque ad oblectamentum factas merces distraheret. Hunc igitur tandem aliquando affectus, in eo satis amplum etiamdum tumorem inveni, quod universum Poplitum adimpleret, atque inde etiam non parum extuberaret, ast nullo amplius dolore affectum, nativoque colore præditum, durum tamen, atque tactioni quammaxime renitentem. Sed Æger interea loci suas pristinas amissas vires non modice recreaverat. Is vero deinceps, complures annos in eodem opificio occupatus, totam fere Ditionem Ecclesiasticam peragravit, Romamque inde redux memet convenit, tamquam omnia mihi, quæ sibi obrigerant, enarraturus, meoque usus consilio. Narravit igitur in quodam Ecclesiasticæ Ditionis oppido sibi tumorem findi cœpisse, puroque effluente sanguine, post hebdomadas aliquot, illi cicatricem obductam esse. Verum non minimam pristinae duritiei partem in eo relictam; dumque is ad consueta munia rediret, tumorem duobus in locis iterum adaperit, solumque pariter ex illis sanguinem effluxisse; hos tamen hiatus occlusos fuisse modo, modo autem reферatos dicebat, donec omni absumpta inflatione integram affecta pars cicatricem duxisset, sola superflite articuli rigiditate, a qua claudus quidem efficiebatur, sed ita tamen, ut sine baculo incederet. Paucis vero ab hinc annis, purulenta oborta apertura, recessum peperit fistulosum, cum ossis carie conjunctum, atque hoc in statu ille in præsens vitam traducit.

Quod attinet ad amputationem, quatuor huc usque fuerunt amputationes Femoris, quarum data occasione ingentium Poplitis Aneurysmatum ego periculum facere non dubitavi, sed omnes infelicem exitum habuere, licet temperamentum, ætas, satisque validæ ægrotantium vires mihi omnia fausta pollicerentur. Ex quatuor hisce ægrotantibus duo decesserunt, etiamsi optime se haberet ulcus, superveniente die septima supra decimam uni, alteri verò die septima, atque vigesima inopinato, funestissimoque symptomate Convulsionis, quæ ab inferiori, ut jugiter consuevit, mandibula initium capiens, & ad collum deinde, ad dorsum, ad pectus, univèrsamque truncum porrecta, Ægrotantes hosce, spiritu intercluso, peremit.

Duos reliquos interfecit aliud æque mortiferum, ac frequentissimum symptoma, nimirum Hæmorrhagia. Hæc enim nocte operationi succedente, qua febris ut plurimum excandescere solet, utrosque invadens, illos quidem postea dimisit; sed nocte proxima iterum eosdem adorta ita illorum vires attrivit, ut, exeunte die tertio, animam uterque exhalaverit. Hic autem mihi prætereundum non est, me in curatione Ægrotantium istorum omnimodam cautionem, ac diligentiam adhibuisse; cum enim in priori Ægrotante hæmorrhagiam sequenti mane quievisse agnoscerem, avellere pertimescens eos grumos sanguinis, quos abscissis vasis innasci, eademque occludere notum est, a resolvendo apparatu chirurgico mihi esse temperandum existimavi; sed ob revertentem lethalem hæmorrhagiam, heu nimium deceptus, in altero Ægroto apparatus hunc sine ulla hæsitacione protinus abstuli. Verum mirifice obstupui, cum firmas, immobilesque singulas vasorum cernens Vincturas, ac ne minimam quidem inde emanantem cruoris guttam conspiciens, nil aliud mihi reliquum esse cognovi, quàm modo ademptum pristinum apparatus instaurare. Quisnam ex recenti adhibita cautela sibi satis perspectum esse non judicasset, a reversuro hæmorrhagiæ fatali symptomate ægrotantem hunc immunem futurum? Id ego pariter pro certo habebam; verumtamen longe mca me fefellit opinio; nam tertio die, cum jam enormi prægressa nocte sanguinis fluxu correptus esset, ejusdem viribus penitus concidentibus, etiam ipse non secus ac alteri obliterat, Deo, naturæque concessit.

QUUM istæ quatuor amputationes omnes infelicitè cesserint, e re videretur esse plurimas illis, gravissimasque profecto animadversiones subire, quod equidem libenter ipse præstarem, nisi intra angustos brevissimæ dissertationis limites orationem meam cohibere coactus essem; ideoque hoc unum dumtaxat in præfens considerabo, a tribus nimirum fontibus esse id potissime repetendum. Et primo quidem ab interioribus illis causis, quæ pepererunt Aneurysma, inter quas, ut mihi videtur, non infimum locum obtinet Venerea lues, cujus ego non obscura in hujusmodi ægrotantibus vestigia semper offendi. Secundo a tempore, quo Femoris amputatio instituitur, & quod jugiter illud est, cui jam ad menses complures, aut etiam annos, sine ulla fere intermissione productæ, molestissimæ processerunt vigilie, animi affectiones, & atrocissimi cum febre sæpius conjuncti, copulatique dolores. Tertio denique a fere omnimoda in humoribus circumstantibus fibrosæ partis carentia, in illis exorta, tum quod ob plurimas, easque necessarias venæ sectiones pene omnis absumpta, ac e corpore educta fuerit fibrosa pars, tum etiam quod, quidquid ejus reliquum est, ad duri Aneurysmatici tumoris poliposam concretionem faciendam, augendamque infumatur.

Ex paucis hisce intelligere expeditissimum est, nervosum systema per seipsum, & absque eo quod resecti Femoris ulcus in causa sit, magis irritabile evadere, ac longe sensibilius eodem tempore reddi posse, gignendæque opportunissimum convulsioni, a qua duo priores Ægrotantes occubuerunt. Nec magis arduum videtur, causam eam assequi, unde mortifera, atque ex facili inopinato recurrens hæmorrhagia deducenda sit: Hæc enim, ni fallor, posita est in illa sanguinis qualitate, qua semper gaudent Ægrotantes ejusmodi, quando se Chirurgiæ imperio, & potestati subjiciunt. Sanguis enim ipsorum ita dissolutus est, ac tenuis ita, aquosusque, ut a valido febris invadentis impetu exagitatus, nullo negotio per unumquemque vel angustissimum præcisum Vasculum exilire, frequentesque, & irreparabiles hæmorrhagias efficere valeat, quod etiam celebratissimus Sharpius in eximio Chirurgicarum operationum Tractatu Gallicæ editionis pag. 19 supra centesimam sapienter admonet.

Ex quatuor tandem amputationibus hisce satis efficere posse videor,

cas

tas præsidium illud non esse, a quo merito adduci in spem valeamus, illius ope nos ægrotantes ejusmodi allevaturos. Cum igitur jam ostenderit, Vincturam fugiendam esse, quotiescumque Poplitis Aneurysma, quas nuper attuli, conditiones omnes non possidet; cumque a me demonstratum pariter fuerit, soli naturæ creditos quosdam, secundæ fuisse valetudini redditos, rationi consentaneum videtur esse, ut in hujusmodi casibus, qui Vincturæ opportuni nequaquam sunt, nulla tentetur Femoris amputatio, verum ægroti solis naturæ viribus relinquantur.

ALIE ANIMADVERSIONES.

SED considerationes, inquisitionesque meæ non hic sibi finem imposuerunt. Has enim proferre usque eo studui, quoad diversi Aneurysmatici casus memet perducere potuissent ad Chirurgiam in hoc pernicioso corporis affectu illustrandam, & ad meum una instruendum animum, quem unice componere volui ad utilitatem Ægrorum hoc decumbentium morbo, in quo tamquam plane insanabili ars Medica, atque Chirurgica curationem omnem abiecit, unique Prognosi acquievit.

Multa fuerunt tentamina, atque pericula, quæ meæ sese menti obtulere varietatem spectantia Aneurysmatum, ex quibus alia diversam ab aliis naturam obtinent, nec omnia uno, eodemque ex loco efflorescunt. Quum vero ea potissimum Aneurysmata inspicerem, quæ in articulis oboriuntur, in suspensionem adductus sum, quiete cubilis, ac extenuatione totius corporis, nec non simul cohibendo sanguinis cursum in Arteria ad affectum locum tendente, ac denique linteorum beneficio ipsummet gradatim comprimendo tumorem aneurysmaticum, fieri posse, ut non solum illius augmentum prohiberetur, sed tractu temporis paulatim in serum sua sponte converso, & ad permeandum idoneo reddito sanguineo grumo, ipsius quoque tumoris omnimoda resolutio tandem aliquando contingeret.

Vinctura methodica, quæ in dies magis, magisque affectam partem comprimeret, unicum mihi videbatur esse præsidium, quod ad allatas omnes indicationes implendas valere posset: Sed quoniam in ea facienda complura se mihi objiciebant impedimenta, quæ a me felici ejusdem successui putabantur adversa; ego in incipiti

R

hærebam, effctne mihi ab illa jugiter abstinendum, an aliquando executioni illa mihi mandanda foret. Verumtamen ut ad eam suscipiendam, perficiendamque excitarer, anno 1757, suspensio, incertoque pendenti mihi auspicio se obtulit Emin. Cardinalis Herbæ, in sancti Spiritus Nosocomio tunc Generalis Magistri, vulgo Commendatoris, Auriga, qui non longe a ligamento Fallopii in cruralis Arteriæ initio spurium gerebat Aneurysma, quod pulsatione præditum erat, ingentisque pomi molem æquabat, & de quo fidelissime historiam suo loco tradam. Quum igitur hoc in casu, si non ad sanandum illud, saltem ad cohibendum illius velocissimum augmentum nullum mihi suppeteret auxilium cita vinctura opportunius, eandem sine ulla dubitatione statim aggressus sum.

Hujusce vincturæ felix faustusque successus, & documenta, quæ pro Arteriæ abolitione adeptus jam fueram non solum ex infrascriptis observationibus, potissimumque ex illa Fig. II. Tab I. sed etiam ex alio Inguinis animadversione dignissimo Aneurysmate, quod anno 1762 optime perfunavi, prius aperitioni, dein comprimente vinctura, quæ tunc in usum vocata unum ab animo repulit ex præcipuis obstaculis; quæ timueram, quemadmodum ex illius historia patebit, quam deinceps quoque narrabo; hæc inquam incitamento mihi fuerunt, ut etiam in Poplite, prima quaque data occasione, vincturam hanc me fore instituturum decernerem.

HISTORIA VI.

FREQUENS hujusce morbi procreatio effecit, ut circa mensis Augusti finem anno 1765 deferreitur ad sancti Spiritus Nosocomium, ac numero II. Nosocomioli collocaretur, inter Ægrotantes meæ curationi creditos, Antonius Valena, qui Bajuli munereungebatur. Hic igitur sanguineo pinguique donatus temperamento, & quadragessimum agens ætatis annum, spurio Poplitis affectus erat Aneurysmate, quod magnitudinem, & figuram habebat ingentis ovi anserini, quodque durum, tactuique in qualibet sui sede renitens, febris, dolore, valido pulsu, ac cruris, pedisque intumescencia simul afficiebatur.

Hoc in statu cum membri tumefactio accessisset, haud opportunum duxi suscipere, quod statueram, priusquam symptomatum imminutioni vacassem, quod pertimescerem, ne male cederet operatio,

Articulusque gangrænae periculo objiceretur, ideoque decrevi, ut Æger in lecto quietus aliquandiu maneret, ut rigida uteretur diætâ, utque aliquot sanguinis missiones antea perferret.

Hæc providentiâ adeo utilis fuit, ut non tantum ab incremento Aneurysma cessaverit, verum etiam, vertente Septembris mense, illius quoque dolor penitus evanuerit, ac sensibilibiter pulsus magnitudo aliquantulum, crurisque, ac pedis intumescencia non parum sane remiserint. Quum autem nulla mihi iusta suppeteret excusatio, quominus Pontifici Maximo in sua rusticatione comes adessem, opportunum existimavi, hoc Aneurysma ita favorabiliter constitutum relinquere ad meum usque reditum, qui contigit VII kalendas Novembris. Postquam igitur Romam reversus sum, quum tumorem quidem in eodem statu invenissem, sed omnem fere deletam esse cruris, pedisque tumefactionem cognoscerem, in animum induxi meum ad prædictam fasciarum compressionem illico accedere, quæ sequentem in modum peracta fuit.

Adhibitis prius ad dies aliquot nonnullis linteis posca identidem madefactis, idoneo linamento obtegere incepti universam tumoris molem, duosque oblongos pulvillos in centro tumoris ita invicem decussavi, ut superius utriusque extremum in superiori, inferius autem in inferiori sede ipsum genu complecteretur, alioque oblongo pulvillo, & eo similiter posca madido juxta cruralis Arteriæ longitudinem ad Inguen usque protento; madefeci quoque omnia linteâ, quibus totam genu periferiam, totiusque femoris extensionem obduxeram. Valida deinde, longaue fasciâ, tres digitos, nec amplius lata, usus sum, primoque ipsius gyro super tumoris centrum incepto, tam infra, quàm supra illud, ita fasciam trajeci, quemadmodum fieri solet, quando hic Articulus vinciendus est, eamque toties per tumorem ipsum circumduxi, quoties opus fuit, ut is a Vincitura opportune claudi, & æqualiter comprimi quoque posset. Hanc ideo constrictionem per femoris longitudinem ad Inguen usque sum prosecutus eadem methodo, & ad eam tutiorem reddendam, nonnisi facto prius circa corpus duplici gyro, illi finem imposui. Cautio potissima, qua sum usus, ea fuit, ut saltem prima vice partem non nimium constringerem, atque ad æqualem illius compressionem obtinendam curavi diligentissimè, ut quilibet instituendus fasciæ circuitus præcedentem jam peractum circuitum aliquanto magis contegeret,

quàm fasciæ illius dimidia latitudo fuisset, quod sane in quacunque occasione chirurgica, ubi hæcce se nobis offeret indicatio, perpetuò faciendum est.

Hisce peractis, Ægrotanti præscripti sufficientem sanguinis missionem, illicque auctor tui, ut rigida uteretur diæta, ut hilaritate animum demulceret, ac præserum, ut in omnimoda quiete affectum Articulum conservaret; tandemque præcepi, ut super tumorem, ita fascia obvolutum, spiritus vini ex alto demitteretur. Hanc autem ligaturam ego tamdiu intactam reliqui, quoad suo fungi videbatur officio. Solet enim, si probe confecta fuerit, ad octodecim saltem, aut etiam viginti dies perdurare.

Ubi autem eam remove coactus sum, has adhibui cautiones. In eadem scilicet instauranda, semper curabam, ut illa fieret aliquanto arctior ea, quæ proximè facta esset. Moderatam præterea venæ sectionem institui, potissimum vero, quotiescumque aut crus, aut pes vel minimum intumescerent, quæ venæ sectio me liberabat ut plurimum a renovanda vinctura, si ea forte nonnihil strictior fuisset, quàm Ægrotanti expediret. Ad pulvillos denique, ac lineæ madefacienda posca, non vini spiritu utebar, idque eo consilio, ut nimiam prohiberem cutis incalescentiam, quæ superveniens curationis progressum non parum remorari potuisset.

Hac usus patientia, methodique assiduitate tumorem, etsi duriem, ac pulsus is jugiter conservabat, magis magisque in dies decrescere lætus vidi, atque ita quidem, ut, a primo die compressionis subducto calculo, tribus adamussim exactis mensibus Ægrotantem perfectæ sanitati restitutum a Nosocomio discedere summa animi voluptate conspexerim; ut libentissime quoque conspexerunt Collegæ mei, cæterique studiosi Adolescentes, qui ibidem Chirurgiæ operam navant. Etenim nihil illi in disruptæ Arteriæ sede reliquum fuit, præter callositatem quamdam, quæ fabæ grandioris vix magnitudinem adæquabat. Et licet statim fere atque e Nosocomio digressus est, ut sibi visum compararet, Bajuli munere fungi iterum cogere-tur, semper videlicet in motu esset, & pondera ingentia gestaret, nullumque alimenterum delectum facere posset; exinde tamen nihil incommodi passus est, si quamdam cruris, pedisque intumescen-tiam exceperis, a qua nulla afficiebatur molestia. Ad hæc, anno 1766, iis, quæ tunc temporis grassabantur, febribus correptus quum esset,

quum tertiana duplici laboraret, ad Nosocomium reversus est, ibidemque amissam valetudinem perfecte recuperavit, absque eo quod affectus Poples, ex aucto per febrem sanguinis motu, perturbationem ullam acceperit. Quum igitur nec ambulatio, nec labor, nec auctus a febris humorum circuitus Poplitem quadantenus exasperaverint, rationi consentaneum videtur omnimodam vel in Articulo sese per vasa movendi redditam humoribus libertatem fuisse.

HISTORIA VII.

ALIUD simile Aneurysma perfanatum fuit eadem methodo in quodam Damiano nothæ originis filio, & Sandapillarii, seu Vespillionis artem exercente, qui quadragesimum primum agens ætatis annum, & consueta corporis altitudine, sanguineoque, ac melancholico temperamento donatus, læsto affixus fuit num. V. inter Ægrotantes mæ curationi traditos, IV. Idus Augusti, anni 1767. Aneurysmatis volumen erat jam superius descripto majus, vividoque dolore, febris, valido pulsu, & cruris, pedisque tumefactione stipatum, tactui tamen non ita durum, quum ex adverso potius molliem aliquam præ se ferret. Quum ex eo quæreretur, a quam causa ejusmodi tumor obortus esset, respondit ex valido nisu, quem in penultima transitæ quadragesimæ hebdomada Articulus fecerat. Dum enim Cathedram Sacræ Confessionis dicatam ab uno Ecclesiæ loco in alium transferret, se quamdam in Poplite perensisse veluti divulsionem, ex qua dolor emerferat, sed ita tolerabilis, ut consuetos labores ad Pentecosten usque continuaverit. Ab hoc autem tempore ad illud, quo ad Nosocomium delatus est, quod tumoris naturam ignorabat, etsi augmentum illius videret, nullis, nisi ad leniendum dumtaxat dolorem, remediis quibusdam vulgaribus usus erat.

Primis igitur octo diebus sat mihi fuit, Ægrotanti in læsto quiescenti rigidam imperare diætam, eique binas sanguinis missiones efficere. Quo factum est, ut omnia lenirentur symptomata, tumorque molliem adhuc majorem nancisceretur. Tunc ad aliquot alios dies linteis posca madentibus usus sum, dein gradum feci ad compressivam, attamen mediocrem Vincituram, quam pro necessitate iteravi, primisque Novembris diebus, quum illam iterum instituerem, deprehendi, pulsationem Arteriæ prorsus evanuisse, ac tumo-

rem omnino fluitantem fuisse redditum : sed nihilominus affectam partem fascia ligare rursus non destitui eadem methodo , quam in prægressa observatione adhibueram. Atque ita feliciter cessit , ut Æger V. kalendas Januarias in statum valetudinis pristinum restitutus e Nosocomio discesserit , nullum aliud incommodum secum ferens , præter aliquam , eamque parvam claudicationem.

ANIMADVERSIONES.

ANIMADVERTENDUM autem hic est , Aneurysma , de quo nunc loquimur , eadem curationis methodo pertractatum eundem felicem exitum habuisse , quem præcedens habuerat , licet sensibilibiter ab eo differret , non solum quod ab initio molliorem aliqualem ostenderet , longeque ante sanationem omnino molle redditum esset , sed etiam quod ante dies quinquaginta , integræ sanationi prævios , pulsatio pariter in totum evanisset , quum in priori Aneurysmate usque ad omnimodam sanationem cum durities , tum quoque pulsatio jugiter perdurassent. Duobus vero post Ægrotantis e Nosocomio discessum elapsis mensibus , quum illum accersivissem , ut eundem rursus inspicerem , nil aliud in ejus Poplite deprehendi , nisi parvam duritiem , quæ castaneæ figuram , ac magnitudinem habens , exostosim mentiebatur , atque ipse Damianus per paululum tunc temporis claudicabat.

HISTORIA VIII.

INTEGRO fere mense , priusquam prædictus Damianus à Nosocomio digrederetur , commissum jam viderat suæ curationi simile Aneurysma Petrus Javina , alius Nosocomii Chirurgus primarius , Collega meus , ac inter ejusdem pii Loci recentes Alumnos omnium facile princeps. Hic autem meditabatur periculum facere operationis cruentæ , nimirum Vincituræ ejusdem Arteriæ , ea ratione institutæ , quam ego in Vespillone Andrea Boturrio adhibueram. Hanc enim operationem ipse Javina , utpote Chirurgus mihi tunc temporis Substitutus , non viderat tantum , sed etiam suismetipsis manibus egregie adjuverat. Antequam vero eandem susciperet , Nosocomii nostri consuetudinem , Collegam videlicet in rebus gravioribus consulendi , secutus , hoc suum consilium mecum communicavit , hortatuque meo ad fasciarum compressionem accedere sine ulla hæsitacione decrevit.

Quæ medendi methodus in hoc quoque Ægrotante, quemadmodum in duobus allatis, prosperè cessit. Nam intra quadraginta dies durities, tum etiam pulsatio penitus defecere, nihilque aliud relictum fuit, præter fluitantem tumorem, qui paulatim & ipse tandem evanuit, etsi priusquam prorsus evanisset, Ægrotans proficisci e Nosocomio voluerit, genu tamen eisdem fasciis jugiter obvolutum conservans. Cum vero post aliquot hebdomadas ad Nosocomium forè rediisset, eundem ab Aneurysmate omnino liberum, ac integræ valetudini restitutum perlibenter conspeximus, quamvis cruentissimè tumidum appareret, atque hoc ideo fortasse contigit, quod non fuisset tantam quietem, & curationem perpeffus, quantam illius morbus poscebat.

HISTORIA IX.

HANC talia Aneurysmata curandi methodum jam Chirurghi quoque Romanos lubentissimo animo amplecti video. Incidens enim Chirurgus Seghii in simile Poplitis Aneurysma, quo laborabat Nicolaus Scarpa Romanus, annos natus 34, sanguineoque, ac simul bilioso temperamento præditus, famulique munere fungens, quum discendi sit cupidissimus, ac experientia comprobare summo studio annitatur, quidquid ad illustrandam, augendamque valere putat Chirurgicam artem (in qua quantum ipse emineat, ex hoc dumtaxat addisci potest, quod ab Ex^{mo} Marchione Albeterrio, dignissimo nuper ad Apostolicam Sedem invidiissimi Galliarum Regis Legato, in Chirurgum sit accersitus) nullus equidem dubitavit, hanc eandem methodum executioni mandare, una cum Josepho Flajano, & ipso Sancti Spiritus præstantissimo Alumno, qui paucos ante menses a Nosocomio discesserat, quique, utpote Substitutus meus, allatæ superius observationis oculus testis jam fuerat. Seghii igitur, Flajanusque, transactis a curationis initio tribus dumtaxat mensibus, ad me miserunt ipsummet Nicolaum Scarpam, ut eum recognoscerem, quemadmodum & ipse libenter feci, eundemque Aneurysmate plane solutum, ac liberum deprehendi beneficio externæ pressonis, quam ipsi fasciarum ope, juxta meam methodum, jam adamussim expleverant, nihilque aliud in illo offendi, nisi quamdam tegumentorum, telæque cellulosæ dilatationem, inde forsitan obortam, quod,

ut se familiamque suam Nicolaus sustentare posset, in famulatu esse jugiter cogeretur : sed fasciarum compressionem continuando, ut reipsa facere illum cognovi, spes magna effulget, fore ut is ab hoc quoque vicio tandem aliquando immunis reddatur.

HISTORIA X.

Huc quoque pertinet Poplitis aliud Aneurysma, cujus historia in lucem proferri debet, vel hoc potissimum nomine, quod ad rem, de qua nunc agimus, illustrandam plurimum faciat. Hoc igitur Aneurysma nactum est Chirurgum satis certe eruditum, sed qui putaret meam medendi methodum prorsus inutilem esse, ejusdemque faustos effectus a sola quiete corporis repetendos esse. Ideo Ægrotum Poplitis Aneurysmate affectum quinque integros menses lecto adfixum detinuit, sed incassum omnino; nam morbus eundem semper tumorem, eandemque pulsationem præ se tulit, nullumque aliud ex lecti quiete beneficium reportavit, nisi incrementi moderationem. Chirurgus vero hisce quinque transactis mensibus susceptam curam abjecit, suæque Ægrotantem sorti commisit. Non equidem inficias ibo fieri nonnunquam posse, ut hac etiam ratione Aneurysma non mitescat dumtaxat, sed pristinae quoque incolumitati restituatur. Sicut autem ejusmodi perfunctio dubia magis, ancepsque, aut saltem longe diuturnior esse debebit, ut in hoc misero contigit Ægrotante, qui elapsis jam quinque mensibus cum eodem Aneurysmate relictus est, ita meam non adhiberi medendi methodum, cujus felicissimus effectus experientia satis innotuit, nimia esse mihi animi pervicacia, atque obstinatio videtur.

Sed tandem, octo aliis elapsis mensibus, postquam hic Æger a laudato Chirurgo relictus fuerat, hoc est transactis mensibus sexdecim, ex quo aneurysmaticus tumor ipsi primum innotuit, nimirum pridie nonas Majas anni 1769, quum ego me ad sancti Spiritus Nosocomium conferrem, inter alios hic mihi creditos Ægrotantes, eum quoque num. 7. inveni. Virum idcirco conspexi sanguineo temperamento, procera corporis altitudine, maximisque viribus præditum, qui Paulus Marta vocabatur, quique annum agens quadragesimum primum pro peculiari vitæ instituto famulatum profitebatur.

Absoluta ab Ægro ipso, aliisque narratione historię a me summatim expositę, accessit ad invisendum Aneurysma, quod in dextro Poplite

Poplite erat, & in quo, sœvas quorundam Chirurgiæ studiosorum juvenum, a quibus mea methodus fuerat jam utilis animadversa, multiplicem, idoneamque deprehendi fasciæ circumductionem, quam Æger sibi admovere ab eisdem Chirurgiæ studiosis didicerat. Hæc autem, etsi potis non fuerat ad inhibendum progressum tumoris aneurysmatici, valuit tamen ad Ægotantem a morte vindicandum. Tumor enim aneurysmaticus tam amplus redditus fuerat, ut non solum Poplitis cavum totum impleret, suæque longitudine a femoris medio ad suram usque porrigeretur, sed ad omnem quoque lateralem, exterioremque genu partem extendebatur. Naturali is colore præditus erat, tactuique resistens; dolor, si nonnullas horas exceperis, Ægotantem non divexabat, neque hic summus erat, pulsatio tamen in quacunque sui parte vehementissima sentiebatur, phœnomenon sane, quod in Aneurysmatibus magnis, quæ æqualiter in universa extensione tactui resistunt, quæque vetustissima sunt, consuetum haudquaquam est; in his enim obscurari plerumque solet.

Licet tam amplum, tamque antiquum hoc esset Aneurysma, ego tamen ad meam in illo methodum experiendam libentissime me comparavi. Quapropter, consensu clarissimi Viri D. Sigismundi Toncii primarii Ægotantium meæ partis Medici, illiusque doctissimi Medici adstantis D. Josephi Matthæi, qui plerarumque ejusmodi curationum oculati testes fuerunt, imperata prius ægotanti rigida, exactaque diæta, largaque illi sanguinis, incisa vena, missione facta, familiarem mihi, ac per gradus strictiorem institui fasciarum circumductionem, eamque a sura, ac poplite ad Inguen usque perduxi, utque tum ob dolorem, tum etiam ob cruris, pedisque tumefactionem, ferenda ea redderetur, coactus fui sanguinis iterare missionem, quam, incisa brachii vena, semper administrare in ejusmodi casibus consuevi; nec prætermisi aspersiones, aut stillicidia modo oxycrato, modo vini spiritu facta.

Hanc ego methodum adhibens, fasciarum videlicet applicationem, prout opus esse videbatur, identidem renovans, & nunc prius, nunc posterus sanguinis missionem instituens, tumorem iia decrefcere latus vidi, ut maxima mihi affulserit spes, eum brevi sanatum iri, etiam si pulsus in illo constanter adhuc perseveraret. Sed rem narrabo fere incredibilem, quæ verissima tamen est, cujusque universa Nosocomii familia facere potest locupletissimam fidem. Quum Æger cognovif-

set, jam satis ab hac methodo suæ vitæ consultum esse, ne victum sibi amplius comparare in posterum cogeretur, decrevit perpetuum in Nosocomio sibi domicilium efficere, perfectamque tumoris sanationem, quantum in illo fuit, inhibere conatus est. Quapropter, me infcio, indiscriminatim, ac horis quibusvis, omnia comedere coëpit, cibos, vinumque sibi ab amicis afferri curans, ac per Nosocomium etiam deambulans ad novam illorum copiam ex aliis Ægro-
tantibus acquirendam.

Hos inter tantos errores patere unicuique poterit, felicem curationis progressum finem hic facere debuisse. Quapropter, quum, aliquo elapso temporis intervallo, id ego odoratus essem, omnem illi ad errores aditum præsepire totis meis viribus conatus sum; sed incassum. Quinimo sensi præterea, eum sibi vincula relaxare, statim ac injecta fuerant. Atque hoc in causa fuit, cur ego ea renovare sapissime coactus sim, & præsertim in Inguine; nec ille tamen ad hoc faciendum impelli, aut dolore, aut tumore debuit, quum post primam medicationem a neutro istorum ulla amplius afficeretur molestia.

Sed mea curationem hanc ad finem perducendi cupiditas me impulit ad ejus improbitatem, fraudesque diutissime perferendas, vel hoc potissimum nomine, quod aliqua ex mea methodo utilitas, his non obstantibus, elucesceret. Anno vero 1770, Martio adveniente mense, quum ejus nequitiam diutius pati non possem, illum a Nosocomio dimisi, edixique ei, in sua esse potestate situm, si cuperet, perfectam valetudinem adipiscendi, sibi que satis perspectum esse, quo deberet in posterum se modo gerere, quum sanitatis inhibendæ rationem tam pulchre nosset.

Itaque e Nosocomio discessit, meque invito, qui eum aut vectum, aut saltem comite aliquo non destitutum cupiebam, solus exire voluit, fulcris tantummodo subalaribus nixus; sui enim juris optabat esse, ut nova fraude decipere me rursus posset. Ea propter postquam vix quadraginta a Nosocomio passus recesserat, quibusdam Nosocomii inspectantibus famulis, se in terram præcipientem dedit, eos ad sui auxilium sperans advolaturos, ut accidit. Simulans enim dextrum sibi trocanterem fuisse contusum, ab illis ad Nosocomium relatus est, ibidemque eum alios ego nonnullos dies passus sum, quibus exactis, illum rursus dimisi, sed juvene comitante Chirurgo,

nec quidquam de illo exinde resciveram. Elapsis vero duobus ab ejus discessu mensibus, quum ego transirem per viam D. Claudii illum sedere propter portam quamdam conspexi, genu fasciis obductum, pulvilloque innixum gerentem; lætum tamen, secundaque, ut videbatur, præditum valetudine. A me autem de iis, quæ Aneurysma respicerent, interrogatus, melius sibi esse respondit.

ANIMADVERSIONES.

STATUS Aneurysmatis, dum Æger a Nosocomio discessit, erat hujusmodi. Illius tumor jam extensione, ac crassitie duos pollices non superabat; is tamen tactui resistens, tensusque persistebatur, quemadmodum vel in ipsa declinatione semper permanisit. Pulsatio vero non solum plane haud defierat, sed etiam, tumore sui juris reddito, continuo major fiebat.

Extra omnem dubitationis aleam positum esse arbitror, patratos in victu errores, adhibitasque potissimum in relaxandis compressionibus fraudes in præcipuis causis fuisse, quamobrem Ægrotus noster perfectam sanitatem recipere non potuerit; eoque magis, quod ego, ut hujus rei periculum facerem, quum aliquantisper compressionem inguinis neglexissem, aneurysmaticum tumorem rursus augeri jam evidenter cognoveram. Sed veritati pariter consentaneum esse videtur, in hoc Aneurysmate ob voluminis amplitudinem longius requiri temporis spatium, ut polyposa sanguinea massa dissolveretur. Quo facere quoque poterat, Primo Arteriæ volumen, quod non ordinariæ Ægrotantis magnitudini respondere par erat. Secundo, ingens Arteriæ ejusdem hiatus, qui, ut ego ex tumore, reliæque pulsatione conjeceram, eo minor esse haudquaquam debebat, quem prima ostendit Figura Tabula I. Tertio, aneurysmaticus succus, qui prout est major, majus etiam temporis intervallum desiderat, vel ut omnino deleatur, quemadmodum ostendit Figura II. Tab. I, vel ut angustetur, sicuti Tabulæ I. Figura III. indicat, vel ut in duram, informemque molem concreasca, uti videre est in observationibus I, II & IV. Quarto, nec non fortasse caries ossis subiecti, respondentisque Aneurysmatis apertioni, quemadmodum in historiis ostendi, quæ caries nobis perspicue, nisi suppuratione, aut incisione Cadaveris, patere nequit.

HISTORIA XI.

ALIUD quoque apud Nosocomii Ægrotantes reperi Poplitis Aneurysma, quod etsi nothum, durum, ac pulsans esset, nondum tamen gravia inferebat symptomata. Parum enim Ægrotum vexabat dolor, parva erat pulsus celeritas, minimus cruris, pedisque tumor, nec valde ambulationi officiebat, hanc forsitan ob causam, quod exiguum esset illius volumen, utpote quod mediocris pomi molem non vinceret. Quum morbum in hoc favorabili statu deprehendissem, speravi fore, ut consueta mihi adhibita methodo felicem exitum obtineret, sed frustra. Postquam enim paucos dumtaxat dies Æger in Nosocomio mansisset, quamvis illi ostendissem maximum ab ejusmodi morbo sibi periculum imminere, ille tamen, quoniam debebat uxorem ducere, me licet invito, atque reluctante, voluit ab eodem discedere. Verum quid inde? non longo tempore elapso certior sum factus, jam illum ex articulo gangræna affecto diem obivisse supremum.

HISTORIA XII.

MEI quoque muneris esse reor Poplitis aliud Aneurysma in medium asferre, quod etsi mihi infelicitate cesserit, facere tamen plurimum potest ad Chirurgi animum erudiendum. Atque utinam Scriptores omnes, divino Hippocrate duce, sua confessi essent errata, curationesque omnes referrent, in quibus exitus spei, ac expectationi haudquaquam respondit! Eheu quantum arti Chirurgicæ incrementum ex hoc ipso jam accessisset!

Quidam igitur Sutor, qui annos quadraginta quatuor ætatis suæ vix exegerat, melancholico, acrique donatus temperamento, lueque affectus venera inter meos Ægrotantes num. 7. Nosocomio se mihi obrulit, in eoque aneurysmaticum Poplitis tumorem offendi longe ovi asferini magnitudinem superantem, tactui præterea durissimum, & continuo dolore, identidem summo, valida quoque febre, ingentique pulsus stipatum: sed omnium maxime præ cæteris Aneurysmatibus mihi negotiorum facessabat immanis pedis, crurisque tumor: ea enim is extensione, eaque duritie præditus erat, ut nihil omnino digitorum pressioni cedere videretur.

Etiamsi mihi satis perspectum foret, cum ejus status hujusmodi esset, ut in eo difficillime posset nova hæcce methodus adhiberi, me nihilominus virili, fortique animo muniens medelam constrictioni præviam indubitanter suscepi. Verumtamen viginti exactis jam diebus, quum neque cruris, pedisque resistens extumescencia, neque ipsum Poplitis Aneurysma quiddam levaminis ab eadem sentiret, quinimo moles, aique pulsatio in Aneurysmate potius adaugerentur, quoniam alia omnia præsidia incassum cessura esse arbitrabar, prudentis, moderatæque vincturæ periculum facere aggressus sum.

Vinctura hæc beneficio nonnullarum missionum sanguinis, quæ identidem factæ sunt, Ægrotanti jam tolerabilis erat, quinimo ratione Aneurysmatis perdurare quoque diu potuisset. Sed quoniam in crure, pedeque tumoris durities, ac renitentia quotidie magis invalescebat, metuens ipse, ne articulus gangræna brevi corripere, ab eo constrictionem omnem, compressionemque auferri oportere, nimium festinanter fortasse arbitratus sum. Fasciis idcirco remotis, tum ego, tum alii plures, qui meæ visitationi interfuerant, aperte cognovimus, exoptatum jam partum in Aneurysmatis sede a constrictione effectum fuisse: tumor enim valde depressus, pulsusque incredibiliter imminutus apparuit. Verum gangrænae periculo animum assidue pulsante meum hoc tandem Aneurysma sui juris jam factum, in plenissimam libertatem asserere opportunum existimaui. Quid autem ex hoc? Brevis iterum in illo tumor increvit, cæteraque omnia symptomata ad eam sævitiam iterum pervenere, ut paucos intra dies, disrupto Aneurysmate, mortem Æger oppetere coactus fuerit.

ANIMADVERSIONES.

HISTORIA hæc mihi satis idonea visa est non solum ad demonstrandam hujus Vincturæ efficaciam, sed etiam ad ostendendum vel in difficillimo hoc casu ejusmodi constrictionem haudquaquam fuisse prætermittendam. Fieri enim fortasse potuit, ut gangræna minime superveniret; eaque demum suborta, quis audebit asserere, futurum esse ut illa, aut opportunis scarificationibus, aut aliis artis præfidiis tandem aliquando vinci a Chirurgo non potuisset? Resecto autem tumore, luculenter innotuit, ad transversorum trium pollicum longitudinem popliteam Arteriam fuisse dilaceratam.

Ad rem facit Joannis Trulli Romani Chirurghi, atque Lithotomi celeberrimi de Femoris Aneurysmate spurio a glande plumbea facto historia, quam refert Marcus Aurelius Severinus in sua Medicina, ac Chirurgia efficaci; quare ne mutato quidem verbo hic eam transcribam, eo vel maxime, quia omnium primus, ni fallor, cruralis Arteriæ Vincituram juxta Galeni præcepta peitentavit.

HISTORIA XIII.

VULNERATUR Jacobus ætatis suæ annorum septemdecim, vel circiter, biliosæ complexionis, satellitum Ducis Campaniæ filius, idu Sclopeti unico globulo muniti in crure dextro, vulnere ab inguine octo transversis digitis distante, & ad appositam partem penetrante. Cujus ingressus ab intercapedine muscutorum videlicet recti, gracilis, & vasti externi, exitus vero ad muscutorum tricipitem aderat. Vultus non extitit sine ingenti partium dilaceratione, & præsertim Arteriæ majoris: unde subsecuta est non mediocris sanguinis arteriosi hæmorrhagia; ad quod curandum advocatus est D. Joannes Trullus insignis Lithotomista, & Chirurgus, qui cum advenisset, jam vulnus a Barbitonsore procuratum reperiit, eoque modo initium ad sequentem diem reliquit, qua accedens (solutis fasciis) coercita hæmorrhagia, partem extra modum tumentem simul, & pulsantem contemplatur, ita ut ambas manus tumori impositas pulsatio attolleret: quare suspicatus statim est de vulnerata aliqua Arteria, remque arduam, & periculo plenam indicavit; propterea voluit, sibi a Parentibus alium associari Peritum, D. Ferrantem videlicet, qui iidem de vulnere male sentii. Unanimes refrigerantia, & adstringentia admoverunt; imperata Egroto quiete, vulnus ad multos intactum dies dimiserunt, etiamsi aliquando sanguis per se ad uncias tres, aut quatuor erumperet, & statim sponte sua compesceretur; solventes tandem eundem tumorem, & pulsationem, quam prius invenerant, augescentibus in diem febre, dolore, & pulsatione, perterriti in auxilium alios accersivere Chirurgos, ut consulentes sensum Egro proficuum asserrent. Multi multa, sed tamen major eorum pars tempori, & naturæ opus committebant, excepto D. Joanne Trullo Verulano, qui vulnus dilatari consulebat ad arteriam perquirendam, quam opinionem improbarunt. Iterum igitur iisdem ut supra adhibitis remediis, & fasciis vulnere obducto, ad alios dies distulerunt, donec ad decimum septimum

pervenerint, in quo ut prius sanguis erumpens, sum advocatus, ut una cum aliis, quid de casu sentirem, libenter, & ingenue exponerem. Relatis igitur a didis Dominis ea omnia, quæ adâ, & transacta fuerant, antequam quicquam concinne, & opportune effluirent, vulnus deteximus omni intemperie carens, tumore, & pulsatione remissis, quemadmodum non tantum prædicti Domini, verum etiam Assistentes, & potissimum quidam Barbitonsor, Hieronymus nomine, qui continuo aderat, ut præsto esset compescendo sanguini, ubi opus esset, asseruere; quo viso simul, & confirmato, omnes unanimi consensu non esse immutandum ordinem, qui ad sanitatem conferebat, pronuntiamus; & sic iisdem, quibus antea vulnere usum fuit præfidiis, præterquam quod, ut constantes persisterent vires, liberalius in potu vinum esse propinandum. Ita coercitus sanguis ad tredecim dies constiuit, a quibus deinde de more fluebat, & sponte coerceretur. Trigesimo itaque detecto vulnere, deprehendimus tumorem emollium, quem suppuraturum (suppuratione enim facta, carnem regenerari, & læsum vas subnascenæ resarciri, ut crebro contingit) sperabamus; spem tamen eventus fefellit.

Nam cum in dies vires deficeret, febris recruderet, facies, ut & cæteræ partes, contabescerent, rem deploratam habuimus; nec aliunde specimen salutis (si quod tamen esset) sperandum erat, nisi ex dilatatione vulneris, ut arteria vel consueretur, vel alligaretur, vel pyrotico adureretur, vel quovis alio modo sanguis sisteretur; ad hoc itaque exequendum parentem advocamus, & jam dubiam salutem inevitabili morte proxima illi significamus, unicum verumtamen superesse remedium, anceps tamen, & incertum, non modo executæ operatione, verum in ipsomet operationis adu, eliminatis jam, ac prostratis viribus, certaque futura hæmorrhagia. His auditis, genitor a nobis tristis recessit, & quasi, ut dicitur, iacitus annuit. Paratis itaque omnibus ad opus necessariis, rem aggredimur. Inventa itaque igitur Arteria circa inguen, ipsam paulo inferius inguine prosequendo, injecto in eam duro spleni, fortique ligatura, femur adstringimus more eorum, qui aliquam partem amputare solent, ut pressura angustius redditum vas minorem sanguinis quantitatem in operatione funderet, postea partem cuius aperiendam astrumento signavimus, & signatam secuit Dominus Joannes, statimque se obliuit ingens grumosi sanguinis moles, quæ librarum sex facillime pondus æquabat, quique, sublata

mole grumosi sanguinis, iter indicavit ad Arteriam inveniendam, qua reperia, forti digitorum compressione sanguis coercitus est, foriiter in inguine comprimente Domino Joanne Trullo, arteriamque conspicuam habuimus, quam a proxima vena separavi, & alligavi, parte prius superiori, deinde inferiori, adhibitis iisdem cautionibus, quæ in varicibus adhibentur; hæc non erat ad dimidiam partem lacera, verumtamen ad tertiam, una dumtaxat remanente, quæ postera die a ligatura resecta est a D. Joanne Trullo, ne forsitan partem, antequam putresceret, contraheret. Reliquo curationis processu tamquam vulnus simplex, quod per sex hebdomadas absolute curatum est, præsentie D. Ferrante Serrone, & multis aliis.

Multa equidem in hoc casu sunt admiranda; tria tamen omnem admirationem superant, quorum primum, quod intervallo quadraginta dierum sanguis extra vas citra insignem putredinem potuerit conservari. Secundum, quod ita sanguis musculos ab invicem divulserat, ut eodem grumoso extracto, statim obvia nobis fuit Arteria, ac si arte musculi separati fuissent, qui operandi commoditatem miram præbuerunt, unde hoc casu edoctus, omnibus non esse statim ad operationem confugiendum consulo, sed post adhibitam omnem industriam, imo tardius, quam serius, nisi hæmorrhagia ad manus cogat. Tertium, & ultimum, quod natura post alligatam Arteriam eodem modo partem aluit, ac si ab integra Arteria irrigata fuisset, ut nec minor mole, aut altera debilior robore remanserit.

DE INGUINIS CRURALISQUE ARTERIÆ ANEURYSMATIBUS

HISTORIA XIV.

JAM vero ad Aneurysmata gradum faciens, quæ in Inguine, cruralisque Arteriæ initio exoriuntur, illud in ipso limine statim profitear, quod historia p. 130 indicata complectitur, quodque peculiariter in hujus Arteriæ trunco, vix dum transacto Falloppii ligamento, positum erat. Hoc Aneurysma Josephum Lubertum divexabat Romanum, sanguineo donatum temperamento, quartumque supra trigésimum ætatis annum agentem, qui pluries venerem jam passus luem, in curribus regendis occupabatur. Quum is igitur consilium meum exquirendi gratia me convenisset, tumorem in ipso reperi quasi sphæricum, mole sua pomum ingens æquantem, nullo sane dolore

dolore præditum, exhibentemque oculis nativum partis colorem, sed ita manifesto pulsu insignitum, ut promptissimum mihi, facillimumque fuerit, indubitatæ Aneurysmatis in illo notas agnoscere. Equidem haudquaquam neglexi de iis omnibus ab Ægrotante per-diligenter exquirere, quæ causam mihi aperire possent, unde Aneurysma hoc profluxisset. Ipse igitur mihi significavit, se ante novissime exactum integrum annum, quum non satis edomito insisteret equo, subter eum cecidisse, atque ab illius pondere plurium corporis sui partium contusiones perpeßum, hæc præsertim in sede perpetuum deinceps, molestumque doloris sensum habuisse, usque dum Aneurysma hoc sese proderet; quapropter rationi valde consentaneum videtur, ab hoc in terram projectu, aut contusa, aut distracta Arteria, genitum illud fuisse.

Omnes incassum cessere sollicitudines meæ, frustra que Ægrotantem hortatus sum, ut, nulla interposita mora, diligentissimæ se curationi committeret. Id enim dumtaxat ab illo impetrare potui, ut a me levem fasciarum compressionem affectæ parti admoveri sineret. Ego autem, si verum fateri licet, eo tantum consilio talem medendi viam mihi tunc ineundam esse putavi, ne in posterum, morbo nimium adaucto, opportunioribus etiam auxiliis locus omnis præcluderetur. Quum vero Æger, primis aliquot mensibus, donec scilicet suismetipsis manibus Vincituram hanc ritè absolvere addiceret, quoties ea renovanda esset, domum meam se conferret, ego illam per gradus semper arctiorem efficiens, eo præter opinionem rem jam adduxeram, ut licet ipse suo vellet arbitratu vesci, neque satis quieti indulgeret, non modo tumorem haud amplius crescere, sed illud revera imminutum esse apertè constaret. Susceptus ex hac curatione fructus, qui si docilem invenisset Patientem, magno illi usui futurus esset, in hoc solummodo valuit ad illum audaciorem reddendum, effecitque, ut ipse morbum minimi pendens, integro trium annorum spatio a me conveniendo se omnino in posterum abstinuerit. Compressionis quidem auxilio, ut verissimè loquar, auxilium etiam accessit illius Domini, Eminentissimi scilicet Cardinalis Herbæ, qui, quum a me rescivisset, morbum, quo suus Auriga detinebatur, esse gravissimum, nec sine certissimo illius interitu cum laborioso ejusmodi munere consociari amplius posse, eidem statim

missionem benignè dedit, cum eo tamen, ut integrum singulis mensibus ad vitam sustentandam illi stipendium persolveretur.

Verum jam dicto elapso triennio, quum laudatus Eminentissimus Herba, incredibili bonorum luctu, repente e vita migrasset, quumque ideo Josephus suam amisisset pensionem, de alio sibi comparando Domino cogitavit, resque ei feliciter ex animi sententia cessit. Veritus autem, ne novus Hærus a me statim percontaretur, in quo illius morbus tunc esset, ut deceptus ego consilia sua nequam dissolverem, meam velut imploraturus opem, seseque mihi commendaturus, lætus, & hilaris, manuque ferulam gestans, ad me iterum post tantum temporis intervallum reversus est. Tunc igitur ego aneurysmaticum tumorem rursus inspexi, & eamdem in illo fasciarum compressionem adhuc continuare Lubertum vidi; tumore autem detecto, eum magna cum admiratione jam fere omnino complanatum, factumque illius ambitum longè angustiores esse deprehendi. Quum vero pulsus in illo nondum cessasset, auctor eidem fui, ut per id temporis, quoniam morbus jam in melius evaserat, ad integram sanitatem recuperandam perfectissimæ se curationi traderet, munusque Aurigæ, tamquam sibi maxime infestum, interea prorsus relinqueret; si enim secus fecisset, certissimum illi imminere interitum pronunciavi.

Frustra Josephum hortatus sum, ut id faceret, novusque illius Hærus nihil a me sciscitatus est. Ipse igitur tam animose suam aggressus est operam, ut currui insidiens, quotiescumque mihi obviam fiebat, quasi per jocum, me illudere videretur. Sed paucis dumtaxat mensibus perfectissimam eidem licuit venditare, ostentareque salutem; irritatus enim, præter modum adauctus, nimiumque dolens cum febre tumor eum brevi coëgit, ut, licet invitus, sese tamen lecto committeret. Magnanimus profecto haud defuit Chirurgus, qui eidem, ut unicum, tutissimumque præsidium, vinculum Arteriæ proponeret, atque illud, etiamsi contra, non mea dumtaxat, sed aliorum quoque peritissimorum Chirurgorum consilia, adaucter aggredi voluit. Statim ac igitur ego ab Equite quodam, factam fuisse operationem istam, rescivi, mihiq; ab illo nunciatum fuit, Chirurgum, ut sanguinis nimis violentum effluxum cohibere posset, affectam partem valide tæniis constringere coactum esse, illico futurum prædixi, ut Ægrotus noster tertia, vel quarta ab operatione

die ex gangræna articuli moretur, quemadmodum reipsa contigit, ut mihi deinde testatum fuit a fororis illius filio, qui & ipse Auriga, Josephus Stephanorius vocatur.

ANIMADVERSIONES.

1. **H**ÆC operatio, si infaustum, quem habuit, exitum excipiamus; præterquam quod mihi profuit ad hanc methodum in illis etiam Aneurysmatibus adhibendam, in quibus, ob descriptarum circumstantiarum defectum, vinculum Arteriæ locum non habet, mihi quoque dignissima videtur esse, quæ in lucem edatur, quod tantam conspiciens imminutionem; quæ hoc in morbo, licet opportuna, ac necessaria cautiones omissæ fuerint, a simplici compressione manavit, in spem adducor, fore ut hoc pariter Aneurysma sanitati restitatur ea prorsus ratione, qua Poplitis Aneurysmata perfanata fuerunt, & tum fasciarum compressione gradatim facta, tum repetitis sanguinis missionibus, tum etiam omnimoda quiete, debitoque vitæ regimine, pertentari hic similiter posse Aneurysmatis curationem, eoque magis, quod non secus in hoc, atque in Poplitis situ, Arteriæ nobis uti vinctura non liceat, tam ob difficultatem, Iliacam a reliquis partibus extricandi, qua in re penetrandum in abdominis cavum esset, quam ob impotentiam torcularis admovendi, ut nimia sanguinis præcaveatur eruptio, quæ facile continget non solum ex Arteriæ trunco, sed etiam ex numerosis, magnisque propaginibus, quæ, transacto Falloppii ligamento, ab illo enascuntur. Hic enim sanguineus fluxus in ipso operationis actu hanc universam sedem pervadens, impellere artificem debet, ut opus deferat, arctissimeque partem fasciis constringat, ne suæ spectator temeritatis esse cogatur.

2. Meum tamen adhuc duæ divexabant animum, eæque sane non parvæ difficultates, quas allata observatio enodare minime valuit. Earum altera posita erat in necessario forasfusse sanguinis transitu per ipsum Arteriæ truncum, quo satis articulus nutririqueat; etenim mihi aperte constabat, factam a me compressionem nunquam fuisse talem, quæ per Arteriam iter quodcumque interciperet sanguini debuisset, efficereque, ne sufficiens ejusdem copia ad articulum permearet. Altera difficultas erat, quod suspicionem magnam habebam, felicem, faustumque hujusce Aneurysmatis cursum

ex eo forsan manasse, quod illud ab extrinseca, violentaque jam enarrata causa originem duxerat; ideoque facilius compressioni ascultaverit. Verum Aneurysma in sequenti observatione descriptum has omnes mihi dubitationes prorsus exemit, etsi alia id persanatum ratione fuerit.

HISTORIA XV.

ANNO 1762, Augusto mense accersitus sum a Felice Morello Argentario fabro, quinquaginta quinque annos nato, & quem ego triginta ante annis venero inguinis sinistri bubone laborantem curaveram. Is autem eo me consilio advocavit, ut meam sciscitaretur sententiam de aperiendo inguinis dextri tumore, qui communi fere aliorum Chirurgorum consensu omnino suppuratus jam erat.

Ab illustri Medico Amicio, qui juvenem secum habebat, praxim addiscentem, nec non a Chirurgo peritissimo Maximino, celeberrimis Urbis professoribus, ego tunc morbi hujus accepi accuratissimam narrationem, ex qua intellexi, Morellum nostrum jam inde a Natalitiis transactis feriis mitiorem modo, modo vero satis acerbum in dicto inguine persensisse dolorem, qui ad coxæ articulum pertinebat, quique eum tota hyeme ad ver usque claudicare coegerat, nec aliud per id temporis innotuisse Ægrotanti, nisi quod intumescere affecta pars incœpisset.

Quum autem Felix Morellus die Corpori Domini consecrato, qui eo anno IV Idus Junias contigerat, ad Divi Petri se contulisset Ecclesiam, ut pomposo supplicationis incessu perfrueretur, tam atroci repente affectæ partis dolore correptus est, ut ei quam citissime domum redire necesse fuerit, lectoque se statim tradere, ex quo deinceps, tum ob doloris acerbitatem, tum ob febris etiam vehementiam non jam confurgere valuit. Et quamvis peritissimi professores nullum non lapidem moverint, ut ab hoc miserrimo statu eum sublevarent, nihil tamen illi suppetias tulit, omniaque ab eis tentata non modo in cassum cessere, sed novum quotidie morbo incrementum capiente, infortunatus Morellus pene abidus factus est, lectoque prorsus adhæsit. Articulus autem adeo contractus erat, ut explicari non posset. Magnus quoque sese prodebat circa hunc articulum tumor; at ille quidem naturali dolore præditus erat. Facta

insuper a digitis pressio manifestissimam renunciabat in inguine fluctuationem, quæ a Pubis ossibus ad Ilii cristam, omni tamen dolore, duritie, ac tensione vacua, protendebatur, ac liquor tumefactionem efficiens, tenuis, cutique proximus, sub ea nimirum immediate positus, apparebat.

Quum hoc in statu Ægrotantem deprehendissem, non ausus sum affirmare, laudabilem, seu purulentam hic suppurationem adesse; plus enim quam duo menses jam præterlapsi fuerant, ex quo in conspectum se dederat morbi vigor, neque is unquam remiserat, ut fieri solet, jam absoluta suppuratione, quemadmodum ipse nos Hippocrates docet Sect. 2, Aphor. 47, sed e converso in dies augeri potius observabatur. Et licet tunc temporis nulla perciperetur pulsatio, ego tamen de Aneurysmate suspicatus, meam professoribus illis mentem aperui. Ipsi autem nequaquam dubitaverunt alios nonnullos sinere elabi dies, antequam constituta tumoris incisio fieret, ut morbus interea niuidius, apertiusque mihi se proderet; neque sane hoc temporis intervallo cujuscunque efficacia auxilii periculum facere destiterunt.

Aliquoties igitur iterata est sanguinis missio, ac ingens Peruviani Corticis copia Ægrotanti exhibita fuit, partique affectæ cataplasmata sunt admota, quæ lenirent, refrigerarent, aut stupefacerent, & alia etiam, quæ inflammarent, aut arefacerent, nam liquor in parte tenuis, cutique proximus erat. Verum, quum quindecim integris exactis diebus, ab his præidiis nil accidisset novi, nisi quod posterius in loco, quatuor digitos a magno trochantere distito, alia se suppuratio in conspectum daret, instituere tandem decrevimus apertionem in inguine, ut in sede ad sanguinem cohibendum omnium aptissima, si forte effectus dubitationi meæ respondisset.

Antequam vero tumoris incisio fieret, magni esse momenti arbitratus sum, tum Collegis, tum Ægrotanti ipsi, ejusque propinquis id omne aperire, quod agere constitueram, ne sanguinem erumpere conspicientes, animum illico desponderent, præsertim Æger, cui fidem idcirco præstiti, atque recepi, me jam satis efficax, si forte id fieret, præsidium excogitasse, præmonuique apertionem scalpello inchoandum esse in sede tumoris eminentiori, tenuiorique; alio enim a sanguine erumpente humore, promptissimum, facillimumque mihi futurum, quantum e re esse videretur, incisionem producere, cruore

autem sincero exeunte, liberum me ei concessurum exitum, quoad totus illum coërcens sinus exhaustus fuerit, uberioremque etiam illius egressum passurum, si facile eum ferre Ægrotantis vires potuerint; dein valida compressione me eundem esse cohibiturum, nec sane dubitandum esse, feliciter id cessurum, dummodo externa compressio ad apertam usque Arteriam pervenerit, suamque in illa vim exercuerit. Tandemque, tumoris cavo in bonam abeunde suppurationem, optimeque eam ob causam digesto, Ægrotantem secundæ valetudini reddi posse; quinimo hanc unicam esse viam, per quam aditus illi ad pristinam sanitatem pateret.

Infelix Morellus hisce omnibus æquo animo assensus est; ideoque postquam totum id apparavimus, quod ad sanguinem cohibendum idoneum duximus, plures nimirum diversæ cum magnitudinis, tum figuræ, pulvillos, fascias itidem longas, sat validas, opportuneque constructas, ac æneas pelves, quæ humorem exciperent profluentem, id strenue sumus aggressi executioni mandare, quod nobis erat deliberatum.

Ambabus idcirco manibus compulso humore versus eum locum, qui præcidendus erat, versus locum videlicet eminentiorem, tenuiori donatum cute, extremoque cristæ Ilii quam proximum, Maximinus ex hoc incurvum scalpellum intra tumoris cavum elegantissime adigit. Sed illico, præter omnium expectationem, sincerus inde sanguis violenter erumpere visus est. Casus hic, etsi non obscure a me præfagitus, omnes perterrefacere occœpit, si non aliam, hanc certe ob causam, quod sanguinem magno impetu effluere ex incisione a chirurgico scalpello facta conspicerent. Sed ego animum erigens Ægrotantis, meisque manibus ænea pelvi excipiens cruorem, tam largæ illius copiæ exeundi potestatem feci, ut priori repleta, novam arripere pelvim coactus fuero; neque finem imposui sanguinis eductioni usque eo, dum color illius ex subpallido in vividiorum commutaretur; Ægerque in animi defectionem mox prolapsus esse apparet.

Fuit sanguinis exitus a Maximino aperiendi pollicem digitum admovente cohibitus. Ego autem pulvillos gradatim applicans, eosdemque fasciis validis fulciens, obtinui, ne sanguis rursus efflueret. Æger interim non solum nullo animi deliquio correptus fuit, sed dolor etiam, ac febris penitus ab eo recesserunt. Ille quidem protinus resectus est, eademque resectio, prout necessitas postulabat, iterata

identidem fuit ad diem usque decimum tertium, absque eo quod aut sanguis, aliaque symptomata sese iterum proderent, aut apparatus immutaretur.

Transactis autem his diebus, novus fasciarum apparatus fuit institutus, priorique idcirco remoto, nihil ex incisione effluere conspeximus, nisi aliquantulum puris, quod satis ostendere nobis potuit, Arteriam ruptam penitus occlusam jam esse, ab eaque nil sanguinis amplius emitri posse. Ea propter nos sedulo illius digestionis studuimus, & licet hæc non copiosissima fuerit, oportuit tamen in interiori, superiorique femoris sede oppositam apertionem efficere, quam tandem mense Novembri ad cicatricem una cum reliquis perductam esse libenter vidimus.

ANIMADVERSIONES.

1. **E**N quomodo hæc observatio duas illas sustulit dubitationes, quæ meum animum divexabant; quum enim compressio, quam Iliaca externa perpeffa est, tanta fuerit, ut major fieri non posset ad inhibendum, ut ne vel minima sanguinis guttula per eandem transiret, mihi turo colligere datum fuit, sanguinem universum, a quo Articulus nutrimentum susceperat, per internam tantum Iliacam delatum esse; quumque hoc Aneurysma, etsi ab interna causa productum, pressionis beneficio fuerit sanatum, mihi evidenter innotuit, compressionem valere ad Aneurysmata quælibet persananda, sive causa eadem progignens externa fuerit, sive fuerit interna.

2. Quantitatem sanguinis, qui ex tumoris apertione effluerat; Æger ipse arbitratus est, ad libras duodecim accessisse, parumque is a veritate aberrare poterat, nam præterquam quod artis suæ peritissimus erat, mechanicas disciplinas egregie quoque callebat. Nec ullus dubitationi locus relinquitur, Arteriam jam ab initio disruptam hæcenus apertam mansisse, nam & vividior, & rubicundior sanguis ultimò effluxit, & prius quam coloris mutatio in illo fieret, animi deliquio tentatus Æger minime fuit, & effluentis sanguinis copia in tumoris cavo contineri tota non potuit, & tandem sanguinis exitus eodem imperu, quo inceperat, usque ad ultimum perduravit. Omnia enim hæc apertè renunciant, cruorem, postremo loco emanantem, a sanguinis per vasa circuitu illuc delatum fuisse.

3. Ego sanè definire minime possum, quænam Arteria fuerit disrupta; sed verosimillimum est, eam fuisse Iliacam externam, quod compressionis capax extiterit, quodque in pluribus ejusmodi casibus eandem semper dilaceratam invenerim.

4. Vividiorum quoque permisi, & a circuitu delaum effluere sanguinem, non eo tantum consilio, quemadmodum superius innui, ut tumoris cavum ex toto vacuaretur, sed etiam ut circuitum ipsum debilitarem, quo sanguinis impetus, in apertæ Arteriæ sede immixtus, eundem cohibendi sanguinem mihi faciliorem ansum præberet.

5. Ad tumoris equidem perficiendam punctiorem Acum adhibere poteram Barbettianam, ut fieri solet, quotiescumque exploranda est natura humoris in tumore contenti, potissimeque si adsit suspicio Aneurysmatis, in quo desit pulsatio, quæ sanè omnium certissimum illius indicium constituit; atque ut ad convincendum Medicum quemdam curantem, qui ejusmodi Aneurysma anteriorem occupans colli sedem pro purulento habebat abscessu, ego aliàs jam feceram, absque eo quod ullum a tali punctiione incommodum oriretur. Sed in hoc casu Acu Barbettiana uti nolui; mihi enim jam proposueram, universum, ut dixi, extravasatum sanguinem evacuare, ut deinde præsidium, quod unicum in Chirurgica facultate supererat, compressionem scilicet, experirer. Hæc autem adeo stabilis, atque perfecta sanatio fuit, ut paucos post menses Morellus baculum pariter deposuerit, nullumque aliud in illo incommodum relictum sit, præter exiguam claudicationem, quemadmodum testari potest studiosa sancti Spiritus universa Familia, cui, sanitati jam restitutus Æger, ac Nosocomium data opera petens, sese spectandum objecit.

HISTORIA XVI.

SUB Martii mensis initium anno millesimo septingentesimo sexagesimo septimo arcessitus ego ad Petrum Principem inspicendum Romanum, trigessimumque ætatis annum agentem, eundem reperi lecto affixum, vehementique correptum febris, nata ex dolore atrocissimo, quem afferebat illi aneurysmaticus inguinis dextri tumor, subter Falloppii ligamentum protensus. Erat is quidem nativo colore præditus, durus, tactuique renitens, molem etiam æquabat ingentis Cotonei

Cotonei mali, pulsuque violentissimo donabatur. Univerſus ad hæc articulus tenſiva, dolentique obſidebatur intumeſcentia, atque ita contraſtus erat, ut nulla amplius ratione diſtendi poſſet.

Beneficio nonnullarum venæ ſectiōum, & compreſſivæ vincturæ tumori admotæ, datum mihi fuit, non dolore tantum, febreſque valde lenire, ſed etiam illius volumen ita ſenſibiliter imminuere, ut in dies magis, magisque faſcias conſtringere coaſtus fueriſſet.

Integro quidem unius menſis ſpatio non deſtitit me in ſpem abducere ſanationis; verum repente omni prorsus ſpe decidi, quum iterum nocturno tempore correptus Æger tam atroci dolore fuit, ut vel invitus abſcindere ſibi faſcias debuerit; ideoque poſtridie tanta ipſum tumoris mole oppreſſum inveni, ut nullus jam faſciis comprimentibus locus relictus eſſe videretur; neque deinceps quicquam prodeſſe viſæ ſunt reliquæ curæ omnes, & diligentia in Noſocomio, quo ipſe delatus eſt, adhiberi ſolitæ ad dolorem leniendum, reſſeſſandamque exuberantiam tumoris, qui magis idcirco, magisque increvit in dies, & totam hypochondrii, inguinisque dextri regionem obſidens, ad ſtemoris utque medietatem ſe propagavit, durus ſemper, pulſansque ad alias quatuor hebdomadas permanens, quibus elapſis, Ægrotus noſter mortem obivit.

Tranſactis horis viginſi quatuor, accedere conſultum duximus ad inſpiciendum, rimandumque Aneurysma; quamobrem, aperto imo ventre, tanta ſe nobis objecit concreti ſanguinis copia, ut hæc ſuperius per totam Pſoas muſculi longitudinem, inferius autem pene ad dimidium femur protenderetur. Omni igitur coagulato ſanguine eduſto, cultroque anatomico communis iliacæ arteriæ directionem ſequentes, interna vix pollicem tranſverſum tranſacta iliaca, invenimus in externa rupturam aneurysmaticam, quæ ſpatio quatuor digitorum tranſverſorum extendebatur verſus ligamentum Fallopii, ubi ipſa arteria nomen cruralis acquirit.

ANIMADVERSIONES.

Hic autem in medium mihi adducenda eſt circumſtantia quædam, quæ ad illuſtrandam non prognofim tantum, ſed & horum morborum curationem plurimum facit, quæque non minoris etiam momenti erit ad quofdam intelligendos effectus, qui in ſectiōis huius

U

progressu observati sunt. Adnotandum est igitur, hoc in casu arteriæ rupturam internam fuisse, hoc est in iis arteriæ tunicis ortam, quæ os subiectum respiciunt, illudque carie affecisse valde notabili.

Ex eo igitur, quod hæc arteria disrupa fuerit interius, ubi magnam in osse subiecto resistentiam invenerit, non verò exterius, ubi resistentia nulla ipsi occurreret, atque ex eo pariter, quod non superficialis, verum profunda fuerit allata caries, utpote quæ sua longitudine, latitudine, atque profunditate cum manus pollice conferri posset, nobis colligere datum est: Primo, cariem hanc longe prius, quàm rumpetur arteria, factam fuisse, quemadmodum ego in pluribus Aneurysmatibus deprehendi, etiamsi rupta essent in sede ab eodem osse remota, aut etiam integra permansissent, ut videre est in sinistra clavicula magni Aneurysmatis arcum Aortæ obfidentis Tab. III, Fig. II. Secundo, hanc ipsam cariem quam maxime obtulisse felici curationis eventui, cujus spes magna integro mensis intervallo nobis affulserat. Quum enim arteria cariei obversa ab ossis inæqualitate per institutam vincituram inæqualiter comprimeretur, rationi consentaneum est, fasciarum pressione Aneurysmati admotam, ad accelerandam potius, quàm ad inhibendam valuisse arteriæ rupturam. Tercio, huiusmodi eventum nobis pro regula generali inservire posse in aliarum quoque partium Aneurysmatibus, & potissimum in Aneurysmatibus poplitis, in quibus id ego pluries verissimum deprehendi. Si videlicet Aneurysma quoddam in hisce sedibus sanitatem non recipit, non semper hoc repetendum esse a methodi, qua ego utor, defectu, sed potius ex carie in osse forsitan existente. Quarto, hinc pariter factum esse, ut sanguis, sub ipsa arteria per totam ipsius longitudinem sibi viam patefaciens, Falloppii ligamentum transierit, femoris pene dimidium obsederit, huiusque articuli ita capsulam lacerarit, ut femur inde luxatum fuerit; factumque demum fuisse, ut ipsa arteria, a concreto sanguine antrorsum sublata, & compressa fuerit adversus Peritoneum, adversus musculos, ipsamque cutem, atque ita quidem, ut cylindrica sua naturali figura orbata, mirumque in modum depressa impar evaserit ad sanguinem versus articulum afferendum.

Eiusmodi casus in me cupiditatem maximam excitavit considerandi totius cruralis arteriæ tractum. Eapropter incipiens ego ubi aneurysmatica disruptio finem habebat, ibidemque sectionem longi-

tudinale instituens, arteriæ cavum jam solito minus esse conspexi, quumque hoc magis, magisque poplitem versus extenuaretur, mihi penitus occlusum, antequam ad illum accederet, visum fuit. Sed re accuratius inspecta, cognovi, tantum in arteria cavi relictum esse, ut Anellianum specillum posset admittere; quamvis id ægre fieret ob plicas, quas arteriæ se contrahentis interna membrana fecerat. Poplite autem transacto, se rursus dilatabat arteria, quemadmodum videri potest in Fig. III, Tab. I. delineatæ ex archetypo, qui adhuc penes me est.

Popliteæ hujusce arteriæ angustatio evidentissime mihi videtur evincere, cruralem arteriam, ob compressionem in Aneurysmatis loco a coagulato sanguine factam, non amplius ex Iliaca externa recipere potuisse sanguinem, ut illum ad articulum ferret; secus enim poplitea non valuisset unquam ita restringi. Eadem vero, transacto poplite, rursus naturaliter patefacta satis etiam ostendit, talem eam permansisse a sanguine ab arteriis cruralibus jugiter derivato, ab illo sanguine scilicet, qui vincturam alteram in hac operatione necessarii requirit, velut in cubiti, poplitisque flexura fieri debere suo loco statutum est.

Beneficio vincturæ in Iliaca exteriori factæ, ac beneficio aquæ calidæ luteo infectæ colore, syphoeæque in internam Iliacam impulsæ, satis idoneum ad nutriendum articulum sine ullo Iliacæ exterioris auxilio ego jam circuitum inveneram. Luteam enim impulsam aquam prodire videram ex arteriis, perreptantibus articulum pedis, quem ipse nuper abstuleram. Verum popliteæ hujusce arteriæ angustatio me impulit ad aliud instituendum experimentum, quod me doceret, utrum, Iliaca exteriori, simulque poplitea vinculo adstrictis, impulsoque in Iliacam internam liquore, hic per dissectas jam memoratas arterias exitum æque sibi inveniret, ac fieri videram, dum exterior tantum Iliaca ligata esset. Prius igitur hanc solum vinxi, injectusque liquor de more satis copiosus profluxit; poplitea deinde quoque revincta, liquorem sane effluere conspexi, sed longe lentius, parciusque.

Ex hac sensibili differentia evidenter colligi posse reor, interiorrem Iliacam, postquam exterior vinculo adstricta fuit, ad sanguinem transmittendum in universum articulum sibi sociam adjungere etiam popliteam arteriam. Ideoque patet, arteriam cruralem, antequam

popliteæ nomen assumat, ope lateralium vasorum haurire sanguinem, ab Iliacæ internæ propaginibus derivatum; concludique inde potest, sanguinem hunc eum fuisse, qui apertam servaverit viam illam angustam, quæ reperta fuit in Arteria poplitea Fig. III, Tab. I. De internæ vero Iliacæ anastomosibus clarissimus Winslowius jam plura memoriæ tradidit. Hæc autem experimenta sufficienter evincunt, Iliacæ internæ propagines, tam ante poplitæ, quàm post illum, cum Arteriæ cruralis propaginibus communicantes, circuitum, ad nutriendum articulum etiam sine exteriori Iliaca satis idoneum, efficere.

Aliud evidentissimum documentum, quod plane necessaria ad nutriendum articulum externa Iliaca non sit, ex observatione capere possumus, mihi tradita ab alias laudato Petro Javina. Quum eam enim in sancti Spiritus Nosocomio ipse fecerit, ejus ego testis oculatus jam fui, eandemque hoc potissimum nomine huic volumini inferui. Ex illa siquidem clare patet, exteriorem Iliacam, ob suppuratum inguinis Aneurysma, ita corruptam fuisse, ut in duo capita diducta fuerit, etsi Æger tot deinde diebus vitam produxerit, quot ipse narrat, neque ex articuli gangræna decedere visus sit.

HISTORIA XVII.

QUINTO Idus Octobris 1765, in sancti Spiritus Nosocomio læso accipiebatur Petrus Antonius Ferrari coquus, quadragessimus ætatis annum agens, qui cum prima vice a me sequenti mane inviseretur, inventus est cacoehymo corporis habitu præditus, continua, lentaque deventus febris, legitimoque Aneurysmate, pugni, grandioris nempe manus magnitudinem exedente laborans, quod trimestri ab hinc spatio in sinistro inguine originem nanciscebatur suam, & sursum, ac deorsum, abdomen scilicet, coxamque versus, nonnihil extendebatur.

Tumor, qui aderat tunc temporis, aliquomodo esse circumscriptus, ac vehementer pulsare cernebatur; continuis doloribus, præsertim vero sub noctem acerbioribus, Ægrum afficere consueverat, ex quo causam percundanti mihi, externam fuisse quum accepissem nullam, venerea ex labe omnimode derivandam esse, ex multis cicatricibus innotuit.

Sanguis missus, & spongia, ex egelida posca expressa, tumori impoſita, doloris etsi quandoque lenirent acerbitatem, vehementius

tamen paulo post pulsatio, & dolor augebantur; sed hæc, postquam major in dies tumor factus in magnam excreverat molem, leviora fieri experunt, atque tertio decimo tandem kalendas Novembris magna cum tumoris depreffione, nec non per internum plusquam dimidia coxa latus propagatione, levi prægresso fragore, evanuerunt.

Verum exinde *Œdema*, quo leviter antea pes tantum afficiebatur extremus, cum caloris, sensus, motusque deperdiuione sic excreverat, ut universi pedis hujusce vita in apertum discrimen veniret. Continuo idcirco linteum quadruplex, ex vini spiritu cum camphora expressum, imponi calide, & quam sapissime curavi, quo quidem præsidii genere, quadraginta horarum spatio, pars in integrum pene, *Œdemate* valde imminuto, refluerebatur.

Interim tamen in gangrænosa tubera sub inguine elevabatur tumor, quæ pridie kalendas Novembris sub lucem disrumpabantur, cumque ficientium humorum colluvie inquinatum summo mane ægrotum invenissem, discissis, remouisque fasciis, ac spleniis, quæ ante dies octo, quam hæc acciderent, parvi applicaveram, quo essent impedimento, ne ex inopinato, tenuissima tumoris perrupta cute, exanguis fieret, magna inde nigerrimi sanguinis copta, partim in grumos concreti, partimque in fœtidam saniem dissoluti per satiscientia tubera, coccinei vero (quod maxime, ne fieret, verebar) ne guttula quidem effluente, effundebatur.

Quare Ægro obsita illuvie depurgato, plagam linamenis quam mollissime impleri, & linteis ex egelida posca, quolibet altero die circumducta fascia, velari curabam, atque per hæc, velamenta communia, nec non aneurysmaticus saccus, cum annexis vasis, nervis, membranisque, quæ ab inguine ad mediam usque coxam, & ultra computruerant, octidui spatio, quod sponte absque distractione fieri sinebam, abscesserunt. Hinc factum est, musculis, *Pectineo*, *Iliaco*, atque *Psoas* parte infera, *Sartorio*, anteriori denique *Tricipitis* porzione, denudatis, & a putredine vindicatis, triangularem alveum, postremis hisce geminis præcipue interclusum, ab inguinis ligamento ad sedem usque, qua decussatim implicantur, vasis, nervisque cruralibus in eodem alveo excurrentibus, a putredine penitus destrudis, expoliatum, rubentemque apparuisse.

Cum eo loci res esset adducta, Tibi, Vir clarissime, qui sponte ad Ægrum invisendum, rei novitate motus, accessisti, non sine admiratione inspicere datum fuit.

Quo vero sordibus evacuaretur Abdomen, in externum ulcus continue dilabentibus, scalpellum, ductore indice sinistræ manus digito, per hiatus, qui tunc sub ligamento inguinali patens erat, indebam, cujus ope ligamentum hoc, Abdominis musculos, nec non velamenta communia, lata satis discindebam plaga, sicque internum aneurysmaticum cavum in apertum ponere, densioribus sordibus expurgare, eidemque cavitati feliciter adeo medicinam, quæ omnis in linco carpto constiterat, mihi facere contigerat, ut cicatrix cum proximæ valetudinis spe prosperæ quaquaversum duceretur.

Attamen attenuatus Æger, valenissimis licet jusculis aleretur, macie magis magisque conficiebatur, sic ut quinto tandem kalendas Decembris marasmo absumptus fuerit.

Referato die crastina cadaveris Abdomine, viscera omnia secundum naturam, si glandulas Mesenterii, lymphaticasque nonnullas circa lumbos, mole nonnihil, ac duritiæ audas, exceperis, reperia sunt. Arteriam vero Iliacam communem sinistram, quam Peritoneo exuebam, cum eo usque diffidissimè, ubi in Iliacas minores dispersitur geminas, externam scilicet, internamque, quæ & hypogastrica nuncupatur; Iliacæ externæ osculum (Arteria pervia manente hypogastrica) durissimo, conoideoque operculo sex fere lineas longo ex lymphæ concreta, cui archetypo fuerat, quin parietibus adhæresceret vasis, efformato obturari cernebamus, quo sublato, indutroque in conicum archetypum hunc specillo tenuissimo, Arteriam vix penetrabilem esse adnotabam. Quare hanc velamentorum, musculorumque Abdominis discissionem in Aneurysmatis cavitatem usque, Peritoneum scilicet inter, & musculos Psoas, atque Iliacum internum, a quibus, sanguine ex perrupto tandem Aneurysmatis sacco in cellulosam ejusdem Peritonei epiphisim eruptente, divellebatur, profectus sum, sicque amplius duos pollices ab ima operculi sede detruncatam, sub eoque crassiorẽ quadruplo, ovalis figuræ, & ligamenti adinstar duram, atque imperviam, cujus extremo lacinia, discerptis veluti sacci frustulis, suspēdebantur, Psoas musculo adhærere advertebam.

Arteriæ Iliacæ ovalem hanc partem polyposa substantia variæ densuatis adeo insarctam esse discindendo adnotabam, ut tunicarum ejus-

dem forma penitus destructa, in uniformem massam spongiæ cera imbutæ similem, transformata videretur.

Ossa Ilei, atque Pubis eo loci, ubi Arteria iliaca externa ex Abdomine in cruralem abiitura egreditur, ibidemque in inguine, ubi Aneurysma orum habuit, profunda adeo obsidebatur carie, ut Choroidea cavitate nigrities late, apprimeque retegeretur.

Cruralis denique Arteriæ caput inferius tenui, ac fimbriata extremitate a sartorio musculo, cui nonnihil adhærebat, circa medium coxæ, nullo interposu sanguinis coagulo, cogeatur.

Sed iterum sectionem cadaveris aggrediamur. Quum igitur, dum Patiens vitam agebat, ex pulsante in illius carpis Arteria, ex cordis palpitatione, & ex spirandi difficultate, oborta mihi suspicio esset de vitio quodam in ipso corde, aut in Aortæ arcu existente, partes has inspicere volui, totumque revera Aortæ arcum inveni Aneurysmate affectum. Erat enim duplo major, quàm naturaliter esse soleat, habebatque in fastigio suo debilitationem, aut herniosum potius tumorem, qui magnitudine sua ingens gallinæ ovum æquabat. Patens deinde, tum Aortæ arcu, tum etiam hernioso ejusdem tumore, interna illius superficies aspera quidem, ac inæqualis apparuit, sed nullus tamen innotuit in ea substantiæ defectus, hujus autem crassities tertia saltem parte imminuta, ideoque rupturæ proxima deprehensa fuit.

Nihil aliud ex hac Anatomica sectione ego chartis mandari studui, præter descriptam angustioris redditæ popliteæ Arteriæ figuram, utpote quæ potissimam mihi visa sit considerationem mereri. Etenim, quoad reliqua, aliam ego longe majoris momenti observationem habebam, cujus historiam, sectionem, atque figuras breviter hic attingere expediet.

HISTORIA XVIII.

OBSEVATIONIS hujus subiectum Juvenis fuit octo, & viginti annos natus, sanguineo bilioso temperamento, ac mediocri statura præditus, & jampridem celtica lue male affectus, qui in meis de Aneurysmatum materia primis inquisitionibus ad Divi Gallicani Nosocomium se contulit, duos gestans tumores, in unoquoque sane inguine unum, utrosque vero communis pomi magnitudinem, &

figuram habentes, qui licet dolorem nullum afferrent, nativumque partis exhiberent colorem, ea quidem pulsatione stipati erant, ut promissimum mihi fuerit pro duobus Aneurysmatibus eosdem agnoscere, etsi impositum utrique repererim emolliens Calestani ceratum, eo quod veneri duo bubones habiti a Chirurgo fuissent.

Nullum per id temporis Ægrotanti opportunius consilium præbere valui, nisi ut ad aliquot hebdomadas se lecto traderet, quemadmodum revera ipse fecit. Hoc autem transacto temporis intervallo, tum ob quietem, sanguinisque missiones, tum ob admotos pulvillos adstringenti deccessione madentes, tæniisque firmatos, tum etiam ob vitæ accuratum regimen, duo hæc Aneurysmata melius se habere cœperunt; sed tunc prædictus Ægrotans, quod huic forsan vitæ regimini sese subtrahere cupiebat, quodque nullo afficeretur dolore, voluit e Nosocomio discedere, quamvis adhuc pulsatio in utroque tumore valde sensibilis permaneret.

Quum illum in Nosocomio amplius retinere nequiverim, ipsi auctor fui, ut, morbo saltem ingravescente, ad idem Nosocomium reverteretur, sicuti, duobus circiter elapsis mensibus, sedulo factum ab illo fuit. Ambo hæc Aneurysmata tunc temporis reperta sunt valde adaucta; at sinistrum deprehensum est longe adhuc dextero majus, quod, utpote spurium, universam inguinis, sinistrique hypochondrii regionem in tumorem attolleret, seseque tactui molle exhiberet. Dexterum autem, quod verum esset, circumscriptum permanebat, durumque; etsi in utroque manifesta percipiebatur pulsatio. Omnes profecto, quæ tunc adhibitæ his a me sunt, diligentia frustra fuerunt; Ægrotus enim intra unius mensis intervallum, absque eo quod Aneurysmata hæc extorsum disrumperentur, vita decessit.

Horis viginti quatuor elapsis, quum ego sectionem utriusque Aneurysmatis instituerem, ita cuncta se habere deprehendi, quemadmodum exhibentur in Tab. II, ubi totus etiam Aortæ tractus, & cor ipsum delineantur, ut quædam aneurysmatica principia in eadem Arteria oborta una cum peculiari dextræ subclaviæ vero Aneurysmate ostenderentur.

ANIMAD:

ANIMADVERTENDUM sane est, me in hac exhibenda Tabula non alio speſaſſe, niſi ut vitia aneurysmatica demonſtrarem, quæ in unico ſubjecto tot varietatibus inſignita, vix aut ne vix quidem reperiri poſſe arbitratus ſum; in vero enim dextræ iliacæ externæ Aneurysmate ſumma cernitur naturæ providentia, quæ perforatum ſanguinis grumum ſervavit, ut per Arteriam Aneurysmate affectam, liberum ſanguis iter offenderet, cautumque ſic fuit, ne Aneurysma præter modum increſceret, atque, ut articulus nutrimentum facili negotio ſuſciperet. Hæc naturæ ipſius providentia haberi poteſt tamquam exemplum in internis Aneurysmatibus, quæ quoniam longam nonnunquam Ægrotanti vitam non denegant, ac interdum omnia, quibus ſtipabantur, ſymptomata omnino amittunt, falſam ingenerant opinionem, Medicinæ Profeſſores toto erraſſe cælo in eorundem conſtituenda, affirmandaque præſentia, velut deinceps altero ego patefaciam-exemplo.

Spurium externæ ſiniſtræ Iliacæ Aneurysma, & ipſum peculiare cenſeri debet, ob vaſtum potiſſimum Arteriæ hiatus, qui in ſecunda ejuſdem Tabulæ Figura cernitur. Peculiare quoque eſt ſubclaviæ dextræ Aneurysma, eoque magis redditur tale, a parvo illo foramine ſupra aneurysmaticum circumſcriptum tuberculum nota (*) inſignito, quod parum abſuit, quin intra ipſum Arteriæ cavum ſe penetraverit, ac per ſe ſolum inopinatam, & repentinam Ægrotanti mortem attulerit. Denique tum ex hac, tum etiam ex præcedente obſervatione, ob varietatem locorum, in quibus tot Aneurysmata unico in ſubjecto efformata ſunt, evidenter colligi poteſt, nos, quotieſcunque ab acri, corrodentique hæc humore gignuntur, nunquam pro certo affirmare poſſe, unicum tantum eſſe in corpore vitium, unicumque tumorem aneurysmaticum, ac uni medentes Aneurysmati externo, prohibere minime poſſe, quin internum aliud Ægrotum e medio tollat. Hæc enim Aneurysmata interna citius externis homines interficere ſolent, quod in eiſdem celeriter Arteria deſtruitur, velut contigit in Aneurysmate externæ Iliacæ, quemadmodum videre eſt in Tabulæ ejuſdem Figura tertia, ubi parvus deprehenditur aneurysmaticus ſaccus, quod tempus ſe magis expandendi haudquaquam habuerit. Atque hoc ſimiliter Aneurysma in

venereorum bubonum numero habitum fuit. Talis hallucinatio, qua Professores adeo frequenter capiuntur, ad hoc ipsum indicandum me impellit, ut magis in posterum ab hoc errore Chirurgi sibi cavere enitentur. Semper enim errores hujusmodi contigerunt; nam mea quoque ætate hic Ferro candenti, ille potenciali igne, alius secante cultro similia aperire Aneurysmata conatus est, sicuti nuper hic Romæ in flexione cubiti a mediocri Chirurgo, & in Poplite ab externo Cœnobita empyrico factum fuit. Ast in utroque casu paucarum horarum spatio Æger e vita decessit.

Si Chirurgus, qui Aneurysma in flexione cubiti perforavit, quod illud abscessum esse crediderit, cognitionem habuisset Aneurysmatis, quo conflictatus Morellus fuit, aut illud minime aperuisset, aut eandem fortasse, quam ego susceperam, in eo curationem expertus esset. Si pariter Cœnobita, ac Ægrotus poplitis Aneurysmate affectus, majorem fidem alteri adhibuissent Chirurgo, qui jam illud Aneurysma esse dixerat, allatum sane infortunium haud contigisset.

DE SUPERIORIS SURÆ PARTIS ANEURYSMATIBUS.

STUDUI quoque, ut viam invenirem aliquam ad ea perferenda Aneurysmata, quæ in superiori Suræ parte contingunt, in quadam scilicet ex tribus Arteriis, quæ sunt Tibialis anterior, Tibialis posterior, & Peronæa; sicut etiam ad Aneurysmata perferenda, quæ obsident extremum Popliteæ, priusquam in tres prædictas Arterias ea diducatur. Sed licet quater id pertentaverim, nunquam tamen ex animi sententia res hæcenus mihi cessit. Non equidem periculum feci vinciendæ tantum Arteriæ in principio, & sine tumoris, ob difficultatem inter tam validos musculos eam separandi Arteriam, quæ Aneurysmate affecta fuerit, extricandique a reliquis partibus tumorem integrum, absque eo quod sanæ etiam Arteriæ eodem tempore præcidantur. Nec ausus instituere Arteriæ ejusdem vincituram, aperiendo prius, evacuandoque aneurysmaticum saccum; altitudo enim muscularis, ingensque tumor, quem ego semper offendi (semper enim hujusmodi Ægrotantes ad Chirurgiam sero confugiunt) nimis difficile reddunt invenire modum vinciendi duo orificia cum aneurysmaticæ Arteriæ sacco communicantia. Quod unice sum expertus, compressio fuit, eaque gradatim facta, non modo ut hic

pariter faustum illius, & felicem exitum explorarem, sed etiam ut saltem ad inflammationem compellerem aneurysmatici tumoris circumferentiam, suppurationemque inflammationis pedissequam obtinerem.

HISTORIA XIX.

UNICUS mihi contigit casus, qui sub initium priori scopo apprimè respondere visus est, sed deinde ab incepto cursu ita destitit, ut longissimo transacto tempore, quum prorsus nimium Ægroti vires jam fractæ essent, ad secundum scopum pervenerit, hoc est ad suppurationem, quæ in corruptelam cito delapsa interfecit eundem Ægrum, annos licet natum viginti quatuor, gracillimum tamen, nullique parem operationi, ex qua vel suppuratio, vel effusio sanguinis nasceretur.

HISTORIA XX.

ALIUD Aneurysma huic simile quoad sedem, quam occupabat, verum ab hoc sui cursus ratione longe diversum, se mihi objecit in sancti Spiritus Nosocomio, inter Ægotantes hic mihi credios numero quarto, ubi xv kalendas Martias anni 1770 Juvenem reperi, trigessimum ætatis annum agentem, sanguineo melancholico donatum temperamento, nomine Benedictum Antonium Bartolum, natione Venetum, artemque famuli profitentem. Tumor hic aneurysmaticus in Suræ dextræ principio proxime a poplite situs erat, referebatque cum mole, tum figura gallinaceum ovum, durus iis quidem, tactuique indolens, sed qui tamen adjunctam valde sensibilem pulsationem haberet. A diuturna ambulatione, quum pondus, inflatio, tristisque sensus in tumoris sede, atque in Achillis tendine increverent, lecto se tradere cobeatur. Etiam vero violentos Æger prædicti articuli motus, tamquam hujusce morbi causam, agnosceret, fassus est tamen, se etiam venerea lue laborasse.

Situs hujus Aneurysmatis, ut innui superius, anceps nimis erat, neque vincturæ opportunus. Quocirca, duabus prædictis innixus indicationibus, quoniam hic Æger maximis pollebat viribus, ad compressionem instituendam me contuli. Eapropter, facta prius idonea sanguinis missione, rigidoque Ægotanti imperato vitæ regi-

mine, nonnullos dies sola lecti quiete eundem transigere passus sum, ut nimirum dissiparetur ob Aneurysma ad crus, & ad pedem delatus humor, qui illuc ex ambulatione confluerat. Compressiva deinde vincula admovi, ea scilicet a superiori Suræ parte ad inguen usque producens. Verum, etsi compressio mediocris esset, dolorem hæc ut acerbum, atque vehementem movebat, ut quamvis alia sanguinis missio foret administrata, relaxare nihilominus admota vincula coactus fuero.

Quum autem cognoscerem, ex hac vinctura vel nullam profusus, vel saltem nimis parvam in morbi sede compressionem contingere, nonnullis transactis diebus rursus eandem instauravi. Hæc autem etsi valde moderata erat, in causa nihilominus fuit, cur non solum idem reverteretur acerbissimus dolor, sed totius quoque articuli intumescencia consurgeret, cum tam immani, spasmodicoque in planta pedis dolore, ut eam omnino disfluere, atque rescindere debuerit. Ager sub noctem, quam placide deinde transegit. Hoc attamen non obstante, ego rigidum vitæ genus, opportunas missiones sanguinis, compressionemque in Ægrotante haud omisi, sed frustra semper propter allata symptomata, quæ illico præsto erant, præcipueque propter spasmodicum in pedis planta, immanemque dolorem, cui reluctari, & resistere Ægrotus nequaquam poterat.

Ingens interea tumor incrementum suscepit, quumque dolens, & inflammatus redditus esset, ego illum XIV kalendas Majas penitus a compressione liberum esse oportere arbitratus sum, ideoque linteam illi dumtaxat unguento rosaceo madidum, solaque continente fascia illigatum imposui. Hac autem ratione, duabus elapsis hebdomadibus, omnia dolorem facientia evanuerunt symptomata, ac febris etiam, quæ supervenerat, ab Ægrotante recessit. Quum autem illum non amplius dolore affectum, sed in perpetua tranquillitate positum ego me visurum sperarem, improvise spasmodicus in planta pedis, appetente nocte, reversus est acerbissimus dolor, qui non leniebatur, nisi missione sanguinis, licet hæc nihil omnino ad inhibendum tumoris incrementum conferret. Quapropter VII Idus Julias tertiana duplici, eaque, prout tunc temporis grassabatur, putrida, perniciosaque correptus, XVII kalendas Augusti mortem oppetiit.

Horis elapsis viginti quatuor, ad tumorem examinandum accessi, non solum, ut naturam inspicerem Aneurysmatis, sed etiam ut

causam, si fieri posset, cognoscerem spasmodici, insuetique doloris, qui in huiusmodi casibus se mihi nondum obtulerat. Separatus est igitur diligentissime tumor, vasorumque, ac cruralis nervi directio talis omnino relicta fuit, qualis in conspectum se dedit, a naturali tamen situ recedens exhibetur in Tabula V^a, quam ad vivum expressam describi lineis curavi, & ex qua Lector omnia intelligere poterit.

ANIMADVERSIONES.

APERTO tumore, innotuit, eum fuisse Aneurysma spurium, etsi legitimum esse videretur; Arteriæ enim expansio vix tertiam sacci partem excedebat, ac tumoris reliquum efficiebatur a stratis polyposis sanguineis contentis in quadam cystide, quæ a cellulari membrana, ac musculis facta fuerat. Tumor igitur, quamvis spurium esset Aneurysma, poterat in insulam redigi ad vincturam, ut alias dixi, efficiendam, ni situs timorem mihi incussisset. Sed hæc observatio eundem mihi timorem non parum auxit, quoniam ad perficiendam vincturam mihi necesse fuisset nervum, venamque simul constringere, & quod magis ad rem facit, ex vinctura inferiori tres debuissent ramificationes deleri, a quibus, ope lateralium vasorum cum ipsis communicantium, circularis continuatur sanguinis motus in inferioribus partibus. Multo minus expediebat methodum aggredi aperiendi tumoris, quod hoc in casu fieri non poterat, quin necessario ita expansus nervus in ipsa apertione dissecaretur.

Hactenus descripta loca non ea sunt dumtaxat, in quibus Aneurysmata producantur, sed hæc fieri possunt ubicumque Arteriæ perreptant, ideoque in tumorum curatione Chirurgus ea semper præ oculis habere debet. Quod ut ostendam a veritate alienum non esse, duo tantum exempla adduxisse in medium sufficiet, quæ novissima sunt, utpote quæ hoc eodem an. 1770 mihi in conspectum se exhibuerunt.

PRIMUM contigit mense Martio in equifone Joanne Parisio Romano, quadraginta quinque annos nato, sanguinea temperie prædito, vini-que summo bibone, nunc autem stabulario Excellentissimi Marchionis Angeli Gabrielli. Ab eo igitur ostensus est mihi tumor, qui in dextræ manus vola ab aliquot mensibus ortus erat, eam præcise regionem obsidens, quam Græci Hypothenar dicunt. Circumscriptus is erat, assurgebatque ad communis pomi altitudinem, indolens quidem, naturalique colore præditus, si ejus circumferentiam exceperis, in cujus radice violaceus color aspiciebatur. Summe quoque erat tensus, non pulsans, digitorumque pressioni tympani ad instar renitens. Cutis denique eundem contegens, callosa prorsus evaserat. Hæc omnia in unum hic coëuntia phænomena, menti confusionem quum parerent, tempus mihi sumendum fore arbitratus sum, edixique Ægrotanti, ut ad me sæpe rediret, quemadmodum reipsa fecit intervallo trium circiter mensium, quibus transactis, quum offendifsem tumorem magnitudine adauctum, non nihil fluctuationis tangentibus digitis exhibentem, cuteque tectum jam maxime attenuata, censui, non amplius differendam esse illius curationem, Ægrumque idcirco ad Nosocomium sancti Spiritus misi, ut ibi inter eos Ægrotantes collocaretur, quorum medela ad me spectat. Quatuor igitur elapsis diebus, quum cognoscerem, cuum minitari rupturam, satius existimavi, tumorem hunc per longum secante ferro aperire, ut viderem, quid in eodem contineretur; & revera rem acu tetigi; tanto enim impetu sanguis ex inflicto vulnere erupit, ut ego cum assidentium plerisque ab eo fœdati fuermus. Quumque viderem sanguinis exitum rivi instar violenter continuare, omne integumentum illico abscidi, a quo sanguis continebatur, effecique, ut pollice aperta arteria comprimeretur, donec, injecta medio humero ligatura, datum mihi fuerit, tum linamentis siccis, atque pulvillis, tum etiam compressiva deligatione Ægrotantem ab hæmorrhagia tutum reddere, quod mihi sane, humeri vinculum insensibiliter relaxando, pulchre innotescere debuit.

Usque ad sequentis diei vespertam, videlicet quadraginta duarum

horarum spatio, nullus jam sanguis apparuit, & idcirco tunc temporis nova succrevit hæmorrhagia, quod Æger manum imprudenter movere cœperit, quumque serum illi auxilium accessisset, jactura sanguinis tanta fuit, ut extrema eum sacrosancta Unctione muniverint. Ex hoc incommodo quum Æger cautior effectus esset, nullus deinde sanguis apparuit, vulnusque inde factum viginti sex diebus ad sanitatem pervenit.

ANIMADVERSIONES.

INTEGRUM mihi haudquaquam foret decernere, ex quam arteria Aneurysma hoc ortum esset, a primo ne videlicet ramo, quem cubitea ex palmari arcu plerumque mittit ad hypothenar, an ab ipso cubiteæ arcu palmari? Insignis hæmorrhagia potissimum arcui favet; propago enim, quæ ad hypothenar defertur, exilis nimium, tenuisque videtur esse, nec ad tantam effundendam sanguinis copiam idonea.

Ab hoc Aneurysmate duo practica documenta colligi possunt, nimirum primo, licet arteria aperta parva esse judicetur, elapsæque fuerint horæ viginti quatuor, atque etiam triginta sex, nondum tamen eam probe esse clausam pro certo nobis habendum. Secundo, in tumoribus, generatim loquendo, plures ob causas, jam satis notas, non semper, ut incisioni parcat, expectandam esse cutis ipsius corruptelam; nunquam autem id esse faciendum in tumoribus dubiis, qualis hic erat, & cujus naturam me penitus ignorasse jam factus sum; si enim hic tumor sua sponte nocturno tempore disruptus esset, Æger profecto repente mortem oppetivisset.

HISTORIA XXII.

SECUNDUM exemplum pridie kalendas Junias an. 1770 mihi suppeditavit discipulus quidam meus, nunc Chirurgus Longiani conductus, eam sane ob causam, ut ego meam illi opinionem de eodem communicarem. Sanguinem is eduxit rusticæ Juveni e vena, quæ tarsum, metatarsumque perreptans, præ cæteris maxime in conspectum se dabat. Justa sanguinis copia feliciter ex illa prodiit, eademque felicitate postea cessavit. Vena hæc ad proximum usque diem nihil

effudit sanguinis. Cur autem tunc temporis is eruperit, arbitrata est Ægra, in causa fuisse impulsione[m] quamdam, quam in incisæ venæ loco acceperat, dum se ad campum conferret. Verum hic sanguinis exitus, instituta rursus vinctura, suppressus est. Aliquot autem elapsis diebus Juvenis hæc in emissi sanguinis fede tuberculum animadverit abellinæ nucis magnitudine præditum; fluctuans is erat, ac indolens, nativumque exhibebat partis colorem. Quod verò Chirurgo majus facefsebat negotium, adjuncta erat sensibilis pulsatio, ex qua cognovit, tumorem illum esse Aneurysma. Eum quidem nonnullorum remediorum beneficio narrat in eodem statu hæcenus permanere, interim eventus hic aperte renunciat, quod, licet in pedis dorso non nisi tenuissimæ tibialis arteriæ anterioris propagines disseminetur, fieri tamen possit, ut læsæ in Aneurysma etiam ipsæ assurgant. Ideoque Phlebotomista hoc etiam in casu cautus debet esse, communemque opinionem deponet, nullum hic adesse periculum.

DE INTERNIS ANEURYSMATIBUS.

VENTO nunc ad magni Aortæ Aneurysmatis supra memorati historiam, quam ænea Tabula locupletatam iterum evulgare operæ pretium existimavi, etsi in compendium redacta, & absque schemate in Commentariis Academiæ scientiarum Paris. an. 1750, pag. 49 reperiatur. Hac autem arrepta occasione e tribus a me ad Academiam una simul transmissis observationibus Polypum quoque delineari jussi, omissa tertia venæ Azygæ historia, quod jam ab ipsa Academia in lucem edita in tertio Dissertationum exterarum volumine an. 1760, p. 512 Tabulaque, uti decebat, instructa fuerit.

Historia igitur, de qua nunc agimus, Aneurysma exhibet pluribus nominibus animadversione dignissimum, nimirum primo : quod est omnium maximum, quæ in Arteriis cordi proximis adinvenerim, & aperte docet, ad quam enormem extensionem sine ruptura, & sine crassitie decremento Arteriarum tunicæ adduci possint. Secundo : quod non solum majorem arcus Aortæ partem, sed totam etiam sinistram subclaviam occupat, hujus principium minime afficiens. Tertio : quod Ægrotantem non interfecit, antequam ad tantam mole[m] peringeret. Quarto : quod ovale foramen ostendit, nunquam ita patens, quod noverim, deprehensum, ut digitum indicem commode

commode transmittere posset. Hoc enim plurimis obnoxiū exitit controversiis, ad quas dirimendas, ut in monumentis annorum 1717 & 1725 videre est, celeberrimus Winslowius arcessitus fuit. Quinto: quod Coronariæ valvulam cum magnitudine, tum reticulari forma singularem demonstrat. Sexto: quod claviculam sinistram dextra magis incurvam reddidit. Septimo: quod denique, ut ex historia patebit, causam agnoscit non contemnendam.

Monitum interim volo, me operam dedisse, ut in his figuris cordis ventriculi aperti delinearentur, non quidem quo in conspectum se darent omnia, quæ in illis notari solent, verum quo clarius Aneurysma, ovale foramen, & Coronariæ valvulam patefacerem, ideoque in eis refecandis mihi tantum proposui sectionem instituere ad hæc tria demonstranda maxime accommodatam.

HISTORIA XXIII.

VIR septem & quadraginta annos natus, staturaque præditus consuetus, in saltu, qui vulgo *Fajola* dicitur, a prædonibus circumventus, ab eisque, postquam deviis itineribus deductus esset, arbori alligatus, fortunis omnibus spoliatus est, ibique relictus. Facile intelligi potest, per quos, quantosque conatus sese a vincitura expedire miser tentaverit, verum id frustra sex integras horas expertus est. His autem elapsis, quum a venatore illius gemitus audiri essent, is, humanam vocem profecutus, ad locum pervenit, in quo miser conquerebatur, eumque a vinculis liberavit. Ab illo igitur publico itineri restitutus, postquam Velitras attigit, ibique aliquantisper recreatus est, Neapolim concessit. Illic vero coactus fuit sese Medicis curandum tradere, atque aliquatenus restitutus, res suas cito expedire satagit, ut Romam reverti posset, ibique curationi finem imponere. Sed multo aliter accidit, semper enim adversa valetudine est usus, donec post annos octo ad sancti Spiritus Nosocomium delatus fuerit. Nos morbum illius ad examen revocantes, magnam in eo deprehendimus spirandi difficultatem, febrem præterea, sinistrum pulsum penitus deficientem, atque tuberculum supra sinistram claviculam columbinum ovum magnitudine æquantem, sed naturali colore præditum, ac pulsationem sensibus exhibentem. Morbum igitur Aneurysma esse rati, exitum dumtaxat expectabamus; &

revera, paucis exactis diebus, respiratione pedetentim sublata, Æger e vita decessit. Cadaveris sectionem minime negligendam esse putavi, eamque in Tab. III & Tab. IV, Fig. I, delineatam exhibeo.

HISTORIA XXIV.

AD confirmationem eorum, quæ superius admonui circa organica interna vitia, in quibus natura novas interdum vias invenit, per quas ita ea componantur, ut nullum in posterum incrementum suscipiant, Ægrumque sinant satis diuturnam, satisque pariter inculpatam vitam traducere, historiam narrabo Phænomenorum, quæ in Viro ob raram ingenii solertiam, summamque in mechanicis præsertim rebus peritiam celebratissimo, Scoticoque Patrio, id est in Abbate Woodtio acciderunt.

Circa annum 1738, cùm ingentem prælaudatus Abbas cordis perferret palpitationem, maximaque angeretur respirandi anxietate, tum maxime, cùm aut gradus conscenderet, aut in mechanico versaretur labore, decrevit ab Antonio Leprotto san. me. Clementis XII tunc temporis Archiatro consilium petere. Ad eum igitur invivendum, una cum aliis data opera accersitis, & ego accessi. Confestim ergo sese obtulit non modo ingens præfata cordis palpitatio, sed insuper, digitis intra claviculas detrusis, in conspectum se dedit alia prorsus non dissimilis, immodicaque pulsatio ab Aortæ arcu promanans, quæ pulsationi carotidum, ac dexteræ potissimum respondebat. Pulsus rigidi, & inæquales erant: vox humilis, atque rauca, asthmatisque naturam quodammodo referebat: truncum gerebat tensum, ac veluti immobilem: pectus antrorsum constanter porrigens. Patefacto ex hujusmodi symptomatibus organico, atque aneurismatico vicio, opportunum duximus, palliativam morbo curandi methodum, idoneumque Ægrotanti præscribere vitæ regimen, a quo sane, donec Leprotus vixit, ad annum scilicet 1745 parum ipse recessit: illius vero post obitum, abjecta quacunque mali formidine, ad liberam vivendi rationem, nec non ad mechanica exercitia reversus est. In Cymbalis igitur, Microscopiis, Telescopiis, & (quod ego non sine summâ admiratione sæpius conspexi) in Hydraulicæ operibus labores tam improbos sustinebat, ut eos ferre vix mercenarius Artifex potuisset. Ego autem hujusce præposteræ vivendi

rationis nobilem Ægrotantem arguere nunquam sum ausus; quum enim, si vocis raucitatem, ac trunci tensionem exceperis, quæ eodem fere modo se jugiter habuerunt, integra valetudine frui videretur, verebar maxime, ne mihi pariter, ut facere cum aliis solebat, Agyræ, sive Impostoris notam gratis inureret.

Junio tandem mense anni 1755 Tusculum petiit cum Excellentissima Burghesia Gente, fruiturus rusticatione, quam ipsa Excellentissima Domus splendide, liberaliterque ad pompam instruxerat. Hæc autem rusticatio, quemadmodum nobilissimæ Feminæ, cujus historiam vere singularem inferius referam, fatalis extitit, ita in hoc quoque clarissimo Viro celerrimi obitus verisimiliter causa fuit. Ibi enim tam dira, ac immanis eum perculit febris, cum anxietate summa, summaque respirandi difficultate, ac horribili repentina corporis tumefactione, ut, vix exacto quadriduo, dum indefinenter se modo atollendi, modo recumbendi desiderio corripereetur, spiritu intercluso, misere animam exhalaverit.

Rei novitate valde permoti, tam Doctor Ferrius, ordinarius Ægrotantis Medicus, quam Nicolaus Botterius, actualis Excellentissimæ Domus Burghesiæ Chirurgus, perantiquæ organicæ affectionis prorsus ignari, quum obitum hunc veluti monstrum, portentumque existimassent, ut illius ortum, causamque cognoscerent, ad cadaveris sectionem illico devenerunt. Primum itaque externam corporis superficiem rimantes, inusitatum in ea, ac potissimum in pectore, collo, ore, cruribus, pedibusque tumefactionem deprehenderunt. Inspecto imi ventris cavo, in quo nihil novi erat, ad Thoracis cavitatem gradum fecere; ibi Cor adeo conspiciebatur auctum volumine, atque dilatatione, ut ordinariam magnitudinem ter quaterve excedere videretur; dissectisque ejusdem ventriculis, non modo ingentem coagulati sanguinis copiam continere visi sunt, verum inde insuper innotuit, cordis sinistrum ventriculum (dexter enim naturalem fere magnitudinem obtinebat) illum fuisse, qui omnem eam gigneret extumescentiam, a qua, velut a fonte, repetendum erat ingens illud volumen, in tantam molem adauctum, ut quum figuram, naturalemque adspæctum lacertis, valvulisque mitralibus ademisset, eas destruxisset, ac lacerasse funditus videretur. Eodem in ventriculo Polypus sese obtulit duarum unciarum pondus adæquans, tactui renitens, alboque colore præditus, nec absimilis alter in dextro

ventriculo apparuit polypus, sed mole longe minori donatus. Observatum præterea fuit, Aortam a sui initio ad tres fere transversos digitos in ipso arcu una cum semilunaribus valvulis osseam penitus evasisse.

Illud verò hac in observatione admirandum arbitror, quod ipsæ Valvulæ osseam adeptæ naturam elevatæ erant, porrectæque non secus, ac accidit in arteriarum systole, dum sanguine arterioso implentur, ut illius in cor regressum præpediant: quod autem eandem valvulæ, dum in osseam migrarunt substantiam, nonnihil imminui coarctatione debuerunt, ab hac earumdem coarctatione, adductio-neque versus Arteriæ parietes, in hujus centro foramen obortum est, ac relictum, per quod ex corde ad vivendum necessaria sanguinis copia in Aortam ingrederetur.

ANIMADVERSIONES.

CUNCTA hæc accepi a Nicolao Botterio Romam reduce, eaque mihi approbavit, confirmavitque Excellentissimus Ferrus, qui mihi insuper Aortæ frustulum osseis cum valvulis superius descriptis tradidit, donavitque, & illud idcirco Fig. II, Tab. IV ad veritatem delineatum, eo tantum consilio exhibui, ut unusquisque facile sibi suadere possit, Naturam ipsam quandoque, sine ullo Artis præsidio, per abditas, retrusasque vias medelam malis asferre; dummodo tempus ad id perficiendum sufficiens ei concedatur.

Hujus itaque exemplo ediscant quicumque in ancipites, ac periculosos hujusmodi morbos fataliter incidunt, Perito fidem adjungere, qui eosdem ipsis patrefacit, illiusque æstimationi nil prorsus detrahant, etsi deinceps Ægroti optima frui valetudine videantur. Ex allata enim historia satis manifestum, apertumque esse arbitror, quod si prælaudatus Abbas labori pepercisset, ac gulæ, præscriptaque sibi a Leprotto vivendi methodo vasorum plenitudinem identidem imminuisset, sanguis procul dubio ex sinistro ventriculo cursum in Aortam continuasset eo prorsus modo, quo diutissime eum antea fecisse minime dubito; prælongo siquidem temporis intervallo opus fuit, ut valvulæ in osseam converterentur substantiam; quo sane temporis lapsu nobilis Vir optima valetudine est usus. Ut ergo ab otio, corporisque septennali requie repeti non inepte potest ossea

illa, quam superius descriptæ partes adeptæ sunt, natura, & durities, ita eisdem quoque præsidii putandum est, præpeditam fuisse ulteriorem ventriculi dilatationem; quapropter simul ac nobilis Ægrotans ad pristinos rediit vitæ labores, victusque intemperantiam, quis non intelligit, copia, motuque sanguinis præter motum adauctis, foramen illud a valvulis semilunaribus in Aortæ medio relictum ad ventriculum exhauriendum imparem omnino redditum esse, majoremque cruoris copiam, quæ ab ipso ventriculo violenter coërcebatur, eum necessario extendere, ac dilatare (ut revera contigit) debuisse? Vivebat tamen Ægrotus, atque, ut arbitror, diutius quoque vixisset, nisi per excitatam a summa vitæ incontinentia violentissimam febrem, sanguis ad sinistrum ventriculum nimio impetu allabens, nimiaque copia, & sibi imparem idcirco, nimisque angustum aditum in Aortam offendens, consistere, cum in pulmone, tum in dextro ventriculo, dextraque auricula, tum etiam in vena, ejusque propaginibus coactus fuisset; a qua sanguinis subsistentia manarunt immanis sinistri ventriculi dilatatio, ingentes descriptæ tumefactiones, ac extrema denique suffocatio, quæ illum quinque dierum spatio peremit.

Quæ cum ita se habeant, quisnam non putet, perillustrem Virum, si eam vivendi rationem, quæ Peritorum sententia, consilioque præscripta illi fuerat, quaque per integrum septennium felici, faustoque eventu usus fuerat, constanter in posterum adhibuisset, quis inquam non putet, eundem etiam nunc vitalibus hisce auris, ac sole fuisse fruiturum?

HISTORIA XXV.

SIDERE tam malo, fatoque tam tristi haud functus est sancti Spiritus Canonicus Pennacchionus, cujus dissecto cadavere, Aortam inveni ossæam a principio ad medietatem usque Iliacarum, ut videre est in extrema Tabula operis Antonii Pacchioni secundæ editionis, cui adnexa legitur hæc historia ab Andrea Beggio, ordinario præfati Canonici Medico, descripta; Aortæ vero figuram inferius Tab. V, Fig. II, expressam invenies.

Hic igitur Pennacchionus, quem ego jam decem ante obitum annos cognoveram, eumque semper familiarem habui, utpote qui in sancti Spiritus domo rei familiaris curator esset, nullum suscipiebat labo-

rem, nullumque corporis exercitium, sed solo nutu, imperioque rerum summam administrabat, & quotiescunque se necessitas offerebat exeundi domo, ac oberrandi per urbem, semper curru vehabatur; sicque nonnihil ex secunda in adversam illius valetudo migrare videretur, opportuna illico præsto erat medela, ut ex historia, quam mox subjungam, intelligitur; hujusmodi cautelis illius vita ad senectam facile producta est annorum septuaginta sex; cum contra præmemoratus Abbas ne ad quinquagesimum quidem ætatis annum pervenerit.

ANIMADVERSIONES.

PRIMO mehercle tempore, quo Pennacchionum cognovi, vidi eum constantissime truncum corporis tensum, immobilemque, nec non pectus antrorsum valde exporrectum gestasse: qua de re superbus homo nedum mihi, sed aliis pariter videbatur, utpote qui salutando vix caput leviter inflectebat: dissecto autem illius cadavere, deprehendi, id a præfato Canonico necessario fieri debuisse; Aorta siquidem ossis substantiam, atque duritiem adepta impedimento erat, quominus ipse truncum inflecteret, hujusque inflexio in Aorta evidens disruptionis periculum afferebat. Atque hoc dumtaxat præmittere opportunum existimavi fuscè descriptæ in jam laudato Pacchioni opere historiæ, quam hic subnectere, nullo immutato verbo, decrevi.

HISTORIA

A JACOBO ANDREA BEGGI DESCRIPTA.

LACERTOSUS Senex mediocri corporis habitu, ac statura, floridaque facie præditus, ad iram proclivis, sextum supra septuagesimum annum natus, septem ab hinc annis post casum in terram, repentino timore perculsus pallefcere cœpit, appetitu imminuto, pulsu frequentiori, urinis saturis, cruribus œdemare in molem haud mediocrem excrefcente tumefactis. Medicus tunc temporis accersitus rhabarbari pulvere chocolatæ potum medicandum, & quolibet mane forbillandum præscripsit: cujus remedii usu prædicta symptomata ita remisérunt, ut omnem abjecisse morbum, atque consuetam vitæ rationem suscipere, opiparoque victui indulgere iterum posse Senex non dubitaverit. At paulo post sine anhelitu per acclivia non

ducebatur. Intenditur deinde cum pulsu frequenti, & inæquali respirandi difficultas, quæ a quocunque corporis locali motu, & a decubitu in læsto, præcipue in sinistro latere, ita ingravescibat, ut accedente etiam molesta, ac profunda in thorace pulsatione, sine tussi, ac dolore, Æger suffocari videretur: quo tamen periculo liber evadebat, si, compressis manu hypochondriis, pectus genua versus inclinaret. Sub hoc casu fonticulum sinistro popliti inustum est. Porro duobus ab hinc annis cum gravissimis animi curis urgeretur, singula symptomata adaucta sunt, quibus & vera cachexia accessit, &, instante verno æquinoctio hujus anni 1739, febris cum orthopnoea tam pertinaci, ut jam inter conclamatos a Clinicis haberetur. Verum lenientibus aliquoties alvo soluta, & viscidula lymphæ uberrime per os egesta, febris, & orthopnoea desierunt; cætera vero non ita. Hinc advocor ego, Ægrique sternum admota manu, cor ibidem validiores, quàm solent, pulsationes exercere, easdemque cum manu prosequeretur, sub cordis scrobiculum majores etiam persensit; imo ablata manu, epigastrium frequenter subsilire, ac cordis palpitantis motum æmulari, non sine admiratione ipsismet oculis vidi: Arteriarum quoque pulsus in utroque carpo frequenter parvi, inæquales, sæpe intermittentes erant. Dyspnoea aderat perpetua, quæ aliquot a pastu horis, & noctu potissimum intendebatur una cum molesta, &, ut ipse aiebat, interna palpitatione, viva animalcula quandoque per viscera repentina simulante. Hinc cervicem primum erigere, mox genua versus flectere cogeatur interdum; e læsto surgere alias, & in sella, ad quiescendum apta, aliquantulum pronus sedere. Crurum tumor jam femora occupabat, & hypogastrium, quo in loco marsupium materia parum fluida oppletum, & supra abdominis musculos mobile, perbelle referebat. Facies decolor, & consumpta erat, internæ oris partes viscida saliva obductæ, sitis aliquando molesta, urinæ paucæ, & subjugales, alvus lubrica potius, & excrementa flavo colore tincta, sed digesta, vires prostratæ. Quocirca, his omnibus perpensis, organicum aliquod vitium circa præcordia inveteratum, & fortasse quod cordis prolapsus vocitatur, omnium malorum inexhaustum fontem esse conjeci; positaque hac morbi sede, & causa, non morbum tollendi, sed ejus sævitiam temperandi spem aliquam subesse tantum posse. Hinc tenues cibos, coctaque faciles, & pro ordinario potu decoctionem ex foliis The

pauculo melle hispanico optimo dulcatam, præcipue ad urinas ciendas, crassosque humores attenuandos, & oleum amygd. dulc. ad uncias duas chocolatæ permiscendum mandavi: interea ex aperto in lævo crure fonticulo ubertim ichor manabat. Hoc curationis modo, atque ratione instituta ad aliquod tempus Æger melius habuit: deinde vero, quum urinæ in dies parcius mingerentur, crura, & femora magis intumescerent, sitis intenderetur, cunctaque ingravescerent symptomata, instantibus Cognatis, ipsoque urgente Ægro, ut anceps etiam tentaretur medicamentum, ad salis cathartici usum, cujus vires ad humores hauriendos extolluntur, deventum est. Alterno igitur mane hujus salis drachmæ duæ ex jure tenui vitulino per tres vices propinatæ fuerunt; at, ut ingenue dicam, eventu ita parum felici, ut nequaquam adaucto urinæ fluxu, quin intensiore facta siti, ea se rursus orbarum quiete Æger viderit, quam amygdalinum oleum comparaverat: hujus protinus usus renovabatur; sed non idem inde levamen seni accessit, nullum etiam ex diascordio cum spermate ceti: cunctisque in pejus quotidie ruentibus, ab omni medicamentorum genere abstinendum esse consultum duximus. Tumor per hosce dies, lumbos, nates, testes, scrotum, præputium, & balanum occupabat: urinæ ferme suppressæ: dyspnœa sævius, & crebrius urgebat, in lævum latus Æger nullatenus se vertere poterat: alvus soluta erat cum virium magna imbecillitate, & inappetentia: frigidas tantum potiones capiebat: cum omnia ingravescerent, mortis in agone est constitutus, paucisque elapsis horis in dextrum latus decumbens mortuus est.

Cadaveris dissectio instituta fuit; primumque exploratum est marsupium illud, quod in hypogastrio situm observabatur. Superioribus dissectis integumentis membranæ adiposæ cellulas intuebamur, non pinguedine dumtaxat, sed albo crasso humore gelatinæ affini præter modum distentas: hac adiposa tunica amota, quæ binos transversos digitos, & ultra crassa erat, abdominis musculi conspiciebantur, sat bene constituti. Imi hujus ventris ambitus tantum abest, ut naturali major esset, quin minor apparuit. Scrotum inde secimus, & in penitioris ejus membranæ cavernulis uberem illius gelatinæ copiam invenimus: pertusa mox vaginali tunica testis sinistri, flavum serum effluxit, quod vaginalem inter, & albugineam locabatur: e dextro verò teste, dissectione ad eundem modum facta, hydatides, loco feri,

feri, subrotundæ, avellanæ magnitudinem exæquantes eruperunt: serum subflavum ex discisso præputio, & penis glande manavit; hinc cernere proclive erat tum cellulas, quæ ab expansa urethra profiscuntur, tum intimas cavernulas, quas a cavernosis penis ejusdem corporibus mutuatur balanus; adeo a collecto flavo sero cunctæ distendebantur.

Aperto dein abdomine, effusæ ibidem lymphæ modica quantitas continebatur: omentum solito brevius, & tenuius erat: ren dexter sinistro minor, & laxior: reliqua viscera sana: cystis fellea bile viridescente plena: hepatis autem substantia intus flava, & extus albida erat: pancreas laxior compages.

Denique thorace dissecto, serum flavum dexteram ejus caveam replebat: pulmonis inferior lobus ibidem duplo minor solito, atque ita compressus, compactusque, ut vix spongiosus videretur: superior vero omnino sanus: sinister pulmo pariter sanus, per quasdam exporrectas lacinias partim, sua partim substantia superius, & ad latera pleuræ alligabatur, neque ab effusa, uî alter pulmo, lymphæ alluebatur.

Pericardium anteriori parte cordis basi proximiori membranaceum; cavumque dimittebat processum, substantia, & colore pericardio similem, figura vero nulli rei magis similem, quàm sinistræ cordis auriculæ, quæ in recens natis observatur. Erat autem pericardium solito nonnihil crassius, & peculiari suo latice penitus destitutum, imo cordi undequaque ita adhærebat, ut nonnisi valida digitorum vi sejungi potuerit. Cor ipsum mole majus, & consueto nonnihil flaccidius erat. Arteriam magnam delineatam, æreque sculptam potius, quàm verbis descriptam, tradere maluimus, ad ostendendam labem ex osseo succo eidem illatam. Ipsa vero arteria in Nosocomio eodem sancti Spiritus in Saxia asservatur, in qua nunc exsiccata proclive est, quod olim in recenti, dignoscere tunicas in osseam substantiam conversas haudquaquam esse, sed quandam veluti incrustationem arteriæ parietum factam fuisse, succo osseo intus subsidente, & per senues mamellas ducto. *v. Tab. V, f. 2, 3.*

Ad imperviam, & salebrofam Aneurysmatum provinciam declarandam, illustrandamque plurimum conferre posse arbitror, etiam Aneurysma Fig. II, Tab. IV repræsentatum, quo vita functus est famulus quidam meus, licet in symptomatibus vicinam ejus mortem præeuntibus nullum indicium, nullumque vestigium Aneurysmatis apparuerit: nec umquam profecto illud innotuisset, nisi morbi gravitas, æque ac diuturnitas, intempesta, inopinataque mors, vulnus demum jampridem Ægrotanti inflictum, nonnullæque aliæ itidem causæ me invitassent ad peragendam cadaveris dissectionem, quam, brevi præeunte historiæ narratione, mox descripturus sum.

Jacobus igitur Paluda Mediolanensis vir erat annum ætatis suæ trigessimum octavum, depressa, exilique corporis mole donatus, ac sat bono præditus temperamento, sed vino quàm maxime deditus. Accidit, ut vesperscente die, in Regione lumbari, prope spinosas vertebrarum apophyses, gladio percitus fuerit, vulneratusque; ideoque delatus ad Nosocomium sancti Spiritus, ac inter Ægrotantes meæ curæ commissos positus fuit, & ad eum invensum statim accessit Chirurgus, tunc temporis Substitutus, qui nullam vulneris penetrationem deprehendens, cerati frustulis, ut fieri solet, illud conjungere studuit. Sequenti vero mane cum eo me contulisset, invenissemque Ægrotantem immani premi, confictarique dolore; licet abundans ipsi in antecessum peracta fuisset sanguinis missio, necessarium putavi vulnus fasciis exuere, illudque sui prorlus juris efficere, quo facilius, ut reapse contigit, suppurationem iniret. Hinc nonnisi post elapsas quinque fere hebdomadas cicatricem obduxit vulnus, cujus cæteroquin sanatio absolvi debuisset paucos intra dies videbatur.

E Nosocomio profectus ad famulatum iterum se revocavit: exactisque nonnullis mensibus, dolore intus urgeri cœpit in regione lumbari, qui tamen, ut ipse fatebatur, neque continuus, neque intolerabilis erat. Triennio post e mea domo discessit, nec eum amplius videbam, nisi quum opem ferre vellet dolori, qui nunquam eousque increverat, ut lecto miser se tradere coactus fuerit. Semper igitur, quando illi opus erat auxilio, se ad domum meam conferebat, atque id eo libentius faciebat, quod ego modo exquisita diætâ,

iteratisque venæ sectionibus, modo emollientium usu; & modo anodynis, ac refrigerantibus male affectæ sedi imperatis, dolorem illi intra paucos dies ex toto sæpe restinxeram. Hujus intermissio, interruptioque doloris ad annos octo (si morbi initium a die, quo vulnus accepit, repetatur) vitam Ægrotantis protraxit, tametsi vino immodice, atque ad ebrietatem usque uteretur. Animadvertendum tamen est, quod extremis temporibus, præterquam quod revertens hic dolor in dies increferet, frequentius quoque invadebat, atque perdurabat diutius, quin etiam, eo quandoque crudelitatis pervenerat, ut ex ipsius Ægrotantis confessione, si ulterius, vel minimo tempore, perstitisset, ei sane moriendum esset, tanta doloris erat immanitas! Nec infelix Jacobus longe a veritate aberravit. Siquidem non multo postea, nocturnis horis, quando scilicet eum dolor aggredi consueverat, quamvis hesternæ die nihil novi perpeffus esset, præter omnium expectationem, meque ipso admirante, illico animam exhalavit.

Tam subita ergo, tamque inopina morte permotus, illiusque causam cognoscere cupiens, vix dum elapsis horis viginti quatuor, ad incidendum cadaver illico accessi. Dissecto igitur imo ventre, ubi sedem habet Iliaca, mihi se statim obtulit præternaturale volumen, quod cum a vitiosis adhæSIONIBUS, quas cum aliis visceribus jam contraxerat, sejunxissem, nil aliud esse cognovi præter descendentis Aortæ tumorem aneurysmaticum, vertebrarum corpori tenaciter adhærentem, quem ab eisdem vertebrais diligenter avulsam, ac delineatum exhibeo prædicta Figura.

ANIMADVERSIONES.

DUBITARI non posse arbitror, quin atrox ille lumbaris dolor, qui Ægrotantem identidem corripiebat, invadebatque, quique tandem eum interfecit, ab Aneurysmate promanaverit. Etenim ejusmodi dolor, mea quidem sententia, toties exoriebatur, quoties propter majorem effluxum sanguinis ad aneurysmaticum saccum, hic præter modum ab illius copia distendebatur, vel quod sanguis non semper eandem in Aorta offenderet transeundi facilitatem, vel quod aut labore, aut vini abusu agitatus, ad loca potissimum minus ei resistentia nimio interdum impetu deferretur. Verum quamcumque ex hisce

statuere tanti mali causam velimus, illud sane certum, atque evidens erit, quod nimirum si tale quis præsentire, ac conjectare valuisset Aneurysma, id saltem consequi palliativa methodo potuisset, ut infelix Paluda nec tam cito mortem oppeteret, nec dies tam anxios, tamque irrequietos traduceret.

Magna deinde me incessit cupido investigandi, si fieri posset, undenam hoc, mihi inopinatum, Aneurysma originem habuisset. Quapropter, sacco aneurysmatico diligenter inspecto, nullam exulcerationem, nullamque corrosionem, sicut in illo, ita in Vertebrarum corpore deprehendi. Et Vertebrarum quidem corpus non modo, ut dixi, a carie qualibet immune erat, sed a membranis præterea, quæ posteriorem ipsius sacci partem faciebant, illi adhærentibus, omnino contegebatur. Quapropter statim mecum ego animo reputavi, prædictum Aneurysma non esse ex aliquo humorum vitio, sed ex octo ab hinc annis accepto vulnere repetendum. Cujus rei deinde certior sum factus a posito cicatricis externæ, quam cum e directo respondere adamussim conspexerim foramini aneurysmatico descripto, demonstratoque Tab. IV, Fig. II, Littera ccc, fieri potuisse arbitratus sum, ut incidens, acuminatum, ac subtile instrumentum permeaverit cartilaginem vertebrae intermediam, quousque aliquam ex membranis Arteriam aortam componentibus extrinsecus vulnerasset, quæ quum tenaciter deinde Vertebrarum corpori inhæssissent, factum inde fuisse, ut verum supra relatam Aneurysma oriretur.

Hæc autem opinio non levem veritatis speciem præ se ferre videtur, si perpendatur, quod non solum Arteria se in posteriori præsertim latere dilataverat, foramenque in ea excreverat Arteriæ sede, quæ cicatrici tegumentorum potissimum respondebat, sed etiam immanis, ac recrudescens dolor nonnisi post insitum vulnus obortus erat. Verum quæcunque hujusce Aneurysmatis causa, pro certo habendum est, hunc dolorem nec tam atrocem, nec tam frequentem futurum fuisse, si furens ille sanguinis affluxus averi, submoverique a sacco aneurysmatico potuisset; Ægrotum autem vita non decessurum fuisse ante Aneurysmatis disruptionem, quam tamen ob sacci robur, & firmitatem, sat longe abesse apparebat.

Ex istiusmodi observatione docemur, quàm utile sit hæc vitia probe cognoscere, tum etiam quanti referat de causis externis Ægrotantem interrogare, quod sane a me prætermisum fuisse, mihi vel

eo maxime displicet, quod Ægrotum circa doloris situm vulnus jam dudum accepisse non ignorarem. *Tab. IV, Fig. II.*

In hac Figura exhibetur Aorta descendens, posteriorem sui sedem nostris oculis exhibens, atque in ejus arcu recisa.

Si igitur ita valens, atque efficax natura est, ut nonnunquam suis tantum viribus mirandum in modum recte, opportuneque morbis subveniat, quis dubitet, longe majora ab ea prodigia expectari posse, si humanam artem sociam sibi, atque auxiliatricem adjunxerit? Demonstravi, ni fallor, etiam ab externis Aneurysmatibus Ægrotantes, una dumtaxat opifice natura, aliquando convaluisse; sed ostendi quoque, naturam interdum nihil potuisse præstare, solaque ab arte fuisse tunc temporis externa hæc Aneurysmata persanata. Regeret autem fortasse quispiam, in internis Aneurysmatibus nihil ab arte expectari posse: quod profecto verissimum est, si de vincturis, de suppurationibus, & de Chirurgicis tandem operationibus verba fiant. Ast ego de his sermonem nequaquam habeo, verum ad magnum me confero in Aortæ arcu efformatum Aneurysma, expressum *Tab. III, Fig. I*, tum etiam ad Aneurysma Aortæ descendentis *Tab. IV, Fig. II* indicatum, quæ cum vera, ac simpliciter herniosa fuerint Aneurysmata, si Peritus mature ea detexisset, sique præterea Periti verbis se docilem præbuisse Ægrotus, nonne palliativa curatione compesci, aut etiam ita fortasse poterant constabiliri, ut non ultra deinceps progredierentur, quemadmodum in supra enarratis casibus accidit, etiam si nullæ adjutrices ab arte vires illis accessissent? Si ergo nullis adhibitis medicæ facultatis præidiis, aneurysmaticum vitium sola compescere natura scivit, & quominus excresceret, inhibere, nonne id factu longe facilius, atque expeditius erit, quoties Ægrotus quietam, otiosamque vitam traducens, idoneum, ac exquisitum suæ vitæ regimen observabit, ac iterata, prout opus fuerit, missione sanguinis, ea quoque remedia, quæ prudens Medicus opportuna duxerit, adhibebit?

Historiæ, quas nuper retuli, cum Canonici Pennachioni, tum perillustri Abbatis Voodtii, nonne idipsum satis luculenter ostendunt? Ad hæc, quis audebit inficias ire, Ægrotantem, qui in Divi Gallicani Nosocomio Aneurysmata perpeffus est, *Tab. II, Fig. I* expressa, in quorum altero grumus cernitur perforatus, ex mea fortitan curatione id consecutum fuisse, ut ulteriori Aneurysmatum

progressu inhibito, foramen illud apertum servatum sit, ac ipse tamdiu vitam produxerit? Si id porro accidisset in Aneurysmate femoris Fig. IV exhibito, atque anno 1745 una cum brachii Aneurysmate in lucem edito, nunquam profecto factum fuisset, ut supra Aneurysma violenter Arteria discinderetur. Si allatus denique Tabularius, aut Scriba, qui cum vastissimo arcus Aortæ Aneurysmate, etiam absque ullo idoneo regimine, nec sibi a Baccho, & Venere temperans, valuit ad duodecim usque annos vitam producere, nonne, si mea, aliorumque monita non sprevisset, longe diutius quoque fuisset usura lucis fruiturus?

Ex omnibus hisce experientia comprobatis observationibus, nemo tam cæcus est, qui non videat, quàm necessarium sit perito Chirurgo, qui sanandorum morborum artem rite exercere velit, adæquatam istorum vitiorum, completamque habere notitiam, non modo, ut Patientem de evidenti repentinæ, vel saltem brevi adventuræ mortis periculo mature admoneat, sed etiam ne ipse nubem pro Junone videns contraria forsitan curatione Ægrotanti mortem acceleret.

AD trium rariorum Chirurgicarum Observationum descriptionem nunc gradum facio; quas, licet ipsæ prorsus novæ non sint, quod tamen habent nonnulla animadversione dignissima, hic adjungere consultum duxi.

DE PARTU EXTRAORDINARIO.

OBSERVATIO I.

PRIMA observatio graviditatem complectitur, nec non morbum, interitum, sectionemque Marchionissæ Gabriellæ, quæ vigesimum sextum agens ætatis annum, & quinque jam liberorum mater, decimo nono kalendas Januarias anni 1755, quum sextum jam fœtum gereret, diem obiit supremum. Quum enim usque a Febuario mense Excellentissimus Burghesius Princeps pro futuris verni temporis bacchanalibus a nobilibus recitatam comœdis dare fabulam statuisset, Marchionissæ huic, quod choreas elegantissime duceret, mandavit, ut ad fidium numerum in fabulæ illius exodiis saltaret. Ex quo autem hæc illi credita provincia fuit, sese quotidie exercere in saltationibus

cœpit, & licet sexto Idus Martias ex certissimis indiciis se in utero concepisse aperte intelligeret, suam tamen graviditatem nemini patefaciens, ad Junium usque mensem inceptum saltandi munus audacter continuavit. Sub finem verò hujus mensis ad urbem redux suum evulgavit conceptum, in quo nihil a naturæ consuetudine recebat, si hoc unum excepsisses, tumorem scilicet abdominis ima potissimum obtinere; his etiam, post quintum videlicet, & post septimum mensem, non obscura præmaturæ fœtus exclusionis indicia adfuerunt; ac prima vice potissimum, in qua, præter non levem sanguinis jacturam, abortus symptomata ita clara, & sensibilia fuere, ut ille irreparabilis censeretur.

Quum ejus graviditas ad nonum usque mensem satis feliciter pervenisset, quinto Idus Decembris nocturnis horis, dum in latrina sederet, tantam repente ad pudenda descendere animadvertit humoris vim, ut crediderit, ruptis fœtum obvolventibus tunicis, coërcitas ab illis aquas effluere. Postquam verò sincerum manasse sanguinem, illiusque fluxum adhuc perdurare cognovit, nova re exterrita, animi defectione correpta est; sed lecto tradita celeriter ad se rediit. His ita se habentibus, ego, & Medicus vocati ad illam accessimus. Tunc temporis verò nobilis mulier, quamquam senas præter propter amisisset cruoris libras, viribus tamen satis adhuc valebat, sufficientique gaudebat animi tranquillitate, ac sanguinis fluxus jam in illa plane conquieverat. Sex nihilominus cruoris unciae a brachio illi detractæ sunt. Verum, elapsis vix quatuor horis, sese in conspectum dedere nonnullæ sanguinis guttulæ, totidemque rursus, novem aliis horis exactis, apparuerunt. At quinque post horas a guttulis hisce, tanto cum impetu cruoris rediit effluxus, ut illustrissimus ejus vir alios quoque in consilium vocare Medicos necessarium putaverit, quos inter, quum ego omnium primus verba facere debuisssem, statui nil certi posse arbitratus sum, nisi os uteri prius exploratum fuisset. Verumtamen tum ægrotantis mulieris, ut cæterarum omnium, a permittendis hujusmodi explorationibus abhorrens naturaliter animus, tum etiam timor, ne, hac ego arrepta occasione, illam difficili cuidam operationi subjicerem, tum denique undeviginti horarum intervallo subsistens sanguinis exitus, in causa fuerunt, cur nulla prorsus opinionis meæ ratio haberetur. Sed, eo transgresso tempore, revivificens hæmorrhagia venam aperire nos denuo coëgit. Quo

facto, quibusdam solummodo post quatuor horas in linteis apparentibus maculis, integro deinceps horarum sexdecim spatio ne guttula quidem se nobis amplius exhibuit. Silentio autem prætereunda non sunt, quæ singulos præcessere sanguineos fluxus phænomena; hæc enim, si primum fluxum ademeris, qui inopinanter advenit, anxietas fuit, inquietudo, lumborum dolor, & validi a foetu epigastricam, atque umbilicalem obsidente regionem profecti motus, non autem propria, vel genuina partus conamina.

Nondum verò transactis sexdecim mediocris tranquillitatis horis, iterum ad consilium Medici acciti sunt, eodem tamen eventu; neque enim reluctantem necessariæ huic inspectioni Ægrotantis animum vincere datum est. Sed quoniam vehementius mox emanare sanguis incepit, hac tandem aliquando superata difficultate, accessi ad uterum explorandum, in eoque ipsius os tangenti digito se patens obtulit, atque in orbem unius pollicis latitudine expansum. In ipso porro limine ante omnia offendi molle, leveque corpus, quod inde eductum genuinam fuisse sanguinis concretionem innötuit. Indice vero ulterius promotò, aliud se mihi corpus objecit diversa structura præditum, resistens scilicet, inæquale, internoque oris uterini ambitui firmiter accretum beneficio quorundam staminum, quæ valido tamen ipsius digiti impulsu disfrangebantur. Ex quibus non obscure intellexi, universam placentam internæ orificii ejusdem faciei tenaciter adhæsisse; hæmorrhagiæ ortum deberi prædicti orificii a placentæ corpore disjunctioni, quoties nimirum uterus in eo esset, ut os aperire suum cona retur: ac denique foetum nunquam, nisi hoc submoto obstaculo, exclusum iri.

Quum autem Ægrotæ affines, ipsique Medici admirabilia hæc enunciant mihi non plenam fidem adjungere viderentur, alios accersiri Peritos placuit, eosque inter illustrem Galliarum Regis ad Pontificem legati Chirurgum Lamblouum, qui meam non modo ideam de placentæ situ confirmavit, sed illud insuper addidit, miseræ Ægrotantis vires usque eo labefactas jam esse, ut illam difficili, ac diuturnæ, quæ hoc in casu requirebatur, operationi, sine evidenti mortis discrimine perferendæ, imparem prorsus arbitraretur. Hinc, omnibus posthabitis, nobilem mulierem Ecclesiæ Sacramentis munire unum mihi fuit, ad quod oculos animumque convertimus, eoque peracto, tribus a medio noctis elapsis horis, interijt.

Statim

Statim igitur ac ipsam decessisse cognovimus, cæsarianam operationem instituere non prætermisimus, eo potissimum nomine, eo-
que consilio, ut saltem innocens filius sacris baptismi laticibus expia-
retur; quemadmodum supremo adjuvante Numine factum est. Hac
autem data occasione; expeditissimum fuit, ea ipsismet oculis ufur-
pare, quæ ego, explorato oris uterini ambitu, præfagiveram. Abdo-
mine enim, utroque discissis, limpidæ prius, copiosæque prodierunt
aquæ, foetumque ad exitum naturaliter sese dispositum nobis obtulit;
caput enim in placenta corpus incumbens, os uteri respiciebat, ac
pedes versus uteri fundum attollebantur. Quod autem vaticinatus
de placenta fueram, id foetu educto, umbilicalis patefecit funiculus,
qui versus uteri os ipsum dirigebatur, eidemque tenaciter adhære-
bat. Id verò ut planum omnibus facerem, magna vi, & repetitis
concussibus ipse umbilicalem attrahens funiculum, non hunc modò
placentæ situm, sed ejus quoque validam, tenacemque cohæsi-
onem ostendi; dum enim sinistra manu funiculum adducebam, ut penitus
extirparem placentam, longo pariter, validoque dextræ auxilio opus
fuit, neque id mihi efficere datum est sine uterinorum parietum
laceratione; innotuitque præterea, placenta corpus centro suo
respondere adamussim uteri orificio, ipsumque haud secus obtegere,
ac vasis operculum ejus aperturam occludere consuevit.

Observato dein ea in parte, quæ vaginam spectabat, placenta
medio (qui locus is prorsus erat, quem ego, quum munereungebar
exploratoris, digito tetigi,) illud varie discriptum apparuit. Isthæc
autem dilaceratio tunc fieri profecto debuit, quum os uteri dehiscer-
bat; hoc enim in casu, quæ ipsum inter, ac placenta corpus inter-
cedebat, cohæsi-
onem distrahi, abrumpique necesse fuit. Licet autem
effusi, perditique in triduo morbo sanguinis origo haud aliunde,
quam a singulis hisce lacerationibus petenda esset, crassities tamen
placentæ binos adhuc pollices excedebat, utrique os unius pollicis
amplitudine apertum sese videndum exhibuit.

Reliquum modo est; ut perpendamus, an miserrimæ huic Ægro-
tanti secundæ valetudinis spem aliquam facere potis esset chirurgica
manus; vix enim datur disceptandi locus, utrum operationem in-
stituere deceret, quum nihil prorsus aliud superesset tentandum.
Periculosum igitur, ac plenum aleæ, præsidium quodlibet mecha-
nicum futurum fuisse perspicuum est; nam sive placenta medium

digitis lacerando eousque libuisset pervadere, ut foetus illac educi posset, sive initum fuisset consilium disjungendi placentam ab uteri parietibus, multum temporis opus utrumque postulavisset; ac prius quidem sine magna sanguinis jactura, posterius autem sine parietum ipsorum laceratione contingere nequivisset; nec enim graviditas, nonum licet mensem attigisset, ad suam adhuc pervenerat gignendi maturitatem, ubi placenta aut penitus dissoluta, aut vix cohærens offenditur.

Quæ hujus Marchionissæ conceptum sunt consecuta phænomena, mihi videntur valde accedere ad ea, quæ in cantrice quadam a divino Medicæ Artis parente in libro de Natura Pueri contigisse dicuntur; causam enim, ob quam in nobili muliere ipsius uteri fundo non firmiter adhuc inhærens ovulum, suas in ore illius defixit radices, ab ea, quæ in Hippocratis cantrice abortum peperit, nonnisi gradibus discrepasse inde liquet, quod in utraque a validis concussibus, quos in saltatione placentæ corpus patiebatur, factum fuerit, ut ejusdem connexio cum uteri fundo vel non accideret, vel statim dissolveretur; at quia saltationum vis longe in cantrice vehementior fuit, idcirco non solum conceptus in hac ab utero avulsus, sed per apertum illius orificium excussus est. Neque mirandum, in Ægrotante nostra ad inferiora delatum ibi ovulum fructicasse, quod uteri cavum naturaliter crassum ubique, & pulposum sit, quemadmodum videre est circa recens prægnantis uteri fabricam in Thesauri Anatomici Ruyschiani Tab. IV, Fig. I, nitidiusque conspici potest in hac, quæ uterum refert foetus onere paulò ante levatum, atque per longitudinem sectum, ut orbicularem crassitiem suam, pulposamque substantiam naturaliter patefaciat, & quam ad vivum effictam in Tab. II, Fig. V, in præfens subjicio.

DE SINGULARI ABDOMINIS HYDROPE.

OBSERVATIO II.

ILLUSTRIS. Marchionissa Octavia Patricia, sanguineo, biliofoque gaudens temperamento, excelsamque staturam, & amplitudinem huic respondentem fortita, quum vidua jam, nullumque foetum enixa, quadagesimum sextum attingeret ætatis annum, nec menstruarum unquam purgationum beneficio destituta fuisset, mitem licet, mo-

lestum tamen fatis dolorem supra inguen dextrum pati cœpit. Hunc levis tumor comitabatur, in quo vero nulla durities, nullaque aderat inflammatio, quum partis affectæ color a naturali nihil abluderet. Quæ adhibitæ cautiones fuere, compescendo exiguo dolori conduxerunt quidem, at nullus inde tumori fructus accessit; is enim ad omnem hypogastricam regionem paulatim serpere visus est, alior licet eo loci semper, unde ille initium acceperat. Hoc autem iustissimam suspicioni ansam præbuit, uteri vitio alicui acceptum hunc morbum ferendum esse, quum de aliis visceribus ob florentissimum faciei colorem nullus ambigendi locus daretur. At frustra etiam mali hujus causa quæsita in utero est, quem naturaliter sese habentem a morte tandem cognovimus.

In universo porro Abdominis ambitu tumor æqualiter augebatur, nullumque nobilis mulier inde sustinebat incommodum; nam & vescebat sine fastidio, & in lecto quiescebat placide, iterque habebat sine anhelatione sat longum, menstruæque ipsius purgationes nullatenus inde perturbabantur. Quum vero decem præter propter elapsis mensibus tumor admodum excrevisset, quumque molestus, & ad omnia medicamenta rebellis factus fuisset, ope fidelis historiæ prætermissum non est, exterorum quoque illustrium Medicorum mentem, ac consilium exquirere; & licet ego meam in eadem historia de Hydrope sententiam aperuissem, Physici tamen omnes nil ideæ morbi assundebant lucis, eorumque opiniones a veritate longe aberrabant; quod unice dictum volo, ut clarissime pateat, quàm arduum esset, de infirmitatis hujus natura sententiam ferre, in qua præcipua deerant symptomata, quæ Hydropem comitari consueverunt; nec enim sitis, nec linguæ ariditas, nec faciei, totiusque corporis macies usque adhuc observabantur, semperque urina cum copia, tum conditione sanorum similis fluxerat; nullaque ex Abdominis percussione in oppositam plagam liquoris reverberatio, ut fieri aquoso in Hydrope solet, sentiebatur. Attamen, ut verum fatear, quemdam ego fluctuationis obscurum motum semper contrectando adnotabam. Omnia igitur a præstantissimis in arte medica viris excogitata præsidia, inter quæ balneum, validumque aquæ in Abdomen stillicidium, non modo in cassum cessere, sed tumor etiam in dies magis adauctus est, seseque tandem in conspectum dederunt, quæ morbum consequi necessario debent incommoda, atque præsertim respirationis

angustia, quæ tanta erat, ut ægrota mulier non modò in lecto cubare; verùm etiam sedere sine molestia summa non posset.

His ita se habentibus, Paracentesim, tamquam unicum eo in casu remedium, proponere non dubitavi, ex Abdominis cavo non parvam stagnantis humoris copiam me educiturum esse pro certo putans; quumque non tantùm nobilis Mulier, sed etiam Physici omnes meam comprobassent sententiam, operationem institui, illiusque auxilio duæ & triginta libræ prodierunt humoris, qui dotibus suis (mirabile visu!) lymphæ dissimilimus erat.

Liquor igitur, quem ex imo ventris deprompsi, oleaginosæ prorsus indolis fuit, atque amurcam potissimum referebat, ideoque ex tubo in subjectam pelvim sine ullo strepitu dilabi conspiciebatur. Ægra autem, etsi prægrandem humoris effusionem passa esset, adeo nullis conflictabatur incommodis, ut sese in pristinum jam restitutam putaret; sique exitus Ægrotae votis non favit, non-esseret solum hujus affectus indoli, verùm etiam inordinato cùm vitæ, tum curationis generi tribuendum videtur.

Quinque deinceps elapsis mensibus, ad secundam Abdominis incisionem ventum est, humorisque libræ tres & viginti, ejusdem prorsus, ac præcedens fuerat, naturæ, beneficio illius effluerunt. Tunc verò marcescere cœpit mulier, quod unicum symptoma huic Hydropi sese gradatim adjunxit, tandemque manifestissima continentium partium subsecuta corruptio est; nam intra quindecim menses repetere novem vicibus operationem oportuit, ac postremis temporibus satius duxi in aperto foramine tubum relinquere, ne secundo tertiove die venter mihi pertundendus iterum esset. Vehemens idcirco febris, tensioque dolorosa Abdominis insurrexerunt, atque ex tubo prodeuntes materiæ horrendum halitum emittebant. Hinc nobilis mulier, diebus novem elapsis miserrimæ hujusce vitæ, supremum diem tandem explevit.

Quoniam vero ea testamento cavit, ne illius cadaver post obitum disseicaretur, libertatem ademit mihi admirabilis hujusce Hydropis genuinam sedem investigandi. Rationi tamen consentaneum videtur, cellularis membranæ, quæ tam extra, quàm intra peritoneum Abdominis ima tenet, resolutam pinguedinem morbum hunc effecisse; hic enim, veluti innuimus, incœpit paulò supra inguen dextrum, neque aut veram ostendit unquam stagnantis lymphæ naturam, aut

iis stipatus symptomatibus fuit, quæ in alio quolibet Hydrope deprehenduntur.

DE TUMORE ABDOMINIS HYDATIDIBUS REFERTO.

OBSERVATIO III.

FAMULUS quidam Eminentissimi Card. Silvii Valentii Gonzagæ; quadragesimum ætatis annum, mediocri corporis altitudine, & pingui, sanguineoque temperamento donatus, quum tumore regionem hepatis obsidente correptus esset, ad me consilium petiturus accessit. Ego igitur affectum viscus perlustrans, hoc usque ad umbilicum, albamque lineam expositum, tensum, resistens, & circumscriptum inveni. Illius tamen color naturaliter se habebat, nec Æger dolore, aut alio incommodo excruciabatur, si unum exceperis, obscurum scilicet fluctuationis sensum, quem in tumoris centro detegere facillimum erat.

Quoniam vero læsæ partis inspectio non satis claram hujusce affectus ideam mihi exhibuerat, quo morbi naturam dilucidius cognoscerem, satius equidem duxi cogitationibus indulgere, quam illum temere validioribus præsidiiis aggredi. De nonnullis igitur observandis cautionibus Ægrotum tantum admonui, quibus ille incassum per plures menses adhibitis, quum magis, magisque augeri morbum conspiceret, sese aliis Chirurgis curandum tradidit; neque illum mihi observare amplius contigit, nisi post novem exactos menses; tunc autem deprehendi circa hepar tumorem ad quatuor præter propter transversorum digitorum ab umbilico distantiam protensum, inflammatum, ovalique figura præditum, paulisper quidem dolentem, & a pressione digiti fluctuantem. Quum igitur is videretur mihi a valde debili coerceri cute, proindeque futurum esse, ut sua sponte cito dehisceret, cujuscunque ambiguitatis vitandæ causæ (quemadmodum in chirurgicis hisce imi ventris affectibus haud raro accidere solet) tumorem hunc sibi relinquendum putavi, in eoque ferrum adhibere ausus non fui.

Et sane, vix paucis elapsis diebus, quum tussi valida Ægrotans corripere, præfati tumoris disruptio secuta est. Indoles autem prodeuntis materiæ Ægrotantem ipsum perterritu, tussisque adeo

increvit, ut quamvis inter lectum, atque parietem plusquam trium palmorum spatium interesset, univërsa tamen materies in ipsum parietem valido impetu pelleretur. Hæc verò in humum inde dilapsa perbelle ostendebat, referebatque ovulorum congeriem, quorum plusquam tercenta ex aperto loco erupisse testatus est idem Patiens, qui ex his nonnulla collegit, atque in patella, ut meis subjiceret oculis, asseravit. Eadem ego ad vivum effingi Tab. II, Fig. VI, curavi a. a. a. &c., utpote Hydatides iis omnibus, quas descriptas, delineatasque invenerim, longe majores, ne quidem celeberrimi Morandi iis exceptis, quæ Scientiarum Academiæ monumentis anni 1722 attextuntur.

Prætereundum sicco pede non est, omnes Hydatides hasce exivisse integras per ita angustum foramen, ut calamum vix scriptorium admitteret, nec eas in parietem, terramque impingentes diffractas unquam fuisse. Mihi autem specillum meum duplum per foraminis semitam immittenti luculenter innotuit, vacuum tumoris spatium ad concavam tendere jecoris superficiem; at mihi nunquam hujusce cavi finem detegere datum est. Adstringentes tamen experiri injectiones cœpi, quumque eas regredi per foramen viderem, in earundem usu aliquandiu perduravi, factumque inde est, ut vacui universi digestio prospere accideret, etsi vacuum hocce perfecte occludere non potuerim, fistulosusque propterea sinus relictus sit, a quo perexigua quantitas lymphæ effluebat, sine ullo tamen Ægrotantis incommodo, qui brevi ad suum pristinum ministerium rediit. Sed tandem, sex aliis elapsis annis, hoc etiam sinu prorsus occluso, integræ, qua nunc quoque gaudet, sanitati redditus est.

Inter initia anatomicæ exercitationis meæ, quum ejusmodi tumorum notitiam nondum haberem, evisceranti mihi cadaver quoddam, in cava jecoris sede illi adhærescens fortuito se tumor obtulit, malum punicum magnitudine adæquans, tactui durissimus, rotundaque figura præditus, quem ego a cohæsiōe sejunxi, manibusque arreptum dissecui. Sed re prorsus nova perculsus fui, dum, tumore discisso, in subjectam anatomicam Tabulam plurimas vidi Hydatides labi, quæ primo intuitu mihi videbantur ii globuli plumbei, quibus ignea onerari ballista solet. Hac autem data occasione, examini subjeci ipsam tumoris cystim, quumque eam invenerim tenacitate, crassitieque solearum corium referente donatam, statim intellexi, cur tumor

ille ad putrefactionem pervenire non potuisset. Eapropter in Ægro; de quo nunc agimus, fistulosum sinum relictum iri arbitrabar, multoque magis, quod ex aperto loco nihil membranofum prodierat. Sed a veritate longe recessi; pars enim, veluti superius admonui, perfectè, ac feliciter cicatrice tandem obducta est adeo firma, ut tamulus hic ad hanc usque diem secunda corporis valetudine perfruat.

DE ŒSOPHAGOTOMIÆ OPERATIONE.

NON sine sensu quodam voluptatis dissertationem celeberrimi Hevinii perlegens in Tom. 1. Parisiensium Commentariorum *cap. 32, art. 2*, de corporibus extraneis in Œsophago fortuito retentis, cognovi tantum hunc virum eadem prorsus sentire, ac sentit Verdukus in sua chirurgica Pathologia, qui incidendum putat Œsophagum, quoties illapsa corpora neque extrahi, neque deprimi valent, summumque impendit periculum, ne Ægroto anima intercludatur. Hic verò, quum de istiusmodi operatione generatim, atque universe potius, quàm singillatim loquatur, Academiæ genio, de Chirurgiæ facultatis incremento mirum in modum sollicito, me obsecundaturum putavi, si in ea investiganda, illustrandaque aliquid laboris, ac temporis impendissem. Hæ interim animadversiones, disquisitionesque, quas hac in dissertatione tanquam in nucleo collectas exhibeo, utcunque eæ demum fuerint, in id unice collimant, ut locum præcise statuam, in quo peragi debeat incisio, quam non male Œsophagotomiam nuncupaveris: Ad huiusmodi verò operationem recte, ut par est, intelligendam primum oportet, ut vera forma, ac vera Œsophagi positura clare, distincteque explicetur.

Veritati valde consentaneum videtur, quemadmodum primus omnium patefecit Eustachius Tab. Anat. 41, Fig. 8 & 11, Œsophagum ad lævam ut plurimum propendere, Lantiusque, qui Vesaliū objurgat, quod illum collocet post Arteriam tracheam, ad Eustachianam Tabulam confugere & ipse cogitur, ut veram illius positionem demonstret. Ita porro celeberrimus Winslowius (ut videre est in Commentariis Academiæ Regiæ Scientiarum anni 1715, pag. 315) demonstravit, Œsophagum suam habere sedem prope lævas extremitates cartilaginum asperæ Arteriæ. Hallerus autem in suis

animadversionibus ad Boerrhavi Institutiones Gottingæ editis, vol. 1, pag. 238 sic loquitur : *Œsophagus oritur ex contracto Larynge, ad annularem cartilagine[m] descendit ad latus sinistrum asperæ Arteriæ (ad dextrum Morg. Adv. Anat. 1, Tab. 1, sed is situs mihi nunquam visus est)*. Morgagnus tamen Anatomicorum Princeps fatetur, se in ea figura adornanda nativam Œsophagi positionem nequaquam exhibuisse; inquit enim Epist. 11, num. 48, « eadem, qua cæteri Anatomici, in pluribus simul depositis partibus una opera indicandis, libertate usus, Œsophagum, quem nonnulli, necessario ostendendi, musculi a sinistris obduxissent, ita in dextram partem protraxi, ut linguam, ne eosdem musculos plus æquo, aliaque operiret, ab naturali situ in sinistrum latus deflexi ».

Ego profecto ex innumeris, quæ dissecai, cadaveribus, perpetuo ad lævam asperæ Arteriæ partem propendere Œsophagum deprehendi; id autem primum animadvertere mihi contigit in cadavere, quod incidendum fuerat gratia tumoris, qui ad asperæ Arteriæ lateralem, lævamque partem excreverat, quique non respondendi, sed deglutiendi libertatem præpediebat Ægroto. Ibi enim dignoscere satis commode valui, tumoris basin Œsophago adamussim incubuisse. Ex ea sane, medio aperto foramine, pus procidebat intra ventriculum, ubi sat magnam ejusdem copiam offendi. Necessarium equidem duxi, anatomicam hanc disquisitionem suscipere, quod ea, quam expositurus sum, operatio essentialiter in Œsophagi ad lævam constanti situ fundetur, quemadmodum in Tabula unica Fig. I. videre est, ubi recurrens quoque Nervus conspicitur, qui amoveri hamulo poterit, quotiescunque liberam Œsophagi sectionem impediat. Incipiam ab historia Ægotantis, quem cæteris omnibus Artis præfidiis juvare studui, una tantummodo sectione excepta, a qua ipse maxime abhorruit, & cui omnino sese subicere recusavit.

Vir hic quadragesimum agens ætatis annum, castaneam nucem in aera sursum projecit, dumque per jocum eam descendentem hiantem ore conaretur excipere, ipsa fortuito ad gulam delata Œsophago inhaesit. Is illico se deglutire minime posse conquestus fuit; quo factum est, ut paucis elapsis horis, ad sancti Spiritus Nosocomium, ubi ego primarius Chirurgus sum, mitteretur. Interrogato Ægotante, res, quæ ab eo narrabatur, in dubium primò vocata est, tum quod is ebrius esset, tum quod sine ulla difficultate spiritum duceret,

duceret; tum etiam quod liberè loqueretur, atque jam insuper vomuisset, tum denique, quod nullus extrinsecus in collo tumor conspiceretur. Sed quoniam, præter sublatam deglutionem, non lævem Æger perſentiebat dolorem, quotiescunque illi Larynx in latere præſertim ſiniſtro comprimebatur, caſtaneam nucem in Œſophagum revera illapſam fuiſſe, ibidemque adhuc hæcere non ſine fundamento putari cœptum. Omnia, quæ uſus in hujusmodi caſibus patefecerat, artis præſidia adhibita ſunt; magna tamen ſe nobis difficultas objecit in adhibenda cerea candela, aliisque ſimilibus instrumentis, quod inferior maxilla ita convulſione detinebatur, ut ad oris ultimam ſedem ne digitus quidem poſſet immitti. Faciem Ægrotans maxime inflammata habebat, lingua erat in eo mediocriter madefaſta, pulſusque frequens. Is verò de interno ingenti calore conquererebatur, nonnullasque delirii notas præbebat. Et quoniam nil poterat deglutire, nutrientes plures clyſteres, ad vitam illius cuſtodiendam, injeſti ſunt. Nihil ille avidius, quàm aquam frigidam, eandemque pariter glacie domitam expetebat. Sexto morbi die, etſi pluries venæ ſectiorem perpeſſus fuerat, ſanguinis tamen e naribus ejuſmodi fluxu correptus eſt, ut faciei rubor prorſus exinde evanuerit. Die verò oſtava ſpirandi quoque difficultas acceſſit, febrisque cum magna pulſus debilitate ſat valida perduravit. Ægrotans tuſſi conſiſtabatur perpetua, illiusque ſputa viſcida, ac veluti purulenta conſpiciabantur. Decimo die adeo fractæ erant ejuſdem vires, ut is morti proximus quovis momento exiſtimaretur. Plura tamen deglutivit tunc temporis vini cochlearia, jurisque cum ovi diſſoluto vitello nonihil ingurgitavit. Hoc quoque die, proximoque, dum is deglutiebat, ab iis, qui aderant, inſolitum quoddam murmur exaudiebatur. Et aſſumptum quidem alimentum ad reficiendas, recreandasque Ægrotantis vires contuliſſe aliquantulum viſum eſt. At decimo quinto, & decimo ſexto die, novo ex naribus, copioſoque manante ſanguine, in maximam iterum virium imbecillitatem Ægrotus recidit. Die verò decimo nono pulſus ita parvi fuerunt, ut vix perſentiri poſſent, ſpirandi difficultas præter modum increvit, atque ſub vespèram Ægrotans tandem deceſſit.

Cadaveris ego diſſectionem aggreſſus ſum coram D. Beggio Aulæ nox Hiſpanæ Medico. Arteria aſpera, & Larynx ſecundum naturam ſe extrinſecus habere deprehenſa ſunt. Glandula thyroidea, quàm

B b

plerumque solet, amplior apparuit. Sub ipso Larynge, in superiori videlicet, posteriorique asperæ Arteriæ sede, in conspectum se dedit tumor, qui vix a me contrectatus illico disrupsus est. Integram in ipso reperi castaneam nucem, cujus planæ superficiei convexa opposita superficies anticam partem Œsophagi respiciebat, apex verò in sinistrum inferebatur parietem hujusce ductus, qui membranosæ asperæ Arteriæ parti tam firmiter adhærebat, ut inde sine laceratione avelli non posset. Sublatis omnibus hisce partibus, in posteriori Œsophagi sede sectionem longitudinalem institui. Tam supra verò, quàm infra castaneam nucem Œsophagus adeo constrictus erat, ut parum abfuerit, quin interiores hujus parietes sese mutuo contigerint; quod tamen in superiori, dexteraque parte aliquanto minus factum fuisse observavi. Extraneum igitur corpus inclusum detinebatur veluti quodam marsupio, quod sinistrorsum extra tracheam sese spectandum præbebat; Œsophagi portio, quæ membranosæ asperæ Arteriæ parti adhærebat, jam in sphacelum conversa, foramine donabatur, lentis magnitudinem obnente, cujus beneficio conspicua inter Œsophagum, asperamque Arteriam intercedebat communicatio. Hæc asperæ Arteriæ pars membranosa a primis quinque cartilagineis annulis avulsa erat. Œsophagi interiores membranæ eo loci, ubi castanea continebatur, corruptæ erant, ac putrefactæ, exteriores autem tenuissimæ erant, isque earum tractus, a quo coërebat castanea, statim subter lævum cartilaginis Cricoidis latus degebat, atque ita quidem, ut una ex eminentis Cricoidis remoreretur castaneam, eique esset impedimento, quo minus ipsa sursum ascendere posset, Vid. Eustach. An. Fig. 2, litt. dd.

Hic sane casus ille est, in quo absolute manus operatio indicatur. Jam optime Verdukus dixerat, eam nos experiri posse. Fatetur quidem, operationem hanc difficilem esse, verum subiungit, melius esse eam suscipere, quam molestiam perferre morientis sub ipsis oculis nostris Ægroti. Illi profecto ego quoque prorsus suscribo; anatomica enim structura partis, in qua Œsophagotomia fieri debet, eamdem institui posse abunde renunciat.

Satis notum est, partes illas, quæ a media, exteriorique colli sede usque ad sternum ipsum Œsophagum tegunt, esse cutim, adipem, membranas, bronchiales musculos, glandulam thyroideam, Arterias, quæ ad hanc glandulam tendunt, venas, quæ inde sanguinem revehunt, Arteriam asperam, recurrentes nervos, &c. Hoc posito,

fat mihi fuerit exponere, qua majori fieri brevitate poterit, quomodo mihi operatio hæc suscipienda esse videatur.

Ægrotante in sella collocato, illiusque capite, quantum e re visum fuerit, retrorsum verso, ac ministri alicujus ope ita valide in eo situ detento, ut se neque ad dextram, neque ad sinistram vertere ullatenus possit, Chirurgus e regione Ægrotantis hujusce positus, postquam manus sinistrae digitis dextri lateris cutim opime apprehenderit, idque ipsum per adiutorem alium Chirurgum in sinistro quoque latere effecerit, colli regumenta scalpello recto per longitudinem ab asperæ Arteriæ superiori parte usque ad partem sterni superiorem præcidet. Amovebit deinde cellularem textum, pinguedinem, membranas, & alia, quæ inter Sternothyroideos musculos cerneret; cavebit ramen, ne scalpellum, quo ad partes has eximendas utitur, nisi inter sinistros Sternothyroideos, & Sternocricoideos musculos, asperæque Arteriæ corpus ejusdem lateris adigat. Ex binis verò retusis Hamulis duos ramos habentibus, sicut illos delineatos conspicitis Tab. unica Fig. IV, unum ad dextram, ad lævam alterum collocabit, atque ea ratione vulneris labia a se mutuo diducet. Asperæ autem Arteriæ cellulari tela vel digito, vel etiam nonnunquam cultelli ope remota; sese ipsi in conspectum dabit Œsophagus, in quo recta novacula longitudinalem efficiet inferiori in sede sectionem, quam sursum versus incurvis, retusisque forficibus dilatabit. Sique in hoc præstando difficultatem invenerit, ad transitum forficum faciliorem reddendum crenato uterur specillo. Hinc parvas, easque curvas volsellas iis prorsus similes, quæ ad extrahendum polypum adhibentur, quasque delineatas exhibet Tab. unica Fig. III, in Œsophagum ad eximendum extraneum corpus immitter. Œsophago verò, ubi indicatum est, adaptato, poterit auxilio ejusmodi volsellarum extraneum educi corpus, sive illud supra, sive intra aperturam fuerit Œsophagi. Hæc autem apertio utilis quoque erit, si illapsum corpus ita se introrsum adegerit, ut inde volsellis attrahi nequaquam possit; quoniam vel cerea candela, vel alio simili instrumento propelli tunc intra stomachum haud difficulter valebit. Ad hæc volsellæ istæ aptissimæ quoque mihi videntur esse ad peregrina corpora, quotiescunque pharyngi inhæserint, ex ore ipso extrahenda.

Operatione absoluta, vulneris curatio, si modum spectare lubet, quo illius sit perficiendus coalitus, res est profecto magni momenti,

B b 2

& quæ maximam attentionem meretur. Ea mihi sane prospere cessit in omnibus Animantibus, quibus ad experimenta hujusmodi instituenda usus fui; sique ullibi Chirurgia comparata, hic certe locum habere debet, ubi eadem propemodum esse partium structura videri possit. Ex tertio, quod mox allaturus sum, experimento elucescet, optime ad cicatricem perducī Œsophagum posse, absque eo quod vicinis ille partibus adhærescat. Ostendere quoque possem, Œsophago cicatricem facilius, quam intestinis obduci propter muscularem membranam, quæ longe in Œsophago validior, & crassior est. Quum autem firmum, ratumque sit, cicatricem intestinorum fieri ut plurimum non solere, nisi ope adhæfionis, quam cum vicinis partibus assequuntur; hoc ipsum de Œsophago pariter credi posset, quod sane hac in re quodammodo absurdum foret; experimenta enim a me hæcenus instituta, ad evincendum contrarium satis, ni fallor, idonea sunt. Debent autem hic loci ea insuper, quæ sequuntur, animadverti.

I. Abscissis integumentis, partibusque a se invicem expeditis, si forte, quæ a thyroidis glandulæ inferiori sede sanguinem revehit; eumque ad sinistram subclaviam adducit, vena præcisa fuerit, veluti in uno ex experimentis meis accidisse memini, tunc sanguinis fluxus poterit obturamento fisti, ex dissolutis filis confecto, compressoque a digitis auxiliantis Chirurgi tamdiu, donec operatio absolvatur. Postea enim, dum nova partium conjunctio fit, quemadmodum ego usu in brutis animantibus comperi, aut vena sua sponte compressa remanet, aut rit vinculo constringenda.

II. Diductis vulneris labiis recurrens nobis se conspiciendum exhibet nervus, qui modo asperæ Arteriæ propinquior, modo vero ab ea remotior deprehenditur. Si qua igitur, tam cellularem textum auferendo, quàm incidendo Œsophagum, illius læsio timeatur, amoveri is eodem hamulo poterit, quo ad attrahendum labium sinistrum vulneris utimur. Dextro pariter hamulo, ut Œsophagus detegatur, asperam ipsam Arteriam, si eam operationi quicquam officere posse contentaneum rationi sit, dextrorsum adducere diligenter licebit, absque eo quod metuendum sit nobis, ne validum exinde respirationi impedimentum accedat.

III. Œsophagum, quanto magis fieri poterit, prope asperam Arteriam esse aperiendum patet, idque potissimum faciendum esse in illius superiori parte, per quam nonnullæ a subclavia ad thyroideam glandulam distributæ arteriosæ propagines aliquando feruntur.

IV. Si e re visum fuerit, thyroidea glandula a sinistra, lateraliq; asperæ Arteriæ sede extricanda erit, quoties extraneum Œsophago impactum corpus sat amplam postulat incisionem, atque id præsertim faciendum, quum ejusmodi glandula quam maxime inflata erit; ea enim impedimento in hoc casu foret, quo minus Œsophagus detegeretur.

V. Œsophagum verò jam satis apertum esse innotescere poterit; quum ejus præcisa interior fuerit membrana, quæ nobis subalbo fese colore manifestabit.

VI. Operatio hæc, quoties illa conducere visa fuerit, promptissime peragenda est, ut nimirum funestos inflammationis Œsophagi, brevique adventuros præcavere effectus possimus.

VII. Finita operatione, partium coalitui iis auxiliis juvandus, quibus ego in primo experimento usus fui.

Quoad vitæ regimen, præter omnia generalia remedia, quæ in similibus casibus requiruntur, & præter id omne, quod bona praxis nobis indicare valet, non abs re fore existimo, ut Æger, quoad ejus fieri poterit, intervallo trium, quatuorve ab operatione dierum, idenudem nonnisi juscula assumat, quo ipsi liceat ea declinare symptomata, quæ uni ex canibus, in quo secundum experimentum feci, acciderunt. Atque insuper si vel tantillum timeatur, ne qua ab jusculo noxa vulneri Œsophagi accedat, neminem fugit, ad Ægrotantem, qui in hujusmodi casibus non multum suarum virium amisit, spatium tam brevi temporis sustinendum, nutrientes clysteres posse sufficere. Verum ad experimenta veniamus.

Postridie kalendas Februarias anni 1747, quum ego Parisiis essem; coram pluribus artis peritis Œsophagotomiam celebravi in cane medicri magnitudine prædito. Vulneris Œsophago inflati longitudo sesqui pollicem præter propter æquabat. Operatione absoluta, utriusque vulneris labio comprimentia admovi per gradus lineæ, aqua madida vulneraria, cum qua communis tepentis aquæ tantumdem commistum esset, unientemque supra ea ligaturam effeci. Canis quotidie deglutire lac cogebatur, ac quinto die pulmentum edere incepit. Sexto autem, fasciis ablatis, cicatricem inchoare vulnus jam visum est. Quum verò perfectæ restitutus valetudini canis e manibus meis effugisset, certò mihi innotescere per dissectionem non potuit, quomodo obducta in Œsophago cicatrix esset; de novo igitur instituendo rursus experimento consilium cœpi.

Igitur VII Idus Martias eamdem in alio cane operationem institui. Vulneris labia ad contactum adduxi, & in cute duo feci futuræ puncta, eodem quoque apparatu usus, quem in priori experimento adhibueram. Postridie lac cani vi deglutiendum exhibui. Die vero quarto pulmentum edere incepit. Sub vesperam apparatus removi, beneque ductam reperi cicatricem, si nonnihil excipias suppurationis, quæ iis in locis conspiciebatur, in quibus ego futuræ puncta præcideram. Quamdā quoque ibi offendi speciem tumoris ad ovi columbini magnitudinem accedentis, quem licet premerem, nihil inde tamen effluxit. Cane autem, septem elapsis diebus, perfecte extrinsecus restituto, opportunum existimavi per dissectionem partis certò detegere, quomodo Œsophago obducta cicatrix esset, & quænam foret hujusce tumoris causa. Ex dissectione igitur mihi innotuit, vulneris Œsophagi cicatricem ope adhæSIONIS cum partibus vicinis factam fuisse, non secus ac in intestinis plerumque accidere consuevit, in cujus medio sacculus erat, in quo liquorem inveni. Hoc autem incommodum ideo suspicatus sum evenisse, quod citius quàm par esset, & profecto vi quadam deglutire canem coëgissemus.

Quapropter XVII kalendas Majas anni 1747 rursus in duobus canibus, eadem inter se magnitudine gaudentibus, hanc operationem suscepi. Ad mutuū contactum Œsophagi labia, deinde cæteras omnes partes, quæ abscissæ fuerant, adduxi, labiisque vulneris lintea gradatim comprimentia, unientesque fascias admovi. Nullum hi canes nutrimentum assumere coacti sunt, nihilominus postridie pulmentum, quod illis fuerat objectum, sponte sua comederunt. Unum ex duobus hisce canibus quemadmodum præcedentem aperui, ut cicatricem Œsophagi, quem oblique secueram, considerarem. Is probe congelatinatus repertus est, absque eo quod ad vicinas partes adhæSIONEM ullam haberet, sicuti videre est Tab. unica Fig. 2.

In Parisiensi tandem Charitatis Nosocomio coram Domino Fagetio, qui tunc temporis primarius in illo Chirurgus erat, hanc eamdem operationem in cadavere aggressus sum, quod non solum œdemate laborabat, sed etiam gaudebat thyroidea glandula ita quoque versum extumefacta, ut plane Œsophagum tegeret. His verò nihil obstantibus impedimentis, quæ sola videntur esse, a quibus hæc præpediri, inhiberique operatio possit, aperte agnovit Dominus Fagetiſ, facilem esse, nulloque fultam periculo Œsophagi dissectionem.

HISTORIÆ DUE
ANEURYSMATUM

QUORUM ALTERUM IN BRACHIO PER CHIRURGICAM OPERATIONEM
SANATUM

IN FEMORE ALTERUM PAUCOS INTRA DIES
LETHALE FUIT

ANIMADVERSIONIBUS ET FIGURIS
JAM DUDUM ILLUSTRATÆ

NUNC DEMUM NOVIS ADDITIONIBUS AUCTÆ
CURA ET STUDIO

CAROLI GUATTANI &c.



GUATTANI PRÆFATIO.

*R*ECENTISSIMI scriptores omnes, qui chirurgicas operationes litteris prodidere, id sibi negotiū dari putarunt, ut ostenderent etiam, quomodo Aneurysmatibus, chirurgicæ operationi opportunis, manus curatio admovenda foret. Verumtamen multi quamvis hac in re naviter, solerteque se gesserint, perpauca tamen fuere qui historicas operationis hujus observationes conscripserint. Hinc experientia nondum satis edocti sumus, an tuto nobis liceat ad hanc aggredi operationem, ususque nondum methodum ullam, tanquam omnium optimam commendavit; id quod sane dolendum est; his enim in rebus, lumen ab experientia mutuari posse, valde expediret.

Quidnam vero in causa fuerit, quamobrem ejusmodi observationes fere omnino desiderantur, neque ego novi, neque mea nosse refert. Illæ certe tam paucæ sunt, ut, quantum quidem ego scio, ad duas solummodo redigantur. Altera Purmanni est, quam manu exaratam, & a clarissimo Heistero ex germanico sermone in latinum versam, atque præclarissimo Lancisio missam, in celeberrima bibliotheca sancti Spiritus reperi, altera est D. Macgill, quam legi in secundo volumine Observationum Societatis Edimburgensis, gallice redditam, editarumque Parisiis anno 1742.

Quum igitur tam altum sit de hujusmodi observationibus apud scriptores silentium, quumque operationis difficultate, necessitateque premi nonnunquam possimus, non abs re futurum esse & aequi bonique consultum fore putavi, si duabus antedictis observationibus tertiam adjungerem.

Quoniam verò omnes cum publicæ, regiæque, tum privæ Academicæ, gravissimique scriptores omnes uno ore fatentur, maximum ex observationibus in lucem editis Litterariæ Reipublicæ accedere emolumentum, non renui & alteram illi annedere observationem; qua pariter tumor describitur aneurysmaticus, in medio femoris orius, rarus is quidem, sive sedem species, quam occupavit, sive causam, a qua natus est, sive symptomata, quibus stipatus fuit, sive civissimam mortem, quam intulit Ægrotaui, ut inferius clare patebit.





G U A T T A N I

D E

CUBITI FLEXURÆ ANEURYSMATIBUS

HISTORIA I.

JUVENIS quidam, Didacus Pagani nomine, illustrissimo D. Marchioni Angelo Gabrielli olim a pedibus, annum jam agens primum supra vigesimum, scorbutico præditus temperamento, Velitras, mense Novembri anni 1744, quoniam nullius famulitio tunc temporis adstringebatur, a matre missus est, ut olera quædam pretio distraheret. Ibi autem quum febre correptus esset, sanguis illi a Tonfore, jussu Medici, ex brachio sinistro detractus est; & febris quidem post sanguinis missionem ita deservuit, ut ipse Albanum, ubi natus erat, sese recipere non dubitaverit.

Hic vero Medicum advocans, illi inter cætera incommoda nuntiavit, etiam, sed velut nullius momenti rem, se in brachio sinistro, eo loci, unde sanguis detractus fuerat, pulsationem quandam percipere, parvumque deprehendisse tumorem, avellanam magnitudinæ æquantem, nullo tamen dolore molestum, naturalemque partis colorem præ se ferentem. Medicus autem morbi naturam, roburque statim dignoscens, auctor illi fuit, ut nulla interposita mora, Romam concederet, quo videlicet facilius curari posset, atque itidem in eadem sententia Chirurgus fuit.

Ægrotans igitur, intelligens, se Aneurysmate detineri, simul ac Romam delatus est, veterem adivit dominum, qui famuli infortunio

perculsus, ejusque misertus, præcepit, ut ad me adduceretur, quo illum, si fieri posset, in integrum restituerem. Ipse vero eum corpore pessime constituto deprehendi, perpetuaque febre vexatum. In sinistro brachio validam, oculisque patentem pulsationem animadverti, tumoremque ad nucis molem jam accedentem.

Quoniam autem maxime in votis habebam, non solum morbo levare Juvenem hunc, quem optime noveram, quemque venera lue divexarum pluries ad salutem reduxeram, verum etiam ejus obtemperare domino, quem magno semper obsequio sum prosecutus, ad Nosocomium sancti Spiritus eundem adduci jussi, ut febre primum immunis evaderet, viresque resciceret, deinde chirurgicæ sese operationi subjiceret.

Postremis igitur Novembris diebus in illud Nosocomium ingressus est; ubi postquam a febre evasit, curavi, ut pleniore, optimoque cibo recrearetur, utque tam intra, quàm extra Nosocomium identidem ambularet, quo major ei virium fieret accessio. Et quoniam sub Januarii finem, quantum ejus temperamentum patiebatur, optime restitutus visus est, Februarii kalendis operationem exordiri decrevi. Interea temporis tumor ad ovi gallinacei magnitudinem jam pervernerat.

OPERATIO CHIRURGICA.

KALENDIS igitur Februarii, hora fere decima quarta, sequentem in modum opus aggressus sum. Primum curavi, ut cubiculum, ubi agere decreveram, quoniam frigidum nimis erat, artificiose tepesceret, deinde in sella ægotantem collocavi, constructa more majorum, hoc est brachiis instructa, nec inflexis, nec sinuosis, effecique, ut lucis radii, in cubiculum ingredienti, ad posteriorem sellæ partem alliderent, quo ægotantis positus majorem mihi luminis copiam faceret. Erat autem ille tibialibus, & calceamentis indutus, vesteque tectus cubiculari.

Ægotantis sic collocati brachium extendi super planum sellæ brachium, & ex tribus ministris alteri imperavi, ut humeri caput, alteri, ut cubitum, atque manum, tertio denique, ut caput, & truncum sustentaret, atque fulciret. Tum fasciola sanguini mittendo dicata brachium molliter circumligavi, ita tamen, ut nodus e regione arteriæ, at in sede illi opposita, neceretur.

Tam sub hoc nodo, quam in eo situ, qua incedit arteria, crassæ chartæ frustulum fasciæ suppositum, quorum alterum, in loco arteriæ positum, efficeret, ut dum fasciola constringeretur, arteria æqualiter compressa foret, alterum vero sub nodo locatum, impedimento esset, quo minus integumenta in plicas, rugasque contraherentur, doloremque procrearent.

Inter nodum, & frustulum nodo suppositum, interjectum fuit parvum lignum, quod dum in gyrum ageretur, torcularis in modum, ita fasciolam constringeret, ut illa sanguini transitum penitus intercludere posset, idque sane præstitura foret omnino, si lignum hoc unam revolutionem, ejusque dimidium absolvisset. Illud autem custodiendum tradidi ex ministris peritiori, quo videlicet pro re nata brachium modo adstringere, modo relaxare rite valeret.

Flexo deinde paululum ægrotantis brachio, apprehensusque, cum mea, tum ministri manu integumentis, illa idoneo cultro oblique secui, versus interiorem cubiti tuberculum, a cubito, hoc est ab inferiori sede, sectionem auspicatus. Diductis autem integumentis, tumorem offendi, non eum quidem liberum, sed membranis, & musculis implicatum. Bicipitis tendinosam expansionem refecandam fore credideram, verum paucas dumtaxat illius fibras inveni, admodum raras, quæque ab una tumoris parte ad alteram protendebantur.

Ad tumorem igitur penitus liberandum satis esse duxi diffindere fibras hasce, reliquasque membranas, quæ illum antea versus bicipitis tendinem irritabant. Quapropter eum ulterius mihi aditum cultro pateseci, qui idoneus esset recipiendo digito indici sinistræ manus, idque magnam mihi opem attulit ad membranas scindendas, quas ubi digito scindere nequaquam poteram, id cultro præstabam. Hac vero ratione cum supra tumorem, tum infra eum arteriam retexti, omni ope annitens, ne tenta fibra ulla reliqua esset, quo nempe bicipitis convulsio præpediretur.

Hanc autem partium separationem etiam in posteriori tumoris sede eousque peregi, donec validum in nervum inciderim, qui arteriam contiguae comitatur, & donec membranis omnibus, & musculis tumorem ita extricaverim, ut eum possem superius, atque inferius vinculis coercere.

Tunc enim acum accepi aliquantum recurvam, hebetiorem, atque in cuspidē perforatam, e qua tria fila pendebant satis valida, ceraque obducta. Acum hanc sub jam segregatam arteriam introduxi, transvestisque filis omnibus, acum abstuli. Horum altero superius arteriam vincivi, altero inferius; atque ita aneurysmaticum corpus inter duo ligamina relictum est; tertium vero filum ibi reliqui, ut illo uti possem, si aliorum alterum, aut abrumperetur, aut non satis arteriam comprimeret.

Peractis hisce, tumorem secundum longitudinem cultro dissecui, in eoque polyposas materias ejusdem generis reperi, atque in cæteris Aneurysmatibus inveniuntur. Evacuato autem tumore, ministro, cui parvi ligni revolutionem demandaveram, imperavi, ut fasciolam laxaret, quo certior fierem, nihil sanguinis per ligatam arteriam transire, & quanquam nihil inde extillaret, tertio tamen filo iterum arteriam supra tumorem firmavi, ut patiens longius abesset a funestissimo omnium symptomatum, quæ illi obtingere possent, hoc est ab hæmorrhagia. Postquam vero arteriam perfectissime occlusam esse cognovi, eidem ministro mandavi, ut parvum lignum circumvolvendo, iterum fasciolam constringeret, quo vulneri mederi liberior possem. Id autem in hunc modum sum exsecutus.

Cavum aneurysmaticæ arteriæ, totumque vulnus implevi sicca filorum congerie, deinde ad tegendum vulnus, ejusque circumferentiam, nec non cubiti articulum, stappa usus sum, albumine ovi, & spiritu vini madenti. Vulneri imposui pulvinulum quadratum, crassumque, & super hoc alterum minori crassitie, sed amplitudine majori præditum, super hoc denique linteum quater prius complicatum, quod tenue, & oblongum pulvinulum referebat; id verò transverse circum articulum collocavi; transverse item linteum aliud objeci, in ambobus extremis bifidum, atque ita longum, ut circa articulum sesquiambitum perageret; tum brachium deligavi, fascia usus Phlebotomiæ apta, verum longitudine prædita plus quam dupla.

Antequam vero vincturam hanc ad finem perducerem, crassam chartam accepi, tres digitos transversos latam, atque ita longam, ut totum arteriæ tractum tegeret, inter axillam, atque operationis locum interjectum, eique superimposui pulvinulum, pro crassæ chartæ figura latum, longumque, ac ope liniei, quod totum humerum amplecteretur, in modum Phlebotomiæ vincturam sum profe-

cutus; sumpto denique alio longiori, magisque lato linteo, extremam vincturæ manum imposui sub axilla, cujus cavum implevi pulvinulis, qui ope fasciarum variis modis nunc supra, nunc infra humeros volutarum, hic loci arteriam comprimerent, sic ut arteriosi sanguinis impetum remorarentur, antequam ad ligaturam pertingeret. Totum etiam cubitum, manumque fasciis deligavi, cubiti articulum adeo flexum relinquens, ut obtusum angulum exhiberet.

Ægrotantem sic vinctum in lecto collocari jussi, relicta tamen fasciola, quam ad brachium stringendum adhibueram, brachioque pulvinarium ope ita constituto, ut planum, commodum, & quemadmodum retuli, aliquantum flexum maneret, fascias omnes repenti vini spiritui madefeci, eas præsertim, quæ ab articulo ad totum cubitum volutæ ferebantur, mandavique ministris, ut singulis horis balneum hoc repentis spiritus vini iterarent, & tertia quaque hora jusculum præberent Ægroto, quod eum mediocriter enutrirer; præscripta interim sanguinis missione, & alvi per clysterem ductione.

Per id temporis vero de partis affectu dolore quodam conqueri cœpit Æger, sed nullam infractionem animi, & demissionem ostendit, sicut in ipsa operatione, ita & post eam. Præterea, quum ministri in eo essent, ut de secunda vena iussa capefferent, sanguinem ex affectu brachio extillare cognoverunt, sed inde nihil exterriti, torcular iterum, quemadmodum imperaveram, constrinxerunt, (eo enim consilio ipse fasciolam reliqueram) aliamque fasciam volutis fasciis superimposuerunt, quæ brachium paulo vehementius deligaret, quibus peractis sanguis stillare desit. Post hæc ex dextero brachio sanguis detractus est, atque emolliens clyster injectus.

Dein remittente affectu partis dolore, fasciola iterum laxata est. Hora vero vigesima prima Ægrotantem revisens, ejus pulsus deprehendi valde commotum, ipsumque valde irrequietum; quapropter decretum est, rebus nequaquam in melius cedentibus, sanguinem iterum sub vespere detrachere. In vulnerati brachii manu idem atque in sana calor sese offerebat, nullus in ea tumor animadversus est, digitorumque motus satis commode abolvebatur, quamvis Æger se nimis constrictum esse referret.

Sequenti mane se noctem totam insomnem duxisse renunciavit, tam ob constrictionem nimiam, quam ob vehementem in arteriæ vinculo pulsationem; atque in pulsu quidam conturbatio adhuc major

perſentiebatur. Quoniam autem vespere præcedenti ſanguis nequam detractus fuerat, quia in melius verſus ſibi Æger videbatur, protinus miſſus eſt ex Salvatella, & alvus iterum clyſtere ſubducta; faſciam etiam, quæ noviffime admota erat, abſtuli, cæterasque laxavi; quibus peractis melius ſe habuit Æger omnino, præcipue vero affectæ partis pulſatio valde remiſit, nec brachio, manuique novi aliquid ſupervenit; ideoque præſcriptam tum viſtus, tum remediorum rationem non immutavi.

Poſtero die Ægrotantem aliquantulum debilem reperi, ſed dolore fere vacuum, ſomnoque recreatum. Alvus autem liquida erat, ſæpiusque, quam ex conſuetudine, ferri cœperat; quod non levem mihi metum incuſſit; quoniam cum in omni morbo chirurgico, tum in tanti momenti operatione cita alvi dejectio mali ſemper ominis eſſe debet. Quocirca non jam ſimplici jure, ſed levi Panatella, & meridianis, & vespertinis horis vires ejus reficere conſtitui, præmiſſis ſemper abſorbentibus pulveribus, non ut impetum ventris prohiberem, ſed ut impedimento eſſem, quo minus malum ulterius abiret.

Quoniam vero profluvium hoc ex operatione tam cito oriri poſſe non videbatur, dubitans, quin Æger erratum aliquid commiſiſſet, & de hoc eundem diligenter interrogans, cognovi tamen ab eo, illum panis uncias octo, aliaque cruſtula, ut adſtantium oculos ſubterfugeret, pene devoraſſe, viniſque cyathum biſiſſe.

Quarto die eundem feбри correptum inveni. Alvus quidem coacta magis erat, nec inſomnem noctem Æger traduxerat, verum magis dolore vulveris vexabatur. Quapropter faſcias omnes, intacto vulnere, penitus laxandas duxi.

Quinto autem, faſciis omnibus reſolutis, vulnereque detecto, pus modicum & laudabile exiit; vulveris labia nec inflammata, nec tumentia apparuerunt; fruſtulum dumtaxat ligatæ arteriæ nigrum conſpiciebatur: vulnere linamentum impoſui, exiliſſimis filiſ conſlatum, & digeſtivo unguento, atque hiſpanæ, ut vocant, oleo illitum, ſuper id linteolum diſponens ex ſolo digeſtivo molliſſum, atque ita amplum, ut non modo vulnus, atque humerum, ſed & univerſum articulum comprehenderet. Faſciis autem remiſſis brachium deligans, illud priore poſitu collocaſſi; a quibus patiens ſe omni prorfus dolore liberatum eſſe renunciavit; atque hæcenus ſomenta ex vini ſpiritu

spiritu admota sunt cubito, manuique, quæ jugiter calida sine tumore permanfit.

Sexto die Ægrotum febricitantem reperi; alvus adhuc fusa erat; neque Æger satis dormiverat: majorem puris, licet laudabilis, copiam, detecto vulnere, offendi, ac proinde vespertino etiam tempore vulneri mederi decrevi, in quo tamen mutatio nulla alia conspecta est. Vespere autem, etsi pus matutino puri proportionem responderet, procedente nihilominus nocte, nova febris accessit, Æger irrequietus fuit, pectoris angustia vexari cœpit, partisque affectæ dolore, sic, ut sanguinis missionem postulaverit, quæ tamen administrata nequam fuit.

Septimo vero longe melius se habuit. Angustia pectoris magna ex parte originem ducebat a rheumatica destillatione, ex eo contracta, quod non bene opertum se in lecto Æger continuisset: id totum diem usque ad sequentem perduravit.

Octavo vulnus inveni ita pure madidum, ut ligata arteria cum omnibus filamentis a reliquis circumstantibus partibus jam secedere potuerit, vulnusque concocti puris signa præ se tulerit. Cubitus quoad tumorem, caloremque se naturaliter habebat, sed pollicis, indicisque motus liber non erat, & expeditus. Profundus, parvusque pulsus in carpo perfontiebatur, febris manebat, nec alvus adhuc bene conquieverat. Ipse vero imperavi, ut impostero quolibet mane fuscum sumeret vulnerarium.

Nono Ægrum reperi febre, atque angustia pectoris liberatum. Vulnus bene digestum erat, dum tamen mundaretur, magno Æger afficiebatur dolore. Pulsus sanæ partis validus admodum erat, alvusque ter tantum, nec omnino liquida, prægressa nocte deiciebatur.

Postero die, hoc est ad initium decimi, Ægrum deprehendi somno refectum; his tantum ab alvo excrementa defluerant, eaque potius compacta; ille itidem febre prorsus immunis erat: detecto autem vulnere, id etiam melius se habere repertum fuit; pus enim, partisque color optima erant, mitiorque dolor. Quare eisdem sum usus medicamentis, eandemque victus rationem imperavi.

Undecimo melius adhuc Æger se habuit, neque enim febricitaverat, placideque dormiverat. Vulnus, tantummodo dum detergeretur, levem dolorem ciebat, quamvis optimam concoctionem, optimamque præ se ferret colorem.

Duodecimo, quoniam fame tentabatur, permisi, ut cum mane; tum vespere ovum pulmento misceret. Omnia autem in optimo statu perseverabant, alvique profluvium jam ex toto desierat.

Decimo tertio pus aliquanto t̄assius, colore subviridi, majorique quantitate profluxit. Æger tamen se nihil aliud peccasse affirmavit, nisi quod quatuor crustula comedisset una cum ovo, quod pulmento permixtum concesseram, quodque me incio, sorbere consueverat: & quoniam sesquitercium jam diem venter suppressus erat, clyster emolliens præscriptus est, quem tamen, quum adventante vespere febris reverteretur, Æger recipere recusavit.

Decimo quarto febris perstabat adhuc, & quidem sat vehemens. Vulnus, licet primo aspectu optime se ostenderet, dolorosum tamen, dum mundaretur, rursus factum erat. Clyster absque mora injectus est, a quo oñies venter, compactaque semper, reddidit: & quamvis frustula, ovumque Ægrotanti denegaverim, febris tamen perseveravit, etsi non ita sævire videretur.

Decimo quinto perstabat adhuc febris, sed mitior.

Decimo sexto vix Æger febricitabat, vulnusque, quum abstergeretur, vix dolorem movebat, dietam tamen idcirco non immutavi.

Decimo septimo semel atque iterum alvus fluxit, turbatio quædam perdurabat adhuc in pulsû, atque ex vulnere pus, quamvis optimum, attamen nimis copiosum, manabat. In hujus vero copię causam inquirens, sinum quemdam sub integumentis deprehendi, qui per cubiti flexionem excurrerat. Hunc verò, comprimente re quadam auferri posse ratus, dilatationem nequaquam aggressus sum.

Decimo octavo, etsi febricula perstabat adhuc, & bis pariter; eaque potius liquida Æger dejecerat, vulnus nihilominus in melius cedebat, & compressione illa proficiente, pus minori copia manaverat.

Decimo nono nil novi supervenit, nisi quod acres ac anum prope exurentes defectiones fuerint; proindeque refrigerante clystere occursum est.

Vigesimo quater alvus reddita est, at sine ullo morfu; pulsus imbecillis, neque omnino integer fuit: minor autem puris, ejusque laudabiliis copia ferebatur ex vulnere, quod item longe factum angustius erat.

Vigesimo primo febris ex toto conquievit; venter tamen non adhuc compressus erat, quinquies enim fluxerat, unde permolestus dolor ex dejectionibus in ano remanebat: quapropter refrigerantes liquores denuo infundebantur, atque Æger absorbentes pulveres resumebat, vulnerario jusculo intermisso, quod a die nono morbi quotidie sumpserat: vulneri unguentum rasinum superimpofui, & licet impletus jam sinus videretur, attamen eadem vinctura usus sum.

Vigesimo secundo, tertioque cuncta optime se habebant, alvo excepta, quæ subliquida manebat.

Vigesimo quarto, alvus compressa, vulnus angustius, ac proinde ei unguentum ex tutia superinjeci, plenior tam mane, quam vespere victum institui, ex quatuor nempe panis uncii modicoque vino rubro alvo contrahendæ semper opportuno; curavi quoque, ut ex farina tantum subacta pulmentum esset, velut in more, institutoque hujus nostri valetudinarii positum est.

Horum autem usu ad plures dies producto, tandem trigesimo tertio optimæ valetudini Æger redditus fuit, & brachium, & manus motus quoslibet exercebant, licet arteriæ pulsatio vix tactu perciperetur. Ad explorandum verò curiosius febrilem Ægri calorem idoneum thermometrum brachiis ejus per æqualia temporis intervalla alterne admovebamus; tumque mercurius gradibus quatuor altius in sano, quam in affecto brachio se extulisse toties deprehendimus, quoties hac de re experimentum captum fuit. Post hæc autem Æger a Nosocomio profectus est, optimeque restitutus sese domum recepit.

ANIMADVERSIONES ANATOMICO-PRACTICÆ.

SYMPATOMATA, quæ operationem hanc comitata sunt, & totius affecti membri fere in integrum restitutio, in causa fuerunt, cur ipse observationes quasdam cum ad anatomen, tum ad chirurgiam spectantes instituerim.

Firmum, ratumque est, atque experimentis certissimis comprobatum, musculos quoslibet sensu, motuque spoliari, si vel devincta, vel præcisâ arteria sit, ad illos sanguinem deferens, perinde atque, aut occluso, aut amputato nervo accidere consuevit: ad hæc, quoniam libera sanguinis circulatio partibus calorem largitur, hac intercepta, & partium calorem auferri necesse est. Denique, præpedito

ad partem quamlibet affluxu sanguinis, ibi arteriarum pulsus deficere omnino debet.

Ex omnibus hisce confici posse videbatur, Ægrotantis brachium, operatione absoluta, sensu, motuque, sicut etiam calore, privatum iri, radique arteriam in posterum minime pulsaturam. Verum aliter prorsus accidit; vix enim exacta operatione naturalis in cubito manique calor permanfit, neque sensus sublatus est, neque motus, si pollicem, indicemque exceperis, in quibus is omnino liber, & expeditus non erat. Radiæa item arteria, licet paululum, pulsare tamen in carpo sentiebatur.

Quoniam igitur hæc omnia aperte renunciare videbantur, alias etiam, præter arteriæ majorem truncum, adesse vias, per quas sanguis ad cubitum, manumque feratur, in animum induxi meum illas in apicum proferre, ne earundem ignoratio alicui futura esset impedimento, quominus ad hanc operationem aggrediretur.

Verum enimvero, licet in earum inquisitionem sedulò vacavissem, & quatuor jam brachia fuisset studiosissime perscrutatus, nondum tamen ulla mihi lux inde affulserat. Etenim in singulis quidem brachiis easdem propemodum arteriarum divaricationes animadverteram, verum nullam potueram anastomosim deprehendere, quamvis in arteriarum extremis, minimisque propaginibus prosequendis nervos omnes industriæ meæ contendissem.

Harum autem investigationum infortunatum eventum more meo enarravi illustrissimo amplissimoque Præsuli Antonio Leprotti, Pontificis maximi Archiatro, viro videlicet anatomicarum rerum studiosissimo, & cujus singulari doctrinæ, ac humanitati mei omnes qualescumque sint, anatomici progressus, mihi accepti sunt referendi; optimam enim ab illo methodum didici humana cadavera dissecandi; ex ditissima, selectissimaque illius bibliotheca eas mihi cognitiones haurire licuit, sine quibus recentissima quæque, pulcherrimaque anatomicorum inventa nunquam reperire in cadaveribus potuissem; semper denique ab ipso instrumentorum mihi copia largissima facta vit, ut illis adjunctis anatomicas quascunque administrationes tentarem. f Ipse igitur hæc ei, ut dicebam, nuncianti mihi, in manum protinus dedit secundum volumen Observationum Societatis Edimburgensis, in quo summa cum animi oblectatione pulcherrimam reperi, omnibusque suis numeris expletam observationem Domini Macgill,

de hujusce Aneurysmatis operatione, doctissimamque illi annexam explanationem Domini Al. Monro, de Arteriarum Tunicis, earumque morbis, præcipue vero de Aneurysmarum ortu, ubi quatuor ipse Figuras exhibet, quarum quæ secundo loco posita est, celeberrimi Cowperi, & quæ quarto Anastomosim aperte ostendunt, quæ vero priore loco sita est, trunci majoris, iter, ejusque distributiones tantum patefacit.

Quum autem hæc, quam primam illic dixi obtinere sedem, vel ipso Auctore teste omnium frequentissime deprehendatur, operæ pretium me facturum existimavi, si in hanc diligentius inquisivissem, ut operationem tanti in chirurgia momenti illustrarem. Antedicta enim figura anastomosim in conspectum non dat, verum supponenda est, quod in demonstrativa re fieri nequaquam deberet. Ad hæc ante flexionem cubiti unam tantum divaricationem ostendit, quum ego duas saltem constantissime animadverterim, ut ex figuris videre est.

Non auster autem existimavi rem hanc dilucide aperire me posse, nisi injectione, quam exsecutus sum in hunc modum : Integumenta incidi in loco, ubi tumor oriri solet, inventaque arteria, ibi eam deligavi, tam ut liquor injectus vi, & impetu quodam trunci propagines ingrederetur, quam ut idem liquor vasa majora ligaturæ subiecta anastomosis ope subiret, quemadmodum reipsa contigit. Nam arteriis prius deligatis, quæ in musculos multiplici sobole disperguntur, & vix exacta injectione in axillarem, truncus maximus, etiam infra vinculum, ita tumefactus apparuit, ut minister, qui mihi aderat, inscius cur hoc fecissem, sed incisionum anatomicarum peritissimus, statim exclamaverit : vinculum laxatum est ; liquor enim infra illud penetravit. Tunc ipse meam illi mentem aperiens, alacri animo anastomosi retegendæ totus incubui, eamque pulcherrimam reperi (*).

ALIÆ ANIMADVERSIONES.

Ex plurimis brachiis, quæ tum injectionis ope, tum sine injectione lustravimus, licet adhuc in nullo datum nobis fuerit duplicem humeri arteriæ ramum offendere, monendum tamen esse putamus, id ob-

(*) Omissæ sunt figuræ Guattani I, II, III, quoniam eandem, & melius quidem inter illas occurrunt, quas Trew dedit; inspicatur ergo Jeon 12, 13. Trew fig. 4, 6,

servatum fuisse non solum a laudato Viro D. Al. Monro, ut idem ipse in figura tertia demonstrat, verum etiam a celeberrimo Heistero, qui præterea binos hosce arteriæ ramos usque ad manum divaricatos, diductosque ab invicem, nobis sistit, atque etiam in singulis digitorum apicibus anastomoses horum ramorum delineat (**). Hæc sane arteriæ distributio, si quando contigerit, Aneurysmatis operationi aggrediendæ jam enarratis distributionibus utilior erit, ut attendenti cuique patere potest.

In singulis vero injectionibus, de quibus hætenus verba fecimus, antequam colorati liquores in axillarem arteriam infunderentur, vinculo coërcita arteria fuit eo loci, unde, ob sanguinis missionem male administratam, aneurysmaticus tumor emergere consuevit; idque, veluti præmonuimus, eo consilio factum est, ut injectus liquor in ramulos quoscumque laterales facilius protrudi posset. Hic vero præterea monendum est, tandem coloratam hanc injectionem vel sine vinctura a nobis fuisse institutam, eamque ramulos omnes laterales cum suis anastomosibus æque spectandos exhibuisse, ut in prægressis contingerat experimentis.

Animadvertendum insuper est, brachii Aneurysma tunc potissimum exoriri solitum esse, quum in sanguinis detractione, cephalica, mediaque prætermisiss, basilica vena secanda deligitur; nam sub illa pleurumque decurrit humeri arteria, ex quo evenit, ut sub illa quoque arteriæ pulsus deprehendere datum sit, licet is aliquando etiam sub media, vel circa eam perferantur. Chirurgi partes igitur fuerint, antequam sanguinem mittat, perpendere, tactuque disquirere, sub quam ex tribus hisce venis arteria feratur, & hac rejecta, ad alias confugere, si æque commode id fieri possit.

Ipse profecto pluries Basilicam acicula terebravi eo loci, unde sanguis educi solet, deinde hanc aciculam ibi desossam relinquens, & cultro retegere satagens, ubinam, perforata jam vena, ea figeretur, illam arteriæ ipsi ut plurimum affixam reperi, nonnunquam autem & prope arteriam; nec equidem hujus rei periculum feci, ut certior fierem, an sub vena basilica incederet, nec ne, arteria; de hoc enim mihi abunde constabat; sed ut penitus mihi innotesceret,

(**) *Commerc. Litterar. a. 1743. Tab. II, Fig. 12.*

quænam distantia inter læsionis locum, distributionesque arteriæ intercederet. Ex hoc enim perspicuum fieret dum tumor increveret aneurysmaticus, quamdiu sanguini per propagationes laterales expeditus aditus ad inferiora pateret, & quamdiu hujus adeundæ operationis tuta nobis occasio esset. Factis igitur, ut dicebam, experimentis, compertum est, locum, qui ob incisam, perfoßamque Basilicam lædi solet, a loco, unde arteriæ laterales anastomosi inservientes progerminant, duos digitos transversos disjungi.

Jam vero intervallum hoc omnino Aneurysmate repleti nequaquam debet, priusquam hæc operatio tentetur, ne videlicet, tam supra tumorem, quam infra illum, arteriam deligantes, vel superiori vinculo superiores, vel inferiori inferiores propagines destruas. Etenim, si illarum omnium destructio contingat, aperitissimum est, brachium, manumque ita sanguine spoliatum iri, ut inde ea debeant symptomata proficisci, quibus non aliter fortasse mederi, quam brachii præcisione concessum erit. Si qua vero tantum propago intercidat, aut ab arteria radiæ, aut ab ulnari progenita, sensus, motusque iis dumtaxat partibus adimetur, quæ ab eadem illa arteria sanguine perfunduntur. Hoc sane Ægrotanti D. Macgill accidisse videtur, in quo, ut ipsemet fassus est, vel duobus transactis ab operatione jam mensibus, nullus arteriæ pulsus in carpo sentiebatur, pollicis, indicisque motus impeditissimus erat, affectumque membrum non solum debile evaserat, verum etiam stupore quodam detinebatur. Quæ omnia etiam deinceps perseverasse putandum est, excepta omnimoda defectione pulsus, quem unum D. Macgill post aliquot menses aliquantulum in carpo emicuisse adnotavit. Quod scilicet nequaquam contigit in nostro Ægrotato, ut jam vidimus; is enim in præsentiarum, præter arteriæ pulsus non æque validum, ac antea fuerat, nullis aliis morbi reliquiis afficitur. Quocirca perpendens ipse universa symptomata, quæ Ægrotanti D. Macgill post operationem acciderunt, & a quibus Æger noster immunis fuit, facile adducor, ut credam, in illo ob nimis auctam tumoris molem ante inchoatam operationem, totum intervallum, quod inter læsionis locum, & laterales arteriosas propagines intercedit, a tumore ita repletum fuisse, ut aliqua ex inferioribus propaginibus, vel ipsa intercepta fuerit operatione, vel putrefactionis tempore ablata; unde sanguinis circulatio per omnes deinde arterias non rite absolvi potuerit.

C O N C L U S I O.

Quoniam vero universa hæc incommoda declinare posse, quammaxime optandum est, hanc saltem utilitatem ab enarrata nostra observatione emanare arbitror, quod ex ea colligere facillimum sit, non valde nobis cunctandum esse, priusquam hanc exordiamur operationem, ne, præter cætera damna, quæ inde profluere possent, jacturam etiam faciamus alicujus rami inferioris, sese anastomosi cum superiori jungentis; unde ea, quæ hucusque profecuti sumus, detrimenta proficiantur. Postquam igitur nihil eorum neglexerimus, quæ ad inhibendum tumorem a scriptoribus præciuntur, nostrumque propositum e sententia nequaquam cesserit, auctor sum, ut, abjecta quacunque mora, prædicta operatio protinus instituat. Quod sanè monitum non tantum ex arteriarum structura sibi auctoritatem adjungit, verum etiam ex collatis inter se duorum Ægrotantium historiis videntissime comprobatur.

DE SPURIO BRACHII ANEURYSMATE.

DESCRIPTUM modo Aneurysma non unicum profecto est, quod occasione Phlebotomiæ in cubiti flexu accidere consueverit; ea enim dumtaxat respicit Aneurysmata, quæ vera a Chirurgis vocari solent; sed hoc in loco altera quoque, & longe sæpius profecto species oboritur Aneurysmatum, quæ spuria communiter nuncupantur. Quapropter gratum existimo, acceptumque Phlebotomistis futurum, si notas ego indicavero ad hæc pariter dignoscenda opportunas, simulque tutissimam, simplicissimamque methodum patefecero, qua, nullis aliis adhibitis periculosis operationibus, ad pristinam ea valetudinem revocentur. Hæc methodus, etsi a nemine hætenus prodignitate exposita fuerit, mihi tamen tutissima, maximique momenti esse videtur. Licet autem cum in recentibus Academiis, tum in veterum Medicorum scriptis, ne excepto quidem ipso Galeno, frequenter nobis occurrant hujusmodi observationes; ego tamen silentio omnes has præteribo, unam dumtaxat si exemeris, quam protulit in sua Chirurgica Anatome Bernardinus Genga meus quondam in venerabili S. Spiritus Nosocomio celeberrimus Prædecessor, atque hoc potissimum nomine, quod Genghæ observatio eo similiter spectet, ut eundem, quem ipse mihi constitui, terminum assequatur.

Prout

Prout igitur in missione sanguinis ex basilica vena, aut magis, aut minus alte demergitur scalpellum chirurgicum, hoc magis, minusque pariter subjectam non raro pertundi arteriam contingit. In illa autem si ferri mucro ad cavum utque haud pertingat, sed ex quinque arteriarum componentibus tunicis duas tantum, vel tres confodiat, verum progignitur Aneurysma. Imminuto enim in vulnerata sede adverso conatu, arteriosus sanguis, integras adhuc membranas jugiter feriens, eas pedetentim ita distendit, ut herniosæ tandem reddantur, indolentemque ocyus, seriusve pariant tumorem, qui non solum nativo gaudebit colore partis, & rotunda, vel ovali figura, sed sensibili quoque, eaque sat valida pulsatione; quod symptoma, etsi in hac specie Aneurysmatum signum sit omnium minime æquivocum, non semper tamen illico apparet, verum post dies aliquot, vel hebdomadas, vel etiam menses se prodit, velut in nuper allato Aneurysmate contigit, quod nobis esse tanquam regula poterit ad Aneurysmata ejusmodi cognoscenda, persanandaque, si mea vinciendi, comprimendique methodus non suffecerit.

Quotiescunque autem, dum vena pertunditur, in cavum arteriæ scalpellum chirurgicum penetraverit, id nobis apertissime renunciari vulgo putatur per ea symptomata, quæ in medium affert Galenus lib. v. methodi cap. vi, dum inquit: *Sanguis autem flavus, & tenuis, & fervidus statim ejaculatur, idque cum quodam veluti saltu.* In hoc videlicet sita est altera species Aneurysmatum, quæ spuria, vel notha audiunt, de quibus hic mihi verba potissimum facienda sunt. Animadvertendum est autem, arteriam brachialem non semper eundem hac in sede transitum obtinere; modo enim, & quidem sæpius, sub ipsa directe incedit vena basilica, modo aliquanto antrosum porrigitur versus medianam venam, modo denique retrorsum fertur inter venam basilicam, atque apophysim humeri internam, quemadmodum eam se reperisse narrat ipsemet Bernardinus Genga in homine illo, qui ansam ei dedit, ut docte, sapienterque ad conglutinandum arteriæ vulnus methodum omnium mea sententia tutissimam, prorsusque novam excogitaret. Potest tandem confodi inusitata quædam, eaque parva propago, quæ ex brachiali arteria ortum ducens desuper trajicit basilicam venam eo loci in primis, ubi hæc pertunditur in sanguinis educatione, ut in quodam contigit Equite, qui fuit in causa Chirurgus, hunc casum insanabilem existimanti, ut

is in cœtum se abderet Cœnobarum, Religiosæque nomen familiæ daret.

Animadvertendum est insuper, impetum, atque indolem sanguinis non esse notas ejusmodi, ut ex illis certo statuere valeat Phlebotomista, se arteriam subjctam perterebrasse, sicuti in alio Ægrotante accidit, ad quem pariter laudatus Genga arcessitus fuit, ut brachialis arteriæ vulneri imaginario opem ferret. Ipse enim statim cognovit sanguinis exitum saltuatim fieri ex nimia propinquitate arteriæ, quæ suam pulsationem ipsimet venæ communicans effecit, ut Phlebotomista, ut Ægrotans, ut omnes denique adstantes læsam fuisse arteriam existimaverint, eoque magis, quod in eodem subiecto cruor valde tenuis, ac dissolutus reperiebatur.

Quoniam igitur sanguinis impetus, & saltuosus exitus, ejusdemque vividior color, tenuitas, & dissolutio confossæ arteriæ nimis æquivoca signa sunt; ac præterea quoniam facta infra vulnus, ab eoque digitum distans compressio venæ basilicæ, ut sanguinis cursus intercipiatur, ob illius communicationem cum aliis venis, non potest hujusce rei magis certum indicium esse; debet Phlebotomista experiri statim compressionem in ipsa arteria brachiali, ei pollicem admoventis transacto digito supra vulnus, sique viderit aut ex toto, aut magna saltem ex parte sanguinis impetum, ac emicationem desinere, hoc non æquivocum erit arteriæ læsæ argumentum; idcirco vero aut ex toto, aut magna saltem ex parte dixi, quod ex inferiori sede per laterales arterias nonnihil sanguinis poterit vulnerato loco suppeditari, velut in figuris, quæ ad brachii pertinent Aneurysma, clare conspicitur. *cf. Trew f. 4, 6.*

Ubi autem a lateralibus arteriis huic etiam experimento tenebras offundi contigerit, omnium tutissimum erit, ut Phlebotomista, dum vulnus minifter comprimit, superiorem humeri sedem revinciat, ea profecto ratione, qua fieri solet, dum membrum hoc amputatur, in modum scilicet torcularis. Hæc autem vincitura in primis eo pertinet, ut sanguinis arteriosi cursum cohibeat, ab eaque describenda hic ego mihi temperandum existimaui, quod in chirurgicarum operationum tractatibus ubique proster, quodque potissimum Phlebotomistis apte addiscenda sit, antequam exercitium mittendi sanguinis aggrediantur.

Vinculum hoc, ut par est, adstrictum, si facta præsertim illius sedis, qua brachii pertranseunt vasa, debita simul fuerit compressio,

moram certò interponet sanguinis cursui, nobisque evidentissimum exhibebit vulneratæ arteriæ argumentum; atque inservire etiam poterit ad illud instituendum fasciæ genus, quod sagaciter excogitavit, & quo felicissime usus est Bernardinus Genga ad arteriæ vulnus conglutinandum; quodque profecto, si illico cum nonnullis præferim a me additis considerationibus adhibeatur, præsidium mihi videtur certissimum, atque auctor idcirco sum cunctis Phlebotomistis, ut in ejusmodi circumstantiis animum minime despondentes, opus alacriter aggrediantur, quumque de hominis vita, aut saltem de membri mutilatione agatur, ne sibi assententur, in spem adducti fore, ut vulnus ipsi persanent, absque eo quod detegatur admissus error. Errores enim hujusmodi nunquam delituerunt, nisi fortuito, quoties nimirum contigerit, ut ab initio unitum servetur arteriæ vulnus per solam illam vinciendi methodum, quæ in sanguinis missione adhiberi solet, cui sane fidendum nequaquam est, nisi forte inusitatus adfuerit descriptus jam surculus arteriosus, quem difficile non erit dignoscere ex tenuissimo profliciente sanguinis rivulo, dum nullum interea in brachiali trunco motus incrementum percipitur.

Genghianæ fasciæ præsidium, ut ipsi contigit Auctori, debet feliciter ex animi sententia cedere, si illico adhibeatur; nam ex brachii vinctura, pressioneque vulneratæ arteriæ, antequam sanguis extra vasa feratur, hoc maximum nascitur emolumentum, ut nihil jam vulneris coalescentiam inhibear, nec sanguis per cellularem telam effusus musculosa brachii interstitia universa occupet, usque ad axillas, ac musculos pectorales, ut accidit cuidam mulieri, in qua idipsum fuit causa suffocationis (*); aut quemadmodum in alio viro observatum est, ubi ex alcoholis foru continuo, continuaque brachii flexione tanta in bicipitis tendine orta rigiditas fuit, ut nihil deinceps eum relaxare valuerit ad arteriæ vincturam instituendam, quæ, quum ego arcessitus fui, septem nimirum, ac viginti diebus jam ab eventu elapsis, si excipitur brachii amputatio, in hoc patiente sola supererat. Quum igitur ob contractionem, rigiditatemque tendinis in bicipite, vincturam ego in arteria fieri non posse clare cognoscerem, ad brachii me contuli amputationem, quam statim aggressus sum una cum sæpius laudato Pétro Javina; deinde vero quum domi meæ

(*) Hist. II.

vulneris statum ambo in arteria perscrutaremur, in maximam incidimus illam cum inveniendi, tum quoque viciendi difficultatem; hæc enim arteria non amplius in consueto manebat loco, verum ab illo prorsus recesserat ob effusum, concretumque sanguinem, qui eam sursum propulerat usque ad internam cutis, ac pinguedinis faciem, concretum tegentem sanguinem in cubiti flexione, quæ tota in tumorem attollebatur.

Equidem valde gavisus sum vel hoc nomine, me vindictæ operationem minime aggressum fuisse; si enim tam difficile fuit in brachio etiam amputato arteriam deprehendere, in eodem adhuc vivente hoc difficillimum fuisse futurum, utrique nostrum est visum. Quapropter aliis incommodis, quæ incidere consueverunt, si ab initio neglectum fuerit remedium omnium tutissimum, Genghianæ nimirum fasciæ obligatio, duo ista pariter accensenda sunt, rigiditas nimirum insuperabilis in bicipitis tendine, atque in ipsa brachiali arteria situs mutatio.

Æger hic, qui mediocri præditus erat temperamento, & parva donatus proceritate, quintumque supra sexagesimum agebat ætatis annum, ad quartum decimum usque diem ita se habuit feliciter, ut in illo vivida jam, salubrique carne os præcisum obtegeretur, ulcusque etiam ita jam erat arctatum, ut pollicis amplitudinem non excederet. Quum autem hac eadem die sub vespere tertiana ille feбри, eaque duplici corripereetur, licet omnia excellentissimus Medicus Michaelius opportuna eidem opposuisset auxilia, vigesima prima morbi die, septima scilicet ab exortu febris, nulla tamen in ulcere mutatione facta, mortem oppetiit. Hic itaque Aneurysmate affectus *Æger* ob febre procul dubio tantummodo, non vero ob amputationem decessit. Hic enim locum habere nequaquam possunt eæ mortis causæ, quas in medium attulimus agentes de quatuor amputationibus Aneurysmatum poplitis occasione institutis; nam ab interiori vitio illa orta fuerant, quum hoc brachii Aneurysma originem suam emissioni sanguinis debuisset. Et revera in alio quoque *Ægrotante*, in quo eandem ob causam brachium præcideram, citissima fuit in statum pristinae valetudinis restitutio; in Aneurysmatibus enim illis, quæ a violentia externa nascuntur, affecti membri amputatio optimum est, haberique debet præsidium.

SED antequam excogitatam a Bernardino Genga fasciarum circumductionem describam, quamdam hic lubet animadversionem præmittere, quam utilissimam puto, & ex qua felicem illius exitum in primis pendere arbitror. Quoniam ergo triplici modo, in longum scilicet, oblique, ac transversim venæ a Phlebotomista solent incidi, eisdemmet directionibus vulnerari quoque arteriam continget; nam hujus incisio venæ consequitur incisionem. Jam vero generale in arte chirurgica præceptum est, in vulneribus omnibus, quæ unionem postulant, enitendum esse, ut coalitus fiat juxta vulneris directionem; aliter enim diductarum partium conjunctio obtineri nequit. Hinc generale pariter præceptum est, vulneratas partes, quæ extensionis, flexionisque motum obtinuerunt, ita collocare, ut directioni vulneris examussum respondeant, quo possint infimul adhærere. Ex. gr. si bicipitis tendo vulneratus in brachio juxta longitudinem fuerit, neminem præterit, oportere hoc in casu, ut brachium cum respectu cutis, tum etiam respectu tendinis, collocetur extensum, & non ad obtusum angulum; extensum enim contigua custodiet vulneris labia, quæ per obtusum angulum cogerentur a se mutuo recedere; contra vero, si vulnus idem fuerit oblique, aut transverse inflictum, flexuosus hic brachii positus labia ad contactum servabit. Quapropter brachialis item arteriæ vulnus hanc sane postulat distinctionem, quæ patet etiam, si experimentum fiat in cadavere, licet arteria tunc temporis vacua sit, licet in ea deficiat arteriosi sanguinis impetus, & licet nativam illam elasticitatem non seruet. Sed alia huc quoque accedit consideratio, quod scilicet inflexio brachii, postquam illud extensum, dum fasciis obduceretur, fuisset, chirurgicum apparatus relaxet, imminuatque vim compressionis. In hunc autem nos errorem impellit, nisi in id sedulo animum intendamus, ea quæ viget apud Chirurgos consuetudine, fascia obligatum brachium ad obtusum angulum collocandi.

Quum in pluribus sat mihi cognitis casibus, ubi occasione Phlebotomiæ vulnus brachiali arteriæ fuerat inflictum, per solam ego applicationem fasciarum, quæ affectum locum dumtaxat supra consuetudinem premerent, nonnullos Ægrotantes vidissem pristinae valetudini restitutos, in animum induxi meum causam inquirere, quam-

obrem non ubique idipsum contingeret, eoque magis, quod in ejusmodi casibus Phlebotomista æque diligenter ubique & compressionem instituit, & brachium ad obtusum angulum collocat. Sed in superius allata distinctione me illam ego invenisse arbitror, tum ob rationes nuper expositas, tum etiam quod hoc ipsum auctoritate comprobetur quatuor Aneurysmatum, quæ se deinceps mihi obtulerunt; nam unumquodque illorum in vulnere, aut cicatrice longitudinalem figuram, non autem obliquam, neque transversam exhibuit, eademque fuerunt curæ, ac diligentia in unumquodque collata.

Tale siquidem vulnus fuit non tegumentorum dumtaxat, verum etiam arteriæ, quam a morte rimatus sum in supradicta muliere, quæ suffocata decessit, in qua omnino inutilis fuit arduissima licet compressiva vinctura continenter adhibita usque ad diem sextum, quando ego eandem conspexi brachium gerentem ad obtusum angulum situm. Tale insuper vulnus fuerat tegumentorum in eo subiecto, ubi ego brachii amputationem institui, taleque a me pariter deprehensum in illius arteria fuisset, ni temporis diuturnitas foramen ei conciliaffet sphaerico-ovale, quemadmodum videri in eo potest arteriæ frustulo, quod a me adhuc domi asservatur. Eandem denique directionem habuerunt cicatrices duorum aliorum Aneurysmatum, quæ a me similiter custodiuntur, de quibus mox ego breviter loquar, quod peculiare in illis, scituque dignæ circumstantiæ quædam occurrant.

Quoniam igitur in quatuor allatis Aneurysmatibus tegumenta longitudinalem cicatricis directionem constantissime exhibuerunt, & quoniam nullum eorum per consuetam vincendi, & articulum collocandi methodum restitui in integrum valuit, secus ac in pluribus aliis non raro contingere animadvertimus, facile adducor, ut credam, non imaginariam, verum realem me distinctionem proposuisse, longque fidentius assero, Phlebotomistam ex directione, quam extrinsecus in tegumentorum vulnere deprehenderit, eam percepturum esse, qua præditum erit vulnus arteriæ; ideoque si longitudinalem in tegumentis ille vulnusculi directionem inveniit, brachium cum fascia obducere, tum collocare extensum debebit; si autem transversam, aut obliquam in tegumentis eisdem illam offenderit, contrario modo se geret, hoc est inflexum ad obtusum angulum brachium fascia constringet, ac illud hoc ipso in posito conservabit.

HISTORIA III.

Ex duobus vero superius indicatis Aneurysmatibus primum contigit in juvene quodam sutore septem & viginti annos nato, cui XVIII kalendas Septembris anni 1769 sanguis e dextri brachii vena basilica missus fuerat, & quem VII kalendas Novembris ejusdem anni inter Ægrotantes in sancti Spiritus Nosocomio meæ curationi creditos lecto affixum inveni. Cicatricem igitur ego in basilicæ venæ sede longitudinalem conspiciens, ibidem quoque tuberculum deprehendi, sphaerica donatum figura, cerasumque sua magnitudine adæquans, quod dolore omnino vacuum quum esset, nativoque partis colore præditum, vehementer tamen pulsabat, ac sibilo quodam satis violento comitabatur. Tuberculum hoc, si digitis comprimeretur, illico evanescebat, sed illico pariter sui juris tactum revertebatur. Satis quoque tactus beneficio patebat, memoratum sibilum fieri a sanguine, qui per angustum foramen in tuberculi centrum vibraretur.

Ipse igitur narravit mihi, cruorem, statim ac a Phlebotomista basilica vena incisa fuisset, tanta violentia profiluisse, ut ad illum cohibendum opus ei fuerit duos vulneri apponere valde duros pulvillos, eosque valida vinctura comprimere; tertio autem jam adventante die, propter nimiam brachii tumefactionem coactum fuisse Phlebotomistam obductam plagæ vittam explicare, inventaque perfecta vulneris coalescentia, brachium pristinae libertati reddidisse. Quum vero, nonnullis transactis diebus, Æger in vulneris sede insolitam pulsationem, eamque validam percepisset, ipsique deinceps descriptum patefieret tuberculum, decrevit, ut dixi, se ad Nosocomium conferre, ubi ego meam illico in eodem institui comprimentem vincturam, quam exorsus sum ab applicatione quadrati pulvilli, cui duos alios superimposui, longos quidem, sed decussatos ad modum litteræ X, ut nimirum utriusque centrum quadrati pulvilli centro respondens blande comprimeret Aneurysma. Hos deinde pulvillos madeseci spiritu vini, contexique linteis, quæ pariter integrum articulum circumdarent, quæque in extremis suis fissa essent, quo melius aptari possent. Repetitis denique fasciæ flexibus, ac circuicionibus, ut fieri quotidie a sanguinis missione cernimus, totam compressionem prorsus firmavi. His peractis, longitudinalem alium, satisque crassum

pulvillum a cubiti flexu ad axillam usque secundum vasorum ductum humero admovi, ut in brachiali arteria sanguinis cursum infringere, atque aliis linteis spiritu vini madentibus, quæ universum ambi-
rent humerum, dictum pulvillum contexi, firmavique compressiva
vinctura, sed tamen non ita valida, ut sanguinis cursum penitus
interciperet. Brachium in situ locatum fuit potius recto, non flexuoso;
opportuno vitæ regimini parere Ægrotans coactus est, dempta illi
fuit idonea sanguinis copia, torique apparatui identidem aut vini
spiritus, aut posca desuper adfusa est.

Octo post diebus eandem vincturam instauravi, modica quoque
celebrata missione sanguinis, quod iterum post alios dies decem a
me repetitum fuit. Et quamvis tunc temporis tuberculum appareret
prorsus depressum, ego tamen inceptum apparatus eodem sum
ordine profectus usque ad dies quadraginta, quibus transactis, quum
abunde pateret, dictum tuberculum, licet sui juris omnino fieret,
non amplius in conspectum se dare, illud tandem solo defensione
Phlebotomiæ vinculo derelinqui, etsi adhuc pulsatio, allatusque sibilus,
longe tamen debilius continuarent.

Hoc in statu voluit Ægrotans e Nosocomio discedere, atque etiam si
intemperanter vixisset, suscepissetque laboriosum artis suæ munus,
quo perfunditur omne fasciarum genus prorsus abjicere coactus fuerit,
in eodem statu se nihilominus conservavit usque ad mensē Februa-
rium anni 1771, quo tempore ego brachium iterum lustrans, duarum
linearum intervallo a recta venæ basilicæ cicatrice idem pullulare
rursus tuberculum animadverti, jam ciceris magnitudine præditum.
Maximum tamen, quod offendi, discrimen in vitiosa positum fuit
pulsatione, ac dilatatione, quæ in brachialis arteriæ trunco fen-
tiebatur, quæque antea solum afficiebat tuberculum; ideoque satis
prospicio, fore ut aliquando ad arteriæ vincturam sit confugiendum.

HISTORIA IV.

QUUM parvum intercedat discrimen inter historiam descripti modo
Aneurysmatis, & historiam alterius, quod mihi se obtulit vi Idus
Aprilis præsentis anni 1771 in perillustri D. Josepho Morello Val-
montonenſi annos nato viginti quatuor, quem ad me misit Joseph
Paolettus Prænestinus Chirurgus; accuratam hujus postremi descri-
ptionem

ptionem omittam, hoc tantum adnotans, Morellum hunc XII kalendas Februarii ex sinistro brachio sanguinem sibi detrahi iussisse; ad hæc intervallo septuaginta quinque dierum non valde increvisse tuberculum aneurysmaticum, quum magnitudinem hætenus non excederet ordinarii phaseoli, ac denique basilicam venam factam fuisse sensibilibiter varicosam; in reliquis enim omnibus hoc Aneurysma supra descriptum tuberculum penitus referebat. Hunc autem ipse Ægrotantem ad divi Gallicani Nosocomium adduxi, ut illum ostenderem Chirurgiæ studiosis juvenibus, & postquam coram iis idoneam institui fasciarum circumductionem, illum ad præfatum Prænestinum Chirurgum Josephum Paolettum remisi, ut eandem vinciendi methodum continuaret. Ex eo autem nuper rescivi, Morellum nostrum, postquam per integrum mensem, nullo tumoris facto incremento, eadem se ratione habuisset, pristinam deinceps, atque omnimodam sanitatem recuperasse.

ANIMADVERSIONES.

NEGARI sane non potest, duo hæc allata Aneurysmata a duabus differre eorumdem speciebus, ad quas post Paulum Æginetam Aneurysmata omnia penes Chirurgos redacta sunt. Præter enim memoratum sibilum, ac non naturalem tuberculi pulsationem a brachiali trunco minime dependentem, omnimoda per solam digitorum pressionem abolitio ejusdem tuberculi, absque eo quod alibi sanguis tumorem pareret, neque veri, neque falsi Aneurysmatis ordinarium profecto symptoma fuit. Et revera putandusne sanguis tam celeriter in eandem arteriam, unde prodierat, per digitorum pressionem redigi potuisse? Id sane rationi valde consentaneum non est. Si autem ille se in arteriam non infert, quoniam quæso abiturus est? Per cellularemne tunicam diffundetur? minime gentium; nam in eadem seipsum manifestaret. Ad hæc, quomodo intelligi potest tam parvum intra quinque, & septuaginta dies Aneurysmatis incrementum? Quomodo poterit varicosa explicari venæ basilicæ affectio? Qua tandem fieri ratione valuit, ut sanguis intra Aneurysma perpetuo fluidus permaneret, neque in duram massam concreverit, ut in omnibus seu veris, seu falsis Aneurysmatibus jugiter contingere animadvertimus?

Plurima a me instituta in duobus hisce brachiis experimenta, quæ brevitati studens silentio prætereo, me impulerunt, ut crederem, in utroque Aneurysmate venæ basilicæ vulnus, vulnusque subjectæ arteriæ brachialis per compressivam vincturam ita invicem in modum anastomoseos coaluisse, ut sanguis a foramine arteriæ prodians per venæ foramen intra basilicam se recta intulerit, & cum venoso commistus sanguine breviorum cum eo circuitum absolverit. En igitur causa, cur Aneurysma tam lente increverit, cur sanguis in illo fluidus permanerit, & cur sola digitorum pressione illico tuberculum penitus evanuerit. Hæc enim omnia, ni fallor, inde fluxisse putanda sunt, quod sanguis in venam statim ingrederetur.

Hæc prorsus inusitata Aneurysmatum species palam ostendit, quam veridicum, æquumque fuerit discrimen a me superius adductum, in vinciendo nimirum, collocandoque brachio secundum vulneris directionem. Si enim vulneratæ arteriæ sanatio a valida, fortique compressione tantum penderet, in his potissimum duobus Viris certo contingere debuisset, in quibus tanta compressio fuit, ut coëgerit duorum canalium vulnera invicem coalescere, in eisque ex duobus osculis unicum dumtaxat efficere, atque insuper ob natam tribus post diebus immanem tumescensionem ad brachium fasciis exuendum Phlebotomistam impulerit.

Diligenti igitur, quemadmodum admonuimus, habita directionis ratione, Genghianaque a missione sanguinis illico instituta vinctura, si hanc quies læsi brachii, ejusque opportunus positus, medicum vitæ regimen, idoneæque venæ sectiones exceperint, perfecta in arteria læsa vulneris coalescentia nunquam deficiet.

Quapropter nil reliquum nobis est, nisi ut jam tandem aliquando accedamus ad exponendam laudatam sæpius vincturam, quam Genghianam iterum appellabo, non quod adamus illi respondeat, qua Bernardinus Genga usus fuit, sed quod is omnium primus ejusmodi vincturam excogitaverit. Phlebotomista igitur, postquam uni ex adstantibus imperaverit, ut digitorum ope axillarium vasorum funiculum strenue comprimat, alteri vero, ut vulneratæ arteriæ pollicem admovendo, idipsum in illa præstet; si torculari destituatur recenti, antiquum torcular ea tænia efficiet, qua in mittendo sanguine utitur, velut superius expositum a nobis est pag. 204 illius Aneurysmatis,

cujus operationem aggressi fuimus. Hinc necessario jam præmissò apparatu, fasciola obligare singulatim incipiet omnes digitos manus, quæ Aneurysmate affecto brachio responder; longiori deinde, latiorque fascia manum revinciet, brachiumque, prius linteis aut spiritu vini, aut posca madentibus coopertum, eandemque fasciam usque ad flexionem cubiti semper æqualiter circumducat, atque constringet; eaque deinceps ministro tradita, compressionem continuabit, atque vincturam, usque ad axillam, remoto prius torculari, sicut me in futoris Juvenis observatione jam præstitisse adnotavi; sed cum quodam tamen discrimine. Hic enim pulvilli esse debent aliquanto duriores, ac medicamento adstringente madidi, ut ovi albumine, vel cum aceto, vel cum vini spiritu, vel cum vino rubro austero, similibusque agitato, quo pariter usus feliciter fuit Bernardinus Genga, arctiorque, & magis comprimens vinctura facienda est. Pro longitudinali pulvillo supra vasorum funiculum, & secundum humerum collocando, rotundum adhibuit Genga frustulum ligni, digitum crassum, linteoque obvolutum, ut vasorum funiculo comprimendo accommodari facilius posset. Absoluta vero jam ad axillam vinctura, ut melius Genga eandem constabiliret, super totum apparatus laram aliam transmisit, longamque fasciam, quam ex opposito, ab axilla videlicet ad manus articulum, circumduxit. Brachium is quidem ad obtusum angulum posuit, sed hic fortasse erat situs, qui ei potissimum conveniret, quoniam feliciter ex animi sententia cessit curatio. Si enim arteriæ vulnus rectum, nec positum oblique fuisset, idem probabiliter contigisset effectus, quem observavimus in nuper relatīs duobus infuetis Aneurysmatibus, ut scilicet cutis in cubiti flexu crassa, mollis, cedensque coalesceret, at non arteria. Ad hæc, bis in die desuper revincto brachio affunderetur aut posca, aut aliud ejusmodi defensivum, quo stabilis nimirum, firmusque in sua sede apparatus omnis consistat, repetendo prout opus fuerit, sanguinis emissiones, quæ vel die ipso vincturæ, si hæc in primis aliquanto arctior extiterit, incipiendæ sunt. Minime vero apparatus renovari debebit, nisi duodecim, aut tredecim elapsis diebus. Et licet vulnus jam sanitati perfecte restitutum esse videatur, proderit tamen apparatus eundem instaurare ad alios octo, vel decem dies, ut arteriæ recens conglutinatio tutior reddatur, atque constantior. Brachium denique ei soli fasciæ, quæ a venæ sectione adhiberi solet, quæque nullam

omnino incommoditatem parit, spatio aliarum aliquot hebdomadam commendando, poterit Patiens sua tandem pristina libertate donari.

SINGULARE FEMORIS ANEURYSMA.

HISTORIA V.

JUVENIS septem, & triginta annos natus, laxa, languidaque fibrarum compage præditus, quum ad liquefaciendum, tundendumque stannum a teneris annis animum adjunxisset, sæpe, ut aris munus ferebat, in officina, sæpe etiam in subterraneis locis diu multumque commorari consuevit. Nullum præterea venereis voluptatibus modum, nullumque ordinem adhibens, americanam luem adhuc adulescens sibi acquisivit. Frequenter item, sine ullo temporum delectu, aves retibus venari solitus est. Ab hinc annis pluribus expositus etiam doloribus fuit, quos ipse podagricos appellabat.

Kalendis demum Novembris, anno 1742, dum pondus ingens attolleret, dextero pede prolapsus, sinistro dumtaxat sese onere pressum, atque ruentem sustentare conatus est; verumtamen hoc eodem conatu tam sævum dolorem in coxendice persequi, ut viribus omnino fractis, humi procumbere coactus fuerit. Ad dolentem locum conveniens admota curatio est, & quamvis hæc per totam hiemem non recte processisset, vacuus tamen dolore ipse vernum, æstivumque tempus traduxit. Primis autem venientis Novembris diebus revixit iterum morbus, cui punctiones itidem acceperunt cum in femore, tum in crure, inter quas crudeliores erant, quæ a genu ad pedis extremitatem pertinebant.

Arcessitus pharmacopola, pro tam immani dolore mulcendo, fomenta, unctiones, aliaque hujus generis præsidia adhibere primum suasit, deinde vero, quum paulo supra femoris medium, duritiem non parvam deprehendisset, auctor fuit, ut morbus Chirurgi committeretur. Chirurghi loco Æger sacrum consuluit hominem, qui, ut ferme vulgus solet, morbum parvi esse ducendum affirmans, hunc sese emplastro ex sambuci floribus, foliisque conflato, facile curaturum spopondit. Verum malo nihilominus ingravescente, omnino mutata sententia est, ac v Idus Novembris ipse tandem sum advocatus.

Inspecto igitur, ut par erat, attrectatoque femore, duritiem illam inveni erectam, circumscriptam, inæquabilem, pulsatione præditam, & naturalem colorem extrinsecus ostendentem. Quapropter, quin tumor hic Aneurysma esset, nequaquam dubitans, morbum magnum esse, & periculosum adstantibus prænuntiavi, atque eosdem hortatus, ut alios etiam Chirurgos consularent, consentaneam viâus rationem præscripsi, ceratumque spermatis ceti ad tumorem applicui.

Pridie Idus ejusdem mensis ad consilium vocatus est clarissimus Jo. Victorius Masini, præceptor quondam meus mihi semper colendus, qui mecum de morbi genere perfecte, planeque sentiens, decrevit, ut altera die leni medicamento alvi sordes expellerentur, sequenti vero sanguis ad decem, aut duodecim uncias, incisa brachii dexteri vena, mitteretur. Hæc omnia, nulla interposita mora, ad illius arbitrium, nutumque peracta sunt, atque etiam insuper de illius sententia, loco spermatis ceti, urticæ, & hypocistidis succus tumentis parti appositus est; quod quidem remedii genus profecuti fuissetus, nisi intolerabilis dolor supervenisset; quocirca, illo amoto, totum femur rosaceo, atque altheæ unguento oblitum fuit.

Verum xv kalendas Decembris, dolore tertia hora noctis invalescente, ante quartam totum femur intumuit, & pulsatio, dolorque adeo sævire in ægotantem cœpere, ut quo se verteret, ille prorsus nesciret; hora vero quarta, in tumentiore femoris loco fragorem repente percepit æger, illi similem, quem ederet tela recenter texta, si manibus hinc inde magna vi diductis finderetur; atque una cum fragore, cruciatu maximo affectus est, qui per horæ intervallum exacerbatus, exinde deferbuit. Circa horam nonam in eadem parte fragor alter obortus est, verum priori remissior, & cujus dolor brevi sedatus est. Tandem quatuor aliis exactis horis auditus est fragor tertius, sed præcedentibus adhuc minor.

Sequenti mane, ægotum revivens, hæc omnia intellexi, totumque femur in duplicem reperi magnitudinem excrevisse, cum dolorosa distensione, locumque affectum ita obduratum, ac tumidum inveni, ut non jam pulsatio sub sensum caderet. Quare nihil prius mihi faciendum putavi, quam ut unguento altheæ, & rosaceo tensionem lenirem, qua mitescente, urticæ, atque hypocistidis succum iterum adponi curavi. Verum, doloribus denuo incrementibus, ad eadem unguenta mox redeundum fuit; & quamvis dolor modo augeretur,

modo aliquid de immanitate remitteret, tumor nihilominus semper eadem mole perstabat.

Undecimo vero kalendas Decembris, tempore matutino, statim atque ab ægro discesseram, tam sævis ille doloribus confictari cœpit, ut exhalare jam animam crederetur; hora tamen elapsa, dolor non parum sedatus est. Quum jam advesperasceret, cognovi, tumorem superius sese extendisse quatuor transversos digitos ad initium musculi fartorii, recti, vastique interni, pulsantem quidem, & adeo tentum, atque æstuantem, ut præter humorum coacervationem, aëris quoque nonnihil illic inesse putaverim. Ægrotum autem postera die, quamvis dolore paululum remisso, viribus tamen valde confectum inveni.

Quocirca primum curavi, ut omnia ei Sacramenta ministrarentur, deinde sempervivum contusum, & cum aceti portione mistum præscripsi. Hoc, licet aliquantisper profuerit, hora tamen ejusdem diei tertia decima, quum dolores immodice augescerent, amoto semper vivo, ad prædicta unguenta æger sua sponte confugit; verum infelici eventu, totam enim noctem irrequietam, nec sine delirio transegit; & præter immanes cruciatus, quidpiam etiam ex femore se pluries sensitse pectore tenus ascendere significavit. Prima verò luce, etsi dolor multò levior redditus videretur, mortem tamen in propinquo esse facies cadaverosa, pulsusque pessimi præsagebant.

Hiscæ ita se habentibus, oborto repentino tremore femoris, aliisque convulsivis motibus, intra tres horæ quadrantes æger mortem oppetiit. Pharmacopola, qui mortui adfuerat, coxam protinus conspicatus, illam flavedine infectam, pressantibus digitis valde obüstentem, & æque ac antea tumidam adinvenit.



SECTIO ANATOMICA CUM ANIMADVERSIONIBUS.

CAUSARUM ignoratio, inquit Cicero, in re nova mirationem facit. Novum profecto videbatur, aneurysmaticum tumorem, in parte infidentem ad vitam minime necessaria, tam brevi temporis intervallo huic misero, atque infelici mortem inferre debuisse. Satis enim superque constabat, plurimos ægrotantes tumoribus hisce vexatos vel in nobilissimis partibus, ut in aortæ principio, aut in ejus curvatura, sicut & ad initium cœliacæ, aut in dextra emulgente (quod utrumque frequenter vidi), non solum in plures menses, verum etiam in annos plures vitam traxisse. Ut igitur, resecta causa, omnis admiratio evanesceret, ipsum cadaver dissecandum existimavi, quod, quatuor, & viginti transactis horis ab obitu, factum est.

Primum vero, internis partibus imi, mediisque ventris perlustratis, adnotanda hæc in eis offendi: Ileum intestinum alicubi leviter inflammatum, superiorem jecoris partem tribus velut fasciis obstrictam gangrænosam, quæ internam substantiam pervadebant binos transversos digitos, inferiorem autem nonnihil rubentem: sterni appendices cartilagineas instar ossis duratas; cava cordis sanguine omnino spoliata, præter exiguum in sinistro ventriculo polypum; foramen denique ovale ita explicatum, patensque, ut calamo scriptorio aditum facilem præbere posset. Cætera omnia naturaliter constituta reperta sunt.

Ut vero quidquid esset in femore vitii penitus cognoscerem, sectionem interius ab ilei sede auspicatus, inventam arteriam usque ad inguen sum profecutus, illamque extricavi membranis circumstipantibus, quæ veluti gangræna correptæ, ilei intestini loca leviter inflammata superius tangebant. Denique incisis inguinis involucris, & ligamento Poupartii (sub quo vasa transeunt, quæ ad totum articulum protenduntur), apprehensa que iterum arteria, dum eam a reliquis segregabam, non longe ab inguine, in supra descriptum tumorem incidi.

Hoc diligenter dissecto, concretum sanguinem reperi, cujus pondus tres libras, & semissem æquabat. Concretus hic sanguis sub musculo sartorio, ac inter vastum internum, partemque tricipitis, secundum vasorum ductum, fere ab inguine usque ad flexionem genu juxta rectum musculum extendebatur. Sanguine hoc adempto, abstergoque

tumoris cavo, tertio se mihi in conspectum dedit arteria, in qua lacerationem inveni duos transversos digitos longam.

Ab hac fane mortem citissimam (*) ægroto inferri potuisse satis apertum est; cur autem arteria vix flexuosa, in abdito sita, validisque firmata musculis, tam cito frangi debuerit, non æque clarum. Ut igitur & hoc intelligerem, arteriæ ductum cultro secutus, aliosque duos transversos digitos prætergressus (quo in tractu ea integra, & naturalis reperta fuit), illam conspexi in alium tumorem porrectam, ad ovi magnitudinem accedentem. Tumore aperto, sanguinem in eo ita concretum, & coacervatum offendi, ut reliquo a corde venienti iter ad inferiora omnino præcluderet.

Hoc etiam sanguine ablato, de secundo Aneurysmate aperte constitit, in quo, præter arteriæ amplificationem, intus corrosio conspicebatur duplici in loco; in altero exterior tantum membrana arteriæ illæsa, cæteris corrosis, restabat, in altero vero corrosio tam altas radices nequaquam egerat. Inter hæc loca quasi sepimentum aliquod intercedebat, ita positum, ut valvulæ munere fungeretur. Adhæc interior tunica arteriæ, nondum expansæ, verum utriusque tumoris expansioni proximæ, sicut & tumoris utriusque tunica interior, in tenuissimas lamellas perinde diducebantur, ac si caustico liquore tactæ fuissent; quod mihi copiam largissimam fecit perspicue videndi musculosæ membranæ carnosas fibras, antehac nunquam tam clare visas.

Ex omnibus hisce apertum, atque exploratum esse arbitror, ob infernum tumorem arteriam superius disruptam esse, mortemque deinde celerissime consecutam. Tumor enim inferior, quum sanguini viam juxta arteriæ axem penitus interciperet, causa fuit, quamobrem remoratus sanguis, assidueque a vi cordis impulsus, latera vehementius urgeret, & illa distraheret, diffringeretque. A sanguine autem intercapedines musculorum, atque adjacentia vasa modo majori, modo minori copia subeunte, quin reliqua descripta symptomata repetenda sint, nullus dubito.

Jam vero in memoriam revocare non pigeat, arteriam femoris ab inguine sub sartorio musculo quasi recta descendere, atque interstitia

(*) Comm. littér. an. 1742, hebdom. 32, num. 2.

stitia vasi interni, & tricipitis transeundo, quinque, aut sex digitos transversos super genu sub ejusdem tricipitis tendine cum vena simul ferri; trajectoque hoc tendine, sub poplite, pariter cum vena, incedere, & sub musculo gemello, ac solari transire, eodemque ordine toto in crure servato, usque ad pedis extrema progredi.

Hiscæ animadversis, consideremus denique hominem, grave pondus manibus attolentem, altero pede prolapsum, & totis viribus alteri tantum innixum. Quid illi quæso contingeret? Trahetur summa vi chorda magna, inflabuntur muscoli gemellus, atque solaris, sicuti & triceps, cujus tendo, in hoc corporis posito valde tentus, transeuntem sub illo arteriam, venamque comprimet, & impedimento erit, quominus sanguis libere per arteriam ad inferiora feratur. Ad hæc, abdominis musculis validissime agentibus, etiam a tendinibus oblique descendentibus, & a ligamento Poupartii subiecta femoris arteria multum premetur; ab his vero pressioibus detento, aut interrupto processu sanguinis, mirum, quam vehementer latera arteriæ impellentur, quæ si præterea infirma fuerint, atque imbecillia, ut erant in ægrotante, ob ingentem corporis constitutionem, ob Americanam conceptam luem, ob ejus exercitium artis, pluraque errata, eo sane distentionis pervenient, ut vel quiescente pressione, non jam in integrum restitui possint.

Quo vero hæc omnia illustria magis, & in aperto essent, figuram ad illa annectere visum est, cujus ope, quæ de Aneurysmatis hujus natura præfati sumus, oculis ipsis spectanda quodammodo præberentur. *vid. Fig. IV Icon 7 (*)*.

ANIMADVERSIONES.

Hoc femoris Aneurysma, nisi chirurgicæ, atque anatomicæ res me penitus fugiunt, adamussim comprobare videtur, quem hætenus evincere conatus sum per lateralia se inosculantia vascula cruoris transitum, quotiescunque in arteriæ cruralis trunco obstaculum aliquod invenitur. Hinc enim cruralem arteriam, sicuti in Figura IV videri potest, tanta vi, ac celeritate se discidisse putandum est, quod

(*) In fig. I, Guzzani arteriæ cruralis cursum delineavit, illam suppressi, multo curatius quippe idem præstitit Murray, v. *Icon 14*.

lateralia illius vascula nondum adepta essent eam amplitudinem, quæ cruralis arteriæ defectum compensare valuerit, dum sanguis festinanter concrefcens penitus illam occlusit; ex quo evidens rursus fit meæ compressionis utilitas, cujus notitiam si ego tunc temporis habuissem, a me profecto prætermiffa minime fuisset, nam illius ope coërcito per cruralem arteriam sanguinis cursu eadem arteria arctè revinctis fasciis firmata tam violentæ dilacerationi obstitisset, tempusque idoneum lateralibus ramulis concessum esset, ut paulatim se expanderent ac dilatarent; interim vero sanguinis grumus dissolvi, atque ad primævam redire fluiditatem potuisset; & denique arteria vel penitus aboleri, uti monstrat Fig. II, Tab. I, vel coarctari summo pere, quemadmodum exhibetur in Fig. III, Tab. I.



ANTONI MATANI

PISTORIENSIS

IN ACADEM. PISAN. PUBL. PROFESS. SOC. MONSPEL. SODAL.

DE

ANEURYSMATICIS

PRÆCORDIORUM MORBIS

ANIMADVERSIONES

JUXTA EXEMPLAR LIBURNINUM

RECUSÆ.



MATANI PRÆFATIO.

§. I.

MEDICINÆ ORIGO.

CÆLESTEM illam, ac pene divinam Salutaris Artis originem, quæ nonnisi perspectis ægritudinibus inspirata humano generi statim affulserat, tamen diu multumque imperitorum fraudibus circumseptam, eademque mythologicis obumbratam superstitionibus veteri commento latuisse compertum sit, tum præcipue veluti divinitus communi societatis bono concessam apparet enituisse mortalibus, quando inclinantibus Empyricorum fortunis ad Rationales phænomenorum observatores sedulo considerata Medicina migravit, majoremque apud illos perfectionem Philosophicis condecorata ornamentis est assecuta. Tunc itaque probe cognitum inter ea, quæ non modo proficua, sed universis necessaria constituuntur, perfectam potiori jure valetudinem esse computandam, sine qua nulla societati hominum accedit felicitas, nulla quies, ac nulla tranquillitas, cum ejusdem maxime auxilio naturales, animales atque vitales ita dirigantur actiones, ut quibuscumque rebus adversis haudquaquam supervenientibus, constanter & opportune perfici queant, quin aliquod exinde opponatur impedimentum, dum corpus ad earundem peragenda munia rite disponitur.

§. II.

REMEDIORUM VETUSTAS.

QUUM autem dignoscendarum ægritudinum Rationali Medico munus incumbat, ut adjutricem exinde manum porrigat ægrotantibus, nemo non videt, quam infelix dicenda illorum conditio esset,

qui Medicina adhuc adolescente sese nudis Empyricis tradidissent. Longe tamen infaustam prædicaverim, si eminus attendatur calamitarum vetustas, quæ initio terrarum orbis caput extulit, & ad perniciem hominum inuenta est. Ac profecto dum hanc sæpenumero mecum ipse tacitus cogitarem, miserrimam reipsa putandam esse censebam, quotiescumque memorandum præsertim expenderetur momentum, quo humanæ naturæ imbecillitas eo deducta est, ut Divinum imperium primus hominum parens incaute detrectaverit, ac immensum proinde ægritudinum agmen, natisque dolentibus necem ipsam intulerit. En igitur deperdita quies animi, labefactata corpora, omnesque repente superstructæ calamitates, quas ad nos usque tractas veteri patimur infortunio, sive metuimus imminentes. At jure quidem ac merito lamentari quilibet videretur, etsi de iis dumtaxat cogitaret ægritudinibus, quæ postquam omne medicaminum auxilium prius eluserint, dum corpus assidue perturbare conantur, permulta eidem adhuc languenti minitantur infortunia, usque dum humanitatis debitum interveniente morte persolverit. Sed cum vel ab iis unusquisque abhorreat, quæ sive ab exantlatis pro societatis & humanæ vitæ regimine laboribus, sive a tot tantisque adversis rebus proficiuntur, atque hujuscemodi molestia extiterit admodum per-vetusta, quæ si somniatam Præadamitarum hypothesim liceret amplecti, antiquior Adamo ipso censi forsitán posset, hinc post illata infortunia perspecta illico remedia sunt, quorum ope infensissimi quique morbi arceantur, a quibus corpora hominum depascuntur. Sive igitur revelata primo Parenti Medicina consideretur, quæ triplici animalium, plantarum ac mineralium regno innitebatur, sive acquisita, quæ indigentia atque industria opus censenda est, variisque in præsens ac multiplicibus ornatur inventis, nemo inficias ibit, Salutarem Artem, quæ in depellendis humani corporis morbis versatur, præstantissimam extitisse, ac veluti ex hominum indigentia, atque ex assidua cujuscumque temporis Medicinæ cultura consequitur, omnibus cujuscumque iadolis necessariam.

§. III.

MEDICINÆ PROPAGATIO.

NEQUE aliter cogitandum apparet, si Medicinæ progressus expendi velint, quoties intervallum a Mundi exortu usque ad Ægyptiorum

imperium attente investigetur, quo quidem tempore, etsi perpauca, neque graves sive ex aëre, sive inopportuna vitæ transigendæ ratione, sive corruptis moribus morboſi grassarentur affectus, illis tamen, qui vel ex necessariis peregrinationibus, haudquaquam interrupta arborum cultura, inopinata animantium noxa, assidueque laboribus insurrexissent, homines rudi licet medicamine medebantur. Quum vero Medicinæ incrementum alio delatum ex Assyriis, Babylonis atque Chaldæis, apud quos valde viguerat, ad Ægyptios migrasset, qui vetustissima Medicinæ semina detinuerant (a) adaucta tunc morborum caterva sedulam extorquere opem visa est, unde Diætetica, atque Chirurgica, quantumvis fortuita & Empyrica, quæ dominari cœperat Medicina, Iſide, Oſiride, aliisque medentibus sub prioribus Ptolemæis, & Cleopatra, Ptolemæi Ægyptii Regis filia, & cum alio ejusdem nominis Cypri Rege conjuncta (b), quam Medicinæ peritam jaſtant Historici, auspice Philoxeno latius extendere fines suos incœpit, multisque adinventis medicaminibus adaucta est (c), donec a sapientissimis, felicissimisque Græcorum gentibus exculta fuerit, quos multo feliciores dixerim, ni post captam a Saracenis Alexandriam combustam doluissent ab Arabibus Bibliothecam. Tunc etenim litteras scientiasque præcipuas Perſis familiares accepimus excidiſſe, veluti infausto contigit Italiæ eventu, quando ipsam a Gothica barbarie legimus occupatam.

§. IV.

GRÆCORUM SAPIENTIA.

GRÆCI tamen, cum Medicinam præferim ad Numina sibi ipsis pecuniaria referrent, Apollini, & Æſculapio quam plurima construere delubra, multosque Ethnica superstitione in Deorum numero retulere, eorumque placitis, non secus ac Getarum, Tibiorum, Phrygum, & Thracum ritibus, libenter obtemperarunt, tuncque Clinica, Veterinaria, atque Gymnastica inclarescente Medicina Pythagoras, Apſirtes, Theomnestus, Pelagonius, Pranagoras Nearchi

(a) Vid. Calm. Differ. de Veter. Judæor. Medicin.

(b) Vid. Vaillant Histor. Ptolemæor. & Vesling. Opobals. Vindic.

(c) Vid. OMHP. Οδυσσ βιβλ δ.

filius, Heliodorus (a) alique Physico-Medici insurrexerunt, quos inter Heraclitus & Democritus recensentur, qui saluberrima Medicinæ præcepta, ut ad feros exinde nepotes clariora luculenter transmitterent, prudenter excoluerunt, horumque postremus permulta ab Ægyptiis, Gymnosophistis, & Magis didicerat; ut firmiora Salutaris Artis dogmata constitueret, etsi Heron Agrigentinus Poëtica imagine leges Empyricas atque fatidicas Egyno, Euryphonti, & Apollonidi aliisque Medicis reddidisset. Insanum quidem progressu temporis abjicere Græci meditati sunt Ægyptiorum decretum, quo Adrastia veluti lege prohibebatur, ne quis præter normam a veteribus traditam morborum curationes aggrederetur, pariterque Æsculapii simulacro nodosum baculum, atque draconem apposueret, sapientiam prudentiamque Medico necessariam non obscuro ænigmate depingentes (b). Et quemadmodum Heliopolim, quæ antiquitus summopere claruit, extollebant Ægyptii, atque nunc Turcicæ religionis solitarii, abditusque recessus est, quod olim Philosophiæ veluti theatrum Platonem, Homerum, Solonem, aliosque plurimum fuisse veneratos comperimus, cum priora ibidem doctrinæ lumina suffuraverint; ita celeberrima floruerunt apud Græcos athenæa, Crotoniense præcipue, Rhodium, Cnidium, Atheniense, Coum, atque Smyrnæum (c), quorum primum legimus illustratum a Democede, quem Darius Persarum Rex multis honoribus insignivit, postremum vero fama Medicorum, in quorum honorem nummi fuere percussi (d) summopere celebratum. Quum vero annuente fortuna mortalibus venerandum affluisset Couus Hippocrates, hic subdolis Medicinæ leges despiciens Dogmaticam, sive Clinico Rationalem invexit (e), ex qua Diætetica, Pharmaceutica, atque Methodica, Asclepiade, Galeno, Themisone, multisque clarescentibus Medicis proflixaerunt.

§.

(a) *De ipso alibi locus sum.* Vid. Dissert. Epist. ad Jos. Franc. Peon. in qua de Heliod. Lariss. diff. & nonn. circ. al. ejusd. nomin. expon. & illustr. pag. 45. §. 4.

(b) *Vid. Hundermark de Increm. Art. Med.*

(c) *Vid. Dan. le Clerc. Histoire de la Médecine l. 1. chap. 17.*

(d) *Vid. Richard. Mead. Dissert. de num. a Smyrn. Medic. honor. percuss.*

(e) *Rationis subsidio fuisse illustratam alibi demonstravi.* Vid. Orat. de Rat. Phil. ejusd. præf. pag. 17.

§. V.

ROMANORUM SECTÆ.

HINC exculta sunt penes Romanos Medicinæ dogmata e Græcia ipsa delata, cum universa methodus, quæ apud Græcam Medentium Rempubicam perierat, apud Romanos cum Imperii magnitudine feliciter adoleverit, ac fuerit ab Arcagatho, cui e Peloponneso Romam adveniant traditum Jus Quiritium, & tabernam in Acilio accepimus elargitam, ipsis communicata (a), eamque M. Cato, Antonius Musa, Cellus, & alii supra cæteros coluerunt, quos inter Vestius Valens recensetur, qui nobilitatis ex adulterio Messalinæ quoddam assecutus fuerat ornamentum. En interim cum apud Græcos Episynteticæ, Pneumaticæ, & Ecclesiæ sectæ Leonidas, Archigenes atque Athenæus viri cæteroquin clarissimi sectatorum characterem induerint, plures eorumdem obscurare famam apud Romanos sibi suaserant, qui de quæstu summopere cogitantes veluti divites dumtaxat agnoscebantur, ut de Albutio, Cassio, Rubrio, aliisque narrat Historici Medicinam Romæ tum temporis exercentibus. Sed ipsorum exemplo Persarum legibus a Maomethe pseudo-propheta sancitis perspectum est illius ævi Medicos paruisse, cum apprime necessariam putaverint Medicinam: Patet enim, Cmannum Maomethi hæredem plures Medicos codices in usum Bagdaditarum, sive ut aliis lubet, Babylo-niorum post Imperii Persici invasionem liberaliter contulisse.

§. VI.

SCIENTIA ARABUM.

ARABUM interim dogmata communia cum Caliphis inceperunt, atque a celeberrimis viris, inter quos supra cæteros Honasmus, Osai-ba, Alchindus, atque alii recensentur, in Asia præsertim, Africa, & in aliqua Europæ plaga diligenter exculta sunt, varique in Arabicum idioma ipsis vernaculum jubente Almamone Abassidarum, & Bagdadensium Calipha translati codices non solum a Nobuishio Ethnico, sed a Georgio Bachtishua Indorum Medico, nec non Honaino Arabico, illisque filio, qui religionem christianam profitebantur. At vero quæ

(a) Vid. Plin. Nat. Hist. l. XXIX, cap. 1.

non modo ex Assyria, Mesopotamia, Phœnicia, Lybia, Crotone, & Cyrene, sed Gnido, Rhodo, aliisque delata regionibus per totum Orientem usque ad Sinensium Imperium viguerat Medicina (a), & quæ inclinatis Romanorum rebus, Græcis, ac Romanis adempta, & ad Arabes (b), & Mauritanos traducta fuerat, postliminio Græcorum ita informis in Latiumrediit, ut vix a suis agnosceretur, atque iterum a Romanis excepta cum adeo eandem excolerent, ut peculiarem præ se ferret nobilitatem, majestatemque; hinc summos honores Vespasianus, Hadrianus, & Antoninus Pius esse Medicis tribuendos sancitis exinde legibus decreverunt, ipsorumque exemplo Julianus munificentiae argumenta non absque honorifico Salutaris Artis testimonio impertitus est Medicis præstantissima, atque inter sapientissimos recensendus ille esset Imperatores, nisi barbaro, & hostili adversus Christianos odio sævire perperam decrevisset.

§. VII.

MEDICINA APUD EUROPÆOS.

PROPAGATA igitur per Latium Medicina cum in universam migrasset Europam, ibi paulatim imperium, propriamque sedem summa cum gloria constituit virosque celeberrimos non amplius in fabularum tenebris trepidantes patronos habuit, atque administratos. Habuit præ cæteris Martianum, & Mercurialem Italia; Fernelium, & Duretum Gallia; Anglia Sydenhamium, Freindium, atque Meadium; Valesium & Mercatum Hispania; Germania Schenkium, Forestum, atque Platerum; Bœrhaavium Batavia; Dania Bartholinos; Bauhinos Helvetia, aliosque cæteræ nationes habuere doctissimos viros, quibus acceptum Medicina refert peculiare decus, & ornamentum. Hujusmodi profecto Medicinæ præstantiam longe lateque diffusam, atque a celeberrimis viris uberiores redditam nonnisi ex Orientalis sapientiæ

(a) Hanc ab Esseniis fuisse deductam probabili assequimur conjectura: Eos autem animi ægritudines, non vero corporis sanasse veterum nonnulli opinati sunt, sed rem diligentissime illustravit Carpozovius *Adn. ad Goodwinum l. 1, c. 12, §. 1, p. 117.*

(b) Inter hos eminet Avicenna, quem multarum rerum haud expertem fuisse omnes testantur, & plus commendant quam Averroë, Mesuem, Avenzoarem, Almanzorem, Serapionem, aliosque Medicos Arabes præstantissimos, licet Muhammedicæ superstitionis tenacissimum vocet Seldenus *De Jur. Natur. & gent. sec. discipl. Hebræor. l. VII, cap. 1, pag. 829.*

fonte manasse fatendum est, quoties Philologia universa spectari velit apud nationes illas exulta, atque hæreditario veluti traduce propagata: Novimus etenim, in ipso Asiæ vestibulo litteras, scientiasque omnes apud Judæos in urbe Dabir (a) longo tempore floruisse, non secus ac Phœniciæ populos in promovenda Scientiarum cultura compertimus infudasse, proindeque Indorum Brachmanes insurrexisse, qui supra cæteros uberiorem doctrinæ famam complexi sunt. Et quemadmodum apud veteres ipsos semper fuit in more positum, ut non modo præstantissimos viros venerentur, & inter Deos referrent, qui sive magnanimitatis, sive prudentiæ, sive aliarum animi dotum notas quaslibet ostendissent, sed vel eos celebrarent, qui jacentes litteras excitarent, ut Philadelphum Ægyptii, Attaium Pergameni, Mecænatem Rōmani, ita & inter Medicos celeberrimos, de quibus gloriabatur antiquitas, Salomon Hebræorum, Hermes Trismegistus Ægyptiorum, Sabiel & Evax Arabum, Gyges, & Saborus Medorum Reges, Mesue Regis Damasci nepos, aliquæ summas laudes adepti sunt. Si igitur Salutaris Artis cultura magno semper in pretio habita est, adeo ut ubicumque viri floruerint præstantissimi, fatendum sanè est, necessariam utilemque illius cognitionem non modo ex hominum indigentia, sed ex assidua apud quascumque nationes ejusdem addiscendæ cupiditate deduci posse, ex qua Artis jubar insurgit, ejusdemque nobilitas enitescit.

§. VIII.

MEDICINA ETRUSCORUM.

VERUMTAMEN & Etruria nostra præter alias Europæ & Italiæ partes non modo tot tantosque, qui Litteras Scientiasque auxerunt novis inventis, & Philosophiam præcipue antiquitus coluerunt (b), summo opere veneratur, nec non labentibus exinde temporibus Vespuccium, Galileum, aliosque laudibus evehit quam plurimos, sed etiam præstantissimos in Medicina commendat viros, quos inter Cæsalpinus, Reditus, atque Bellinius videntur præ cæteris jure quidem, ac merito computandi. Univerfa præter ipsam Italiam, qua late

(a) Vocatur in sacris literis civitas litterarum. Vid. Josue cap. 15, v. 15; & Judic. cap. I. v. 11.

(b) Vid. ΔΙΟΔΩΡ. ΣΙΚ Βιβλ. 9, & Bruker Hist. Philosoph. Tom. I, l. 2, cap. 10.

patet Europa, non solum viros habuit celeberrimos, sed plurimos nunc quoque habet, quibus Salutaris Ars multum debet. Hujuscemodi Medicinæ cultoribus tot inventa debentur, tot commoda, quæ sunt progressu temporis adinventæ, adeo ut, quicumque amœnissimos lustrare Medicinæ campos in votis habet, ut selectiora quæque colligat, uberrimam sæpenumero messem observationum citra exspectationem agnoscat se reperisse, ut nihil amplius optari posse plane sentiat, & ingenue fateatur. Neque alienam a veritate protulisse sententiam dicendus ille esset, quoties sola cadaverum extispicia confiderentur, quæ maximam titubanti Medicorum animo quietem largiuntur, ut exinde quiddam confuse edoctum, perceptumque fuerit, tutius observatorum oculis innotescat. Antiquariis equidem feliciorum Medicum prædicaverim, qui non rariora Imperatorum Regumque cimelia invisere diuturna suscepta peregrinatione compellitur, ut admiranda naturæ arcana, atque artis portenta contempletur : Valetudinaria enim ubicumque posita sunt, quæ ab inducæ a Romanis servitute sunt adumbrata (a) atque ostingentis jam elapsis annis latius ad communem hominum utilitatem propagata, ubi penes arbitrium est quascumque animadvertere, majorisque momenti ægritudines, nec non mortuorum corpora Anatomico cultro subjicere, atque ex assidua, & vigilanti eorumdem contemplatione quodcumque rarum ac peregrinum obvenerit adnotare. Hæc autem dum mecum ipse vel statim ac Medicinæ tyrocinia susceperim, animo volutarem, Etruscorum felicitatem magni faciendam censebam, cum apud ipsos supra cætera, in quibus CÆSARIS elucet munificentia, atque Etruriæ Præsidum vigilantia, permulta valetudini servandæ apprime necessaria constituantur (b). Quum vero hujuscemodi abuti nefas esset emolumentis, hinc vel dum Praxeos limen attingere aggressus sum, rariores naturæ lusus peculiari genio sum contemplatus, ut quiddam exinde frequentius accideret, sedulo meditarer : Videbam etenim, quod si quid est in me literarum, si quod veritatis studium, Etruria mihi elargita est, quæ propria commoda omnibus æque affluenter, ac liberaliter impertitur, pariterque noscebam, disci plurimum posse

(a) Vid. Zorn. Opusc. Sacr. Tom. I, pag. 336. Schulz. Dissert. de Serv. Medic. Midlet. De Medic. Veter. Cond. & Brunings Antiq. Græc. cap. 30, §. 3.

(b) Inter hæc Pisana recensentur balnea, de quibus accuratissime differtis Cocchiuss, Vid. De Bagni di Pisa.

jam aliqua extante discendi cupiditate, ceu Demonico suo inculcare sæpe sæpius Isocrates (a) consueverat. Hisce itaque permotus rationibus necesse mihi esse arbitrabar prænoscere mihi largitas proficiendi occasiones, nobilissimumque Medicinæ studium, de quo summo opere glorior, attente persequi, ut probe cognoscens

Nec sibi, sed tui genitum se credere mundo (b)

hominum valetudini tutius invigilarem.

§. IX.

OCCASIO SCRIBENDI.

HÆC dum olim Florentiæ peragerem mirabar profecto, multiplices in præcordiis, ubi Vestalis ignis nativos lares, & focum habet, ægritudines suboriri, quæ nullam propemodum curationem admittere videbantur. Sed multo magis mirabar, cum paucos perlegerem clarissimorum virorum libros, qui de præcordiorum morbis ad Aneurysmatum præcipue classem referendis fusius agerent. Videmus etenim quandoque, & non absque stupore videmus, cor ipsum admodum dilatarum, illiusque cavitates crebro protensas; artamen hujuscemodi morbum haud accurate descriptum reperiri non ipse dumtaxat fatebor, cum clarissimus Imperialis Archiater Gerardus Baro Van-Swieftenius præcipuum hujus sæculi decus, & ornamentum id ipsum animadvertit, ubi de vulneribus sermonem instituit, dum celeberrimi Præceptoris Aphorismos pro more suo mirum in modum enuclearet. Atque ego ipse, si Lancisium, paucosque alios exceperis, parum, aut nihil de præcordiorum Aneurysmate videbam scriptores fuisse locutos, ac si aliquas adinvenissem relatas observationes, mere practicas esse dolebam, nec non huc illucque adeo per libros dispersas, ut nonnisi magni laboris esset utiliora quæque colligere, atque colligendo disponere. Ecquis igitur ad congregiendum cum hoste vaferimo incitabitur, nisi prius ejusdem vires, strenuamque naturam aperte cognoverit, abditosque recessus ignorare se fateatur? Optandum sane, ut præcipuæ colligerentur in posterum observationes præ-

(a) Προς Δημοδον λόγ.

(b) Vid. Lucan. Phars. lib. 2. vers. 383 & Cicero. Offic. lib. 2.

cordiorum Aneurysmata respicientes : Tunc enim ætas nostra præstantium ingeniorum ferax, qua

. tenet insanabile multos
Scribendi cacoëthes (a)

sedulam Aneurysmatum id temporis semper ingravescentium descriptionem suppeditabit, proindeque nisi hostilem debellare morbi naturam, illius saltem vires retundere permolestum non erit, & difficillimum. Ego equidem quibusdam a me institutis observationibus alienas addere, easque præcipue, quæ raritatis charactere donari videntur, minime recusavi, veluti videmus Bartholinum (b), Van-Hornium (c), & novissime Heisterum (d), supra cæteros peregrisse, ut certis quodammodo firmatis principiis aliqua non inutilia proponerentur, quorum ordinem cursim rapidumque arbitror exponendum, cum illud, quod semper fuit apud eos in more positum, qui in lucem essent librum aliquem prolaturi, ut nempe nonnulla præfari decernerent, id sane unum respicere videatur, ut lectores nimirum de operis utilitate certiores facerent, atque ordinem rerumque synopsis exponerent.

§. X.

OPERIS DISTRIBUTIO.

ANEURYSMATUM itaque præcordia torquentium cognitionem haud exoletam a Galeni temporibus, tamen Græcis omnibus Arabicisque Scriptoribus hujuscemodi morbos innotuisse nonnulli sentiant (e), repetendam tutius esse decernitur, proindeque clarior eorumdem idea præmittitur, ex qua variantes emergunt species ægritudinis, quæ plus minusve pro variis causis gravem induere naturam videtur. Hinc nil repugnare arbitror, quominus præternaturalis cordis amplitudo ad talium affectuum classem reducatur, cum ex amplitudine

(a) *Vid.* Juvenal. Satyr. VII, vers. 51.

(b) Anas. Aneurysm. dissect. hist.

(c) *Epist.* de Aneurysm.

(d) *Vid.* Annal. Acad. Jul. Sem. XII, pag. 87.

(e) *Vid.* Planque Bibliothèque choisie de Médecine Tom. VI, p. 2.

vaforum idem ambientium possit quam sæpissime proficisci. Nonnulla interim circa polypos offeruntur proponenda, quæ ad morbos, de quibus præcipue sermo instituitur, inferendos haud leviter apta sunt. Porro quomodo efformentur Aneurysmata exponitur, ut variantes effectus facile quidem ad proprias, etsi non semper easdem causas, referri queant. Quum autem teneriorem infantum ætatem multis, iisque gravissimis succumbere morbis perspectum sit, id unum vel maxime inquiritur, utrum Aneurysmaticis præcordiorum vitiis obnoxia sit, quod ego pro certo habendum esse reor, quoties errata ipsis communia expendantur diligentissime. Neque aliter autumandum de adultis fateor, qui non modo diversas aëris, & anni temporum vicissitudines experiuntur, ex quibus non leve damnum exsurgit, sed locorum delectum despicientes gravissimos sibi morbos accersunt, qui præcordia vehementer adoriuntur. Quod si errores in sex non naturalibus rebus attente considerentur, haudquaquam remotas Aneurysmatum excogitari causas sit manifestum: Hinc etenim inopportuna corporis exercitationes ex Græcorum, & Romanorum temporibus propagatæ, hinc peculiare morboſi fœminarum affectus ad æternam sequioris sexus formidinem constituti, hinc Lues Aphrodisiaca ad humani generis perniciem subcrescens, hinc denique educationum abusus ideo vetustissimos, ut Medorum Abyrtaces ab Athenæo (a), & Plutarcho (b) relatos antecellere videatur, argumenta non inutilia Aneurysmatum explicationi suppeditant.

§. XI.

ANEURYSMATUM COGNITIO.

OPTANDUM mehercule, ut quædam tutior & accuratior diagnosi proponeretur, ex qua ægritudinis exitus dignosci valeret, veluti in quibusdam pluries animadversis morbis usuvenit, qui facile quidem a Medicis sapientioribus dignoscuntur. Jam ex observatis id unum vel maxime elucet, permulta Aneurysmatum & polyporum innascentium latuisse veteribus argumenta, neque facile nimis esse, ex constitutis quibusdam signis statim agnoscere, utrum Aneurysma, five

(a) Βίβλ. γ. . .

(b) Συμπρω. δ. . .

polypus præcordia adoriatur, cum affectiones utraque communia quædam symptomata comitentur. Clarissimi tamen non defuere viri, qui ex assidua hujusmodi morborum cognitione notabiliores quosdam respexere characteres, ex quibus vel Aneurysma, vel polypus deduci posset, etsi fidenter nimium asseverare quispiam quandoque malit, unum, aut alterum vitium in præcordiis delitescere. Non pauca præfectio præsto essent exempla, ex quibus aperte concluditur, celeberrimos quosdam viros adeo tuta collegisse signa, ut morbum, qui diu latuerat, ejusdemque gradus fuerint illico divinati. Doctissimus sit instar omnium Alexander Knips Macoppe primarius in Athenæo Patavino Praxeos Medicæ Professor, qui cum anno 1695 ad invisendum Carolum Patinum in eodem Athenæo Medicinæ Professore clarissimum vocatus esset, extare polypum in aorta nulla interjecta mora Medicis adstantibus pronuntiavit, quos tanti viri oraculum irridentes ægrotantis interitus rubore complevit, eo quod scito cadavere polypus in aorta locatus deprehensus fuisset, qui sedulo animadversus epistolæ summo plausu exceptæ, atque e Germania jam ægrotanti transmissæ, Medicosque conticescentes reddentis occasionem illustrandæ præbuerit opportunam: Qualiacumque enim ab aliis Medicis pronunciata comperimus in irritum cecidisse visa sunt, cum modo pectoris Hydropem, modo Asthma humorosum, aut siccum, aut convulsivum, modo pulmonis vomitam, modo arterias crassis redundantes humoribus, modo alia diversæ indolis in media extitisse cavitate corporis credidissent. Neque rara admodum sese offerunt Anatomicorum inventa, quæ de nonnullis absolute cognoscendis eventibus quoscumque certiores faciunt, quibus naturalia arridere phænomena consueverunt. At cum non tam facile variantes prænoscere constitutiones corporis concedatur, hinc haud variabiles statui canones nequeunt, quibus firmiter constitutis sedula prognosis emergat & accurata.

S. XII.

EXITUS PRUDENTER INVESTIGANDUS.

QUÆ tamen vel ad diagnosim firmandam decernendamve prognosim conspirare tutius consueverint, adducere optimum duxeram; sed prudentis est utiliora quæque colligere, ne error aliquis in pronuntiandiis

ciandis quibuscumque propositionibus ægro perniciosis insurgat. Ad-
ductis autem, nisi aliquis absolute mederi queat ægritudinibus, auxilia
quædam proponenda censeo, quæ, etsi quandoque non prosint,
obesse tamen nequeunt ægrotantibus, si adhibita fuerint opportune;
Medicus enim semper laude dignus censetur, quotiescumque in morbo,
qui suapte natura agnoscitur insanabilis, adeo ejusdem Symptomata
compescendo lenire valeat, ut nisi salus sit attendenda, diuturniorem
saltem lucis usuram ægrotanti polliceatur. Hujusmodi vero hæc,
ne obruerer copia rerum, ideo elucubrare meditabar, non ut ab-
solutam, riteque dispositam tractationem proponerem, sed ut animad-
versiones quasdam a me institutas, atque ex generalioribus deductas
principiis, veluti efflagitantibus sponponderam, evulgarem, quæ nisi
Medicorum expectationi responderint, alios fortassis ad inquirenda
veriora excitabunt, ac si nil ex eis, quæ a me fuere propo-
sita, legentibus arrideat, ea procul dubio arridere considerem, quæ ex
aliena præstantissimorum virorum sententiâ lectorum oculis subji-
cuntur. Hæsitabam profecto, utrum has qualescumque observationes
publici juris facerem, cum probe cognoscerem, quodcumque evul-
gatur universi Orbis hominibus exhiberi: Metuebam enim, ne in-
genium meum, quod sentio, quam sit exiguum, in re tanti momenti
humilia nimis proferret, quin in scientia, & judicio Physico-Medi-
corum securum acquiesceret. Verum cum attente considerarem, qui-
buscumque in libris, qui evulgantur, semper aliquid reperiri, quod
prodesse Societati hominum possit, hinc me hærentem dubio quod-
dam impulit genium communis ægrotantium emolumenti, ut quid-
quid nimirum de Aneurysmate præcordiorum, ejusque peculiaribus
causis sentirem fidelibus Medicorum oculis subjicerem, plane confi-
dens, eos quæcumque in præfens proponam, benigne laturos, quæ
fortassis meliora erunt cum majorem observationum numero compa-
ravero. His, aliisque fretus rationibus opus exegeram, quod nisi pla-
cuerit perpolita dumtaxat, & diligenter elaborata probantibus, ab iis
saltem non contemneretur, qui cum pietate, suavissimisque moribus
non destituantur, etiam mediocria non despiciunt, eo quod opero-
sum esse agnoscant, quod evulgatur. Atque, ut ingenue fatear, non
ea omnia, quæ vel a doctissimis viris fuere conscripta, semper veri
speciem præ se ferunt, non observationes omnes accurate institutas
esse fatendum est, adeo ut præter ea, quæ a quolibet de proprio

penu congeruntur, ea etiam, quæ jam palam fiunt, sint expendenda, atque observationes iterum peragenda, ut si quid temere & inconsulto perceptum fuerit, corrigatur: Medici namque munus est, ex universa observationum messe manipulos quasi colligere, & deleterias a genuinis sejungere. Id autem non absque labore summo obtineri posse dicendum est, si de iis præcipue sit cogitandum, qui arduum Medicinæ studium instituentes indubias ac prudentissimas sapientum sententias summo labore assequuntur, dum imitari posse confidunt: Quemadmodum enim nemini concessum est, nisi illis, qui pares Apelli Phidiæque fuerint, imitari Coæ Veneris pulchritudinem, atque Jovis Olympici majestatem, ita præstantissimorum virorum oracula nemo, nisi qui eorundem sapientiam fuerit assecutus, exprimere graphice posse arbitrabitur. Quamobrem cum innata sit omnibus discendi cupido atque innata pariter sint ingeniis nostris virtutum semina (a), omnesque optimarum artium capiantur pulchritudine, & aperte intelligant, quod nemini ad laudem prope-ranti arridere mediocritas debet, nil mirum, si plerique non nimis angustos ingenio terminos circumscribant, neque nimis vulgarem sibi proponant finem laborum, sed meditentur altiora, nihilque nisi excellens, aut arduum concupiscant. Hæc tamen in addiscendis præferim Salutaris Artis præceptis, abditisque contemplandis naturæ arcanis occultisque miraculis mirifice patefiunt, eo quod

Res, ætas, usus semper aliquid apportet novi, aliquid moneat
 (b)

mortalibus incompertum.

§. XIII.

CADAVERUM DISSECTIO NECESSARIA.

NON me fugit, permulta esse Medicinæ præsertim tyronibus necessaria, atque ex adverso quæ, quantaque illi etiam, qui optimam praxim arripiunt, assidue profiteri debeant, quibuslibet innotescit.

(a) Vid. Cic. Tuscul. lib. 3. cap. 1.

(b) Vid. Terent. Adelph. Act. 5, sc. 4;

Verumtamen cum ea inter, quæ veluti maxime opportuna constituantur, cadaverum sectiones jure optimo collocentur, nemo non videt, quam fausta eorum conditio sit, qui ea frequentare valent Nosocomia, ubi non modo præsto sunt corpora mortuorum, quæ discentibus frequenter incidere monente Celfo (a) sit necessarium, sed sapientissimi extant Medicinæ procures, qui ea, quæ peculiarem extorquere videntur observationem, theatri veluti pompa adstantium subiecta oculis libenter indigitant. Ego equidem inter ea, quæ ad Etruriæ felicitatem magis magisque firmandam conspirant, celeberrimum procul dubio ponendum esse Florentinum Valetudinarium censuerim, ubi Præside Nobilissimo Equite Francisco Maggio, votisque publicis olim annuente viro celeberrimo Antonio Cocchi Rei Medicæ atque Anatomicæ Moderatore, quem etsi e vivis ereptum honoris causa, utpote Præceptorem, memorandi mihi munus incumbit rapidum Medicinæ progressus invidi temporis cursum velociori gressu confectati sunt, & nunc quoque magis magisque favente fortuna mortalibus augentur. Verum enim vero non in Etruria solummodo, sed ubique tum maxime observari cœpit Salutaris Artis jubar & incrementum, cum permulta corpora mortuorum Anatomico esse subjienda cultro decretum fuit, ut intima observari valerent humani corporis penetralia. Et sane vel priscis viguisse temporibus cadaverum sectiones autumare concessum est, quoties novum morbum ad Ptolemæorum tempora referendum (b) contemplerur, ad cujus instituendam observationem aperta Regum jussu fuisse cadavera exploratum est (c); tametsi rariores inter epochas hujusmodi sit computandus eventus, licet Phœnicum atque Ægyptiorum edoctus sapientiam Democritus vitam longævam in aperiendis brutorum corporibus transgesserit. Id autem non sufficere ad veram humani cognitionem corporis assequendam apparet, si Zootomicæ dumtaxat analogiæ innitantur observationes, quas perraro ab Empyricis Traumaticam tantummodo ac Vulnerariam laudantibus Anatomen perfici posse arbitrarer, quotiescumque de externis repente advenientibus causis sit cogitandum. Attamen quam plurima elapsis retro

(a) In Præfat.

(b) Vid. Schulz. Hist. Medic. sect. 1, cap. 3, §. 15.

(c) Neminem ante Herophilum humana dissectuisse cadavera conjicere quispiam potest. Vid. Cocchi dell' Anatom. discorsi. pag. 48.

temporibus tumulabantur in hypogeis veterum corpora, quæ si incisionem passa essent diligentissimam, utique cognituones innumeras præbuisent: Anatomica namque sectiones probe institutæ nonnisi utiles esse consueverunt, nisi quidpiam adversum contigerit, & inopinatum, ceu perspectum est, Andræ Vesalio Bruxellensi viro cæteroque doctissimo contigisse (a).

§. XIV.

ANATOMICORUM INVENTA.

JAM vesicularem pulmonum structuram, & glandulosam hepatis splenisque compagem non detexisset Malpighius; genuinam nervorum originem Fracassatus; lymphaticorum vasorum valvulas Sylvius & Rudbekius; fabricam cordis Lowerus; genitalia mulierum organa Graafius; varium plurimarum glandularum usum Warthonus ac Steno; muscutorum motus fabricamque Borellus; salivales ductus Glissonius; insensibilem atque irritabilem quarundam partium naturam Hallerus; aliique alia quam plurima minime detexissent, nisi cadaverum incisiones frequentius Anatomicorum manibus, atque Medentium oculis patuissent. Neque nova quædam inventa prætermittenda sunt, quæ illas præsertim respiciunt partes, in quibus ea locantur Aneurysmata, circa quæ animadversiones nostras proponere in animum induximus. Proprias itaque in corde foetus descripsit accurate Galenus anastomoses, venosarumque usum valvularum agnovit; externas cordis conditiones Vesalius aperuit; binas arterias ac venas, transversumque cordis situm Eustachius detexit; Arteriosas Arantius valvulas nominavit; naturalem proposuit Rudius, atque morbosam cordis constitutionem; lymphatica cordis vasa pinxit Rudbekius; fibrarum descriptionem tradidit Steno; musculares observavit fibras Lowerus; cardiacas vires æstimavit Borellus; spiralem humano in corde texturam, sanguinisque ex arteriis coronariis ingressum, nec non excretorios liquoris pericardii ductus Vieussenius agnovit; papillares musculos plures in dextro, quam sinistro cordis ventriculo deprehendit Bartholinus; ventriculos, auriculas, arteriosas, & venosas cordis vasa Santorinus dimensus est. Sed longum nimis esset inventa omnia,

(a) *Vid. Paræus lib. 23, cap. 46.*

quæ solummodo circa cor a Bellinio, Lancisio, atque aliis doctissimis viris proposita sunt, memorare, quæ Aneurysmatum in præcordiis genitorum doctrinam haud parum collustrant. Quum autem & vasa cordi adhærentia sub præcordiorum nomine contineantur, in his quoque post frequentiore humanorum cadaverum incisionem per multa, quæ jamdudum latuerant, tractu temporis fuerunt ab Anatomicis observata: Hinc etenim accurata aortæ figura perperam a Vesalio descripta correctæ est a Casserio, ac principes ejusdem rami a Riolano restituti; hinc illius arcus sedulo a Ridleio depictus, & a Bergero subtiliter observatus, hinc denique innumera tum a Ruyschio, Cowpero, tum ab Heistero, Morgagno, aliisque viris de Anatome optime meritis observata extant, quæ non aortam dumtaxat, sed omnia quæcumque vasa, quæ præcordia constituunt, necessaria lege penitus conspectantur. Necessitas igitur secandi cadavera elucet, eandemque dum Bononiæ doceret adeo imprimere auditorum suorum animis clarissimus consueverat Alberlinus, ut infinitum prope modum secandorum cadaverum numerum ad celebrem constituendum Salutaris Artis Professore non modo utilem sæpe sæpius esse prædicaverit, sed cunctis Medicinam exercentibus. Quam itaque olim esse barbaram, atque contrariam Religioni superstitionem præcorum aliqui delirantes sibi suaserant, rem agnoverunt ita proficuum recentiores, ut ex hujuscemodi frequenti usu caput extulerit Chirurgia, quæ visa est redolere crudelitatem, usque dum incidere mortuorum corpora homines perhorrescerent.

§. XV.

VETUSTAS STUDII CHIRURGICI.

JAM vetustissimum extitisse Chirurgiæ studium compertum est, quoties transacta retro sæculi collustrantur: Chaldæi etenim, atque Ægyptii illud vel maxime novis, quantumvis barbaris, institutis locupletarunt, Græci subtilius excoluerunt, Romani postmodum amplexi sunt, donec undequaque diffusum cœperit accuratius a doctioribus quibusque nationibus usurpari. Græci tamen principem in instituendo Chirurgiæ studio sibi vindicant locum, cum non solum perarduas instituerint ægritudinum curationes, sed notabilia quæque e viris sapientissimis excerpta collegerint, quæ nostris hîc tem-

poribus summo opere veneramur. Inter præcipuas itaque hujus generis collectiones pervetusta, eaque commendanda Nicetæ collectio est sub Constantino Imperatore, ut videtur, elucubrata, cujus exemplar magni faciendum Imperialis aſſervat Bibliotheca Florentia in Ædibus D. Laurentii nobilissime constituta, atque idem inter raros, eosque celeberrimos MSS. codices collocandum summo labore & industria publici juris factum maximo Medicinæ & Chirurgiæ incremento omnes gloriantur & gaudent, quibus Populorum & Scientiarum aridire felicitas consuevit (a). At quando partium structura, situs & ordo tutius Anatomicis affulserunt, audaciores illico facti sunt ac difficillimas instituere minime recusarunt operationes. Anatomicis igitur disciplinis perfectius adauctis allata debentur emolumenta humano generi saluberrima, neque a Physico-Medicis contemnenda, cum iis ex externis quibusdam ægritudinum argumentis affectæ intrinsecus partes sint agnoscendæ, ut diagnostico constituto ægrotantium statu vera decernatur prognosis, quæ philosophico intuitu elicienda est, ut Medicus Deo perſimilis, monente Hippocrate (b), constituatur. Quum autem illæ quoque observandæ sedulo sint ægritudines, quæ vix medelam admittunt, cum intima penetralia humani corporis adorianantur, & quæ inter arduas recensentur, nemo non videt, quantum in sectionibus cadaverum insudandum sit, ut quæ a clarissimis viris pronunciata fuere lydio veluti lapide subjiciantur. Hujus profecto generis esse præcordiorum Aneurysmata denegat nemo, omnesque fatentur, qui humani structuram corporis probe callent. Id ipsum itaque cum ego animadverterem, has qualescumque animadversiones breviter concinnatas tradere legentibus constitueram, easdemque ingenue quidem tum ex spectatissimis, & fide dignis scriptoribus, tum ex Anatomicis observatis, tum denique ex propriis quibusdam conjecturis, atque rationibus ultro deduxeram. Monitos quidem lectores velim, me fortassis a natura rerum agendarum compulsus (quod Scriptoris vitio aliquid conscribendis verendum non videretur) exiguum observationum numerum protulisse; quod licet invitus peregierim, meo tamen muneri forsitan video parum

(a) Vid. Græc. Chirurg. lib. Soran. un. De fract. sign. Oribas. duo De fract. & luxat. e collect. Nicetæ descript. convers. atq. edit. ab Ant. Cocchio Anat. Prof. publ. & Ant. Cæſi.

(b) Πασι εὐνοήμονος.

accurate satisfecisse, quoties incomptam eruditionis supellestem, atque altiore aliquando dicendi rationem a Scientiis alienam in hisce exarandis animadversionibus adhibuerim. Sed si ætatis fervori atque occasione aliquid concedatur, præsto erunt excusationes, ex quibus rei veritas enitescet. Quod si in re adhuc obscura quidpiam prolatum parum attente perfliterit, æqui bonique monitos faciam quoscumque assentatorum nota destitutos invenero mihi res haud diligenter prolatas indigittantes. Atque utinam bene sentiant de laboribus meis optimi rerum æstimatores; spero equidem, si faxit Deus, alia Medicinæ cultoribus me progressu temporis oblaturum.

Τὴν διαίαν τῶν ἀνθρώπων οὐκ ἔχοντα ποτερον Φιλοποταμὸν καὶ ἀταλαίπωροι ἡ Φιλοποταμὸν τε καὶ Φιλοποταμὸν καὶ ἐδάδι καὶ ἀποτοὶ καὶ ἀπο τοῦταδων χρεὶ ἐνδυμνέσθαι ἐκαστα.

ΠΠ. περὶ ἀε. υἱατ. τοπ. γ.





M A T A N I
DE ANEURYSMATICIS
PRÆCORDIORUM MORBIS
ANIMADVERSIONES.

P A R S P R I M A .

§. I.

INTRODUCTIO.

VETUSTA sane, eaque communis omnium querela est ex prisca mortalium gente ad nos usque traducta, vicens adhuc, & usque in posterum duratura, quod nempe natura rerum in iis, quas posuit, legibus truculenta nimium adversus humanum genus extiterit, non modo brevissimos ipsis vitæ terminos circumscribens, sed perampla morborum agmina ad eorundem perniciem adinveniens, quasi omnes penitus humanitatis, & sollicitudinis notas exuerit : Nam unica tantum nascendi constituta via, innumeræ ad moriendum panduntur hominibus. Si tamen humanæ vitæ regimen animo revolvat, quicumque mores hominum sedulo perscrutari decreverit, omnem pene culpam semper propemodum tribuendam ipsis esse ultro fatebitur. Et sane rerum non naturalium abusus, qui jamdudum irrepperat, novos intulit morbos, quos recrudescere in dies coëgit humanæ naturæ socordia. Eos inter, qui nobiliores adoriuntur partes, præ-

K k

cordiorum Aneurysmata, vel sponte obvenientia, vel longe protracta, nostræ præsertim Italiæ hoc ævo familiarissima, accuratam Medicorum attentionem extorquent : Horum quippe morborum originem, si sponte nascantur, hominibus ipsis tribuendam esse non inciamur; at si ab ineunte ætate exordia sumpserint, verendum profecto est, ne origo eadem in iis, quorum custodiæ pueri demandantur, non sit utique refundenda. Illud vero unum ægrotos magis angit, atque sollicitat, quod nimirum hujus naturæ affectionum scaturigines tum prænoscentur, cum remediis haud suppetit locus. Accurata itaque opus esset observatione, si præcipua, quæ hosce respiciunt morbos, perstringi vellent, ut iis, qui hujuscemodi perniciosi, atque lethali-
bus succubuerunt affectibus, aliquod exinde levamen accederet. Id autem aliqua ex parte peragendum mihi esse proposui, ut, si fas est, aliquid lucis ex observationibus mutuari concedatur, quæ ad veri inquisitionem vel propriæ, vel alienæ valetudinis cupidos veluti manuducat, ut frequentissimi morbi vires, quantum licuerit, infrin-
gantur.

§. II.

HOMINUM QUERELÆ.

QUAM plurimos ego sæpissime audio, qui non modo de morbis popularibus, & hæreditariis conqueruntur, sed adversam inculant sortem, eo quod quam plurimis consistantur, quos inscii in adolescentia nonnunquam adepti sunt. Id autem non absque stupore considerandum occurrit, quod, cum in Nosodochiis Anatomicæ instituuntur observationes, innumera eaque inopinata in incisione cadaverum præcordiorum vitia perpetim deprehendantur, inter quæ Aneurysmatica præcipue expendenda offeruntur, quæ miserum exhibent quotidie observatoribus spectaculum. Ut igitur hisce calamitatibus humanam vitam breviorē reddentibus, & diuturna lucis usura homines immature privantibus constitui remora possit, id unum necessarium videtur, ut nempe funesti tales eventus physiologicæ subiciantur analysi, ut, investigatis præcipuis causis, aliqua exinde nanciscantur ægrotantes emolumenta. Itaque minime alienum a veritate mihi videtur, pueros a parentibus, aliisque illorum custodiæ negotium natis neglectos, ac perperam tractatos Aneurysmatica præ-

cordiorum vitia, atque alia, quæ teneram ætatem illam, cujuscumque impressionis capacem, invadere consueverunt, contrahere posse (Vid. §. XXVIII. LXVIII.), quæ pro datis occasionibus manifestentur, & ingravescant. Antea vero hujusmodi affectuum vetustatem, atque naturam examinare non displicebit.

§. III.

ANEURYSMATA APUD VETERES.

ARTERIOSOS canales a corde non longe positos, quorum nomine ampliores quosque truncos longius protractos designari velim, Aneurysmata contrahere haud infrequenti observatione compertum sit. Latius interea præcordiorum nomen accipere congruum erit, quandoquidem id & a Celso (a) peractum noverim, qui eadem usque ad hypochondria protendit, adeo ut in tali spatio universus comprehendatur aortæ tractus, ubi efformantur frequenter Aneurysmata; veluti ex dicendis evidenter apparebit (§. XXV). Non videtur tamen hujusmodi affectibus quædam deneganda vetustas ex vitæ hominum regimine, & analogia corporum deducenda: Quidquid enim quibusque contingere corporibus ex eorumdem textura ducens originemprehenditur, paulo intensius, sive remissius in uno eodemque corpore aliorum respectu agere exploratum est. Alit vitæ regimen, circa quod tanto magis lasciviunt recentissimi quidam, & delicatuli hominum, quanto in deterius valitudinem ruere quotidiana nos edocet observatio, eo devenisse apud veteres, Græcos præsertim, atque Romanos narrant historiæ, ut si exercitationes corporis, & lauta convivia, quæ temporibus illis instruebantur, dumtaxat expendi velint, nonnisi deplorandus excessus ad propriam perniciem traductus valeat observari. Quemadmodum vero, quidquid ad corpus quantiendum, atque ejusdem depravandam œconomiam accommodatum est, vitia præcordiorum inducit, veluti demonstrabitur (§. XXIX, XXXII, XXXIV, LI, LVI &c.); ita veteres, utpote iis ferme omnibus addictos, quæ talia efficere poterant, credendum est sæpenumero adductis affectibus succubuisse. Cadaverum sectiones, quæ res hujus

(a) L. 4, cap. 1 & 8. l. 2, cap. 3. l. 5, cap. 26 &c. Vid. Morgagni, *Epist. IV. in Cels. Tom. II.*, pag. 101. Patavii 1750. & Lommi, *Medic. Observ. I, II.* Tornaci 1757. Sylv. de le Boe *Prax. Medic. Ap. Tr. VI*, §. 39, pag. 741. Trajetti ad Rhenum 1695.

generis extra omnem dubitationis aleam collocant, cum parum, aut nihil vigeret, hærentem dubio relinquunt animum, neque alio referenda certitudo est, nisi ea, quæ nostris temporibus usuveniunt, cum iis, quæ apud illos contigerant, conferantur. Luxus itaque adeo creverat, ut tum in exercitationibus (§. LVI), tum in conviviiis (§. LIV), quidquid libuisset, non autem quidquid esset proficuum, veteres amplecterentur, & cuncta, quæ ipsi peragerent; voluptatem, atque libidinem redolerent. Eo insuper priscorum deliravit infania, ut vel in Gymnicis peragendis exercitationibus, quidquid populo placuisset, præstandum foret, & in opiparo, & multis ferculis instructo convivio dignus laude censeretur nonnisi quicumque delibatis dapibus universis peculiarèrè ingluviem ostendisset. Omnis igitur relinquenda inquisitio est, qua decerni possit, utrum nempe præcordiorum affectibus veteres magis, quam recentiores homines tentarentur: Ipsi namque non modo in adductis rebus frequentissime delinquere consueverant, quin & persæpe-promiscuam venerem appetebant, ex qua non levia detrimenta dimanant (§. LI), & quæ peragerent, intempestivis immiscebant illecebris universa.

§. IV.

VETERUM COGNITIONES.

Ex his itaque concludi posse videtur, errata in iis, quas non naturales res Medici nuncupare voluere, plurimum apud nationes veteres viguisse, ex quibus morbi, de quibus sermo est, cumulati fuerint, veluti eorumdem mores ostendunt, qui ex accuratis historiis depromuntur. Quoscumque insuper illorum præmatura morte fuisse peremptos in ipsis Medicinæ primordiis accepimus, etsi oracula neutiquam consuluisse, ne dum optimum antea extorsisse responsum credendum sit, quandoquidem dum præcordiorum frequentius grassarentur morbi, supersticiosæ gentes illæ moribus essetæ perraro Deorum frequentare delubra consueverint, ut oblato libamine ex oraculis vaticinia captarent, exindeque valetudinis, aut interitus nanciscerentur securitatem; quum tamen vitæ adhuc superstites oracula de morbi origine, atque successu compellare decrevisset, nullum extorquebant tutius responsum, quam ut amuleta non despicerent, ne, ut ipsi commenti sunt veteres, repentino aliquo cordis

morbo succumberent. Quod autem licet prioribus illis, rudibusque Medicinæ sæculis contigisset, quibus falsa exspecticia, vefana supersticio, eristicae fraudes, & multiplicia deliramenta vigerant, rem tamen, de qua agimus, adumbrare videtur: Subdola enim Sacerdotum responsa, atque fraudulenta verba, quæ temporibus illis usurpabantur, aliquid, quod nonnunquam accideret, videntur supponere, cum ipsi vel ea, quæ ab aliis pronunciari audiverant, vel quæ sibi veritati magis consona visa forent, effari sæpe sæpius consueverint. Longe probabile igitur elucet argumentum, ex quo id vel maxime erui queat, quod nempe eos inter morbos, qui præcordia torquebant veterum, Aneurysma ipsum recensendum sit ipsis adhuc hominibus incomptum. Hippocrates tamen veram cardiaci Aneurysmatis habuisse notionem ambigitur, licet variis in locis tumores in vasis cordi adhærentibus, inque arteriis sedem habentes enumeret (a). Insuper ipsi Galeno (b), Aetio (c), Æginetæ (d), Actuário (e), aliisque ex Græcorum familia vario quidem nomine fertur innotuisse, quodque non de Græcis modo scriptoribus, verum & de Arabibus ipsis synchrona evulgantibus volumina vaticinari cuiuslibet datum est. Quare non Hippocratem tantum præcordiorum Aneurysmata forsitan perspexisse, & ab Herodico Selymbriano eorumdem percepisse notionem suspicantur, cum & reliquis, quamvis humanorum cadaverum sectionum haud inexpertibus, comperta credantur. At ne conjecturis potius quam veritati litare videamur, ultro contendimus, Galenum nimirum utique Aneurysmata perspexisse, nullumque ex his, qui ante illum supersunt scriptoribus, de tali morbo aperte fuisse locutum, cum ille primus præ cæteris videatur, qui huius affectus aliqua ornatos observatione complectitur.

(a) *Ἰπποκρ. πρὸς ᾧς.* Sed male deducunt Medico critici ex ipsius libro *Περὶ καρδίας*, cum sit apocryphus, neque Galeno ipsi innotuerit, etsi alii contrariam tueantur sententiam. Vid. *Georg. Seger Dissert. de Hipp. lib. Περὶ καρδίας ortu legitimo, Basilea 1661.*

(b) *Περὶ Φλεβοτομ. Θεραπευτ.*

(c) *Τετραβιβλ. κεφ. 4.*

(d) *Βιβλ. 5.*

(e) *Μεθοδ. Θεραπευτ., βιβλ. 6, κεφ. 3.*

§. V.

ANEURYSMATUM OBSERVATIO.

NEQUE is ego sum, qui veteres sanguinis circuitum agnovisse sentiam, etsi vetustissimum sanguinis in gyrum acti inventum nonnulli prædicent (a), ex quo, quidquid de Aneurysmate cogitarent, plane deduxerint. Si ulla proinde constituenda epocha tuior occurrat, in qua relati hucusque morbi observari coeperint, hæc ab incæptis cadaverum sectionibus, & ab invento sanguinis circuitu rependa est, quin vetustiora minus attendantur signa, luridisque agyrtarum commentis fides habeatur, qui falsa pro veris obtrudere delectantur. Quum igitur Medicinæ incrementum, & instauratio illis accepta referenda sit sæculis, quibus incidenda frequentius occurrerunt corpora mortuorum, non secus ac illi faustissimo, quo sanguinis circuitus deprehensus est, hinc decerni posse videtur, veram cordis affectuum, præsertim vero Aneurysmatum, naturam una cum peculiaribus conjunctam observationibus elapsis retro sæculis cimmeriis involutam tenebris latuisse, usque dum ex autopsia pateret veritas, qua posita, eorumdem morborum causæ suppetere indagandæ, quod ab inventa circulatione fieri accuratius potuisse neminem later. Illud autem vel maxime observari meretur, quod nempe efformato Aneurysmate vehementes perferuntur ut plurimum pulsationes (§. VI), quibus a veteribus sedulo animadversis præberi ipsi debuisse crederem indicia circulationis: Nulla etenim alia suppetit consideranti ratio; quæ aliam vehementis hujus arteriarum motus ostendat causam præter adactum fluidorum impetum, nisi ad occultas ipsi qualitates illico confugissent. Sat igitur est decernere, quodnam tutius tempus ad inveniendas Aneurysmatum causas affluerit: Nam haud aliter cogitandum superest, quotiescumque indubia perquirantur fundamenta, quibus observationum tempus innitatur; perarduum profecto est criticorum lites componere, nisi adfiscantur observationes. His itaque fidendo vitia præcordiorum ad Aneurysmatum classem referenda veniunt examinanda.

(a) Notum Sinensibus antiquitus fuisse ex Clyero refert Th. Bartholin. *Act. Hafnien. an. 1677, pag. 4.* Emisissæque Episcopum Nemesium id agnovisse creditum fuit. Vid. *Freind History of Physick from the time of Galen to the beginning of the sixteenth century. London 1751.*

S. VI.

ANEURYSMATUM DEFINITIONES, ET DIVISIONES.

PATET jam ex Anatome cordis fabrica, simulque observata recentiorum docent, quatuor, sive quinque tunicis arterias stipari prope cor magis conspicuis, in aorta videlicet, & pulmonali. Media inter has, quæ tenax est, & ad tendineam substantiam accedit, observationem exigit peculiarem, cum vero, & spurio Aneurysmati, quod attentius examinandum occurrit, supervenienti, non exiguo esse possit impedimento, & sat validum exigit impulsu, ut dissiliendo fatiscat. Distinctionem hanc ab aliquibus receptam, explosam ab aliis, necessariam in præsentî tractatione esse arbitror, etsi sæpius verum, quam spurium in arteriis præcordiorum deprehendatur, ut rerum obscuritas evitetur. Sed ne fallacia ex nomenclaturis exoritur, utriusque ideam a me receptam, præmissa generatim Aneurysmatis definitione, in medium afferam, Aneurysma itaque, Græcis ἀνεύρυσμα (*a*), quod ab ἀνεύρυνος deduci posse videtur, tumor est ab arterioso extravasato sanguine productus, veteribus alio fortassis nomine notus, præternaturalis, mollis, circumscriptus, & facile cedens, hystaltico, atque diastaltico motu interdum præditus, pulsationem habens illi synchronam, quæ in illa, ubi locatur, arteria suscipitur, & quæ evenire quandoque potest, ut ex excedenti, duroque tumore ex grumescente sanguinis in extensione Aneurysmatis contenti quantitate tuborto prohibeatur, vel obscura admodum fiat (*b*). Si simplex

(*a*) Ab Arabibus *Aporisma*, *Hyporisma*, nec non *Emboryma*, & a Barbaris *Emborysma*, testante Fuchio *Infr. Med. I; III, scilicet 1, cap. 26. Lugdun. 1541.* corruptis nominibus appellatur.

(*b*) Veterum Græcorum definitio juxta Hippocratis, & Galeni mentem reperitur apud Gottæum *Defin. Medic. v. ἀνεύρυσμα Parisiis 1622.* & apud Foesium *Æconom. Hippocr. pag. 38. Geneva 1662.* Legitur in Codd. MSS. ἀνεύρυσμα, & nonnunquam ἀνεύρισμα, quemadmodum videri potest apud Budeum *Lex. Græc. Lat. pag. 185. Parisiis 1562.* Sed, ut ait Henricus Stephanus *Thesaur. Græc. Lingu. pag. 1310. Parisiis 1720.* mendosam esse hanc scripturam constat, & in *Indic. Thesaur. pag. 443* asserit, quod ἀνεύρυσμα, & ἀνεύρισμα perperam apud Medicos reperiuntur scripta pro ἀνεύρυσμα, & ἀνεύρυσμος. Hæc tamen varietas facile iis innotescet, qui Medicorum Græcorum textum considerare non recusabunt: De hac enim ægritudine disseruerunt præ cæteris Galenus Περὶ Φλεβήτορων. Σεραπευτ. Aetius Τετραβιβλ. καὶ Φί. Ægineta βιβλ. ζ. Actuarius Μεθόδ. Σεραπευτ. βιβλ. α. καὶ Φ. η. & Dioscorides βιβλ. δ. Sed quidpiam ex Hesychii operibus, & Fabriciana Bibliotheca comparari posse compertum est. Vid. *Scapul. Lex. Græc. Lat. pag. 513. Lugduni 1693.*

arteriæ dilatatio, seu alicujus dumtaxat interiorioris tunicæ discissio, cæterarumque protensio adsit citra cruentam ex arterioso tubo eruptionem *verum* erit Aneurysma. At vero si sanguis idem e suis effluat p. omeriis absque repagulo, & patens alicujus tunicæ, sive tunicarum omnium seu erosio, seu repentina ruptio deprehendatur, *spurium* dicetur, cui alii Aneurysmaticam addunt *ecchymosim* non longe ab ea dissimilem, quæ innouit Galeno (a) ex arteriotomia ducens originem, & quæ pro variis gradibus transitum ex *vero* ad *spurium*, & ex *spurio* ad *verum* Aneurysma præmonstrat, veluti deprehendit Aelius (b). Verumtamen hæc raro in præcordiorum contingit Aneurysmate: At allata distinctio non modo in Aneurysmate aliarum corporis partium conspicua fit, cum & in eo, quod circa præcordia gignitur, observanti manifestetur; ex quo fit, ut affectiones omnes, eaque symptomata, quæ tali morbo communia sunt, parum, aut nihil pro varietate locorum inter se differant, quibusdam dumtaxat exceptis casibus, quos proponemus. Sed morbus ipse, etsi eodem ferme modo in plerisque nascatur partibus, nihilominus suas ex loco accipit differentias, ut & ipse jam in reliquis humani corporis morbis agnovit Hippocrates (c). Harum præcipue, quæ ex loco desumuntur, in eo consistunt, ut nempe plus, minusve Aneurysmaticus protendatur tumor, qui si parum, aut nihil resistentiæ ex contiguis partibus acceperit, absque ulla remora exspatiabitur; sin minus, difficulter perangustos fines prætergredietur, nisi quidpiam validum supervenerit, ex quo resistentia partium superari admodum queat. Ut igitur *verum* constituatur Aneurysma causæ adesse debent, quæ cordis, & arteriarum texturam debilitaverint, nec non connaturalem imminuerint resistentiam. *Spurium* vero, nisi ortum ab erosione fuerit, adauctam agnoscit vim impetus recti, sive reflexi sanguinis supra nativam cordis, & arteriarum resistentiam impellentis, nisi quidpiam extrinsecus supervenerit. Diagnostica vero utriusque signa, licet vagentur incerta, tutius tamen ex observationibus eruuntur (§. LXXII.).

(a) Περὶ Φλεβωτομ. Θεραπευτ. Vid. Ballon. Conf. Medic. l. 1. conf. 107. Parisiis 1640.

(b) Mémoires pour l'Histoire des Sciences, & des Beaux Arts. A Trevoux 1716.

(c) Τῶν δὲ διὰ νόσων ἀπασάνων ὁ μὲν τρόπος ὁ αὐτὸς, ὁ δὲ τῶπος διαφέρει. Ἰππ. περὶ Φυσ. Hæc omnia clariora sunt, si internum Aneurysma ab externo distinguatur, & alia observentur, quæ proponuntur præsertim ab Heistero Insl. Chirurg. P. II, sect. 1; cap. 13. Norimbergæ 1731.

§. VII.

ANEURYSMATUM EFFORMATIO.

SED quotusquisque est, qui minime noverit, inter Aneurysmata; quæ maxime circa præcordia nasci consueverunt, multa variæ indolis observari? Nil igitur repugnare videtur, quo minus cordis prolapsus, ejusdemque immutatus locus (a), & adaucta ipsius moles ad Aneurysmatum classem reducantur. Immodica sanguinis quantitas, quæ vasa cor nutrientia pervadit, potest hujusmodi vitia producere, & cordis etiam magnitudinem a naturali recedentem (§. x); id tamen Aneurysma *cardiacum* liceat appellare. Ramis innumeris arterias, quæ coronariæ vocitantur, per intimam divagari cordis substantiam docet Anatome, quæ diametro sunt sensim ampliore, si insignis adsit cruoris affluxus, & crassitie polleat non exigua. En itaque major in arteriarum canaliculis pressio, atque earumdem expansio, ex qua validissime adiguntur cordis fibræ, & gradatim moles extenditur universa. Quum autem crassa, rugosaque tunica in arteriis coronariis deprehensa sit valde ad erosionem suscipiendam accommodata, hinc si sanguineæ plethoræ erosivum interdum superveniens adjungatur principium (§. LI. LXXIII), tunicarum affectio facillime promovebitur. Quare non incongruum erit asserere, ipsas coronarias arterias peculiari fieri obnoxias Aneurysmati, quod *idiopaticum* appellabitur. Immodica in vasis coronariis amplitudo ut plurimum cum glutinosa, crassaque sanguinis in iisdem vasis contenti materie copulatur. Sanguinei proinde globuli mole aucti dum magno adiguntur impetu ultimi generis vascula difficile pervadunt, exindeque aut sensim ampliuntur, aut ex grumescente obturantur sanguine, fitque impedimentum, ubi vasorum rami divaricantur, ex quo in alternis cordis contractionibus eadem semper præternaturalis vasorum amplitudo suboritur, atque interna cordis structura pervertitur. A robore fibrarum, ex quibus vasa coalescunt, eorumdem vasorum robur enascitur: Atqui major, minorve vasorum latitudo composita mensuratur ratione ex directa impetus impulsu fluidi, atque inversa resistentiæ laterum: Ex atonia igitur fibrarum resistentia laterum minuetur, & vasa consequenter

(a) In puero cor in dextra locatum detectum est, quin ne minimum quidem ne dum in lava, sed ne in medio quidem Thoracis propenderet. Vid. *Journal des sçavans* a. 1668.

distenduntur eodem semper impetu permanente. Quum itaque in tumorem Aneurysmata concrecant (§. VI), utique percipitur, quomodo impulsus fiat in substantiam cordis adeo validus, ut spiralem fibrarum superare valeat resistentiam. His accedit, quod sanguinis impetus minime remoratur ex arteriis majoribus, quinimmo facilius redditur: Tunc etenim arteriæ coronariæ replentur cum exinanitur aorta, ex qua ipsæ ducunt originem, adeoque prioribus in systole permanentibus altera persistit in diastole, veluti monuit Boerhaavius (a). Immanem cordis amplitudinem in homine ex ipsis incunabulis admodum ingluviei dedito ego ipse observavi, ex qua interitus fuerat consecutus, quodque titubanti animo calcar addidit, nimirum ut arbitrarer, non secus ac suspicabar, ex nimia sanguificatione, quæ in ipsa pueritia inchoaverat, cardiacum sensim Aneurysma supervenisse: Etsi enim in parva puerorum machina necessaria sit ad ejus incrementum progressiva sanguificatio, ea tamen si modum excesserit, vasa plus æquo reddet ampliora, ac fibræ gradatim dilatabuntur, & perrumpentur; quod non usu venit, si debita quantitate edulia facile digerenda, cruoremque mediocriter augmentia commedantur (§. LXIX). Apparet insuper causa Hydrocardiæ (§. XXIII), quam simul cum excedenti cordis amplitudine mihi crebro videre contigit, semperque propemodum consecutivum mortis effectum esse arbitror, nisi aliæ præextiterint causæ ratiocinationes theoreticas eludentes. Age dum nonnulla de hac præternaturali cordis amplitudine proponantur, ut proinde majorum vasorum cordi adhærentium Aneurysmata phisologica expendantur disputatione.

§. VIII.

INGENS CORDIS AMPLITUDO.

QUONIAM vero præternaturalis hæc cordis amplitudo, unæ eo vel maxime, quia ex adaucta cavitatis vasorum sanguinem ferentium amplitudine produci possit, ad Aneurysmatum classem jure meritoque reducitur, persæpe in incidendis corporibus mortuorum occurrit observatoribus inspicienda atque de illius causis penes Scriptores silentium est, nisi ea, quæ de polypis, abscessibus, calculis, topis,

(a) *Prælect. in propr. Instit.* §. 183. *Lugdun. Batav.* 1734.

callis, aliisque organicis impedimentis continui solutionem ultro inducentibus, & unicuique conspicuis effati sunt recentiores, comminisci velint, e propriis nondum tenebris, ubi jamdudum conssepulta delituerant, accurate exturbata, ceu rudioribus quibusque innotescit; hinc observationibus, si quæ præsto sint, innitendum foret, ut ex iis, quæ luculenter Scriptores meminerint, aliquid lucis emergeret. At enim Philosophorum observationes prævia analyseos suffultæ methodo nonnisi ex rite constitutis quibusdam, optimisque principiis deducuntur, hisque profecto Medicina careret, ni ad observationes tamquam ad sacram anchoram, optimumque præsidium confugiendum superesset. Itaque amplitudinem hujuscemodi in hoc ancipiti rerum statu considerandam aggredimur, ejusque causas ex observationibus deducendas esse putamus, ne nimium fortassis in tenebris trepidando, si quæ peculiare ex generalioribus advenientibus causis hauriendæ contigerint, minime detegantur.

§. IX.

CAUSÆ PECULIARES.

HAUDQUAQUAM nescius ego sum, vel præteritis, longeque diffitis temporibus stupendas cordis amplitudines deprehensas fuisse, quas assidua annorum serie, frequentique cadaverum inspectione magis magisque patuisse constat, nostrisque præsertim sæculis, quæ parum, aut nihil habent, quod antiquitati invideant, haud infrequenter observantur, dum experimenta in humanis jugiter captandi corporibus innata pene dixerim Medico - Anatomicis libido est. Præternaturalis tamen, & ingens cordis amplitudo non morbosa semper censenda est, nisi dilatationis causa vel in corde ipso, vel in vas ipsi adherentibus palam fiat: Nam in ipsa foetus efformatione & nostri cordis genesis contingere posse haud repugnat, quod quantumvis rarum seclulis tamen causis manifeste apparentibus oriri posse dicendum videtur. Morbosa tamen affectio adeo diversa cohonestatur imagine, ut variantes sæpe sæpius variis in corporibus exhibeat magnitudines multum a primæva constitutione degeneres: Modo enim cor univrsum undique protensum (a), modo in basi, modo in cuspidē

(a) Cor triplo majus observavit Marchettus *Observ. Chirurg. Observ. 49.* maximumque pariter visum est cum ingenti cavæ amplitudine supra diaphragma demissum. Vid. *Misc.*

dilatatum adinvenitur, modo fungosa carne externo ejusdem cono adhærente repletum, nothoque veluti carcinomate; & sycosi fulcitur, modo cruore inexhaustum, modo prorsus exinanitum, nævisque refertum, glabra superficie, atque insolitius maculis circumseptum, internisque quasi carneis lemniscis, ac veluti myrmeciis, qui ex ejusdem succussi cavernulis foras profluunt, musculosam, quam & ipsi substantiam referunt, penetrantes obductum, sui que plane dissimile, ut quandoque ne cordis quidem imaginem in unaquaque propriæ compagis parte præ se ferat. Hæc autem in majoribus quoque canalibus cordi proximis detecta sunt, ita ut ad ostium aortæ in singulis semilunaribus valvulis duræ, fungosæque substantiæ, nec non exigua quædam, & inæqualia sarcomata fuerint adinventum in fimbrias, atque lacinias ad instar condylomatum eo usque protensa, ut intus aortam ipsam inclinarent, neque se citra scissuram avelli ab iisdem valvulis paterentur. Id autem reticendum nequaquam videtur, quod nempe ideo morbosam cordis magnitudinem, eamque excedentem a naturali distinxerimus, quia in peragendis circulationis muneribus augeri necessario cor debet mole sua, ut postea sanguineus latex ex ejusdem erumpat ventriculis, qui tanto magis minuuntur, quanto majus substantiæ cordis est augmentum; idque morbosæ discrimen amplitudinis a naturali distinguit, propterea quod semper illa augetur, quando hæc eadem assidue persistere compellitur.

§. X.

V A R I C E S V E N A R U M.

EGO equidem arbitror, præcipuis adductorum phænomenorum causis, valorum, quæ coronaria vocitantur, quorum nomine tum

Nat. curios. Dec. 1. Tom. IV. Obs. 40. Hæc dum olim Florentiæ scriberem vita fundum vidi ex immani morbo Religiosum Virum nomine Carolum Philippum Angelinum Mediolanensem ex inclita Capuccinorum familia, pietate, moribus, & doctrina conspicuum, qui in Imperiali Laurentiana Basilica Apostolicum Concionatoris munus in Quadragesima illius anni 1756 Florentiam perrexerat impleturus. Cadaveris itaque instituta sectione supra cetera notari digna, inter quæ lapidescentes, & calculosæ quam plurimæ tum in cystide fellicæ, tum in ureteribus adinventæ substantiæ peculiarem philosophandi materiem Medico-Anatomicis tribuere, cor plus quam duplo majus est adinventum, cujus præternaturalem magnitudinem cum aliis morbois affectibus consociatam adeo functiones corporis immutasse suspicandum videtur, ut interitus exinde fuerit consecutus. Id etiam nuper observavi in homine, qui Pleuritide laboraverat, nullumque auctæ cordis magnitudinis signum ostenderat, veluti ex epistola apparet, quam ad Novarensem amicum misi. Vid. *Noyll, leiter, di Firenze d'Agosto an. 1758.*

venæ, tum arteriæ accipiuntur, varices (a), aut idiopathica quædam Aneurysmata non immerito accensenda esse, quandoquidem quidquid varices istas producit, & adducta pandit Aneurysmata, præternaturali cordis amplitudini producendæ non leviter suffragatur. Ac profecto quæcumque in coronariis vasis inordinatæ extensiones adveniant ad præternaturalem cordis amplitudinem promovendam conferre possunt, si arteriarum, in quas a corde velociter truditur sanguis, resistantiæ vim cordis exsuperent, quod ex multiplicibus, variantibusque causis deduci potest, quas inter plethoricus corporis habitus recensendus est, auctaque in morbis acutis celeritas, inflammatoria corporis constitutio, arteriarum vitia, & alia quam plurima ab unoquoque facile prænoscentia. His, aliisque constitutis facile pervertitur œconomia circulationis : Tunc enim integra cordis obtineri nequit exinanitio, cruentaque congeries in coronariis vasis sensim apparebit, ex qua vasa ipsa plus æquo protendentur, induciturque idiopathico Aneurysmate illico cardiacum consequetur. Id vero clarius ostendetur, si adductorum vasorum proprietates ex eorundem descriptione desumantur.

§. XI.

VASA CORONARIA DESCRIBUNTUR.

VASA hæc modo majora, modo minora se produnt, eundemque non raro situm juxta majorem minoremve cordis magnitudinem aservare videntur; semper tamen observatorum oculis patent, eorumque ramificationes ab unoquoque cernuntur. Hæc in arterias & venas distingui possunt, quarum priores in unum coeuntes varia, & multiplices inter se cohærent anastomosi, atque in exilissima distribuuntur vascula, quæ cuncta sensibilia cordis puncta pervadunt, omnemque pene cordis substantiam una cum venis componunt, & quæ persistant in diastole, quando reliquæ corporis arteriæ in systole manent (b).

(a) Non valde differt varix ab Aneurysmate, nisi morbi sedes observetur : Aneurysma etenim in arteriis locatur, varix autem in venis, quas, præsertim prope valvulas, in suis tunicis ita extendit, ut deperdita quæ donabantur forma, in aliquo venosi tractus situ in ampliore sacco abeat, ut in vero sit Aneurysmate. Sed uterque morbus ad cystides, sive tumores capsulatos reducitur. Aneurysma est cystis ab alterutra dilatata arteriæ tunica dependens; Varix vero est nodosa, vel interpolata venarum dilatacio. Vid. *Sauvages Patholog. Method.* pag. 310. *Amstelodami 1752.*

(b) Tamen hoc ipsum plures doctissimi viri asseruerint, nonnulla tamen contrarium demonstrare videntur experimenta in animalibus instituta.

Aliæ vero, quæ sanguinem versus auriculam dextram ferunt, tum inaniuntur, cum reliquæ in corpore implentur, tenuissimamque ostio suo valvulam positam habent. Coronariæ tamen arteriæ id peculiare habent, ut nempe ex iis interior superficies exterioris arteriarum tunica densum accipiat rete, quod in systole aortæ repletur, & in diastole exinanitur, ipsamque aortam in universa contegit superficie, velut ex injectionibus ipsis deducitur, quibus in sinistro cordis ventriculo institutis, ejusdem membranæ immisso liquore tinguntur, cum ejusdem insuper vasa cordi proximiora ex arteriis profluant coronariis, quæ nonnisi ab aorta replentur. Deinde quando cor in diastole laxatur, tunc utraque coronaria vasa eo sanguine turgent, qui ex aortæ contractione in coronarias arterias impellitur. Expellitur sanguis, dum cor est in systole, atque per coronarias majores venas in sinum, auremque dextri lateris effunditur, ac per exhalantes venas in universam effluit cavitatem; neque alienum a veritate videtur, quod sanguis in coronariis contentus arteriis per earundem oscula in aortam retroPELLATUR. Arteriæ autem coronariæ supra semilunares exoriuntur valvulas opposita ex aortæ lateribus directione, ubi maxime illa e corde egreditur. Harum una dicitur dextra, sive inferior, quæ ex aorta ipsa prodiens juxta oram auris dextræ descendit, & circa marginem acutum reflectitur: Sinistra vero, sive superior circa obtusum reflectitur marginem ad planum inferius, & dextræ trunco occurrit; ideoque ambæ opposita oriri directione dicuntur. Dextra inter cordis basim, dextramque auriculam, sinistra vero inter basim cordis; atque sinistram insinuatur auriculam, ejusque rami descendendo una cum postremis dextræ ramis, mox sinistræ rami cum ramis dextram componentibus communicant. Hujuscemodi vero rami adeo exiles inventi quandoque sunt, ut injecta cera vix ad solis radios ope microscopii ceræ globuli conspiciantur, qui modo in venas, modo in alias lymphaticas exhalantes venas videntur insinuari. Venarum tamen tres statui possunt ex uno dumtaxat tubo valvula stipato, qui in sinu cordis locatur, provenientes, quarum maxima juxta radicem sinistri sinus per septum in superiori plano, ac per obtusum marginem distribuitur; media vero in inferiori plano abit ad cordis mucronem, seque priori inosculatur; anterior tandem ad latus mediæ contraria inferitur directione. His autem aliæ adduntur innominate sensim minores, quæ præcipue in dextram auriculam inferuntur. Itaque hujuscemodi

tum arteriosa, tum venosa vasa, quæ cor extrinsecus ad instar coronæ ambiunt, & per totam internam illius substantiam divagantur, una simul accepta coronaria dicuntur.

§. XII.

VASORUM TURGESCENTIA.

QUÆCUMQUE in vasis nuper descriptis mutationes adveniunt, facile quidem omnes propemodum conspirare videntur ad præternaturalem cordis amplitudinem promovendam, ipsæque Aneurysmaticum efficiendum. Id autem nonnisi ab autopia desumendum occurrit, cum hujuscemodi aliquando vasa observata fuerint ab Anatomicis turgidissima (a), horumque turgescentia non ex ipso dumtaxat oborta supponitur sanguine, sed ex ipsa cordis fabrica, quæ ex ramis vasorum innumeris in modum glomi intortis, sive ramosæ arboris coalescit. Quum vero exploratum sit, majorem sanguinis quantitatem in cordis base, quam in ejusdem cuspide contineri, utpote quod conico donatur perimetro, hinc si crassiora quomodocumque fluida evaserint, perardue quidem e corde propellentur, & paulatim grumescent, neque semper ex vi circulationis advenientia superabuntur impedimenta. Fieri tamen potest, ut quæcumque obvenerit grumescentia non semper perseveret, quinimmo ex aliquo naturali conatu discutiatur, ceu in foeminis deprehensum est, quæ cum symptomata cordis adaucti præ se tulerint, supervenientibus assatim catameniiis ex incipiente morbo sanæ evaserunt; id quod nonnisi ex liberiori superaddito per vasa ultimi generis in corde cruoris transitu deducitur evenisse. Id tamen seclusis hujus naturæ conatibus obtineri nequit, cum impedimenta potius crescant, quam minuantur. Quoniam igitur absque libero sanguinis transitu per proprias cavitates cordis motus fieri nequit, cum hic quantitatem assentare debeat internam cordis substantiam pertranseuntem, nec non ordinem servare circulationis, hinc quo magis pondus adaugetur in cavitatibus, eo minus perfectas interna cordis substantia perficiet expansiones. Cæterum qualescumque fluidorum cunctationes in minimis canalibus fiant, ideo a majori

(a) In cadavere militis coronaria cordis vasa in corde magno, duro, & albicantibus referro maculis turgidissima observavit Fantonus *Observ. Anat. Medic. Observ. VII, §. 21* pag. 20. *Venetis 1713.*

minorum nexu relate ad majores exoriuntur, quia cum fluida hujusmodi anfractus pertransire conantur, majori resistantiæ reluctando vim propriam exercent. Vasa insuper coronaria id peculiare habent, ut nempe sanguis arteria allatus haud revertatur per venas, verum in cordis se exoneret cavitates, atque vena, quæ revelere sanguinem solet, eundem in cavitatem ipsam extrudat, quin necessaria fatiscere conetur lege, dum incertis vagari cursibus adsolet (a).

§. XIII.

SANGUINIS CONSTITUTIO.

PRÆTERQUAM quod si crassis nimius partibus scateat sanguis ad minimos pervadendo canales ineptis, obex sanguinis circulationi apponetur, quæ ne interceptiatur, iisdem partibus in hisce itineribus absolvendis maxima in lateralibus vis occurret facienda, ex qua coronaria vasa dilatantur. Minime vero id usuveniet, si sanguis tenuibus partibus globulisque coagmentetur exilibus, veluti seclusis morbofis affectibus prænotitur, & a Medico-Physicis comprobatum est (b), etsi eadem semper cordis fabrica debeat necessario persistere, quod in valetudinariis corporibus, quæ optima hæmaphosi destituuntur, neutiquam deprehenditur, cum in his heterogeneæ partes plures sint quam in corporibus bene valentibus, in quibus adiunt quidem, sed æquam haud prætergrediuntur quantitatem. Atque, ut vera fateamur, sanguinem heterogeneum fluidum esse ex iis inferitur, ex quibus ipse suborkur, ceu ex Chymicis evincitur solutionibus, quæ aqueas, pingues,

(a) Omnium primus, quantum videtur, Raymundus Vieussenius *Traité de la Structure & des causes du mouvement du cœur*. A Toulouse 1715. animadvertit, sanguinem ex arteriæ coronariæ ramis, aliisque finibus in cava cordis trudi, inque internam cordis substantiam exonerari, ex quo peculiaris in corde conspicitur injectionum ope circulatio ex duplici exorta sanguine; ex eo nimirum, qui fluit per auriculas, eoque qui per arteriæ coronariæ fines ultimos in cavitatem cordis immittitur.

(b) Lorsqu'on regarde les globules rouges du sang d'un homme, & qu'on se donne la peine de les considérer avec patience, jusqu'à ce qu'ils se soient dissous & changés en serosité, on découvre, que chaque globule rouge se partage en six autres plus petits globules sereux de couleur jaune; si on continue ensuite à les observer encore avec la même patience, & à l'aide d'un microscope, on les verra se séparer l'un de l'autre, & se diviser en six autres globules aqueux, qui sont si transparents, & si fins, qu'il n'est pas possible de pousser plus loin ses recherches à cet égard avec les microscopes, qui sont aujourd'hui en usage. *Essai de Physique* par M. Pierre van Musschenbroek, chap. 2. A Leyden 1739.

pingues, atque tartareas partes seorsum exhibent insitas sanguini, uti vel ex longe diversis, quibus coalescit materiis divinari fas est: Ipse enim a fluidis, ut lacte, vino, aliisque heterogeneis rebus incrementa suscipit, nec non a carnibus, herbis, frugibus, & a solidis quibuscunque corporibus augetur. Neque despicienda proclivitas est ipsis perspecta veteribus, qua sanguis vel in corporibus non valetudinariis ad conrescendum disponitur (a) prout majori, minorive superveniente calore conrescendi vis augetur, veluti in acutis affectibus deprehenditur. Nil itaque mirum videri debet, si crassus nimis quandoque sanguis evaserit, adeo ut nonnisi magna vi per coronaria adigatur vasa, & quemadmodum valde solutus aptior ad motum redditur, atque majori efficacia proprios pervadere canales nititur, ita cunctari compelleretur, si nimium crassus extiterit. Omnis insuper sanguinis motus fatisceret, si ea ipsi contingerent, quæ post institutam phlebotomiam deprehenduntur: Si etenim e vena missum fictili exceperis scypho, ejus sensim rubentem partem in fibrosum conglutinari rete conspicias, cujus in areis, quæ nonnisi per microscopium cernuntur, qua limpida ichor, qua rubri globuli continentur; mox serum undequaque exprimetur, quod diuturna dudum pruna concoctum in cartilagineam, ac pene osseam duritiem convertitur. Hæc tamen licet diversimode in sanguine fiant, dum in venosis, & arteriosis vasis locatur (b), sæpe sæpius observatorum oculis innotescunt, ipsumque cor infestare videntur.

§. XIV.

CORDIS OBSTRUCTIONES.

ADDUCTA proinde constituta remora ex inducta crassitie sanguinis originem trahente obstrukciones intus cor suboriri necessario debent non idiopathicum modo in coronariis vasis producentes Aneurysma,

(a) Veteres ob concretionum metum sanguinem sibi frequentissime detraxisse alienum a veritate non arbitrabitur, quotiescumque Egyptiorum præsertim mores observentur. Ipsi enim ne in magnam sanguinis abundantiam incurrant præsertim gratia plurimi, ne omnes dicam, quatuordecim non modo semel, sed bis vere, & autumnu sanguinem sibi detrahunt, & hoc faciunt tam urbani, quam agrestes homines, ut ait Alpinus *Hist. Egypt. Natural. l. II, cap. 10, pag. 126.* Lugd. Batav. 1735.

(b) Quælibet fermentationis species in corde, atque arteriis excitata ob mutuos cordis motus major est quam in venis, atque adeo efficere potest, ut sanguis magis caleat,

at ipsius quoque cordis amplitudinem promoventes. Obortæ observantur tales obstructions sive in ipsis arteriosis canalibus, sive ad extrema eorumdem oscula, ex quibus liber sanguinis circuitus aliquatenus præpeditur. Quum vero cordis contractiones nusquam fieri desinant, atque sanguis ipse in arterias perpetim deferatur, evidens est, ex tali occurrente impedimento renisum quemdam sanguinis in cor effici, & utraque coronaria cordis vasa repulso aortæ cruore repleri (§. VII), nec non musculosam cordis substantiam uberiolem nutrimentum succum recipere, valvulasque laxari, ac pene diduci semilunares. Quapropter cum in unaquaque cordis diastole non modo consuetus fiat in cor sanguinis impetus per aurículas, & venarum truncos, verum & superadditus in cor ipsum ex arterioso tuborum latice refluxus, hinc non sola ventriculorum utrobique protensio consequitur, sed auricularum quoque, ubi sæpius propter minorem quam in ventriculis resistentiam, Aneurysmata ab Anatomicis reperta sunt, proindeque universi cordis amplitudo induci magis magisque debebit. Idipsum itidem ex ebulliente cruore expectandum fore concludendum est, si in fibrarum poris dudum effusus in coronarias effluere venulas prohibeatur; conabitur enim se in meatus fibrarum intrudere, atque ex inducta quadam veluti phlogosi torrescens sanguis coronaria sensim distendet, & haud raro perumpet vasa, credendumque videtur præternaturalem ipsum cordis amplitudinem pariturum. Retiendum autem illud non est, quod nimirum grumescens in corde mole aucto sanguis absque concretionem polyposa nonnunquam adinvenitur. Has quidem grumescentes substantias cardiaco jam præexistente Aneurysmate mihi aliquando intueri contigit gelatinosam referentes naturam, colore præditas nigricante, facile tamen anatomico cultro cedentes, atque nullis internis ipsis cordis vasibus fortiter adhærentes, sed a quibuslibet propemodum partibus segregatas. Minime vero consolidari posse apparet, nisi fibrosæ gignantur in ipsis partes substantiam ipsam duram reddentes, & assiduis cordis contractionibus reluctantes, quod raro admodum fieri potest, cum hujusmodi grumescentes substantiæ vel in obitu ipso, vel paulo post ipsum quandoque efformari queant (§. XVII). Hujus generis fuisse

rubeat, & mutationes plane dissimiles in arteriis producat, quæ ab iis non parum differant, quæ in venosis vasculis efformantur. Mecum autem consentire videtur Widmerus *Chym. corp. Animal. cap. VII, §. 55, pag. 26. Argentorati 1751.*

videntur illæ, quæ anno 1656 observatoribus affatim patuere, & quæ plurimos repentinos prodixerunt interitus, & cor, ejusdemque vasa turgentia, cruentaque subfluida massa, & nigricante laice referta reddere visæ sunt. Etsi itaque ex polypo, aliisque durescentibus concretionibus consequi præternaturalis cordis amplitudo queat, eodem tamen secluso fit manifesta; grumescens etenim observatur quandoque sanguinis in corde congeries, non vero fibrosa, firmiterque coronariis vasis adhærens (a).

§. XV.

VASORUM SANGUINEORUM ALTERATIONES.

MINORES canales cujuscumque generis multo minus ex cordis vi ampliantur, quam majores, quibus admodum extensis minora vasa fortiter comprimuntur. Ex hujusmodi vero compressione minor in iisdem sanguinis affluxus peragitur, ex quo magnopere debilitantur. Alicujus proinde momenti laxitas in his quoque visceribus fieri debet: quæ a sanguine, qui per minores canales defertur, enutriuntur, exindeque determinatum robur accipiunt. Si itaque vel qualibet levi de causa id in coronariis vasis acciderit, hæc laxabuntur, alternisque aliquantulum perditis motibus circulationem sanguinis in vase illo, ubi locatur impedimentum, lentius peragi certum est. Reliquæ igitur ramificationes minoris, & infimi generis ex prohibita consueta sanguinis alluvione exinanitæ propemodum supererunt, ac paulatim humore illuc sensim extillato, & per spatium, quod superest, pertransiente refertæ illum eundem diu detinebunt, usque dum paulatim crassescens debilia, ubi locatur, vasa immaniter extendat, quæ

(a) Concretiones aliquæ polyposæ dicuntur ob quamdam sortasse similitudinem cum animalibus quibusdam marinis, quæ tale nomen sortita sunt, seu cum aliis ejusdem nominis in aqua dulci manentibus, & ad Insectorum classem reducendis, quæ a Lyonetto graphice tabulis descripta sunt, & in observationibus Trembleyanis inserta. Vid. Trembley, *Mémoires pour servir à l'histoire d'un genre de Polypes d'eau douce à bras en forme de cornes*, Mém. I. &c. A Leyde 1744. Quemadmodum autem animalia hæc longis donantur brachiis, ita & polyposæ humani corporis concretiones ea ratione disponuntur, quæ descripta sunt a Caldesio *Observat. Anatom. intern. le Tartarugh. Tav. IX. Firenze 1687*, polyporum nempe brachia repræsentantes, quibus alia insecta præsertim terrestria frequenter arripiunt, veluti adnotavit Ovidius *Metam. l. IV, v. 366*.

*Uique sub aquoribus deprehensum polypus hostem
Constitit, ex omni dimissis parte flagellis,*

in aliqua cordis systole tandem aliquando diffringentur, cruoremque inter muscularis substantiæ minimos anfractus immittent. Insuper cum non modo fluidi nervei, sed determinati cruoris affluxus ad promovendam muscularem actionem non leviter conferant, nil mirum, si quadam superveniente pressione nervosa, & sanguinea vasa alterationem quamdam subeant, ex qua ipsius cordis imminuatur actio, & æquabiliter haudquaquam exerceatur (a). Hinc palpitatio, & intermittens pulsus emergunt; tunc enim fluida constituta sibi ipsis leges non servant, conanturque vasa remissius alternos motus peragere. Hujuscemodi tamen pressiones extrinsecus fieri quoque possunt, præsertim ad basim cordis, quin aliquid aliud interne agens semper adveniat. Et sane pinguedo illa, quæ in ejus base continetur, nec non glandulæ nimium ampliatae vasorum truncos adeo comprimere valent, ut illud idem consequatur, quod jam innuimus. Minor ergo ex hac compressione in coronaria vasa propelletur sanguinis quantitas, ex qua vasorum eorundem actiones immutabuntur; debiles namque fient, neque sufficientem fluidi quantitatem in vasa sibi respondentia transmittent. Sanguinis interim portio aliqua supererit, quæ cum proprio, perennique motu destituatur, facile quidem depravabitur, & eos, intra quos continetur, canales afficiet, ibique, vel extra ipsos grumescens expatiabitur, donec cordis moles incipiat extendi, & cardiacum subsequatur Aneurysma (b).

§. XVI.

POLYPORUM INDOLES.

QUE autem de grumescente paulatim substantia effati sumus determinatam respiciunt sanguinis quantitatem, qua sensim durecente, licet ejus moles ex vi circulationis nequeat ut plurimum dissipari, incrementum illius lente perficitur; pertranseunti enim sanguini superest locus usque dum immani confecta mole sanguinis fluxus prohibeatur, ex quo mors repentina suboritur. Id tamen & vero in

(a) Id clarius apparet ex cognitione relationis inter vim dilatantem, & resistentiam intercedentis. Vid. Bernoulli *Diff. De mot. Musc.* §. 12. Lugdun. Batav. 1710.

(b) Frequentiores esse sanguinis coagulationes, rarefactiones, ut demonstravit præceteris Jo. Tennentius *Physical disquisitions demonstrating the cause of the bloods morbid rarefaction, and stagnation.* London 1745.

polypo aliquando contingere posse asseruit Malpighius (a), qui eodem in cordis ventriculis existente relinqui ratus est canalem sanguini pertranseunti. Polypus vero celerius incrementa fuscipit (b) citiusque durefcit, ac retropulso sanguini facilius obfcit, veluti ex ejuſdem geneſi comprobatur, ſi ipſe præſertim paulatim fiat; nam in interitu ipſo efformari quandoque poſſe credibile eſt (§. xvii). Majorem uberioremque ſanguinis quantitatem in venis cadaverum, quam arteriis collectam reperiri repetitis comprobatur experimentis, propterea quod cum motus ſanguini impreſſus aliquantulum in morientibus perſeueret, arteriæ mediocriter exinaniantur, dum ſanguis, qui in eadem ruebat, in venas exinde protruditur, ubi copioſior hæret. Enimvero ſive ex rubra, ſive ex alba ſanguinis parte polypus fiat, plane conſtat, coronaria vaſa ſanguine reſerta, & plus æquo amplificata, ex majori poſt interitum additione peracta adeo immaniter turgere, ut fieri priuſ nequeat, quin illico diſrumpantur, atque internæ cordis ſubſtantiæ ſuperent reſiſtentiam. En igitur & poſt ipſum interitum prætumida cordis mole magis magisque reddita inceptum, auſtumque coagulum deficiente ſenſim nativo calore multiplices recipit mutationes. Neque attendenda ſemper polypofa ægritudo eſt, ex qua homines interierint, cum eſſe queat polypus ipſe mortis effectus: Si enim ſanguis motum omnem deperdat, coagulari poteſt, ſi tenuior demittatur pars, dum præcipue a poſtremis exprimitur palpitationibus (c). Si quid interim polypofum antea præexiſterat, ex majori adueniente cruoris quantitate iidem extenditur, ipſique quodammodo calcar additur, cum ſupervenientes recentis huiuſce ſanguinis partes grumeſcentis ſubſtantiæ particulis ita adhæreſcant, ut unaquæque homogeneas, quæ inſunt, amplectatur particulas, cunctæque veluti attractione quadam mutuo intercedente in unum inibi corpus concreſcant (d).

(a) *Oper. Poſth. Amſtelodami 1698.*

(b) Experimenta in animalibus inſtituta idipſum oſtendunt: ſi enim ea animalibus ſuppeditentur alimenta, quæ concreſcences valent producere, diſſectis eorundem cadaveribus concreſcences ipſas poſt mortem fuiſſe reperiæ, eſt ab aliquibus deprehenſum. Quinimmo in iis, quæ ob venerarum viperæ morſum interierunt, congelationes ſanguineas fuiſſe adinventas teſtatur eſt Redius, *Oſſervazioni intorno alle Viperæ pag. 59. Firenze 664.*

(c) Talis coagulatione non ſolum in ſanguine ipſo, ſed in tenuioribus ejuſdem particulis poſt ſeparationem aliquam obſervatur. Vid. Boyle *App. ad hiſt. hum. ſangu. P. IV, Tit. 10. Londini 1684.*, & *Mairan Diſſert. ſur la glace Paris. I, chap. 18. A Paris 1730.*

(d) Attractionis vires in humano corpore interdum agere certum eſt: Relicta enim

POLYPORUM EFFORMATIO.

QUICUMQUE polypofas concreciones seu post mortem, seu in ipso mortis tempore fieri decreverunt, ex vario ægrotantium decubitu esse deducendas opinati sunt, quandoquidem sanguinea posita crusta, quæ ubi sanguis in grumescens substantiæ superficie concreverit, deprehenditur, eandem ita locatam in vasis corporis observaverint, ut ex ejusdem situ exortos in instanti fuisse polypos peculiari suspicione perstricti fuerint. Ac profecto qui cælum versus spectante facie mortem oppetere visi sunt, hi memoratam crustam ita positam habuere, ut albicantes sanguinis partes supremam grumescens substantiæ sedem abriperint, ac rubræ insuper descenderint, pariterque quilibet variante decubitu, si e vita decesserint, rationem quamdam allatæ haud absimilem quodammodo servant, ideo ut si instituta ante obitum sanguinis missione enunciatam crustam, postquam e vena sanguis eruperit, quis deprehenderit, vaticinari protinus possit, ægrotantem ex polypo moriturum, seu institutæ demonstrant observationes (a). Num itaque semper in interitu, vel ante ipsum semper

cohesionem plurimarum partium, quam tantopere laudavit Hambergerus *Physiol. Med. seu de æst. corp. hum. san. Jenæ 1751.* & quam ab attractione mutua pendere omnibus enitescit, patet humanum corpus ab externo aëre circumdari, qui per omnes ejusdem cavitates insinuat, & humoris immiscetur, quibus humidas aliquando particulas, ipsumque frigus communicat, ita ut quantum una die sanum corpus per poros amiserit, tantum attractionis ope recipiat, quemadmodum in vegetabilibus experientia demonstrat. Perspectum insuper est alium plantis pedum admodum faucibus proprium odorem communicare, assumptasque cantharides ad renes solum deserri, & mercurium intimæ, & remotiora quæque pervadere corporis penetralia. At vero æquabilis fluidarum partium permixtio fieri non posset, solidaeque partes propriam non asservarent formam, & magnitudinem, neque corporis nutritio rite perageretur, ipsiusque necessaria fierent incrementa, nisi hujusmodi vires admitterentur, quemadmodum ostendit Robinfonius *Animal. Econom. Prop. 29. London 1738.* Necessaria insuper est attractionis mutuæ vis, ut vulnera facilius uniantur, & coalescant arteriæ postquam incisionem subierint. Verumtamen efformatio Aneurysmate sanguis minimorum ramorum majori quantitate fertur versus eam sanguinis massam, quæ ab Aneurysmate continetur, & ab ipsis membranis attrahitur.

(a) Vid. Andr. Pæssa *Epist. ad Alethophilum de mot. sang. post mortem & de cord. Polyp. in dub. revocat. Bergomi 1737, & Medic. Essays of the Society of Edimbourg vol. II, p. 273.* Polypos ante mortem signi puravit Kerckringius *Spicileg. Anatom. Observ. 73, pag. 149. Amstelodami 1673;* sed ipsum fuisse hallucinatum ostendit Mangetus *Biblioth. Anatom. T. II, p. 2, pag. 124. Geneva 1687,* vel quia grumofas fortasse concreciones a polyphis non distinxit, veluti observandum esse docet Peyerus *Met. Hist. Anatom. Med. cap. 6. Geneva 1681,* vel quia adiposæ substantiæ sanguini permixtæ, & nonnunquam concrecentis indolem non agnovit, quemadmodum in vena cava deprehendit Bontius *Medic. Indor. Observ. 8, p. 36*

enascatur, statuendum minime videtur, cum ex observatis innotescat, illum tum multo ante, tum in obitu ipso efformari utique posse. Atque, ut vera fatear, quamvis inficiari ipse non audeam, ægrotantes nonnullos polyposas, dum e vivis excefferint, contrahere concretiones, ipsis tamen adhuc viventibus easdem jampridem effici nonnunquam cepisse ex quodam veluti morbosæ affectionis caractere conjicitur.

S. XVIII.

POLYPORUM SIGNA.

NEQUE is ego sum, qui observationes proprias eousque protenderim, ut complures ex polyposis concretionibus vita functos noverim, diuque in vivis degentes inviserim, ex iisque ad veram comparandam ætiologiam experimenta captaverim; quin potius ex viris spectatissimis Medicam praxim longo annorum intervallo exercentibus acceperim, modo hæc, modo illa, etsi maxime disparia, expendenda in infirmis occurrere morbi argumenta optimis quibusque, & accuratis observatoribus inconspicua. Vibratus tamen, atque intermittens pulsus, coarctata præcordia, protensa in jugulo vasa, animi defectus, sæpissime recurrentes, palpitationes (a), brachii torpor, pulsusque in eodem obscuritas, nec non spasmodicus sterni dolor non ideo observatorum ingenia torquent, ut si luculenter in uno eodemque

Lugdun. Batav. 1658, vel tandem quia carnis frustula sanguineis vasis conglutinata ea non perspexit solertia, qua perspexisse alios demonstrent recentiores, qui veterum inter se collatis observationibus idipsum de Diemerbræckio *Anatom. I, II, cap. 9, p. 772. Lugdun. Batav. 1679. Bartholino Observ. Cent. I, ep. 2, hist. 20. Hafnia 1657. aliisque affirmari posse consentiunt. Discrimen vero, quod inter polypos intercedit, & Aneurysmata, aperte demonstrat polypos ipsos modo ante, modo post mortem efformatos aliquando fuisse. Videnda tamen ea sunt, quæ infra sumus prolaruri, quibus ea addi possunt, quæ apud scriptores descripta reperiuntur, & præsertim apud Severinum *De Nov. Observ. Alsc. cap. 2, pag. 280. Lugdun. Batav. 1724. Riverium Cent. IV, Observ. 34. Parisiæ 1646. Heurnium Observ. rar. Hist. 27. Lugdun. Batav. 1609. Platerum Observ. 7. Basileæ 1755. Willisium Cerebr. Anatom. cap. 7. Londini 1670. Tulpium Observ. Medic. I, I, cap. 44. Lugdun. Batav. 1716. Lowerum De cord. cap. 2, pag. 145. Londini 1669.**

(a) Aliquando ex sola palpitatione cognoscitur polyposa concretio, maximeque potest determinari, si post excedentem corporis motum ideo crescat, ut non facile tractu temporis minuat, pulsusque debilem habeat cum difficili junctum respiratione. Præcipua tamen signa nullum robur habent, si polyposa jamdiu efformata concretio ægritudinem aliam produxerit, quemadmodum de Apoplexia dicendum est: Tunc enim utriusque morbi signa ita confundi possunt, ut aliqua ab aliis facillime destruantur, veluti observationes Wepferi demonstrant. *Vid. Hist. Apopl. Obs. 70, 71 & seq. Amstelodami 1658.*

casu perfliterint, ambigi non amplius queat, revera polypum adfuturum. His autem omnibus una simul confociatis perſæpe deliteſcentibus, & nuſquam niſi ſero nimis conſpiciſ, nudus proſpecto prodirem in ſcenam Empyricus, ſi tutos quosdam proponere canones vellem, e quibus manifeſta diagnoſis eliceretur: Unicuique enim patet, hanc, de qua loquimur, ægritudinem ex longe varianibus cauſis proficiſci, quarum aliquæ deliteſcunt denſiſſimis tenebris conſepultæ. Inſtar omnium ſit ad rem noſtram, quod de polypo hæreditario dicendum foret, quem cuilibet ſedulo conſideranti perſpectum eſt, ex cauſa multiplici derivari poſſe, cum non iſdem ſemper ſtipetur ſymptomatibus, ſecluſa cordis palpitatione, uti ex morborum hiſtoriis deprehenditur (a). In præternaturali ulterius cordis amplitudine non deſuere, qui certa proponere indicia meditati ſunt, at ſi quando panduntur, non in eodem ſemper ægotante perſiſtunt, niſi ea commiſci velint, quæ de pondere, atque moleſtia cordis Scriptores prodiderunt (b).

§. XIX.

ANEURYSMATIS, ET POLYPOSÆ CONCRETIONIS CONJUNCTIO.

ILLUD unum maxime juvat agnoſcere, quod nempe polypoſæ ſatis ſuperque adveniuntur concreciones modo in vitæ curriculo, modo in interitu exortæ, modo denique, uti quondam legimus, contigſſe, hæreditario veluti ſemine propagatæ (§. XVIII). Hæſce non Aneurysmate quovis dumtaxat efformato in iſtis coronariis vaſis agnitas novimus (c), quin & ex iis idem produci Aneurysma conſueviſſe contendimus, ex quo prænaturalis cordis amplitudo deduci queat: Nam quod in reliquis arteriarum truncis uſuvenit, id & in iſtis coronariis canalibus animadvertitur, externo tamen, & validiori ſecluſo impedimento ex ipſa muſculoſa cordis ſubſtantia interveniente, quo reliqua vaſa, ubi obſervantur Aneurysmata, nonnunquam deſtituuntur, quodque ex valido, alternoque cordis motu pro diverſa huma-

(a) Vid. *AR. Berolin*, Dec. II, vol. 7, pag. 99.

(b) Vid. *Lang. Oper. Medic. Part. III*, pag. 211. *Lipſiæ* 1704.

(c) Vid. *Leeuwenhæck Experim. & contempl. pag. 179. Lugdun. 1696. Mémoires de l'Acad. Royale des Sciences an. 1707, & Haller Mémoire ſur le mouvement du ſang, & ſur les effets de la ſaignée chap. II, pag. 22. Lausanne 1756.*

humanorum corporum firmitate superatur, dum prope cor universum vasorum genus concutitur. Ac profecto quacumque posita grumescenti materie, quæ paulatim in coronariis gignatur vasis, sanguinis affluxus aliquatenus intercipitur, ac ex perenni ipsius renisu intimæ canaliculorum parietes adiguntur, usque dum majori peracta concrezione ex ampliore vasis capacitate insuperabile nanciscantur impedimentum. Præterquam quod si prava sanguinis accedat constitutio, & præsertim erosivis scateat ipse particulis (§. LI. LXXIII), tunc facile dignoscetur, quomodo vel in ipsis minimorum vasorum cor ipsum ambientium oris haud dissimilis consequatur effectus: Ea etenim, quæ ex erosione contingunt Aneurysmata, in tenuioribus vasorum orificiis frequentius apparent cum aliquo dolore conjuncta, & quacumque præripiunt intercapedinem (a). Nil itaque prohibere videtur, quin & in extremis minimorum vasorum, quæ cordi insunt, oculis idem quadam veluti constituta similitudine fiat, quod in nimio catameniorum in scæminis fluxu, nec non in hæmoptysi observatur, quodque alias ex vi circulationis fieri prohibetur.

§. XX.

EROSIONUM EFFORMATIO.

QUUM vero coronaria cordis vascula tenuia fuerint in extremis oculis constituta: erodi haud difficile valebunt, exindeque cruore per anfractus muscularis cordis substantiæ diffuso augebitur cor admodum mole sua, neque aliquid aliud adveniens incusabitur. Ex quo fit, ut cardiacum Aneurysma in iis sæpius detegatur, qui sive syphiliticis, sive scorbuticis tentantur affectibus (b), cum in iisdem

(a) Vid. *Hist. Morb. Uratislav. an. 1701, pag. 238. Lausanna 1746.* Mortua Ducis Brunsvicensis conjuge Chirurgus aperuit cadaver, & observavit dextrum cordis ventriculum ab ulcerosa erosione fuisse disruptum. Vid. *Mémoires de l'Acad. Royal. des sciences an. 1732.*

(b) Hæmorrhagiæ, quæ in scorbuticis observantur, ex ipsa humorum acrimonia deducuntur, ex quibus erosa vasa sanguinea, sive mollia reddita, sanguinem contentum effundunt, veluti relictæ me licet animo in charissima sorore mihi observare datum fuit, quæ quantitatem sanguinis universam per nares paulatim effudit, usque dum integro elapso ferme anno serosa, & albicante superveniente substantia, & languidiore sensum reddido cordis motu, tandem occubuerit, cum vix novem annos attingeret. Si ergo ex affectione dumtaxat scorbutica adeo depravatur sanguinis massa, ut erolvam naturam adipiscatur, multo magis in Aphrodisiacis id ulovenire posse censendum est, cum ipsi labem immisso

coagulantes, adnotante Malpighio (a), acidique sales contineantur (§. 11). Quod vero ad polyposæ cuiusvis concretionis pertinet productionem, innuendum est, non ex polypo dumtaxat emergere Aneurysma consuevisse, verum Aneurysmate constituto polypum ipsum in arteriæ expansione efformari, ceu animadvertit Morgagnus (b). Quid quod & in expansione alicujus coronarii vasis ex allatis casibus inducta nasci concretio potest, ex qua liberiori cruoris affluxu intercepto cor admodum crescere compellitur mole sua (c). Quælibet autem exorta hujus generis concretio persæpe in ventriculis, & auriculis cordis advenitur, qui ramosas propagines in arterias, & venas emittunt, ibidemque pariter ossificatas hirsutasque repertas fuisse partes accepimus totam sinistram cordis regionem occupantes (d). Quo in loco reminiscendum occurrit, quod observatum est, polypos ipsos facilius in dextro, quam sinistro cordis ventriculo con crescere, & ampliorem quoque molem acquirere.

veneno acceptam referant. Quod vero gravius in scorbuticis extrat, statim apparet, & ex ipsis, etiam maxime variantibus, ejusdem signis eruitur: Pusillarum enim eruptio, membrorum extenuatio, pruritus, & erosio gingivarum, & alia, quam plurima lethalis hujus ægritudinis argumenta ostendunt, sanguinem adeo depravari, ut vasa, quæ ipsum continent, erodantur; & mollia fiant, ut facile sanguinem ipsum effundant. Hic e vena missus atram, & grumescentem indolem in fibrosa sui ipsius parte præ se fert, salisam, & acrem in terola, ut si in minimis hæreat vasis, ex ea, qua pollet acrimonia, sanguinea erodat vasa, ut ex varicosa venarum, quæ raninæ dicuntur, constitutione deducitur. His in minoribus humani corporis vasis rite peripetis, facile in coronarius cordis oriri posse concludimus.

(a) *De Polyp. Cord. Dissert. Londini 1686.*

(b) *Et nos revera in muliere quadam cum nihil uspiam polyposi, & nominatim in corde, & cerebri sinibus invenissemus, intra Aneurysma tamen non magnum, in quod sinistra ejus arteria subclavia expandebatur, adhaerentem oblongum polypum observavimus. Adver. Anatom. II. Animadv. 40. Lugdun. Batav. 1723.*

(c) Vermes in corde circa coronaria vasa repertos fuisse veteres crediderunt. Hos polyposas fuisse concreciones asserimus insectorum speciem referentes.

(d) Vid. Bonet, *Sepulch. Tom. II, l. 3, sect. 16, pag. 313. Geneva 1700.* Cor Leonidis Lacedæmoniorum regis ex genere Heraclidarum hirsutum fuisse reperiunt ex Aristide Perficarum rerum scriptore asseruit Plutarchus Παισαλλ. δ, quod tamen insolitæ cardiacorum valorum alterationi arbitror esse tribuendum, quæ ipsum quasi hirsutum reddere potuisset. Sed nonnulla libenter audire fas est, quæ eruta sunt ex *Misc. Natur. Curios. Dec. III, an. 5 & 6. Observ. 122.* Ita namque ibidem legi potest; *De corde hirsuto memini clariss. Dom. D. David Grebnerus Med. Vet. Rept. c. 16. De cord. p. 121, & ante ipsum de tali corde alii. Hinc narret Valer. Max. de Mirac. lib. 1, c. 8. Aristomeni Messenio cor reperiunt fuisse hirsutum, de quo etiam Plinius Hist. Nat. lib. 11, & Jo. Schenckius Obs. Med. lib. 2. De corde pilis repleto scribit curiosas observationes Pet. Crinitus. De hon. discipl. Euhinius Anat. Antiqu. Benivenerius De addit. morb. caus. Theod. Craanen De hom. Plutarchus Paral. Cal. Rhodigin. Antiqu. lect. l. 4. M. Ant. Muretus Var. lect. l. 12, c. 10. & tandem Amatus Lusitanus*

§. XXI.

CONCRETIONUM QUANTITAS.

MONENDUM tamen videtur majorem minoremve polyporum in ventriculis cordis sedem habentium amplitudinem eorundem capacitati proportionari : Dexter enim quoad substantiam dimidia parte mollior, & tenuior sinistro est, eodemque amplior, adeo ut illius vis dimidio saltem robore polleat, atque sufficiat sanguinem ad usque proximos deferendo pulmones, quando sinister ad omnes totius corporis partes per minimos propellere canales debet. Dexter tamen cordis auricula non admodum sinistra major extat, propterea quod sanguineus latex minori vi ex venis in cor effluens ampliorem exigit diametrum, quam qui majori cum velocitate per venam effluit pulmonalem; vasis etenim angustia ab aucta celeritate rependitur. Animadversum pariter fuit, non ita frequenter in canalibus a corde remotis hujuscemodi concretiones adesse, rariusque in arterioso aortæ tubo sedem habere, quandoquidem ex sanguine vehementer a corde propulso dissipari valerent (a). In iis tamen aortæ locis, ubi ipsa incurvatur, & ubi ramosæ fiunt vasorum elongationes, ex observatis esse frequentiores innotuit, easdemque cum Aneurysmate in aortæ tractu frequentissime consociari. Id autem ab unoquoque facile percipi potest, si superveniens obstaculum cum exorto conferatur Aneurysmate : Si namque concretio aliqua, quæ efformari jampridem cœperit, ex vi circulationis per aortæ truncum descendens in locum, ubi iliacæ ex aorta proficiunt arteriæ, statim descenderit, ibidemque constiterit, sanguini ad iliacas fluenti remora quædam fiet, quæ si insignis sit, subitam mortem minabitur, sin vero mediocri

cent. 6. narrat olim Ferraria nostra (sunt Lanzonii verba) se observasse cor cujusdam latronis insignis, & audacissimi pilis circumseptum, sic pariter hic Ferraria an. 1696. sub fine mensis Aprilis quendam plebicum ætatis an. 47 fortè Pleuritide extinctum in h. spitali S. Maria Novella (idem loquitur Lanzonius) mea cura commissio cultro Anatomico aperti, & cor inventum est undique pilis repletum; in pulmonis autem ala dextra abscessum vidimus mortis ac morbi causam; sic monstrata nascuntur in dies, & mirabilia depromis natura semper admirabilis, semperque curiosa in triplici suo regno, animali nempe, vegetabili, & minerali. Permulta etiam ex aliis scriptoribus eruuntur.

(a) Rarum videtur, per omnes corporis arterias, & venas polyposas simul diffundi posse concretiones. At ex Zoologicis observari evincimur, canem vix functum esse ex polypis venas, & arterias omnes corporis occupantibus. Vid. *N. Hafniens. an. 1679, Obs. 29.*

stipetetur mole, concretio hæc quotidie magis subcrescens arteriæ parietes amplificabit, atque in emissaria arteriarum ab aorta derivantium proruet sanguis, & modo cœliacam, modo mesentericas, modo emulgentes, modo vero spermaticas comprimere conabitur, usque dum varii generis exsurgant Aneurysmata. Quare non abs re concludi posse videtur, non solum ex efformato jam Aneurysmate innasci polypum posse (§. XIV), sed ex polypo ipso emergere Aneurysma consuevisse, etiam si ejusdem locus ab eo, quem occupat polyposa concretio, aliquantulum distet.

§. XXII.

C O R D I S L E S I O N E S.

His itaque positis idem in ipsomet corde statui posse apparet: Nam siue in ejusdem ventriculis, siue majoribus ramis adsit impedimentum, Aneurysma sensim consequitur, quod seu cum polyposa concretione, seu cum aliqua vasorum obstructione copulatum cordis amplitudinem æquo majorem ingenerabit. Potiori ergo jure arguendus videtur Plinius (a), qui cor morbois nusquam tentari affectionibus effatus est, neque forte fortuna læsum illico necem inferre audacter nimis pronunciare non dubitavit. Attamen ipsa probe cognovit Antiquitas, ex læso animalis corde œconomiam perverti universam, atque ipsi acceptum vitæ principium esse referendum: Non enim ignem, & caloris cardinem causamque solummodo veteres appellarunt, sed humanæ vitæ thesaurum, vivifici aureique nectaris fontem, τὴ μὲν κέρσην solem, ipsiusque animæ sedem, veluti ex ipsa voce, quæ animum quoque designat, ad nos usque deducta concluditur (b). Ipso igitur morbosa qualibet affectione laborante nisi repen-

(a) L. XI, cap. 42. Parisiis 1723.

(b) Id non solum a Græcis, apud quos vox καρδιά cor animumque significat, indigitatum videmus, sed inter Orientales ab Judæis acceptum novimus, quandoquidem ex voce Chaldaea cor, & animus designatur, quasi ex Hebræa voce transposita deduci velis, quodque vel apud Arabes idem videtur esse, cum cogitationem ex Judæa voce כושר intelligant. Vid. Buxtorf. Lex. Hebr. & Chald. pag. 75. Basilea 1735. Alia hujus generis proponuntur a Willisio De an. brut. cap. 8. Londini 1677. Neque defuisse compertum habemus quosdam ex veteribus, qui ex aucta, vel imminuta cordis magnitudine diversas deduxerunt animi proprietates, veluti eruitur ex historiis, quarum nonnullas reulq̃ Silvaticus Controv. Medic. contr. II, pag. 17 & seq. Mediolani 1601.

tinum interitum, interruptam saltem lucis usuram ægrotantes experiuntur, cum non circulatio dumtaxat sanguinis perturbetur, at vel morbosus emergant affectus, quos recensuimus.

§. XXIII.

HYDROCORDIÆ ORIGÒ.

NON omnis profecto cordis labes internam agnoscit originem, cum alterationes quædam ex humore pericardii subsequantur: Licet enim illo deficiente oriantur marasmus, & palpitatio, tamen & immodica existente quantitate sive congelatur (a), sive copioso plus æquo subsistente valde perniciosam affert Hydrocardiam. Ac profecto nihil aliud humor pericardii est nisi latex quidam lymphaticus e glandulis supra basim cordis jacentibus, & per univcrsum pericardium conspersis extillatus, qui ignis calore concrefcit, additoque spiritu nitri lactescit aliquando, & loturæ carniurn colorem præ se fert, rubentesque particulas continet microscopio conspicuas. Hic non modo diversi coloris particeps deprehensus quandoque fuit ab Anatomicis, sed purulentus, salinis, acrisque refertus particulis, aliisque inquinamentis, a quibus affici pericardium valet, ejusque capsula exulcerari, nec non phlogosim suscipere, veluti ex interno fixoque ægrotantium circa medium sternum dolore deducitur. Quum vero quantitate nonnunquam minui consueverit, decepti sunt Anatomici, cum viderint pericardium ipsum arctissime cordi conjunctum ut vel ipsum asseruerint defuisse. Quamobrem ne major, minorve hujusce humoris quantitas decipiat aliquem, cum nunc major, nunc minor esse debeat (b), prout diversitas rerum exposulat, atque justius ferri velit judicium, observatio in recenti cadavere, minimeque præviis morbis, & macie confecto instituenda est. Licet itaque excedenti, ac præternaturali posita cordis amplitudine, aliisque vitiis enasci queat Hydrocardia (§. vii), tamen & ipsius pericardii humore qualitatè peccante cor affectionibus quibusdam obnoxium fiet: Ea namque omnia, ex quibus hujuscemodi coalescit humor, ideo extimulanti

(a) Vid. *Philosoph. Transact. for the year. 1670.*

(b) In sætu copiosius reperiri testatur est Du Verney. Vid. *Art. Petropolitan. Acad. vol. 2.*

pollent facultate, ut nempe quidquid in illa capsula continetur, difficile putrescat. Putrescet igitur, si quantitas minuatur; sin minus, pericardii membranæ depravabuntur, ipsumque cor prava & assidua torqueri colluvie non desinet. En labes absque repagulo, quæ nonnunquam in cadaveribus deprehenditur neque polypo quopiam, neque alio superveniente impedimento.

§. XXIV.

PERICARDII ALTERATIONES.

MAJOREM tamen humori, qui in pericardio continetur, labem ex putrescentibus sanguinis ibidem contenti particulis, quas satis superque adesse ex rubentibus maculis, atque colore loturæ carniū consimili concluditur (§. XXIII), arbitror accessuram, quam ex universa ipsius massa, in qua salinas, acresque reperiri particulas adnotavimus. Id autem tum verum esse censendum est, cum hujusmodi sanguinæ partes maxime exuberant: tunc enim facile corumpentur, & suppurabunt, propterea quod effusus affatim sanguis e propriis canalibus facile in pus convertitur, monente Hippocrate (a), nisi quidpiam contrarium advenerit, veluti in nonnullis Aneurysmatum tumoribus monendum est (§. LXXI). Verumtamen quantitas sanguinis universa utique putresceret, nisi magna coalescendi vis inesset sanguini, ac præter defectum balsamici spiritus liber ambientis aëris influxus adjiceretur (b). Verum etsi talia supervenirent, ex assidua fortassis, perennique humorum circulatione ad nihilum deducerentur, quod tamen in pericardii humore nequit usuvenire, nisi sanguinæ substantiæ quantitas cum quantitate acrium & salinarum partium minorem habeat proportionem. Quod denique attentionem quamdam videtur exigere illud profecto est, quod nempe pericardii membranæ phlegmone persæpe afficiuntur, veluti ex pref-

(a) Ἦν εἰς τὴν κοίτην αἷμα ἐχυθὴ παρὰ Φυσιν, ἀναγκη ἐκπυθῆναι. Ἱπποκρ. ἀφρυσμ. τμημ. 5., αφ. κ.

(b) Duplex ergo putrefactionis causa existit: prima defectus influentis balsamini spiritus; altera ambientis aëris, & corpusculorum ibidem contentorum influentia, qua evenit, ut partes spiritui vitali balsamino destituta, quo antehac ab omni externa causa defendebantur, & præstervabantur, jam ab ambiente aëre (aliisque circumstantiis) influentiam, & actionem patiantur. Beccher. rhyf. sub. l. I. sect. 3, cap. 1, num. 23, pag. 270. Lipsiæ 1703.

sione quadam circa sternum, aphonia, assidua febris, inquietudine, siti, calore, sudoribusque dignoscitur. Si itaque suppuratio intus pericardii capsulam fiat, maxima ibidem materiæ putrescentis alluvies conglutinabitur, ex qua nova consequentur symptomata cordi infensissima. Sed iis animadversis, quæ præcipue cor afficiunt, jam ad arteriarum Aneurysmata perpendenda deveniendum putamus.

§. XXV.

AORTÆ ANEURYSMA.

QUÆDAM itaque veluti series aliquando constituenda videtur, cum evenire possit, ut idiopatico Aneurysmate constituto oriatur cardiacum, habita semper ratione plethoræ, ex qua allato duplici etiam existente Aneurysmate reliqua consequantur, quæ arteriosos canales cordi proximiores invadant: Posita namque aucta cordis magnitudine, cum major in ipso contineatur sanguinis copia, quam antea, ideo major in aortam impulsus in systolis actu continget. Aortæ igitur Aneurysma fiet, si hujus tunicæ ex assiduo & diuturno superveniente sensim impulsu debilitentur. Cadaverum sectiones rem evinunt, cum magis in aorta ascendente, quæ cordi cohærens est, quam in descendente, quæ ab eodem dimovetur, frequentissime reperiantur Aneurysmata: In aortæ enim flexione major exoritur resistentia, quæ ex ejusdem curvatura sanguini opponitur. Aucta insuper attendenda vasorum amplitudo est in naturali statu probe conspicua, quæ in vasis a corde haud longe positis prænoscutur, quorum initia magis ampliantur, quam eorumdem extremitates. Ac profecto arteriarum extensiones ex vi cordis sanguineum laticem in eas impellentis diminant, & magis minusve augentur juxta majorem minoremve cordis actionem, quæ in arteriis ipsi proximioribus major esse, quam in remotioribus necessario debet, cum ex vicino cordis impulsu majorem in egressu sanguinis ipsi eidem cogantur apponere resistentiam (a). Plura tandem sunt, quæ sanguini in aortam propulso reluctantur, inter quæ sanguis arteriosa vasa replens, conica arteriæ figura, &

(a) Major in aorta requiritur resistentia, quæ sinistro, eidemque admodum robusto cordis ventriculo aliqua ratione respondeat, ut necessariae quædam actiones facilius pereantur. Vid. *Berger Physilog. Medic. l. I. cap. 3, pag. 61. Francofurti 1737.*

postremorum angustiae vasorum merentur observationem, nisi ea in medium producantur, quae de imminutione cavitatis binarum articularum, nempe axillaris dextrae, & subclaviae sinistrae fuerunt excogitata; unde aortae Aneurysma deductum quandoque fuit utpote a defectu virium elasticarum exortum.

§. XXVI.

ALIORUM VASORUM VIRES.

NEQVE præternaturali dumtaxat aortae vasorum amplitudini semper insitendum est, quandoquidem hujuscemodi amplitudo effectus esse potest arteriosi vasis, qui suam diametrum breviorē, exindeque perimetrum angustiorē reddiderit: Tunc enim ex causa, quae contraria effectui apparet, idem consequetur effectus, qui eidem causae adversari manifeste videtur. Id vero nonnisi ex accuratis profluit observationibus cuilibet consideranti evidenter ostendentibus, ex multiplicibus nempe, iisque varianibus accidentibus, a quibus recitandis superfedere satius est, ne longe nimium protrahatur sermo, imminui vasorum capacitatem posse: Sat namque est, ut tunc ex tumore cartilagineo, sive ex superstructa viscerum vasis adhærentium pressione, sive alia quacumque de causa imminui queat vasis cujuscumque, & arteriosi præferim perimetrum, exindeque amplitudo aliqua non longe ab hujusmodi impedimenti insurgat. Id autem haud difficulter agnoscitur, si ea observari velint, quae in circulatione sanguinis non interrupta fieri debent: Quemadmodum enim ex nimia, pusillave sanguinis alluvione pravi nascuntur effectus circulationem quandoque ipsam intercipientes, etsi definita vasorum diameter eadem semper persistat, ita eadem constituta sanguinis massa idem, vel huic perisimilis consequetur effectus, si vasis angustia contigerit: Perspectum quippe est, internum vasorum spatium in composita suboriri ratione ex directis distendentibus, inversisque contrahentibus facultatibus. Neque longe admodum ab angustiae superadditæ situ quidpiam arteriae parietes fortiter comprimens adinvenietur, eo quod major semper vis prope resistentiam fiat supervenientem. Hæc si circa præcordia fiant, nil mirum, si validæ exoriantur palpitationes obstaculum non exigui momenti demonstrantes observatoribus. Retropellitur itaque sanguinis portio quædam, cui prohibita reluctatur vasorum expansio, idemque

retro-

retropulsus sanguis fieri nequit, quin ibidem, ubi majori adigitur vi, præternaturalem promoveat amplitudinem, cujus causa si insuperabilis fiat, repentinus obitus subsequetur, inspectoque mortui ægrotantis cadavere Aneurysmaticus apparebit tumor, quem in aorta existentem, inter cor, & obstaculum sedem habiturum credendum est, cum comprobetur ex observatis, ex ligata aorta tumorem fieri, qui inter cor, & vinculum intumescit. Major autem allata superius vis ex immutata sanguinis velocitate, non secus ac ex superaddita resistentia deduci potest: Ostenderunt enim Hydrologi, quod si fluido quopiam per canalem variæ amplitudinis excurrente tanta ejusdem quantitas æquali tempore pertranseat, ubi minor diameter est: quanta ubi major, velocitatis diversitatem in contraria esse proportionem ejusdemque quadrati diametrorum. Quum autem perspectum exploratumque sit, ex fortiori obstaculo minorem fieri sanguinis velocitatem, facile quidem illa prænosci poterit, si massarum productio in quadratum earumdem respectivæ velocitatis ducto per earum summam dividatur: Tunc enim vis in impulsu perperita ex quotiente innotescet.

§. XXVII.

EXPLICATUR, QUOMODO FIANT ANEURYSMATA.

SED ut intelligatur, quomodo verum fiat Aneurysma, ponantur cordis resistentiæ = m , cordis vis = y , & arteriarum systoles = b ; erit $m + b = y$. Si itaque debilis evaserit b aliquo gradu x , manente tamen y , non erunt $m + b - x = y$. Quamobrem arteriarum diastoles respondebit decremento resistentiæ x , verumque consequetur Aneurysma pro varietate locorum, quæ afficit dignoscendum (a): Sanguis enim defluere per vasa debet servato virium a corde datarum excessu

(a) Neque difficile nimium videtur decernere, quæ quantaque sit præternaturalis amplitudo, quæ in majoribus arteriosis canalibus usuenerit: invento enim Aneurysmate, rotundaque posita arteriosi vasis periphæria, ejusque diametro, jam vasis ejusdem innitens dilatatio, veluti in aortæ Aneurysmate demonstravit Valærengius *De Aorta Aneurysm. Observat. Obs. I. Cremonæ 1742*. Et sane in homine mediocris magnitudinis est juxta Keillium *Tent. 2. aortæ diameter 0.73*, seu per decimalem calculum $\frac{73}{100}$ pars unius digiti

Londinensis, area vero 0.4187. His positis sic præcitaturs Auctor institutam a se respiciens observationem ratiocinatus est: Etenim istius (aortæ nimirum) circumferentia tres digitos mensurabat una cum viginti duabus centesimis digiti partibus. Unde cum circumferentia ad diametrum, juxta Archimedis regulam, sit ut 22 ad 7, inde deduximus, ejusdem arteriæ diametrum

supra resistentias aggregatas, minimeque æquari debet vis cordis iis dumtaxat resistentiis, quas invenit sanguis in proprio circuitu peragendo, uti perperam putavit Keillius (a). Quum vero efformato Aneurysmate graviora sensim evadant incommoda, patescit jam, vim contractionis in arteriis, quæ vi sanguinis easdem distendentis respondere debet, crescere cæteris paribus in ratione molis, & velocitatis, qua sanguis ipse movetur. Denique ex conformatione tunicarum magis, minusve resistentium in arteriosis quoque vasis a corde remotis Aneurysmata totius arteriosi generis emergunt, veluti Florentiæ anno 1755 in viro, qui senectutem attigerat, observatum fuit, in quo innumera dispersa reperta fuerunt per universum corpus Aneurysmata, quæ in ipsis quandoque Zootomicis sedulo peragendis inquisitionibus palam fiunt (b). Quæ vero de tunicis arteriarum minus resistentibus effari volumus non semper de internis intelligenda videntur: Externæ enim & ipsæ a quacumque vel compressione, vel contusione, vel alia immodica vi immutari queunt (c). Id autem reticendum non est, quod nempe minor internarum resistentia ex imminuta externarum vi contingere solet, ideoque si vel ex erosione (§. LI. LXXIII), vel alio quovis adveniente casu aliqua ex externis tunicis sive laxetur, sive dehiscat, impulsus sanguinis, qui in arterias truditur, minorem inveniet in internis resistentiam, ubi maxime externarum consueta

æquari uno integro digito + 0. 2. + $\frac{5}{11} = \frac{3}{10} + \frac{5}{11} = \frac{23 + 50}{110} = \frac{73}{110}$; ideoque diameter ista

alterius diametrum supra expositam superabat per $\frac{39}{100} + \frac{5}{11} = \frac{319 + 500}{1100} = \frac{819}{1100}$; id quod satis

superque probat, quantum istius area consuetam aorta naturalem capaciatem superaret. Siquidem hoc manifestum fuit mediæ diametri in circumferentia dimidium ducta (Vid. Grandi Set. Con., Prop. 50, coroll. 1, pag. 122. Firenze 1744.) ; nam dimidia circumferentia erat 0. 161, mediæ autem diametri erat 0. 51. + $\frac{3}{2} \frac{5}{11}$: quibus inter se invicem ductis, fit 0. 8246. circiter. Quamobrem area arterie detecta erat ad aream arterie a Keillio suppuratæ ut 0. 8246 ad 0. 418*, quæ sane magna differentia est cum fere duplam referat. Hæc si aliis arteriosis vasis applicentur, veram, & præternaturalem extensionem utique computabimus.

(a) *Essay on several parts of animal æconomy.* London 1717.

(b) Aneurysma observavit Eduardus Tyfon in animali, quod Taiacu appellatur, seu Indico nomine Quauhila, Coymatt, & Quaritoul. Vid. *Trans. Philosoph. for the year.* 1683, num. 153.

(c) Neque difficile admodum est decernere qualis in sanguine velocitatis immutatio fieri possit non solum ob quamlibet compressionem, contusionemque, sed etiam ob quamlibet obstructionem, & contractionem, inductamque ab Aneurysmate dilationem. Vid. *Robinson Animal Œconomy* Prop. 19. London. 1738.

deest elasticitas, ibique haud raro Aneurysmaticus tumor sensim efformabitur. At vero sermo nunc de iis est, quæ in corde sitæ sunt, Aneurysmaticis ægritudinibus, iisque in aortæ, carotidibus, aliisque arteriis a corde non longe remotis sedem habentibus, etsi circa jecur, & alia abdominis viscera, & alibi conspicuæ fiant (a). Sed in aorta quam sæpissime Aneurysmata deprehensa fuisse unus est observatorum sensus, pariterque apparet, ea, quæ in interno Aneurysmate notatu digna perleguntur, in aorta ipsa ut plurimum contigisse. Et sane præ cæteris pecularia quædam memorantur a Littrio, Morando, aliisque Scriptoribus de Medicina optime meritis (b). Insigne insuper observarunt Lafagius (c), & Rosinus Lentilius Archiater Wurtenbergicus (d), nec non Noortwyk (e), & Horstius (f), rarumque pariter in muliere abscondit Doddius (g) monstruosumque se vidisse narrat Ruyfchius (h), mediocre pulvinar, quo in sedili utimur adæquans, aliudque infantis recenter nati caput repræsentans, hisque rarissime subnectitur Aneurysma tribus jam elapsis annis Florentiæ a Viris doctissimis observatum, quod magnitudine sua aortæ tractum occupaverat univervum. Neque desunt dissectorum Aneurysmatum historiæ ideo inter se variantes, ut propriam in unoquoque Aneurysmate assignare causam nonnisi perarduum videatur. Quæ autem de hac ægritudine vocitantur haudquaquam nescius ego sum, utrum ex causis nimium proximis deriventur. Arbitror equidem, perraro Aneurysmata illico pateferi cum incœperint, cum ea, quæ in virilitate observantur, in adolescentia, vel infantia ipsa exorta ut plurimum fuisse

(a) Inter jecur & ventriculū Aneurysma observavit Tabarranus *Obs. Anat.* §. 8, pag. 16. Luca 1742.

(b) Vid. *Mémoires de l'Acad. Royale des sciences an. 1707, 1712, 1721, 1732, 1733 &c.*

(c) Vid. *Of the Philosoph. Transf. Abridgment. Tom. III.*

(d) Vid. *Ephem. Acad. Nat. Curios. Cent. I. an. 1712.*

(e) Aneurysmatis in quadragenario viro a DD. Tronchin, & Van-Leent observati historiam refert Wilhelmus Noortwyk, qui cadaveris dissectioni interfuit, ante obitum deducti ex tumore dorsi synchronam cum pulsū carpi habente pulsationem, in quo tam ampla evaserat aorta, ut in vesicæ urinariæ instatæ amplitudinem intra Thoracem assurgeret, atque ex arcu aortæ ad usque diaphragma protenderetur. Hanc præmittit observationem in Præfatione ad latinam versionem Nihellii editam Amstelodami 1746, & reculam Parisiis, & Veneriis 1748, cujus est Anglicus titulus: *New and extraordinary observations concerning the pulse made by D. Franc. Solano de Luque, illustrated with new casts, and remarks by James Nihell M. D. London 1741.*

(f) *Observ. I, l. 9. Ulma 1628.*

(g) Vid. *Of the Philosoph. Transf. Abridgment. Tom. IV.*

(h) *Observ. 37, 38. Amstelodam. 1691.*

contendam. Atque ut in his rerum ambagibus aliquid exinde lucis emergat, prava puerorum nutritio vel ex incuria parentum, vel ex divitiarum defectu proveniens sedulo videtur examini subijcienda, simulque affectus quidam ipsis communes, planeque neglecti perpendendi occurrunt in iis præcipue, quibus angusta domi res est, quam sæpissime recurrentes.

§. XXVIII.

PUERORUM ANEURYSMATA.

PUERORUM corpora tenerrima, & gracilia esse fibrisque facile cedentibus coagmentari, ex necessario eorumdem incremento consequitur (a). Dupliciter profecto augentur, si solidorum, fibrarumve nervearum, sive fluidorum, quæ per omnem corporis ambitum disperguntur, contemplerur operationes: Ut namque solida protendantur partibus, quæ in contactum artissime nitantur, neque distractioni renitentur, coalescere minime debent, alioquin sive non protenduntur, sive nifus, quo in contactum nituntur, vi maxima supererit subigendus. Adhæc si pars, quæ protentosa extiterat, ita persistat, aliquod divisas partes subeat corpus necesse est, easque ita sejunctas dineat a contactibus, ne iterum distractæ partes in contactus sibi proprios commigrent. Fluidorum insuper incrementum tale esse debet, ut nutriatur corpus, & augetur, non vero adeo valide premantur ipsius canales, ut ex fluido, quod illuc extruditur, nimis fortiter distrahantur, atque dissiliant. Nil igitur mirum, si quascunque puerorum corpora suscipiant impressiones, facileque tententur morbis, qui, nisi optima victus ratio acceperit, potius exacerbantur, quam mederi eos possimus. Invaluit profecto in multis Italiæ urbibus mos, ut nempe puerorum lactatio paucos menses attingeret,

(a) Hæc ipsa gracilitas, quæ Aneurysmaticis præcordiorum morbis excitandis conferre potest, non modo pueris noxia esse videtur, sed fortibus etiam in lucem nondum editis: Sæpissime enim Aneurysmata in nonnullis reperta sunt in aliqua cordis auricula ut plurimum collocata. Contra vero violentæ cordis contractiones, quibus maxima arteriarum opponitur resistentia, huiusmodi morbum aliquando producant, qui frequenter auriculas ipsas adoriuntur: *Une maladie assez fréquente du fœtus (sunt Halleri verba) c'est l'Aneurysme de l'oreillette que le sang retenu dilate & rend immobile. Ne seroit-ce pas l'effet des violentes contractions du cœur, auxquelles les artères opposeroient trop de résistance? Vid. Mémoire sur la form. du cœur &c. Mém. 11, sect. 13, pag. 195. A Lausanne 1738.*

atque plurimas ex tali abusu exoriri pravissimas affectiones certum est, quibus ne illæ, quæ præcordia torquent, accensendæ non sint aliquantulum pertimesco. Dolendum itaque, non modo cibos, quibus adulti vescuntur, iisdem exhiberi, sed illos quoque, qui adultis ipsis olim noxii esse consueverunt. Quomodo igitur machinulæ illæ teneriores detrimentis vacabunt, quæ illis imminet, indeque obvenientes morbos arcebunt? Quum autem multiplices ex huiusmodi fonte dimanent morbi, ecquis præcordia immunia fore prædicabit? Minime alienum a veritate videtur supponere, inter quam plurimas puerorum lues, quæ ex ingestorum abusu profisciscuntur, præcordiorum affectus esse computandos ex iis quoque morbis enatos, quibus ætas illa torquetur: Pueri namque contumaci nonnunquam tentantur Epilepsia, quam tamen in iis sæpius usuvenire deprehensum est, qui delicatioribus epulis proprio temperamento exactissime respondentibus minime saturantur. Humores interea, qui mesenterium, & alia abdominis viscera pervadunt, si crassiores evaserint, obstructions producent, ex quibus interna profluere non raro solent Aneurysmata (§. XLV. XLVII), cum una simul uterque morbus ut plurimum conjungatur.

§. XXIX.

CIBORUM NOXA.

ITAQUE decerni posse videtur, non omnes cibos omnibus sive sanis, sive ægrotantibus, maxime vero pueris convenire: Iis etenim ex Hippocrate (a) humidus victus satius convenit. Quare habita ætatis ratione cibi facillime digerendi, & nutriendo firmandoque corpori accommodati adhibendi sunt, ut optimam pueri nancisci queant hæmatosim, & exinde profluat non interrupta sanguificatio. Secus vero Epilepsiæ, & molestissimæ expectandæ tussis, aliæve ne observatæ quidem affectiones pertimescendæ. Animadvertere nonnunquam mihi contigit, facilius Epilepsia tentari rusticos pueros, quam urbanos, idque ex pravo ciborum delectu deducendum videtur, quandoquidem iis familiaris est morbus, dum acre primas per-

(a) Η υγραι διαταται, παρὰ τοῖς πυρεταίνουσιν συμφέρει: μαλιστα δὲ παιδοῖς, καὶ τοῖσιν ἀλλοῖσι, τοῖσι οὕτως εἰς διαμενέουσι διατασσέσθαι. Ἰπποκρ. τμήμ. πρ., αἴθερ. κ.

vadit vias, ceu adnotavit Van-Swieten (a) : Talis quippe acredo nonnisi ex prava ciborum oboritur qualitate. Et sane allia, cepas, & immaturos fructus, nec non glutinosa, & dura omnia, quibus vescuntur, indiscriminatim absorberi a sanguine, in quem commutantur, perspectum est (§. XIII). Nil igitur mirum, si consequatur Epilepsia, siquidem morbus iste ex acerbis sæpissime materiis in stomacho latentibus, & fibras irritantibus oritur, veluti docent observationes. Quum autem inordinati ex hujusmodi affectione subsequantur corporis motus (b), ecquis ægritudines alias non expectabit ? Puerorum pulsus frequentior quam in adultis observatur, & non raro febrem simulat, quæ non adest. Vasa flectuntur facile, multumque sanguinis excipiunt; & quemadmodum cor, utpote angustum, iisdem replendis vasis impar videtur, ita ex frequentibus pulsationibus quidquid deficit compensatur (c). Quod si naturalibus hisce, frequentioribusque pulsationibus inordinatus addatur motus ex Epilepsia proveniens, haud video, quomodo arteriarum involucri non multum firma nequeant alterationem quamdam subire. Si igitur ante pubertatem quatiatur sæpissime corpus, contractos perentiet morbos cum adoleverit, & uti quandoque fit, dum effectum senectutis corpus macrescit, & post ipsum interitum cognoscetur, illo in corpore jamdudum præexistens vitium aliquod latuisse.

§. XXX.

ARTERIARUM OSSIFICATIO.

ARTERIARUM mutationes reliquis corporum vicibus respondent, quandoquidem tenuissimis coagmentantur eadem filamentis in embryone, quæ crassiuscula evadunt in pueritia, firmiora post pubertatem fiunt, & cartilagineam nonnunquam induunt in virilitate naturam, ex qua ad ossificationes quoque fit transitus in senectute, veluti mihi quondam animadvertere contigit in sectione cadaveris viri cujusdam peragenda, qui cum ex immani morbo, quo creptus antea fuerat, sanus evasisset, dum adhuc convalesceret, ino-

(a) *Comment. ad Aphor. Barhaav. Text. 1077. Lugdun. Batav. 1733.*

(b) Costarum elevationem ex validissimis Epilepticorum subortam motibus observavit *Malpighius Consult. Medic. Cent. I. conf. 8, pag. 23, ex Hier. Gasp. Patavii 1713.*

(c) *Vid. Hales Animal Statics, §. 75. London 1733.*

pinato morbo correptus Hippocratica adveniente facie mortales reliquit exuvias : Invalit itaque libido animum introspiciendi cadaver, cumque viscera, & reliquæ partes anatomico subiectæ cum cultro sospites essent adinventæ, vixque obitus origo perscrutanda contineret, quemadmodum etiam in dissecando Fœminæ cujusdam Pisanæ cadavere nuper observatum est, ossificatio tandem aliquando in externa carotide reperta fuit, quæ arteriosam canalem impervium reddiderat. Neque novum, & inauditum autumare lubet ; quod repetitæ comprobarunt observationes, vasa nempe sanguinea prioris generis, ne corde quidem excepto (a), osseam persæpe naturam induere, non secus ac in cervix, qui multum ex cursu defatigantur, crebro suspicuit, quodque Medici Arabes ad longævitatē laudaverunt. Quidni Albertum ab Haller (b) minime reticendum putaverim, qui universum aortæ tractum contemplatus est mirifice squamis ossis variegatum ? Hujuscemodi demonstrant immutationes, quomodo ea, quæ in infantia obvenērunt Aneurysmata, diu multumque perseverent absque notabili humanæ machinæ detrimento. Ac profecto posita in pueris Aneurysmatis origine sive ex Epilepsia, sive aliis de causis infra producendis exorta, jam vix ac ne vix quidem perceptibilis tunc aderit dilatatio, quæ cum primis circa præcordia versetur, cum illic vis major adsit propter viciniorem cordis situm, ex quo major exinde motus adjacentibus vasis communicatur : Reliqua etenim cæterarum partium a corde remotiarum Aneurysmata causam, ut se prodant, videntur exigere validiorem. At vero adducta conservabitur dilatatio usque dum insigne aliquod in sex non naturalibus rebus erratum eandem se manifestare compulerit. Quamobrem si minime interveniente causa, ex qua dilatationem adesse cognoscatur, ad plures annos Aneurysma persisterit, major spes aderit, cum vasa firmiora sensum evaserint, illud idem absque sævitie symptomatum perseveraturum.

(a) In corde Urbani VIII. P. M. ollis frustum repertum est. Vid. *Diſſ. Univ. de Trev. Tom. I. pag. 1893. A Trevoux 1721.* Neque tendines, membranas, cartilagineas, & ligamenta ab ossificatione liberari ex observatis eruiunt.

(b) *Adn. 2. ad Præleſſ. Barhaav. Text. 184. Lugdun. Batav. 1740.* Sed Auſtor ipse ossium quoque ipsorum efformationem ab ipsa desumit causa, a qua efformatio dependet, & augmentum aliarum corporis partium, ab impulsione nimirum cordis, quæ præcipue in arteriis agit. Vid. *Haller Mémoire sur la form. des os, ſcſſ. VIII, n. 2, pag. 262. A L'auſanne 1758.*

§. XXXI.

FÆTUM NONDUM NATORUM INCOMMODA.

HAUDQUAQUAM nescius ego sum, quam plurimas in fœtibus nondum enixis mutationes fieri, sed omnes latet, utrum in præcordiis mutatio aliqua obvenire possit, dum embryones in utero materno latitant, ex qua suspicari datum sit, partes illas ad Aneurysmata suscipienda disponi. Verumtamen longe nimis morbi hujus origo deduceretur, si ea, quæ in utero materno fiunt, explorari valerent, nisi natura ipsa culpam vellet, utpote quæ organica præcordiorum vitia, dum fœtus efformaretur, effecerit, & genuinum partibus adhuc latentibus talium morborum characterem impresserit, quod adhuc incertum videretur, nisi ex observationibus patefieret. Attamen nil affirmare prohibet, hæc organica vitia in iis facilius apparere, qui non modo debilem in ipso lucis limine fibræ sortiti fuerint, sed in illis quoque, qui dum in utero formarentur laxitudinem quandam in universo corpore subierint. Illud profecto contingere non raro solet, maternos reticendo conatus, ut maritalibus leporibus fruantur fœminæ, quando prolem in utero bajulant. Apparet itaque, alterationem quamdam non exigui momenti tenellum embryonem, etsi in chorio & amnio detentum, subire, si præsertim plures istius mater absorbeat, dum ambo parentes amatorio perculsi pathemate in palæstra decertant aphrodisiaca: Exæstuant quippe in orgasmo partes, & intumescunt, aliæque repentinae mutationes adveniunt. Quamobrem pueros, qui in exortu ipso Rachitidem nati sunt, conjectandum est, hanc ægritudinem ex immodico parentum concubitu ipsis adhuc in utero permanentibus acquisivisse. Ipsa Venerea lues, quæ comitatur aliquando nascentes, aliique exitiales morbi, qui in utero contrahuntur, fœtum enervant. Cuncta humani corporis vasa ideo sensim, & in ipso embryone crassescunt, propterea quod ex fluidorum, quæ in ipsis reperiuntur, motu annulares ipsorum fibræ protenduntur: At quacumque posita vehementi concussione fluidorum motus adaugetur: Fluida igitur majori agent momento, & vasorum superabunt facile resistentiam. Quum autem tenuissima extent in embryone vascula, aliqua repente fiet dilataio, quæ tractu temporis aucta tandem aliquando innoscescet. Quapropter si debilibus arteriæ

arteriæ tunicis coaluerint in iis, qui liberos genuerunt, evenire poterit, ut foetus ipsi eadem præditi nascantur vasorum textura, adeoque hæreditario, ut ita dicam, confliscantur Aneurysmate vel mediate, vel immediate a parentibus ipsis in eosdem traducto, veluti se observasse testatur Lancisius (a), qui Aneurysmatis re ipsa hæreditarii historiam diserte commemorat. Insuper innata in pueris cardiacorum Aneurysmatum semina nonnunquam delituisse desumptis ab incisione cadaverum observacionibus deprehenditur, cum in his non modo cor maximum, sed infirma cordis textura dignoscatur; velut expertus est laudatus ipse Lancisius (b). Cæterum & ex ipsis generationis primordiis hujusmodi traduci labem tum concludendum est, cum nempe venæ cavæ radix, auricula, ac dexter cordis ventriculus languidiori fibrarum nexu coalescunt, sinistris interim cavorum cordis parietibus multo validioribus apparentibus: Tunc quippe adolescente sensim præcordiorum mole dextrorum amplitudinem cavorum plus æquo latiore evasuram leves ob causas patefit. Verum enim vero ne insudare nimis videar in demonstrando, Aneurysmaticos præcordiorum affectus hæreditarios esse consuevisse, sufficiat decernere, tum hæreditarias adesse dispositiones cum parentes debili fibra coaluerunt; & quemadmodum fortes creantur fortibus, ita ex debilibus parentibus ambiendum est debiles natos prodire posse.

§. XXXII.

PUERORUM ÆGRITUDINES NONNULLÆ. ¶

EDITUS in lucem foetus clamat, ingemiscit, illacrymatur, plorandoque nimium, & ululando tenellum calet corpusculum, quatitur, & infirmatur. Celerior interea sanguinis evadit circuitus, cum ex assidua vocis exercitatione universa sanguinis quantitas magnis motibus concutitur. Unde potiori jure ex ea, quam Græci dicunt *ἀναψόλησις*,

(a) De Mot. Cord., & Aneurysm. l. II, cap. 1, Prop. 22. Lugdun. Batav. 1740.

(b) Ita in puerorum cadaveribus, nec non in catulis, ac vervecibus aliquando spectavimus eorum corda, in altera auricularum, vel (ut frequentius) sinistro in ventriculo locum quemdam, ac veluti foramen perlicudum, quod externa, internaque tantum membrana ne omnino dehisceret, impendebat. Neque dubitandum, quin, si eadem corpora adolevisset, inter illa facile adnumeranda essent, quæ repentinò interitui ob apertum ex tempore cordis foramen concidunt, cujus profecto mortis genus & alii sæpe, & nos crebro etiam vidimus. De Mot. Cord. & Aneurysm. l. I, cap. 2, Prop. 38. Lugdun. Batav. 1740.

animam moveri perhibebant veteres Medici, cujus nomine sanguinem intellexerant, eo quod animæ sedem in illo Philosophi illis temporibus collocarent. Si itaque ex frequenti ploratu quatiatur assidue corpus, concludendum est, eorum, qui debiliorem nati sunt corporis habitum, dum vitæ limen attingerent, dilatari sensim arterias posse, atque ad verum suscipiendum Aneurysma disponi. Quapropter improbandi sunt, qui fletum in teneris infantibus fovent potius, quam plane coercant, perinde ac emolumentum aliquod foret expectandum. Dum ululat puer, insignis amplitudo glottidis internoscitur, quæ cum illa, quam adulti quique homines obtinent, rite confunditur. Illud idcirco deducitur, auctam nimirum maximopere fuisse musculorum actionem, & ipsius quoque cordis, quod inter musculos recensetur. Non equidem inficior, quosdam naturæ conatus perutiles extitisse, eosque magnopere vituperandos, qui priscis temporibus ploratum ingemiscuntibus pueris lege vetuerant; sed ex adverso non video, qua permotus ratione nimium laudaverit Aristoteles (a). Porro non modo ululatus una cum gemitu copulatur, ex quo detrimenta non pauca consequuntur, sed singultus advenit molestissimus, in quo non diaphragmatis dumtaxat convulsio, uti veteres crediderunt, spectanda est, sed longitudinalium fibrarum œsophagi contractiones animadvertendæ, ex quibus præcordia torquentur. His additur quoque cantus pueris familiarissimis, qui si modum excesserit, uti non raro fit, poterit affectiones adductas in tenellis illorum corporibus excitare: Dum namque perardua quæque non modo pangere, sed elata vota fundere delectantur, graves sibi morbos accerunt non tam facile discutiendos. Tenera insuper ætas illa plaudere, quæ sensus alliciunt persæpe solet, adeo ut si clagentes chorales, tibicines, vel alios quoslibet audiverint, ad ravim clament, ni & ipsi idem peragere possint, quod tamen assidue, si libuerit, persequuntur, cum facile supra cæteros dulcioribus instrumentorum modulis deliniantur.

(a) Τὰς δὲ διατάσεις τῶν παιδῶν, καὶ κλαυθμούς, οὐκ ὀρθῶς ἀπαγορεύουσιν οἱ κωλύοντες ἐν τοῖς νόμοις, συμφέρουσι γὰρ πρὸς αὐξήσιν, γίνεται γὰρ τρεπὼν τινὰ γυμνάσιον τοῖς σώματιν, ἢ γὰρ τοῦ πνεύματος καθέξις, ποιεῖ τὴν ἰσχυρὰ τοῖς πνεύματιν, οὐ συμβαίνει, καὶ τοῖς παιδῶσι διατετανωμένοις. ΑΡΙΣΤ. ΠΟΛΙΤΙΚ. ΚΕΦ. 60κ.

§. XXXIII.

PRAVA PUERILIIUM CORPORUM ADMINISTRATIO.

E DUCATIO neglecta, & male pertractata, uti apud imperiti, & ignobilis vulgus affectas considerari potest, nec non abusus quidam, qui etiam in cultioribus Urbibus irrepserunt, permulta in infantum præcordiis afferunt detrimenta: Mulierculæ etenim nullum aliud exspectandum esse arbitrantur remedium, ut pueros seu nimiae lætitiæ, seu fletibus oppressos in officio contineant, quam ut eos spectris, & falsis idolis, rerumque terrorem incurientium imaginibus perpetim terrefaciant, adeo ut quam sæpissime immoderata lætitia cum repentino mœrore confligat, dum refractariam nimium ætatem coercere contendunt. Simulant proinde lemures iratos, horrenda spectra, minaces furias, informes lamias, exitialia monstra, cerberum trifaucem, & indomita cujuscumque generis animantia, quæ pueros repente adorianitur. Ex quo fit, ut falsis illis decepti imaginibus insolita formidine terreantur, & maximopere perturbentur. Ignoratur sane, utrum majus animo detrimentum ex corpore, quam corpori ex animo accedat; verum id experientia constat, tenera illa corporcula ad quasque suscipiendas impressiones esse multum accommodata. Quum autem adultos quosque homines ex infausto aliquo ipsis allato nuncio ita exagitari appareat, ut molestas, & intempestivas subeant convulsiones, adeo ut Epileptici decumbere videantur, & vehementi febre discrucientur, tanto magis id obvenire infantibus debet, quinimmo satis superque animadvertitur, ipsos convulsionibus laceratos diu multumque in tali rerum statu perseverare. Quod si in adultis hominibus repentini metus ex specie terrificæ suborti adeo corpus afficiunt, ut cordis palpitaciones, temporum pulsationes, & concussiones inordinate universi corporis consequantur, quidnam in infantibus evenire posse putandum est, qui sunt veluti mollis cera, in qua facile quidvis impresseris? Dolendum sane, impuberibus filiis una cum imperitis, imbellibusque mulierculis vitam esse ut plurimum transigendam, cum ipsæ non modo ad optima præbenda consilia ineptæ esse soleant, sed callidæ haud raro malorum evadant artifices. Quorumcumque insuper custodum aspectus ad iram compositus sit, pueris molestus & injuriandus: Dum

namque eos impetere verberibus minitantur, ac simulatam quandoque iracundiam præ se ferunt, corpus insolito pallore perfunditur, genæ rubescunt, ipsique meticulosi hærent, & semianimes contremiscunt; id quod concitatiorem in corpore circulationis motum evasisse suadet. Hinc non abs re liberalitatem pro metu arripiendam, ipsaque pueros satius esse corrigendos perspectum sit. Postremo cuncta, quæ noxia admodum extare creduntur, motumque cordis augere, arteriosa flaccescere vasa compellunt, ipsaque ad verum Aneurysma disponunt propter imminutam earundem resistantiam. Quod si hæc eadem resistantia ex adverso adsit, multumque agat, & in ipsa substantia sanguinis locum habeat, idem semper consequetur effectus: Fluida enim non moventur, ut ex Hydraulicis legibus comprobatur, in resistanti medio, nisi vires, sive prementia pondera medii resistantiam exsuperent; sin vero illorum augeatur velocitas, auctæ tunc vires sunt in proportionem majori resistantiarum. Si vero hisce omnibus ætas addatur suscipiendorum pathematum haud incapax, quæ sollicita nimis advenit, tunc nondum firmato corpori quam plurima afferuntur detrimenta, ceu tandem in ipsis hominibus consistentem ætatem nactis, atque firmiori corpore gaudentibus internoscitur.

§. XXXIV.

ANIMI PERTURBATIONES.

ANIMUM ex contagione corporis laborare, nihilque angere frequentius homines experientia rerum magistra nos edocet, quam animi pathemata, quibuscum perpetuum intercedit fœdus nusquam prope modum coercendum: Excandescit quippe homo, & in furorem adigitur, mœrore torquetur, corripitur zelotypia, lacrymas fundit, in ultionem exarsuat, permulcetur gaudio, pudore suffunditur, amat, odit, tristatur (a) & modo hæc, modo illa præ se fert pathematum plus minusve ingravescentium phænomena in fœminis præsertim conspicua, quæ cuncta, si modum exceßerint, corporis perturbant æconomiam. Per amplum profecto in quibuslibet, qui immodicis hujusce generis affectionibus lacescuntur, e quorum censu ipsos excipiendos

(a) Talis nonnunquam est observata tristitia vis, ut polypas concretiones produxerit, quemadmodum animadvertit Lowérus *De Cord. cap. 2, pag. 145. Londini 1669. Vid. Berger De Polyp. Wittenbergæ 1689.*

non esse pueros utique comprobatur, unicuique observare fas est mutationum numerum, inter quas cordis, & arteriarum motus sæpissime concitator peculiare extorquet observationes. Ecquis igitur ex iteratis hujuscemodi motibus præcordiorum Aneurysmata in iis, qui debili donantur structura corporis, interdum subsequi posse inficias ibit? Respirationis organa molestiam subeunt neutiquam contemnendam, tuncque cordis actio, tacitaque retegitur ejusdem potestas. Ipsimet probe noverunt Metaphysici, quantitatem impressi in corpore motus actioni pathematum respondere, simulque exploratum est, eadem in cerebro, ubi hospitatur mens, atque nervis omnibus excitari. Dum itaque vehementi quispiam percellitur pathemate, si talia forinsecus præbeat irrequieti animi argumenta, ut a quolibet eundem aspiciente prænotici possit illum pathemate perturbari, non erit absurdum arbitrari, ex affectione nimirum nervosi systematis reliquas corporis partes noxam aliquam perensisse. Quemadmodum autem majores, atque multiplices nervorum rami ea pervadunt loca, quæ sanguinem ex corde excipiunt, major illic impulsus fiet, & alterni cordis, & arteriarum motus vehementiores evadent, cum ipsi soleant esse suapte natura concitiores: Contractionum namque cordis velocitas radici quadratæ virium, quæ in illo contrahendo exercentur, proportionatur, pariterque libero sanguinis in venas ingressui respondet. Percipitur itaque, quomodo ex hujuscemodi motibus oriri quandoque possit præcordiorum Aneurysma: Quinimmo & cor ipsum ex frequenti & diuturna palpitatione ex aliquo sive bono, sive pravo suborta pathemate Aneurysma subire posse, ex quo maximopere amplificetur, concludendum videtur, quandoquidem id evenisse D. Philippo Nerio comperimus, quem Aneurysmati, quod nobis cardiacum nuncupari placuit, succubuisse autumat Cæsalpinus (a), eo quod quam sæpissime in palpitationem cordis incidisset ex vehementi, atque frequenti ecstasi manantem. Sicuti enim cor musculus est, & ipsum convulsionibus lacebitur, ejusque vis non modo quantitati spirituum animalium, sed illorum quoque velocitati respondet, patet, hujusce organi vim tum crescere admodum debere cum valido quocumque incipiente pathemate illorum motus evadit vehementior.

(a) *Casopi. l. I, cap. 20. Roma 1602.*

§. XXXV.

SANGVINIS CONCRETIONES.

QUOD vero prætermittendum non videtur, illud est, quod nempe diversæ sanguinis concretiones in iis facilius fiunt, qui aliquo afficiuntur animi pathemate, non secus ac in reliquis ægrotantibus. Et sane quæcumque supponi velit hujusce phænomeni causa, ex metu vita functos legimus fuisse observatos (a), quorum interna cordis vasa concreto redundantia sanguine reperta sunt, & quin & polypos ipsos in melancholicis repertos novimus: neque haud infrequenti comprobatur inquisitione, eos, qui modo lætitiæ, modo mœoris imperio premuntur, præcordiorum affectionibus succubuisse; id quod & in ipsis usuveneri pueris animadvertitur, cum & ipsi propriis, etsi remissius agentibus, haud vacent pathematum insulibus ex ipso præsertim Hypochondriaci affectus fonte sæpius manantibus. Horum proinde sunt, qui ablegatis quibusque mentis relaxationibus insueto suffusi metu privatos inter parietes commorari conantur, quique modo lætitiæ, modo mœore perculsi repentinos subeunt motus, falsisque ut plurimum ludentes imaginibus irrequietis languoribus fatigantur. Quoniam vero tristantur frequenter pueri, pariterque pro data qualibet occasione mœorem lætus animus excipit, hinc ex hisce subortis mutationibus una cum innato pathematum semine consociatis quassationes præcordiorum proficiantur oportet: Quemadmodum enim agile corpus in pueris extat, ita commotione corporis vehementi animus perturbatur, quasi lumen, quod ventis agitato minus clare vicina collustrat. Si igitur innatis pathematum feminibus in puerorum corpore locatis ea, quæ nonnunquam adveniunt, subinde lustrentur, hæc una simul copulata in ipsa juventute vim exercebunt validissimam, cui si dispositio aliqua superstruatur, dissimilia præcordiorum incommoda consequentur, quæ tum temporis maxime emergere consuevisse compertum est.

(a) Vid. Bartholin. Cent. IV, Observ. 76. Hafnia 1657, & Alpin. De prof. vit. & mort. ægrot. l. I, cap. 11. Lugdun. Batav. 1710.

§. XXXVI.

TUSSES CONVULSIVÆ.

VERUMTAMEN alia prænoscentia occurrunt, quæ pueritiæ statum adoriuntur, tenellumque corpusculum ad Aneurysma præcordiorum fuscipiendum disponunt, inter quæ non postremum obtinere videntur locum convulsivæ quædam neglectæ tusses, e quibus peramplius morborum numerus prosilit præcordiorum fines raro admodum prætergrediens. Quis igitur sanæ mentis convulsivas puerorum tusses omnino neglectas Aneurysmata præcordiorum producere posse non arbitrabitur? Has etiam, nisi mea me fallit opinio, probe noscendas esse, earumque examinandum effectum censeo: Sunt enim quandoque adeo vehementes, ut ex ipsis peremptos fuisse pueros accipiamus. Ex majori, eaque valida pulmonum actione arteriosi & venosi sanguinis motus augetur, & talem multiplicatam actionem a convulsiva tussis pendere consuevisse nullus ambigendi locus est, eo quod maxima in thorace concussio deprehendatur. Tussiat puer, atque sensim tussis exacerbetur, usque dum illius causa peristit, maximus illico rubor faciei oborietur, oculi e propria veluti sede dimoveri videbuntur anxietas aderit, prægressaque tussi Cephalalgia non raro, anhelitus, cordis palpitatio, nec non reliqua supererunt convulsivæ tussis symptomata, quæ de contitatori sanguinis circulatione rudes quoque homines commonefaciunt. Nonne arteriarum involucria in pueris teneriora maximum subibunt ex impellente sanguine istum, & modo debiliori, modo fortiori succumbent Aneurysmati? Huiusmodi tamen res evidens videtur esse, ita ut minime ratiocinationes eludat. At ne quis succenseat mihi, pueros utpote tussis non expertes debere omnes Aneurysmatica affectione tentari, varias noscendas occurrere circumstantias reponam: Vel enim arteriæ vitium non adest, vel protinus non manifestatur, cum nonnunquam ne extitisse quidem dubitet quispiam, quando revera efformatum est (§. LV). Ego equidem non inficior, non omnes eadem arteriarum firmitate pollere, cum modo firmiora, modo tenuiora humani corporis vasa ab ipso exortu pueri fortiantur, quæ quidem firmitas atque tenuitas una cum aliis eventibus confociata, si vim, quæ ex tussi emergit, retundere valeat, atque subigere, jam Aneu-

rysma evitabitur; secus vero his seclusis continget. Sed opus non est, ut confestim appareat, & toto vitæ curriculo prænoscat, cum aliquid aliud necessarium sit, ut incoëpta hæc affectio patefiat, veluti demonstrabitur. Hæc tamen assumptum non adstruunt, cum ii secludantur casus, in quibus fieri nequit, ut ea, quæ monuimus usuveniant: Sunt namque pueri, qui sive ex ea, quam nati sunt, corporis dispositione, sive parentum sollicitudine tussibus non tentantur, vel si tentantur, hæc selectioribus remediis arceantur. Ætas postremo attendenda præsertim est, cum ea quo magis ab exortu distat, eo rem soleat inhibere.

§. XXXVII.

AUCTÆ CORDIS VIRE.

ADNOTATUM est a viris in Medicina præstantissimis, circa exitum tertii septenarii vires cordis non amplius crescere, quod in eo temporis tractu, qui inter exortum & finem ejusdem septenarii intercedit, nequaquam contingit: Tunc enim major est vis cordis, ut ex celebriori puerorum pulsu dignoscitur, qui febrem simulare videtur (§. XXIX), etsi vis cordis talem vincat renisum, qui multum ponderis adæquat. Hic tamen obiter monendum, non adeo certum esse, quod de vi cordis, ejusque renisu vocitatur a Medicis, ut analytico theoremate demonstratum sit, quænam vera sit vis, quæ in quolibet exerenda corpore necessario videatur ad hoc, ut animalis servetur æconomia, cum non omnia hominum corpora eadem fibrarum polleant firmitate. Quod vero mirum videtur, illud est, quod nempe Medico-Mathematici non modo in assignanda cordis vi minime inter se convenient, quinimmo magnum inter illos observetur discrimen (a). Non tamen id ex calculorum defectu deducendum est, quandoquidem animadvertendum occurrit, integram horum nonnullos vim cordis inquirere, alios vero apparentem, quæ nil sane aliud est, quam

(a) Hujus discriminis causa dependere potest a diversitate irritabilitatis, quam esse ultro admittendum experimenta demonstrant in animalibus instituta: Cerrum namque videtur cor a sanguine ventriculorum stimulari, quemadmodum elapso seculo suspicatus est Bohnius *Æconom. corp. Anim. Progym. VI, pag. 105. Lipsiæ 1686.* & novissime observationibus comprobatum esse perspectum est.

quam exigua totius integræ portio, veluti ex principiis, quibus innituntur demonstrationes, eruitur. Quod autem in statu valetudinario considerandum superest, id profecto est, quod nimirum talis adducta in corde laxitas aliquando suboritur, ex qua Paralyſis, exindeque Syncope fiat, quæ tum pernicioſior evadit, cum ex obſtructione, ſeu eroſione vaſorum proficiſcitur, quodque non modo ex dolore circa præcordia, verum ex anhelitu, atque animi deliquio dignoſcitur. Itaque vivendi ratio perpendenda foret, cunctæque prænoſcendæ circumſtantiæ, quæ favere pueris obſervantur, ut accuratum motus cordis diſcrimen eliceretur: Sed noſtris hiſce temporibus, quibus parum, aut nihil in puerorum regimine invigilant cæteris paribus illi, quorum cuſtodix fuere commiſſi, plus conſiderandæ ſuperſunt prævæ corporis diſpoſitiones teneriori machinæ ſuperſtructæ, quam reliquæ humano corpori ſalutares. Patet ergo neceſſitas quædam arcendi convulſivas tuſſes a pueris, atque id omne ſemovendi, quod ad concitatiorem cordis, & arteriarum actionem reddendam aptum cenſetur, ne aſſidue urgendo arterioſa ſenſim vaſa labefaſcentur, & ad quæcumque recipiendam impreſſionem diſponentur. Denique ex his omnibus illud conſequitur, quod etſi unus, aut alter ex infantum erroribus ad Aneurysmata producenda non ſufficiat, plurimorum tamen congeries id ipſum præſtare valet, quodque novum fortaſſe frequentiſſimæ ægritudinis exhibet argumentum, ex quo ad alia generaliora gradum facimus.



P A R S S E C U N D A.

§. XXXVIII.

T E M P E S T A T U M V A R I E T A S.

IS autem cursum raptimque percrutatis, quæ teneram præcipue infantum ætatem ad vitia præcordiorum suscipienda possunt disponere, aliqua sunt afferenda, quæ infantibus ipsis una cum adultis communia sunt, atque in illis viam sternunt ad ægritudines adductæ indolis producendas, in his vero, si morbi primordia latuerint, in apertam lucem collocandas, & nonnunquam sponte sua inferendas, quæ bene perspecta cunctis æque prodesse possunt, atque neglecta æque detrimentum allatura credendum est. Immutatorum itaque temporum examini insistendum occurrit, ut iis, qui ex assiduis mutationibus panduntur, morbis constitutis, præcordiorum affectiones, quæ ex ipsis deduci consueverunt, si libuerit, innotescant. Atque ut firmius innitatur observationes, Etruscum contemplari cælum decrevimus. Hoc profecto, ubi vita sospes degitur, relate ad alia Italiæ loca cæteroquin saluberrimum, quibusdam tamen gravibus & ipsum morbis, ut & regiones reliquæ, succumbere homines cogit, prout vices nonnunquam advenientes expostulant. Si quis tamen endemius statuendus est morbus, hic in locis palustribus, & humilibus deprehenditur, ceu inferius ostendetur (§. xlv). Omnes profecto probe noverunt, cœli mutationes diversis anni temporibus recurrentes sæpe noxias evadere, raro tamen proficuas, si magnæ caloris & frigoris repente mutationes advenerint, quod & ipse jamdudum agnovit Hippocrates (a). In Etruria vero non adeo variare solent, ut unoquoque anno novus semper ex adveniente hujuscemodi varietate expectandus sit epidemicus morbus, qui dominetur, atque dissimilis, & nova febris, veluti usuvenire arbitraturs est Sydenhamius

(a) Αι μεταβολαι των ωρων μαλιστα, τικτωσι νοσηματα, και εν τωτη ωρηνη αι μεγαλαι μεταβολαι η ψυχης, η θαλλους, και τ' αλλα κατὰ λογος ευτως. Ιπποκρ. αφορ. τμημ. τζ. α.

(a), qui novum semper grassantem morbum expectandum esse asseruit, qui quaslibet regiones adoriretur, & quodecumque anni tempus invaderet. Illæ autem, quæ in Etruria nostra patehant affectiones, perraro aliam agnoscere solent peculiarem mutationem præter excessum caloris & frigoris, ceu elapsis retro sæculis fuit ab accuratis observatoribus adnotatum, quos inter prætermittendus haudquaquam videtur Marcellus Virgilius (b), qui dum vitam Florentiæ duceret, catharrales præcipue morbos familiarissimos observavit ex ingenti frigore tunc temporis manantes. Verumtamen non omnis frigoris excessus eosdem semper morbos producit: Elapso quippe anno 1755 magnum frigus deprehensum est, quo juxta thermometrum Fahrenheitianum Januario mense ad duodecimum ferme gradum subter trigefimum pervenisse constat, quodque relate ad teterrimum frigus anni 1709 tredecim gradibus juxta idem thermometrum differt: Illo enim anno vigefimum quintum ferme gradum attigisse patet, tuncque frigus juxta Ramazzinum (c) ad frigus præcedentium octo annorum Plicrometro teste proportionem Patavii habuit sexquialteram, hoc est, ut ternarium ad binarium. Hic autem adnotandum, anno videlicet 1691 hiemem ventosam, & siccam, frigidamque elapsi constitutionem extitisse, atque inter eos, qui grassati sunt, morbos a sanguinis incepta coagulatione oriundos, polyposas circa cor deprehensas concreciones fuisse (d). At non omnis frigoris excessus adeo periodicam asservere videtur naturam, ut eosdem morbos producat: Anno enim 1755 non ita frequentes morbi catarrhales observati sunt, veluti ævo Marcelli Virgilii nuper laudati contigerat, quinimmo chronicis seclulis ægritudinibus, parum, aut nihil quolibet anni tempore observatu dignum extitit, nisi eæ comminisci velint, quæ præcordia affecerunt, affectiones unicuique conspicuæ. Anno autem 1756 quo frigoris vis non extitit admodum ferox, Morbilli pravis stipati symptomatibus hiemali tempore observati sunt, quibus ineunte

(a) Nihil quicquam, opinor, animum universa, qua patet, Medicinæ pomeria perlustrantem tanta admiratione percellit, quam discolor illa, & sui plane dissimilis morborum Epidemicorum facies non tam qua varias ejusdem anni tempestates, quam qua discrepantes diversorum ab invicem annorum constitutiones referunt, ab iisque dependent. Obs. circ. morb. acut. cap. 2. Genevæ 1749.

(b) Comm. in Dioscor. l. III, cap. 6. Colonia 1529.

(c) Const. alg. an. 1709. Patavii 1709.

(d) Vid. Aët. Eruditi. Lips. an. 1692, pag. 220.

vere aliquantulum evanescentibus Pleuritides, aliique thoracis affectus dominari cœperunt (a). Cæterum ex his eruitur, non modo siccitatem & humiditatem cum algida constitutione conjunctas, aliosque casus hujuscemodi varietatibus ansam præbere, verum longa annorum serie varios exinde recrudescente morbos, qui jamdudum delituerant, aliosque frequentiores fieri, qui vix Medicorum observationem videbantur exegisse, quos inter præcordiorum affectus ad Aneurysmatum classem referendi sunt jure meritoque computandi.

§. XXXIX.

ETRUSCI AERIS MUTATIONES.

AT vero memoratis temporum varietatibus sensim recrudescentibus hujuscemodi morborum deberi frequentiam conjicitur. Florentinum antiquitus ærem asseverabat Jacobus Nardius (b), veluti ex anecdotis patet, non adeo noxium, subtilemque extitisse, veluti dum ille viveret, factus est, cum temporis progressu montium cacumina nemoribus fuerint destituta, aditusque ventorum septentrionalium procellis referatus. Neque illum somniasse censendum est, quandoquidem majores minoresque anni temporum immutationes videntur resecatis exinde nemoribus respondere. Et sane insignes deprehenduntur in præsens mutationes, quas non tam frequenter Etruscis advenisse comperimus antequam celsissimæ Pistoriensium alpes altissimis, quibus luxuriabant arboribus non adeo frequenter expoliari consuevissent; id quod prudenter quidem publica lege cautum exinde fuit, ne incolarum valetudo periclitaretur, ut nempe non tam frequenter annosæ quercus, ac proceriores arbores, quæ ibidem consistunt, humanis usibus infunderentur (c). Si igitur atmosphæricæ varietates apparent, nihilominus frequentissimæ, pariterque constat, ex his morbos recru-

(a) Observationes alias sequentium annorum a me ipso descriptas transmisit D. Andr. Eliæ Buchnero Profess. Hall. Acad. Cæs. Phys. Med. Nat. Cur. Præf. ut in Actis Norimbergenfibus imprimerentur.

(b) Anonim. *Ricordi varj*. MS. in codic. 73, class. XVI. MSS. Biblioth. Publ. Magliabuth. Florent.

(c) Algidum aquilonem graviora humanis corporibus allaturum detrimenta, si nemora montium altiorum resecata fuerint, poetice pronuntiavit Franciscus Bracciolinus municipis meus, qui XVI labente seculo, & incunte XVII floruit. Vid. Schern. *degli Dei Cant. VI, l'enczia 1689*.

descere, videndum, utrum quid in præcordiorum affectibus, de quibus præcipue sermo est, gignendis, & exacerbandis præstare possint. Quæ patefunt hujus generis affectiones numquid frequentiores, quam elapsis temporibus dici possint, plane ignoro: Nullum tamen me legisse ingenue fateor Etruscum Auctorem, qui præcipue de Aneurysmate circa præcordia genito, & in nostris hisce regionibus adeo frequenti & pernicioso, ut in præsentiarum videtur, sermonem instituerit, atque tractationem numeris omnibus absolutam prælo commiserit, cum altum sit de hac re silentium. Fatendum est uique cadaverum sectiones non adeo frequenter elapsis retro sæculis in usu fuisse, veluti adnotatum est (§. III): Sed res tanti momenti si sæpissime contigisset, seclusis etiam cadaverum sectionibus videbatur ex congerie symptomatum eruenda.

§. XL.

L O C O R U M C O N S T I T U T I O .

Si quæ tamen attendenda forent, ut optimæ & accuratæ morborum ephemerides complanarentur, id unum esset expetendum, ut sedula & luculenta morborum, qui nobiliores adoriuntur partes a veteribus Etruscis Scriptoribus adumbrata saltem enumeratio peracta esset, & ad feros transmissa nepotes: Præcordiorum namque morbos graphice propositos fore consideremus. Quum autem quidquid nobiliores illis temporibus aggredieretur partes, huc illucque positum videatur, hinc ea, quæ præcordiorum respiciunt ægritudines, haud diligenti exposita tractatione consistunt, adeo ut quidquid de Aneurysmate censendum esse sentirent, observatores plane ignoretur. At ne lucem in tenebris quærere videamur, atmosphericæ rursus constitutionis examini insistendo, longe nimis Aneurysmatum, quæ cordi evadunt insensissima, progressus deducere quemvis non posse asserimus, si annuam hodiernamque cœli constitutionem consideraverit, quæ aliis fortasse regionibus perniciosior animadvertitur: Autumnali etenim ingruente tempestate multum elasticitatis suæ non satis diu humilibus in locis perdit aër, qui humilis pariter fit (a), eamque

(a) Vid. Jo. Keil. *Introd. ad ver. Physic. & Astronom. lect. 20, pag. 386. Lugdun. Batav. 1739.*

non valde celeriter recuperat, nisi sicca sit hiems, ceu anno 1755 patuit observanti. Ac profecto humiditas eo tempore maxima longos interdiu noctuque tractus occupat, fitque capiti permolesta, atque homines valetudinis cupidos adscititiis calvariam munire comis cogit, & nusquam propemodum in iis præcipue locis, qui a paludibus aluuntur intercalares dies habere solet. Nebulæ plus minusve compactæ huc illucque vagantur, ex quibus perennis, ac veluti filamentosus humor extillat non tegmina solum ambulantium per vias humectans, sed internos domorum parietes, & stragula insolito humore madida reddens, adeo ut ipsa hominum corpora inflata quandoque appareant, quod non aliunde deducendum videtur, nisi quia externæ partes sic quasi in perpetuo detinentur balneo, unde labefactæ cedunt liquidis distendentibus, ceu adnotavit Van-Swieten (a). Talis hæc maritimis præsertim in locis constitutio non plures etiam hebdomadas extenderetur, nisi flabra ventorum, nec non frigoris exacerbati dominium superveniret. Capitis gravedines, anxietas in præcordiis, & hypochondriacæ affectiones tunc grassari solent, quæ nisi assidua corporis exercitatione eliminentur, evadunt sensim contumaciores. Quamobrem nullimode improbandum videtur illorum consilium, qui rusticantur, & montano perfruuntur aëre, usque dum frigus siccum supervenerit. Qui vero Civitatis Pagorumque flagrant cupidine, easque præcipue incolere compelluntur regiones, quæ marinis conterminæ litoribus extant, si cum in eas venerint ex igne suppetias mutuentur, & artificialibus hypocaustis deciduam discutiant humiditatem, non leve nanciscuntur emolumentum. Quum autem allata humiditas extrinsecus occurrens caput lædat, hinc montanus aër haud insalubris censendus est: Montium namque cacumina purioris aëris nota gaudent, ceu Barometrorum usu percipitur, uti mirifice patefecit Musschembroëckius (b). Major ulterius salubritas ex puriori emergit aëre, magisque proficuum vel æstuante Sirio in montibus experiuntur, qui ibidem degere assuescunt, veluti longa comprobatum fuit observatione.

(a) *Comment. ad Aphor. Boerh. Text. 26. Lugdun. Batav. 1742.*

(b) *Essai de Physique, chap. 36. A Leyden 1739.*

§. XLI.

OBSERVATIONES NONNULLÆ.

QUICUMQUE itaque adductam nequeunt evitare constitutionem, neque opportunas adhibere præcautiones, non modo debiles fient, sed præter cætera, quæ solent advenire symptomata, Anorexia laborabunt cum organa triturationi ciborum dicata nonnisi remissius proprio munere perfungantur; id quod fibrarum indigitat atoniam ex adductis symptomatibus adumbratam. Observare mihi non raro datum est, eos, qui morbis ex atonia consiliantur, humida superveniente constitutione in deterius ruere, quod conjiciendi locum præbet vel eos, qui sive cordis magnitudine præternaturali, sive præcordiorum laborant Aneurysmate ex eadem atonia deducto, non levia incommoda laturos, ea sane ratione, qua cæteros debili fibrarum nexu coalescentes ad morbosos affectibus succumbendum, in quos proni sunt, disponi cernimus, veluti accidit iis omnibus, qui Otalgia laborantes aliquantulum aëris humiditate discussa sonoras recipiunt impressiones, eademque superveniente auditus iterum sensu destituuntur. Constituta hujusce naturæ atonia plurima emergunt incommoda, inter quæ non postremum obtinere videntur locum anomalæ quædam febriculæ contumaces, quæ auctam cordis actionem fuisse demonstrant. Id mehercule reticendum non est, quod nempe talis adaucta cordis actio non modo pendere potest ex superveniente febricula, sed ex ipsa tunicarum, quibus stipantur arteriæ, laxitate, atque imminuta earumdem resistantia: Internas quippe arteriarum tunicas comprimens sanguis, si majori adigatur impetu, ac imminutam invenerit resistantiam, ampliorem sibi viam sternet, & internus proinde arteriarum ambitus dilatabitur; siquidem non plethora tantum Aneurysma ipsum producere potest, sed & ipsa valvulorum atonia cum plethora conjuncta una simul conspirant ad hujusmodi affectiones inferendas. Ac profecto si sanguinis motus in perenni ex corde egressu augeatur, violentior evadet impulsus, quo major erit relativa velocitas, sive discrimen velocitatum hujusce sanguinis, illiusque, qui per arterias moveri perrexit, veluti demonstrare conati sunt viri sapientissimi (a).

(a) Vid. Sauvages *Differt. sur l'Inflammation*. §. 173. A Geneve 1744.

§. XLII.

EFFECTUS PECULIARES MUTATIONIS ATMOSPHERICÆ.

QUOD si aucta sanguinis quantitas considerari velit, quæ nonnunquam cum talibus affectibus copulatur, jam vata ex plethora ipsa dilatabuntur, & non tam facile in venas nimis distentas sanguis ipse propelli poterit; unde major circa arteriarum fines exorietur resistētia. Hac posita, apparet aortæ diametrum, quæ definita est (§. XXVII), aliquantulum protendi; ex quo fit, ut cor eandem sanguinis quantitatem in canalem ampliorem immittat. Quamobrem minor evadet celeritas, quam antea fuerit, dum per canalem conicum convergentem, proindeque angustiores fluebat. Si igitur major impulsus in vasis cordi proximioribus fiat, hinc major in ipsis deprehendetur extensio, & inchoabit fortassis Aneurysma, inchoatumque augebitur, quæ tamen omnia tum forsitan veluti prægressa conspiciuntur, cum adducta immutati temporis constitutio varietatem quamdam ostendit: Vel enim immane frigus advenit, vel totalis repentina siccitas superstruitur, ex qua terra ipsa dehiscere quodammodo videtur, dum tempestas primæve constitutioni æmula dominatur, ex qua variantur ægritudinum symptomata humanis haud innoxia corporibus. Hæc quidem omnia tamquam relativa statuenda volumus, cum non omnibus eadem atmosphæræ officiant inquinamenta, neque omnibus eadem sit solidorum firmitas, atque textura adductis immutationibus obsecundans: Adnotatum namque fuit a Medicis præstantissimis, non omnes persimili donatos fuisse corpore, adeo ut etsi plures facile debilitentur, nonnulli tamen gravissimas quasque noxas evadant. Hujus notæ illorum plerique videntur esse, qui borealibus in regionibus commorantur, ubi licet quam plurimi ex flamine venti cujusdam intereant, cujus tanta densandi vis est, ut vel Hispanicum vinum congelat, ipsi tamen vitam sospitem degunt, pariterque mortuos in Arabia legimus animales ex ingenti ac pernicioso frigore, qui ex borea super Atlantem Africæ montem spirante defertur, ubi tamen quam plurimi nullimode læduntur. Frigus insuper Regiæ Urbis Pekini rapidiora quæque flumina adeo una tantum die in glaciem constringit, ut plaustra ferre valeant mercatores gravioribus onusta mercibus; at minus infestum evadit hominibus, quam frigus Europæum. Ad finem denique

denique Hufonii vehemens adeo est frigoriferæ auræ potestas, ut frigida quælibet vaporum moles aëri interspersa per ejusdem terræ mixtionem congeletur, atque in exilissima discretaque glaciæ spicula resolvatur. Tales profecto algidæ constitutiones fortiori fibra donatis parum, aut nihil officiant, aliisque debili corporis textura præditis adeo molestæ sunt, ut si illæ eadem repente contigerint, permagnum ipsis morborum agmen adveniat, ex quo præcordia haud raro infestentur. Et sane quamvis tam multos athletico pollere corpore comperiamus, tamen alios quosdam adeo debiles extitisse videmus, ut si post corporis excalefactionem frigida usi comperatione, sive balneo fuerint, protinus occubuerint; id quod relativas dispositiones affectusque relativos ostendit. Ex ingenti insuper frigore affici præcordia posse animadvertit Ramazzinus (a), dum algidam anni 1709 constitutionem erudita exponeret oratione. Quidquid autem de Aneurysmaticis præcordiorum affectibus ex immutatione temporum sæpe sæpius recurrente deducendis effari constituimus, varios ex frigore ad humiditatem transitus respicit, ex quo debili fibra coalescentes lædi posse contendimus: Corpus enim debile redditum ex frigore firmatur, majoremque apparet illi vim accessuram, dum ea, quæ illius laxitati favebant, protinus evanuerint, eaque firmitas humida superveniente constitutione deperditur. Imminuta igitur, exindeque superaddita aëris elasticitas ex adducta temporum immutatione dependens fit debilibus insensissima.

§. XLIII.

ARTERIARUM VIS IMMUTATA.

NEMO igitur inficiabitur, & ipsa arteriosa vasa firmiora fieri, diuque firmitatem suam fovere quoadusque temporum vicissitudines perseverant. Si vero in internis arteriarum involucris quælibet vel minima dilatio, vel ad eam proclivitas fuerit, ea ex tonica superveniente facultate ingravescet, cum antehac gravi & ponderoso existente aëre propellenti cordi resistentia fieret, humorumque præ-

(a) Quotus enim quisque est (ait ille) repertus tam denso corio, ac tam fortè a natura semperie donatus, qui non in cute solum, sed intus quoque, & intra ipsa præcordia, ubi vestalis ignis nativos lares & focum habet, ab algidissimi aëris inspiratu noxam aliquam non perferat? Const. alg. an. 1709. Patavii 1709.

peditus pene circuitus agnosceretur. Illud tamen vel maxime observatur, quod nimirum adventante verno tempore Aneurysmata præcordiorum panduntur, haud aliter ac in reliquis anni tempestatibus: Quæ namque perspiranda materies est, remoratur, obortisque obtemperat mutationibus, ac sæpe sæpius ad corporis poros pervadendos inepta per vascula majoris diametri refluerè nititur, & dum illic detinetur extraneis coagmentata corpusculis ibidem collocatis internos quosdam progignit affectus ex adaucta refluyente humorum quantitate innascentes, neque facillime exsuperabiles. Intimæ igitur extimæque vasorum partes depraventur oportet, usque dum Aneurysmaticam naturam assequantur.

§. XLIV.

VETERUM ET RECENTIORUM USUS.

FREQUENTIORA tamen putanda non esse videbuntur nostro ævo præcordiorum Aneurysmata, quandoquidem adductæ mutationes, quæ his excitandis conducunt, plus minusve præteritis temporibus usuvenerint, quin de frequentia istiusmodi morbi homines conquerebantur. Verumtamen hæc dum mecum reputo, haud perperam illatæ sententiæ refragari eos censerem, qui mihi talia proferrent. At vero supra cætera aliquid maximopere attendendum est, quod rem extra omnem dubitationis aleam collocet. Itaque ex æris intemperie non adeo frequenter lædi potuisse majores nostros hæsitandum minime videtur, quories illorum plerosque serotinum & nocturnum aërem plus minusve pro varietate locorum sub dio degentes nonnisi cautione quadam exspirasse novimus, ac si instantem ex aëre noxam expectandam fore ducerent. Nil ergo mirandum, si ejusdem immutationem non incassum captarent, neque altiores itinerando situs quandoque invisere gravarentur. Verum quantumvis graves atmosphæricæ mutationes plus quoque quam hodiernæ contigerint, prava tamen earumdem qualitas Gymnasticis frequentius adhibitis exercitationibus discutiebatur: Ipsæ enim cum corporis robur maxime respicerent, quam sæpissime usurpabantur, ita ut in illis quoddam veluti æquilibrium firmitas corporis semper propemodum asservaret: Hæ autem cum pene obsolevisent, ignoratur profecto, numquid emolumenta potius quam detrimenta humanis corporibus

acceſſerint : Deſidem namque tranſigere vitam, ſomnoque deditam plerique cupiunt, & parum, aut nihil tuendæ valetudinis deſiderio accenduntur, quin potius errata omnia ex fonte ſex non naturalium rerum manantia miſerrime conſeſtantur. Attamen qui ſomno nimium indulgent, præcordiorum languoribus obviam eunt, cum cordis & arteriarum motum in ſomno augeri compertum ſit (a). Poſitis igitur iſdem ſemper accidentibus, iſdemque circumſtantiis, quæ in atmophærica conſtitutione ingruente præſertim bruma congerant, fieri minime poteſt, quin in præſens graviores frequentioresque vel in præcordiis pendantur morbi, eo quod perampla errorum ſeges allatis mutationibus ſuperſtruatur.

§. XLV.

REGIONUM SITUS OBSERVANDI.

QUUM vero ea, quæ uſque adhuc adducta ſunt, reſpectivas atmophæricas mutationes reſpiciant, eandem neutiquam aſſervare periodum agnoſcuntur : Ventorum quippe ſantium major minorque frequentia breviorẽ diuturniorẽque præ ſe fert, idque nonniſi ex majori minorive acquiſita aëris elãſticitate concluditur, ſiquidem arteriarum expansiones aëris elãſticitati quodammodo reſpondent, adeo ut ſi aëris increverit elaterium diſtenſiones, atque rupturæ in iſſis arteriis ſuperveniant, veluti adnotavit Michelottus (b). Locorum inſuper ſitus accurate prænoſcendi ſunt, cum ex his haud leve deducatur diſcrimen. Fauſtiſſimus ſane Etruriæ noſtræ ſitus dicendus eſt, cum modo altiſſima montium juga, modo vaſtas & amœniſſimas planities quivis intueatur. Quare facili negotio datum eſt montanum aërerem inſpirare, ſi forte fortuna, qui humilia loca ambit, morbos graviſſimos minitetur. Ea autem, quæ circa humidam autumnali tempore obſervatam conſtitutionem (§. XL) deprehenduntur, humilia, & intermedia loca conſeſtari videntur, ubi hæc, etſi tranſi-

(a) Vid. Barhaav. *Præleſt. in prog. Inſtit. Text. 597. Lugdun. Batav. 1740.*

(b) Aſſerit ille, Sanguiferorum canalium rimas rupturasque ab inſigniter increſcente aëris vi claſſia fieri quoque poſſe; ſanguinea ſcilicet maſſa certis anni temporibus conſtitutionibusve, ſummo gelu, vel aliam quamcumque ob cauſam, prona ad conereſcendum exiſtente, facile intellegimus, ſi qua de aëris ex congelatiſ aëreis particulis erumpentis vi, vel helica tormenta frangere valente, quemadmodum humores a crure in animalibus ſecernantur ſcribentes adnotavimus, hæc traducamus. Vid. *Inſtit. Bononiens. Comment. Tom. I, pag. 439.*

torias & temporarias advenire mutationes adnotatum est, e quarum noxa facile evadet quicumque spatiosa & montana loca invifere non gravabitur, vel fubcitivis faltem horis aliquam corporis amplefletur exercitationem. Idcirco igitur faluberrimum potiori jure iftud prædicatur cœlum, eo quod parvo feclulo tempore nufquam propomodum ægritudines, quæ ex ipfo proficiſcuntur, fuſtineantur. Verumtamen fi quæ ſunt haud innocua loca, hæc circa marinum litus ſpectanda occurrunt, ubi aquarum non raro pravitas adjicitur, ex qua endemius profluit morbus in iis conſpicuus, qui ſalubrem aquam venalem habere nequeunt, obſtruſtio videlicet in hepate & lienè, ex qua non modo multiplex Iſterus & Hydrops, ſed ipſum cardiacum Aneurysma conſequitur, ceu ex inferius adducendis patebit (§. XLVII). Interim e diverticulo redeunt in viam id meminiffe ſufficiet, quod jam innuimus, perſæpe nimirum ex ingenti frigore ad moleſtam tranſitum fieri humiditatem, poſteaquam novum frigus & calor etiam ſupervenerit (§. XL), ita ut dum humana corpora intolerabili frigore torpent, ex immodica lædantur humiditate, ſive protinus quibuſdam ardoribus torreantur. Inſuper adnotatum eſt, hominum errata homines alios incautos fallere, eosque demum cardiacis ægritudinibus ſubjicere, eo quod tum aëris, tum arteriarum elaſticitas ſanguinis aſtioni non bene reſpondeat (§. XLVII). Quum itaque ex allatis erroribus tales ingraveſcant mutationes, altera, niſi mea me fallit opinio, obtinebitur cauſa nullimode criminanda, ex qua frequentiora deducantur Aneurysmata. Interim vero ad alia properandum.

§. XLVI.

RUSTICORUM REGIMEN.

PECULIARES nonnunquam obſervare fas eſt morborum curationes apud imperitum præcipue vulgus familiariffimas, quæ ſoleriffimorum quorumcumque Medicorum ratiocinationes eludunt, atque ex adverſo præcipientes morbi quidam deprehenduntur, qui ne minimum quidem infelicitis eventus antea indicium præ ſe ferebant. In priori itaque caſu natura morborum medicatrix ultro accerſenda foret, eſſi immani inſtante morbo vix evadendi locus ſupereſſet: In altero vero ignavia fortuita conſulenda, quæ inſanum vulgus

hallucinatur. Rusticos quæso, & inurbanos homines si spectemus, propriæ necis artifices illico prædicabimus : Dum enim laborantes esuriunt, vescuntur pessime, atque esculenta prætereundo maxime ad rem nostram facere videtur aquarum & aeris, qui absorbetur, ingurgitatio : Ex aqua namque terreis referta particulis morbi quam plurimi emanant (a). Patescit jam palustrium locorum incolas insalubribus ut plurimum aquis sitim explere, quin ne hilum quidem de prava ipsarum indole cogitent. In morbum proinde incidere solent, quem Græci πολυταρκίαν dicunt, sive assiduas perferunt obstructions, ex quibus ægritudines oriuntur innumeræ, inter quas, præter vitia præcordiorum, reticendus Hydrops non est, qui ex lîtero solet proficisci, ex obstructionibus, quæ prius aderant, progenito, veluti in iis, qui aëre, & salubri aqua destituuntur, prænoscutur frequentissime. Crassescunt illi, laxa pollent fibra, & tonica contractione privantur. Peramplum sane in Etruria nostra munificentia præbuere argumentum, qui ad eam partem, quæ maritima finitimaque respicit loca, salubriorem reddendum stagnantibus, cœnoque refertis aquis illa arva alluentibus, atque aërem pravis halitibus inquinantibus declivem largiri cursum meditati sunt, & saluberrimam exinde aquam magnificis e longo tractu ductibus derivare, & in Urbes ipsas deducere. Cæterum qui optimæ aquæ subsidio orbantur, pravumque inspirare aërem coguntur, Aneurysmaticis haud infrequenter tentantur præcordiorum affectibus, veluti in nostris hisce Nosocomiis fit manifestum, ubi maxima ægrorum e locis palustribus redeuntium copia tum observatur, cum nimirum adveniente æstate in puriorem aërem illuc, unde discesserant, revertuntur. Ego equidem arbitror, cardiaca vasa ex aëre parum elastico, & pravis quandoque halitibus inquinato enervata, nec non sanguinem pravis qualitatibus imbutum haud leves putari posse causas incipientis saltem hujusmodi affectus, qui ex assidua adductis in locis mora major gradatim fiat, usque dum aliquo interveniente casu patefiat, & ope transitus ex parum elastico ad elasticum aërem ingravescat. Austrinæ tamen reticendæ constitutiones non sunt, quibus supervenientibus non aliquæ dumtaxat corporis partes hebetantur, uti notum Hippocrati (b) fuisse colli-

(a) Vid. *A mechanical account of poisons in several essays by Richard Mead, Tent. 6. London 1745.*

(b) Vid. Δφρ. τμημ. τρ. αΦρ. α, και β.

gitur, sed cordi, pulmonibusque gravia succedunt symptomata, quæ observationem promerentur (a).

§. XLVII.

PECULIARES ALIQUÆ ANEURYSMATUM CAUSÆ.

INSUPER deprehensum est, omentum in iis, qui facile pinguescunt, mole augeri admodum posse, dum in obesibus præsertim opima oppletur pinguedine (b). Quum autem nullum extet in omento vas excretorium, omnis illa pinguedo ex validis mora laboribus abit per epiploicas venas in venam portam, atque toto inundato hepate pessimæ obstructions emergunt. Ex his vero usuvenire Aneurysma haud videtur incongruum, quandoquidem ex cujuscumque visceris obstructione cordis vis augetur. Si ergo dimidium ramorum aortæ obstrueretur, quadrupla cordis vis necessaria foret, ut sanguis in proprios canales propelli posset (c). Certum insuper est, atque repetitis comprobatum observationibus, eos allatis morbis succumbere, qui vel fibram minime nacti sunt robustam, sive laxam quocumque casu reddiderint, pariterque constat, juniores, & robustiores præcordiorum Aneurysmate magis tentari, ceu jam adnotaverat Albertinus (d). Hæc porro ut una simul conciliari valeant, autumari posse videtur, vitæ nempe genus esse maximopere considerandum, utque ab iis, qui palustria incolunt loca, aliquid luminis mutuemur, adnotandum videtur, id eos in votis habere, ut sano robustoque polleant corpore, assidua edocti observatione, iis videlicet, qui in morbos proclives sunt, neque sustinere labores queunt, talia evitanda loca esse, iisque adeunda, qui parentes ibidem non valetudinarios habuere, sed bene valentes. Attamen & horum plerique paulatim incipiunt debilitari omnemque in se refundendam culpam agnoscunt, cum laxitatem experiantur assiduam, qua priusquam illuc adirent, minime tentabantur. Si ergo morbis corripiuntur, non

(a) Quam plurimis aliis, qui organicas varias læsiones circa cor, aut pulmones a diuturno tempore gestabant, gravia pectoris symptomata cum difficultate respirandi in hac aëris austriana constitutione evenisse observavimus. Vid. Valcarengi de aortæ Aneurysm. Observ. Obs. I. Cremonæ 1742.

(b) Vid. Van-Swieten. Comm. ad Aphor. Boerhav. Text. 916. Lugdun. Batav. 1753.

(c) Vid. Sauvages An. a la Statique des animaux d'Hales §. 277. Genève 1744.

(d) Vid. Instit. Bononiens. Comm. Tom. I, pag. 382.

ideo corpiuntur propterea quod juniores, & robustiores subito appareant, proindeque corporis laxitatem subierint, sed quia cum domum remigrarint, corpus jam debile assidua quassare defatigatione non dedignantur. Tamen seclusa etiam omni aëris parum, aut nihil elastici inspiratione illud verum agnoscitur, quod juvenes, & robustiores præcordiorum Aneurysmate magis tententur, si aliæ accenseantur causæ validiores, ex quibus arteriarum involucri adeo valide distendantur, ut facillime dilatari queant, & parere ipsum Aneurysma: Si namque aëris elasticitati plus minusve agenti improbi labores corporis adjiciantur, eaque universa, quæ validas reddere distensiones possunt, facili quidem negotio, licet athletico gaudeant corpore, Aneurysma patebit.

S. XLVIII.

AERIS ELASTICITAS.

Id vero pravam aëris naturam esse probe noscendam demonstrat, cum haud exiguum humano in corpore vim nanciscatur, veluti tum a veteribus, tum recentioribus cognitum est (a), & non leviter conferat ad morbos allatæ indolis producendos, qui ideo frequentes sunt, quia duris urgens in rebus egestas rusticos homines illuc, ubi aëris noxa vitari nequit, adire compellit. Veteres ipsi locorum constitutiones sedulo examini subicere minime gravati sunt, cum probe novissent, a sicco solo salubrem, a palustri inclementem, & quandoque pestilentem aërem proficisci, veluti elapsis retro temporibus apud Ægyptios, Græcos, atque Germanos deprehensum fuisse testatur Hoffmannus (b), qui Scriptorum testimonia accurate colligere voluit, ex quibus rei veritas inclaresceret. Contra vero si celsissime peragrari velint alpes, ubi aër perflatus, multumque elasticus appa-

(a) Vid. Ἱπποκρ. Περὶ αἵρων, ὑδάτων, τέπων. Hippocraticæ doctrinæ inter recentiores aditipulatur supra cæteros Arbuthnotius in libro, cui titulus: *Essay concerning the effects of air on human body*. London. 1733. Hujus versionis latinæ adnotationes addidit P. Fort. de Felici. Neapoli 1733. Agnita itaque perniciofa aëris constitutione mutationes ejusdem illico fiant oportet: Nam *pestimum agro est calum, quod agrum fecit*, uti probe innuit Celsus *De Medicin.* l. II, cap. I, pag. 43. Patavii 1750. Sed aëris innovatio in navibus quoque, cubiculis, nosocomiis, carceribus, aliisque locis obtineri potest non solum auxilio machinæ, quam Halesius & Desagulierius excogitarunt, verum ope machinæ simplicioris apposito igne, veluti novissime deprehendit Suttonius *An Histori cal account of a new method for extracting the foul air out of Ships*. London 1749.

(b) *Diff. Phys. Med. Diff. V. Genev. 1746.*

ret, atque optimarum scaturigines aquarum reperiuntur, raro admodum obstructions, & univerſum morborum agmen ex iis pendens, aliique innumeri affectus alibi conſpiciendi deprehenduntur. Neque, mirum ſi rarius in cadaverica eorum, qui montium juga incoluerunt, ſeſſione præcordiorum Aneurysmata reperiuntur: Aëris namque elasticitas, corporis labores, & vitæ regimen huiusmodi ſunt, ut nihil admodum reprehendendum eſſe appareat, niſi fortuitus aliquis error extiterit, ſive ex ea, quam profitentur arte incommodum aliquod ſubeant: Fodinas enim montium viſcera tenent metallorum, quorum glebæ nonniſi ingenti effodiuntur labore, qui cum inſpiratione aëris modo nitroſis, modo ſulphureis, modo aluminofiſis halitibus, qui undique circumvolitant, redundantis copulatus animalem perturbare valet œconomiam, & non raro mortem ipſam inferre: Vapores enim teterrimi ore hauſti exceptique pulmonibus ſanguini manus injiciunt pertranſeunti, ejusque cogunt molem, coërcent, atque conſtringunt. Quare non immerito naturæ promptuarium vocatur aër, eo quod multiplices, quæ ex ipſo derivantur, ægritudines ex mixtorum compoſitione multigena pendeant. Neque prætermittenda viſ eſt, qua aëreæ particulæ ſive ſe mutuo non tangentes, ſive quandoque ſe mutuo repellentes fugere ſemetipſas conantur, quæ in ea creſcit ratione, in qua diſtantia inter centra particularum earumdem minuitur (a). Aër pravis effluviis inquinatus, acidis, quibus ſcatet particulis vaporibusque ad fermentationem concipiendam aptis (b) pulmones adigit, qui niſi firmam, integramque naſti fuerint habitudinem, afficiuntur facillime, & cauſaria præſertim corpora ad interneconem uſque deducunt (c). Adnotandum tamen, inter-

(a) Vid. *s'Gravesand. Phyſic. elem. Mathemat. Tom. I, l. 2, cap. 13, pag. 159. Langdun. Botav. 1720.*

(b) Vid. *Optiks: or a Treatiſe of the Reſlections, Reſractions, Inſections, and colours of Light: The ſecond edition with Additions. By Sir Iſaac Newton, Book III. London 1718.*

(c) Aëris velocitatem maximam eſſe demonſtrat machina Deſagulieri, quæ in Aëtis Anglicanis deſcripta eſt *Trans. Philoſoph. for the year 1727, num. 427*. Concipiatur aër in varias atque concentricas diviſus peripherias, adeo ut vires centriſugæ ſint ut radii, in progrefſione nimirum Arithmetica. Sit itaque R radius majoris circuli = 3. 5. ped.; r radius circuli minoris = 0. 75.; m. radius circuli medi = 2. 125. = $r + \frac{R-r}{2} = \frac{R+r}{2}$;

v ſpatium a medio circulo percurſum ſpat. min. 1; = 16. 1; S ſpatium percurſum ob gravitatem = 16. 1; s ſpatium a minima aëris particula ob vim centriſugam percurſum dum e centro circuli medi ad peripheriam progreditur a m: v: :: v: s, ſeu ob regulam

interdum rusticos homines sospites magis degere, quam urbanos: Ipfi etenim, nisi in aliorum arvis substinere labores conentur, paterna propriis bobus exercent rura, & parum, aut nihil aliquo diuturno pathemate corripiuntur. Ex quo fit, ut quandoque plebeia genti invidere debeamus.

§. XLIX.

PRÆVUM VITÆ REGIMEN.

Ex his tamen omnibus præconceptis nonnulla eruenda sunt, quæ Aneurysmatum in præcordiis genitorum frequentiam videntur indigitare. Primum itaque videmus, eos, qui tota hieme palustribus in locis commorati sunt, quorum plerique miseris tabescunt, serum admodum in proprias regiones reverti, & repentinis modo humidioris, modo gravioris æris mutationibus obrui. Nullo deinde haud valetudinariæ transfigendæ vitæ ardore accenduntur, nullisque utuntur remediis, ut morbos caveant, quibus alias succubere. Si denique aliquo vel levi morbo tentatos se noverint, id unum in deliciis habent, ut nempe ab instituto vitæ regimine non desistant nihil admodum de valetudine servanda solliciti. Nil igitur mirum, si gravif-

Hugenianam $\frac{v}{2m} = s$; G & c vim indicant gravitatis, & vim centrifugam in circulo medio spatia eodem tempore percurra propter adionem duarum virium sunt ut hæ vires $S : s :: G : c$, & $\frac{s}{S} = c$, ac pro s adhibendo $\frac{v}{2m}$ erit $\frac{v}{2m} \frac{v}{S} = c$, & pro m $\frac{R+r}{2}$ tunc $\frac{v}{R+r} \frac{v}{XS} = c$ ita ut gravitas sit ad vim centrifugam in eodem circulo ut G ad $\frac{v}{R+r} \frac{v}{XS}$, seu ut 1 ad $\frac{v}{R+r} \frac{v}{XS}$. Quod si multiplicetur per numerum circulorum $R - r$, erit pressio aëreæ columnæ $R - r$ producta a gravitate $R - r$, & pressio centrifugarum virium $\frac{R-r}{R+r} \frac{v}{XS}$. Quoniam vero pressio diverfarum velocitates sunt ut radices quadratæ earundem pressioum, erit velocitas a gravitate producta ob naturale pondus, seu ob pressionem $R - r$ ad velocitatem, quam columna eadem recipit a pressione, quæ nascitur a vi centrifuga, ut $V - 1$, seu 1 ad $V \frac{v}{R+r} \frac{v}{XS}$. Si velocitas a gravitate producta $= R - r$ vocetur a $= 15.38$ ped. 1.⁴ min.; erit velocitas, quæ nascitur a vi centrifuga, a $\propto V \frac{v}{R-r} \frac{v}{XS}$, seu a $v \propto V \frac{1}{R+r} \frac{v}{XS}$, seu $V \frac{a}{R+r} \frac{v}{XS}$ id est in adducta machina $\sqrt{\frac{15.38 \times 26.31}{4.25 \times 16.1}} = 49.67$ ped. 1.⁴ min.

fimos sibi morbos accersant, quos ingravescere cogunt errores nequam contemnendi nostroque ævo familiarissimi. Quamobrem nil vetat asserere, insalubrem humiliorum locorum constitutionem cum adductis conjunctam erroribus præcordiorum affectus efficere frequentiores consuevisse, inter quos Aneurysmata vel in infantia progenita, vel sponte obvenientia sunt computanda, ceu assidua comprobatur experientia, ac satis superque iteratæ cadaverum sectiones evincunt. Qui tamen luculentam palustrium, & humiliorum Etruriæ locorum notionem habere concupiscit, eos perlegat tractatus, ubi de causis, atque remediis insalubritatis aeris in humilibus & maritimis locis disseritur (a). Nos interim, ne prætervolet nimium sermo, alio mentem animumque convertere cogit id omne, quod alias respicit cardiacorum Aneurysmatum causas a nonnullis ne fortassis quidem cognitæ, etsi eas ipsam præcessisse ægritudinem, ne dum comitatas fuisse fatendum sit.

§. L.

L U E S V E N E R E A.

EAS itaque causas, quæ inter extrinsecas adnumerantur, adduxisse supervacaneum foret, nisi quæ vel intrinsecus vim suam exerunt in apertam plane lucem deducerentur. Hujus profecto naturæ Venerea lues videtur esse, quam præcordiorum affectiones seu paulatim promovere, seu ante pubertatem inceptas patefacere posse credendum videtur, si præsertim virus venereum jamdiu delituerit in massa sanguinis univèrsa. Jam unus aut alter effluxit annus, quo in celeberrimo Florentino Nosocomio quidam juvenis decumbebat annos triginta nequam prætergressus venerea cachexia admodum inveterata correptus. Huic caries ossium in capite insignis advenerat, ex qua vix evadendi locus suppetebat. Dum interim palliativa, ut inquiunt, perageretur curatio post irritum pyralisum inopinato exortum vita functus est. Insolitum ideo aortæ Aneurysma observatum fuit, quod utramque, thoracis videlicet & abdominis cavitatem, occupaverat. Hinc factum arbitror, ut ex immònuta sensim musculari

(a) Vid. Targioni Tozzetti Relaz. d'alcun. Viag. fatt. in divers. part. della Toscana. Tom. VI. Firenze 1754.

cordis actione, & ex violenta validaque diaphragmatis pressione organa respiratori dicata obstaculum subierint, ex quo inferri posse videtur, mortem exinde fuisse consecutam. Haud dissimilia memini quondam observata fuisse, ex quibus me conicere posse arbitror, Veneream nempe luem Aneurysmatica nonnunquam vitia producere consuevisse, cum hæ binæ affectiones frequentissime copulentur. Quum vero memorata lues diu multumque fines suos protenderit; hinc fit, quod si sævissimis stiperetur symptomatibus, adductas superiores affectiones producat.

S. LI.

NONNULLI EFFECTUS LUIS VENEREÆ.

QUÆ hætenus de veneno elephantiaci, leproso & hydrophobico, nec non de pestifero & varioloso contagio haud inepte vel ab iis Scriptoribus congesta sunt, qui rerum veritatem fabulis obrepere meditabantur, de Syphilitico effari quoque posse videntur, quod phlogisticum esse ex enascente subinde phlogosi deducitur, nec non corrosivum, fixum atque coagulans ex advenientibus comprobatur effectibus. Ex hoc ipso inquinari sanguinem compertum est, quandoquidem post affecta primum ea loca, per quæ introgressum est, in sanguinem ipsum deducitur, & tum gliscenti veterino calcar additur, cum prævæ dispositiones corporis præexiterint: Tunc enim exitiales vapores sanguini permixti acidam, viscidam & acrem, quam præ se tulerant, constitutionem ad eum inficiendum aptiorem reddunt. Nullus profecto ambigendi locus est, quin arteniarum tunicæ firmitate gaudeant non exigua (§. VI), adeo ut non ita facile debilitari queant, nisi magni momenti vis accesserit. Hanc tamen ex eodem proficisci veneno minime alienum a veritate putabitur: Vetus enim extante lue sanguini maxima communicatur labes, quæ cum in dies magis magisque subcreverit, substantiam sanguinis depravat universam. Sanguis itaque, postquam adeo pollutus, pravas qualitates, corrosivam præsertim, & hemicausticam pene dixerim, adeptus fuerit, haud difficile internam valebit arteniarum quarundam tunicam ubicumque discindere, atque ex ea ad alteram gradatim transitus fiet, donec tertia in conspectum veniat, quæ cum tendinosa sit (§. VI), adeoque magis resistenti coagmentetur materie, sanguinis

acrimoniam forsitan retundet & superabit. Quod si ex hujuscemodi labe exostoses, hyperostoses, osteosarcofes oriuntur, & alia quam plurima, quæ vim exigunt ad agendum validissimam, multo magis articularum lædentur involucria, atque verum exinde nascetur Aneurysma. Quoad erosivum vero principium in sanguine delitescens, & ex immisso veneno profluens attinet, adnotasse juverit, hujusce naturam ipsis nudis oculis innotuisse, ceu eximii testantur observatores, qui sanguinem hujus indolis explorare aggressi sunt (§. LXXIII). En igitur inter binas interiores tunicas excurrrens hujusmodi sanguis, sensimque productum Aneurysma, quod circa præcordia innasci facilius posse deprehenditur, cum præter pravam sanguinis indolem, vis major ex vicino cordis impulsu sanguini eidem communicetur. Quod si his omnibus valetudinariæ, ac pene scorbutica corporis constitutio (§. XX), talium morborum soboles, ætas ad senium vergens, ægriitudines prægressæ, ac frequentissimi in sex non naturalibus rebus errores superstruantur, inferri potest, adducta vitia facilius usvenire.

§. LII.

LAXITAS INDUCTA.

INOLEVIT animis hominum opinio quædam, quod ex assiduo nempe concubitu laxetur valde corpus, viresque senim deperdantur, adeo ut ipsa dorsalis tabes subsequatur. Id autem bene ac sapienter eos effari consuevisse perspectum est, quandoquidem ex repetitis sit manifestum observationibus, corpora frequenti assueta concubitu maximam sæpissime laxitatem contraxisse. Quod autem ex contracta emergit hujuscemodi laxitate sedulam extorquet observationem: Eos enim, qui utpote in luxuriam proclives sequioris sexus se amore irretire non dedignantur, adeo in cœno cupidinum arbitror volutari, ut assidue cum fœminis accubantes novis semper viam morbis sternant, quibus in corpore constitutis fieri nequeat, ut præcordia ipsa minime torqueantur, adversaque ipsi semper valetudine confliscitent. Et sane perceptum est, primo pubertatis flore languescente, ruere in deterius valetudinem, veluti ex prava corporis constitutione, sive ex perpetratis erroribus enitescit. Verum si quis dum constitutum pubertatis tempus attingerit, effrenatæ se mancipare libidini non

erubescat, existimare ille poterit supra cæteros, majorem serius ocysus laxitatem in se ipsum redundaturam : Nondum enim sat firmo corpore præditi esse dicendi sunt, qui pubertatem ipsam haudquaquam fuerint prætergressi. Quod vero firmata jam corpora magis angit atque sollicitat, illud est, quod nempe laxatis ex coitu diuturno corporis vasculis non modo patefieri affectiones possunt, quæ pubescente adhuc ætate subortæ sunt, sed aliæ obvenire denuo solent, quæ nullum exinde medicamen admittunt. Haud aliter labefactis qualibet ex causa usuvenerire corporibus deprehensum est, quibus nulla frequentior obgit ægritudo, quam quæ præcordia torquere perspicitur : Ea quippe omnia, quæ fibrarum, ex quibus arteriosa coalescunt vasa, debilitatem inducere possunt, ipsamet promovere possunt Aneurysmata. Neque aliter statuendum occurrit, cum clare pateat, quæ, quantaque concussio, quique calor, & quæ denique exerenda sit vis, dum quis venereo percitus cestro reperitis ictus infligit. Si ergo præexistens forte fortuna præcordiorum latuerit Aneurysma, quilibet inferet, ipsum quam citissime se patefacturum, secus vero repente produci posse, si talis præcipue fuerit illius corporis constitutio, ut debilem nimirum nactum fuerit fibræ ab incunabulis, vel talem temporis progressu reddiderit. Porro languet corpus pallore perfunditur univèrsum, mentis hebetatur acies, ac sensim temperies nativa deperditur, fractisque proinde viribus tonica quoque arteriarum contractio torpet, & sanguini propellenti minus resistit. Quidni lenocinante adhuc cupidine balsamicum quidquid inerat foras proruit, & sanguinis lentor emergit ? Sive igitur arteriosa solummodo flaccescant vasa, sive iisdem in tonico adhuc statu perseverantibus sanguinis lentor adveniat, sive demum quorumcumque defectus una simul copulentur, arteriarum morbos emersuros indicandum est. Quod si virus Venereum jam acquisitum adductis superaddatur conatibus, facile concludendum erit; hujus indolis ægritudines procul dubio consequi posse. Cur vero præcordia præter reliquas corporis partes infestari queant, illico elucet, si Anatomæ auxilio propinquitatis partium investigetur.

PRAVI SALIVATIONIS EFFECTUS.

HAUDQUAQUAM illud probandum esse censerem, quod jam adhiberi consueverat praesertim apud Transalpinos remedium Aphrodisiæ depellendæ dicatum, quod ad usque pyralismum ex litu corporis univervi deductum ex Hydrargyro optime parato desumebatur: Facile quippe cuivis est divinari pravos affectus ex hac ipsa medendi methodo profecturos, si quando praesertim difficile saliva rejicitur vehementia pytismata consequantur. Tunc enim quod optimum censetur esse remedium, in hostem convertitur infensissimum, cum omnes probe noverint, quæ, quantaque vis ex hujuscemodi medela proficiscatur humanis potius corporibus infalubris evasura, quam salutaris (a). Macrescit quotidie magis adustum jam redditum corpus, atque eo, quo indiget, humore spoliatur, & dum gliscienti vetero aditus referatur optimi quique humores una cum noxiis eliminantur. En igitur quassatæ arteriarum tunicae, quæ nisi fortem naclæ fuerint firmitatem, ad alterationes subeundas plurimas disponuntur. Si vero in Venerea curanda labe ex litu sudores quispiam multoties Aneurysmate jam efformato substinuerit, conclamatur pro illo esse declarat Paræus (b). Quod autem sedulo attendendum occurrit, illud est, quidquid nempe prægressa medicamenti cujuscumque sumptione nocuerit, atque morbum exinde alicujus improvisæ indolis patefecerit, culpari consuevisse: Tunc enim vel ex ipso Hydrargyri interno usu, licet proficiuus expertus sit, metuendum sæpe sæpius occurreret, etsi quandoque nocuisse ambigi queat, veluti de quodam accepimus, qui plurimis mercurialium pilularum assumptis dosibus ex Orthopnoea peremptus est, inventusque habens in base cordis protuberantiam ovo columbino haud absimilem aliis proinde minoribus circumseptam (c). Cuncta hæc internum Hydrargyri usum non adstruunt, qui prodesse admodum solet, verum aperte demonstrant, ex nimia eaque excedenti quantitate haud levia contingere incommoda posse tum

(a) Vid. Hundertmark *De Mercur.* Lipsia 1757.(b) Vid. Theoph. Bonet. *Sepulchr. Obs.* 14. l. II. sect. 2. cum adnot. Manger. Tom. I, pag. 50. *Genève* 1700.(c) Vid. *Zod. Med. Gall.* pag. 156. Parisiis 1679.

magis conspicua, cum interno hujusce medicaminis usus litus exter-
num, uti quondam adhibebatur, adjungitur. Ac profecto ea, quæ
cordi adhærescunt arteriosa vasa, majori donantur diametro, quæ
cum in aorta maxima sit, locum magis præbet experimentis, quibus
peractis analogia cum aliis arteriis insitui facillime potest. Quod
autem ex Anatomicis usque adhuc enituit injectionibus, illud est,
quod nempe aorta ex membranis coalescit, quæ ex vasibus minoribus
componuntur, quæ insuper ex aliis sensim minoribus esse fabrefacta
jamdudum innotuit. Apparet ergo, non difficile adeo insignes enasci
posse dilatationes, dum quis vehementi traditur pyralismo, si ea præ-
cipue attendantur, quæ enascente subinde phlogosi consequuntur.
Quamvis itaque quam plurimis bene cesserit, non paucos tamen ex
litu corporis universi novimus jugulatos, quos fibris præsertim debi-
libus antehac coaluisse compertum fuerat. Neque aliter de reliquis
statuendum esse medicamenti arbitraretur, quæ ad promovendam
affluentem diaphoresim apta sunt, iisdem tamen casibus usquequaque
permanentibus.

§. LIV.

VETERUM INGLUVIES.

HAUD aliter videtur de reliquis internis conatibus decernendum,
qui luculentam dicendi materiem suppeditant, quoties ex jucundis
iisque frequentibus liguritionibus depromantur: Quæ namque af-
fluenter admodum ingeruntur, Aneurysmatum cardiacorum frequen-
tiam non adstruunt, quinimmo inter præcipuas eorumdem causas
videntur jure quidem ac merito computanda. Jam pueros ex inges-
torum abusu ideo nocumenta sæpe sæpius contraxisse adnotavimus,
quia tenellulæ machinæ recenter fabrefacta textuta ingluviei cedit
(§. XXVIII), pariterque rusticos homines maritimis, & palustribus
in locis degentes ideo frequenter ægrotare consuevisse monuimus,
quia nisi affluenti eduliorum quantitate, saltem qualitate prava vescun-
tur (XLVI). Modo autem intento animo perferutandum occurrit,
quidquid in Urbibus ipsis ad palati fascinum investum increbuit,
quodque infensissimum mortalium corporibus potest evadere. Sive
itaque pluries, sive semel in die manducare majores nostri consue-
visent, ea tamen, quæ officere corporibus arbitrantur, eorum

nonnulli rejicere minime gravabantur, etsi haud frugale convivium apponcrent discumbentibus. At ipsemet nidor embammarum, atque copia non evadebat helluonibus injucunda, eo quod dum esurirent afotorum epulas inquirerent. Apud Romanos vero adeo ferina quædam ingluvies invaluit, ut impuberes ipsi penum omnem clanculum congererent, natuque jam grandes populi placitis lenocinari non erubescerent. Postremis sane Romanæ Reipublicæ temporibus eousque symposia legimus devenisse, ut in ipsis procerum ædibus nonnisi lurconum contubernia peragerentur; id quod sub ipsis Imperatoribus perduraverat diutissime, ut non amplius Catonis senioris frugalitas, sed Vespasiani, Apicii, Luculli, aliorumque immodicum intueri valeret gulæ fatis avidæ blandimentum. Etsi itaque assidua veterum quorundam intemperantia exoleverit, non desunt quidem, qui dum propria abliguriunt, vel nunc de morbis ex ingluvie nimia subortis miserrime lamententur. Quod vero vel maxime dolendum est, puerorum respicit alimentum: Haud enim patiens inediæ quilibet prædicabitur, quando non in accubitu dumtaxat aliquo solemniori, sed in ipsis puerorum jentaculis apponantur edulia humanis corporibus infensissima, quorum libido si cum ætate creverit, non ita facile poterit prætermitti. Cuncta proinde sanguinis massa ex insalubribus eodem eduliis coalescente alterationes nonnullas subit, neque amplius mirari possumus, si plurimarum origo ægritudinum e sanguine derivetur, cum ille potiori jure morborum reus dijudicetur, postquam in alienigenam naturam migraverit.

§. LV.

MORBI EX PRAVA CIBORUM QUANTITATE ET QUALITATE MANANTES.

PRAVAM ex esculentis potulentisque quantitate & qualitate peccantibus emergere sanguinis constitutionem, nemo sanæ mentis inficias ibit, quandoquidem quotidiana nos edocet observatio, morbos quam plurimos ex adducto fonte frequentissime dimanare. Cæterum si sanguinis circuius evaserit concitior, & dum vehementer arteriosum genus afficitur, ejusdem acredo præextiterit non tam facile superabilis, præcordiorum Aneurysmata quispiam subsequi posse vaticinabitur. Corporis incremento proportionalis evadere in pueris debet sanguificatio;

ficatio; in aliis vero ejusdem conservandi opportunitati debet exactissime respondere. Hæc si perturbentur, adversa imminet valetudo pro efficacia causarum dignoscenda. Oriuntur ægritudines nullum prima fronte periculum præ se ferentes, quæ satis superque graviores evadunt, & machinam humanam subvertunt. Ex his tamen omnibus illud consequitur, quod nempe validæ requirantur actiones ad hoc, ut peracta exinde pateant Aneurysmata. Hæc tamen vim nonnumquam exerunt validissimam, veluti ex effectibus intensius agentibus comprobatur. Et profecto plurima in Aneurysmate promovendo collimant, quæ adeo valide agunt, ut geminatam quandoque affectionem progignant, arteriosa simul atque venosa vasa protinus infestantem. Varicem quippe in venosis præcordiorum canalibus cum Aneurysmate consociatam observavit in furore Leprosus (a), qui nusquam sane se credidisse falsus est, varicem cavæ minime cognitam cum Aneurysmate in aortæ sedem habente fuisse tunc temporis copulatam. Hujuscemodi propterea casus animum ambigendi præbent observatoribus, adductas nimirum ægritudines ex causis vehementer agentibus proficisci. Harum tamen nonnullæ allatæ sunt, quæ non infrequenter panduntur, sed cum inter cæteras inopinatæ quædam adveniant, quæ vix post cadaverum incisiones manifestantur, ab iis recitandis supersedendum est, cum illæ usque adhuc adductæ fuerint, quæ iteratis innotuerunt observationibus, ac frequentiora fortassis reddidere nostræ ævo præcordiorum Aneurysmata.

§. LVI.

GYMNASTICÆ ABUSUS.

NON me fugit, immodicas quoque prisorum exercitationes eousque devenisse, ut vel in iis, quæ ad valetudinem conservandam inventa fuerant, luxur certatim agnosceretur. Tameñ igitur hujuscemodi pene obsoleverit usus, satis superque quispiam adinvenitur, qui sive currendo, sive canendo, sive tolutariam peragendo equitationem, vel quomodocumque motus corporis instituendo exercitationis limites prætergreditur. Quidquid vero ad immodicas corporis exercitationes referri debet, inter externas advenientes causas

(a) *De subitan. mort. l. II, Obs. 5. Romæ 1745.*

accensendum est, ex quibus Aneurysmatica vitia proficiuntur: Dum namque aliqua peragitur violenta quantumvis exercitatio illæ adhibendæ cautiones forent, quas apud veteres Græcos atque Romanos in usu quondam fuisse compertum est, qui cum Agonyfticis navarent operam exercitationibus, constitutis quibusdam legibus obtemperabant, dum præcipue de certaminibus publice peragendis ageretur, quæ ad hoc ut rite disposita forent, a Gymnasiarchis consueverant moderatiora constitui (a). At vero in his quoque delinquere homines incoeperunt: Exercitationes quippe instituere agreffi sunt, quæ modum excefferant, atque habitui corporis ipsiusque viribus minime respondebant. Quod vero maxime ad rem nostram facere videtur, in eo situm est, ut nimirum ab iis producantur cumprimis incommoda exercitationibus ad veram gymnasticam referendis, quæ etiamnum videntur, sed peraguntur inopportune, quin ea spectentur, quæ exinde emergere detrimenta consueverunt. Quod si insperatos quis excipiat ramices, thoraci majus obveniet damnum, quod præcordia ipsa adoritur quam sæpissime, seu in cursoribus, bajulis, tibicinibus, fittularum modulatoribus, cæterisque hujuscemodi addictis muneribus deprehenditur. Verumtamen cuncta hæc pro datis occasionebus Aneurysmaticas progignere valent præcordiorum ægritudines, easque progenitas palam facere, ideoque inter frequentiores Aneurysmaticum causas reponi nonnunquam posse videntur, veluti in iis animadvertitur, qui ex longe perspicuis hujusce generis causis, ex morbis circa præcordia sedem habentibus, infirmantur.

S. LVII.

HYSTERICÆ FŒMINARUM AFFECTIONES.

AT propriis etiam fœminæ præcordiorum affectibus corripiuntur ex peculiaribus causis, quæ in illarum sexu panduntur, illico deducendis: Sæpe enim Hyterica passione laborant, atque harum aliquas ego ipse novi infolito percitis insultu, vixque plurium hominum viribus obtemperantes. Ad convulsivorum moruum classem referendum esse talem affectum, quispiam bene cordatus homo non inficiabitur, cum id ex ipsis effectibus deducatur. Quatitur itaque uni-

(b) Vid. Mercurial, De Art. Gymnast. Amstelodami 1672.

versum corpus, cordisque advenit tremor & palpitatio, ex qua arteriosa vasa cordi proximiora immanem aliquando pulsationem adipiscuntur. Puellam me quondam vidisse memini, magno admodum animo validoque condecoratam corporis habitu, quindecim circiter annis natam, passione Hysterica laborantem. Hæc spasmodico sensim crescente paroxysmo tali corripiebatur cordis palpitatio, ut vel ab iis, qui ad eam invensendam convenerant, etsi a lecto non parum remotis, exaudiretur. Anterior thoracis pars elevari quodammodo videbatur, ac si peracta in costis pressione sternum assurgeret (a): Talia vero phænomena in posteriori remissius agebant; cordis tamen ictus maximopere adaukti apparebant (b). Id tamen admirationem quamdam extorquere vel maxime videbatur, quod nimirum externæ carotides arteriæ, atque jugulares venæ suam adeo diametrum extenderint, ut modo triplo, modo quadruplo majorem habuerint. Mammæ insuper, quæ nuper fororiari cœperant, multum creverant mole sua, & livescitibus fœdari maculis, sensimque tumescere quodammodo videbantur. Omnis denique corporis ambitus ruborem internumque, ut illa asseverabat, calorem contraxerat, qui declinante gradatimque evanescente paroxysmo deperdebatur. Cuncta interim hæc festivis, in quos fortunæ blandientis ope advocata fuerat, adventantibus hymenæis, protinus evanescere molimina eludendo selectiora quæque nequicquam profutura medicamenta. Verum tamen cum debili fibra mulieres coalescere Medici pene omnes agnovissent, alienum a veritate nullo pacto videbitur affirmare, eas plurimum homines præcordiorum Aneurysmate laborare, quod haud raro in partu ipso propter illos, quos peragere conantur fœminæ

(a) Ipso etiam existente Aneurysmate validissimæ adveniunt pulsationes, veluti se vidisse anno 1606 testatur Hildanus, cui Aneurysma perscrutari contigit, quod totam sinistrorsum thoracis partem ad sternum & collum uique occupaverat, pulsationem habens adeo vehementem, ut elevari vestimenta conspicerentur. Vid. *Obs. Chirurg. Cent. III. obs. 43, pag. 225. Francofurti ad Men. 1682.* Monendum interea, non raro ex ipsa diuturna cordis palpitatioe Aneurysma fieri ita, ut quod Aneurysmatis quandoque symptoma est causa, exinde fiat. Adducta insuper palpitatio, quæ ab ipso quoque pericardii hydrope excitari potest, monente Tulpio *Observ. Med. II, cap. 26. Lugdun. Batav. 1716.* cum præternaturali, eaque excedenti cordis amplitudine copulari potest, veluti animadvertit Heurnius *Observ. rar. Hist. 28. Lugdun. Batav. 1609.* ex qua pericardium distendi admodum solet, licet ex ipso affluent latice distendi facile possit, sicuti observaverat Carolus Piso *De morb. ex colluv. serof. oriund. sect. III, cap. 11. Missipontii 1618.*

(b) Id ipsum an. 1717 in fœmina 22 ann. observaverat Gberlius *Observ. di Medicin. Gec. Cent. II. P. 1, Observ. 36, pag. 196. Veneziæ 1753.*

conatus contrahitur. Quinimmo & ipsa adstipulatur rationibus experientia rerum omnium magistra, ex qua evincimur, rarius hujusmodi morbos in viris, frequentius tamen in foeminis deprehendi. Et sane Epilepticis seclulis insulibus raro quidem advenientibus non infrequens agnoscitur in mulieribus Hysterismus ad concussionem immanem in earumdem corpore inducendam accommodatus, ex quo præcordiorum Aneurysmata persæpe usuvenire posse multis demonstrari posset rationibus cuique conspicuis. Præterquam quod si ab ineunte ætate talis affectus exordia sumpserit, veluti fieri posse demonstratum fuit (§. XXVIII), facile omnes intelligunt, ex Hystericis concussionibus morbum in lucem prodire, qui multis mensibus delituerat. Nisi itaque optimum robustumque corporis habitum foeminae sint affecuta, enumeratis facile succumbent ægritudinibus.

§. LVIII.

PUELLARUM ÆGRITUDINES NONNULLÆ.

NEQVE aliter in Pica morbo foeminis, præsertim puellis, familiarissimo decernendum occurrit: Ipsæ enim ex ingestorum abusu ita disponuntur, ut nil esse autument creta, carbonibus similibusque cupediis delicatius. Quum autem plane constet, utique Hystericam ex hujusmodi affectu passionem emergere consuevisse, ex qua concussionem oriuntur innumeræ, hinc & Aneurysmata patefieri posse suspicandum. Quamobrem illud cumprimis observatu dignum videtur, quod nimirum in assignanda frequentiorum quorundam effectuum causa error aliquis semper in transigenda vita perpetratus deprehenditur. Quoniam vero pleræque mulierum, quæ procreandæ soboli vacare decreverunt, prolificam persæpe auram in uterum excipiunt, hinc & in ipsis rarefcit sanguis, atque velocius per canales adigitur, qui, nisi valida ipsæ stipentur textura, haud difficulter impellens sanguinis viribus cedent, usque dum laxitas quædam in internis superveniat arteriarum parietibus, ex qua fatiscere compellantur. Neque absolute decernendum, mensium fluxum sequiori sexui cæteroquin saluberrimum, si modum excefferit, detrimentum asferre posse, etsi inchoatis depellendis grumescens materiis possit aliquando idoneus esse (§. XII): Liqueat enim, ex imminuta nimium sanguinis quantitate ejusdem immutari per arteriosa vasa celeritatem

(§. LXXI), pariterque Hystericas affectiones cum mensium suppressione confociari, ex qua si morbus aliquis in præcordiis incœperit, patefiat : Obstructio enim quæcumque valida sat est ad vitium incœptum, & latitans plane lucem collocandum. Porro quoddam mihi contigit in fœminis observare phœnomenon, quod nempe quibus in præcordiis Aneurysma permagnum extiterit, in iis ut plurimum menstruæ suppressæ purgationes deprehendantur. Quum vero usuvenire minime posse videatur, ut constituto Aneurysmate mensium enascatur suppressio, ne dum promoveri possit, veluti ex valida circa tumorem Aneurysmaticum exorta pulsatione deducitur, cum hæc concitatum cruoris motum supponat, hinc potius ex totali suppressione suspicabitur aliquis, allatum vitium exoriri consuevisse. At ea, quæ de præternaturali pulsatione dicenda sunt, circa tumorem conspicua fieri compertum est, quin concitatio arteriæ alicujus motus usque ad inferiora vasa protendatur. Mensium itaque suppressio ideo suborta quandoque prænosçitur, sive quia major cruoris affluxus in satis amplo tumore perficitur, sive quia ejusdem plethora, ex qua hujuscemodi fluxus ad erumpendum disponi solet, ex ipso Aneurysmatico tumore aliquatenus remoratur. Neque dubitandi locus est, ex eadem suppressione Aneurysma ipsum efformari posse, si diuturna admodum sit : Sanguis etenim retropulsus internum majori vi arteriarum ambitum comprimet, adeo ut excedenti quantitate sua aliquam promoveat sensim dilatationem. His ulterius additur, quod sanguis ipse e corde propulsus idem ex superaddita inferiori resistentia efficere potest, quin aliæ accenseantur causæ validiores (a). Ut igitur decerni possit, num ex Aneurysmate producatur allata suppressio, sive ex hujuscemodi suppressione ipsum gignatur Aneurysma, videndum superest, utrum post diuturnam suppressionem detectum fuerit, tuncque ex ea profuissse credendum est; sin vero contrarium contigerit, aliter cogitandum esse decernitur.

(a) Inter has menstruæ purgationis constitutiones recenseri posse videtur, quæ nunquam erosivam contrahere naturam potest, ut monuit Stenizelius *Comm. ad Lindehoff.* De ven. pag. 144. *Francofurti & Lipsiæ 1739.*

MENSTRUÆ PURGATIONIS SUPPRESSIO.

SANGUINIS insuper quantitas major extat in foeminis, quam in viris, nec non relativa plethora vel dum menstrua supprimuntur adesse debet. Nil ergo mirum, si intercipiatur cruoris eruptio, cum insignis obstructio canalium adest, si præcipue sanguinis lentor cum crassitie copulatus advenerit: Tunc etenim superabit evacuationem additio. Præpedito itaque ad inferiora affluxu, auctaque sensim illius quantitate, uniformi pressione, nec non æquabiliter arteriarum parietes minime comprimentur. Quod si æqualis ubique non sit resistentia, sed in aliqua vasorum parte imminui facilius possit, sanguis ibidem vasis extender diametrum, idemque vas ad Aneurysmaticum suscipiendum vitium determinabitur. Id tamen innuisse visus est Freindius (a), dum affirmavit, quod nempe ex hujuscemodi suppressione oboriatur arteriarum pulsatio, ex qua venarum varices, ad præcordia anxietas, atque aliquid aliud longe molestum vasis cardiacis evasurum. Hæc autem magis in aorta ascendente observantur, cum descendentes truncus amplior in foeminis, quam in viris fuerit constitutus (b). Infertur igitur, pulsationem motumque sanguinis subitum magis in foeminis esse debere, adeoque morbum facillime recrudescere: Nam ex ampliori vasis diametro eruitur, majori sanguinem impetu adigi versus inferiora, qui tamen impetus ad promovenda catamenia ineptus evadit, si uteri & vaginæ vasa firmiter conglutinata textura coaluerint. Parcius fluunt in puellis pubescentibus menses, ac foeminas annis graves nihil admodum torquent. Solertissime tamen observatum est, quod in puellis menstrua nondum passis sæpe ante fluxum mammae intumescunt, pariterque in nonnullis foeminis instante memorato fluxu venter mole grandior evadit, ut pene Tympaniticæ videantur. Ex his deducitur, plethoram, ex qua eruptio pendet, insigniter adauctam esse, atque impedimenta primo impetu reperiri non tam facile superanda, ex quibus aliquando cardiacos exoriri affectus posse concludimus.

(a) *Emmenolog. cap. 10. Oxonii 1705.*

(b) Hæc tamen amplitudo a pressione ventriculi, aliarumque partium oriri, & a superaddita pulsatione augeri facillime potest. Vid. *Woodward Idea of the nature of man. London 1725.* Latine vertit, & Tiguri edidit librum hunc Jo. Jacob. Scheuchzerus.

§. LX.

ARTIFICUM QUORUMDAM ANEURYSMATA.

NEQUE tam viris, quam sceminis præcordiorum Aneurysmate laborantibus extraordinarium corporis situm diutius persistentem officere denegaverim, quin potius eorum nonnullis ex ea, quam profitentur, arte allatum morbum facile supervenire crediderim, si inordinatæ corporis mutationes fuerint admodum diuturnæ. Videmus itaque artifices quosdam, qui dorsum incurvare necessaria ac perniciofa obstricti lege varios contrahunt morbos, quos graviôres sensim evadere posse ex assidua exercitatione deducitur. Neque mehercule ex eorumdem numero literatos homines delendos censeo, qui sive legendo, sive scribendo pectus inclinant, quandoquidem horum plerique longa annorum serie gravissimos sibi morbos accersunt, dum communi litterariæ reipublicæ invigilant incremento. Qualescumque igitur huiusmodi perfungi debere muneribus perspectum est, ad quæ rite obeunda assidua requiritur corporis incurvatio, Aneurysmate quoque affici quandoque credendum est, veluti experientia ipsa rerum magistra observatoribus demonstravit. Dum interim curvato dorso inclinatur pectus, omnia propemodum abdominis viscera fortiter comprimuntur, ex eaque compressione fieri nequit, quin & arteriosa vasa, quæ in viscera ipsa sanguinem ferunt, aliquatenus comprimantur. Propriam ergo diametrum angustiores habebunt adducta persistente compressione, ex qua diametri imminutione major illic consequetur sanguinis impulsus, ubi viscerum compressio peragitur. Sanguis proinde, qui per aortam ad reliquas deferitur arterias, eandem haudquaquam asservabit vim, quam tum peragebat, cum reliqua vasa quolibet vacabant impedimento, atamen eadem fient a corde expansiones, & ex aorta sanguis impetu magno trudetur in eas partes, ubi pressio suborta est. Magnam arteriarum tunicæ subeant vim oportet, usque dum corpore in pristinum statum restituto remora sanguinis motui interposita protinus abjiciatur. Arteriarum tunicæ cæteroquin firmiter fabricatæ sensim extendi posse texturam internam, concluditur, atque ex assidua distensione, multum ampliari, usque dum Aneurysmaticus tumor exurgat, quem eo propinquiorem cordi futurum conjicitur, quo major incurvatio corporis

exiterit. Haud aliter de corde ipso statui posse videtur, quod si ex retropulsa quadam sanguinis quantitate persæpe efficiatur, facile quidem censendum est, majori ipsum mole stipatum latiores exinde ventriculos habiturum.

§. LXI.

VALIDARUM TUSSIUM NOXA.

PRÆTEREA illud idem in adultis quoque decernendum videtur, quod de pueris ipsis jam adnotatum est, qui ex diuturna, eaque valida tussi sæpe sæpius infirmantur, & ad suscipiendum Aneurysma satis facile disponuntur (§. xxxvi); nam & ipsis in adultis talem effectum mihi crebro contigit observare. Vir quinquagenario major jam ex multis mensibus vehementi tussi corripiebatur, ex qua propter concussiones longe diuturnas herniosus evaserat. Hic Januario mense anni 1756 in Florentinum Nosocomium venire decrevit, cum præter cætera ipsi familiaria symptomata dolorem circa medium sternum, & valde molestum anhelitum cum intermittente pulsu conjunctum experiretur. Pulsatio permagna in præcordiis advenerat, cui molestus admodum subneſtebatur decubitus, cunctaque progressu temporis signa detecta sunt, ex quibus cardiacum vitium solet emergere; vehementia tamen symptomatum jam ex duobus mensibus tum detecta fuit ab ægrotante, cum ex molestissima tussi quamdam veluti discissionem in præcordiis perfensisset; id quod plane videtur ostendere, adultos quosque homines, etsi validiori donatos fibrarum firmitate, facile ex obstinata tussi præcordiorum ægritudinibus obnoxios fieri. Id ipsum in quadragenaria muliere eodem mense observavi, quæ integro ferme anno tussim passa fuerat vehementem. Quamcumque igitur immanem concussionem ad Aneurysma circa præcordia promovendum accommodatam esse posse innotescit.

§. LXII.

ANEURYSMATA CUIUSCUMQUE ARTERIÆ.

QUÆ tamen usque adhuc producta sunt, vera respiciunt præcordiorum Aneurysmata, quæ sensim vel in ipsa pueritia fiunt, gradatimque augentur, donec pro data qualibet occasione pateſcant. Illud
tamen

tamen unum vel maxime supereſt adnotandum, quod nimirum ea pene omnia, quæ de Aneurysmaticis præcordiorum ægri tudinibus effati fuimus, aliis quoque arterioſis univerſi corporis vaſis aptari poſſunt, prout varii conſiderandi ſemper occurrunt effectus ex majori minorive cordis vi ultro prodeuntes. At vero ſpuria quædam quandoque obſervantur Aneurysmata, quæ ignoratur ſane, utrum a vero, & paulatim adaucto proficiſcantur, vel utrum repente contingant. Ego equidem arbitrarer, perarduum ſane non eſſe provinciam decernere, quamnam ſit hujus affectionis origo, ut proinde priorem ab altera quivis diſtinguat, ſi ea, quæ in toto vitæ curriculo quiſquis ægroiantium peregerit, prænoſci valerent: Fieri namque poſſe non videtur, ut qui hujuscemodi affectionibus inſeſtantur, ne minimum quidem in aliqua ex adductis ſupra rebus deliquerint. Quum autem ex aſſidua, eaque repetita obſervatione nulla naſcatur de talibus effectibus diſputatio, pariterque haud alienum a veritate ſit, repente fieri, atque ex improviſo manifeſtari, hinc maxima in tempore, loco, & varietatibus assignandis exoritur difficultas, cum de illo præſertim ſermo fuerit inſtitutus Aneurysmate, quod circa præcordia genitum internoscitur. Id tamen admiratione atque animadverſione ſimul dignum videtur, ſpuria nimirum Aneurysmata frequentiora eſſe, quam plerique Medicorum cenſeant, ceu iteratæ oſtendunt cadaverum inciſiones. Quam multos proſecto ex forti Apoplexia protinus ereptos aſſidue conquerimur, eosque vere Apoplecticos occubuiffe dictitamus: Attamen diſſecto nonnunquam cadavere nullum in nervis & cerebro, aliisque partibus vitium deprehenſum fuit, ſed arteriæ alicujus diſciſſio, omniumque tunicarum ejusdem eroſio reperta eſt. Hydrope olim laboraſſe repente progenito autumaverat Medicus quidam ægrotantem, qui chronico antea morbo correptus fuerat, ex quo Hydrops ſuperadditus credebatur. Diuretica itaque propinanda eſſe putabat medicamenta, cum ex his, uti audaçter nimis ſpoſponderat, valetudinem exinde exſpectandam eſſe plane conſideret. Hæc tamen cum in irritum cecidiſſent, improviſus tandem interitus cunctorum vicit exſpectationem. Ex Hydrope tamen e vivis exceſſiſſe, communis fuerat omnium conſenſus, cum paulo ante obitum magnopere abdomen intumuerit ægrotantis, talibusque ſtipari videretur morbus indiciiſ, ut verum Aſcitem æmulari propemodum appareret. Inſtituta proinde cadaveris ſeſſione, non ſerum, non

.U u

aqua, sed cruentus prodiit gurgēs ex aortæ trunco circa emulgentes discisso proveniens. Adhuc opusculum hoc prima vice sub prælo sudabat, & nondum dimidium mensis Aprilis anni 1756 incœperat, quo Vir quidam ex Aneurysmate vita functus opportunam peragendarum observationum occasionem præbuit Anatomicis. Itaque supra cætera, quæ mihi aliisque contigit animadvertere, ventriculus insigni mole redditus inventus est, totusque refertus sanguine, qui ex Aneurysmate in aorta constituto profluxerat. Aneurysmaticus interea tumor, qui œsophagi parietibus adhærebat, paulatim discissus talem sibi transitum aperuerat, ut permagna sanguinis quantitas in ventriculum ipsum delapsa fuerit, & non exigua Viris clarissimis, qui adfuerant incisioni, admirationem pepererit. Verum enimvero & ipsæ aliunde visæ sunt totales anastomoses Medicorum admirationem non mediocriter excitantes. Triste profecto inopinatæ anastomoseos in subclavia dextera eventum, ex quo mors subsecuta illico fuit, in milite detexit Malvetius (a), casusque per similes alio legimus memoratos ex hujuscemodi manantes affectibus, modo hoc, modo illud arteriosum vas afficientibus (b). Sed quid præstat ab aliis historias mutuari, cum ego ipse casum per similem, & majoris fortasse momenti contigisse reminiscar?

S. LXIII.

PECULIARIS OBSERVATIONIS DESCRIPTIO.

DUM Pisis degerem anno 1751 naturalium primordia rerum in illa Scientiarum aula celeberrima percepturus longe funestum observare mihi contigit infortunium : Vir enim circiter quinquagenarius, farcinator, Hypochondriacis affectionibus obnoxius, violentis exercitationibus vacans, pilæ præsertim ludis assuetus, cupediis ac vino meraciori, ejusque spiritui nimium indulgens, temperamenti sanguineobiliosi, florido nimium perfusus colore, iracundia concitati solitus, dum ingruente veris tempestate die quadam edulia optima & delicatiora ingurgitasset, ac generosa vina bibisset, dormitum abiit.

(a) Vid. *Histoire de l'Acad. Royale des Sciences* an. 1721.

(b) Dexteram thoracis cavitatem repleam sanguine, qui ex aortæ Aneurysmate repente discisso profluxerat, in incisione cadaveris deprehendit Bonetus. *Sepulchr.* Tom. I, l. 2, sect. 2, pag. 584. *Genevæ* 1700.

Non multo post a somno expergefactus denuo biberat, unaque cum focis ad relaxandum animum in publicum sese locum contulerat, ubi scrupis ludendo dies contereere consueverat. Mirabantur admodum circumstantes, illius faciem & oculos ruborem plus æquo contraxisse, cum accensos carbonēs æmulari propemodum videretur. At de prægressa vini sumptione commonefacti obstupescere illico desierunt. Porro nonnisi scommata & vaniloquia ex ejusdem ore prodibant, & modo ululatus, modo gemitus emittebat, modo verò repente clamitans meticulosus trepidabat, hærebatque adeo tremebundus, ac si circumstrepentium instrumentorum sonitum persensisset, cunctaque contractæ temulentiæ symptomata sensim adaucta præ se ferebat. Dum interim exoptulare videtur occasio, ut ex assidua ludorum jactura contra sortem sibi nimium adversam protervus inveheret, jurgiis adversus amicos prolatis ad maniacas rixas gradum fecisset, nisi circumstantium accessisset impedimentum. Qui vero ad hæc auscultanda arrectis auribus adstabant, cum jam advesperasceret, & ludentis, simulque perdentis animum introspicerent, suaserunt ei, ne iram in illos evomeret, ut domum se reciperet, id unum rati, quod nimirum ex sanguinis missione post aliquod quietis intervallum instituta mitiora evasura forent symptomata. Ast ex adverso res cessit: Cruento namque gurgite ex ore fluente oppressus repente fuit, & in mortis censum deductus. Palluit illico facies, atque universum corpus, quod vere athleticum putabatur, in terram luridamque cadaveris formam, ac si longe diuturna laborasset Cachexia, vel insanabili Marasmo correptum esset, fuit post interitum commutatum. Insolita, qui illuc advenerant perculsi formidine, Medico, qui accitus perrexerat, suaserunt, ut ex anatomica cadaveris incisione rupturæ locum internosceret. Lustratis itaque illius corporis cavitatibus cunctisque exploratis visceribus, pulmonalis arteriæ totalis discissio fuit deprehensa, ex qua duodecim protrusæ sanguinis libræ statim post discissionem eruperant, & plures forsitan erupissent, nisi post ejus obitum obturaculum faucibus apposuissem. En igitur funestæ tragediæ adumbrata narratiuncula legentium fortassis animum non levi terrore percensens.

§. LXIV.

ALLATÆ OBSERVATIONIS CONSECTARIA.

ARTERIARUM involucra firmitate quadam gaudere compertum est (§. VI), pariterque unicuique innotescit, citra plethoram erosivum quoddam principium in sanguine delitescere (§. LI. LXXIII). Quapropter utraque in adducto casu ad anastomosim producendam conspirasse visa sunt: Insignis namque plethora in huiusmodi viro semper extiterat, atque ex pravo sui ipsius regimine, sanguinem ad erosivum suscipiendum principium fuisse paulatim dispositum, conjiciendi suspicio adest, quandoquidem generosa assaüm vina quotidie sumpsisse exploratum est, ingesta prætereundo, quæ non parum obesse possunt (§. XXVIII. LIV). Analysis Chymica ostendit, quidpiam tartareum, salinum, oleosum, atque sulphureum in vino plus minusve contineri, prout in diverso climate fermentescit, & varia methodo conficitur. Hæc tamen in fervido musto mire affluunt, cum in illo spiritus acer, acredine nares feriens, subacidulus, & multum elasticus fuerit deprehensus. Enimvero huiuscemodi partes cum fermentationis ope dissociari nequeant universæ, semper aliquid acre supererit, ejusdemque insuper vini spiritus ex oleo quodam coalescit, quod ab acido, & volatili sale in ipsa exaltatur fermentatione. Talibus ergo positis partibus, quæ ex assidua vini, ejusdemque spiritus assumptione magis magisque augentur, & ad vehementius agendum disponuntur, apparet, internas arteriarum tunicas ex plethora distentas, ac veluti diductas ita ab acribus particulis affici posse, ut eadem tunicæ a nativa constitutione degeneres usquequaque dissiliant. Vinosæ substantiæ vis, quæ intus vasa corporis adonitur, absque evidenti fervore fieri solet, & si quid immutatum agnoscitur, iis orbatu indicii, quæ sensibus evadunt conspicua. Ipsa tamen inchoata ejusdem actione, omnes, quæ extant in corpore quaquaversum diffusæ fibræ laxari incipiunt, eoque magis, quo major vini quantitas assumpta est, pariterque vasa singula tument, ut sibi non amplius concinne respondere prohibeantur, dum alternæ contractiones distractionesque debita virium proportionem destituuntur. Interea fieri nequam potest, quin ipsa quoque fluida adeo jactentur, ut concitaniori impetu vasorum parietes violenter percutiant: Iisdem enim activas, quibus circumfusa sunt, partes ex universa fluidorum massa exturbare denegatur.

§. LXV.

AUCTA ARTERIARUM ET SANGUINIS VIS.

QUONIAM vero qualicumque seclusa humanæ machinæ textura ab incunabilis debili, & languida proveniente, arteriarum earumdem firmitatem, illarum præcipue, quæ circa præcordia versantur, in allato casu debilem arguitur evasisse, illud unum videbatur superesse, ut nempe aliquid admodum vehemens oboriretur, ex quo repentina discissio contingeret. Id autem advenisse ambigi nequit, si ea, quæ inconsulto adductus homo peregerat, expendantur : Respirationem namque, cordis vires, omnesque corporis actiones adauctas fuisse, nemo inficiabitur, cum ex aspectu dumtaxat ad iram composito, & ob vini qualitatem & quantitatem exæstuante, ac supra modum immutato deduceretur. Si ergo sanguis qualitate & quantitate delinquendo in partem minoris resistentiæ validos & præternaturales ictus impegit, continui quædam solutio sanguinis respondens viribus subsequetur. At vero cum validissimæ in eo, de quo meminimus, viro extiterint vires, majoris momenti effectus expectandus erat (§. XLVII), veluti demonstravit arteriæ pulmonalis anastomosis ex eadem protinus dehiscente superveniens. Ergo validis opus est cautis, ut magni momenti pandatur effectus, ad quem producendum non modo adaucta requiritur actio, sed aliqua insuper dispositio, quæ diu multumque perseverans tandem aliquando pro data qualibet occasione in apertam lucem prodierit. Ea interim, quæ hucusque effari placuit, ad peculiare quasdam, atque præcipuas affectuum Aneurysmaticæ indolis causas pertinent. Quum autem perspectum sit, cuncta hæc in eo sita esse, ut nempe tum huiusmodi affectiones insurgant, cum aliqua in humano corpore suboritur vis valide nimium agens, hinc innumera pene ad id efficiendum conspirare valent, quæ cuivis innotescunt, quin de his sermo speciatim instituat, & quæ luculentam satis dicendi materiem præbent, si cum iis, quæ innuere volumus, conferantur.

His cursum raptimque delibatis, monendum superest, per multas variis in operibus Medicinæ procerum historias reperiri, plurimasque una simul collectas perlegi observationes in Actis præcipue Medico-Physicis (a), ubi præstantissimæ extant cardiacarum ægritudinum descriptiones tum ad immanem, eamque præternaturalem cordis amplitudinem, tum ad Aneurysmata in præcordiis progenita spectantes. Cor itaque ibi videbimus non modo magnum, planum, minimeque globosum, valde pingue, ponderosum, efangue, calculisque repletum fuisse observatum, sed inversum, distortum, unum habens ventricululum, duris tuberculis oblitum, atque hydatidibus repletissimum repertum fuisse, ita ut ejus magnitudo, quæ talis esse ferme solet, ut peripheria 14 longitudo sit 6 & latitudo in base 4 pollices non excedat, non solum iusto minor, sed multo major reperta sit, uti in abortu humano deprehensum aliquando fuit, nec non in adultis hominibus, atque in canibus, quorum cor vitulinum longe superans visum est. Talia vero cum Aneurysmate haud raro copulantur, veluti de Aneurysmate pulmonalis arteriæ dicendum foret cum auricula cordis dextera monstrosa conjuncto, nec non de illo, quod in aorta ascendente (b), & in externa carotide post auris helicem

(a) Hujus generis observata patent simul congesta ex synopsis Kellneriana *Observ. Med. & Phys. Academ. Cæsar. Leopold. Carol. Nat. Cur. Norimbergæ 1739.*

(b) Non raro solet usuvenire, ut constituto in aorta quovis impedimento innascatur etiam Aneurysma, veluti præexistente polypo deprehenditur. Atque id in cadavere Caroli Patini observavit Alexander Knips Macoppe, qui polypum in aorta locatum esse relatu-
stantibus aliis, qui se ad ægrum invifendum contulerant, pronuncia-
verat. Quamobrem non
abs re factum censuo, si quædam ex ejusdem transmissa ad ægrotantem epistola nunc
asserantur morbi argumenta, ex quibus illius sedem, naturamque deduxerat, ceu instituta
postmodum sectio cadaveris præmonstravit. Sic itaque in ejus epistola legitur, quæ Brixii
anno 1731 denuo lucem aspexit §. III, pag. 3. *Quæ ergo, ait ille, ex morbosa illade excerpti
hæc sunt: Te scilicet ex valida & activa constitutione sexagenarium factum, sollicitudinum varie-
tate, ac literariis laboribus acrium, vitæque sedentaria emollium, duobus abhinc annis in faciei
pallorem, cachecticum habitum, & aliqualem extremorum emaciationem inclinare, cum pulsu
inaequali & perturbato, ac Dyspnœa, præcipue dum per plana inclinata digrediebaris, Prynismo
aliquando copioso, albo, viscidulo, nulla vel tenui tussi, nullo dolore, aut pondere in præcordiis,
vel in dilatazione, aut constrictione thoracis sensibili, nulloque sonitu, aut stertore in respiratione,
sed cordis anxietate, tremore, vel levi palpitatione per vices exacerbatis: quibus affectionibus
phlebotomia, cathartica, bechicis, ac sudorificis mederi consilium cum fueris, in hypocausto exci-
tato sudore, omnia symptomata exasperata fuisse, ita ut Orthopnoicus summa vitæ discrimine*

reperit legitur, modo ex violenta in pilæ lusu commotione, modo ex interno vulnere, modo demum ex vehementi tussi dependens. His quidem perspectis, ad alia non inutilia progredimur.

fallus fueris, a quo repetita venæsectione emerfus, etsi per viginti circiter dies symptomata omnia parum relaxari visa sint, denuo tamen sensibilem cordis palpitacionem, respiracionem concitavam, anhelosam, ac cum efflatus, uti sibilantibus, ac præfocatis contingit, inordinatam, etsi noctu præsertim, vel quacumque levi corporis inclinatione, & membrorum agitatione recurrentes, cum pulsû continuo inæquali, deficiente ac recurrente exacerbatas fuisse, quibus etiam recrudescentiis repetitam phlebotomiam, quæ sanguinem dense texturæ, cum crassamento glutinoso ad inflat membrana superextenso exhibuerat, uti in inflammatoriis affectibus apparet, opem tulisse feritur. Quum autem publico spectaculo exponendum occurreret insigne cadaver, quod vivendo litterariis orbis adoroaverat, virumque decebat, qui admodum publicæ utilitati indulgerat, permulta sese obtulerunt examinanda, quæ ex eadem epistola deprimuntur. Primo itaque (sic laudatus loquitur Auctor §. LVI, pag. 71) diducto sterno, nulla aquarum eluvies in thoracis cavitatē visa est; solummodo dexter pulmonum lobus a sterno ad veriebras, usque valida membranula pleuræ adnatus erat. Hinc producta sectione, perlustratis infimi ventris visceribus, nulla labe, præter jecur tetro quadam rubore suffusum, cystim fellæ collapsam, bile semipletam, lienque potius extenuatum emicuit. Spiritalibus ergo visceribus exemptis, pertractato pulmone, in nullam tensionem, duritiem, vel consistentia inæqualitatem impigimus, & diversimode diffecto ab interna substantia, nil præter condensatum cruorem effluheb, & diversimode pulmo existente, nulla phlegmatis massa intra bronchiales fistulas intercepta. Verum ad cor accedentes arteriam magnam ita dilatam offendimus, ut aliud cor in pericardio conclusum amularetur; cum etiam tunica diffusa corpus cordi simile erueretur. Hujus tamen textura diligentius examinata, polyposam esse concrecionem comperimus. Excedebat namque asserini ovi grandioris magnitudinem, trium quatuorve unciarum pondus exæquans, figura cordi cinaræ fructus haud dissimilis, tendinosus principis, breviusque productionibus, aorta radicibus supra semilunares valvulas innixa basi; deinde latiori ventre soluto in ferratum vel laciniatum apicem desinens, ad divaricationem usque arteria porrigebatur; haud tamen aortæ parietibus quasi cartilagineis ita coaptata erat, quin relicta rimulis quadam liquidi quantitas non interfluere. Substantiam etiam ferens rubedinem, spongiosa, seu fungosa potius percipiebatur, quæ in viginti amplius cortices, sive laminas membranosas distincta glomum involutarum membranarum referebat. Exterior cortex durior & tuberosus erat ex fibrarum fasciculis profiliens, & in nodos quosdam collectis. Interiores vero fere undique similes tortuosum, seu anfractuosum ductum aortæ dilatatæ diametro subtripulum, mollibus colum-nulis sanguine turgidis & sinuosis flexibus interpositis, uti cordis interiores parietes, variegatum, levique mucio oblitum, & grumis sanguinis infarctum exhibebant, qui intra aortæ cavitatem alteram arteriam efformabant. Densior textura, & quasi cartilaginea ad basim erat sensim graciliscens, quousque ad apicem striabilis ferme evaderet. Unum tantum fibrarum genus microscopia etiam deteximus a basi ad apicem oblique & spiritaliter quasi excurrentes, inordinato tamen & interrupto ductu a tendinoso quibusdam vinculis seu filamentis, quæ fibras in membranas extensas ita colligabant, ut brassicæ capitata folia representaret, intermixtis pluribus poroficiatibus, seu alveolis ichore sanguineo repletis. Hinc apertis cordis finibus dexter inanis erat, sinister grumis sanguinis infarciebatur, polyposis rudimentis intra columnas tendinosas radicibus insertis, a quibus haud sine laceratione divellebantur. Sinistra auricula ita coagulato sanguine replebatur, ut serositas ipsa immixta secederet. Pericardium nec flatu, nec aqua distantum erat, imo exhaustum conspeximus.



P A R S T E R T I A.

§. LXVII.

CURATIONIS INSTITUTIO.

PARUM, aut nihil profecto ægotantibus videret opitulari, si præcipuis adductis frequentissimi morbi causis, ejusdemque pravis effectibus, seorsum circa curationem, quomodocumque conveniat, pauca quædam haud inutilia ego ipse tacitus præterirem. Quum autem nequicquam a curativa medendi methodo quempiam impetrari posse ingenue fatear, majorem tamen vitæ longævitatē a conservativa fore exspectandam reor, etsi ex utraque ea petenda esse credendum sit, quæ non modo adductum morbum lenire valent, vel ea eruenda, quæ diuturniorem præexistente adhuc morbo lucis usuram & valetudinem reducem pollicentur. Errata quædam haud magni momenti evitari facile posse exploratum est, quandoquidem sedulitas adhiberi velit, cum illa quoque nonnisi difficulter prænoscentia attentionem quamdam promereantur, cujus auxilio præcaveatur ægritudo, ex qua vix evadendi locus fortasse superest cum procax incœperit. Quamobrem licet absoluta & tuta simul nequeat institui curatio, duo tamen maximopere proficua tentanda sunt, atque a prudenti Medico ægotis insinuanda, quæ in hoc sita esse videntur, ut determinatæ nimirum præcautiones, quæ exitialem morbum impedire valent, nisi aliquod interponatur impedimentum, usurpentur, eaque neutiquam contemnantur, quæ vigente jam morbo longius vitæ spatium deducitur esse tribuendum. Quum vero dupliciter præcordiorum Aneurysmata consideraverim, quatenus nimirum in infantia exoriuntur, & in virilitate palam fiunt (§. XXVIII), nec non consistente jam ætate graviora evadunt (§. LXII), duplicem & accuratam adhibendam methodum censeo, ex qua, si fas est, morbi leniatur sævities, vitæque longior absque ullo nanciscantur ægotantes incommodo, siquidem patet, prolatos affectus, ni recruduerint, ad plures annos

annos protendi (a). Ad impedimenta in iis removenda, qui facilius ex ea, quam nati sunt, corporis imbecillitate cardiaco succumbere creduntur Aneurysmati, plurima conferre perspectum est. Verumtamen optima tractandæ pueritiæ solertia exigenda est a parentibus, ne in puerorum corporibus morbus, qui nusquam extiterit, repente nascatur, utque fibrarum debilitas, si quæ prægressa fuerit, protinus abigatur. Quod si bona primordia obtinuerint puerorum corpora, & in eorumdem incremento nullus error accesserit, tunc morborum femina, si quæ forte delituerint, infringentur, aditusque aliis intercluditur. Præcordiorum Aneurysmata in ipsa quandoque fieri pueritia demonstratum est, ac supra cætera ciborum delectum non probe constitutum huiuscemodi paulatim ægritudines producere posse adnotavimus (§. XXIX) : Quemadmodum itaque ex hoc fonte affectiones adductæ cumprimis promanant, animadvertenda nonnulla sunt, parentibus aliisque puerorum custodiam habentibus necessaria, quæ si attento ipsi animo cogitarent, non tam frequenter filios vale-tudinarios intuerentur.

§. LXVIII.

LAC DIU INFANTIBUS EXHIBITUM.

PRAVA apud nonnullos invaluit consuetudo, ut perpauco nimirum temporis intervallo lac infantibus propinetur, cujus sumptioni malorum miscela ciborum nullis adhibitis cautionibus adiungitur. Univerſa proinde puerorum machinæ compages saluberrimo orbatur alimento, cujus vices alios arduæ digestionis cibos explere consuevisse prospicimus. Nunquid ergo progressiva optime accretio fiet, si necessaria perfrui substantia puer prohibeatur, dum alia quæcumque dissimilis prorsus indolis deferuntur? Minime gentium. Nulli dubium, quin fibrarum laxitas tunc exoritur, dum ætati adversa materies ingeritur : Ut namque fatiſ fortes evadant fibræ, materies

(a) Fœmina in juventute contractum Aneurysma ultra 50 annos fœpes gestavit. Vid. *ast. Erudit. Lipsiens. an. 1692, pag. 220.* Tunc autem quædam veluti curatio a natura promovetur, quæ artem in propriis operibus longe superat : vel enim Aneurysmatis parietes callosi fiunt, vel naturalis quædam peragitur compressio, vel aliud quidpiam paulatim agnoscitur ægrotantibus contigisse, quod præcipitem morbi huius eventum comitari nequaquam debuisset. Vid. *Lançoni Oper. Tom. III, pag. 420. Lançanna 1738.*

adesse debet, quæ prægressis viscerum omnium, omniumque vasorum actionibus postremæ elaborationis perfectionem juxta bene valentis corporis leges adepta sit (a). Quoniam vero nil ætati nondum consistenti lacte utilius agnitus fuit, hujuscemodi fraudandus puer minime videtur subsidio ad diuturnum usque tempus protrahito, donec major illi firmitas, majorque vigor advenerit, cum probe noverint Physico-Medici, ea, quæ ingeruntur, debere majori minorive tenacitate sua viribus assimulantibus respondere, ne corpus gravetur potius, quam reficiatur. Quapropter nonnisi temere & inconsulto videntur agere, qui ad novem, sive decem vix menses pueros solo enutrire lacte assueverunt, & quandoque una cum illo perarduæ solutionis cibos ipsis oscitanter exhibent ingerendos. Humanam induit naturam maternum lac, si bene fuerit in foeminarum mammis fabrefactum, quia pene omnibus utilissimum infantibus esse quotidiana nos edocet observatio. Illis itaque succensendum non est, qui ad multos menses propinandum illud esse pueris arbitrantur. Si quid vero haudquaquam commendandum censerem, illud profecto est, quod nimirum non defuerint, qui animantium lacte, potius quam materno enutriendos esse pueros asseverare minime dubitaverint, ea adducti ratione, quod nempe animi pathemata communia mortalibus vitari queant, si ab exsugendo materno lacte abstinerint. Ego equidem illo deficiente utique fateor ad animales tuto confugiendum esse, cum illorum quoque lac partibus scateat optimum balsamum redolentibus: Notum etenim est, quantum in gravissimis quibusque morbis juvamen porrigat, si exhibitum fuerit opportune. Sed insuper adnotandum est, humano lacte quam plurimis brevius & tutius mederi affectionibus, præcipue ad Phthiicos, Atrophici, atque Hæticæ classem referendis, ceu præstitum est a veteribus, quos multum commendat Galenus (b), qui eos fuerat imitatus.

(a) Fibrarum fortitudo, præsertim in ossibus, talis esse potest, ut ossa nonnulla immensam exigant vim, ut ab externa pressione disrumpantur, velut in ossibus pelvis ostendit Delaguliers: *The bones, ait ille, mark'd, which compose the cavity call'd the Pelvis, contain a bony circle or double arch of such strength, that it would require an immense force to break them by an external pressure directed towards the center of the circle, or the middle of the Pelvis. It is also to be observ'd &c.* A Course of experim. Philos. Vol. I. lect. 4. an. pag. 257. London 1734.

(b) Οἱ παλαιοὶ δὲ καὶ γυναικὰ ἀπλαστὰν ἐφίσταντο τοῖς τῇ φύσει καμνοῦσι, καὶ γὰρ δὲ ἀποδύχουσαι τὴν γυνῆν αὐτῶν, ὅτι τε τὸ οἰκτικὸν ἤρουντο, καὶ ὅτι πρὶν ψυγῆναι τὴν περιζῶσιν. Γαλῆν. Θεραπεύτ. μεθόδ. καφ. β.

§. LXIX.

NUTRICUM CAUTIONES.

ILLUD vel maxime in iis, quæ lac præbent, sedulo curandum est, ut pravos appetitus, atque animi pathemata sanguinem alterantia minime confectentur, saluberrimum ac uniforme regimen amplectantur, robustæ sint, bonoque lacte affluant, nullisque morbis consistantur, & si fas est, a propudiis amplexibusque virorum abstineant (a). Hæc si adhibeantur cautiones, aliæve a viris doctissimis propositæ, optima nutrix habebitur. Unam tamen istis nullimode detrectandam adjiciendam censeo, ex qua emolumenta non pauca trahant, atque puer haurire valebunt, ut videlicet quæ lac præbent selectiorum vegetabilium usum non despiciant : Tunc namque optimus eorumdem succus puero lactenti communicabitur, & morbis, qui ex eorumdem abstinentia promanant, non consistabuntur. Si vero hisce peractis, maternoque lacte, donec adfuerit, exhibitio, ad illud, quod ex animantibus exfugitur, gradus fieri velit, usque dum longius absolvatur spatium, haud improbandum videtur : Ipsi etenim animantes optimis quibusque vescuntur vegetabilibus, e quibus nonnisi saluberrimus succus emergit. Hinc penes lectores judicium sit, quamam fretus ratione semper animantium lac censuerit infantibus propinandum recentissimus Auctor, qui communicationi pathematum nimium fortasse videtur tribuere (b) : Et si enim nova quædam effatum esse appareat, hæc tamen naturæ legibus adversari

(a) Communem tum a Græcis, tum Latinis Medicinæ Scriptoribus prolatam sententiam ad usque nostra sæcula delatam Prosper Martianus primus, quantum sciam, voluit improbare, cum ex Hippocratis mente, ut ille ait ad lib. de Nat. Puer. v. 350, nutrices a virili concubitu arcendas esse denegavit : Ait enim, quod non recte sentire videtur illi, qui coitum nutricibus prohibent, lac inde vitari existimantes, coitu enim mediante motus concitatur in utero, a quo lactis generatio dependet, & ex coitu alacritas inducitur mulieri imo si venerit assuetas abstinentia rariopere latis, quod viro orbatæ quotidie experiuntur, qua variis morborum generibus fiunt subiectæ, nutrices a proprio viro penitus segregare non est inane.

(b) D'ailleurs les Pères & Mères nourris de la chair des bêtes, on mis assez d'analogie entre le lait de celles-ci, & le tempérament de leurs enfans. La même proportion paroît subsister entre l'usage de la chair des animaux dans l'âge de l'homme, & celui de leur lait dans l'état de l'enfant à la naissance, avec cette différence, que le lait des bêtes est à tout âge la nourriture la plus saine, & la plus propre à être changée dans notre substance ; aussi voit-on des corps altérés, & épuisés par les maladies, & l'exercice immodéré des passions, se rétablir avec l'usage de ce lait seul. Et s'il peut avoir une efficacité si merveilleuse sur des tempéramens, qui ont pris toutes sortes de plis, & d'habitudes dépravées pendant plusieurs années, que n'auroit-on pas lieu d'en attendre

videntur, ex quibus perspectum est, lac foeminis ad alendos homines tributum fuisse; animantibus vero, ut propriae sobolis inserviat nutritioni, & in alios vitae usus ad depellendos præcipue morbos traducatur, quando illud, quod in mammis gignitur foeminarum, nequeat usurpari, tuncque hujusce defectus ab animalium lacte supplebitur. Hujusmodi demum si compleantur, raro admodum pueri debili fibra pollebunt. At in eo insuper infudandum est, ut nempe post absolutam lactis sumptionem illico ad cibos difficile in ventriculo dirigendos solvendosque minime gradus fiat: Tunc enim non modo circulatio potest intercepti, sed & organa triturationi ciborum dicata enervabuntur, tenellumque adhuc corpus facillime disponetur ad alterationes momenti non exigui subeundas (a). Prioribus itaque mensibus animantium carnes interdicendas illis esse arbitror, ac potius recentia propinanda in intervallis vegetabilia, postquam jusculi, pulvisque, aliarumque facile solubilia rerum necessariam quantitatem acceperint cum lactis usu conjunctam; quod tamen haud novum videbitur, si elapsa retro secula collustrentur (b). Tunc itaque non modo scorbuticas affectiones, aliasque quam plurimas ipsis familiarissimas evitabunt, sed optimum corporis habitum nanciscuntur. Ac profecto cum teneriorem plurimis edulii vegetabilium esse texturam appareat, tunc minor requiretur vis, dum in stomacho dissolvuntur (c). His aliisque constitutis, quæ non est hujus loci in medium asferre, clare patet, quam plurimos a pueris vitari posse conatus laxam reddentes fibrarum texturam, dummodo in internis corporum cavitatibus exorti fuerint.

*pour le bien de l'enfant, qui vient de naître, dont le corps mou est pliable à toutes sortes de modifications? Et d'ailleurs étant destiné à s'accroître, on voit quel avantage c'est de ne former cette augmentation de substance, que d'une addition de parties aussi douces, & aussi balsamiques. Vid. Traité de la communication des Maladies, & des passions; avec un Essai pour servir à l'Histoire naturelle de l'Homme, Par Monsieur*** Tr. II, chap. 1, pag. 198. A la Haye 1738. Auctorem hujus libri ait D. de la Mettrie Pensées, l. p. 83, esse Abb. Moreau de S. Elie. Confer. Alb. ab Haller in Adnot. ad Meth. Stud. Med. Herm. Boerhaav. Amstelodami 1751, ubi de Physiol. & Pathol. agit.*

(a) Diuturna lactationis experimentum Pharmacopæus Pistoriensis tentare in proprio filio conatus est, eo quod ad ulque triennale spatium, non absque magna imperitorum admiratione, eidem lac propinandum conjungi decreverit, ut exinde ad alia facile digerenda, & lacte ipso aliquando permixta transire fieret; quod bene cessit infanulo, qui vegetum adeptus est corporis habitum, & perspicacis indolis pollicetur eventum.

(b) Lactis mero veteres usi narrantur, & herbit. Ovid. Fast. l. IV.

(c) La differenza consiste principalmente nell' essere le parti fresche delle piante di molto più tenera sussistenza, che quelle degli animali, e perciò molto più facili a stritolarsi, &c. Cocchi Diss. del Vitt. Piragor. Firenze 1743.

§. LXX.

CAUTIONES QUÆDAM ALTERIUS GENERIS.

ALLATIS tamen non obstantibus, neque rite usurpatis, decumbenti ægroto valedicendum non est, licet efformato jam Aneurysmate nullus evadendi superfit locus, sed illi nihilominus, quoad fieri potest, juvandum; certum siquidem est, ea, quæ in minoribus vasis locantur Aneurysmata diutius protrahi. Jam nullum ex arte Chirurgica sperandum remedium esse perspectum sit consideranti, si morbus præcordia torqueat, cum quidquid Aneurysmaticum ibi adest, acus nulla consuere possit. Symptomatum quidem compescere sævitiam Medici munus est, ut exinde vitæ protractio, quoad fieri potest, obtineatur. Itaque non modo improbus labor, qualiscumque sit, vitandus est, nec non cætera præcavenda, quæ absolute noxia deprehenduntur, at ea sunt usurpanda, quæ vitæ longævitatē absque sævitie symptomatum pollicentur. Verumtamen internæ cardiacorum Aneurysmatum causæ diversæ agunt, prout ad agendum disponuntur, sive quatenus multiplicis generis dispositiones humano extant in corpore, dum illæ ad majorem minoremque vim exerendam aptæ esse videntur. Non igitur eadem semper pollebunt sævitie symptomata, adeoque juxta eorumdem ingravescentiā necessariæ præcautiones sunt dirigendæ. Quum autem perarduum sane facinus suscipiendum esse videatur, si ea, quæ attigimus, ad quosdam veluti canones referri velint, hinc quædam dumtaxat occurrunt constituenda, quæ quovis morbi tempore tentari possunt.

§. LXXI.

SANGUINIS MISSIONES.

QUONIAM itaque arteriæ alicujus Aneurysma subire incipientis pulsatio concitator adeo perseverat, ut ambigi non amplius queat Aneurysma adfuturum, tunc sanguinis quantitas, simulque qualitas expendenda est: Ego namque arbitror, Medicum aliquatenus ægro-
tanti ex prævio utriusque exaninie profuturum. Ac profecto dum amplior paulatim fieri cœpit arteriæ diameter, jam illa portio arteriæ, ubi id contigerit, majorem includit sanguinis quantitatem modo

grumescentem, utque aliis placet, saniosam (a) modo vero in polyposam substantiam degenerantem (b) tractuque temporis adeo tumidam, ut, quidquid ibidem continetur, non amplius ex vi circulationis dissipari queat. Quamobrem sanguinis missionem perperam videntur instituire qui autumant, ex imminuta sanguinis massa obstacula, quæ præextiterant, removeri, nisi ad usque deliquium animi instituant, veteres Galenicæ Scholæ affectas imitari volentes, ut fractis nempe cordis viribus imminuatur exinde pulsatio; quod quidem esset maximopere improbandum, quandoquidem Syncopes & Lypothymiaæ admodum contumaces expectandæ forent interitum exinde proximum inferentes. Cæterum si mediocris instituatur evacuatio vel ipsa permanente plethora, majori semper ager momento sanguis e sinistro cordis thalamo in arterias protrusus (c) atque ex

(a) Hallucinatur profecto, qui absolute decernunt, quidquid nempe in Aneurysmatico tumore reperitur tandem aliquando purrescere, & in fordescentem amurcam mutari: Nam etsi quandoque id ex aliis causis contigerit, statuendum tamen minime videtur, id semper propemodum eventurum. Ex sane quamvis humorum major alluvies in dilatatione arteriarum cernatur, hi quidem humores haud facile corrumpuntur, quia, quid enim corrumpitur, propria debet pomæria prætergredi, & alias in cavitates effluere sibi non proprias, uti de illo verificatur humore, qui in ventrem delabatur. Ego ipse ab experientissimo D. Franc. Pieratti olim in Pistoriensis Nosodochio Chirurgiæ præceptore nunc Romæ Chirurgum ipsam exercente coxendicis sectionem sum intuitus, quæ vitari nequibat ex fatis manifesto poplitis Aneurysmate, quod post sectionem abscissum 16 sanguinis continere libras visum est, grumescens quidem & nigricans, non autem saniosus, neque corruptus, etsi ex multo tempore idem sanguis ibidem lauisset: Nova enim accretio corruptioni relinquitur, & ope circulationis discutitur quidquid corrumpere valeret quantitatem sanguinis universam.

(b) Sanguinem, qui in tumore Aneurysmatico reperitur, propriam quandoque fluiditatem aservare posse testantur viri doctissimi. Vid. *De Gortur Prax. Medic. Syst. Tit. I, §. 56, num. 3. Harderowici 1749.*

(c) Vid. *Bellin. De sang. miss. prop. I & II. Venetiis 1732.* Patet post copiosam sanguinis missionem arteriarum pulsationem debiliorem evadere, sed aliquando de aucta velocitate dubitari nequit, veluti in canibus observavit Lowerus *De corde P. I. Londini 1669*, & in equis Halesius *Animal Statics* §. 2. 22. *London 1733.* quod etiam in semina uteri hæc Hæmorrhagia laborante confirmavit Robinsonus *Animal Economy Prop. 42. London 1738.* Quamvis autem appareat aperta vena sanguinem illius, & proximarum venarum novum adipisci gradum velocitatis, tamen huic rei non pauci opponuntur, ut Hambergerus *De ven. fess. n. 43. Jena 1729.* quia neglexerunt velocitatis augmentum a sanguinis missione productum, quod est ut 200 ad 201. Inter hos recenseri possunt *Quéfnay sur la saignée, A Paris 1730. Senac Traité du cœur, & Lettr. sur le Choix des saignées, A Paris 1730. Chevalier Observations critiques sur le traité des saignées, A Paris 1730. Butler essay on blood letting, London 1734. Langrish Moderne theory and practice of Physic, London 1738. Martin De la phlebotomie, & de l'arteriotomie, A Paris 1741. Jackson De vera phlebotomia theoria Londini 1747. Wattes Of revulsion and derivation. London 1754. &c. &c. Sed velocitatem in venis animalium revera crescere majoremque fieri quam in arteriis, eandemque in ipsis etiam arteriis augeri auxilio LXXXVII experimentorum ostendit nuperime Hallerus *Mémoires sur le mouvement du sang & sur les effets de la saignée fess. VII. &c. A Lausanne 1756.**

adaucta ejusdem vi systalticus & diastalticus arteriæ motus subcrefcet, & latior evadet Aneurysma. Quare femper propemodum a tundenda vena abstinere satius est, ejusque loco sanguinis crassities, si qua inest, leniter discutienda, ne insignes metallascs fiant & insuperabiles, quæ ubi latior evaserit diameter, paulatim depositæ, tumorem jam innascentem amplificent. Quum autem in motum agere corpus ægrotantes prohibeantur, hinc plethora paulatim augeur, quæ ad mittendum sanguinem Medicos necessario compellit. Hinc si sanguinis mittendi necessitas urgeat, hic e minoribus vasis educendus videtur, ne majoris momenti symptomata patefiant. Negligendum autem illud non est, etsi non femper sit necessarium, quod scilicet in parte femper opposita instituatnr sanguinis missio, ut si vel polypus, vel Aneurysmaticum vitium in dextera parte constituerit, sanguis e sinistra mittatur, & viceversa. Tunc enim si quis sanguinis adauctus motus deprehendatur, minorem femper exeret vim, neque illico subitanea patefient incommoda.

§. LXXII.

ANIMADVERSIONES.

AD hoc ut vera Aneurysmatis jam efformati idea obtineri queat, supra cætera expendendum occurrit, utrum pulsatio, quæ in loco ex Aneurysmate affecto persentitur, istum habeat præternaturalem, qui diu persistat, conjunctamque habeat vibrationem. Hæc non raro æquivoca sunt aliosque mentiuntur morbos & nisi prævio subjiçiantur examini, non ita confestim ostendunt, Aneurysma jam efformari cœpisse, cum aliorum evadant causæ morborum, qui falsa cohonestantur imagine. Quare simplex in præcordiis palpitatio ab ea distinguenda est, quæ existente Aneurysmate persentitur: Tunc enim sanus evadet infirmus, qui tamen cito curandus est, ne ex simplici palpitatione ad Aneurysmaticum vitium transitus fiat: Nam ex assidua, eaque non interrupta concussione vasa sensim debilius corporum infirmantur, atque eorumdem vires protinus infringuntur. Accidit ergo, ut grandiusculo jam mole sua Aneurysmatico efformato tumore, vix incœpisse credatur. Missio itaque sanguine ejusdem impetus augebitur (§. LXXI), quo quidem adaucto in interna, & glabra arteriosi canalis superficie major evadet impulsus. Quum vero

in spatio ex dilatatione tunicarum producto, si magnum præcipue fuerit, multum sanguinis contineatur grumescens, coagulati, vel polyposam substantiam repræsentantis, quædam in hujuscemodi spatio aderit resistentia, ex qua, superveniente sanguinis impetu, istiusmodi spatii ambitus magis magisque extendetur, obortumque subcrescet Aneurysma. Id autem eo magis periculum minitabitur, quo grandior tumor est in aliqua arteriæ portione productus, vel si quidquid ibidem continetur, osseam ac petrificatam substantiam repræsentaverit, quam in aortæ tunicis se observasse testantur Cowperus & Chefeldenus (a), quamque lapidescentem in Zootomicis peragendis inquisitionibus in caneprehendit Nicolaus de Blegny (b) cordis substantiam occupantem. Denique illud addendum est, quod nempe ex cardiaco Aneurysmate magis ægrotantes ex missione sanguinis periclitantur, propterea quod ex proximo corde major actio consequitur.

§. LXXIII.

*EXEMPLA ÆGRITUDINUM, QUÆ CUM ANEURYSMATE
CONJUNCTÆ NON SEMPER VENÆ SECTIONEM EXIGUNT.*

IGNORATUR insuper a nonnullis, utrum ex cardiaco Aneurysmate alius producti consueverit morbus; quinimmo deprehensum est, hujuscemodi ægritudinem alias diversæ generis, ut Hæmoptysin, Hypochondriam atque Hydropem comitari (c). Ad supra cætera illa vel maxime expendenda occurrunt, quæ contingere haud raro videmus. Multoties ego ipse vidi, quod jam ab aliis fuerat observatum, Hydropem nimirum pectoris in iis, qui adducto corripuntur morbo, innasci quandoque consuevisse. Si itaque Hydrope inchoante, obscurisque manentibus supervenientis hujusce affectus indicia, mit-

tatur

(a) Vid. *Of the Philosoph. Trans. Abridgment. Tom. II.* Aortæ principium cartilagineum osseumque in dissecando foeminae septuagenariæ cadavere, dum petechiales, eademque epidemicæ Vindobonæ grassarentur febres, observavit Halesohrlus *Hist. Medic. Morb. epidem. sive fibr. Petech. quæ ab an. 1757 ser. finient. usq. ad an. 1759 Vienna grassata est &c.* pag. 64. Vindobonæ 1760.

(b) Vid. *Act. Erudit. Lips.* an. 1682. pag. 221.

(c) Hujus rei peculiare præbet exemplum Maximilianus II, in quo (postquam cor supra viginti annos palpirationes maximas persensisset) supra duas mensuras aquei humoris in cavitate pectoris relictas esse compertum est. Vid. *Hist. Morb. Urauslav. De Hydr. pect.* pag. 434. Lausannæ 1746.

ratur sanguis, certissimum profecto est, attendendum fore proximiorum ægrotantis interitum : Nam præter ea, quæ in medium adducta fuerunt incommoda, utriusque morbi exacerbatio symptomatum pertimescenda est. Porro cardiaca jam constituta affectione usuvenire potest, ut ex missione sanguinis Hydrops, quo æger forsitan caruisset, repente succedat : Sanguinis etenim velocitate ex sanguinis missione aucta (§. LXXI), lymphatici humores ad ea, in quibus detinentur, prætergredienda pomœria facilius quam antea aptiores evadent. Id ipsum de Hydrocardia decernendum occurrit, quandoquidem præternaturali posita cordis amplitudine hujus indolis affectus innascitur (§. VII. XXIII). In viro circiter sexagenario, cardiaco quondam Aneurysmate laborante, nullum sane aliud observabatur incommodum præter ea, quæ tales affectus comitantur symptomata, remissius quidem agentia. Sanguinem Chirurgus e brachio detraxit, ratus ex tali curatione initio morbi instituta pulsationem, quæ insignis advenerat, cessaturam; quod tamen cum se natum esse credidisset, alteram ex pede sanguinis missionem peragere in animum induxit suum, ut cordis vires (veluti ille asseverabat) retundi valerent. Incisione interim altera vice facta, dum sanguis e vena proflueret en contumax Lypothymia, præpeditus decubitus, languor, inappetentia, insignis in thorace gravitas, Orthopnœa & multiplex exortus malorum numerus, quaque jampridem præextiterant sensim exacerbata symptomata, ex quibus gradatim ingravescentibus subssecuta mors est, licet paulo ante faustam Chirurgus ægrotanti prognosim polliceretur. Dissecto cadavere verum Aneurysma repertum est, at cum Hydropse geminato, utrasque nimirum thoracis & pericardii cavitates occupante, quod ante repetitas sanguinis missiones non modo extitisse, sed ne usuvenire quidem posse Chirurgus ipse somniaverat. Sed quotuscunque innocuam jactitabit in hoc ægrotante missionem sanguinis, quandoquidem seclusis cæteris argumentis sæviens repentina symptomatum, quæ illico supervenerat, eventus affert securitatem? Quum itaque sanguis ex optima constitutione in pravam quandoque naturam degeneret, exinde morbi exitiales contingunt. Quamobrem si erosivum quoddam principium in sanguine delituerit, ceu fieri posse testantur Lancisius (a), Morgagnus (b), atque Leprotus (c), ex

(a) *De Mor. Cord. & Aneurysm.* l. I. Prop. 5. & l. II. Prop. 19. Lugdun. Batav. 1740.

(b) *Advers. Anatom. II. Animadv.* 41. Lugdun. Batav. 1623.

(c) *Vid. Instit. Bonon. Comment. Tom. I. pag. 347.*

hoc efformatum Aneurysma subcrescet & finitime corrodentur partes, quemadmodum in foemina ipse observavi, in qua claviculas carie corrosas ex Aneurysmate pulmonalis arteriæ fuisse conjeceram auctoritate fretus observatorum, quos inter prætermittendus non est Ruyschius (a), qui costas una cum sterno ad nihilum deductas ex insigni Aneurysmate deprehendit. Opinor itaque, haud leve subsidium ad protrahendam diutius vitam ægrotantibus esse posse, si præcognita & adhuc extante hujus generis acredine, medicamina, quæ eamdem retundere, pravamque illius abjicere naturam queant, propinientur (b).

§. LXXIV.

LACTIS ET SERI USUS.

LACTIS & seri usum semper propemodum adnotavi, Aneurysmate laborantibus profuisse, adeo ut, etsi jam ex morbo conclamatum foret, diuturnioris vitæ spes, quæ infirmis affulserat, cum expectata diu majori lucis usura conjungeretur. Neque is ego sum, qui supervacaneam lactis, & seri analysim ob oculos ponere, simulque elogia velim contextere: Eximiæ enim patent unicuique virtutes, quarum ope vel gravissimus quisque morbus removetur. Quod autem in adductis casibus expectandum ægrotantibus est, palliativam (ut inquirunt) respicit curationem neutiquam a prudenti Medico contemnendam. Hæc vero, utut concipi velit, nonnisi in urgentium sævitie symptomatum compescenda versatur; quinimmo vel illud in votis habendum est, ut nempe nova haud oboriantur symptomata, quæ affectui calcar addere valeant delirescenti. Compertum est omnibus, descripto morbo obesse admodum posse intempestivam ingestorum ingluviem (§. LIV): Tunc etenim organa ciborum triturationi destinata valide ad ea, quæ ipsis competunt, obeunda officia disponuntur, positaque valida hujuscemodi actione, aliquid affertur molestiæ præcordiis, cum major exinde in arteriosis vasis evadat motus, ex quo

(a) *Observ. Chirurg. Obs. 37. 38. Amstelodami 1691.*

(b) Quod si præter acredinem cognosci possit incipiens coagulatio, acetum tot inutilibus medicamentis esse præferendum vis ejusdem dissolvens ostendit, veluti confirmarunt præ cæteris Boerhaavius *Elem. Chem. Tom. I, P. I, Proc. 50. Lugdun. Batav. 1732*, & Beneventus *De acct. vin. comment. Luca 1757.*

recrudescit Aneurysma. Atqui ex lacte seroque enutritur corpus, atque dilutior fit sanguis, quin arteriosis detrimenta vasculis afferantur, ex quibus ægrotatio perfans exacerbetur. Quoddam insuper vehiculum additur sanguini, cujus auxilio quidquid in Aneurysmatico continetur tumore non tam facile dureſcat, & ad polyposam naturam accedat. Neque illud postremo videtur prætereundum, ea nempe, quæ præter lac, & serum assumuntur, faciliſe debere ſuſceptibilia triturationis: Parum quippe, aut nihil proficeretur, ſi ea, quæ ad vitam ſubſtentandam adhibentur: arduam in ſe ſolutionem includerent.

§. LXXV.

REMEDIORUM USUS.

QUÆCUMQUE de Hypnoticis, Narcoticisque circumferuntur a Medicis, opiatīs præſertim, in efformato Aneurysmate propinandis, nil ſane aliud emolumentū ægrotantibus videntur afferre, quam ut anodynam præ ſe ferat naturam, adeo ut ſi circa præcordia dolores identidem ſupervenerint, eoſdem lenire valeant, ſimulque reſocillare ægrotantes, abſque eo quod defixandis ſpiritibus animalibus nihil appareat eſſe cogitandum. Quod ſi iisdem uti quiſpiam velit, urgentibus doloribus uſurpanda Hypnotica leviora cenſerem, propterea quod ad æſtum ſanguinis compeſcendum, illiuſque motum hebetem inertemque reddendum apta videntur & promovendam perſpirationem. Opiata vero cordis & arteriarum laxare fibras, debilemque in ipſis inducere contractionem, concitatioremque coërcere ſanguinis motum a veteribus creditum eſt (a). At ab opio circulationem celebriorem potius fieri obſervationes demonſtrant, cum ſulphuream & alkalicam induat naturam. Opium inter venena, potius quam medicamenta, legimus reſenſitum, licet apud Orientales populos frequentiffime uſurpetur (b). Quamobrem, etſi promiſcuus quandoque

(a) Hallucinati proſecto ſunt veterum nonnulli, dum hoc ipſum aſſeruerunt: Obſervationes enim oſtendunt, iis qui cordis palpitatione laborant, talia medicamenta ideo nocuiſſe, quia palpitationes majores reddunt & frequentiores. Prudenter itaque in cordis palpitatione ab opiatīs eſſe cavendum Schomburgius aſſeruit. Vid. *Aphor. Praſt.* pag. 37. *Amſtælodami 1753.*

(b) Vid. *Lemery Diſſ. des Drog. à Paris 1737. Geoffroy Mater. Medic. P. II. art. 4. Pariſiis 1741. Cartheuſer Fund. Mater. Medic. Scđi, XI, cap. 2, §. 3. Francofurti 1745.*

remediis usi fuerint Medici, ab ejus usu, quando fieri potest, abstinendum arbitror, nisi anceps potius quam nullum, experiri remedium quis velit, dum videntur ægrotantes jam ad interitum properare. Ea insuper, quæ nonnunquam prodesse mortalibus possunt, in eorumdem cedere perniciem non raro consueverunt, nisi fuerint prudenter adhibita, idque non de opiatís tantummodo asserendum censeo, at de aliis quoque medicaminibus, quæ inopportune in quibusdam morbofis affectibus propinata noxiam induerunt naturam, ipsisque præcordiorum vasís evasere infensissima: Patuit enim ex observatis, Adstringentia & Chalybeata medicamenta, nec non Mercurialia ipsa non rite proposita nocuisse, ipsumque Peruvianum corticem, cæteroquin in Febribus intermittentibus proficuum, stagnationes in vasís ultimi generis promovisse. Ex his itaque si vasorum elasticitas imminui possit, ipsumque fluidum affici, numquid & ipso in corde, ipsique adjacentibus vasís enasci poterit impedimentum aliquod ad cordis amplitudinem promovendam, innatumque Aneurysma exacerbandum accommodatum? Idem sane de opiatís decernendum videtur medicamentis, quæ licet innoxia esse possint, si opportune præscribantur, in naturam tamen minime proficuum commutantur, nisi caute ac bene parato corpori propinentur. Si ergo compescere Aneurysmaticos, qui exurgere aliquando solent, dolores valeant, fieri potest, ut nervosis propaginibus officiant, unoque curato morbi symptomate novus alter & gravissimus morbus insurgat.

§. LXXVI.

USUS RERUM FRIGIDARUM.

QUALIACUMQUE tamen proficua ægrotantibus esse possunt, nullo prædita tepore, ne dum calida, ipsis propinanda crederem, quandoquidem ex excedenti viscerum calore adaucta proinde vasorum actio consequeretur. Optime autem videntur agere, qui aquæ frigidæ hauftus talibus ægris identidem præbendos consulunt, ut fibræ majus robur, majoremque nanciscantur elasticitatem, quæ parum diuturna foret, si quod est ex aqua gelida consecutum, eduliorum calor perdurare non sineret. Tanta profecto vis est quarumcumque frigidarum rerum ad pariem affectam applicationis, ut Aneurysma ipsum, citra arteriæ discissionem consecutum, in brachio servi cuius-

dam ex immissa super tumorem nive sanatum referat Bartholinus (a). Quidquid igitur crassum & ad concretiones suscipiendas accommodatum affatim hæret, ubi major est arteriosi vasis diameter, non adeo festinanter augebitur, quinimmo pro varietate loci sæpe sæpius imminuetur: Crassiores enim humores contractis ex frigore vasis, in contigua retropulsi, circulationis viribus atteruntur. Neque secus pertimescendum videtur, ne ex hujuscemodi frigore rubra saltem sanguinis pars ad majus suscipiendum coagulum disponatur, cum ex corporis calore aquæ gelidæ vires retundi queant, & facultatem insitam cohibere. Sanguinis vero serum absque ullo coagulo superstes erit, cum longe majus requiratur frigus ad hoc, ut congeletur, ceu ex Thermometro Farenheitiano concluditur, in quo 28 circiter gradu concrevit.

§. LXXVII.

REGIMEN IN VICTU.

TENUIS denique victus ab iis exigendus est, qui ex Aneurysmate infirmantur, ne nimia promoveatur sanguificatio, ex qua, supervacanea adveniente plethora, fibrarum distentiones contingant, siquidem adnotatum fuit (§. LXXI), hujuscemodi ægrotantes plethoricos, vel post enatum exinde affectum cardiacum, evadere consuevisse, quandoquidem corporis motus peragere prohibentur (b). Quum autem sanguinis quantitatem neque imminutam nimis, neque affluentem esse oporteat, ut repentina morbi sævities arceatur, hinc selectiori vescuntur alimento ægrotantes, nec non ab iis omnibus abstinebunt, quæ præcordiorum Aneurysmata sponte producant, productaque exasperant; quæ quidem, licet non tuta semper pronunciari possint, tamen prudentis est adhibere. Quæ igitur hucusque ad publicam, privatamque Medicorum & ægrotantium utilitatem effari constituimus, peculiaria quædam præcordiorum vitia

(a) De Niv. us. Med. Obs. cap. 27, pag. 154. Hæfniz 1661.

(b) Laudata in iis sobrietas, qui hoc morbo laborant (id est Aneurysmate) ne austa humorum copia, & cordis energia major arteria sequatur expansio, eo laudabilior est, quo minori data sanguinis quantitate liberior a cavitate Aneurysmatis aditus in arteriosum canalcm patet; sic prolixior ibidem mora concreviscibilis liquidi prohibetur, quo minus ad latera Aneurysmatis coherere, polytumque efficere possit. Fantonus Obs. Anat. Med. Obs. 1, §. 10, pag. 5. Venetiis 1713.

respiciunt, non cuncta quidem, verum ea præferim, quæ sive ex præternaturali magnitudine cordis, sive ex Aneurysmate tam vero, quam spurio adhaerentium ipsi vasorum proficiuntur, quæque non nisi ex assidua cadaverum inspectione apparere consueverunt. Veræ tamen hujuscemodi affectuum causæ, etsi primo intuitu ex abusu generaliori sex non naturalium rerum deduci queant, aliquæ tamen inter has non omnibus obviæ, quinimmo falsis Empyricis incompertæ, veris luculenter observatoribus patefunt, quæ sedulam satis superque extorquere videntur observationem: lis namque omnibus constitutis, quæ peramplum reddere cor valent, nec non Aneurysmata progignere, jam alia insurgunt noscenda non solum intus cor ipsum, ipsiusque arteriosis vasis in omni propemodum humanæ vitæ oborra curriculo, at in ipso ineuntis adhuc ætatis flore, atque in pueritia ipsa satius conspicua, quibus si varietates quædam, cœlique mutationes ubicumque plus minusque conspicuæ superaddantur, neque locorum cognitio despiciatur, jam perampla superstruitur morborum seges, sive cor, sive vasa eidem proximiora sollicitans, quin de Celtica lue, intempestivo ciborum esu, exercitationibus & morbis quibusdam innumeris ex incuria valetudinis propriæ manantibus aliud dicendum occurrat longam mehercule, quam Græci *ἀνακνέφαισιον* nominant, redditurum. Ad quæ nisi rite curanda morborum genera, saltem compescenda, leniendaque, nonnulla ex adductis prodesse poterunt quovis vitæ, atque ægritudinis tempore Rationalibus Medicis haud perfunctorie consideranda, quin ingenti medicamentorum numero ipsa ægrotantium corpora fatigentur.



DISSERTATIO ANATOMICO-CHIRURGICA,
DE
ANEURYSMATE;
OBLATA;
NOTABILE AORTÆ ANEURYSMA DIVULGANDI,
OCCASIONE,
QUAM
PRO GRADU DOCTORATUS,
PUBLICÆ AC SOLEMNI DISQUISITIONI SUBMITTIT
JACOBUS VERBRUGGE,
DELPHIS-BATAVUS.

Ad diem VIII Junii MDCCCLXXXIII. H. L. Q. S.

AD EXEMPLAR LUGDUNO BATAVUM.

*Nascentes morimur, natiq̃ue hac lege salebras
Mille per horrentes mortis adimus iter.*

A. VAN ROYEN.

P R O Æ M I U M.

QUUM, monente Perspicacissimo BAGLIVIO, observationes artis Medicæ caput sunt, omneque, quod inest certi Medicinæ, observationibus magna ex parte debetur (a), & confirmante summo nostri ævi Pathologo GAUBIO, Præceptore maxime venerando, certius nullum datur subsidium, quo obscura clarificent, dubia enodentur, corrigantur falsa, controversa dirimantur, quam si historia omnium ac singulorum morborum integræ, ex plenis atque intaminatis Prædicatorum observationibus accurate concinnata, ante oculos habentur (b), nec injucundum fore, nec inutile plane me præstiturum operam credidi, si notabile Aortæ Aneurysma describerem, quod in Nosocomio Delfensi, vivente ægra, studio meo delineatum sæpius examinare; illa vero mortua, & impetrata a Viris Humanissimis, quibus ægrota cura fuerat demandata, FRANCISCO BOOGERT, Medico in penetrandis abditis morborum causis acutissimo, & artis suæ Vigilantissimo Chirurgo DIDERICO SCHOLL, observationem hanc divulgandi venia, accurato subijcere examini potui. Hac autem observatio occasionem suppeditavit, varios Auctores de diro hoc morbo evolvendi, ac præcipua, quæ de Aneurysmatibus tradita sunt, hac commentatione complendi.

Ne autem, L. B., opus omnibus numeris absolutum exspectetis! Aneurysmatum enim investigatio, unanimi artis Medicæ principum consensu, tot tantisque involuta tenebris, ut cum Clar. DE HAEN exclamare debeant: Cognitio Aneurysmatum utinam certior esset, signisque munita pathognomicis desisteret turpissimis erroribus ansam dare (c)!


Ut vero ordine quodam procedam: I. Quantum rei dignitas, & scopus noster permittet, cor, vasque majora describam; II. Aneurysmatis Etimologiam, divisionem, ac definitionem dabo; III. in mali nostri causas inquiram; IV. illius effectus tradam; V. signa diagnostica enumerabo; VI. de prognosi agam; VII. curationem subjungam; VIII. specialem Aneurysmatum Aortæ pervagationem exhibebo, ac denique supra memoratam observationem, figuris illustratam, adjiciam, tali modo propositam, ut in cadaveris dissectione observatis, omnia ea, quæ ipsi in ægrotante detexerim, aut amice mecum a Viris Humanissimis, supra laudatis, communicata fuere, præmiserim, optime memor didici, Cel. Præceptoris, & Promotoris Honoratissimi E. SANDIFORT (d): non sufficere, morbosorum cadavera fecare, non deviantem observare naturam, atque præternaturales partium situs, formas, aut, quæcunque etiam fuerint, aberrationes sedulo adnotare, nisi a dissectione ipso morbi ab ortu ad finem per omnes mutatas scenas fuerint observati, aut ab aliis rite recensiti.

(a) Prax. Lib. 1. Cap. 11.

(b) Instit. Path. Med. §. 49.

(c) Rat. Med. pars V. Cap. VI. §. 2.

(d.) Conf. Orat. de circumspetto cadaverum examine, optimo Practicæ Medicinæ adminiculo pag. 34.



DISSERTATIO ANATOMICO - CHIRURGICA,

DE

ANEURYSMATE;

OBLATA,

NOTABILE AORTÆ ANEURYSMA DIVULGANDI,
OCCASIONE.

SECTIO PRIMA.

*CONCISAM EXHIBENS CORDIS, VASORUMQUE MAJORUM
DESCRIPTIONEM.*

§. I.

COR, musculus cavus, qui contractus contentum sanguinem in maximas N. C. arterias impellit, undique velamento suo, seu *pericardio*, quasi inclusum, & in spatio inferiori & medio inter duplicem pleuræ membranæ (*mediastinum* male vocant) positum, figuram, a multis conicam dictam, (unde distinctio ejus in basin & mucronem exorta videtur) non tamen semper cum cono convenientem (a), eoque planiorem, monstrat. Facie sua inferiore pericardio atque diaphragmati incumbit; mucrone vero anteriore, & aliquanto inferiore, parti cartilagineæ costæ quintæ respondet, qui situs tamen pro diversis etiam conditionibus variare solet.

(a) Cf. HALLERI Elem. Phys. T. 1, lib. IV, sect. 11, §. 1.

Dividitur cor in atria duo, dextrum nempe, & sinistrum; totidemque ventriculos.

Atrium dextrum in latere dextro ad perpendicularum fere ponitur; & sanguinem, a venis cavis receptum, ventriculo dextro tradit; pars ejus superior (quam alii *auriculam* dicunt) in acutum; inferior seu sinus in cœcum terminatur finem, venarum cavarum radicem communem constituit, ventriculo vero dextro tali modo inhæret, ut videantur fibræ carneæ hujus atrii infigere sese in tendinem, ostium ventriculi venosum amplectentem, eique ut fulcro inniti. Pars superior, *S. Auricula*, sese lacertis carneis, innumerorum muscutorum percursu, atque ambitu crenato, distinguit a sinu, seu atrii parte inferiore, qui læves habet parietes, & in latere, sinum sinistrum spectante, *septum* format, in quo in fetu, quandoque & licet raro, in adultis, fossa ovalis aperta *foramen ovale* constituit. Ab hoc septo membrana oritur lunata, (*valvulam Eustachii* vocant), quæ, circa limitem inferiorem sinus circumducta, & dextrorsum recurvata, venæ cavæ ostium circumit, & cornu suo anteriori e regione originis suæ definit, sanguinis regressum in venam cavam inferiorem impedit, & in adultis ob teneritudinem nonnunquam reticulata est (a). *Atrium sinistrum*, simili modo ac dextrum, in *auriculam*, & *sinum sinistrum* dividunt, quorum prior, pars ejus pectinata, lacertis musculosis semicircularibus, & longitudinalibus constat; posterior vero, inter externam & internam tunicam interpositis, fibrarum carnearum stratis pluribus gaudet. Ponitur Atrium hoc sinistrum superius, & posterius retro aurem dextram, & vasa majora, venisque pulmonalibus annexum, cordi sinistro insistit.

Cordis vero stricte dicti, & atriorum membranam anteriorem, format continuatio pericardii, cujus cellulosa subjecta copiosam ut plurimum ad vasa coronaria pinguedinem recipit; interius vero a propagatione intimæ arteriarum tunicæ obteguntur.

Dividitur similiter cor in duos ventriculos, unum anteriorem, sive dextrum; alterum posteriorem, sive sinistrum. Prioris figura ad eam quartæ partis coni accedit, & accuratius conum acutum refert, quam sinister ventriculus; parietum crassities minor; in universum vero & latitudo & capacitas in hoc, quam in sinistro, major, dum e contra longitudo minor observatur; in fetu autem, & sæpe in infante,

(a) HALLERI primæ lineæ Phyl. §. 88.

aliquando etiam in juniore homine æque longus reperitur; imo longiorem in puero viderunt VESALIUS (a), & illustrissimus HALLERUS (b). Intus obsidet ventriculos reticulum quoddam musculosum, conflatum ex multis lacertis musculosis, quos implicatos intervalla separant; crassiores vero tori sunt in dextro, minores, & numerosiores in sinistro; alicubi etiam oppositas sedes cordis trabes transversæ conjungunt (c). Cæterum sinister cordis ventriculus in universon longior, angustior & ad conum obtusum propius accedens quam dexter observatur, triplo crassiores parietes habet, reticulo teneriori gaudet, & trabes quoque monstrat. Bini hi ventriculi sua habent ostia, quilibet unum venosum, unum etiam arteriosum.

Ostium venosum dextrum, in anteriori cordis ventriculo conspicuum, aperturam atrio dextro respondentem format: ellipticum est, albo, calloso, & glutinoso margine terminatum, cui fibrarum carnearum stratum incumbit. Circumdant hoc ostium *valvulæ tricuspidales*, quæ ex tunica interiori atrii, & ventriculi, in ostio convenientibus, versus mucronem productis, & duplicaturam, sive annulum, formantibus, sunt: oram hanc, sic efformatam, in cavum fluentem, & in tres lacinias inæquales fissam, *valvulas tricuspidales*, *Στεγνλῶρες*, vocant, in quarum margines liberos ab exteriori facie sese immittunt filamenta tendinea, producta ex apice muscutorum papillarum ex cordis sede inferiori assurgentium. *Ostio* vero *arterioso dextro*, ex ventriculo dextro ad arteriam pulmonalem ducenti, apponuntur *valvulæ semilunares*, quæ sinu suo aperto arteriam, parte convexa cor spectant, & continuata intima cordis & arteriæ membrana formantur; in medio marginis liberi nodulum duriusculum (*corpus Aranii* vocant), ad perfectè claudendum, optime conducentem, monstrant.

Sinistri ventriculi ostio venoso adstant *valvulæ mitrales*, eadem, ac *tricuspidales* supra descriptæ, structura gaudentes, excepto, quod in duas tantum portiones dividantur, & in universon crassiores sint, atque fortiores; cæterum simili quoque modo musculi papillares tendines suos divergentes in annuli lacinias inferunt. *Ostium* denique *arteriosum sinistram*, quo hiat ventriculus in arteriam aortam, ambiunt *valvulæ semilunares*, majores, ac robustiores, quam in arterioso

(a) Lib. vi, cap. 9.

(b) Elem. Phys. Tom. 1, lib. iv, pag. 336.

(c) HALLERUS l. c. p. 329.

dextro : quarum etiam valvularum oræ liberæ insident similes noduli callosi, *corpuscula Arantii* dicti, & supra, ubi de ostio arterioso dextro egimus, descripti. Intermedium vero illud, quod ventriculos discernit, *septum* crassum oritur a cordis basi, & in mucronem iterum extenuatur : neque ad dextrum, neque ad sinistrum ventriculorum totum pertinet; carne nimirum utriusque ventriculi, inter se implicata, formatur, & dextri ventriculi cavum angustat; ab ea enim parte magis prouberat, & ita spatium magis arctum relinquit; totum quoque reticulatum est, & inter lacertos intricatos foveas monstrat, quæ minime apertæ sunt, ut veteres crediderunt, sed cœcæ, neque sanguinis quicquam ex uno in alterum ventriculorum effluere sinunt. Fibræ hæ in septo, reliquaque cordis superficie interna, conspicuæ, nimis implicatæ sunt, quam quod separari, multoque minus describi, possent; in uniuersum autem a basi oriuntur, ad mucronem oblique descendunt, inflectunt se, & iterum ad eandem redeunt.

Nec multo facilius videtur *nervorum cordis, fibras adeuntium, historia*, quippe qui aditu suo ad cor magnopere ludunt, ut miremur quandoque diversissimas a Cl. Anatomicis exhibitas, nervorum cordis descriptiones. Notari tamen præprimis meretur minime eos, ut *Boerhaavius* voluit (a), ex solo pari octavo oriri; verum longe plures furculos, partim ex intercostalis nervi trunco, partim ex ejusdem ganglio cervicali supremo, medio, & imprimis infimo, ac cervicalibus nervis inferioribus; aliosque ex phrenico nervo, & ramo recurrente laryngeo paris octavi enatos, ad cor accedere, ac sibi invicem conjunctos asperam arteriam inter & vasa arteriosa ex corde prodeuntia, decurrere, ibique plexum notabilem, *cardiacum* dictum, efformare, cujus rami aliquot, aortam inter & pulmonalem arteriam euntes, in corde disperguntur, alii vero, arteriam pulmonalem, & auriculam dextram transgredientes, juxta arteriam coronariam sinistram ad cor tendunt, dum denique reliqui, arteriam coronariam dextram, sinum sinistrum, & planiorem cordis superficiem, ventriculorum; auriculamque sinistram petunt. Cordis vero *vasorum sanguiferorum* ortus multo constantior observatur, & *arteriarum, venarumque coronariarum* nomine insigniuntur. *Arteriæ binæ* sunt, quarum una *dextra* anteriori ventriculo *prospicit*, ex sede aortæ dextra & inferiori orta, altera *sinistra* superficiem cordis sinistri decurrit, pul-

(a) Instit. Med. §. 185.

monalem arteriam inter atque aurem sinistram exiens. Arteriæ hæ, omnes lacertos intrantes, adeo ramificatæ sunt, ut, facta injectione, incautis videretur cor tantummodo ex sola arteriarum compage constare, uti ex RUYSCHII picturis egregie apparet.

Venæ autem *coronariæ*, pro parte in cordis superficie exteriore hiantes, rorem pericardii, per arterias expulsum, haurire videntur; pro parte ex sacculis pinguedinosi, tanquam venæ bibulæ, pinguedinem resorbent; cæteræ vero, arteriis coronariis continuatæ, sanguinem allatum transvehunt in sinum venæ cavæ supra auriculæ dextræ orificium, inter auriculam, & sinum dextrum, partim & in auriculam dextram ipsam, ut ex RUYSCHII injectionibus patuit, pro parte quoque in cor ipsum dextrum; imo etiam, licet paucissimæ, ad aurem sinistram desinunt. Venæ hæ nequaquam pro canalibus carnosus, per quos singulare fermentum ad cor deportaretur, ut VIEUSSSENS in tractatu suo, cui titulus *nouvelle decouverte*, scripsit, habendæ sunt.

Tandem etiam *vasa lymphatica*, raro licet obvia, cor accipere, eaque in thoracicum ductum desinere, minime dubitandum, etsi ea neque ab Ill. HALLERO (a), neque a Cl. SENACO videri potuerint.

Hæc, pauca licet, sufficiant, ut exinde cordis structura artificiosissima eruatur, atque illa, quæ Aneurysmatibus cardiacis ansam dare valent, in posterum a me tractanda, hauriantur: quædam tamen adhuc de vasis, præcipue autem *arteria aorta*, subnectenda videntur.

§. II.

Descripto modo constructum cor ut sanguinem accipere, rursusque expellere, posset, *vasa* adnexa habet *venosa*, *arteriosa*.

Venæ, ex toto corpore sanguinem in cor revehentes, duæ sunt, si nempe a pulmonalibus recedas; *cavæ* eas dicunt Anatomici, quæ sese aut trunco communi nullo, aut brevissimo in atrium dextrum inferunt. Fibris musculosis prope cor manifestis gaudent, & ea de causa magna satis vi contractili præditæ sunt, quam haud facile etiam reliquis nostri corporis venis denegavero, si modo prælectiones egregias Cl., & summa cura artem salutiferam profitentis, Præceptoris

(a) L. c. Tom. 1. lib. IV, sect. 111, §. 39.

VAN DŒVEREN, in collegio suo de vi vitali nobis tam egregie traditas, reminiscor.

Dividunt *venam cavam* in *superiorem*, & *inferiorem*: vena enim hæc, prope atrium dextrum, dividit se in duos quasi truncos, quorum unus *superior*, (ut cum Anatomicis loquar,) supra pericardium emergit, & indivisus fere usque ad jugulum fertur, excepto, quod a latere ejus dextro abscedat vena azygos, quæ, dextrorsum reflexa, & vertebrarum lateribus applicata, singulos ramulos, venas intercostales dictos, ad singula spatia intercostalia transmittit.

Truncus vero *inferior*, pericardium a latere inferiori quasi egressus, sine ulla ramificatione cavum thoracis brevissime percurrit ad diaphragma usque, cui in transitu ramos, qui *venæ diaphragmaticæ* audiunt, utrimque largitur. Ex eodem ventriculo, in quem, per cavas venas allatus sanguis infunditur, arteria exoritur, aortæ amplitudinem æmulans, ad pulmonem tendens, indeque *pulmonalis* dicta. Hæc, arcui aortæ sese subjiciens, ligamenti, canalis olim arteriosi, ope ei adnexa, in duos sese dividit ramos, quorum sinister minor, brevis, bifidus sinistrum; dexter, trifidus, dextrum pulmonem subit. Quo ad figuram, colorem, fabricam pro maxima parte cum aorta, mox describenda, convenit. Ex pulmonibus enascuntur *venæ*, quæ, *pulmonales* dictæ, ex minoribus ramis in majores, plerumque quatuor, raro duos, rarius quinos, collectæ desinunt in auriculam cordis sinistram: quum vero de his, quæ ad nostrum forum pertinent, nihil singulare dicendum habeam, potius ad accuratorem arteriæ aortæ descriptionem transeo.

Arteria hæc magna, vel aorta dicta, unico, sed amplo satis trunco, ex sinistro cordis ventriculo egressa, supra valvulas, ut plurimum, femilunares, ad cor, ejusque atria, duos ramos, *coronarias cordis arterias* dictos, reflectit, & extra pericardium emergens sursum tendit indivisa ad quatuor circiter digitos, ubi arcum describere incipit, & tres ramos emittere solet, in quorum tamen numero quandoque ludit Natura, ut multi annotarunt Anatomici (a).

(a) Talem v. g. deviationem describit Cl. Præceptor E. SANDIFORT (in Obs., de *fatu monstruoso*, cujus viscera abdominalia una cum corde extra corpus pendebant, communicata in Aët. Helvetic. Vol. VII, pag. 58. Refla sursum tendens aorta binos in ramos dividebatur, carotidem nempe dextram, atque sinistram; facto arcu, subclaviam sinistram emittebat, dextra autem hujus nominis arteria, non solito more ex carotide dextra, seu communi trunco, egrediebatur, verum ex ipsa aorta, eodem ferme loco, quo altera uriebat subclavia, originem ducebat, ac

Faëto autem hoc arcu, major arteriæ pars deorsum reflectitur in latus sinistrum, parum infra quartam dorsi vertebram, & plurimos emittens ramulos, descendit ad ultimam lumborum vertebram, ubi plerumque se in duos magnos ramos dividit, quos *Arterias Iliacas* dicunt Anatomici, in ramos denique minores, minoresque excurrentes.

Arteria hæc canalis sanguifer est, densus, solidus, pulsans, coloris luteoli albescens, sanguinem ex corde ad omnes reliquas corporis partes deferens. Nunquam conica hæc arteria est, ut multi voluerunt, sed indivisa cylindrica (*a*) manet; rami quidem simul sumti, & ad truncum relati, conum efficerent, cujus basis in extremitate, apex in corde foret; quum vero hic indivisam intelligo, videretur potius arteria, vulgo *conica convergens* dicta, series esse cylindrorum, sibi ita adaptatorum, ut ad singulos ramorum paulo majorum exortus, duo cylindri conveniant, quorum major est supra eum exortum, minor infra eam originem (*b*). Idem quoque de arteriis capillaribus obtinet, quarum frequentes Anastomoses tantum cuilibet trunculo reddunt, quantum amisit.

Ex membranis seu tunicis constat, quarum *externa* dicta, prope cor oritur a pericardio interiori, seu ea pericardii parte, quæ cordis superficiem externam investit; quamdiu enim hæc arteria, ut & reliqua vasa, supra pericardium nondum emerferunt, ab eo pro parte investiuntur; egressa autem tunicam externam acquirunt a pleura, thoracem, ejusque viscera ambiendi, quæ tamen arteriam tantum ita cingit, ut a parte posteriori nulla adsit, sed solummodo celluloso vicinis adhærescat, adeoque stricto sensu hæc, a pleura producta, nomen tunicæ non mereretur; quum vero vocabulum hoc fere omnibus receptum est, potius illud retinendum, quam aliud exco- girandum censeo. Huic ordine insequitur *cellulosa*, quæ tantum

pone *ætophagum*, qui a latere spinæ dextro inter carotidem dextram, ac modo nominatam sub- claviam, per thoracem demissus, diaphragma intrabat, decurrens, axillam lateris sui petebat. Similes varietates recenset H. A. NICOLAI (Diff. de directione vasorum, in HALLERI Vol. II. Disp. Anst. select.) & D. PH. ADOLPH BÆHMER (ibid. apud HALLERUM,) qui binas observationes Anatomicas de quatuor, & quinque ramis tradidit. Plures lusus CL. MORGAGNUS in libro de sedibus, & causis morborum &c. Ep. 111. a. 20. xv. a. 26. xv. a. 10. & 21 Aug. CH. ERDMAN, in descriptione Anatomica Arteria innominata, & thyroidea ima, pag. 16 & seq., alique citant. Nov. vero in Tab. v & vi, huic Diff. adjectis, quatuor ramorum ex ipso arcu aortæ originem depingemus.

(*a*) Figuram hanc cylindricam exposuit Ill. JOH. BAPTISTA SENAC. *Traité du Cœur* Tom. I, p. 241.

(*b*) HALLERI l. c. Tom. I, lib. 2, sect. 1, p. 53.

tunicæ nervosæ pars magis laxata existit, dilatabilis facile, & concidens; arterias cum partibus vicinis molliter nectens, vasaque sanguifera arteriarum transmittens (a). Annexa huic est tunica *nervosa* ipsa, tenuis, densa, firma, alba, dilatabilis, quæ cellulosa condensatior est, cum *magna duritate elastica, ægre compressilis, & facilitate resilitura* (b). Firmat & perficit a parte exteriori muscularem, & squamulas quam plurimas monstrat, si tunicam hanc scalpello nitide præparare tentemus. Nervosam hanc alia iterum, *Musculosa* dicta, excipit, quæ crassissima coloris ad luteolum vergentis, ex fibris, neque carneis musculorum similibus, neque tendineis conflatur, quarum directio maxima parte ad circularem, sive annularem, accedit; integros autem, plenosque circulos non ostendunt, ut de musculosa intestinorum annotatum est, a Cl. C. B. ALBINO in *nova sua tenuium hominis intestinorum descriptione* §. 4. (c). Neque præterea negari potest, quasdam hinc inde reperiri fibras, quæ quodammodo a circulo secedunt, & ex quibus spirales quorundam, vel obliquæ formari, imo longitudinales hinc inde potius fingi quam demonstrari possent (d). Cæterum tunica hæc arteriæ corpus format, ne concidat, robur ipsi dat, & agendi facultatem. In varias veluti tunicas, sibi mutuo incumbentes, quarum exteriores rariores, sequentes densiores observantur, dividi potest. In sex, nitide separatas, lamellas divisam tunicam musculosam nobis in egregio præparato inter prælectiones suas, (mihi admodum caras) demonstrare solebat Divus B. S. ALBINUS, quod etiam eleganti admodum figura in Annot. Acad. exhibuit (e); quamvis ibidem (f) fateatur, plures veluti tunicas detrudere se potuisse. In octo tales, vel & decem, laminas distinctas tunicam hanc musculosam arteriæ aortæ Cl. LUDWIGIUS discepsit (g). In arteriis minoribus sensim sensimque minus manifesta fit, ita ut quandoque in capillaribus arteriis ne optima quidem lente

(a) Cellulosam hanc nitide depinxit Cl. ALBINUS, Annot. Acad. Lib. IV, Tab. v. Fig. 1, litt. o.

(b) HALLERUS l. c. p. 62.

(c) B. S. ALBINUS l. c. p. 32.

(d) Vid. Ill. D. CHRIST. GOTTLIEB LUDWIG Diss. de Arteriarum tunicis §. XIV.

(e) l. c. Tab. v, Fig. 1.

(f) pag. 32.

(g) l. c. §. 41.

lente vitrea detegi possit, quare quibusdam tunicam suam musculosam tandem deponere arteria (male licet ratiocinando) visa fuit.

Hanc inter & intumam membranam secundum Ill. HALLERUM intercederet *cellulosa interior*, ut inter omnes dissimiles arteriæ membranas. *Brevissima*, inquit, *ea est, & tenuis, & absque adipe, & ægrus demonstratur, auctoritatem tamen habet ab Ill. B. SIEGFRIED ALBINO apud WESSELIUM in diff. de Arteriis hominis Lugd. Bat. an. 1747 edita, p. 10 (a).* Notat autem Anatomicorum princeps ALBINUS: *in specimine illo Inaugurali tunicam cellulosa, in quam nervosa ab exteriori parte exit, describi; de alia quadam, quæ inter musculosam, internamque sit, omnino nihil.* Subjungit vero: a MONRONE (*Medical Essays and Observ. vol. 11. art. 16.*) traditum erat, *incipiente putrefactione tunica interna quum decesserit, cellulosa materiam, qua cum musculo conneâtur, cerni (b).* Cl. vero HALLERUS tunicam hanc stabilire conatur, allatis, tam ex propriis quam aliorum observationibus, argumentis; dicit enim: *certum est inter tunicam carneam, interque intumam flavum eum succum effundi, qui callosus primo, ut jam demonstraverat in opusc. Pathol. obs. 47. deinde ossæus fit, & in squamas duras late per arteriam rigentes abit, quæ inter intumam, carneamque membranam mediæ intercipiuntur (c).* Huc quoque refert intumæ tunicæ crassitiem steatomati adfinem, quæ arteriam obstruere posset, quales plus semel se vidisse testatur MONRO, quum dicit: *I have more than once observed the cavity of a large Artery almost blocked up by a steatomatous thickning of this Coat, and frequently I have observed purulent matter collected in it (d).* Denique, ut opinionem suam ulterius adstringat, ex BOERHAVII *praxi medica (e)*, male ita increfcere quandoque tunicam hanc cellulosa, ut canalem penitus claudat, subjungit. Quicquid sit, cellulosa hanc a Præceptore sæpius laudato neque demonstratam, neque assertam, vidi, vel audivi, neque etiam elaboratissima ejus de arteriæ tunicis figura, sæpius memorata, illam exhibet. Intima arteriæ tunica lævis est, polita, densa, strictè adhærens, & musculosam ex interiore parte vestit. Vix nisi sparsim aliquid fibræ simile

(a) Elem. Phys. Tom. 1, lib. 1, sect. 1, §. 8.

(b) l. c. lib. IV, cap. 8, pag. 57.

(c) l. c.

(d) Medical. Essays and Observ. l. c.

(e) Parte 1, pag. 242.

ab ea parte tantum, ubi a musculosa intima fuit separata, relictum, ostendit (a). Ab interiore facie, arteriæ cavum spectante, lævis est, atque æqualis, arteriæ cavum constituit, & libere facileque sanguinem contentum ruere sinit.

Arteria sic, quatenus ex tunicis constat, contemplata arteriolas, venulas, nervosque habet, in quos inquirere vix necesse est: ad ipsam potius arteriæ vim contrastilem indagandam, proxime me accingo. Contrahunt se arteriæ 1.^o *ex vi coherentiæ, quæ uti resistit elementorum separationi, ita propiorem reddere contactum perpetuo nititur* (b). Accedit 2.^o *vis elastica*, etiam in mortuis superstes, qua, cessante causa distendente, subito sese restituere conatur arteria dilatata. 3.^o Superaddita est *vis vitalis*; arteriæ enim minime partes mortuæ sunt, sed vivæ animatæ; si enim arteriæ tantum priores vires haberent, certe non valerent ad molem sanguinis propellendam, corpus enim elasticum si extendatur, ad pristinam diametrum sensim redit, adeoque necessitas hujus vis vitalis, aut si mavis *vis musculosa* (quam alii quarto loco addunt, ego autem cum vi vitali eandem esse sentio), maxime elucescit, nam cor nullo modo sufficit ad sanguinem in minima usque vascula, ut creditum quandoque fuit, peliendum, multoque minus sufficere potest, ad insignes resistentias, quæ in illis, ob inflexiones, & capacitates imminutas, necessario contingunt, superandas.

Robur arteriæ summam meretur indagationem, non pauca enim; ad Aneurysmatum explicationem-necessaria, inde prosuunt. Credebant olim arteriarum firmitates esse, ut diametros; hinc truncos ramis multo robustiores credebant, hinc robustam admodum arteriam aortam, tenerrimas vero, & fragiles esse arterias cerebri dicebant, excepta tamen arteria pulmonari, cujus robur ad aortam ut 110 ad 148 existimabant (c). E contrario vero hodie constat, ramos truncis esse robustiores, nec mirum; rami enim in majori compressionis periculo versantur, quam trunci: hi vero molliores quam sint, minus facile rumpuntur imperu cordis, majori in truncis, quam in ramis: dilatationibus tamen eos haud minus obnoxios esse, observata in posterum adducenda evincunt, licet non negavero,

(a) ALBINUS l. c. p. 33.

(b) CL. GAUBII Instit. Path. §. 209, n. 5.

(c) HALL l. c. p. 72.

plerisque Aneurysmatibus, saltem in aortæ principio obviis, arcum ejus seu curvaturam maxime ansam dare. In arteriarum autem robore determinando diligens inprimis fuit CLIFTONUS WINTRINGHAM (a), cujus de hac re experimenta satis multa si enarrare vellem, in nimis magnum excurrere deberem campum. Sufficiat ergo, si tantum unum, alterumve experimentum, quo opinio nostra modo proposita stabilietur, recensuero. Aortam arteriam, (cujus crassitiem in homine exp. 5. de aorta descendente nonæ partis pollicis esse, & pondus specificum ad aquam, uti 106 ad 100 exp. 1 censuerat,) in pulso aëre, ope machinæ, quæ eum in minus spatium arctabat, in juvene prope cor ab aëris vi, æquali ponderi 119 librarum, unciarum 5; inferiori autem loco pondere libr. 131 & unciarum 10, ruptam vidit, indeque aortam in progressu, quam ad cor in ratione 1794 ad 1000 firmiorem esse conclusit: Arteria vero splenica viri pondus librarum 41, & unciarum 8 tulit, roburque ad aortam uti 1319 ad 1000 habuit (b), & in alio experimento uti 1302 ad 1000 (c); arteriæ denique renalis robur ad aortam uti 51 ad 40 deprehendit (d). Plura talia experimenta ex dicto auctore, etiam ab Ill. HALLERO (e), pro magna parte collecta, enarrare possem, ex quibus tamen præcipue in animalibus institutis, & ex modo propositis satis liquet, arterias in universum quidem esse satis robustas, cæterum in ratione incerta, & variabili (f) densitates earum progredi; neque cum diametris arteriarum firmitatem minui, sed potius augeri, ita ut in universum trunci ramis suis debiliores fiant, unde etiam minus facile rumpuntur; quo molliora enim vasa, eo melius etiam impetum sanguinis majorem ferunt.

Omissis jam reliquis, quæ ad arterias pertinent, proximum est, ut quædam adhuc de ipso cordis motu subjungamus.

§. III.

Venæ cavæ, prope cor fibris musculosis conspicuis instructæ, sanguine, undique ex corpore redeunte, irritantur, contrahunt se,

(a) Experimental inquiry on some parts of the animal structure.

(b) Exp. 34.

(c) Exp. 36.

(d) Exp. 38.

(e) In Elem. Phys. c. h. tom. 1, lib. 11, sect. 1, §. 14.

(f) p. 60. 178.

illumque in atrium dextrum pellunt : hoc turget inde , & riget ; vocant *diastolen* seu *dilatationem* ; distensione autem irritatum contrahit se , quam actionem *systolen* , seu *contractionem* , dicunt ; mox depletur , & sanguis propulsus in ventriculum dextrum cedit , sanguis enim continuo per venas cavae allatus impedit , ne sanguis contentus eo repellatur , unde acceperat atrium , partim etiam sanguinis in venam cavam inferiorem regressum valvula EUSTACHII , supra descripta , prohibet ; ventriculus vero eo quidem tempore , quo in contractionem nititur atrium illud , contractus est ; vacuus vero quum sit , ad relaxationem pronus evasit , & , valvulis tricuspidalibus ad latera appressis , sanguini irruenti cedit ; ostio quoque arteriae pulmonalis hoc tempore a valvula tricuspidalis lacinia quadam obiecto. Huc delatus sanguis ventriculum dextrum replet , dilatat , & eum irritatione sua ad contractionem sollicitat ; hinc sanguinem pressum magna vi versus ostium arteriae pulmonalis pellit , eamque , dum simul sanguis in ventriculum impulsus valvulas tricuspidales a lateribus removet , ostio venoso apprimat , viamque in atrium praeccludit , liberrime intrat. Sanguis sic , valvulis semilunaribus lateribus appressis , arteriam pulmonalem ingreditur , distendit eam , & ad contractionem incitat , quae contracta , impedito sanguinis per valvulas semilunares refluxu , mox pellit eum per ramos ad furculos minimos , qui , in radículas venarum pulmonalium continuati , sanguinem suum ipsis tradunt , & sic quatuor plerumque venarum pulmonalium ope sanguis in atrium cordis sinistrum redit , quod iterum distentum , irritatum , & contractum , sanguinem suum (dum interim hujus regressum in venas pulmonales continuo affluens sanguis prohibet) in sinistrum cordis ventriculum , cedentibus valvulis mitralibus , urget , replet , distendit eum , atque irritat ; hinc contrahit se , & , dum valvulae semilunares lateribus applicantur , libere sanguinem suum in aortam projicit , quae per totum corporis habitum , exceptis pro parte pulmonibus , distribuitur , & per quam sanguis , minorum ramorum opè , qui omnes ex eadem sobolescunt , ad omnes partes pervenit.

In hac autem via magnas patitur resistentias ventriculus sinister ob aortae arcum supra descriptum ; plurimum enim illic inflectitur arteria magna , quo fit , ut incurvatus iste angulus sanguinis ejusdem impetum , & primum impetum excipiat , ac maximum ejus torrentem versus aortae truncum descendantem dirigat , ne sanguis , in supe-

riores aortæ ramos irruens, impetu suo molliſſimum cerebrum peſſime afficeret; hinc forſan *convexitas vaſorum ab iâibus ipſis ſanguinis eam in ſedem fortius nitentis, denſior fit* (a). Accedit quoque hic maxime conſideranda perpendicularis in latus arcus aortæ preſſio; ſanguinis enim columna, oblique per arteriam projecta, premit parietes arteriæ ſuæ ſecundum lineas, quæ in ejus ambitum ad perpendicularum incidunt; *Facilis eſt demonſtratio, cum obliquus iſte ductus in duas reâas lineas reſolvatur, quarum altera ad axin & ad parietem arteriæ reâiſſime parallela eſt, altera ad utrumque verticalis. Sed arteriæ nullo in animali a corde in reâitudinem exporriguntur, earumque ipſum principium arcus eſt. Quare in aortæ potiſſimum ea prima ſede, ejusque parie, in quam axis oſtii cordis ducit, aneurysmata frequentiſſima reperiuntur* (b). Hinc certe etiam in arcu illo aortæ frequenter invenerunt oſſificationes, quæ præcipue in ſenibus obviæ ſunt, quum in junioribus plus cedant parietes; & hinc potius ad Aneurysmata vera prædiſpoſitos illos obſervamus. Oſſificationis talis exemplum deſcripſit ROLAND MARTIN in Aſt. Acad. Reg. ſcient. Sueciæ; in cadavere nempe viri annorum 65 prope locum, ubi primi magni rami arcus aortæ ſeparantur, oſſiculum durum invenerat monetæ exiguæ magnitudine, ſed oblongum, in peripheria tenuius, & in margines cartilagineas, membrana interiore aliquo modo teſtas, deſinens (c). Similes oſſificationes collegit etiam Ill. HALLERUS l. c. in notis, & ipſe tales deſcripſit in *Opuſc. Path.* (d). Ubi auctor demonſtrat, ſquammas illas præcipue muſculoſam inter & intimam aortæ membranam concreſcere.

SECTIO SECUNDA.

DE ANEURYSMATIS ETYMOLOGIA, DIVISIONE, AC DEFINITIONE.

§. IV.

DE vocis Etymologiâ inter ſe minime conveniunt Auſtores. Placuit HIERONYMO MONTANO Aneurysma enervationem dicere, atque vocem, ab *α* privativo & *νεῦρον* nervus, derivare. JOH. BAPTISTA

(a) HALLERUS l. c. p. 74.

(b) Ibid. Tom. II, lib. VI, ſect. II, §. 5.

(c) Anni 1765, vol. XXVI, trim. 4, comm. 6.

(d) Obſ. 18, 19, 47 & 51.

SILVATICO autem dilatatio dicitur, & ab *εὐρύω* dilato deducitur. M. AURELIUS SEVERINUS e contra, illud ab *εὐρηναι*, exilire seu effluere, defumendum esse, voluit. Quicquid sit, vix opus esse censceo hanc dirimere litem, cum GALENO magis de rerum natura, quam denominationibus, sollicitus: id saltem constat, Aneurysmatis vocabulum non ubique apud veteres eodem sensu occurrere: GALENUS (a) nimirum, AETIUS (b), ÆGINETA (c), & AVICENNA (d), aliique inter veteres præstantissimi, Aneurysma adesse dicunt, quando arteria, quacunque etiam de causa, ita fuit vulnerata, ut sanguis effluat. E contra FERNELIUS in omni Aneurysmate arteriæ dilatationem adesse credidit, quam sententiam & VESALIUS fovisse videtur (e). Hac vero, a FERNELIO de arteriæ dilatatione proposita, opinione haud contentus SENNERTUS statuit, in quolibet Aneurysmate muscularis, sive internæ tunicæ arteriosæ, ruptionem adesse, externa interim, quam tenuem, raram, & mollem vocat, illæsa remanente (f). Quantum autem sententiæ hæc ratiocinio & observatis obster, cuilibet, qui JOH. FREINDIUM (g) super hanc hypothesin consuluerit, facile apparebit. E quibus ergo satis superque constare mihi videtur, apud veteres hujus vocis notionem non tantum fuisse incertam, verum idem nomen contraria sæpe indicasse mala. Optime autem recentiores, ut error omnis evitetur, Aneurysmata in *vera*, *spuria*, & *mixta* disjungunt, quæ, inter se maxime diversa, singularcm quoque expositionem requirunt: quam eo quidem ordine pertractare conabor, ut primi generis definitione tradita, subjungam etiam eam alterius, tertique generis, simili plane modo in causis, effectis, diagnosi, prognosi, & curatione exponendis progressurus, ut eo melius eorum generum insignis inter se discrepantia elucescat.

S. V.

Aneurysma verum mihi adesse dicitur, quando parietes arteriæ cujusdam spatium justo capacius circumscribunt.

(a) De tumoribus cap. II.

(b) Tettab. IV, Serin. III, cap. X.

(c) Lib. IV, cap. VI.

(d) Tract. II, cap. XVI.

(e) FREINDII hist. Med. pag. III.

(f) Tom. III Op. om. Med. lib. V, p. 2, c. XLII.

(g) l. c. pag. 113.

§. VI.

Aneurysma spurium definitio, quod sit arteriæ cujusdam parietum, qua integri requiruntur, ob cohæsionem fibrarum vere solutam perforatio, quæ humores contentos in vicinas partes elabi finit.

Hoc autem genus in duas iterum inter se diversas species a Cl. G. HUNTERO (a) subdividitur, quarum prior *diffusa*, altera *circumscripta* dicitur.

Per *diffusam* intelligit arteriam, ita vulneratam, ut sanguis per contextum cellulosum in vicinarum partium interstitia diffundatur, atque Aneurysma formet, levi tantum pulsatione prope arteriæ aperturam conspicuum, & emphysemati, aut anasarcæ, respectu fluidi extravasati, plane non ablimile (b). *Circumscripta* vero ipsi dicitur arteria ita læsa, ut sanguis emissus in sacco quasi peculiari a cellulari membrana, arteriam circumcingente, firmiore facta, vel & a superjacente membrana aponeurotica confecto, hæreat, ita ut *verum Aneurysma* simulet, non nisi caussis prægressis ab eo rite distinguendum (c).

§. VII.

Mixtum Aneurysma, quod Cl. HUNTERUS invenit (d), in eo tantum consistit, quod vena, penitus pertusa, cum subiecta arteria, ab ea quoque parte, qua venæ contigua est, vulnerata, coalescat ita, ut sanguis ex arteria directe in incumbentem venam a superiori parte jam consolidatam intret.

§. VIII.

Hisce igitur generibus, de quibus nullum dubium superesse videtur, stabilis, quæstio mihi moveri posset, utrum jure quodam huc referatur *Cardiacum Aneurysma*? An vero potius cum Cl. LIEUTAUD statuere debeamus: *de cordis Aneurysmate perperam mentionem subjecisse nonnullos auctores, quibus hoc titulo insignire lubuit vulgarissimam thalamorum dilatationem, quæ toto cælo a genuino Aneurysmate*

(a) Medical Observations and Inquiries Vol. I, art. 26, p. 337.

(b) Ibidem.

(c) Ibidem p. 337 & 338.

(d) Ibid. pag. 340.

dilat (a). Pace autem Illustrissimi Viri dixerim, concedi utcumque posse, quod cordis structura, firma admodum, intignes has distensiones ferri posse non tam facile videatur, inveniri tamen casus, ubi causa dilatationis nimiae, vel in corde ipso, vel in vasis ipsi vicinis manifesta, & ipsa quandoque dilatatio tam immanis fuit, ut summo proinde jure Aneurysmatum vocabulo insigniri possint. Invenit certe Cl. MECKELIUS cor, ob aortam nimis angustatam, tantopere distentum, ut totum pectus sinistrum adimpleret (b), & Ill. MORGAGNUS eadem fere de causa cor, ita ampliatus, conspexit, ut dicat majus fuisse, quam si duo corda in unum conjungerentur (c). Ex quibus, ut alias cordis Aneurysmatum historias memoratu dignissimas, a per multis auctoribus descriptas, omittam, satis constare mihi videtur; non ita absurde similibus cordis affectionibus Aneurysmatis nomen a quibusdam auctoribus inpositum fuisse, eoque minus, quum in causis horum malorum pertractandis visuri simus, praecipue has cum iis, quae Aneurysmata vera in arteriis producere valent, facile comparari posse.

Nec adversariorum argumenta infringere videtur, quod idem Auctor de crustaceis sanguinis concreti lamellis desumit, quas plane deficere in his casibus asserit; lamellae enim hae hujus mali indolem nequaquam absolvent, sed potius pro effectu Aneurysmatum, neque facile tamen pro symptomate individuo haberi possunt; cor nempe, continuo agitur, undique sese contrahit, atque contenta expellit; non aequae facile ergo hic, quam in reliquis saccis Aneurysmaticis, qui sese tantum pro parte contrahunt, sanguis retinetur, retentus in concreciones polyposas mutatur, factae hae internae cordis dilatati superficiei apponuntur, unde non mirum, raro observatas fuisse ejusmodi concreciones intimae cordis superficiei adhaerentes.

Facilior vero Auctor videtur in altera *Aneurysmatis Cardiaci* specie admittenda, quae a *dilatatione vasorum coronariorum* dependet, & a Cl. MATANO *Idiopathicum cordis Aneurysma* (d) vocatur.

Omitto jam minoris momenti Aneurysmatum species, qualis imprimis illa est, quae Cl. HUNTERO adesse dicitur, quando, externa arteriae

(a) Synopf. Univ. Prax. Med. parte 1, p. 106.

(b) Hist. de l'Acad. Royale des Sciences & Belles-Lettres a. 1750, art. 5.

(c) De sedibus & causis morborum &c. Epist. xviii, art. 4.

(d) De Aneurysmaticis praecordiorum morbis §. 7.

arteriæ tunica læsa, interna; vel, hac lacerata, externa dilatatur (a). Quo spectat etiam *Mixtum* illud *Aneurysma*, quod secundum Cl. MONROUM tale arteriæ vitium dicitur, quando ejusdem tunicæ, prius dilatatæ, deinde rumpuntur (b). Hæ enim species, dum ad priores reduci facile possunt, speciali pertractione non egent, neque illæ, quæ a situ suo interno, vel externo, natura quamvis eadem, ac supra definitæ, gaudeant, *internæ* quoque, vel *externæ* vocantur, quas ideo sub priorum definitorum Aneurysmatum titulo exponemus.

SECTIO TERTIA.

DE ANEURYSMATUM CAUSSIS.

§. IX.

ANEURYSMATIS VERI causam proximam consistere in arteriæ cujusdam parietum, nimium inter se distantium, spatio, justo capacius circumscripto, in definitione vidimus: in remotas ergo potius nunc inquiramus causas, quas, ut secundum ordinem Cl. & semper venerandi Præceptoris, GAUBII, sibi in magnitudine cavi prætermodum aucta exponenda propositum (c) incedam, ad sequentem imprimis *Aneurysmatis veri* fontem reduco: *sanguinis*, nimirum, *majori vi in latera vasis actionem distendentem, quam hæc superare contrahendo queant.*

Vidimus supra, quibus viribus gaudent arteriæ, ut contra sanguinis vim distrahentem fulciantur; hanc inter, & vires pag. 370 recensitas, addita, quam ab incumbenibus acquirunt, pressione externa, æquilibrium datur, & antagonistarum munere inter se funguntur: hinc una, alterave potentia sublata, tollitur illud æquilibrium, & mala nascuntur haud exigua: imminuta v. g. vi distendente, eadem licet manserint vires arteriarum contrahentes, cavitas imminuitur; econtra hisce debilitatis, vis distendens augeatur, & Aneurysmata creantur. Fit ergo hic, quod in permulis corporis partibus contingere videmus; infirmatis e. g., vel quocunque etiam modo læsis musculis abdominalibus peritonæum integumentibus, viscerum abdominalium herniæ

(a) l. c. pag. 330.

(b) *Essays and Observ. Physic. and Liter.* Vol. III, p. 236.(c) *Inst. Path. Medic.* §. 203, n. 1.

nascuntur; ob ossium calvariæ teneritudinem, molliem nimiam, seu inæquabilem, aut in his ossificationum defectus, (quorum egregia specimina a Cl. G. VAN DOEVEREN, & E. SANDIFORT, Præceptoribus honoratissimis, demonstrata vidi) aliasve causas cerebri fulcrimentum externum, quod ab ossibus habet, infirmantes, exortas in infantibus recens natis cerebri hernias lustramus: atque aëris pressione externa, quam in nostrum corpus a 34000 ad 39000 libras æstimant auctores, in quadam N. C. parte quocunque etiam modo imminuta, cutem in tumorem insignem elevari, ejusque vascula sanguine mirum in modum distendi videmus; hoc autem in producendis Aneurysmatibus quoque locum habere, exemplo venatoris egregie illustratur, qui, in latus dextrum tubitissime caput suum flectens, illud non nisi summa cum difficultate reducere potuit, vixit dein deglutione, & respiratione difficillima, summoque totius corporis languore: post quindecim vero elapsos menses moritur, &, aperto cadavere, aortam maxime dilatatam, & ingentem in arteria subclavia dextra, ob violentam admodum distractionem, enatum saccum Aneurysmaticum mirati fuere adstantes (a). Quæ omnia docent solidorum continentium viribus, quibus vi contentorum distendenti resistunt, imminutis, tumores enormis quandoque magnitudinis elevari: ut vero de vi distendente imminuta dictum probeur, sufficit intueri, quæ sunt in infantum canali arterioso, ubi recens natus respirat, per pulmones sanguinem libere pellit, neque amplius ejusdem per hunc canalem traiectione eget; quod de vasibus quoque umbilicalibus ex Anatomicis constat; simulac enim in his vis distendens agere cessat, cavitates eorum deletur, & ligamentorum formam induunt.

Paucis ergo videamus, quænam illæ causæ sint, quæ vires parietum arteriarum contrahentes debilitare valent. Spectant præcipue huc:

1.^o *Congesta uberior sanguinis moles*; hinc in infantibus non tantum ob nimiam ciborum ingluviem; sed & in ipsiis foetibus, utero adhuc contentis, ob miram totius corporis, quæ ipsi ad eo promptiorem nutritionem summopere necessaria erat, gracilitatem, Aneurysmatum præcipue cardiacorum frequentia innotescit: in his enim cor, nimia sanguinis quantitate oppletum, facillime distendi, & vires suas contrahentes amittere, observata, circa Aneurysmata, in foetuum una

(a) l'Acad. des Sciences l'an. 1700, p. 50.

alterave cordis auricula haud raro obvia, testantur; nec mirum, quum constet eo celeriore cordis contractionem esse, quo homo suæ origini propior est, adeoque, licet arteriæ maxime etiam hac ætate contractiles sint, cito tamen cordis contractionibus frequentissimis sanguine ita obruuntur, ut vel cedere, vel rumpi cogantur: sed continuo tantum per arteriarum fines expelli debet, quantum cor in eas inpulit: accumulabitur ergo sanguis in corde, vasisque majoribus, & parietes eorum ultra modum distenti ad Aneurysmata sensim disponuntur.

2.^o *Sanguinis volumen expansione auctius*; in statu naturali inter se proportionatæ sunt arteriarum vires, & vis earum latera distendens; si ergo sanguis quacunquē etiam de causa rarefiat, vires contrahentes superabuntur, &, accedentibus aliis causis prædisponentibus, arteria, hic illic magis debilitata, dilatationem nimiam, immo, ni per v. l. cito huic humorum rarefactioni succuratur, ipsam quando rupturam portendit, quod in hæmoptoë, aliisve morbis nimis frequenter fieri videmus, ut mihi Cl. HAZON videatur, summo jure capacitatem cordis ventriculi dextri naturali duplo majorem nimio opii usui adscripsisse, quum certum sit, opium humores N. C. magnopere rarefacere (a).

3.^o *Impeditus trajetûs*; qualis haud raro nascitur a polypo, arteriæ cavum ita opplente, ut vel plane sanguinis transitus denegetur, vel saltem difficillimus reddatur; unde fit, ut cor hanc sibi molestam resistantiam, præcipue si ipsi vicina fuerit, superare tentet, & arteriarum fibras debilitando, saccum aneurysmaticum formet. Qualem polypum, aortæ Aneurysma in cadavere CAROLI PATINI detectum, & quasi aliud cor pericardio suo inclusum, representantem, præcessisse, & ægotanti magna mala intulisse ferunt (b). Ne jam memorem multiplices arteriarum angustationes, ossificationes, aliasve causas, liberum sanguinis per vasa sua trajetum impediētes, & in posterum, ubi de cardiacis Aneurysmatibus causis agam, latius tractandas.

4.^o *Impetus advehi sanguinis enormis*; quicquid motum sanguinis progressivum intendere valet, symbolam suam hic conferre poterit; notum enim est, sanguinis motum a frequentiori ac validiori cordis

(a) Journal de Médecine, Chirurgie, Pharmacie &c. par M. VAN DER MONDE, Tom. IX, p. 516.

(b) ALEX. KNIPS MACOPPE in Epiß. edita Brixie an. 1731, §. 3, pag. 3;

contractione maxime augeri, & vim illam, qua arteriarum latera ab axi recedere coguntur, in ratione composita ex frequentia, & robore contractionum cordis majori incrementum: arteriæ hinc, quæ semper sunt in diastole, quum cor est in systole, omnem ejus, qua arterias magis dilatare conatur, actionem sufferre debent, unde maxime earum latera urgentur, ut ab axi recedant, & omnes, ex quibus constantur, fibræ distrahuntur, ut sanguini impetuosi irruenti majus nascatur spatium. Hinc nixus & motus vehementiores ob vomitum, clamorem (a), ob animi pathemata, præcipue iram & terrorem, tussis convulsivas infantibus, partum difficilem in parturientibus, aliæque magnæ corporis agitationes, viriumque contentiones, toties his malis ansam dederunt. Nec parum quoque huc contulerunt quicumque morbi spasmodici, in quibus sanguis magna vi versus præcordia congeritur, ibique cordi, vasisque majoribus insignem vim inferunt, malum v. g. hystericum, hypochondriacum, asthma convulsivum, epilepsia, ipsumque febrile frigoris stadium.

5.° *Parietum robur imminutum*; quatuor præmissæ causæ huc referri debent, agunt enim parietum arteriarum robur imminuendo: dantur tamen adhuc innumeræ aliæ, quæ vel dependent a *depravatione totius corporis*, ob morbum v. g. diu passum, malique victus abusum; unde humorum cacochymia, epilepsia, aliæque mala infantes ob incuriam, penuriamve parentum haud raro invadunt; ob aëris qualitates noxias; climatum naturam, & locorum humiliorum, ac paludosorum constitutiones insalubres; coitum immodicum; mensium suppressionem, eorumve fluxum nimium, ac fluorem album; ciborum quantitatem nimiam, & qualitatem depravatam; labemque veneream &c.: vel a *topica arteriarum debilitate*, nata e. g. ex parietum arteriæ irrigatione, indeque indurata molliiæ, ac arrofione a materia purulenta, ichorosa (b), ex prope sito abscessu, vel ulcere maligno profuente; ex contusione qualicumque; tunicæ unius, pluriumve

(a) In carotide ex vehementissimis clamoribus obortum Aneurysma, quod, comprimendo asperam arteriam, ægro mortem intulit, Cl. Præceptor GAUBIUS vidit. (conf. VAN LEEUWEN diss. de Aneurysmate vero pag. 31.)

(b) Notandum tamen non omni tempore causam hanc Aneurysmata producere; vidit certe Exp. PUTHOD (ut scribit M. MORAND in opuscul. de Chir. Tom. 1, pag. 225.) arterias crurales, & epigastricas per longum tempus materia purulenta, ex abscessu in inguine profuente, irroratas, licet nullum vitium inde in ipsis vasis contingerit, ad interim tamen puris acrimonia tanta erat, ut vel os pubis carie fuerit affectum. Minime autem meris speculationibus tantum inniti hanc a nobis propositam causam, ex iis, quæ apud

vulnere a causa externa, secante, pungente &c., vel interna distrahente, & dilacerante; aut arrosione ob humorum acrimoniam, sive fuerit scorbuto, labe venerea, vel remediorum mercurialium usu (a) sanguini indulta, hisque similibus.

6.^o *Eorum, quibus a foris fulciuntur arteriarum parietes, ablatio;* Supra jam vidimus, quomodo, ablato externo, quod intestina a peritonæo, cerebrum a calvaria habent, fulcimento, herniæ eorum cavis contentorum haud raro contingant; simili plane modo & hic arteriarum dilatationes a fractis (b) v. g. vel luxatis, quibus ipsæ accumbebant arteriæ, ossibus, oriri queunt; hoc enim in casu vis distendens sanguinis arteriarum vires contranitentes superare, & earum latera in saccum aneurysmaticum distrahere debet. Hinc, si a carie, quacunque etiam de causa enata, vicinum os fuerit exesum, ipsi accumbens arteria, deficiente fulcro, in simile vitium facillime incidere potest. Evincit forte hoc illud a Cl. TARGIONIO annotatum exemplum, & ab Ill. MORGAGNO (c) memoratum: invenerat nempe magnam foveam in thoracis vertebri excavatam, eique oppositam venam sine Pari admodum varicosam, quod vitium verosimiliter inceperat, cum vertebrae ob ætatem non amplius cederent; post læsam per glandem plumbeam claviculam, insequentem vidit arteriæ subclaviæ saccum aneurysmaticum Cl. ACREL (d); & obortum Aneurysma Arteriæ Femoralis post ossis fracturam JOË. WARNER (e) describit.

7.^o A paucis auctoribus haud immerito *arteriæ contranifus ad idum subitanæ percussiois superadditur.* Hoc in casu, quum arteria est in diastole, omnem percussiois ictum excipit; hinc ejus fibræ distrahuntur, & divisæ saccum aneurysmaticum formant. Vidit LANCISIUS hominem 45 annorum, sanum & fortem, qui, per publicam viam incedens, a quodam ex ludentibus sphaera buxæ in læva dorfi

MORGAGNUM (in lib. II de sedibus, & causis morborum &c. Epist. XVIII. a 17. XXVI. a 17. XXVII. a 2. 22. & seq.), & apud LANCISIUM (de motu cordis, & aneurysmatibus part. II. prop. 32.) occurrunt, egregie confirmatur, quorum posterior bina exempla citat, ubi tumor veneris claviculam occupabat, unde, vicina arteria subclavia erosa, Aneurysma nascebatur.

(a) LANCISIUS l. c. prop. XXXIV.

(b) Tale exemplum CHARLES WHITE narrat (cases in surgery pag. 141.)

(c) l. c. Epist. XVIII. a 29.

(d) Vid. Cl. SANDIFORT *Natuur- en Geneeskundige Bibliothek 3de Deel iste Stuk, p. 152.*

(e) Cases in surgery cas. XXII.

parte vehementer percussus fuit, pars autem læsa præter contusionis indicia nihil monstrabat, remanente tantum sensu molesto, eo in loco, donec post 4 annos de profunda in loco percusso pulsatione, sensim increfcente, conquereretur, & tumor, in gibbam prope spinam elevatis & corrosis costis, ab audacissimo Empirico pro abscessu habitus, crudeli ferro aperiretur, ita ut sanguinis flumen tanta erumperet extra alveum suum celeritate, ut animam secum rapuerit a corpore (a). Et, ut exemplum N. N. HOLTORFII (b) & aliorum omittam, unicum casum ex Cl. SWIETENIO addo, quem observavit in homine pusillæ staturæ, qui, vespere per tenebras incedens, pectus dextrum validissime palo impingebat, acerbo in summa pectoris regione vexabatur dolore, paulo post tamen iterum cessante: elapsis vero aliquot mensibus, insolitam pulsationem sensit æger sub dextra clavicula sensim aucta, anhelabat cito, ad suffocationem quandoque usque; sic per annum languens, subito periit. Aperto cadavere invenit Cl. SWIETENIUS arteriam subclaviam dextram in saccum ingentem dilatatam, & adeo extenuatam, ut sanguis contentus transpareret, & levi tantum vulnuscule inflicto, ingens copia sanguinis concreti eruperit (c).

E quibus liquet, haud immerito, causam hanc, ultimo numero indagatam, primarias inter Aneurysmatum causas annumerari. Descriptis vero his plures forte aliæ causæ superaddi possent, quas autem, ut minus frequentes, vel facile ad has classes referendas, omitto.

§. X.

Aneurysmatis spurii causas jam indagaturus, necesse est, ut ex definitione hujus generis repetam, ejus naturam consistere in arteriæ cujusvis parietum solutione continui, ita facta, ut humores contenti in partes vicinas effundantur. Ad remotas vero causas spectant:

1.^o Vires Mechanicæ externæ, secantes, pungentes, contundentes, dilacerantes, hinc v.g. V. S. nimis imprudenter institutæ toties morbum hunc intulerunt, nec non punctiones gladiatorum, aliorumve instrumentorum pungentium ope, qualem casum de homine SAVIARDUS narrat, cujus arteria cruralis in interiore, & superiore femoris parte ab adactio

(a) l. c. prop. XXI.

(b) In Diff. de aneur. in cap. pueri XI annorum Argentorati edita an. 1722.

(c) Tom. I. Comment. ad aph. præf. BOERH. p. 288.

in eum locum gladio ita vulnerata erat, ut sanguis effusus, in interstitiis musculorum magna quantitate collectus hæreret (a). Immo ipsa Aneurysmatum verorum, ab imperitiis pro abscessibus habitorum, audax incisio haud raro huic malo ansam dedit, & subitanæ mortem, ut in supra citato Cl. SWIETENII exemplo confirmatum vidimus, miserimis ægris, bona spe crudeli lanceolæ sese subjicientibus, quandoque intulit. Et, ut quoque de vi contundente constet, sufficiet attulisse memorabile illud exemplum ab Exper. viro D. MUMMSEN (b) communicatum: Juvenis nimirum robusti, annorum unde viginti, quum effrenatum equum effugere volentem cauda retinere contenderet, pectus tam violenter illius calce percutiebatur, ut resiliens humi prosterneretur supinus: resurgens tamen subito, & iracundus in stabulum properatus, paulo post mortuus concidebat. Examinato cadavere, sternum quatuor, & dimidium pollicem circiter supra cartilagineum xyphoidem transversæ fractum, ejusque pars inferior superiori parte longe depressior facta deprehendebantur; sternum autem sublato, non nisi exigua sugillatio in mediastino, nihilque effusi sanguinis in ipso pectore, sed magna seri pellucidi (quod vel semilibræ pondus superabat) & sanguinis coagulati, cor ipsum, ejusque aurículas undique adhærentis, copia in pericardio sese offerebant. Perpendicularis quoque hiatus, per quem sanguis effluxerat, in auriculæ anterioris margine detegebatur, in extremis angustus, & in media parte magis distans dimidii pollicis longitudine, & in inferiori cœco auriculæ sine præcipue conspicuus. Præter hanc aperturam, in auriculæ anterioris parte exteriori obviam, adhuc alia in interiori auriculæ parte, super annulum nempe ostii auricularis ventriculi dextri, venoli dicta, conspiciebatur fissura transversa, pollicem cum dimidio fere longa, non tamen ad ipsum auriculæ septum penetrans, cujus labia, parum inter se distantia, filo quodam transverso retinebantur. Tertia denique fissura in membrana, quæ foramini ovali, in foetu semper hianti, prætenditur, in adultis vero plerumque accreta invenitur, conspicua, transversa similiter erat, a columna nempe anteriori annuli ovalis versus posteriorem directâ; labia ejus, filamentum exiguum non satis retenta, ita distabant, ut libera proinde ex anteriori auricula in posteriorem daretur via.

(a) Obs. Chir. Obs. LXIII.

(b) In diss. de Cordæ rupto LIPSIÆ a. 1764 edita.

Casum hunc, nitidissimo iconæ citatæ diss. annexo illustratum, & a LUDWIGIO *Advers. suis Medico-Præcticis* insertum (a), huc retuli, ut inde pateat, quantum contusiones valeant, ut Aneurysmata creentur.

2.^o Huc referri debet *ruptio*, *ῥήξις* dicta, ex vi interna distendente ob causas §. præcedenti expositas enata; omnes enim causæ, quæ ad Aneurysmata vera inducenda quicquam conferre valent, valebunt etiam, si vel violentiores fuerint, vel diutius duraverint, hoc Aneurysmatum genus inferre; quare haud opus erit easdem hic repetere: liceat tantummodo breviter monuisse, præcipue illam causam huc spectare, quam sub titulo *impetus advehi sanguinis enormis* descripsi: testantur nimirum observata, haud raro ex sanguinis congestione nimia versus cerebrum, effuso nempe eodem, apoplexiam; versus pulmones hæmoptysin; versus ventriculum vomitum cruentum &c. oriri; quæ affectiones plerumque arteriarum rupturæ adscribendæ sunt. Nec tamen tantum hoc de minoribus arteriis sic intellectum velim; idem certe in majoribus fieri sequens memorabile exemplum evincit: vir sc. quinquagenarius affectionibus hypochondriacis frequenter obnoxius, gulæ atque vino mire indulgens, temperamenti sanguineo-bilioli, postquam facies rubore admodum perfusa erat, & scommata varia, ac vaniloquia protulerat, subito gurgite cruento ex ore effluente, mortem inopinatam obibat; aperto cadavere, ac lustrato thorace, arteria pulmonalis plane disrupa inveniebatur, ex qua 12 propulsæ sanguinis libræ statim post discissionem eruperant, & forsan plures erupissent, si non post obitum obturaculum faucibus fuisset immissum (b).

3.^o Nec minori jure his causis *arteriæ erosio ab acribus*, quam *διάβρωσις* vocant, annumeratur. Acrimonia enim qualiscunque sive generalis, sive particularis, humoribus ex causis (in §. præc.) passim notatis, inducta, arteriarum parietes ita disponere potest, ut, externa inprimis accedente causa, facile erodantur. Mirum enim, quantum humorum acrimonia valeat, ad solidas nostri corporis partes erodendas: scorbutus v. g. vel durissimos dentes erodit: lues venerea maxima & fortissima corporis ossa in cariam convertit, & ipsum quoque

(a) Vol. 1, parte 1.

(b) MATANI de Aneurysm. præcordiorum morbis §. 63.

quoque cancrosum virus dira tæbe vicina omnia absumit; ne dicam jam, quot, quantosque effectus in ossibus, reliquisque corporis solidis haud raro producat materies purulenta, acris, ichorosa, quæ viscera non tantum exedere, ossa erodere, sed & totam eorum substantiam plane destruere valet, ut facile quis concipiat casum, a LANCISIO observatum in homine quadragenario, ob fortunæ suæ tenuitatem pravis alimentis nutritum, & acrimonia humorum (quæ verosimiliter ad morbum hunc producendum plurimum contulit) arque nativæ arteriarum gracilitate laborantem, qui, cum prægrandem, & summi ponderis arcam ligneam, baculis etiam oppositis in locis coadjuvantibus, ab uno in alterum locum amovere conaretur, vehementissimum ictum ipsius angularis arcæ partis in summo sterni excipiebat, cui infortunio post prægressam sanguinis sputorum ejectionem cum levi tussi, atque profundum eo in loco relictum dolore, superveniebat fortis quædam pulsatio, quam tandem lenta mors post annum ab accepta percussione terminabat. Aperto cadavere pars interior sterni carie obfessa, & in cavam figuram, sub qua tumor aneurysmaticus latebat, elevata, ipsumque Aneurysma ex parte antica, & dextera flexuræ Arteriæ aortæ, magnitudine sua malum Punicum referens, ortum deprehendebantur (a). Ne memorem jam casum, facile forte huc referendum, quem de homine, ex Aneurysmate vita functo, CL. MATANUS refert, cujus ventriculus mirum in modum sanguine, qui ex arteriæ aortæ Aneurysmate in ejus cavum influxerat, distentus erat. Tumor nempe aneurysmaticus, œsophago adhærens, talem sibi viam fecerat, ut sanguis directe ex aorta in œsophagum transire posset (b). Plura similia exempla apud SAUVAGES (c), MORGAGNI (d), aliosque occurrentia, huc referri possent, si hanc rem ulterius comprobare necesse foret; quum vero ex allatis satis constare mihi videatur, humorum acrimoniam, sive ea totam sanguinis massam infecerit, sive peculiari tantummodo loco enata, insigni arteriarum & vicinarum partium parietes erodendi facultate gaudere, quo fit, ut abstrusissimi quandoque morbi excitentur, Medicorum admirationem abripientes, & in formandis indicationibus pessimis

(a) l. c. part. II, prop. XXII.

(b) l. c. §. 62.

(c) Nos. Method. Tom. III, p. 2, ord. 1 de hæmatemesi n. 2.

(d) De sed. & causis morborum &c. lib. II, epist. XVIII, art. XXVI.

erroribus anſam dantes, ita ut, teſte MATANO, ægroto, qui chronico antea morbo correptus putabatur in hydropem incidiffe, diuretica remedia propinaverit Medicus, quorum uſu in irritum delapſo, improvifus tandem interitus cunctorum ſpem eludebat: communis tamen omnium ægrotum hydropem exſtinctum fuiſſe reſtabat conſenſus, quum ſimilia, quæ aſciten concomitari ſolent, ſigna præceſſiſſe ſemet perſuaſum quilibet haberet. Luſtrato autem cadavere, non ſerum, non aqua, ſed cruentus prodibat gurgis ex aortæ trunco, circa emulgentes arterias diſciſſo, erumpens (a).

§. XI.

Aneurysmatis Mixti naturam conſiſtere in communicatione, venam inter & arteriam relictâ, ex pertuſa vena, arteriæque ſubjectâ læſione ita enata, ut venæ vulnus exterius cum cutaneo coaleſcat, interior vero venæ apertura cum ea arteriæ communicationem alere pergat, ſupra jam in definitione vidimus. Ut autem de cauſa aliquid dicamus ad Cl. HUNTERUM conſugiendum eſt, qui primus hanc Aneurysmatis ſpeciem obſervationibus illuſtravit (b).

Quam *Hunteri obſervationem* poſtea Cl. CLEGHORN ſingulari quoque caſu confirmavit, fateri haud erubescens, ſeſe hujus obſervationis diagnoſin accuratiſſimæ Ill. HUNTERI deſcriptioni debuiſſe (c), &, quamvis placuerit ipſi potius ſpeciem hanc nomine *Varicis Aneurysmatici* inſignire, eandem tamen cum Cl. HUNTERO ſervavit definitionem, cauſæque indigationem, quam ambo in venæ ſedione nimis imprudenter inſtituta, ita ut, vena penitus pertuſa, laſa quoque fuerit ſubjacens arteria, poſuerunt; quæ tandem obſervata Peritiſſimi Chirurgi ELSE, WHITE, & ARMIGER evicerunt: Si nimirum, facto tali Aneurysmate, quacunque etiam de cauſa vulneris inferioris venæ, ejusque arteriæ coalitio impediatur, dum interim cura Chirurgi ſuperius venæ vulnuſculum ad cicatricem deducatur, vitium aderit, quod de veri, quodque de ſpurii Aneurysmatis ſpecie participabit, cujus rei veritas magis conſtabit, quando in ſigna hujus ſpeciei diagnoſtica exponendo verſabimur, & ſingulariſſimas, a nominatis viris annotatas, obſervationes paucis enarrabimus.

(a) Ibidem.

(b) Med. obſervations and Inquiries vol. 1. art. XXVI, & vol. II. art. XXXVI.

(c) Obſ. Med. Tom. III, p. 110.

§. XII.

Duas Aneurysmatis Cardiaci dari species, antea jam innui. Harum una cordis cavitatis capacitatem justo majorem; altera autem ejusdem vasorum coronariorum dilatationem nimiam, ut causam proximam, agnoscit. Prioris causæ remotæ, quas eo quidem prolixius hic investigabimus, quum permulti sint auctores, qui huic speciei vel fidem denegant, vel saltem ejusdem frequentiam, qualis ab aliis descripta fuit, in dubium trahunt, præcipue hæ sunt:

1.^o *Hæreditaria ad cordis Aneurysma dispositio.* Testantur enim observata, a prima quandoque ætate cordis cavitates, quo ad fibrarum nexum, ita fuisse debiles, ut, levi tantum accedente causâ procatarctica, in saccum aneurysmaticum sese dilataverint, & sane talem dispositionem Cl. LANCISIO in Nobili quadam familia observare licuit, in qua nimirum quatuor se ordine excipientes generationes, Proavum nempe, Avum, Patrem, & Filium pessimo hoc mali genere vexatos fuisse novit (a).

2.^o *Enormis advehi sanguinis impetus versus cor* summo quoque jure huc referri posse videtur; si quacunque etiam de causâ sanguis ab exterioribus N. C. partibus interiora versus compellatur, obruuntur præcordia, sanguinis trajectory per cor, ac vasa ipsi vicina impeditur, & anxietates quandoque immanes exoriuntur; fibræ hinc vel auricularum, ventriculorum, arteriæ pulmonalis, vel aortæ divelluntur, &, continuatis alternis cordis palpitationibus, sensim sensimque tono suo orbantur. Neque causam hanc meris tantum speculationibus niti, evincet auctoritas perspicacissimorum in re medica Virorum, BONETI puta, LANCISII, MORGAGNI aliorumque, quorum scripta satis superque demonstrant, a diu passis cordis palpitationibus, corporis animique commotionibus validissimis, præcordiorum morbis variis, deformatibus v. g. organicis, catharrhis, asthmaticis, aliisque innumeris diversæ indolis affectionibus convulsivis, epilepsia, malo hysterico, & similibus haud raro cordis Aneurysmata enata fuisse: quo inprimis etiam spectare mihi videtur febrile trigroris stadium, in quo ex omni ferme corporis ambitu externo humores interiora versus propelluntur, præcordia invadunt, & necessario immanem vim distrahentem in cordis, vasorumque majorum fibras, exerunt.

(a) De motu Cordis & Aneurysm. parte II, prop. XLVII.

3.º *Impeditus liberior sanguinis per cordis cava trajetūs* præcipue huic malo ansam dare potest : quæcunque ergo obstacula , in arteriis hærentia , sive fuerint enata in arteria pulmonali , sive in aorta , huc spectant : qualia sunt valvularum incrassatio nimia , in substantiam cartilagineam degeneratio , imo quandoque ossificatio , qualem a Cl. MORGAGNO in arteriæ pulmonalis valvulis semilunaribus observatam legimus , ubi valvulæ colligatæ quasi videbantur (*a*) : quibus annumerandæ quoque sunt valvularum protuberantiæ , ex adnatis introrsum excrefcentiis obortæ (*b*) , ipsarum arteriarum prominentiæ , atque tubercula , earum ossificationes , quarum innumera exempla idem auctor libro citato allegat , vasorum cavitas quacunque etiam de causâ multum imminuta , sive ex corporibus heterogeneis intus enatis , sive a spastica constrictione , sive ab alia quavis externa causâ comprimente , aut & connata præternaturali arteriæ angustia illata ; quo præcipue spectare videtur observatio illa a Cl. MECKELIO descripta (*c*) , & (§. IX) verbo memorata , foemina 18 annorum , quæ jam a tenera ætate anxietatibus , & universali corporis tremore , cordisque palpitationibus vexata , post mensium suppressionem , atque passam syncopen , ad plures abierat : lustrato enim cadavere , aortam ita angustatam invenit Cl. AUCTOR , ut dimidiam vix pulmonalis arteriæ æquaret diametrum ; cor autem , totum latus sinistrum occupans , prægrande erat , justo capaciorem pericardio involutum , flaccidum tamen , & ventriculis ambobus æque robustis gaudens . Qualem casum & exhibet Ill. MORGAGNUS (*d*) , ubi , præter vitium coarctationis , jam a primordiis innatum , concurrat etiam frequens , & diuturna corporis in anteriora incurvatio , qua fit , ut magni inferiores arteriæ rami non uno in loco ad angulos flectantur , & flexi , continuata hac incurvatione , retineantur , sed insuper , quo magis antrosum curvatur corpus , eo magis ventris viscera , & per hæc quoque diaphragma comprimuntur , ut minus expeditus sit per ventrem ac thoracem sanguinis motus , arteriarum ramis , truncoque ipso contractis , & magis in angustum redactis : nascetur hinc , ob

(*a*) Lib. 1. de sed. & caus. morborum , &c. ep. XVII , art. XII.

(*b*) MORGAGNI *ibid.* ep. XXIV , art. XVIII.

(*c*) Hist. de l'Acad. Royale des Sciences & Belles-Lettres de l'année 1750 , com. 5.

(*d*) l. c. epist. XVIII , art. IV.

impeditum per arteriam magnam trajectum liberiorem, sanguinis accumulatio in corde eo major, quo ipsa fuerit in arteriarum cavo resistentia magis adaucta, &, crescente vi distendente, magis magisque distrahentur cordis fibræ, ut tandem vel plus cedere, vel rumpi cogantur.

De his autem omnibus adhuc id monendum est, quod, nata in arteria aorta resistentia, Ventriculus sinister, in pulmonali eontra, dexter cordis Ventriculus magnopere soleat distendi, ut Cl. MORGAGNI (a) aliorumque observata evincunt: quare errasse crediderim Cl. LANCISIUM, dum scribit, cum ad aortam est obstaculum, dilatationem in dextris cordis cavis plerumque solere accidere: cum vero in sinistris accidit, fere semper in Auricula, non in Ventriculo observari, idque patere in casu, relato a JOS. BONETO Anat. Praef. Lib. II, sect. VII, obs. 49. ex DANIELIS HORSTII animadversione (b). Ad hunc vero locum notat Cl. MORGAGNUS, quod, si eum casum relegisset Lancisius, sinistram quidem Auriculam majorem apparuisse dextra, vidisset, sed de ventriculorum magnitudine nihil sigillatim; illud dumtaxat generatim dictum, cor nimia quantitate excessisse, ut tam magnum adstantes summe admirarentur. Si vero non modo aliorum, sed & sui ipsius respexisset observationes; continuo sibi aliter sentiendum, animadvertisset &c. (c).

Tandem ad hunc numerum referri quoque debent aortæ curvatura justo acutior, qua fit, ut resistentia, cordi exinde enata, augeatur, & sanguinis transfluxus per illud difficilior reddatur, ut denique fibræ, a se invicem divulsæ, cardiacum Aneurysma efforment.

Nec minor quoque cordis viribus contractibilibus opponetur obex a polyipsis, in aorta & pulmonali arteria haud raro inventis, & ab auctoribus descriptis, quorum exempla ne plura memorem, unum adduxisse sufficiet notabile, in cadavere Caroli Patini obvium, ac in epistola ab Alexandro Knips Macoppe descriptum (d); aperto nimirum thorace, aorta ita dilatata offendeatur, ut aliud cor in pericardio conclusum æmuleretur, dissecta vero tunica, apparuit,

(a) l. c. epist. XVIII, art. v.

(b) l. c. part. II, prop. LIII.

(c) l. c.

(d) Brixiae anno 1731 edita; partim etiam a MATANO in tract. cit. §. LXVI descripta.

polypofam intus concretionem contineri, quæ magnitudine fua eam ovi anferini grandioris, & pondus trium quatuorve unciarum, adæquabat, tendinofis principiis aortæ radicibus fupra femilunares valvulas innixa bafi, & latiori ventre foluto, in ferratum apicem deficiens, ad divaricationem ufque arteriæ porrigebatur, haud tamen aortæ parietibus quafi cartilagineis ita coaptata, quin, relictis rimulis, quædam liquidi quantitas interfueret.

Si itaque tale obftaculum fanguîni, ex cordis cavis profluxuro, opponi poffit, quid mirum, fi cor quandoque enormiter totum quantum, vel pro parte tantum diftendatur.

4.^o *Humorum acrimonia, concurrentibus cordis palpitationibus*, plurimum ad hanc fpeciem producendam conferre valet; conftitit jam (n^o. 2. hujus paragr.) a cordis palpitationibus frequentiffimis, ac diuturnis, valde debilitati ejufdem fibras, ita ut, fi huic infirmitati fupraccedat humorum acrimonia, quæ in vim cohæfionis, rodendo fc., continuitatem folvendo, imo quandoque integritatem continentium folidorum plane deftruendo, ut plurimum agere folet, facillime, arrofa cordis fuperficie interna, & amiffis pro magna parte, quibus fe fanguini diftendenti opponebat, viribus contranitentibus, parietes cordis a fanguine, jufto copiofius in illud irruente, maxime diftendi valeant; hinc cordis Aneurysmata toties occurrere in corporibus hypochondriaciis, hystericis, epilepticis, lue venerea, aliisque morbis fimilibus afflitis, in quibus humorum acrimonia frequens cordis palpitationis comes exiftit, optimorum practicoꝝ testimonia ferunt. Non negavero tamen humorum circulantium acrimoniam folam rariffime, fi unquam, huic morbo anſam dare poffe; fi enim tantummodo confideremus, motum fanguinis nullibi velocius, atque rapidius, quam per cordis cava, ejufque vafa majora peragi, mirum certe haud poterit videri, fi cum LANCISIO ftatuamus, Aneurysma cardiacum vix fieri poffe, niſi una fimul magnorum canalium & orificiorum obftaculum accefferit (a); aut cum hoc cordis parietum eroſio a materia purulenta, ichorofa, ex abſceſſu poſt inflammationem vel ulcere maligno profluente, illata, concurrat.

5.^o Neque ſicco pede me hic præterire poffe *fanguinis in polypofam materiem concretionem* facile putaverim; fateor equidem, multos

(a) l. c. parte II, prop. XLIX.

esse Auctores, qui polyporum in homine vivo generationem non tantum negant, sed & in alios, hanc theoriam lubenter admittentes, atque exemplis illustrantes, maxime invehunt; inter quos KERCKRINGIUM nominasse in præsentia sufficiet, qui, non nisi in articulo mortis polypos nasci opinatus, voluit omnia illa symptomata, quæ vulgo a Medicis, tanquam polypum concomitantia, incusantur, ab aliis causis derivare, & TULPIO, ac BARTHOLINO errorem imputare, quod vivos polypo cordis, aliarumve partium, non raro afflictos fuisset, autumaverint: *Servo enim*, inquit, *ejusmodi, quos ipsi vocant, polypos, ex variis partibus collectos: nihil autem aliud sunt, quam sanguis, qui post animalium mortem refrigeratus & grumosus, durusque redditus, ex corde, hepate, & cæteris partibus extrahitur, in varios ramos divisus, prout ibi in cavitatibus variis hæsit, qui polypo narium ita similis est, ut prima fronte prorsus idem appareat (a):* sed quilibet me hic facile concessurum videbit, haud raro polyposas concretiones in agone mortis formari posse, quum certum sit, & ad oculum demonstrari possit, sanguinem, circulum ire cessantem, in suas partes secedere, & præcipue in solidiorem massam abire, & hanc veritatem nunquam a TULPIO, aut BARTHOLINO negatam fuisse crediderim. Minime autem KERCKRINGII argumentum ita stringit, ut simul statuere haud queamus, vivente homine, polypos nasci posse: refragaretur sane hoc quotidianis observationibus, quum constet, impeditam quacunque etiam de causa circulationem non tantum, sed & eandem nimis acceleratam; motus febiles; æstum; vasorum angustiam; compressionem; exercitia corporis nimia; terrores, adstringentium, calefacientium, spirituosorum abusus, quotidianas fibræ sanguinis densitatis majoris causas fieri (b): ita ut in exanthematicis febribus, cum inflammatione conjunctis, testimonia BOERHAVII (c), & SWIETENII (d) ferant, sanguinem quandoque adeo densatum fuisse, ut ne gutta quidem de naribus stillans diffunderet; & testante AUGENIO, in febribus ardentibus sanguis absque sero visus fuerit (e); in apoplectici sanguine serum minime secessisse, notaverit

(a) Oper. omnium Anat. obs. LXXIII, pag. 145.

(b) CL. GAUBII Instit. Pathol. §. 367.

(c) Prax. Med. Tom. I, pag. 265.

(d) Comm. Tom. II, pag. 4, 8.

(e) De Venæ sect. lib. IX, cap. 24.

SCHWENCKIUS (a); in morbo acuto sanguinem absque sero fuisse, FANTONUS Auctor sit (b); ac, teste SALIO, in funesta syncope sanguis in arteriis, venisque, adeo coactus fuerit, ut solida ejus massa extraheretur (c); &, monente Cl. HUXHAMO, in ægris, pleuritide, & peripneumonia epidemica affectis, sanguis viscidus, parumque serosus sese manifestaverit (d): sed denique, quem fugit accurata illa observatio de polypo, in arteria hominis, cui femur amputatum fuerat, supra ligaturam efformato, & ab Exp. PETIT detecto? quales polypus non modo post 20, aut 30, sed & post secundam ab amputatione diem constanter inveniri affirmat, ac figuris illustrat (e). Ne loquar jam de insigni, quam toties polypum inter, in agone mortis verosimiliter natum, & eum, qui, vivente homine, signa præsentiae suæ manifesta exhibuit, intercedere videmus, differentia, quo ad tenacitatem, colorem, ac soliditatem satis notabili. Examinemus vero, quæ ulterius a KERCKRINGIO, ad opinionem suam stabiliendam, adducuntur; *sanguis autem*, inquit, *concreviscit per admixtionem peccantis cujusdam acidi humoris; quod experientia tuis ipsa exhibebit oculis, si cani vivo venam secueris, eique spiritum virioli infuderis; coagulabitur enim continuo sanguis, & qualem in putantibus illis polypis animadvertimus, concipiet duriem* (f). Verum in hoc argumentum eam, quam nos fovemus, opinionem minime infringit: injectiones enim hæc tantum id probare videntur, quod fluida, in vasis corporum animalium contenta, condensari possunt, quando cum certis materiis mixta sunt; an vero hinc sequitur, non posse ea absque ulla heterogenea admixtione coagulari (g)? An ideo, v. g. quia pro lubitu crustam inflammatoriam in sanguine producere possumus, ligatura nimirum brachio, vel cruri injecta, ita ut, angustatis vasis, major nascatur sanguini retro appellenti resistentia, concludere quis posset, eam nequaquam a vi vitæ nimis incitata dependere? Nemo certe, qui Cl. Præceptorem GAUBIUM,

vel

(a) Hæmatolog. pag. 177.

(b) Obs. Anat. vii.

(c) Vid. FREINDII Hist. Med. m. p. 58.

(d) Oper. Phys. Med. Tom. 1, pag. 17.

(e) Mémoire de l'Acad. des Sciences an. 1732, pag. 394.

(f) l. c. pag. 146.

(g) SENAC Traité de la Structure du Cœur, Tom. II, chap. x, pag. 443.

vel semel tantum de hac crusta differentem audiverit, vel ejusdem inst. Pathologicas attente perlegerit (a).

Sed ne forte in Cl. KERCKRINGII hypothesi refutanda nimis audax videar, consultius judicavero, si tantum pauca adhuc addam, quæ satis superque, ni totus fallar, evincant, non solum in vivis polypos adfuisse; sed & eosdem ad *Aneurysmata cardiaca* procreanda symbolam suam quam plurimum conferre. Ut igitur exemplum, nostrum thema inprimis spectans, adducam, concretionem memorare debeo polyposam, ovi columbini magnitudine, nullibi accietam, sed libere in sinistri cordis cavo hærentem, quæ, vivente homine, horrenda mala produxit (b); & illud denique argumentum, quo polyporum in vivis natorum existencia egregie illustratur, priori superaddere cogor: e vena nimirum hominis vivi incisa, extracta quandoque fuisse coagula, non tantum polyposa (c); sed & in massam quandoque plane tendineam mutata (d), ac sanguinis e vena secata effluxum omnino prohibentia. Ne memorem jam mirabilis structuræ, atque insignis magnitudinis polypum, in aorta hominis sexagenarii prope cor repertum, & ab Ill. MALPIGHIO descriptum (e); illum a PECHLINO detectum, ex ventriculo dextro in auriculam & venam cavam decurrentem (f); atque alium, sinistram cordis cavum obsidentem, & a TULPIO descriptum, ac figura depictum (g); a KERCKRINGIO autem pro pseudopolypo (h) immerito habitum; fides, credo, denegari haud poterit polyporum, insignis quandoque magnitudinis, ac in faccis aneurysmaticis repertorum historici, ab auctoribus accuratissimis vel delineatis, vel verbis ita enarratis, ut de iis dubitare amplius nefas foret: spectant huc præcipue concretiones illæ polyposæ, quas (ut omitam, quæ jam a VESALIO, BONETO, aliisque memoratæ sunt) nuperioribus temporibus descripserunt, LANCISIUS in arcu aortæ instar lardi se commonstrantes (i); Cl. ED. SANDIFORT in Aneurysmate arteriæ aortæ, prope cor pro

(a) §. 167.

(b) Ad. Phys. Med. vol. II, pag. 5.

(c) Lettre, dans les Mém. de l'Acad. des Sciences an. 1704, pag. 24.

(d) MANGATE Bibliothec. Anat. Tom. I, pars II, pag. 958.

(e) Diff. de Polypo Cordis Opp. omnium p. 315.

(f) Obs. Phys. Med. lib. II, obs. 1.

(g) Obs. Med. lib. I, obs. 27.

(h) l. c.

(i) De subit. mortibus obs. ult.

magna parte albicantes (a); D. SENAC in cordis parte sinistra (b); G. HUNTERUS in anteriore parte Aneurysmatis in principio aortæ obviæ (c); ALB. HALLERUS, ut membranas albas, pulposas, & lamellatas, ex arcu aortæ in arteriam carotidem sinistram, & jugularem venam continuatas (d); ac alio in casu venam cavam, inter renales venas & iliacas, ita obturantes, ut nihil cavitatis loco superesset, nisi fibrosa quædam, quasi carnea, polyposa, & dura caro (e). Nec minori jure huc referri posse videntur polypus magnus, albus, atque tenax, a Cl. STORCKIO in dextro cordis ventriculo, in magnum Aneurysma extenso, valde tenui, ac debili repertus (f); sanguis concretus, vehementerque tum polyposus, tum cordis parietibus, columnisque accretus, in ventriculo cordis sinistro, ad mucronem amplissimo, ita vero extenuato, ut levis modo membrana albescens, facile disrumpenda, ibidem superesset; ac firmi, longique polypi in ejusdem cordis ventriculo dextro, binis Auriculis, Sinubus, Pulmonali arteria, utraque cava vena a Cl. DE HAEN detecti (g): nec non ingens ille polypus, quem in Auricula, ac thalamo cordis sinistro invenit, descripsit, ac figura illustravit FR. DEKKERS (h). Quæ omnia igitur (certissimum enim est, has polyposas concreciones, in Aneurysmaticis faccis inventas, eadem cum iis, in corde aliquoties obviis, structura gaudere) attente considerata non facile mihi persuadent, ut cum KERCKRINGIO, RUYSCHIO aliisque statuam, polyposas concreciones sub vel post mortem demum generari, & eas hinc ex numero caussarum morbificarum relegandas esse; eoque minus huic opinioni assentiendum crediderim, quam a tot, tantisque auctoribus notatum video, suspicionem latentium polyporum in corde, vasisque majoribus, ex symptomatibus, in ægrotantibus obviis, susceptam haud raro cadaverum dissectione egregie confirmatam fuisse.

Videndum nunc superesset, utrum polypus cardiacus Aneurysmatibus ansam dare possit; certe, si ex supra dictis repetamus, quæ

(a) Heel- en Ontleedkundige Verhandelng pag. 13 en 15.

(b) Lib. IV, cap. X.

(c) Medic. Observations and Inquiries vol. 1, art. XXVI.

(d) Opusc. Pathol. obs. XIX.

(e) Ibid. obs. XX.

(f) Annus Med. 1, pag. 118, cadav. quart.

(g) Rat. Med. pars IV, cap. II, §. 3.

(h) Exerc. Pract. cap. VII, m. p. 611.

sanguinem vivi hominis coagulare non tantum, sed & in veros polypos mutare valent; ac præterea ex fidelissimis auctoribus confirmemur, post magnos terrores, violentos horrores, morbos, æque acutos ac chronicos, præcipue Melancholiam, &c. polypos in cordis vasorumque majorum cavis haud raro ortos fuisse, nullum amplius dubium restare videtur, quo minus statuamus, nato polypo, insignem ad Aneurysmata dispositionem dari: obsideat v. g. concretio talis polyposa aortam arteriam, magna nascetur illico sanguini, retro advenienti, resistentia, & crescet sanguinis in latera vasis actio eo magis, quo cor violentius hanc resistentiam vincere conatur; retento igitur, & accumulato justo majori copia, in corde, ipsoque arteriæ magnæ principio, sanguine, fibræ eorum distensæ ad Aneurysmata sentim sensimque disponuntur. Verum quis non videt, eodem quoque in loco, quem polypus occupat, talem dispositionem nasci posse? hærens v. c. polypus in uno alterove cordis ventriculo, satis cito, appositis nimirum continuo novis lamellis, magis magisque increscet, impiediet, quo minus prompte sese evacuent cordis thalami, accumulabitur igitur perpetuo sanguinis copia, fibræ distrahentur, & quandoque mirum in modum dilatabuntur.

Stabilita ergo, quam hic tractavimus, cardiaci Aneurysmatis specie, necesse est, ut videamus, utrum eodem jure huic addatur ea cordis Aneurysmatis species, quam supra jam, in *dilatatione vasorum cardiacorum immodica*, consistere vidimus. Non minoris certe ponderis sunt ea argumenta, quæ, pro hac specie confirmanda, adduci possent. Attendamus modo, quam innumeris vasis gaudeat cordis substantia, ita ut in præmissa ejus descriptione notaverim, ipsius vasa injectione materiæ coloratæ ita adimpleri posse, ut incautis videretur cor non nisi ex vasis constare. Præterea si assumamus, insignem dari in vasis coronariis expansilitatem, ita ut ea in cadavere militis aliquando turgidissima invenerit FANTONUS (a); & a MORGAGNO in cadavere viri, jam ab adolescentia sua venerit, cibis, atque baccho deditissimi, sinistræ propemodum carotidis latitudinem adæquantia visa fuerint (b): merito itaque speciem hanc a nobis commemoratam esse crediderim, præcipue quum constet, horum vasorum distensionem nimiam non tantum foetus, infantes, sed & ipsos haud raro

(a) Obs. Anat. Med. obs. vii.

(b) L. c. epist. xxvii a. xxviii.

adultos infestare, imo quandoque mortem intulisse (a). Paucis ergo in causas inquiramus, quæ ad morbum hunc producendum symbolum suam conferunt.

1.^o In prioris Aneurysmatis cardiaci causis tractatione (n.^o 1.) memoravimus hæreditariam ad Aneurysmata proclivitatem; & vidimus, revera hæreditate ita dispositas fuisse cordis fibras, ut levi quoque de causa in saccum aneurysmaticum sese dilataverint; ita ut statuere fas sit, fibras vasorum coronariorum ob hæreditatem ita laxas, flaccidas, atque debiles esse posse, ut, accedente quacunque etiam causa procatactica, justo magis distendantur, & cordis magnitudinem mire adaugeant.

2.^o Majori tamen jure huc referri posse videntur omnia ea, quæ; in causis Aneurysmatis veri explicandis, verbosius sub titulis *congestæ uberioris sanguinis molis*; *voluminis expansione adaucti*; *impediti sanguinis trajectus*; *impetus advehi ejusdem enormis*, ac *vasorum parietum roboris imminuti* tractavimus; hæc enim, attente considerata, ad coronaria vasa facile transferuntur, quapropter opus haud erit, diutius hisce inhærere: unicum hoc addo, quod prior causa, *congesta uberior sanguinis moles*, in infantibus longe frequentior sit, quam quidem vulgo putatur; constat enim in junioribus omnia corporis solida teneriora, molliora, ac magis extensilia esse, quam in adultioribus; quod tamen in iis summopere necessarium erat, ut corporis nutritio & incrementum eo felicius peragantur: illa vero, huic vitæ stadio superaddita, longe promptiori, quam Natura ad ea, quæ vitæ actuositate continuo deteruntur, reparanda opus habet, sanguificatione fit, ut in iis præcipue, qui simul ingluviei admodum dediti sunt, fluidorum ad firmas partes proportio tollatur, plethora generetur, vasa distendantur, imo fibræ quandoque tonum suum plane amittant. Hæc itaque si ad vasa coronaria applicemus, quæ adeo distensilia sunt, ac ramificata, facile liquet, sanguinem, magna vi ex corde per arteriam aortam propulsum, in vasa coronaria, facillime cedentia, eodem tempore intrare, in iis accumulari, neque ob eorum ramificationes minutissimas continuo reflueri posse; nascitur hinc sanguinis per ea trajectus liberior impeditus, vasorumque repletio tanta, ut rumpi, vel enormiter dilatari cogantur. Non mirum igitur, quod Cl. MATANUS in homine, ex ipsis incunabulis ingluviei admo-

(a) MATANI l. c. §. VII.

dum dedito, immensam cordis amplitudinem, ob vasorum coronariorum distensionem nimiam, ex qua interitus consecutus fuit, observaverit (a).

Ad quartam vero (ibidem) commemoratam causam, *impetum nempe advehi sanguinis enormem*, id monendum habeo, quod, nata v. g. in aorta, a quibuscunque etiam causis, in prioris Aneurysmatis cardiaci specie (n.º 3.) copiose allatis, inducitur resistentia, magna detur ad hanc cordis affectionem proclivitas; cor enim, continuo tentans hunc sibi molestum obicem superare, sanguinem suum magna vi in obsessum locum projicit; ille autem, non ita facile perennans, eo impetuosius ruit in vasa coronaria, distendit ea, atque dilatat.

Quintæ denique causæ, *parietum sc. imminuto robori*, hoc superaddere liceat, in hydrope pericardii colluviem serosam; alluendo vasa coronaria, tantam quandoque flacciditatem ipsi pericardio, totique cordis texturæ conciliaffe, ut ipse viderim, cor pericardio suo inclusum, insigni serosi liquoris quantitate humectatum, ne ullam ferme fibræ, colore suo rubello conspicuam, exhibuisse, ejusque fabricam tam laxam fuisse, atque flaccidam, ut inde facies cordis externa prorsus dealbata esset. Verum acre, atque irritans factum, idem serum inflammationes, ulcera &c. inducere valet, quibus facile fit, ut, vasorum parietibus admodum infirmatis, ac sanguinis motu, quacunque etiam de causâ, per hos canales accelerato, diameter eorum adaugeatur, fibræ distrahantur, ac divulsæ, vel per totam cordis superficiem æqualiter, vel pro parte tantum, mirum in modum dilatentur.

SECTIO QUARTA.

DE ANEURYSMATUM EFFECTIBUS.

§. XIII.

UT eo, quem nobis jam in initio proposuimus, ordine procedamus, proximum est, ut diversarum Aneurysmatum specierum effectus dilucidius nunc explicemus, qui, cum causis jam pertractatis collati, ad eorum diagnosin multum conferent. Ingens autem horum numerus quum sit, præcipuos tantum, eosque in praxi frequentius occurrentes, commemorare satis erit; diversissimi nimirum inter se sunt, prout

(a) l. c. §. VII.

sedes Aneurysmatum diversa fuerit, imo, nisi forte vocabulum effectus stricte hic applicare malueris, eorum etiam singulos, eandem sedem quamvis occupaverint Aneurysmata, haud raro maxime inter se discrepantes detegimus.

Primarius autem, inter *Aneurysmatis veri effectus* (ut iterum ordinem Cl. Præceptoris GAUBII (a) sequar) locum occupat:

1.^o *Tumorum efformatio, eorumque sæpe immanium, si parietes arteriarum tenaciorem vim lenue distendentem diu experiuntur.* Stupendum enim, quantum plurima N. C. solida continentia, si saltem senectute aliove vitio nondum obriguerunt, absque ruptura sese distendi patiantur, modo ad ea attendamus, quæ æque in statu sano, ac morbofo fiunt, in integumentis v. g. ac utero gravidarum, cute infantum, hydrocephalo laborantium; ascite, herniis, vel & emphysemate afflictis; in ventriculo cibis atque potibus deditorum; in vesica hominum, ischuria quandoque insigni correptorum. Ne memorem jam, quæ in reliquis N. C. receptaculis observatæ fuere, dilataciones insignes, in ureteribus v. g., ductu choledochi, aliisque similibus canaliculis. Ut autem de vasis quoque hoc constet, ex innumeris exemplis petita illa RUYSCHII observatio sufficiet: homo nimirum sponte factum Aneurysma tantæ magnitudinis in pectore suo gerebat, ut pulvinar mediocre, quo in sedili utimur (demtis quatuor angulis; rotundum enim erat) æquaret. Aperto cadavere, apparuit, aortam tribus digitis transversis supra cor in magnum Aneurysma degenerasse (b): & ne, proprium, ad finem dissertationis adjiciendum, aliorumque observata commemorando, nimis hic excurram, unicum tantum, a Cl. Præceptore SANDIFORT communicatum, exemplum superaddo, tumoris nimirum aneurysmatici, ex aorta maxime dilatata enati, pectorique insidentis, cujus circumferentia undeviginti & tres quartas partes pollicum; altitudo vero decem, & unam quartam partem polli. adæquabat (c). E quibus satis liquet, in tantam sæpe magnitudinem distendi posse arteriarum parietes, ut non sine ratione mireris, eos tamdiu absque ruptura tolerari. Verum & huic natura haud raro egregie prospicit, dum, ne tenuati cito rumpantur parietes, densatione, incrassatione, novisque laminis

(a) Instit. Pathol. §. 207.

(b) Obs. Anat. Chir. Cent. obs. xxxviii.

(c) Heel- en Ontleekundige Verhandelng §. 3.

appositis cavitatum latera roboret (a) : constitit hoc ex illa RUYSCHII observatione, mox descripta, ubi innumerabiles tunicae, crassae, carnosae, satis tenaces, & sibi invicem impositae, ita adimpleverant membranæ crassitudinem, ut sola fere hæc, ex concretionibus illis polyposis enata, debuerit ingentem hunc saccum efformare, fulcire; exterior enim tunica, quæ aortæ dilatatæ membrana erat, straminis tantum crassitiem habebat. Similes polyposas concretiones tunicae arteriæ, mirum in modum distensæ, undique ita affixas, ut ægre inde solvi possissent, in propria observatione vidi, & in Tab. 5 & 6 exhibui. Verum simul quoque ex his constare poterit, quam multiplices conformationis a statu sano recessus, incautos fallentes, oriri facile queant : vidimus enim antea, & in posterum evidentius erit, innumeratas fere causas esse, quæ ad mala hæc producenda symbolam suam conferre, & in totum systema vasorum effectus suos edere possunt, immo ipsa Aneurysmata aliorum tumorum larvam ita quandoque induere, ut pro longe diversis morbis ea salutares; quid mirum itaque, si vel periculosissimi in Aneurysmatibus curandis tantopere decepti fuerint Chirurgi, ut ea, pro abscessibus interdum habita, crudeli lanceola aperuerint, & loco puris sanguinem cum anima eduxerint. Optandum itaque foret, ut certiora hic haberemus indicia, quibus tumores aneurysmatici ab aliis, natura longe diversis, facile distinguarentur : de his autem in posterum, ubi de diagnosi hujus mali agendum erit, plura adferam.

2.^o *Ob violentiorem distractionem ruptura; unde contentorum elapsio; & quæ ex hac sequuntur, innumera.* Insignem quidem distractionem, in primis si lente fiat, arteriarum parietes ferre possunt; minime tamen in infinitum crescit nifus eorum in cohaesionem : imo sæpissime natura eorum rupturam cavet, apponendo concretiones polyposas ad internam arteriæ distantæ tunicam, non tamen semper; neque etiam omni tempore eodem tenore distenduntur, observata nimirum (in sect. præcedenti) *ad causas Aneurysmatis veri* allata abunde demonstrarunt, subinde cordis cava, vel vasa majora, sanguini, impetuosius irruenti, ulterius resistendi imparia, subito fuisse disrupta, erupuisse sanguinem, ac mortem, momento fere citius attulisse : si vero eadem in minoribus arteriis contingant, & sanguis in cellulari membrana, vel sacco peculiari ab aponeurosi, aliave membrana

(a) CL. GAUBIUS l. c.

formato, effundatur, gangrænam, cariem, immo ossium vicinorum colliquationes inducere solet.

3.^o *Ob materiæ in cava distenta protrusa impetum majorem, impedito transitu, crescente æstu, concitata putredine, vi pressiois intercepto in vascula parietum partiumque vicinarum influxu vitali, mortificatione;* simulac igitur arteriæ dilatatio facta fuerit, siue cordi vicina, siue ab eodem remotior fuerit, continuo tamen sanguinis in illam impulsio adaugetur, & ille magis magisque in saccum aneurysmaticum impingitur, qui, dum vel parum, vel maxime dilatatus, tantam sanguinis copiam expellere continuo nequit, quantum cordis contractionibus & arteriarum vibrationibus incitatis, in illum impellitur; attritu itaque illo perdurante, calor incitatur, & sanguis accumulatus æstu majori putredinem contrahit, vel concrevit in materiem polyposam, quæ, magis magisque ad parietes arteriæ dilatatæ appressa, omnem tandem influxum & circulationem humorum per vasa, eos vicinasque partes perreptantia, tollunt, qui proinde, in vasculis suis stagnantes, calore loci putredinem facilius contrahunt, vascula propria erodunt, unde vel humorum in saccum aneurysmaticum continuo impulsorum effluxus, &, quæ exinde fluunt, mala innumera, vel, ob materiæ ichorosæ e vasis suis exstillationem, vicinarum partium læsio: quare, si in exterioribus Aneurysmatibus color naturalis cutis, saccum integrentis, in livido purpureum, nigricantem, gangrænosum mutatur, Medici atque Chirurgi instantem Aneurysmatis rupturam summo jure metuunt; quum in plerisque Aneurysmatibus, lente factis, talis præcedere soleat colons cutanei permutatio, ut plurima observata evincunt, & ad finem hujus dissertationis observatione propria ulterius confirmabo.

4.^o *Ob tenuiorem partem materiæ in cavum amplius congestæ per os angustius, aut per laterum diapedesin transudantem, retentæ crassioris in tumores solidos, molles, duros lenta condensatio.* Hinc, quando Aneurysmata non ita diu durarunt, ut sanguinis concretio tam firma fuerit facta, molles ut plurimum eorum tumores, & digito cedentes, deprehenduntur, simulac autem per laterum diapedesin serum fuerit expressum, relictum intus crassamentum conqussatione continua lamellas format, quæ lateribus appositæ, & numero sensim sensimque incrementis, duros reddunt parietes, & renitentes; vel abit in duras, firmasque massas polyposas, quæ in faccis quandoque

ita

ita incrementum, ut, pulsu sese non amplius manifestante, dubitare quis posset, utrum Aneurysma, an vero alius generis tumorem solidiorem contrectaret.

§.º *Humoris per arteriæ dilatatæ parietes transudatio, qui, acrior factus, ea, quæ prope sunt, rodit, & ossibus etiam vitium inferi (a).* Mira sane quandoque hic contingunt phænomena; exsudante per latera sacci humore acriore, ossa vicina insigniter plerumque eroduntur, ipsi licet arteriæ dilatatæ parietes, ipsæque partes vicinæ molliores, spongiosæ, tenerrimæ, nihil inde mali patiantur, cujus phænomeni rationem eruere, postea, ubi de effectibus Aneurysmatis arteriæ aortæ speciatim agemus, tentabo. Nunc tantum ad id, quo fiat, ut ossa vicina ab accumbente Aneurysmate tantopere excavari soleant, attendamus; cujus rei ratio explicatu satis facilis videtur Ill. MORGAGNO, quum dicit: *Vascula enim periostrii, & perichondrii, & quæcunque alia, ut puta attensæ his pleuræ, inter resistentia illa corpora, & assidue, ac vehementer pulsans Aneurysma interpositæ, ideoque contusæ, atque extenuatæ, facile tandem hic illic rumpuntur, & quadam quasi ulcuscula faciunt, perminuta quidem, sensumque fugientia, humorem tamen inter lamellas membranarum illarum fundentia, qui mora acredinem contrahit, & erodendi vim, in quibusdam præsertim corporibus, non mediocrem. Quæ de vasculis etiam credito, per eam parietum Aneurysmatis partem reptantium, quæ pars ad resistentia illa corpora urgetur (b).* Quam opinionem quoque Cl. SANDIFORT in explicanda sterni exesione, Aneurysma arteriæ aortæ concomitante, amplectitur (c), quo in casu humores ichorosi tantam jam contraxerant acrimoniam, ut in manibus Cl. Viri, aliorumque adstantium ulcera maligna, non nisi post longum tempus sanabilia, excitaverint. Verumtamen exempla quoque prostant, in quibus consumptio ossis vicini similis aderat, licet nulli humores ichorosi sese manifestaverint: talem v. g. casum nobis exhibet Cl. HUNTERUS, qui fatetur, consumptionem, ab illo observatam, a carie longe diversam fuisse, sibi que visum, sanguinem insensibiliter quasi os dissolvissæ, & destruxissæ; immo, in hanc sanguinis vim ulterius inquirens, addit, narratum sibi fuisse a peritissimo Chirurgo, quod hic, tumorem

(a) PLATNERI Inst. Chir. Rat. §. 429.

(b) l. c. epist. XVIII, a. 27.

(c) Tract. sæpius citat. §. XVII.

exiguum, a latere capitis situm & merum sanguinem continentem; aperiens, nullum os infra eum invenerit, quod sanguine dissolutum putabat (a). Qualem excavationem & consumptionem in nostro quoque casu, ad calcem diss. memorando, describam: an vero hæc simili causæ adscribenda sit, nec ne, dubius adhuc hæreo, in posterum, ubi de effectibus Aneurysmatum aortæ speciatim agam, hanc quæstionem ulterius indagaturus.

6.º Quibus omnibus tandem & illos superaddere lubet effectus, quos tumores aneurysmatici, valde incrementos, in vicinas partes, præcipue si interiora N. C. occupaverint, exserant: supra enim jam vidimus, ad insignem magnitudinem adaugeri posse Aneurysmatum dimensiones, ut non facile quis miretur, ægrotantes, hisce malis circa præcordia afflictos, immanibus ut plurimum vexari anxietatibus, doloribus acutissimis, palpitationibus, lipothymiis, cephalalgis, vertiginibus, convulsionibus, apoplexia, delirio, &c. præcipue si Aneurysmata, mole sua pulmones, vel vasa vicina comprimentia, trajectum sanguinis liberiores per ea, atque cor prohibuerint. Eadem quoque vi Mechanica & alias, sibi vicinas, partes lædere possunt, eas nimirum e loco suo repellendo, destruendo, ac arietatione sua ipsa durissima ossa excavando, cæterosque similes effectus, actiones N. C. qualescunque mire turbantes, producendo.

§. XIV.

Nec minoris certe momenti effectus sunt, qui *Aneurysmata Spuria* concomitantur, eique multo periculosiores, ac inter se magnopere diversi, pro ut sedes eorum alia aliaque fuerit. In interioribus v. g. enata quam plurima producere solent symptomata, partium functiones vel prohibentia tantum, vel plane tollentia: hinc si sanguinis circuitus per vascula cerebri denegetur, sive hoc ex qualicunque tumore, vel in interna calvariae superficie, vel in ipsa dura, aut pia matre exorto, sive ex intropresso cranio, membranarum inflammatione, polypo, atheromate, aliisve diversissimis causis factum fuerit, perinde est, modo constet, immodica sanguinis accumulatione exinde illata maximopere vasa distendi, fibras eorum divelli, ut, facta demum vasorum ruptura, sanguis contentus effundatur, & apoplexiæ, aliisque capitis affectionibus ansa suppeditetur.

(a) Medical Obs. and Inquiries vol. 1, pag. 345.

Similis sanguinis congestio præternaturalis, si facta fuerit versus pulmones, hæmoptysin; versus ventriculum, hæmatemesin; versus renes, mistum cruentum; versus intestina, dysenteriam; aliasque species, pro varietate partium inter se discrepantes, quamvis earum omnium natura eadem in vasculorum ruptura posita sit, excitare solet. Si vero a contusione valida, in quocunque etiam loco, arteriæ fuerint disruptæ, maximi sæpe oriuntur tumores, vel saltem maculæ rubræ, ut plurimum lividæ, immo quandoque omnino nigricantes ob sanguinem effusum, coagulatum, ac per cutim pellucemtem.

Periculosissimi vero sunt effectus, qui ex disruptione, vel vulnere majorum vasorum exoriuntur, qui, nisi cito auxilium afferatur, momentaneam sæpe mortem inducunt, ut innumeris exemplis, si id scopus noster dicitaret, comprobare possemus: unicum tantum iis, quæ passim in causarum enumeratione citavimus, quo modo dicta optime illustrentur, superaddo. Juvenis nimirum 17 annorum vulnerabatur sclopeti globulo, femur penetrante, ad octo digitorum transversorum distantiam ab inguine. Mox aderat valida hæmorrhagia, quæ, apparatu Chirurgico imposito, coërcebatur; sequenti die apparebat ingens tumor cum pulsu tam valido, ut ambas manus impositas attolleret: sanguis interim per vulnus ad tres, vel quatuor uncias sæpe effluebat: dein sponte iterum sistebatur. Sic ad quadragesimum usque diem ab inflicto vulnere res sese habuit. Comuni tunc consilio, licet febris & collapsæ vires ægri summum indicarent periculum, conclusum fuit, locum affectum aperiendum esse, & arteriam vulneratam ligandam, ut coërceretur hæmorrhagia. Inciso itaque loco, ingens grumosi sanguinis moles in conspectum venit, quam ipse SEVERINUS abstulit, pondere sex libras æquantem: mox autem arteria vulnerata, pondere hoc comprimente liberata, cum saltu sanguinem emisit. Peritissimus Chirurgus arteriam semilaceram ligavit utrimque, & post sex hebdomadas æger integre sanatus fuit, sic ut femur vulneratum, nec mole minus, nec robore debilius, manserit (a). Unde liquet, quanti possint a sanguine extravasato formari tumores, quantumque hic, ni subito afferatur medela, minirentur periculum, quare externa Aneurysmata periculosissima; interna vero lethifera ut plurimum summo jure habentur. Priusquam autem hunc innumerorum malorum fontem dimittamus, notandum

(a) MARC. AUREL. SEVERINUS de effic. Med. pag. 40, &c.

est, quod, licet ex illa SEVERINI observatione, mox allata, manifestum videatur, per longum tempus extravasatum sanguinem posse absque corruptela manere, modo aëri non concilietur liberior aditus, in univcrsum tamen mora corrumpitur, & acrimoniam contrahit, qua cito inflammationes, gangrænæ, dissolutiones (a), erosiones, atque caries excitantur: qualem casum descripsit Cl. JOH. WARNER: vir nimirum triginta quinque annorum, post vehementem genu contusionem, claudicabat, post sex demum septimanas tumor œdematosus apparebat, qui, intra octo septimanas per integrum femur sese extendens, in interiori, ac superiori parte durus quidem, extrorsum tamen sine ulla pulsatione fluctuabat, integumentorum ad interim colore naturaliter constituto. Incisionem tandem Cl. WARNER suscipiebat, qua facta, ingens sanguinis fluidi copia prorumpens, vulnere itaque linteis carpiis repleto, & fascia comprimenti ad inguina applicata, amputationem peragebat, & ægrotum in sanitatem restituit. In amputato vero femore, vastus internus & crureus una cum periostio destructi erant, musculi interni, gracilis, ac vicini distenti, & ab osse femoris longe remoti inveniebantur, atque cavum, cruore plenum relinquebant, cujus pars coagulata in coriaceam consistentiam transierat, os femoris carie & exostosi affectum erat; ligamentum genu crassum, aliquot uncias synoviae viscidæ & flavæ continebat, ac ipsa arteria femoralis ante divisionem in *Tibialem* anticam, & posticam callosa erat, ac secundum longitudinem suam dilacerata, diametro vero ejusdem ultra duos pollices adaucta (b).

§. XV.

Ut *effusa Aneurysmatis mixti* rite exponantur, necesse iterum est, ut ad sæpius citatos commentarios a Cl. HUNTERO, cui tot in Anatomicis debemus, & hujus quoque inventionis gloriam facile concedimus, de hac singulari Aneurysmatum specie conscriptos, confugiamus: e quibus præcipua collegisse & fama viri illustrissimi & scopus noster diducant. In antecessum igitur hic monendum, Aneurysma mixtum, quatenus arteriæ solutionem continui, a parte superiori factam, supponat, atque sanguinem, e cavo suo in vicinum

(a) HUNTERUS in Vol. 1. Medical Observations and Inquiries &c. art. XXVI, n.º 8.

(b) Cases in Surgery obs. 22.

effluere sinat, satis pulchre cum Aneurysmate spurio convenire: quatenus vero sanguinem suum in venam incumbentem dimittat, eam maxime dilatet, ac plerumque brevi temporis spatio ad certam magnitudinem, ni in progressu suo turbetur, increseat, nullumque malum portendat, inter se magnopere discrepant.

Primarius itaque hujus Aneurysmatis effectus erit:

1.^o *Venæ dilatatio præternaturalis*, cujus figura non ubique eadem est: differre enim solet, pro ut una, pluresve Venæ expansæ; atque ramificatio; valvularum decursus; arteriæ vulneratæ diameter, & aperturæ, ejusque Venæ magnitudo; ac modus coalitionis vulneris arteriæ cum eo Venæ, fuerint diversa.

2.^o *Arteriæ humeralis diameter adaucta*. Nec difficilis explicata hujus phænomeni ratio Cl. HUNTERO videtur; simulac enim sanguis per aperturam arteriæ directè in eam venæ libere fluere potest, major sanguinis copia versus hanc arteriam propelleretur; & sane hæc dilatatio non abulmili illi est, quam in omnibus N. C. arteriis increfcentibus, & in iis quarundam partium vasculosarum, quum massa earum propria adaugeatur, quotidie observamus. Omnibus enim Anatomicis notum est, quantum uteri arteriarum diameter gestationis tempore augeatur; notum etiam, quantum in aliis partibus diametro sua amplificari possint. Vidit Cl. HUNTERUS in summo capite tumorem carnosum tantæ magnitudinis, ut eam capitis æquaret, ita ut vel ipsæ arteriæ temporales & occipitales, quarum ope ei sanguis pro nutrimento afferebatur, ad ipsius magnitudinem proportionatæ essent: quales casus plurimos in liene, testibus, aliisque partibus, quæ volumine naturali superabant, a se visos fuisse, addit.

3.^o *Pulsus arteriæ infra aperturam imminutus*. Ratio in promptu esse videtur: quando nimirum sanguis liberrimam invenit viam ex arteriæ trunco directè in incumbentem venam, necessario sequitur, quod, dum sanguis, arteriæ continuatæ extremitatem versus longe minori celeritate ac copia affertur, pulsus ibidem multo debilior fieri debeat, quum interim idem sanguis per totum humerum ad locum læsum usque, præcipue autem in ipsum saccum, si qui, ut plerumque, addit, assaum irruat & arteriæ diametrum adaugcat.

§. XVI.

Innumeri vero, qui *cordis Aneurysmata*, a *dilatatione ejusdem cavorum originem suam trahentia*, concomitari solent, effectus enarrare vix possibile; præcipuos tamen eorum attigisse, quibus propius ad hujus mali diagnosin accedamus, summum illius periculum juber. Id autem in antecessum monuero, eorum effectuum multos a longe diversis conditionibus, actionem mire turbantibus, excitari posse, plures, a cordis dilatatione licet fuerint producti, aliorum morborum larvam induere, plurimos vero esse inconstantes atque fallaces, ita ut hoc ægro sese manifestent, in alio autem iterum absint. Præcipui hi erunt:

1.^o *Cordis dilatatio nimia respirationi obest*: non requiri videtur, ut multis hic explicem, qui fiat, ut factio Aneurysmate cardiaco respiratio tantopere turbetur: tot enim causæ sunt, ut, eas omnes exponendo, a nostro scopo nimium deviare: id tamen in transitu notasse sufficiat, respirationem lædi posse, vel quia unum alterumve cordis cavum, præternaturaliter expansum, sui lateris pulmones premat, sursumque pellat, ut nuperrimis diebus, quum hisce describendis occupatus eram, in theatro nostro Anatomico a Cl., & maxime mihi venerando Præceptore, SANDIFORT in cadavere foeminae, cujus cor amplissimum, valvulae autem aortae miro modo degeneratae erant, egregie confirmatum vidi; quo spectant etiam illa Cl. MECKELII, & MORGAGNI observata, supra a nobis (§. VIII) verbo jam commemorata: vel lædi quoque poterit respiratio, si valvulae arteriae pulmonalis sigmoideae, cartilagineae factae aliove vitio affectae, introitus sanguinis in eam liberiores imminuunt, ventriculorum proinde dextrum vel & auriculam dextram (a) ad dilatationem immodicam cogunt, & ob exiguum sanguinis quantitatem satis sufficienter amplissimum vasorum pulmonalium systema explicari non sinunt, unde fieri debet, quod sanguis justa quantitate ad auriculam, ventriculorum finistram, atque aortam arteriam pervenire haud queat, cerebrum hinc, omnesque reliquae partes sanguinis influxu determinato orbentur, virium nascatur languor, atque anihela respiratio.

Verumtamen quis non videt, respirationem hanc laesam a longe

(a) MORGAGNI de sedibus & causis morborum &c. Ep. XVII. a 12, & 13.

diversis quoque conditionibus excitari posse (a), ita ut; testante Ballonio, homo quidam, respiratione difficillima laborans, putaretur pulmones primario affectos habuisse, quum interim post mortem in iis nullum vitium deprehenderetur, verum cor ad magnitudinem capitis adauctum, & pulmones inde admodum compressi erant; sanguis enim magna vi illuc propulsus atque retentus hujus dilatationis causa videbatur, unde non mirum, quod orthopnoea, haemoptysis, asthma, atque phthisis tam subito cordis dilatationem sequerentur (b).

2.^o Nec minora certe mala sunt, quæ *polyporum* in expansione cavorum *efformationes* concomitantur, quos supra vidimus toties hujus Aneurysmatis speciei causas existere, quicquid etiam objecerint alii: jam vero, ut quoque hoc assertum, quod jam inter effectus Aneurysmatis veri (n.^o 4.) quod arterias stabilire tentavimus, probetur, demonstrandum nobis incumbit, eodem jure polypos inter Aneurysmatum cardiacorum sequelas enumerari posse. Non necesse autem est, ut hic cum summis viris statuamus, polyporum generationes ab inæqualitate superficiei internæ cujusdam cavitatis, per læsionem aliquam, vel dilacerationem orta, semper esse derivandas, qua fieret, ut sanguinis motus retardaretur, & iis tantum in locis, ubi obstacula adsunt, polypi nascerentur: certum enim est, & supra jam demonstravimus, in sanguine dispositionem talem requiri, qua in concretiones nimis firmas nitatur, ut in morbis acutis, aliisque similibus, in quibus sanguis, justo vehementius per vasa sua propulsus, nimis condensatur, fieri videmus: minime tamen negavero, iis in locis, ubi sanguis retinetur, polypos generari posse: experientia nimirum quotidiana satis hoc evincit; in universum vero propositio illa nequaquam procedit, præterquam quod, licet jam sanguis in quodam loco coacervatus sit, conquassatio tamen, ut in veros polypos abeat, superaccedat, summe necessarium sit. Quis igitur, dum sanguis in corde nunquam quiescit, verum continuo movetur, conquassatur, negabit, polypos in illo nasci posse, & eo quidem facilius, quo cordis cava fuerint magis distenta; cum eo in casu tanta sanguinis copia quavis cordis contractione e ventriculis expelli ne-

(a) Conf. Cl. Præceptoris SANDIFORT *Oratio de circumspetto cadaverum examine, optimæ practicae medicinae adminiculo* pag. 15 & 16.

(b) Conf. SENAC *traité du Cœur* Tom. II, pag. 414.

quit, quantum a vasis, sanguinem reducentibus, continuo affertur: omni igitur momento sanguinis certa copia remanet, quæ conquaſatione ita denſatur, ut amplius oriſſicia arteriarum ingredi haud queat; verum, in cordis cavo collectus, maſſam format polypofam, ſeorſim in eo ſluitanem, vel lamellarum forma ejus ſuperficiæ internæ affixam; unde plerumque fieri ſolent cordis palpitaciones frequentes, tantum non continuæ; anxietates ad levem corporis motum inſignes; pulſus irregularitas, horumque omnium augmentum, prout corpus magis moveatur; remedia calefacientia ingerantur; polypofa materies increſcat; eorumque ſymptomatum diverſitas, pro ut in hoc vel illo cordis cavo hæſerit: ſiniſtrum enim ſi occupaverit ventriculum, arteria pulmonalis rite ſeſe ab accumulato ſanguine liberare nequit; diſtenduntur igitur ejuſdem rami, & ad rupturam deduſti hæmoptiſin excitant: econtra, aorta arteria haud ſufficientem ſanguinis quantitatem accipiente, nutrimento ſuo orbantur omnes N. C. partes, unde lipothymia, aliaque mala, ex vaſorum inanitione originem ſuam trahentia, ægrotantes invadunt. In dextro vero cordis thalamo generata ſi fuerit maſſa polypofa, ob impeditum ſanguinis, per venas cavas ad aurem, & ventriculum dextrum allati, per cordis cava trajectum, vaſa cerebri ſanguine accumuluntur, diſtenduntur, vel & rumpuntur; unde apoplexia haud raro lethalis, immo mors ſubitanea hujus affectionis ſequelam quandoque ſiſtunt. Idem obſtaculum ſi fuerit natum ſanguini, per venam cavam inferiorem aſcendenti, viſcerum abdominalium obſtructiones, melancholia, tenſiones, ſpaſmi, &, quæ ex his ſequuntur, mala innumera ægrotantes inſeſtant. Ulterius ſi proceſſerit malum, immaniter nimirum diſtenſis venis, vaſa lymphatica minus prompte ſeſe in eas evacuare valent, nimium hinc repleta lympham, ab iſtis reſorbendam, in cavis relinquunt; naſcuntur ergo arrium tumores œdematoſi, & in cavitatibus N. C. majoribus hydropes varii, pericardii puta, hydrocephalus, peſtoris hydrops, aſcites &c.; & denique, concretionibus polypofiſ ita adauctis, ut, emiſſis quoque ramis ſuis per continuatos ex corde canales, oſtia obſtruant, ac ſanguinem per ea propelli impedian, proximum eſt, ut lipothymia, ſyncope, aſphyxia, catarrhus ſuffocativus, venarum cavarum, auriculæ, ſinus, aut ventriculi dextri dilatationes, abſque ſummo vitæ periculo haud facile tolerabiles, rupturæ, & mors ſubitanea exinde ſequantur.

3.^o Ne-

3.^o Neque plane omittenda hic est ea cordis affectio, quæ cardiacum Aneurysma toties concomitatur (a), ac *palpitationis* nomine a Medicis insigniri solet, cujus vis, testante Cl. VOGELIO, quandoque tanta est, ut pulsatio extra conclave audiatur, ut arteria magna foras in Aneurysma dilatetur, ut thoracis costæ dislocentur, exedantur, ac diffingantur, ut cor ipsum de propria sede depellatur, denique ut externus locus, ubi admota manus pulsus percipit, rubescat, aut callosus fiat (b), ita ut, auctore TULPIO, Pharmacopolæ famulus cordis concussionibus tam violentis vexaretur, ut eam ad conclavis portam audirentur, post anxietates vero, respirandi difficultatem & oppressionem circa regionem ventriculi, pulsus intermissionem, ac vomitionem hydropes tandem perit: aperto cadavere, insignis magnitudinis cor, & calculi in rene deprehendebantur (c). In juvenis, post enormes cordis palpitationes mortui, cadavere sinistrum cordis cavum triplo majus dextro invenitur (d). Hominis 34 annorum, post validas & diuturnas cordis palpitationes extincti, cadaver cordis ventriculum immaniter dilatatum, in sua tamen substantia æque crassum, ac naturaliter esse solet, exhibuit (e). Et denique vir 25 annorum, cursor pallidus, anhelosus, subita laborat angina, a qua sanatur quidem, sed manet spirandi difficultas, & cordis palpitatio sæpe recurrens, inprimis cum citato gressu procederet, subita tandem morte extinguitur; in cadavere invenitur cor triplo majus, quam naturaliter esse solet; ablato pericardio, & expresso omni cruore, libras duas cum dimidia in lance pendens (f). Ne loquar jam de observatione, a M. GAUTERE communicata, hominis nimirum, palpitationibus cordis intolerabilibus ita vexati, ut cogeretur subinde in ventrem incumbere, & ambabus manibus cor reprimere: palpitationes distincte audiri poterant; & manus pectori admota violenter repellebatur. In cadaveris thorace pericardium præmagnum detegebatur, quo aperto, cordis ventriculi magnopere distenti sese obtulerunt, ita ut eorum quisque ad minimum pintæ sanguinis crassi atrique dimidium, & concrementa

- (a) J. OOSTERDYK SCHACHT Instit. Med. Pract. lib. IV, cap. VIII, §. 9.
 (b) Praelect. Acad. de cognoscendis & curandis præcipuis C. H. affectionibus §. 522.
 (c) Conf. SENAC. l. c. pag. 415.
 (d) Abridgement vol. V, pag. 239.
 (e) l'Acad. des Sciences de l'ann. 1715. hist. XXIX.
 (f) LANCISIUS de subit. moribus pag. 127, 128.

polypofa contineret (a). Quibus omnibus fatis mihi comprobari videtur, palpitationes insignes non raro cardiacorum Aneurysmatum sequelas esse, nec difficile hoc concipitur, si modo attendamus, quantum cor sanguine, a quacunque etiam causa versus ejus cava propulso, vel ex iis per arteriarum fines libere transire impedito, obruatur, ita ut exinde stupenda sane phaenomena necessario sequantur, nunc quiescat cor, mox iterum irritatum validissimo spasmo sese contrahat, qui motus, dum aliquamdiu alternatim durant, actiones animales & vitales tam mirifice turbant, ut tandem horum omnium augmentum miserorum vitam cum morte commutat. Sed forte tamen mihi quis objiciet, cardiaca Aneurysmata ad effecta potius, quam causas palpitationum cordis referenda esse; novi equidem inveniri auctores hanc sententiam propugnantes, novi & contrarium defendentes: statuendum vero crediderim, palpitationem cordis nunc causam, nunc effectum Aneurysmatis cardiaci constituere: satis superque enim hic illic, inter causas hujus speciei exponendas, comprobare annisui fui, insignem ad cordis Aneurysmata proclivitatem a palpitationibus, justo diutius protractis, generari; eas tamen saepissime etiam eorum sequelas esse quis, ad modo proposita pro momento tantum attentus, facile negaverit? Inicias quamvis minime iverim, cordis palpitationes a longe diversis quoque causis excitari posse, easque cum cardiacis Aneurysmatibus ut individos comites rarissime incedere; prius nimirum assertum verissimum, & omnibus Medicis receptum; posterius vero ut evincatur, unicam, a Cl. STORCKIO communicatam, observationem adduxisse sufficiat, qui narrat: in viro, Aneurysmate dextri cordis ventriculi insigni mortuo, praesente vita nullas palpitationes observatas fuisse (b).

Præter hos effectus adhuc innumeri alii sunt, qui symptomata symptomatum melius vocantur, qualia sunt v. g. pulsus irregularitas, faciei pallor, artuum tumor, aliaque mala similia, non tamen semper ægrotantes infestantia, quos inter effectus jure recensetur singularis ille, de quo loquitur FABRICIUS HILDANUS, gangraena sc., artus quandoque corriprensus, quum cor, vel vasa majora, ex eo prodeuntia, maxime sese dilataverint. Narrat enim, foeminam cordis palpitatione,

(a) Vid. Recueil d'observations de Médecine des Hôpitaux Militaires, fait & rédigé par M. RICHARD DE HAUTESIERCK, Tom. II, p. 626.

(b) Annus Med. 1, pag. 118, Cadav. 4.

a pluribus symptomatibus concomitata, tussi v. g. valde molesta, ac respiratione laboriosa fuisse vexatam, quibus per satis longum tempus non sine magnis cruciatibus perpessis tandem sese adjunxit manus sinistrae sphacelus, præstantissimis etiam remediis refractarius (a).

4.º Non rara etiam hujus morbi sequela *mors repentina* est, cujus causam satis manifestam facile detegimus, quando cum MORGAGNO statuamus, quod, etsi, iis in casibus, ubi ægrotantes morte repentina ex cordis dilatatione nimia illata pereunt (uti & mox adducendis exemplis evincere conabor) *ingens cordis moles, sive diaphragma prægravando, sive etiam pulmones comprimendo, respirationi officit, tamen vel sola ventriculi sinistri dilatio facit, ut, quanto minus sanguinis in aortam potest extrudi, tanto quoque minus e pulmonibus admitti possit, unde tum spirandi difficultas oriatur, gravatis sanguine pulmonibus, tum mors denique repentina, ubi is ventriculus magis semper magisque laxatus ea tandem sanguinis copia obruitur, ut sese contrahere nequeat* (b): quo spectat præcipue casus ille juvenis, spirandi difficultate diu vexati, a qua subinde sanguine, e naribus erumpente, levabatur; cessante vero postea solita hac evacuatione, post magnam corporis exercitationem, &, versus sarcinulas, humi depositas, inclinationem mortuus illico concidit: vasa colli & capitis sanguine turgidissima, &, aperto thorace, pulmones parvi admodum ob immensam cordis magnitudinem; inciso vero pericardio, auriculæ, dexterque ventriculus solito ampliores, maxima tamen magnitudo in sinistro cordis cavo, dilatato adeo, ut nihil magis, & copia sanguinis atri nec in concreciones polyposas, sed in grumos nonnihil coacti, non modo, ut reliqua cordis cava, oppleto, verum & distenso, detegebantur (c). Plura quoque huc ex BONETO referri possent exempla; unum nimirum aurigæ, in curru extincti, qui longo tempore conquestus fuerat de abdominis doloribus, ad jugulum ascendentibus, ut inde se crederet suffocari, nec levamen ante sensit, quam appressa thoracem & abdomen manu comprimeret, vel opposito fulcro sublevaret: aperto cadaveris thorace, præter pulmones sicciore, ad livorem tendentes, cor inusitatæ magnitudinis, & quovis bubulo majus, dextra sc. cordis auricula amplissima,

(a) Conf. SENAC. l. c. pag. 416.

(b) De sed. & causis morborum &c. epist. XXVII, a. XIII.

(c) l. c. a. II.

sex digitos transversos lata, sanguine turgida, sinistra vero contracta vix nucem minorem æquans, observabantur (a): & illud ægrotantis, repentina quoque morte defuncti, in cujus thorace cor nativam molem longe excedens, flaccidum, nigroque sanguine plenum observabatur (b); ac denique ex HARVEO alium commemorare possem ægrotum, cui cordis moles, & ventriculorum cavitates sanguine distensæ, bovini cordis magnitudinem æquabant, quique in summa cordis & pectoris oppressione levamen aliquod percipiebat, cum tota pectoris regio a fortissimo viro comprimeretur (c). Circa quæ tamen illud adhuc cum MORGAGNO animadvertendum habeo, cordis nimirum *Aneurysmata* haud secus atque aortæ, non ita necessarias subiti interitus causas esse, ut sunt cordis, aut aortæ ruptiones. Immo dilataciones illæ, nisi eo demum pervenerint, ut nova alia causa extrinsecus, aut intrinsecus, accedente, illico cessare debeat sanguinis circumitio, lentam potius mortem afferent, quam repentinam; cujus rei etsi multæ exstant observationes, tamen quod ad cor attinet, de quo hic agimus, duæ inspiciantur, quæ habentur in BONETI sepulchreio *Anat.* (lib. 11, sect. VII obs. 83; & sect. VIII obs. 13.); altera TH. BARTHOLINI, in qua cor tam vastum proponitur, ut sæpe in bobus non majus sit; altera OTTONIS HEURNII, in qua cor dicitur communem magnitudinem quater circiter excessisse. Neutrius ægrum subita abreptum morte; immo utrumque lento morbo confectum legimus (d).

§. Quibus omnibus rite perpensis, facile cuique erit colligere, cordis rupturam, ut frequentem mortis repentinæ causam, cardiaci vero Aneurysmatis omnium tristissimam sequelam, merito sibi primarium hic vindicare locum; hanc tamen solummodo, quatenus, prægressa dilatatione, in cordis Aneurysmatibus contingat, paulo prolixiore sermone investigabo, illam nimirum rupturarum cordis speciem, quæ fit, quando cordis fibræ diu foriuterque distractæ omnem restituendi sese vim plane amiserunt, ita ut, continuata vi interna distendente, prorsus divellantur, & patiuntur, & contentum intus sanguinem effluere sinant. Et hæc sane ea cordis affectio est, quæ, assentientibus summis in arte viris, inter causas lethiferas

(a) Sepulcr. Anat. Tom. 1, lib. 11, sect. 1x, obs. 24.

(b) l. c. obs. 30.

(c) De Circul. sanguinis exercit. III.

(d) l. c. epist. XXVII, a. xv.

omnium celerrime repentinam mortem inferre solet. Nec mirum, omnem enim nostræ vitæ ac sanitatis vigorem in humorum liberrima circulatione positum esse, quis facile negaverit? Sed ut is conservetur, imprimis requiritur, ut cordis fibræ integræ in sanguinis admissi molem rite reagere, & expellere, atque contenta libere permeare possint: ruptura vero quum adsit, adminicula hæc tolluntur, sanguis ex suis cavis in aliena effluit, omnemque cordis actionem suffocando repentinam mortem infert: sed forte quis objiciet, observata plurima evincere, per horas non tantum, sed & per dies, immo ad vigesimum tertium usque, notante FANTONIO (a), rupto corde supervixisse ægrotos, qualia multa exempla simul congesta Cl. MORGAGNI exhibet (b). Illæ vero observationes, inter rariores sane enumerandæ, cardiacorum vulnere lethali tamen mihi saltem infringere minime videntur, protractæ licet vitæ discrimen ex collatis potissimum inter se hujus aut illius fauciat ventriculi observationibus; lacertulorum forte reticulis aliis super alia impositis, atque sic vulnus operientibus; grumoque sanguinis concreti cordis aperturam obturante, aut & ipsius cordis in se contractione, si nullus adfuerit obex, indeque consequente in sanguine per vulnus extrudendo infirmitate summa, colligi posse, auctore MORGAGNO (c), videatur. Fieri hæc quandoque posse in vulneribus, ex improvviso cordi illatis, lubens agnosco, nullus tamen simul dubitavero, quin, tantopere distractis fibris cardiacis, ut omnem ferme tonum suum amiserint, hiatus tam insignis oriturus sit, ut, quamvis in hoc vel in illo cordis ventriculo acciderit ruptura, nihil tamen vel a lacertulorum reticulis, sive a grumo sanguinis concreti, cordisve in se contractione sperandum habeamus. Ut autem constet, revera disrupta aliquoties fuisse cordis cava, sequentia tantum exempla enumerare lubet: rarissimas tamen esse sinistræ atque auriculæ dextræ rupturas, minus raras vero ventriculi dextri, qui ad hanc rem imprimis attenti fuere, annotarunt auctores; utrum autem hæc in dextro, quam in sinistro cordis cavo frequentiores observentur, inter se minime conveniunt.

(a) Observ. Patern. obs. xxxiii.

(b) l. c. epist. lxi, z. 27.

(c) l. c.

De dextra cordis auricula binæ præprimis occurrunt observationes, una a D. MUMMSEN communicata, ac supra jam (§. x) exhibita: altera a NEBELIO in viro, quem equus ephippio excusserat, freno-que circa ejus collum ligato, protraxerat, inventa; tum vena cava, tum ipsa auricula dextra ruptæ erant, quamvis contusio externa thoracis nulla, nullaque costarum fractio adfuerint (a). Quorum binorum exemplorum verosimilior causa ab impedito sanguinis per cordis cava tractu, ejusque versus id determinatione majore, ac nata inde fibrarum auriculæ distensione tanta, ut absque ruptura magis dilatari non possent, deducenda videtur.

Disrupti vero ventriculi dextri exempla plura habemus: duo tantum ab interna causa distendente producta memorasse sufficiat. In milite sub æstu venereo, saltatione prægressa, mortuo dextrum ventriculum eo loco, ubi cum septo cohæret, ita fissum, ut sanguis, inde emanans, totum pericardium impleverit, VATERUS vidit (b). Historiam vero viri sexagenarii, per tres menses doloribus in regione lumbari valde cruciati, ac dein mortui, in cujus dextro ventriculo cordis, quod naturali duplo majus fuit, ruptura satis ampla, totiusque cordis fibræ molles repertæ fuere, CL. HAZON describit, ac conjicit, hunc forte eventum nimio opii usui adscribendum esse, quum quotidie opii dosis augeretur, ita ut ultima vice ab ægro centum & quinquaginta sex guttæ laud. liq. assumerentur (c).

Sinistram autem auriculam ex polypo, sinistrum ventriculum obsidente, disruptam CL. LANGHANS vidit (d).

Cordis tandem ventriculi sinistri rupturam longe frequentiore sequentia exempla evincunt. In viro, qui sæpe de dolore quodam oppressorio pectoris, inprimis nocturno tempore, conquestus fuerat, parietem ventriculi sinistri amplo hiatu, ut facile digitum admitteret, ex impedito sanguinis de sinistro ventriculo in arteriam tractu disruptum fuisse, Ill. HARVEUS auctor est (e). In cadavere formosioris ac athletici habitus viri, cui summam senectutem promississet

(a) Mém. Acad. Nat. Cur. Dec. III. Ann. III. obs. LXXXII.

(b) De mort. sub. non vulg. causis. p. 12.

(c) Journal de Médecine, Chirurgie, Pharmacie &c. par M. VAN DER MONDE; Tom. IX, p. 516.

(d) AË. HELVET. vol. II, p. 123.

(e) Exercit. III. de circul. sanguinis, Pars I, p. 149.

quilibet, ad latus uxoris repente extincti, rupturam sinistri cordis ventriculi prope ostium aortæ Cl. BOHNIVS detexit (a). In epileptico paroxysmo a sanguine in capillaribus arteriis, spastice contractis, retento, cordique resistente, sinistri ventriculi disruptionem exortam Cl. JOHNSTONUS notat (b). Viri autem quinquagenarii, per aliquod tempus variis symptomatibus, cordis inprimis palpitationibus, suffocatione, atque sensu singulari, ac si thorax diffringeretur, afflicti cor magnitudinem naturalem superasse, & in ventriculi sinistri medio aperturam quatuor lineas longam apparuisse D. JOS. VILLESAYOYE scribit (c); ac denique, ne in observationibus enarrandis, ad idem redeuntibus, multus sim, duas has superaddo: unam D. GUSMANI GALEATHI, qui in cadavere viri, variis ærumnis per 30 annos afflicti, & in ultimo demum vitæ stadio molesto dolore ad sterni finem circa cordis scrobiculum, & per totum pectus sese extendente correpti, scissuram vix duarum linearum Parisiensium longitudine in exteriori ventriculi sinistri pariete invenit (d): alteram denique a Cl. MORGAGNO descriptam, medici nimirum duodesexaginta annos nati, hypochondriaci, lurido colore, ac dolore gravi, e ventre ad thoracem adscendente, non sine convulsivis quibusdam motibus, anxietateque respiratione vexati, ac repente confecti, in cujus pericardio sanguis effusus, qui illuc devenerat per tria foramina ex sinistro cordis ventriculo, tantopere dilatato, ut cavum triplo majus quam secundum naturam comprehenderet, deprehendebatur (e).

En igitur præcipuos effectus, qui cardiaca Aneurysmata, exavorum cordis dilatatione nimia orta, concomitari solent, paucis expósitos. Quæ vero symptomata in Aneurysmatibus cardiaca, ex vasorum coronariorum distensione immodica ortum suum trahentibus, obvia sunt, a cordis inprimis amplitudine justo majori dependent.

Quantum sese dilatati patiantur coronaria vasa abunde satis supra jam demonstravi, ut necesse minime videatur multa, quibus evincatur, quod cordis volumen ita adauctum circulationi sanguinis per ejus cava, ac respirationi maxime obeffe possit, asserre: ipsa nimirum

(a) De renunt. vulnerum sect. 1, p. 114.

(b) In a letter to Dr. JOHN FOTHERGILL in Med. obs. and Inquiries vol. II, p. 119.

(c) Fränkische Sammlungen von Anmerkungen &c. vol. II, part. XI, n.º 3.

(d) Comment. BONON. Tom. IV, pag. 34.

(e) De sed. & causis morborum &c. Tom. II, epist. LXIV, a. XV.

coronaria vasa congrumescente sanguine magis magisque ita implentur, ut præ amplitudine nimia, ac parietum crassitie cor vix sese contrahere valeat; ut tonum suum plane amittant ipsa vascula, quo fit, ut eorum laterum resistentia imminuatur, ac, manente causa eadem distendente, tantum divellantur, ut, nisi natura suppressam forte hanc illamve evacuationem solitam iterum excitet, aliove modo vasa hæc ab impactione nimia liberet, facile inde eorum ruptura fiat, sanguis extra suos cancellos in pericardium eliminetur, illudque adimplendo omnem demum cordis motum suspendat, tollat: vel, si utcumque adhuc quicquam resistunt, ac διαπνῶσιν tantum patiuntur, serum sanguinis exprimatur, & intra pericardium collectum hydropem ejus efformet, cordisque actionem ac respirationem mirum in modum perturbans innumera, suo quoque momento minime carentia, mala producat.

SECTIO QUINTA.

DE ANEURYSMATUM DIAGNOSI.

§. XVII.

QUAM dubia, fallax, ac insignibus difficultatibus pressa sit harum affectionum diagnosi, qui in celeberrimorum Virorum famam, effata, atque errores in Aneurysmatibus tractandis pro momento tantum contemplando versetur, quis non videt? quum peritissimi etiam Chirurgi, pertuso Aneurysmate, pro remedio momentaneam subinde intulerint mortem, & Cl. DE HAEN exclamare lubuerit: *Cognitio Aneurysmatum uinam certior esset, signisque munita pathognomicis desisteret turpissimis erroribus ansam præbere (a)!* Non tamen ideo de horum morborum diagnosi omnino desperandum; causarum nimirum, atque effectuum attenta contemplatio utcumque nobis in ea eruenda aliquam lucem affundet. Ne tamen certiora cum incertis confundam, consultius judicavero, ea hic sejunctim paulo prolixius indagare.

Ad

(a) Rat. Med. part. v, cap. vi, §. 2.

Ad incerta refero, quæ defumuntur :

1.º *A pulsatione* : hæc enim Aneurysmatum verorum (de quibus tantum in hoc \$. loquor) non ita individuus comes est, quin potius PARÆO assentiri possimus, qui, cum inter Aneurysmatum signa pulsationem enumerasset, mox admonuit : *ne tamen fallamur signis supra commemoratis : nam nonnunquam in insignibus Aneurysmatibus nec pulsus ullum percipere licet, quia sanguis in trombo coit, & con- crescit* (a). Ad quod eo magis attendendum, quum, teste LANCISIO, pulsatio Aneurysmatis signum adeo exploratum ac pathognomicum vulgo habeatur, ut sine illa Aneurysmata existere nullo modo posse credantur ; quo errore imperiti decepti sæpe æquo artis ludibrio ; atque ægrorum pernicie, Aneurysmatis tumorem minime pulsantem, ferro vel igne temere aperiunt, cujus infæusti casus exempla apud DEKKERUM & RUYSCHIUM habentur (b). Si enim verissimi PARÆI effati non ita immemor fuerat ille RUYSCHII amicus, tumorem sane circa talum nucis juglandis magnitudine, etsi omnis pulsatio deerat propter sanguinem coagulatum (c), aperire minime ausus fuisset. Hujus vero phænomeni ratio ut explicetur, nullatenus requiritur, ut cum MARCO AURELIO SEVERINO statuamus, ex putrefactione ipsius arteriæ a sanguine diffuso & corrupto intra vicina spatia pulsationem remittere (d) : neque opus est, ut plane cum RUYSCHIO consentiam, quum dicit, nullam, si sanguis in Aneurysmate coaguletur, pulsationem percipi (e). Non equidem negavero, interdum resistentiam, ex congerie concreti intra aneurysmaticum saccum sanguinis enatam, ad pulsationem imminuendam multum conferre ; cum LANCISIO tamen dubito, an quidem sola illa resistentia per se sufficiat, si non eidem adjungatur diminutio virium cordis, sanguinem propellentis, præsertim cum experimento compertum se habuisse RUYSCHIUS ipse in descripto Aneurysmate narret, quod pulsatio, quæ vehementissima esse solet, in totum aliquot hebdomadibus ante mortem cessaverat (f) ; pergit autem Cl. LANCISIUS : etenim si ponatur cordis vigorem eundem perseverare, necessario ictus san-

(a) Oper. lib. vi, cap. xxxii.

(b) l. c. prop. lviii.

(c) RUYSCH. Obs. Anat. Chir. obs. xxxviii.

(d) De recondita abscessuum natura p. 178.

(e) Ibid.

(f) pag. 52.

guinis extrorsum trudens poterit per id temporis dimovere ea obstacula, quæ ex polyposo fornice opposita sunt, cum ossa elevare, atque sæpe etiam disjungere soleat (a). Præterea si resistentia sola, ictui sanguinis a concreto intra saccum aneurysmaticum cruore enata, pulsationis languorem producat, an ullibi manifestior deprehenderetur hujus imminutionis causa, quam in nostro, ad calcem distentionis adjiciendo, casu, in quo ipsas tunicas, variis sibi invicem impositis lamellis obtektas, atque has præter magnitudine insignia polyposa coagula, tumorem perfecte adimplentia, in arteriæ dilatatæ sinu inclusa observavimus, quamvis pulsatio, ad magnam distantiam visui satis conspicua, ad ultimum vitæ tempus miserimam infestaverit. Accedit, quod mihi saltem, si nimirum RUYSCHII opinionem sequamur, explicatu difficillimum videatur, qui fiat, ut subinde pulsatio nunc silens, mox vero, vel diu admodum post de novo iterum insurgat, quum certum sit, quod facta semel sanguinis coagulari congeries continuo magis adaugeatur ac solidescat, & ita perpetua resistentia ictui sanguinis major generetur. Omnium autem validissimum argumentum a sanguinis missione depromitur, qua præstantius nullum, ut impetus sanguinis in tunicas sacci aneurysmatici, ejusque pulsatio infringatur, auxilium novimus. Missio etenim sanguine, pulsatio in parte læsa mox debilitatur, non quia eo momento sanguis in Aneurysmatis cavo magis solidescat, verum quod, sublata certa sanguinis copia, minorem tantum impulsus facere cor queat, quum illud, hac evacuatione debilitatum, non sufficienter sese contrahere possit, eoque minori vi sanguinem in vasa propellere valeat. Ne vero iusto longius a scopo nostro recedamus, ex præmissis paucis tantum concludo, Aneurysmata post longum tempus, vel cito admodum pulsationis indicio destitui ob triplicem præprimis causam, unam rariorem, crassiorum sc. polyposorum corticum interiori arteriæ tuniciæ appositionem; alteram forte frequentiorum, fibrarum pura facti aneurysmatici ultra tonum suum distensionem, & tertiam denique omnium frequentissimam, cordis vigorem multum imminutum.

Liquet præterea, ad verum Aneurysma dignoscendum pulsationem non absolute requiri, sed e contra ab illa jam præsentem nullam tamen ad hujus affectionis diagnosin justam procedere argumenta-

(a) l. c.

tionem, quum, auctore Cl. DE HAEN, in matrona quadam inter alia morbi signa tumor pulsans in infima & sinistra epigastrii regione haud procul ab umbilico tactui sese offerebat, dum, secto cadavere, apparuit, colon longitudine quatuor latorum digitorum diametrum sesquipollicis habuisse, partique ampliatae tantam utrinque angustiam adfuisse, ut aer non nisi vi per eandem impelli expellique possit, pulsus itaque perceptus ex arteria quadam mesocolica, in tumorem excurrente, minime vero ab arteria, in tumorem extensa, nascebatur (a) : accedit, quod, notante Cl. JOH. WARNER, frequens etiam Aneurysmatis Spurii comes sit tumoris pulsatio (b), exemplo confirmante M. AUREL. SEVERINO (c), ac olim jam recte observante BERENGARIO cum macie; PROSPERO MARTIANO cum motu arteriae cuiusdam magnae, in aliis a carne interjecta obscurato; plenitudine nimia, inflammatione, tumore ad suppurationem vergente, vel denique cum insigni pancreatis, aut meseraicarum glandularum obstructione aliisque vitiis pari passu frequenter incedat (d). Ne memorem jam notabilem illius futoris historiam, in qua a Cl. MORGAGNO violenta & assidua pulsatio ad praecordia & ad umbilicum, a quatuor retro mensibus percipiebatur, qua pulsatione majorem sensitse sese aut vidisse, vix meminerit Cl. auctor : inciso tamen cadavere, nulla cordis, nulla auricularum, nulla vasorum sive in thorace sive in ventre dilatatio apparuit, ut hujus phaenomeni causam nervorum agitationi sive irritationi praepimis adscribendam crediderit (e).

2.^o *A duritie vel renixu tumoris* : haec nimirum a lamellis inprimis polyposis, internam sacci superficiem obducentibus, atque coagulis, in eo seorsum fluitantibus, dependent, Sed in multis haec desunt, & molliora potius tactui sese offerunt, ut magnopere subinde falleremur, statuantes, ad veram horum Aneurysmatum naturam duritiem ac renixum absolute requiri, quum fieri etiam possit, ut membrana adiposa, quae nascens Aneurysma integit, inflammationem ab attritu patitur, in suppurationem abeat, ac copiosum pus omnem motum ita suffocet, ut, licet jam forsitan antea pulsatio quaequam adveriti

(a) Rat. Med. part. IX, cap. II, §. 5. Historiam haud multo ab similem vide Tom. I, cap. XXX, §. 6.

(b) Cases in Surgery cas. 22.

(c) De effect. Medicin. lib. I, part. 2.

(d) Cl. MORGAGNI l. c. epist. XXXIX, art. XIX.

(e) l. c. epist. XXIV, art. XXXIV & XXXV.

potuisset, eadem nunc minime percipi queat : qualem casum ipse Cl. DE HAEN in praxi observatum candide nobis refert : fœmina sc. quadragenaria a 3 vel 4 annis ægram se pectore esse conquererebatur, spua quippe purulenta, subinde sanguine mista, se reddere, cor sibi palpitare, difficulter se respirare, vagosque experiri dolores, ex nulla dein nota sibi causâ pustulam ad infimarum costarum lateris sinistri cartilagine prope sternum sese manifestasse, & tandem in tuberculum castaneæ magnitudinis increvisse. Tumor examinatus, non pulsans, sed durus, elasticus, veram sui non determinabat naturam. Eo igitur tantummodo Emplastro Diæbotan non testâ, cura ad phthisin pulmonalem potissimum dirigebatur : spatio trium septimanarum emollefcebat, ita ut perfectum apostema referret, manifesta quoque puris fluctuatio genuinam tumoris naturam nunc determinare videretur : suadenda itaque vel ideo maxime ejusdem apertura erat, quod pulmo suppuratus fortunato casu viam sibi extrorsum quandoque capebat, qua diu aperta ulcus internum demum evacuetur & faneſcat. Tumor igitur apertus, pusque album & coctum parca tantum quantitate fuit eductum : in fundo vero durius quicquam supererat, unde digestivum, & maturandi scopo toti tumori Emplastrum Diachyl. cum gumm. imponebatur : biduo vero post, loco expectatæ maturationis, pulsus ibidem fortissimus in tota lata basi tumoris, & digitum repellens, eoque per aperturam immisso, horrendum Aneurysma observatur : mox itaque consolidandæ aperturæ gratia, Emplastro ad rupturas Fernelii imposito, integra fere consolidatio spatio trium septimanarum, tumore aneurysmatico sensim imminuto, remanente tamen sub costis vehementi, latentis Aneurysmatis indicio, pulsatione, obtinebatur. Ita ut, quod primo detectum fuerat, id modo veluti appendix esset, quæ a magno sacco orta sese inter costarum cartilagine insinuaverat (a). Qui casus abunde quamvis fallaciam summam ac incertitudinem demonstret, de iis tamen magis adhuc persuademur, si consideramus, quotidie tot tantosque tumores, duos, renitentes, immo vel pulsationis, ac fluctuationis sensu concomitatos, verorumque Aneurysmatum larvam mire induentes nobis occurrere, dum tamen hi, accurate indagati, veram abscessuum, in

(a) Rar. Med. pars v, cap. vi, §. 3, quale exemplum ibid. (§. 2.) de Aneurysmate ad caput internum ossis tibiæ habetur.

suppurationem tendentium, naturam commonstrent, vel subinde Spuriorum Aneurysmatum sequelæ habendæ sint.

3.º *A cutis colore* : cutis nimirum color ab Aneurysmate Vero rarius quidem mutatur, nisi diu admodum adfuerit, ac enormiter increverit, tum enim vel sanguis pellucet, vel ut plurimum per distractionem nimium lacescit ac irritata integumentorum vascula inflammantur, in suppurationem abeunt, vel & gangrænâ correpta, nociva effecta cito sæpe exserunt; aut per diapedesin sacci aneurysmatici serum exprimitur tenue ac acerrimum, quod alluendo & erodendo integumenta perforat, ac totum Aneurysma dissilire facit. Diutissime tamen integumentorum colorem, inprimis si distractio lente fuerit facta, immutatum mansisse, Aneurysmatum, quamvis insignium, historiæ, a Doct. NOORTWYKIO (a), Cl. SANDIFORT (b), & a me ad calcem diss., aliisque bene multis commemoratæ fatis evincunt; ad cuius rei rationem præcipue facit, quod natura, ut rupturæ prospiciat, lamellas polyposas superficiei Aneurysmatis internæ adfigat, vel & subinde ipsis tunicis cartilaginum vel & ossium duritiem conciliet, unde sanguis minus facile pellucet, & contra distractiones nimias egregie ipsi tumoris parietes muniuntur.

4.º *A pulsu reliquarum arteriarum* : pulsus certe in Aneurysmatibus interioribus ut plurimum *contractus, renitens, convulsivus & intermittens observatur, præsertim in brachio viciniore* (c). Insignis tamen & hicprehenditur inconstantia, ita ut, teste MORGAGNO, Aneurysmata interna sæpissime adjunctam habeant vehementem arteriarum pulsationem (d) : & Auctore Cl. SANDIFORT in Aneurysmate præmagno pulsus quidem debilis esset, attamen regularis (e) : ne plures enarrem diversitates, sufficiat, quo facile deciperemur, naturæ lusum indicasse. Quæ signa igitur, quum ad justam hujus morbi diagnosis parum conferunt, verum dubia potius atque fallacia sunt censenda, requiritur, ut certiora hic subnectamus, quibus rarius fallimur, immo quæ, simul sumpta, nullum ferme nobis dubitandi locum relinquunt : caussarum supra (in §. 1X) memoratarum una

(a) In præf. sua tract. FR. SOLANI de LUQUE præfixa.

(b) Tract. cit. §. 1.

(c) LIEUTAUD Synops. univ. Medic. parte 1, p. 107.

(d) l. c. epist. XXIV, a. XXXV.

(e) Tract. læpius cit. §. 2.

alterave si fuerit prægressa, tumque tumor oriatur in loco, ubi per Anatomen novimus, magnam adesse arteriam; si pulsus manifestus in tali tumore percipitur; si leni pressione evanescat, vel minuatur plurimum, mox redeat ad pristinam magnitudinem, ubi pressio cessat, auctore Cl. SWIETENIO (a), cognoscimus, externum Aneurysma adesse; persuademur, si, arteria ex fundo arctiori in majorem saccum aneurysmaticum expansa, sibilus eo præcipue tempore, quo fluidus utrunque sanguis ex ipsa arteria in saccum, & vice versa, irrui, audiat.

Aneurysmatis vero, interiora occupantis, magnam quidem, minime tamen certam suspicionem movent causarum, arterias ad Aneurysmata disponentium, prægressio vel adhucdum in corpore dominium; symptomatum, Aneurysmata interna subinde concomitantium, præsentia; si, Aneurysmate in pectore, vel circa pulmonum vicinia sito, perpetua fere spirandi difficultate vexetur æger, ac infolitam quandam circa locum affectum pulsationem sentiat; ob suffocationis metum decubitus avertetur; corporis flexuram in anteriora amet, & difficillimam patiaturs deglutiitionem; quum cordis motus turbetur, &, incitata sanguinis circulatione per exercitationes corporis iusto majores animive commotiones, vel & levi tantum corporis motum, suffocationis metus injiciatur; lipothymia aliaque similia, ex impedito sanguinis per cordis vasorumque majorum cava trajectu liberiori oriri solita, ægrotos infestant.

§. XVIII.

Premissis, quæ de signis Aneurysmatum Verorum æque dubiis ac certioribus proponenda putabam, ordo requirit, ut Spuriarum signa subjungamus, in quæ eo diligentius a Medicis inquirendum est, quum, neglecta eorum cognitione, pessima ut plurimum symptomata, per idonea adminicula iustoque tempore adhibita, subinde adhuc evitabilia, immo mors ipsa oriantur. Dolendum tamen, quod Aneurysmata hæc in interioribus toties, quæ manibus accessum denegant, & quidem longe frequentius, quam vulgo judicatur, contingant. Vidimus enim (§. x), quomodo sanguis ex aortæ trunco, circa emulgentes arterias, discisso erumpens & abdominis cavum adim-

(a) Comment. Tom. 1, p. 289.

plens hydropis larvam induerat, & Medicum ad diureticorum exhibitionem impulerat: vidimus simul, quam varii morbi, natura quamvis fuerint eadem, diversa sub forma sese prodant, ut non nisi ex causis prægressis, & symptomatibus præsentibus eruere quodammodo possimus, Spurium intus latere Aneurysma; summa igitur hic Medici solertia & perspicacitas requiritur, quibus morbum hunc ab aliis, eadem sub larva sese monstrare solitis, distinguere, certam instituere hujus affectionis prognosin, justamque adferre medelam subinde valet; quos vero morbos, quum a Prædicis titulo apoplexiæ sanguineæ, hæmoptysis, vomitus mistusque cruenti, dysenterici &c. dilucide exponantur, intactos relinquo, visurus potius, quibusnam signis Aneurysma Spurium externum, proprie loquendo ad nostrum thema inprimis attinens, dignosci & ab aliis tumoribus distingui possit. Si v. g. causæ supra memoratæ, contusiones inprimis validæ, aliæve potentiæ nocivæ, pungentes, secantes, vel erodentes præcesserint; si brevissimo satis tempore in magnum tumorem attollatur, ab initio molliorem, ac pressione cedentem, dum in vicinia adaugetur, increfcens vero postea durior fiat, ad cutim elatior & inæqualis, dum sanguis, per tunicam cellulosam quaquaversum dispersus, minus distinctis circumscribitur limitibus; si pulsus minus manifestus, quam in Vero Aneurysmate adsit (quod tamen interdum etiam fallit, ut ex illo SEVERINI exemplo (§. XIV) commemorato abunde patuit); si cutis color naturalis in livorem mutetur, & hæc, gangrænâ correpta, rupturam portendat (a); si denique tumor, infeliciter instituta v. f., læsa simul subiecta arteria, in brachio enatus ad humerum adscendat, inferius nimirum bicipitis aponeurosi obstante, de Spurii Aneurysmatis præsentia certi utcunque esse possumus.

§. XIX.

Longe felicius hodie detegitur *Mixtum Aneurysma*, postquam Cl. HUNTERUS, in hanc singularem speciem attentus, binos casus accuratissime, ut solet, descripsit, & a Cl. CLEGHORN, HUNTERI exemplar secuto, tertia superaddita fuit observatio. Ut autem signa eo facilius eruantur, auctorum fama & observationum dignitas, paucis

(a) Quantum tamen signa ex pulsatione & colore integumentorum desumpta fallere possint, ex JOH. WARNER (cases in Surgery vol. XXII, p. 142 & seq.) constat.

has commemorare, postulant; prima, a Cl. HUNTERO (a) enarrata, matronam spectat, cui a Chirurgo vena basilica imprudenter secta fuerat, ita ut arteria subiecta simul læderetur; sequentibus præprimis observatis phænomenis; ligato brachio, venæ, & inprimis basilica, quæ secta erat, valde intumescebant ad duos nimirum pollices infra & supra cubitum, paulatim iterum ad naturalem magnitudinem redeuntes: venæ compressio simulac cesserat, sanguine illico turgescebat, quamvis mox infra locum affectum ligatura applicata esset; arteriæ vero & venæ apertura, in sanguinis missione facta, digiti ope admodum compressa, ligatura sive applicata, sive ablata, venæ tamen collapsæ, & exiguæ magnitudinis mox apparebant. Omnis regio ad tractum arteriæ, cujus diameter & pulsus solito majores erant, tumebat, & in ipsa tandem vena, inprimis læso loco tremulus quidam & inordinatus motus detegebatur, paulo superius vel inferius non amplius dignoscendus.

Alter casus circa juvenem versatur, cui jam a quinque annis in brachio vena secta fuerat; lanceolam profunde satis penetrantem senserat æger, sanguinis rivulus tamen facile coërcebatur: sequenti die ad carpum usque sanguis in brachio effusus apparuit, tertio vero die loco læso tumor enascebatur, truncus arteriæ brachialis naturali jam multo capacior, & pulsus in hoc quam in altero brachio longe debilior evaserant. Ad symptomata attentus Cl. HUNTERUS conclusit, saccum quendam intermedium hic adesse; cæterum præcipua eorum cum iis, in priore casu jam indigitatis, optime congruebant (b).

Tertia denique observatio a Cl. CLEGHORN descripta (c) juvenem respicit, qui, secta similiter vena basilica, aliquot septimanas post in varicem, ut vocat, Aneurysmaticam incidebat, simili ac modo descripto in casu, profunde penetrantis lanceolæ sensu percepto. Tumor loco læso ad magnitudinem amygdalæ oriebatur: pulsatio & concussio in basilica vena manifestæ erant, in mediana vero debiliores, omnium minimæ in cephalica, quæ tamen valde tumida ad claviculam usque varicosa erat: pendulo brachio, venæ tumefactæ longe crassiores videbantur; sublato vero eodem, tumor disparebat, cessabant pulsationes & conquassationes omnino in cephalica vena, multum vero
in

(a) Med. Obs. and Inquiries vol. 1, art. XXVI, p. 340.

(b) Ibid. vol. II, art. XXXVI.

(c) Ibid. vol. III, pag. 110 & seq.

in mediana; dum interim basilica æque tumida in hac, quam in contraria positione motus suos tremulos ac conuassationes vehementes continuaret. Arteria subclavia, vel humerali compressa, omnia symptomata cessabant, duplo vero fortius inchoantia, simul ac compressio desinebat. Leniter premendo & attollendo tumorem, indicem inter & pollicem, CL. AUCTOR distincte percepit membranas Arteriæ a posteriore parte venæ, & locum, ubi arteria cum vena communicationem alebat. Ad tumorem aure admota, motus tremuli & pulsationes facillime distingui potuerunt, distinctius tamen adhuc, quando specillum longum, ferreum, una extremitate tumori incumbens, altera vero intra dentes retinebatur, vel auri applicabatur. Quæ sufficiens descripta, ut inde signa diagnostica eruantur, ita ut necesse minime videatur, eas subnectere observationes, quas ELSE (a), WHITE (b), & ARMIGER (c), postea divulgaverunt, quippe quæ, cum descriptis satis convenientes, egregie quidem eas confirmant, peculiare tamen nihil exhibent.

§. XX.

Optandum sane, ut in permultis descriptorum cordis Aneurysmatum historiis æque certa, quibus hæc ab aliis præcordiorum morbis, toto cælo diversis, internoscere possemus, invenirentur signa. Ast pleraque, ab auctoribus ut infalibilia jactata, non nisi frequentissimos aliarum etiam præcordiorum affectionum comites, plurima quoque inconstantia deprehendimus. Paucis in ea inquiram: *An Venarum Jugularium mutua dilataio, fluctuatio, & collapsus LANCISIO, ut indubitatum præsens auriculæ ac ventriculi cordis dextri dilatationis signum tantopere laudata, revera tale est habendum?* Quis ferme virum, summa ingenii sui facultate admirandum, ac phænomena sibi obvia tam egregie explicantem, refutare ausus fuerit? *Ex dilatatione, inquit (d), Auriculæ, ac Ventriculi cordis dextri duo præcipua contingunt, maxima consideratione digna, quæ potissimum Jugularium alternam dilatationem efficiunt. Primum quidem, hisce cavis summe dilatatis atque ampliatis, longe major san-*

(a) Ibid. pag. 171.

(b) Ibid. vol. IV. pag. 377.

(c) Ibid. pag. 182.

(d) L. c. prop. LVII.

guinis copia in iisdem congeriitur. Deinde orificium caudicis *Venæ Cavæ* amplius quoque fit, quam ut possit ab apposis valvulis omnino præcludi. Hinc propterea fit, ut contra hæc corde, sanguis ex dextero ventriculo non solum in Pulmones per *Venam Pulmonicam* impellatur, sed cum præ nimia copia, tum etiam ob non satis clausum ostium *Venæ Cavæ* per illius rimas hiantes rursus per universum tractum *Venæ Cavæ* superius repellitur, ac repercutitur, atque ex ipso recte in jugulares vehementius fertur, quam in cæteros *Cavæ* ramos, quod illæ in directum sitæ sint ad lineam hujusce motus. Unde mox venarum jugularium, quæ externæ sint, & omnium oculis in collo pateant, conspicuam dilatationem, & insequente ventriculi diastole, constrictionem earundem alterne fieri debere concludit.

Et hoc quidem signum pro demonstrandis dilatationibus dextrorum cordis cavorum, dummodo continuum sit, etiam dum æger quiescit, tanti esse censet, ut mirum fuerit, quam sæpe contra aliorum Medicorum sententiam (certo credentium, dilatationem in finistris cordis cavis adesse) confidenter dextros sinus Aneurysmate laborare pronuntiaverit.

At quis non videt, egregie quamvis explicatum phænomenon; ac Illustrissimi Viri experientia comprobatum, minime tamen pro indubitato haberi posse indicio? Lubens utcumque largior, multis casibus hujus rei veritatem posse confirmari. Nullus tamen simul dubito, quin pulsationes hæ venarum jugularium a longe quoque diversis causis interdum oriri possint. Nonne cordis palpitatio, nulla licet cavorum cordis dilatatione immodica præsentē, verum a qualicumque obstaculo, ad arteriam pulmonalem posito, excitata eundem sistere poterit effectum? Nonne sic, impedito sanguinis per arteriam hanc tractu liberiori, dexter cordis ventriculus irritatur, palpitat, sanguinem quaquaversum premit, factō in valvas tricuspidales impetu, in sinum eum repellit, & ob insignem repulsionis impressionem venis cordi vicinis pulsationem similem illi, quæ in arteriis sentitur, communicare debet? Observarunt certe Cl. MORAND (a) & PASTA (b) venarum jugularium pulsationem assiduam, quamvis nulla dextrorum cordis cavorum dilatatio apparuerit; sed

(a) Mém. de l'Acad. Royale des Sciences 2. 1732.

(b) Epist. de Cordis Polypo n.º 9 & 13.

econtra Cl. SENAC (a) alique enormes dextrorum cordis cavorum dilatationes narrant, nulla licet de venarum jugularium pulsatione mentio fiat.

Hoc igitur LANCISIO largiendum videtur, venarum jugularium pulsationem (modo constiterit, eam neque ex subiectarum artiarum carotidum appulsione, neque ex alterna venarum turgescencia, violentæ inspirationi expirationive respondente (b), fuisse enatam, eamque, quiescente etiam ægro continuari) semper indicare, in dextris cordis cavis adesse vitium, sanguinis saltem per ea trajectum multum impediri; sæpe vero cordis ventriculi dextri dilatationem denotare; interdum tamen & eam fallere.

An pulsus valvæ durus, & plenus certius præsentis Aneurysmatis Cardiaci signum præbet? Fatendum, si ad causas hujus phænomeni multifarias attendamus, & Cardiacorum Aneurysmatum historias accurate investigemus, nihil iterum certi hic haberi: innumera enim exempla quotidie in praxi obvia evincunt, immensas dari pulsus irregularitates, inprimis pulsus durum & plenum sæpius occurrere, quamquam nulla latentis cardiaci Aneurysmatis suspicio suboritur Medicis, vel raro saltem illud concomitur. Præterquam quod in ægro, dextri cordis ventriculi dilatatione insigni laborante, pulsus semper parvus & inæqualem observaverit Cl. STORCK (c). In alio, cor ad minimum triplo majus solito, præcipue vero ventriculum ejus sinistram maximum habente, pulsus inæqualem & tremulum Cl. DE HAEN detexit (d). In viro, cujus dextrum cordis antrum, inprimis vero dextra auricula Aneurysmate laborare Cl. BURGGRAVIO videbatur, in utroque carpo, utut non nihil parvus, justo numero & rhythmo decurrebat. In alio vero, sinistri cordis ventriculi Aneurysmate affecto, pulsus inordinatus, qui tandem ita turbabatur, ut rhythmum notare impossibile esset, idem auctor percepit (e). Econtra ex VALSALVA Cl. MORGAGNUS casus citat, in quibus non nisi forte postremo tempore Cardiacis Aneurysmatibus pulsus inæ-

(a) l. c. part. II, pag. 416 & seq.

(b) Qualem observationem Cl. MORGAGNI (l. c. epist. XIX, art. XXXIII & XXXIV) memorat.

(c) Ann. Med. primus, pag. 119.

(d) Rat. Med. pars IV, cap. II, §. 3.

(e) Act. Physico-Med. vol. X, obs. XXXIX.

qualitas sese adjunxerit (a), dum Cl. MORGAGNUS proprium casum describit, in quo illam, ne proxima quidem morte, detegere potuit (b). Immo, ingentem quamvis auriculæ dextræ dilatationem P. DIONYSIUS notat (c), nulla tamen ibi pulsuum inæqualitatis mentio fit.

An denique cordis palpitatio *Aneurysma Cardiacum* certo indicat? Nec parum quoque huic phænomeno attribuerunt multi, quamvis nequaquam attenderint, calamitosissimam hanc cordis affectionem idiopathicum toties, nullo tamen Aneurysmate in eo obvio, existere malum, toties sympathicum, interdum tanquam hæreditarium, aliquando ut congenitum, nunc mite, nunc gravius, & per intervalla plus minus longiora revertens, nunc periodicum, alias continuum & pertinax aliove diversissimo modo ab aliis aliisque causis haud raro dependens ægrotos infestare, ut statuere nullus dubitem, in eruenda hujus morbi diagnosi nunquam ita felices factos fuisse, qui hoc magni fecerunt phænomenon, LANCISIUM puta, BURGGRAVIUM aliosque, ni huic alia quoque adjecissent signa; existimabant nimirum, quod ex ipsis cordis ictibus dijudicari posset, utrum dextrum cordis cavum, an vero utraque cava simul Aneurysmate laborent. Sequentia præcipue BURGGRAV notat: Si uterque cordis ventriculus aneurysmaticus fuerit, ictus cordis, ex qualibet ejus systole oriundi, palmam manus sinistræ mamillæ apponendo, distingui, & ad numeros reduci non possunt, sed videtur, ac si intra universum pectus, etiam superne versus jugulum, interne in scrobiculo cordis, & in utroque latere, etiam demissiore, plura corda simul, sed sine ordine salirent, idque pro Aneurysmatis magnitudine plus minus vehementer. Si vero tantum cordis ventriculus dexter Aneurysmaticus redditus fuerit, ictus cordis sub læva papilla prorsus non, sed sub sterno, & in dextro thoracis latere, percipitur. Si tantum sinister cordis ventriculus Aneurysmate laboraverit, pulsus in carpis sine ordine & numero decurrunt (d).

Si tamen causæ supra memoratæ præcesserint, cordis palpitaciones oriantur insignes, continuæ vel levi de causâ cito redeuntis, difficilis respiratio, & subinde animi deliquia adsint, pulsus nunc

(a) l. c. epist. XVII, art. VI, VIII & X.

(b) l. c. epist. XVIII, art. II.

(c) l'Anatomie de l'homme, ad calcem libri.

(d) l. c. p. 141. •

vacillet vel deficiat, nunc iterum validissime agitur, ac manu præmagnam cordis massam, costas ferientem, percipere possumus, magna sane latentis Aneurysmatis Cardiaci suspicio movetur, parum tamen certi de hac specie, neque de illa quicquam, quæ a vasorum coronariorum immodica dilatatione originem suam trahit, nisi forte causæ prægressæ ac insequentes effectus aliquam lucem indaganti affuderint, determinare possumus.

SECTIO SEXTA.

DE ANEURYSMATUM PROGNOSI.

§. XXI.

CERTA morborum cognitio quantum conferat, ut justa fiat eorum prognos, tantum sæpe ægrorum desiderium, quanta interdum Medicorum, licet peritissimorum, detestata famæ tortura, neminem, vel in praxi clinica paulisper modo versatum, amplius latet. Quid itaque de Medicorum in nostrarum affectionum forte nimis audacter facta prognosi expectandum habeamus, cuilibet facile dijudicandum relinquo. De eorum itaque, quæ cognitu faciliora deprehenduntur, Aneurysmatum prognosi sequentia tantum proferre liceat.

Quoad Aneurysmata Vera: omnia certe Aneurysmata Vera curatu difficilia habentur, ea imprimis, quæ ex acrimonia venerea nata, interna, & primariis N. C. organis vicina sunt, ad quæ manui accessus denegatur, vel quæ antiqua sunt & majora, quamvis & externa, ubi nec a compressione, nec a sectione (de quibus in curatione latius) aliisve mediis aliquid sperari potest, summum certæ vitæ periculum minantur, quamvis jam Natura disruptioni prospexerit, parietes sacci Aneurysmatici, appositis laminis polyposis, crassiores reddendo, aut ipsis cartilagineam ossæamve duritiem conciliando, ut dixerit jam CL. SENNERTUS, dari Aneurysmata, quæ longo tempore levi tantum incommodo satis tolerabilia sunt (a), & monuerit CL. DE HAEN, quantumvis periculo plena res sit Aneurysma, inculpate tamen 30, 40 annorum spatio geri Aneurysma externum posse (b). In univèrsu

(a) Operum omnium tom. III, p. 308.

(b) Rat. Med. pars VII, cap. XV, §. 2.

vero talia Aneurysmata curatu difficilia ac periculosa habentur, quum, auctore Ill. MORGAGNO, licet non rumpantur, occidere tamen possunt (a). Si vero aneurysmatica arteria fuerit parva, neque solitaria, ipsum Aneurysma exile, recens, externum, & a corde remotius, curæ sæpe spes magna superest, quæ tamen eorumque periculum pro situs inprimis, ac magnitudinis arteriæ dilatatæ diversitate variant.

§. XXII.

Quoad Spuria : hæc iterum, si in interioribus contingant, incurabilia non tantum habenda, verum subitanæ ut plurimum mortem inferunt. Vel si in exterioribus appareant, minime tamen compesci sanguinis torrens, neque operatio institui possint, cito necant; dum interim, quæ in minoribus vasis ita oboriuntur, ut sanguis per vicinas partes diffundatur, præsentaneam quidem opem requirunt, satis tamen feliciter adhuc curantur, felicius vero in ramo, quam in trunco, licet observata hodierna evincant, æque in hoc, quam in illo, summo interdum successu peractam fuisse curationem.

§. XXIII.

Quoad Mixta : hæc, teste Cl. HUNTERO, talia esse solent, ut, si non turbentur, nihil mali portendant (b); modo caveat æger, ne tumorem comprimendo impediatur, quo minus libere sanguis superiora versus revertatur.

§. XXIV.

Quoad Cardiaca denique *Aneurysmata* : tristissimum hoc si detectum fuerit malum, infausta semper habenda prognosis, nihil enim hic Medicina valet; quis nimirum, ut cum BURGGRAVIO (c) loquar, *distrahtos cordis villos, & a circulantium humorum infinitis validis irruptionibus quod die magis distrahendos cogere iterum poterit, si & dexterrimi & peritissimi viri manibus accessus daretur?* Unicum, quod hic ars asserre posset, auxilium in eo consistit, ut vim vitæ, nimis forte incitatum, refrænaret, & ita, cordis actionem sedando,

(a) l. c. epist. 2., art. XII.

(b) l. c. vol. II, p. 393.

(c) l. c. p. 140.

ulteriorem mali progressum aliquatenus prohibeat, vitamque miseris ægrotis utcumque placidiorem creet. Quæ sane de Cardiaco Aneurymate, a vasorum coronariorum dilatactione immodica orto, similiter, si unquam detegi valet, deprædicanda forent.

SECTIO SEPTIMA.

DE ANEURYSMATUM CURATIONE.

S. XXV.

ANEURYSMATUM Curationis methodus quum pro diversitate locorum, quæ occupant, ac pro singularum specierum inter se discrepantia, alia atque alia requiratur, ratio distat, ut de eorum singulis singulatim quoque agamus. Ordo igitur noster quum postulet, ut cum Aneurysmate Vero inchoemus, primum nunc videamus, quid Medico, delatentis intus Aneurysmatis Veri præsentia quomodocunque persuaso, sit agendum. Curationis spes quamvis hoc in casu valde exigua sit, Medicum tamen decet, ut causas, quas supra jam investigavi, indaget, indagatas tollat; in universum vero, ea, quæ mali progressum ulteriorem prohibere, illudque longe tolerabilius reddere valent, porrigat. Sed ut hisce indicationibus satisfiat, necesse est, ut Venæ sectiones, VALSALVÆ (a) HIPPOCRATIS exemplar (b) secuto, magnopere laudatæ, quibus circulationis impetus infringatur, ac proinde vitæ actuositas debilitetur, instituantur, eoque magis, si plethora adsit, vires vitales satis se sustentent, neque alia symptomata, sanguinis missionem contraindicania, detegantur. Stimulantia evitentur; corporis evacuationes vehementiores prohibeantur; quies animo concilietur; alvus per remedia ecoproptica laxa servetur, ut nifus fortiores arceantur; ac diætâ subjungatur parca, tenuis, quæ mirum quantum subinde profuit, ut dixerit BALLONIUS: *cuidam omnes arteriæ micabant manifesto. Mirum id fuit. Instituta diætâ curatus est* (c). Quum vero observata quorundam evincant, hac cura quoad Aneurysma Verum integre sanatos interdum fuisse ægrotos (de qua tamen curæ integritate quam ma-

(a) Conf. MORGAGNI l. c. epist. XVII, art. XXX.

(b) De Morbis, lib. I, n.º 10.

(c) Lib. Paradigm. n.º 15.

xime dubito), credibile est, quod hoc modo, sanguinis copia multum imminuta, æquilibrium parietes arteriæ inter & sanguinem restituitur. Ne vero longus sim in ejusmodi observationibus enarrandis, illam VALSALVÆ adduxisse sufficiat, quam MORGAGNUS sequentibus verbis indicat: *cum vir nobilis, quem sic (V. S. nimirum ac stricta diætâ) persanaverat VALSALVA, ex alio postea morbo forte interisset; arteriam, in qua olim Aneurysmatis initium fuerat, contractam rursus ad naturalem modum, sed quasi callosam eo loco, deprehendit (a).*

Si vero fibræ sacci forte adeo fuerint distractæ, ut tonum suum jam plane amiserint, talia tum superaddi debent remedia, quæ fibras roborare, & junctâ iis, quæ attenuando, ac resolvendo, sanguinem polyposum subigere forte possent; quo spectant præprimis fructus saponaceo-acidæ indolis, nitrum, gummi ferulacea &c. Dolores vero seu spasmi, toties has arteriarum affectiones concomitantes, si ægrotantes nimium vexaverint, hypnotica leniora concedi possunt, ab iisdem vero fortioribus sive opiatâ, nisi summa necessitate cogamur, abstinendum potius crediderim, quum humores rarefaciendo ac circulationem eorum intendendo, Aneurysmatis causam resuscitare potius videantur, ita quidem, ut Cl. HAZON nimio opii dosi cordis ventriculum dextrum naturali non tantum duplo majorem, verum & disruptum, non sine ratione adscripserit (b). In iis vero Aneurysmatibus Veris, ad quæ manibus accessus datur, longe alio modo procedimus: in genere quidem optime hic conveniunt omnia ea, quæ modo in internis præscripsimus, topicis tamen inprimis cura quandoque radicalis in his absolvitur.

Si nimirum Aneurysma fuerit externum, recens, a corde remotius, non nimis magnum, neque sacculus admodum degeneratus, si arteria tantum pro parte dilatata fuerit, in loco, absque periculo tuto premendo, decurrat, & os sibi subiectum habeat, a compressione aliquid sperari potest, hac tamen simul observata cautela, quod arteria altiori, quam Aneurysmatis loco, modice simul comprimat, ut sanguinis trajectory per arteriam affectam retardetur, ejusque in sacculum aneurysmaticum impulsus justo fortior arceatur.

Modica

(a) l. c.

(b) Vid. diss. hujus, pag. 379.

Modica tali compressione in uno ægro sinistrae subclaviæ, & in alio carotidis arteriæ ejusdem lateris in saccum aneurysmaticum insignem expansionis progressum ulteriorem non tantum, verum & intra 8 vel 9 menses diminutionem valde notabilem Cl. ACREL vidit (a).

Diversimode compressio hæc peragitur : sunt, qui, Cl. MORGAGNUM secuti, præferunt, tumorem cutis sublevatæ quadruplicato ex vesica bubula aut ex molli aluta splenio integere, cujus splenii oræ omnes per medicamentum, quod valentissime id posset, ad proximam cutem, quæ circum tumorem adhuc integra & firma esset, agglutinantur (b) : sunt, qui iterum alia eligunt machinamentorum genera, qualia HEISTERUS (c) figuris exhibet, ULHOORN emendat aliaque superaddit (d) ; illud SENFFII PLATNERUS delineat (e) : & singulare quoque apparatus Cl. ARNAUD describit ac figuris illustrat (f). Non lubet nunc varias illas comprimendi methodos examinare ; fontes allegasse sufficiat.

Quum vero simplicior methodus magis compositis semper præferenda sit, consultius erit hoc in casu sequentem vincturam prius tentare, quæ vel in brachio aliisve locis, a corde remotioribus, feliciter subinde applicata fuit. Brachium, ut Aneurysmatibus præcipue obnoxium, eligam. Prius sanguinis impetus per V. S., alvi duccionibus, abstinencia, victu tenui, ac aquæ potu concomitatam, & per totum curationis tempus aliquoties repetendam, infringendus est, dein tumor ita contrectandus, ut contentus intus sanguis in continuatum arteriæ canalem repellatur ; imponatur tum charta bibula masticata, in alcohol vini expressa, multiplicibus pannis ac gradatis infecta, quos inter ponatur frustum plumbi, nummus, aliudve, quo tumor optime prematur, corpus durum ; quæ omnia tandem fascia quadam satis longa adstringuntur tali modo, ut, ab infimo humero ligaturam inchoando, continuetur ea supra patinos gradatos ita, ut tumoris sedes, indice & medio alterius manus digito com-

(a) Confer. SANDIFORT Natuur- en Geneeskundige Bibliotheek, 5de deel, 1ste stuk, p. 152 en 153.

(b) L. c. epist. XXVI, art. x.

(c) Heekkundig Onderwys, 2de deel, plaat VII, fig. 8 en 9.

(d) Ibid. pag. 1101, enz. en plaat II.

(e) Instit. Chir. Rat. fig. 10.

(f) Mémoires de Chirurgie, part. 1, pag. 186 ; & Tab. IV, pag. 216.

pressa, non iterum assurgere possit; quum summum brachium in orbem voluta deligavit, supra pannos gradatos ad humerum iterum revertitur; quod sic ter quaterve hac fascia peragitur, quæ ultima vice ad humerum reversa splenium, quod arteriæ brachiali obijciendum est, comprehendit, firmat: ita deligatum brachium, ad latus parum adductum & flexum, mitella excipiat, quietum servetur, ac diu relinquatur fascia, immo eam, laxior si facta fuerit, subinde adducere oportet (a).

Fatendum vero raro compressiones has qualescunque perfecte Aneurysmata sanare, nisi forte in arteria, plano ossi incumbente, in arteria v. g. temporali contigerint; sanata tamen fuisse ea interdum & aliis locis oborta, exempla ACRELLII modo memorata, illæ, ab J. J. PLENK communicatæ, Cl. LEBERI observationes, qui summo successu aliquoties suberis frusto ad tumorem fornicato, linamento repleto, & loco suo fascia retento, Aneurysmata non nimis magna sanavit (b), & aliæ, a Cl. ARNAUD descriptæ, evincunt; de posterioris machinamenti, egregie quoque subinde hic conducentibus, (in seq. §.) latius agam. Cæterum merito statuitur, Aneurysmata quæcunque, sita vel in cervice aliave interna extus præminentia respuere ut plurimum hanc compressionem, quum inprimis, si magna fuerint, & cordi vicina, nisi lenissime & sensim compressio fiat, summum nasci soleat discrimen, ne, vitalibus organis exinde nimium angustatis, subito suffocetur æger: in iis vero, quæ in brachio, crure, capite & pectore externo, aliisque partibus, in quibus subiectum sibi os habent arteriæ, contingunt, ab illa quandoque aliquid sperari posse; sæpe vero, si ad vasorum multorum decursum juxta ossa cylindrica attendamus, arterias aneurysmaticas hujus ope tantum latitudine sua lucrari, quantum profunditate amisierunt.

Iis vero in casibus, ubi vinctura hæc locum non habet, & Chirurgica operatio, (de qua mox) tuta non videtur, suaserunt alii, ægro V. S. ita debilitato, ut enervatus per plures dies jaceat, evitatis simul cibis copiosioribus, iisque, quæ corporis calorem nimium intendere possunt, totum brachium & humerum ita pluribus deligare fasciis, ut hæc, cochleæ in modum, superiora versus serpentes,

(a) Confer. PLATNERI Instit. Chir. Rat. §. 431.

(b) Sammlung von Beobachtungen über einige Gegenstände der Wundarzneykunst; zweyter Theil, art. 1.

singulos prius circumdant digitos : alia fascia ; simili plane modo digitis & brachio obvoluta, ad humerum desinat, & fortiter adstringatur, non quidem tantum, ut omnis sanguinis motus tollatur, sed ut nimius impetus cohibeatur. Tumori vero plumbum, vel aliud durum corpus imponatur, appositis simul pannis multiplicibus, quæ omnia, fasciâ firmiter deligata, valde coarctantur; cæterum, ut in descripta supra fasciatione, splenium, brachiali arteriæ obijciendum, fascia firmetur, & in latus adductum brachium ita flectatur, ut mitella excipi & ex cervice commode suspendi queat : aliquoties in fasciam sp. vini camphor. installatur ; & , observatis debite cautelis, ab Exp. Chir. PLATNERO (a) indigitatis, tractetur, qui tamen simul monet, hanc methodum non nisi in illis desperatis Aneurysmatibus, ubi nec vincitura locum habet, nec scalpelli opera tuta est, experiendam esse, cum minimum interdu illa proficere possit, ubi præstat accipiti auxilio uti, quam nullo.

Si itaque compressio priori methodo peracta non successit; Aneurysma jam obcalluit ; & artus immobilitatem ac summum dolorem creat ; si ruptura & majus incrementum eo in loco, ubi operatio adhuc peragi posset, imminet, Aneurysmatis exstirpatio, toties summo successu instituta, suadenda.

Sed an hæc ubique æque tuta & facilis peractu haberi potest ? Certe, si ad vasorum arteriosorum decursum ac divisionem in ramos suos attendamus, fatendum, longe tutius hanc iis in locis, ubi arteria minime solitaria, sed in ramos divisa decurrat, peragi posse : econtra, si Aneurysma in arteria quadam, per quam solam sanguis in artum insluit, contingat, membrum præscindendum esse, multi docuerunt.

Quum vero accuratiora Anatomicorum observata demonstrent, mire quandoque ludere naturam in vasorum decursu ac ramificatione (b), ita ut visa fuerit quandoque arteria humeralis mox in summo humero in duos jam ramos fuisse divisa, vel si etiam indivisa ultra cubiti flexuram incesserit, ea tamen, priusquam in radiæam & ulnaræm dividitur, præter insignem ramum, qui, ex ipsa humerali

(a) l. c. §. 434 & seq.

(b) Confer. quæ habet Cl. LUDWIG in program. de variantibus art. brachialis ramis in Aneurysmatis operatione attendendis, & B. COOCH practical treatise on Wounds, and other Surgical subjects, vol. 1, p. 180.

arteria supra divisionem suam enatus & circa cubitum inflexus; radiales arteriæ inferitur, plures alios minores ramos, quos *collaterales* Anatomici vocant, in illas sese inosculantes, emisisse: ut mirum propterea non sit, summa quandoque felicitate Aneurysmata in ipsa humerali arteria devincta, excisa, ac ita sanata fuisse, ut, instituto post mortem talis ægroti examine, viderint, ac delineaverint MOLINELLIUS (a), & CHARLES WHITE (b), quod, licet arteria humeralis, ad tres pollices supra divisionem suam in ramos primarios intercepta, ac ligata fuerit, arteriæ tamen capillares, infra ligaturam se inferentes, tantopere se dilataverint, ut simul sumptæ vel diametrum trunci superarent. Quod igitur in arteriæ humeralis ligatura fit, in crurali similiter contingere potest, ut hujus quoque arteriæ feliciter peractæ interceptiones satis evincunt (c).

Consultus itaque semper erit, priusquam ad ipsam artus amputationem confugiamus, arteriæ aneurysmaticæ interceptionem instituere, ac expectare, quid Natura tali in casu molietur, ea tamen, auctore SHARPIO (d), adhibita cautela, ut omnia, quæ ad amputationem requiruntur, instrumenta ad manus sint, quum subinde contingat, ut arteria ligari minime possit, vel status brachii, gangræna jam correpti, eam postulet.

De diversis vero comprimendi, ac intercipiendi methodis mox sub curatione Aneurysmatis spurii agam.

§. XXVI.

Nec minora quandoque ars in *Aneurysmatibus spuriiis* pertractandis afferre commoda videmus, quum sola subinde compressione, vel arteriæ interceptione a summo vitæ periculo liberentur ægri.

Compressio vero hæc duplici modo peragitur; fit enim vel externe tantum, vel, facta cutis incisione, ad nudam arteriæ aperturam, de qua infra. Externa vero compressio in iis præcipue casibus tentanda, ubi *circumscriptum*, supra definitum, Aneurysma, neque nimis magnum adfuerit, ac pressioni facile cedat, simpliciter tantum

(a) Aët. Bonon. vol. 1, pars II, pag. 72.

(b) Cases in Surgery, part. 1, pag. 139.

(c) SAVIARD Nouveau recueil d'observations chirurgicales obs. CXCv. Essays and obs. vol. III, p. 266. J. J. PLENK l. c. pag. 37. BURCHALL in Med. obs. and inquiries vol. III, p. 106 & 109.

(d) Traité des opérations de Chirurgie, chap. XXXVI, pag. 372.

charta masticata ad ipsum tumorem applicata, ac pannis gradatis & fascia firmata, interpositis V. S., alvuiduotione, ac diæta tenui, aliquoties feliciter absoluta fuit (a). Subere vero oblongo, eoque fornicato, ad tumentem arteriam applicito, ac proba firmato ligatura, vetulam ita sanavit Cl. DE HAEN, ut tumor tantillum decrederet; omnis, qui antea magnus satis fuerat, eique, qui locum diutius digito explorabat, per quam ingratus, tremulus motus cessaret, & corpus durum, fere rotundum, extrorsum convexum ac immobile, arteriam in loco vulneris tegere videretur, quod tamen foeminæ nullam creabat molestiam (b): sæpius, ac felicius adhuc curam hanc peregit Cl. LEBER (c). In recenti similiter, ac parvo Aneurysmate compressionem externam laudat & probat Cl. FOUBERT, dum in majore aut vetustiore operationem suadet: primam peragit, si in arteriæ humeralis trunco Aneurysma hæserit, sin vero in ramo, intercepti illum, ligat (d).

Cum^o Cl. DE HAEN fateri hic possem, haud bene me capere; cur ramum etiam compressione curandum non suscipiat, si truncum tuto noverit compressione curare (e). An vero hæc ratio foret, quod, dum frequenter rami arteriæ humeralis primarii in cubito proxime juxta se mutuo decurrunt, non facile tum ita compressio peragi valeat, ut evitetur simul alter ramus, quo simul compressio fieret, ut iidem, quos subinde post interceptionem trunci dolent Chirurgi, nascerentur effectus, quam ideo, si Aneurysma in trunco adsit, compressioni Cl. FOUBERTUS postponit.

Hinc forte contigit, quod aliquoties voto non responderit compressio illa, quum sæpe tali modo fascia applicetur, ut circulatio per brachium inferius impediatur, & vasa quoque collateralia constringantur; ut igitur huic incommodo succurreretur, bina egregia machinamenta excogitavit Cl. ARNAUD, summo successu ab eo adhibita, nitideque descripta ac delineata (f), quibus efficit, ut circulatio libera maneat, & eo tantum in loco, ubi requiritur, ut trombus, arteriæ aperturæ respondens, in eam reprimatur, qui

(a) MONRO Essays and obs. vol. III, p. 297.

(b) Rat. Med. pars IV, cap. II, §. II.

(c) J. J. PLENN l. c. pag. 13 & seq.

(d) Mémoire de l'Acad. Royale de Chir. Tom. II, p. 537 & 538.

(e) l. c. §. 9.

(f) l. c. pag. 186 & 196. Pl. IV & V.

demum in unum solidum cum arteria eo, quem egregie FOUBERTUS (a) explicat, modo, coalescat, ope laminæ cujusdam ovalis; concavæ, ipsique tumori incumbentis, compressio peragatur, quorum posteriori machinamento ægrum Aneurysmate spurio, ovalis figuræ, non admodum magno, ad medium & internum femoris latus, in ipsa crurali arteria sito, laborantem, cujus artum unanimi consensu amputandum censebant Cl. PEYRONNIE, PETIT, BOUDOU, LE DRAN & VERDIER, perfecte sanavit. Ut vero machinamentorum descriptiones, eorumque applicandi methodus rite intelligantur, L. B. ne ea nimis arctis circumscribendo limitibus minus clare proponam, ad Cl. Viri opera citata amando.

Quum igitur compressio felici eventu interdum fuerit applicata, neque operationem in posterum forte instituendam turbet, quia, notante Cl. HUNTERO, facta compressione, rami collaterales magis se dilatare solent, atque hinc membrum ad eo liberiores sanguinis trajectum post operationem disponitur (b), consultius semper videtur, hanc, modo circumscriptum, neque nimis magnum Aneurysma, ejusque cutis adhuc sana fuerit, prius tentare, quam ad ipsam operationem deveniamus, quæ sæpe quidem optimo quoque successu instituta, interdum tamen pessima post se reliquit effecta.

In hac vero instituenda minime iterum inter se conveniunt Auctores: sunt, qui suadent, applicato prius torculari, totum tumorem aneurysmaticum, facta cruciali incisione, aperire, concretum sanguinem eximere, ligare arteriam supra & infra aperturæ arteriæ sedem, & denique vulnus modo, mox proponendo, deligare. Sunt iterum alii, qui malunt, simili modo applicato torculari, facta incisione, cutim incidere, eamque ab ipso Aneurysmate caute separare, ligare tum supra & infra arteriam, a vicinis sejunctam, partem intermediam aneurysmaticam excindere, & vulnus, ad suppurationem deductum, tamdiu fervare apertum, donec fila cadunt, illudque tandem sanare. Sunt tandem, qui præferunt, sanguinem, torculari appposito, ex tumore deorsum versus extremitatem artus propellere, cutim, longitudinali facta incisione, ab ipso Aneurysmate separare, unica tantum ligatura supra Aneurysma arteriam constringere, ac vulnus secundum artem, donec filum separatur, pertractare.

(a) l. c. p. 536.

(b) Med. Observ. and Inquir. vol. 1, art. xxvi, remark. xviii,

Prior methodus, a Cl. SAVIARD (*a*), M. AURELIO SEVERINO (*b*), JOHN MACGILL (*c*), ALEX. MONRO (*d*), CAR. GUATTANI (*e*), BURCHALL (*f*), RUYSCHIO (*g*), aliisque summo successu instituta, eas præprimis requirit cautelas, ne in ipsa nimirum interceptione nervi arteriæque collaterales ligentur; ut tertium filum binorum supremo paulo altius trajiciatur, ut, si hoc forte non sufficeret, constringi quoque posset; ne vero lina injecta arteriam mordeant, vel abrumpan, panniculi minores hæc inter & ipsam arteriam ponantur, ac instrumenta pro amputatione necessaria, si forte arteriæ ligatura impossibilis esset, in promptu adsint.

Altera methodus a PURMANNO tam feliciter instituta, ut dicat se hujus ope Aneurysma, capitis magnitudinem adæquans, intra quatuor hebdomadarum spatium optato eventu dissecuisse, ac sanasse (*h*); & tertia denique, qua unius mensis spatio periculosissimum Aneurysma Cl. ANEL sanavit (*i*), rarius hodie, ut minus tutæ, instituuntur. Ultimam tamen methodum, quæ nimirum unica tantum ligatura peragitur, a Cl. LEBERO in arteriæ temporalis Aneurysmate (*k*), a Perit. vero Chirurgo J. VAN HESPEL in arteriæ brachialis trunco (*l*), feliciter iterum fuisse peractam, constat. Luber vero magis methodum aliam, veteribus jam usitatam, compressionem nimirum Aneurysmarum, ossa sibi subiecta habentium, stipticorum suffultam auxilio, postea neglectam, a Germanis primum, dein & a Gallis revocatam, ut eæ nimirum, quæ interceptionem quandoque insequuntur, evitentur calamitates, paulo prolixius hic exponere.

In hac operatione instituenda plures sese solertes præstiterunt Clarissimi in arte Viri: ab HAMBERGERO Jenæ (*m*), TREW NORIMBERGÆ (*n*), atque FOUBERT Parisiis (*o*) feliciter peracta est:

(*a*) Nouveau recueil d'observations chirurgicales, obs. VII, XXXIII, LXIII.

(*b*) De effect. Medic. lib. I, part. II.

(*c*) Medical Essays vol. II, art. XV.

(*d*) Ibid. vol. IV, art. XVII.

(*e*) Hist. duæ Aneur. hist. I.

(*f*) Med. obs. and Inquiries vol. III, art. XII.

(*g*) Obs. Anat. Chir. Tom. I, obs. II.

(*h*) Chir. Curiosa, pag. 612.

(*i*) Suite de la nouvelle méthode de guérir les fistules lacrimales, pag. 257.

(*k*) J. J. PLENK I. c. pag. 9 & seq.

(*l*) Uitgezogte Verhandelingen, vol. VII, p. 189.

(*m*) Commerce. Lit. Norimberg ann. 1732, pag. 107.

(*n*) Ephem. Nat. Curios. vol. VIII, obs. CXXVI, & secunda vice vol. X.

(*o*) Mémoire. de l'Acad. Royale de Chirurg. Tom. II, pag. 339 & seq.

nec minorem sibi laudem reportavit Cl. MORAND; quum *Agaricum* in horum Aneurysmatum operatione adhibuit, cujus egregium eventum ipse (a), Cl. BROSSARD, Cl. DE HAEN (b) aliique viderunt. Hæc sequenti inprimis peragitur modo: postquam instrumentum tornatile iusto loco, in Aneurysmate v. g. ad flexuram cubiti, prope alas, ubi arteria humeralis decurrit, fuerit appositum, tumor inciditur, eoque satis dilatato, extravasatus ibidem sanguis aufertur; laxato suspensa manu torculari, ex saltu sanguinis mox arteriæ apertura detegitur, ac, methodum HAMBERGERI atque TREW sequendo, laminæ variæ chartæ masticatæ, liquore stiptico Dippelii madefactæ, priores minores, majores cæteræ, ad ipsum arteriæ vulnus gradatim apponebantur ad tantam altitudinem, ut, asperso simul ad omnem vulneris superficiem pulvere quodam adstringente, fasciis iuste apprimi, ac firmari possent: laminæ hæc relinquuntur, donec cadunt, & vulnus secundum artem sanatur. Similiter operationem hanc charta masticata expressa & satis solida peregit Cl. FOUBERT, qui ad finem citatæ dissertationis machinam describit ferream, aptam, qua tumor tantum & cubitus comprimatur, ac evitetur impeditus sanguinis per reliqua vasa trajectus: consistit in circulo ferreo, parum ovali, cui ab uno latere interno adstat lamella pulvinulo instructa, ab altero vero perforatus cochleam transmittit, cujus extremitati similis pulvinulus, ad magnitudinem vulneris conformatus, affigitur, eo scopo, ut hujus ope locus aperturæ arteriæ iuste prematur: circulus hic ad membri volumen accommodatus, ita fiat, ut ad latera vulneris brachium ab omni pressione liberum sit, & non nisi ad arteriæ aperturam ac cubitum puncta sua fixa habeat.

Loco vero chartæ masticatæ mirum in modum suum laudat *Agaricum* Cl. MORAND (c); fungus nimirum hic, nomine *Agarici pedis equini facie* Botanicis notus, & a materiæ Medicæ scriptoribus, ut excrecentia quarundam arborum, descriptus, a Chir. BROSSARD, ut remedium, quo maximarum etiam arteriarum hæmorrhagiæ tuto sisterentur a. 1750 Acad. Chir. Paris. primum communicatus fuit, cujus Fungi, mense Augusto collecti, & auferendo ejus coricem durio-

(a) Rat. Med. pars IV, cap. II, §. 10.

(b) Mémoire de Chirurgie, vol. II, pag. 225.

(c) l. c.

duriorum malleique ictibus compingendo, ac emolliendo rite parati, usus tantus deprehendebatur, ut plurimos inter Chirurgoſ, qui illud, ut optimum ad hæmorrhagias compescendas laudabant, Cl. MORAND egregias circa illius efficaciam tum ſui, tum aliorum, obſervationes exhibeat, eam inprimis Agarici ſpeciem, quæ quercubus annoſioribus accreſcit, in citata diſſertatione commendans, ubi ſimul notat, illam compreſſione utcumque laxiore curam hanc peragere.

Conſultius eſt, ut ſupra jam monui, prius torcular probe adſtringere, &, ne huius remedii efficacia tollatur, ab omni ſanguine depurgare ſaccum apertum, eumque pulvere ejuſdem inſpergere, & ad ipſum tandem arteriæ vulnuſ paratæ Agarici lamellæ impo-
nere, primam minorem, alteram vero tertiamque majores, donec tanta earum eſt altitudo, ut ligatura juſte firmari poſſint; qua methodo Aneurysmata brachii, vulnera majorum arteriarum ſanata, & ſanguinis profluvia tam feliciter cohibita fuere, ut, ex obſervationibus ratiocinando, ſtatuendum utcumque videatur hoc remedium, modo ad ipſum arteriæ vulnuſ applicari queat, compreſſioni quicumque fortiori, interceptioni, ac ſtipticorum uſui præferendum eſſe, quum huius ope modica tantum compreſſio requiratur; paucos intra dies vulnuſ abſque novæ hæmorrhagiæ metu examinari poſſit; arteriæ parietes, auctore Chir. PLENK (a), non coaleſcant, & illa evitentur ſymptomata, quæ ars toties, facta vel compreſſione, vel interceptione, aut & ſtipticorum applicatione, luget, quippe quæ arteriæ cavum delendo, circulationem per artum inferiorem prohibendo, vel & nervos conſtringendo, aut irritando convuſiones, artuumve immobilitatem haud raro intulerunt.

Aliam tamen adhuc, nuperioribus temporibus, Aneurysmatum curam in Angliâ LAMBERTUS propoſuit (b), poſtquam viderat, arteriarum facta ligatura, dolore, inflammationem, ac gangrænæ metum inſecuta fuiſſe, & Naturæ progreſſum in uniendis labiis leporinis, ac equorum venis inſiſtiſ vulncribus attenderat, ea nimirum ſpe fretus, ſimilem in arteriarum vulncribus, acus ope factam operationem forte peragi poſſe, & ſane, inſtituto ſemel hoc artificio, hæmorrhagiam mox compescuit: acum nimirum chalybeam, tenuem, longitudinis quartæ partis pollicis, per labia vulncriſ trajecit, &,

(a) Mater. Chirurg. uit het Hoogduiſch door B. TERSIER vertaalt, 1ſte ſtuk, p. 176;

(b) Medical obſervations and Inquiries, vol. II, pag. 360 & ſeq.

circumvoluto filo, reliquit, nulla insequente amplius hæmorrhagia: quarto, post factam operationem, die vulnus vidit optime dispositum, die decimo quarto acus & filum ceciderunt, vigesimo vero secundo vulnus sanatum, exceptis, quæ ex provisu ad fila bina supra & infra aperturam, si forte hæmorrhagia compesci non potuisset, trajicienda, facta fuerant, vulnuscule, gaudebat; refectis itaque & his filis, brevi totum vulnus cicatrice obducebatur, & exinde non nisi pulsus majorem, quam in altero brachio, debilitatem retinuit, quod imminutæ ad arteriæ consolidatæ locum diametro adscribi posse putavit LAMBERTUS.

Quicquid sit, methodus hæc, si ulterioribus observationibus, & instituto dein sanati vulneris examine evincatur, non coalescere arterias (de qua re tamen adhucdum quam maxime dubito, dum, facta quamvis subtilissime operatione, multum tamen diametri suæ amittere debeat canalis arteriosus, cui insignis arteriarum, inprimis applicato pungente stimulo; contractio accedit) satis bona videtur; cæterum, quum de hisce nondum constet, præferenda longe videtur illa methodus, quam ultimo loco laudavi, sæpius cum summo successu instituta, immo, ut mihi videtur, arteriarum interceptione ob dictas rationes multo præstantior; modo caveatur, ne torcular nimis cito auferatur; licet quidem, facta operatione, illud parum laxare, applicatum tamen maneat, necesse est (a).

Non aliter tamen possum, quin paucis quoque subjungam, quam Expert. Chirurgus CHARLES WHITE nuperioribus temporibus circa Spongiam eodem, quo Agaricus, applicandam modo, communicavit. Anno nimirum 1762 Londini edidit tractatum, cui titulus: *An account of the topical application of the sponge in the stoppage of Hæmorrhages*: ubi illam inprimis laudat Spongiæ speciem, quæ, compacta, parum porosa, nomine *Spongiæ masculæ*, & apud TOURNEFORTIUM n.º 575, titulo *Spongiæ, ad usum præstantissimæ, foraminibus exiguis perviæ*, a reliquis speciebus distinguitur: qua exsiccata magnarum arteriarum hæmorrhagias compescuit, ut ibidem

(a) Utcunque coalescere arterias, post factam earum secundum LAMBERTI methodum ligaturam, ex iis, quæ Doct. ASMAN accurate in canem arteria crurali instituit, experimentis constat, ut idem Auctor jure concludat, methodum hanc ligaturæ non præstantiorem, sed minus certam, minusque tutam habendam esse. (Diff. de Aneurysmate pag. 29 & seq.)

pluribus evincit exemplis, nuperiusque aliis confirmavit curatorum Aneurysmatum historiis (a) : e quibus integrum est colligere, non minori successu Spongiam, quam Agaricum, in Aneurysmatum cura applicatam fuisse : promiscue tamen adhiberi posse videntur, donec plures observationes evicerunt, hunc vel illam præstantiores in hæmorrhagiis coercendis usus præstitisse.

§. XXVII.

Aneurysma vero *Mixtum*, quum brevi ad certam magnitudinem, ultra quam amplius procedere solitum non est, increseat, nullumque malum, si non turbetur, portendat, quum sanguini arteria egredienti parum resistentiæ opponatur, merito CL. HUNTERUS concludit (b), nihil potius hic tentandum esse; neque etiam a compressione quid sperari posse videtur, dum sanguinis liber ex arteria in venam ingressus requiritur, nec multum incommodi affert, id quod idem Auctor testimonio ægrotantis, abhinc 14 annos singulari hac Aneurysmatis specie laborantis, ulterius ibidem (c) confirmat. Si tamen rupturæ metus instaret, V. S., diæta tenuis, quies, eorumque, quæ sanguinis in venam impulsu justo fortiolem reddere valent, evitatio, multum hic prodesse possent.

§. XXVIII.

Majori sane periculo premitur, longeque promptius auxilium exiget atrocissimum *Cordis Aneurysma*, aut ut in prognosi jam innuimus, quis distractas cordis fibrillas cogere iterum poterit? quis, facta ruptura, solum redintegrare, & sanguinem, summo impetu cordis cava egredientem, coercere iterum tentaverit? Perspicuum itaque cuilibet puto, morbum hunc non nisi palliative tractandum, evitando quasvis corporis commotiones majores, quam ad vitam protrahendam requiruntur, tranquillum servando animum, cibum ingerendo blandum, tenuem, parca simul quantitate, ne sanguis, nimia chyli copia commixtus, cordis cava magis adhuc distendat, obruat, vitando præterea quæcunque remedia stimulantia, quippe

(a) Cases in Surgery, pag. 141 & seq.

(b) Medical observations and Inquiries, vol. 11, p. 393.

(c) Pag. 398 & seq.

quæ, circulationem nimis intendendo, sanguinem impetuosius iusto in cordis cava impellunt, eaque magis dilatant; quum e contra, V. S. instituendo, si eam plethora, vel corporis exæstuatio nimia non exegerit, turbata semel, ob sublatum sanguinem inter & cordis vires æquilibrium, sanguificatio magis lædatur, hydrops generetur. Potus vero copiosissimi, sed tenues, serum v. g. lactis, medicamenta diluentia, aperientia, lubricantia, aliaque similia, quibus sanguinis liberrima fiat per vasa lubricata circulatio, ingerantur. Quæ omnia, tam in ea Cardiaci Aneurysmatis specie, quæ a dilatato uno alterove cordis cavo, quam in illa, quæ a distentis nimium coronariis vasis (si quæ datur hujus speciei certa diagnosi) originem suam trahit, generaliter sic indicata velim.

S E C T I O O C T A V A.

*SPECIALIOREM EXHIBENS ANEURYSMATIS ARTERIÆ AORTÆ
PERTRACTATIONEM, NOTABILI CASU ILLUSTRATAM.*

§. XXIX.

MULTA licet, ad Aneurysmatum internorum cognitionem necessaria, in generali pertractatione passim jam exposuerim, non pauca tamen adhuc de Aneurysmate Arteriæ Aortæ superaddenda mihi videntur, quippe quæ, teste MONROO (a), toties Aneurysmatibus ansam præbuit, ut eorum, prope cor observatorum, numerus æqualis, si non major sit iis, in reliquis N. C. partibus obviis, in unum collectis.

Ne itaque crambem recoctam iterum apponendo L. B. nauseam treem, paucis tantum aliquot Aneurysmatum Arteriæ Aortæ historias subnectere lubet, tali ordine digestas, ut simul liqueat; quænam Aneurysmatum Aortæ omnium frequentissimæ causæ sint; quonam in loco præprimis illa ad Aneurysmata disposita; quinam primarii eorum effectus; quibus tandem notabilem Aneurysmatis Arteriæ Aortæ observationem, qua passim monita, vel adhucdum monenda, egregie confirmantur, subjungam.

(a) Essays and observ. vol. III, pag. 285.

S. XXX.

Ad primarias causas, observationibus suffultas, refero:

1°. *Qualescunque corporis motus ac nîsus vehementiores, quam ut incitatus inde sanguinis impetus ab arteriarum viribus contranuenibus superari queat: hinc*

Post vomitum enormem, per quinque dies protrahum, obortum in collo tumorem aneurysmaticum LITTREUS describit, qui, ut, instituto post mortem examine, patuit, e curvatura Aortæ assurgens media sui parte intra thoracem recondita ossibus cariem creaverat, altera vero sui parte superiora conscendens totum latus colli ad maxillam expleverat (a).

Post tussim assiduam, ac vehementem, prægressa, & in phthisin pulmonalem terminata, peripneumonia, enatum in dorso gibbum insignem, sublitescente nimirum Aneurysmate Aortæ, DOËT. NOORTWYK vidit; sacculus sc. sub arcu Aortæ in latere ejus sinistro ortus ad diaphragma usque protendebatur, ac tantam habebat magnitudinem, ut amplitudinem vesicæ urinariæ majoris inflatæ adæquaret: tribus vero amplis foraminibus, inter 6 & 7; 7 & 8; 8 & 9^m costam hiantibus, cum gibbo, cruore coagulato repleto, communicabat: costæ denique in Aortæ fundo cariosæ & fragiles, immo & proximæ his corporum vertebrarum partes carie affectæ occurrerunt (b).

In viro plethorico, post corporis versus humum inclinationem, & nîsum ad aliquid attollendum, cito mortuo, Aneurysma Arteriæ Aortæ supra cor ovi minoris magnitudinis, & in quodam loco disruptum, WALTHERUS vidit (c).

Violento vero cursu, hiemis tempore, rigidiore sæviante bruma; agitati viri cadaver Aortam Arteriam paulo supra cor, præcipue circa ejus arcum, ampliorem solito Cl. VALCARENGHO (d) obrulit: nec non in viro, qui animo prius vehementer commotus citissimo passu rixantes amicos suos corripere strenueque componere aggressus fuerat, paulo vero post vertebrarum dorsi, scapularum vel & clavicularum doloribus sæpius cruciabatur, post mortem Aortam circa

(a) Mémoire de l'Acad. Royale des Sciences l'ann. 1707.

(b) Præfat. ad tract. NIGELLI de pulsu.

(c) HALLERI Diss. Chir. tom. V. p. 189.

(d) Vid. Continuationi ejus Epidem. Cremon. constit. a. 1737 — 1740. superadditarum de Aortæ Aneurysmate observ. trium, pag. 53 & seq.

arcum parum expansam, magis autem trans curvaturam duos circiter digitos transversos, videlicet in descendente ejus trunco eaque parte, qua dorso adhærescit, eodemque in loco disruptam quoque fuisse, idem auctor vidit (a).

Tussi ferina per annum vexatum hominem in Aorta supra cor insigne gessisse Aneurysma, Cl. MORGAGNUS auctor est (b), qui similiter post *tussim*, ac *respirationem insignes*, exortum tumorem pulsantem, sub clavicula dextra ad sternum se commonstrantem, vidit, & duorum, aut trium mensium spatio ita adauctum, ut alterum quasi caput e medio sterni enatum, & ad jugulum extensum videretur; Aorta, post mortem, in oblongum & ingentem Aneurysmatis saccum dilatata deprehendebatur, cujus orificium cum Arteria communicabat ad superiorem, non nihil anteriorem arcus ipsius partem, sic ut, communi quoque trunco subclaviæ & carotidis dextræ in saccum illum dilatato, hæ duæ arteriæ ex facie posteriore incipientis sacci prodirent, qui saccus cum anteriora thoracis ossa, præsertim vero claviculam dextram, tum proximas huic costarum, & sterni partes assidua sua pulsatione, & erodente ex se emissio humore penitus absumpserat, viam sibi ad exteriora paraverat, musculosque & integumenta attollens, illam quasi alterius capitis imaginem effecerat (c). Nec non in cadavere viri robusti, valde salacis, qui se cisiarii modo, modo rhedarii laboriosa arte tuebatur, Arteriam Magnam induratum, intusque ossis squamis præditam ac dilatatam, ut, ejus vertebræ corpore excavato, ipsa hujus occuparet locum, idem auctor detexit (d).

E nisibus vero fortioribus, quos vir, thoraces duos conficiendo victum sibi quærens, imbecilli suo corpore instituere coactus erat, obortum Aneurysma arcus Aortæ, cujus saccus inter cartilagineas secundæ & terciæ costæ prorumpens, tumorem oblongum efformaverat, Cl. HUNTERUS observavit (e).

E validissimo corporis nixu, & infecuta tussi valde molesta, ac cordis palpitatione, arcum Aortæ adeo aneurysmaticum factum Cl.

(a) l. c. pag. 87 & seq.

(b) De sedibus & causis morborum &c. epist. XVIII, art. XVII.

(c) Ibid. epist. XVII, art. XXV.

(d) Ibid. epist. XVII, art. XVII.

(e) Medical obs. and Inquir. vol. 1, art. XXVI.

BURGGRAB deprehendit, ut dicat, ultra sedecim aquæ uncias ab eo capi potuisse (a).

2°. *Validas corporis percussiones externas* : hinc LANCISUS de homine casum narrat, qui *sphæra buxæ in lava dorsi parte vehementer percussus fuerat*, indeque sensum molestum eo in loco retinuerat, ac post quatuor annos ibidem de profunda pulsatione querebatur, cui se denique, in gibbam prope spinam elevatis & corrosis costis, tumor pulsans adjunxit, quo ab Empirico inciso, mox æger exsanguis cecidit (b). Cadaveris incisionem institutam non fuisse, dolendum. Aliam vero superaddit historiam Aneurysmatis, reperti in cadavere viri, malis succis redundantis, cujus *sumum pectus magnopere percussum erat*, manifestante se ibidem paulo post tumore aneurysmatico, qui post mortem inveniebatur ex parte antica & dextera flexuræ Arteriæ Magnæ ortus, & assurgens ipsum sternum sustulerat, cujus interior pars, carie quoque obfessa, in cavam figuram elevata erat (c).

Post *lapsum doloribus lumborum ac dorsi acerbis* prehendebatur vir lue venerea olim correptus; loco affecto tumor enascebatur proximas sibi costas attollens : aperto post mortem ventre, Aneurysma tantæ detegebatur magnitudinis, ut ventris cavæ dimidium ferme occuparet, a diaphragmate ad pelvim se extendens, & occupans quantum spatii est a latere dextero vertebrarum ad sinistrum distenti abdominis latus, liene, ventriculo, intestinis, mesenterio, cava vena, rene sinistro dextrorum adeo compulsis, ut is ren ad regionem esset umbilicalem : Aorta Arteria, quum in ventrem primum pervenit, ita sinistrorum expandebatur, ut anteriorem & laterales parietes facere videretur descripti Aneurysmatis, quod ibi inter diaphragmatis appendices cum Aortæ cavo ampliter communicabat. Periostium exesum, costa infima & cava facies ossis Ilium carie affecta erant; aut solo digitorum appressu facile rumpebantur. Corpora autem ipsa infimæ thoracis vertebræ & duarum primarum lumbalium altissime erant excavata, & maxima ex parte absumpta, ligamenta quamvis intacta manserint (d).

(a) Aët. Phys. Med. vol. x. p. 148.

(b) De motu cordis & Aneurysmatibus pars II, prop. XXI.

(c) Ibid. prop. XXII.

(d) Cl. MORGAGNI l. c. epist. XL, art. XXVI.

Cl. VALCARENGHUS vero hominem memorat, qui *curfu maxime agilitatus, & in fuppoſitam foveam incurrens, ſterno dextrorſum in oppoſitam ripam vehementer impegerat*, reſpirandi difficultate ac inſigni pulſationis ſenſu in peſtore ab eo tempore conquerebatur, tandemque corpus nimium exercens cito deſecit: in cadaveris ſiniſtra thoracis parte magna ſanguinis copia detegebatur, qui eruperat ex Arteriæ Aortæ Aneurysmate tantæ molis, ut ejusdem cavitatis binas manus commodè reciperet. Saccus hic a ſiniſtra cordis baſi incipiens ad dextram vergebat, & coſtis quartæ, & quintæ hujus lateris firmiter adnexus quartam præcipue maxime excavaverat, eo nimirum in loco, ubi antea fortis pulſatio ſe manifeſtaverat. Tum aſurgens ad claviculas uſque magna mole ſua exporrigebatur, ita ut a ſummo ejusdem vertice tum ſubclaviæ, tum carotides arteriæ originem ducerent (a).

E lapſu, in dorſo tumorem fortiter pulſantem efformatum, inflammam coſtam inter & os innominatum ſiniſtri lateris ſitum, qui ex Aorta ab arteria cœliaca ad renalem dextram in inſignem ſaccum aneurysmaticum expanſa eſaſcebatur, D. MONRO vidit (b).

3°. *Positos qualescunque ſanguini a corde propulſo obices; quo ſpedant:*

Spinæ diſtorſio: qualem in anu gibbera & clauda Aneurysmati Aortæ, paulo ſupra diviſionem ſuam in iliacas, in aneurysmaticum ſaccum diametro quaquaverſus duorum digitorum expanſæ, anſam dediffe, ſummo jure Cl. MORGAGNUS conjecit (c).

Coarctatio diametri arteriæ axillaris dextræ & ſubclaviæ ſiniſtræ: ob quam cauſam obortum in Aorta prope cor aneurysmaticum ſaccum, qui, extendens ſe a tertia vertebra ſuperiorum dorſi ad quintam inferiorum colli, longitudine ſua œſophago, parte ſuperiori trachææ, inferiori vero pulmonibus incumbibat, a parte anteriore ſterno & primæ utriuſque lateris coſtæ fortiter adhærens, Cl. LITTRÆUS memorat (d).

Polypus

(a) l. c. pag. 81 & ſeq.

(b) *Effays and obſerv.* vol. III, art. XII, p. 225 & ſeq.

(c) l. c. epiſt. XXXVIII, art. XI.

(d) l. c. an. 1712, pag. 78.

Polypus in Aorta constitutus : qualem, vivente ægro, signa præsentia suæ quam manifestissima exhibuisse, & Aneurysmati in Aorta prope cor obvio, tantæ magnitudinis, ut aliud cor in pericardio conclusum æmuleretur, occasionem suppeditasse ALEX. KNIPS MACOPPE affirmat (a).

4°. *Distractiones subitaneas* : quo refero illud in Actis Parisinis (b) memoratum venatoris exemplum, qui in latus dextrum subitissime caput suum flexum difficulter reducere poterat, & deglutitione ac respiratione difficillima ad mortem vixit : in cadaveris thorace Aorta maxime dilatata, & ingens in arteria subclavia dextra saccus aneurysmaticus deprehendebatur.

5°. *Humorum acrimoniam, concurrente corporis agitatione jussu majore* :

Aperto thorace cadaveris viri, ludo pilæ lignæ & meri abusui nimis dediti, insigne apparuisse Aneurysma, in quod anterior paries arcus Aortæ se expandens summum os sterni, & huic insidentia claviculæ extrema, atque costas proximas partim absumpserat, partim inducta carie vitiaverat, Cl. MORGAGNUS notat (c); & aliud lanionis, venerea infecti lue, sæpe ebrii, ac per aliquot dies ante mortem tussi assidua correpti, in Aortæ curvatura obvium describit (d) : quo jure etiam referri posse mihi videtur casus ille, in quem idem Auctor supra jam inquisiverat (e); homini nimirum, qui laneas telas forficibus magnis tondebat, meti potui largiori nimis dedito, & morbo venereo correpto, attolli cœperat dextera pectoris pars superior. Accurato post mortem instituto examine, apparuit tumor in ea pectoris sede, quæ inter axillam dexteram & sternum est, prominebat in modum hæmisphærii, sed depressi, a costa quarta ad claviculam pertinens, propior sterno quam axillæ, ac pressioni cedens. Clavicula rupta erat, & carie interius exesa, supremarum autem costarum quatuor ea præcipue pars, quæ diu solet esse cartilaginea, corrupta, aut absumpta ab Aneurysmate inveniebatur. Erat autem Aneurysma facci instar, cujus latus sinistrum per foramen, duos admittens digitos

(a) In epist. Brixianæ an. 1731 edita.

(b) A. 1700, pag. 38, art. vi.

(c) l. c. epist. xxvi, art. ix.

(d) Ibid. epist. lviii, art. xiii.

(e) Ibid. epist. xviii, art. xxv.

cum latere dextero communicabat Arteriæ Magnæ, priusquam hæc commune dexteris subclaviæ & carotidi initium præberet.

6°. *Aëris intra pulmones retentiones nimis diuturnas* : hinc in cadavere tubicinis inventum Aneurysma pectoris intima & superiora obsidens idem Auctor memorat, arcu Aortæ cum ramo, qui dexteræ subclaviæ & carotidi originem præbet, ita dilatato, ut Asperam arteriam gulamque comprimeret (a). An huc quoque reducendus casus ille, quem de meretricula idem MORGAGNUS narrat, quæ vino dedita, de lassitudine & cibi fastidio abhinc aliquot menses jam conquesta, in opere venereo interiit. Lustrato cadavere pericardium, concreto sanguine plenum, & Aneurysma a tergo Aortæ supra valvulas semilunares reperiebatur, nucem juglandem magnitudine æquans. Disruptus hiabat in pericardio sacculus, cujus faciei interiori pelliculæ polyposæ adhærebant (b).

§. XXXI.

Has præter Aneurysmatum arteriæ Aortæ historias multæ adhuc aliæ apud Auctores occurrunt, quas tamen, dum earum causas non ita facile indagare potuerim, potius omisi : præterquam quod hæc sufficiant, ut inde jam eliciamus, quonam in loco Aorta præprimis ad Aneurysmata disposita sit, *pars nimirum ejus a corde ad arcum usque decurrens*, & *ipsa curvatura* : cujus phænomeni ratio a configurationatione arteriæ sanguinisque in eam impulsu fortiori merito derivatur, quum certum sit, magnam opponi resistentiâ sanguini, a corde in arteriam propulso, ob curvaturam, quam quatuor circiter digitos transversos supra cor patitur; sanguis igitur, quacunque etiam de causa incitata cordis actione, in arcum incurrit, quo maxime resistente fit, ut sanguis hunc inter & cor accumulatus arteriæ parietes undequaque maxime dilatat, vel hanc illamve partem forte debiliorem in sacculum saltem aneurysmaticum, arteriæ quasi accumbentem, protrudat, ut supra memorata exempla satis evincunt. Nec difficilior explicatur, cur ipsa interdum curvatura insigniter expandatur, quum facile quis concipiat, sanguinem continuo tanta quantitate, tanta vi, ac velocitate in partem superiorem arcus Aortæ, totum ejus impetum suscipientem, projectum validissime fibras ejusdem, cæterum

(a) Ibid. epist. XVIII, art. XXII.

(b) l. c. epist. XXVI, art. XIII.

fortissimas, distrahere, in enormes subinde, nisi subito admodum nascantur, saccos aneurysmaticos expandi, lacerari alias, vel & disrumpi: quam causam etiam Cl. MORGAGNUS innuit, dum dicit: *quod, cum trahi in dubium minime queat, arcum Aortæ non longe a corde incurrenti sanguini objectum, hujus cursum subito, & violenter insedere, facile intelligatur, si cordis impulsus nimium intendatur, & præsertim, si Aorta vel a primordiis minus firma sit, vel ab erosivo aliquo principio debilitata, Aortæ expansionem effici; deinde, cur ejusdem ad illam, aut prope illam curvaturam, vel nullo præsen-
te polypto, frequentissime inveniatur (a).*

Ne tamen quis credat, reliquum arteriæ Aortæ truncum ab Aneurysmatibus prorsus liberum esse: contraria docent illa, a Doct. NOORTWYKIO, MORGAGNO, LANCISIO, MONROO descripta, & supra a me commemorata; his addere possem Aneurysma pugni magnitudinis in Aorta, diaphragmati jam proxima, efformatum (b); aliud in Aorta statim sub diaphragmate enatum, parte vero sua suprema sinistra in thoracis cavum, quod pene totum repleverat, proruptum (c); illud dein a Cl. STORCKIO cum Ill. DE HAEN communicatum Aortæ Aneurysma, quod ab ipso corde inchoatum ultra curvaturam pergebat: facta vero curvatura, Aorta a dorso recedebat; cujus phœnomeni causa saccus erat, ex postica Aortæ descendens parte, officio pollicis diametrum habente, productus: qui saccus inter costam quartam ac quintam, a se mutuo dimotas, protrusus, deletis nimirum intercostalibus muscûlis, explicaverat se in tumorem manui integræ magnitudine parem (d). Quo æquo jure annumerantur Aortæ amplum arterias prope iliacas Aneurysma, a FANTONO memoratum (e), aliud a BAYFORD infra diaphragma observatum, & adjectis figuris, a Cl. HUNTERO (f) communicatum, & illud denique supra jam a nobis ex MATANO collectum, quod circa emulgentes arterias disrumpit copiosum sanguinem in abdominis cavum effuderat (g).

(a) Adversar. Anat. II, Animadvers. XII.

(b) MORGAGNI de sed. & causis morborum &c. epist. XXVI, art. XI.

(c) Ibid. epist. XI, art. XXIX.

(d) DE HAEN Rat. Med. pars IV, cap. 11, §. 2.

(e) Obs. Anat. Med. obs. 1.

(f) Medic. obs. and Inquiries vol. III, pag. 14 & seq.

(g) Conf. hujus diss. pag. 386.

Ex præmissis similiter Aneurysmatum arteriæ Aortæ historiis abunde constare potest, quinam eorum omnium frequentissimi effectus sint, quos ad duos tantum primarios, quum plerique in generali Aneurysmatum pertractatione jam a me expositi fuere, refero : 1°. sc. partium vicinarum mollium actiones læsas ; 2°. ossium excavationes : quibus tandem ossearum (ut vocant) brachlearum , toties in Aneurysmatibus obviarum , historiam subnectam. Primum quis negaverit, qui semel tantum attenta mente considerat, quantum hic pressio mechanica efficere valeat, ubicunque nimirum arteria Aorta in saccum aneurysmaticum expanditur, ubique ut plurimum noxas inferre solet, quæ in partibus molliibus, actiones earum lædendo, primario sese manifestant : hinc si in pectore Aneurysma latet, mirum non est, quod multoties, pressis ita pulmonibus, ut sanguis libere permeare nequeat, respirandi difficultas, immanis præsertim post locorum acclivium consensum anxietas, cordis palpitatio, lipothymia, aliaque mala nascantur. Nec raro quoque ægri de clavicularum, vertebrarum dorſi, scapularum, aliarumque vicinarum partium doloribus queruntur, qui, Auctore Cl. ALBERTINO (a), exinde ut plurimum dependent, *quod Aneurysmata orta longius a corde, vel ob peculiarem suæ figuræ modum, sanguinisque impulsu, ac indolem impensius, celeriusque in suis fibris distrahantur, vel tendinem, seu nervorum truncum, aut aliam sensilem partem, inprimis contra os aliquod, suis ictibus impellant.* Accedit, quod Aorta descendens vertebriſ firmiter adnectatur, quæ itaque, constituto ibidem, vel & in arcu Aortæ, Aneurysmate, ac iusto vehementius sanguine in illud impulso, mirum in modum distracta dolores creat immanes, tensivos, lancinantes, subinde non nisi corpore admodum quieto tolerabiles, nervisque in consensum tractis, convulsiones, aliæque corporis affectiones spasmodicæ exoriuntur. Sæpe etiam Aneurysmata circa arcum Aortæ obvia concomitantur artuum superiorum torpor vel & stupor, cujus phænomeni ratio a compressis inprimis vasibus subclaviis, & nervis brachialibus deducenda videtur. Mirum enim quot quantaque mala, a sola vicinarum partium compressione dependentia, tumoribus aneurysmaticis sese adjungant, ita ut exempla

(a) Com. Acad. Bonon. p. 388.

habeamus, illos interdum ita increviffe, ut magnam thoracis partem adimplendo, pulmones tantopere compreflerint, ut hi vel penitus confumpti viderentur, vel faltem fanguini trajectum denegantes apoplexiam ob prohibitum fanguinis regreffum ex capite in cor dextrum, nimis repletum, vel &, ob impeditam lymphæ ferosæ per vafa lymphatica abforptionem, venis quippe fanguine nimium diffentis, ipfam hydropem, ut plurimum lethalem, nifi per urinarias vias, & per alvum, idonea excitata crifi, ab exuberante fluidorum pondere Natura fponfe fua feffe liberet [ut in illo VALCARENGHI exemplo fupra memorato contigit (a)], inducere folent, vel & afpera arteria ab Aneurysmate, circa præcordia fito, ita fubinde comprefione coarctata fuerit, ut, præclufo aëris ingreffu, cito fuffocaverit ægrum.

Nec difficilior comprehenditur, quanta mala oriri debeant, fi Aneurysmata in Aorta abdomen percurrente fuerint enata, modo quis contempletur diverfiffima infimi ventris vifcera, eorumque varias, ad quas deftinata funt, actiones, ut mirum propterea non fit, nunc digeffionem, chylicationem, nunc bilis fe- & excretionem turbari, nunc ifchuriam, alias inflammationes ab arietatione, hydropem, lumborum tenfiones, aliaque mala, vifcerum fitus, fabricæ, atque ufus probe gnaris facile explicanda, portendi, ut opus non videatur diutius hifce immorari. Ad ipfas itaque potius vicinorum offium excavationes tranfeamus, quæ, teftantibus celeberrimorum virorum fcriptis, horrendas fubinde malorum facies reliquerunt, ita ut, vel totum ferme fternum, coftarumque cartilagine, cæterum ipfi nexas omnes, fi binæ tantum superiores excipiantur, una cum non exigua illarum offea parte, defeciffent in cadavere hominis, ex ruptura Aneurysmatis interni (quod intra quinque menses tantam acquifiverat magnitudinem, ut in dextro latere maxime prominens, & ad claviculam ufque feffe extendens, totum occupaverit pectus) mortui, amicum elapfo anno fecum communicaffe, fummo beneficio mihi maxime venerandus Præceptor ED. SANDIFORT retulerit, atque occafionem partium affectarum fterni inprimis reliquias, follicite conservatas, accurate examinandi fuppeditaverit.

Quædam huc fpectantia fupra jam (ad §. XIII. n^o. 5) monuimus: attigimus tum eam Cl. MORGAGNI circa hoc phænomenon opinio-

(a) l. c. pag. 82.

nem, qua statuitur, vascula perioſtii ſacci aneurysmatici appuſſione contuſa rumpi tandem, humoremque contentum effundere, quo, mora acriori facta, os erodi queat (a). Quæſtio tamen hic moveri poſſet, cur duriffima offa ita lædantur, dum partes molles, tumoribus his æque vicinæ, ut plurimum illæſæ maneant. Cl. enim MALOËT exemplum habet, in quo Aneurysma trunco Aſperæ Arteriæ ita adhærebat, ut hujus cartilagine aliquot partem Aneurysmatis efficerent, eadem tamen viſ ſanguinis, quæ cartilagineſes has deſtruxerat, neque cohæſionem ejus cum Aſperæ Arteria, neque tanto molliores, & tenuiores parietes reliquos Aneurysmatis arrolerat, aut perforaverat (b). En, qui idem auctor explicare hujus rei rationem tentet: *nimirum quæ idibus magis cedunt, minus læduntur; quæ autem valentius reſiſtunt, ea vero detrimentum multo gravius accipiunt* (c).

Dubito tamen, an ſic omnis ſcrupulus amoveatur, quum, licet jam conceſſerim (ut ſummo MORGAGNO concedendum videtur), quod partes durioreſ primario afficiantur, nulla tamen ſufficiens ratio reſtet, quare, attritis jam vaſculis perioſtii, vel perichondrii, & effuſo humore acri, eroſivo principio imbuto, non tamen ſemper, ſecundario quamvis, parietes ſacci aneurysmatici, continuo ichore hoc acerrimo irrorati atque eroſi, prius rumpantur, quam duriffima craſſaque offa excaventur. An vero multiplicium lamellarum interiori Aneurysmatis ſuperficiæ appoſitio hujus phænomeni ratio foret? ſed hæc non ubique vera, & illæſæ sæpe inveniuntur ipſæ lamellæ. An igitur potius ſtatuumus vaſa N. C. inter reliquas partes ab eroſiva humorum vi (cauſſa licet hujus phænomeni lateat) omnium poſthuma affici? Vidimus enim ſupra (ad §. IX. n.º. 5. in notis) ab Exp. Chir. PUTHOD crurales arterias & epigaſtricas per longum tempus materia purulenta, ichoroſa, irroratas viſas fuiſſe, quamvis nullum contraxerint vitium. Aliorum tamen & hic indagemus opiniones: illam Cl. HUNTERI (d), quam dubitanter propoſuit, an ſcilicet *revera ſanguis vim offa diſſolvendi habeat?* ſupra ſimiliter (ad §. XIII. n.º. 5.) retuli, in quam opinionem incidit, quum ipſe talem vicinorum offium

(a) l. c. epiſt. XVIII, art. XXVII.

(b) Mém. de l'Acad. Royale des Sciences an. 1733:

(c) l. c. epiſt. XXI, art. XLVIII.

(d) Medical obſerv. and Inquiries, vol. 1, p. 345.

destructionem ac consumptionem viderat, quæ a carie longo diversa alia quoque explicatione indigebant. Multa tamen & huic opinioni obstant. Cur non v. g. partes molles, si sanguis revera vi ossa duriora dissolvendi gaudeat, simili plane modo dissolvuntur? vel, si jam hæc sanguinis vis constaret, ubi tamen manent partes dissolutæ? Teste enim Cl. ARNAUD (a), nulla unquam materiæ vel solidæ aut fluidæ collectio circa Aneurysmata deprehenditur. Nec præter concreciones polyposas aliud quid sese in ipso aneurysmatico sacco offert. Præterquam quod intellectu difficillimum sit, qui sanguis hanc vim exferere posset, quum hic, tumore aneurysmatico inclusus, nudum os alluere minime queat, quod tamen requireretur, si statuere quis cum Cl. HUNTERO (b) vellet, sanguinem, eodem forte, quo os dissolvit, tempore abripere simul particulas osseas dissolutas. Sed quid opus plura hic colligere, quum Cl. PRINGELII experimentis, capitis cum sanguine putrido & ossibus, hæc sanguinis vis ossa ut menstruum dissolvendi minime confirmetur (c). VALCARENGHUS vero costæ excavationem, quam ipse observaverat, non nisi ingeminatis validioribus sanguinis impulsibus attribuendam putavit, quum nulla suppuratio, aut ichorosi cujusvis liquoris extillatio ibidem sese demonstraverit (d).

Quum itaque tot ossium a vicino Aneurysmate excavatorum exempla prostant, nulla quamvis humoris acris, erodentis effluxus, aut veræ cariei species adfuerit, paucis lubet subnectere, quæ circa hujus phænomeni causam proponi adhucdum posse visa mihi fuerunt, postquam in proprio casu, mox superaddendo, observaveram, insignem in sterno factam fuisse excavationem; per quatuor annos supervixisse ægotam nostram, postquam sternum jam perforaverat tumor aneurysmaticus; induratos quidem, atque compactos Aneurysmatis parietes, minime tamen erosos aliove modo degeneratos fuisse; & nullum denique post mortem vel foetorem, aut materiæ ichorosæ extillationem observari potuisse. Nonne attritus solus, qui os inter & ipsum aneurysmaticum saccum continuo viget, sufficere posset, ut tantæ subinde vicinorum ossium excavationes fiant? Multa

(a) Mémoires de Chirurgie, part. 1, p. 210 in not.

(b) l. c. p. 344.

(c) Conf. MONRO Essays and observ. vol. III, p. 253.

(d) l. c. p. 85.

fane sunt, quæ pro hac opinione militant : guttam cavare lapidem non vi, sed sæpe cadendo videmus; &, continuo Aneurysmatis Arteriæ subclaviæ appulsu claviculam luxari posse, observatio docet (a). Quidni igitur in osse, in quod tumor aneurysmaticus continuus arietat, hac sola de causâ excavationem derivemus? Hanc præterea arietationem continuam si pro vera plerarumque ossium excavationum causâ habere possimus, facilius longe explicatur, quî fiat, ut ipsi ut plurimum Aneurysmatis parietes illæsi maneat; hi quippe quum molliores sint, pressioni magis cedunt, ossa vero, quum magis firma sint, stabilia & cedere ferme nescia majorem inde noxam patiantur, necesse est. Accedit, quod, licet jam quodammodo etiam lædantur Aneurysmatis parietes (ut credibile fane est), constet tamen, deperditi reparationem longe promptius, longeque citius in mollioribus quam duris partibus peragi, ut inde simul ratio liqueat, cur Aneurysmata nonnunquam vertebrae, illæsis quamvis interjectis ligamentis, mirum in modum excavent, qualia exempla Cl. MORGAGNUS exhibet (b).

Hoc saltem ex præmissis concludere liceat; non ubique eodem modo has ossium excavationes fieri; dari certe, quæ arietatione continua, juncta acrimoniæ singulari, ossa erodenti, fiunt, sive hoc contingat, quia attritu os inter & tumorem aneurysmaticum vascula periossei, seu perichondrii contusa humorem erodentem effundunt, sive quia attritu illo impediatur materies oleosa per os transfudare, quæ igitur, stagnatione acerrima facta, durissimum os erodit, ac insignem, ut in omni ossium carie observamus, foetorem olet, sive denique, ut RUYSCHIO (c) placuit, per parietes Aneurysmatis transpiret humor acris, ossa vicina erodens, perinde est, modo nunc constet, non semper a solo attritu has ossium excavationes derivari posse; dari tandem, in quibus nulla harum causarum accusari possit, sed nostra forte, modo proposita, opinio magnam verisimilitudinem præ se ferre videtur.

Priusquam vero effectuum classem dimittamus, paucis adhuc in ossæarum (ut vocant) lamellarum, in parietibus sacci aneurysmatici ali-

(a) Journal de Médecine, Chirurgie & Pharmacie, tom. XIV, p. 55.

(b) l. c. epist. XL, art. XXVI, XXXI.

(c) Obs. Med. Chir. obs. XXXVII, XXXVIII.

aliquando occurrentium, efformationem inquirere lubet: ne vero diversissimas Auctorum circa hoc phenomenon opiniones commemorando nimium hic excurram, breviter tantum harum lamellarum substantiam indagabo, visurus dein, quam de causa earum in primis origo atque incrementum dependere videantur. Ne tamen quis dubitet, lamellas has in Aneurysmatum parietibus unquam fuisse detectas, inspiciat tantum, quæ circa has JOAN. BAPTISTA BIANCHI (qui, ut in theatro suo Anatomico MANGETUS scribit, enorme memorat Aneurysma in principio arcus Aortæ obvium, ubi erat ossea, immo sæxa potius loricatio ad totam illam Aortæ faciem, quæ accubitu polypofo tenebatur); VERNIUS (qui in Aortæ Aneurysmate concretam substantiam, quasi osseam, invenit) (a); VALCARENGHUS (b); HALLERUS (c); LAFAGE (d); SHARP (e), alique observarunt.

Bracteas, sive *squamas osseas*, ut plurimum vocare solent concretiones has, quamvis quorundam Auctorum descriptiones testentur, sæpissime illas longe diversam ab ossea habuisse naturam, ita ut summus MORGAGNUS fateatur (f), concretiones plures, quæ, duritie solum spectata, a festinante aliquo Anatomico possent pro ossibus accipi, & fortasse interdum acceptæ sunt, ab his accurate esse distinguendas, & lapideas, tophaceas, gypseas, &, quod sæpius accidit, calculosas esse appellandas, ut varia singularum natura ad lapidis, topi, gypsi, & calculorum, qui crebrius in renibus, aut urinaria vesica concreverunt, similitudinem videtur accedere, extra omnem dubitationem positum est: cujus rei veritatem ut evincat, præter alia ejusmodi concretionum exempla Cl. CHOMELII observationem (g) superaddit, qui cum tubercula describit lapidea, sic interius exteriusque superficiiei affixa arteriæ pulmonaris, ut alicubi externa, internaque communicarent inter se, testatur, omnia ea ex pluribus lapideis granis fuisse compacta. Et quanquam ipsi MORGAGNO nunquam accidisse videtur, ut in permultis arteriarum duris bracteis

(a) Comment. Imp. Acad. Petropol. tom. VI, Class. Phys. art. IV.

(b) l. c. pag. 58 & 83.

(c) Opusc. Pathol. obs. XVIII.

(d) Phil. Transact. n.º 267.

(e) Surgery chap. XXXVI.

(f) Libri sæpius citati epist. XXVII, art. XX.

(g) Hist. de l'Acad. Royale des Sciences an. 1707, Obs. Anat. III.

& squamis unam animadverterit, quæ esset friabilis, in arenamque resolvi posset, aut quæ ex lapideis granis compacta esse videretur, fatetur tamen, nequaquam se dubitare, quod sibi non accidit, id aliquando, aut, si vis, sæpe aliis accidisse. Quicquid sit, id saltem statuendum, non omnes has lamellas eadem gaudere natura, dari certe, quæ ad eam potius lapidis, tophi, gypsi, & calculorum accedunt, dari tamen simul, quæ ossibus potius similes habentur, quippe hæ, in prunas injectæ, similem, qualem urentia ossa, foetidum nidorem spargunt, nigredinemque monstrant, flexiles non secus atque ungues sunt, & ad eundem denique modum, eodemque edito in disruptione sono, ac reliquæ lamellæ ossæ, rumpuntur. Sed undenam hæc diversitas? An non ea a diversa humorum cacochymia imprimis repetenda? An hæc igitur ratio foret, cur in seniorum corporibus, quorum sanguis terreis particulis abundat, concretiones ossæ toties obviæ sint? Sed ad ipsam potius harum concretionum originem ac sedem propremus. Multi fuerunt Auctores, qui eas a membranarum arteriosarum ossificatione, deletis nimirum per assiduum compressionem vasculis; derivandas esse voluerunt: hodie vero, eas internam inter & muscularem arteriæ tunicam sedem suam habere, validissimis argumentis evincunt, postquam considerarunt, priori opinioni illud præprimis obstare, quod concretiones hæ sæpissime iis in locis, ubi attritus non nisi valde exiguus, nullæque aliæ causæ, quæ fibras indurare possent, sese manifestant, reperiri solent.

AUGUSTINUS vero BUDÆUS, negavit quidem, molles arteriarum fibras in ossæ abire, lamellas tamen has ex granis quibusdam terreis atque gypseis constatas esse voluit (a), dum ERUD. CRELLIUS, eas revera non esse ossæ, sed tophaceas, ex pure concretiones, cujus, tenuiore parte dissipata, restitans crassior induretur, dicendas esse statuit (b). Quicquid sit; hoc saltem ex recentiorum, HALLERI præcipue (c), observatis constare videtur, materiem hanc, in duriores demum concretiones abituram, muscularem inter & intimam arteriæ tunicam deponi.

Magis vero disputatur, quomodo succus hic, qui callosus primo, deinde ossæ fit, & in squamas duras late per arterias rigentes abit

(a) Miscellan. Berolin. cent. iv. §. tom. v. p. 63. seqq.

(b) Obs. de arteria cordis coronaria insar ossis indurata §. 2.

(c) Opusc. Pathol. obs. XLVII.

(a), inter has arteriæ tunicas effundatur. Ob exiliorum, quæ intra arteriarum substantiam perepunt, vasculorum lentis viscidisque succis infarctorum obstructionem, eorum inflammationes in suppuratione tendentes fieri, & materiam purulentam, quæ in duriores demum massulas concrefcit, deponi, Cl. CRELLII fuit opinio (b), cui observatio Ill. MORGAGNI (c), quæ, senioris hominis Aortam, squamulis osseis præditam, & pro parte exesam exterius propria vascula sanguifera multum habuisse distenta, indicium videlicet perstantis inflammationis, memorat, magnum robur attulit, quamvis MORGAGNUS ipse cum CRELLIO in eo, quod sc. concrectiones illæ, quæ post inflammationem & suppurationem ortæ creduntur, tophaceæ semper, non osseæ sint, convenire minime videatur, præcipue quum, se ipsum, illarum ortum vel sine prævia inflammatione aut certe suppuratione interdum accidere, non dubitare, subiungat (d): immo potius statuat, frequenter concretas has lamellas inflammationum atque exulcerationum causas constituere, cum illæ asperis suis & extantibus plus minus oris aptæ videantur, quæ vellicando ac irritando inflammationes, erosiones, & exulcerationes producant. Cui causæ accedit, quod arteria contrahere se nequeat, quin earum asperitates & spiculæ arteriæ tunicæ continuo atterantur, neque sanguis a corde per arteriam propulsus transfluere possit, quin tunica interna ad spiculas illas apprimatur, unde fieri sæpe solet, quod, factis hisce lamellis, dilacerata intrus atque erosa inveniatur interna arteriæ tunica; quamvis hæc cum Cl. MORGAGNO (e) minime ita intellecta velim, tanquam si omnes arteriarum sive leviores sive graves erosiones ab ossiculorum asperitate derivandas esse statuerem.

Quid igitur de lamellis his, in saccis aneurysmaticis toties obviis, dicendum? Nonne credibile admodum est, magnopere distensis arteriæ tunicis, disrumpi intus earum vascula propria, quæ contentum succum nutrimentum intra membranas has arteriæ effundunt, & simul forsan particulas, a natura ad osseam substantiam reparandam destinatas, elabi sinunt, quæ ergo errore materiæ nutritiæ huc delatæ

(a) Ill. HALLERUS Elem. Physiol. tom. 1, lib. II, sect. 1, p. 65.

(b) l. c. §. 8 & 9.

(c) l. c. epist. XXVII, art. XXII; & epist. VII, art. IX.

(d) Ibid. art. XXIV.

(e) Ibid. art. XXV.

(ut in reliquis nostri corporis partibus probabile est) eas iterum attrahat particulas, quæ suæ naturæ similes sunt ?

Multa sane sunt, quæ pro hac opinione militant : æpidermidem sæpe ita degenerare, ut in cornu abeat, videmus : immo inter egregias Prælectiones Pathologicas magnum illum nostrum, & summe venerandum Præceptorem GAUBIUM narrantem sæpius audiui, vidisse se epidermidem ad marginem labiorum in tantam increvisse crassitatem, ut in cornu abierit, omnemque labiis mobilitatem ac flexilitatem ita sustulerit, ut ejusdem secessum singulis binis hebdomadibus per aquam tepidam moliri cogeretur æger ; qualem in crassationem, errori materiæ nutritiæ (ut summo jure Cl. Præceptori videbatur) adscribendam, conspexisse se in præputio penis tali forma efformatam, ut natum prius punctum, quasi corneæ duritie, sensim sensimque extenderit sese, donec tandem juxta circumferentiam decurrens totum penem ambiret, & erectionem ejus intolerabilem redderet, superaddere Celeberrimus Vir consuevit. Quidni igitur statuamus, similem hic errorem materiæ nutritiæ locum habere ? quum Chirurgis interdum accidisse legimus, ut enascentes e vulneribus pilos, immo vel speciem dentium viderint. Sed, ne nimium hic a nostro themate recedamus, in ea potius, quæ de Aneurysmatibus arteriæ Aortæ dicenda restant, investigemus.

§. XXXIII.

Specialiora quædam, quæ supra (Sect. v.) exhibuimus, signa diagnostica superaddere utinam possem ! Interna eorum sedes, causarum prædisponentium & occasionalium multitudo, & effectuum, quos cum aliis longe diversis affectionibus communes habent, inconstantia, morbum hunc dignoscere, multoque minus ab aliis distinguere ut plurimum vetant.

Si tamen corporis motus, ac nîsus vehemeniiores ; percussiones externæ, validæ ; resistentiæ quæcunque sanguini, per vasa sua propulso, positæ ; corporis agitationes justo majores, concurrente humorum acrimonia, inprimis veneræ ; vel & spiritus contentiones nimis diuturnæ, quas omnes supra adductis observationibus, ut frequentiores Aneurysmatum Aortæ causas, comprobavimus, præcesserint ; si dein, constituto in thorace Aortæ Aneurysmate, respirandi diffi-

cultas; clavicularum, vertebrarum dorſi, ſcapularum, aliarumque vicinarum partium dolores; tenſiones; motus convulſivi; artuum torpor, vel & ſtupor; affectiones ſoporofæ; corporis leucophlegmatia; vel & hydrops, generentur; vel ſi, Aneurysmate in Aorta, abdomen percurrente, ſito, talia exoriantur ſymptomata, quæ a compreſſione organorum ſe- & excretoriorum; nervorum diſtractionibus & impedita humorum per vaſa ſua trajectione dependent, magna quidem ſuſpicio ſuboritur, minime tamen certo concludere poſſumus, intus Aortæ Aneurysma ſubliteſcere: major vero affundetur lux, ſi Aneurysma intus obortum, dimotis, quæ ipſi oppoſita erant, repagulis, extus promineat; ſigna, quibus Aneurysma externum dignoſci ſolet, ſupra (Seſt. v.) a nobis inſtigata, præbeat; & iis exoriat in locis, quæ, prælucentibus ſupra propoſitis aliorumque obſervatis, Aneurysmatis egreſſui patent, illudque frequentius tranſmittunt; modo & hæc non quandoque ſefelliffent! ●

§. XXXIV.

Quam infelix igitur in hoc morbo, per ſigna ſua, modo memorata, quamvis cognito; facienda ſit prognofis, nemo mirabitur, qui arteriæ Aortæ amplitudinem; decurſum juxta pleraſque N. C. partes nobiliſſimas; & juſtæ diametri neceſſitatem, ut reliqua corporis organa ſuam ſanguinis dimensionem accipiant, attendit. Quis ejus fibras, ſemel nimium diſtractas, & continua ſanguinis perreptatione ulterius diſtrahendas, iterum coadunabit? Quis, appoſitas ſemel lamellas vel & ipſa coagula polypofa reſolvere iterum novit? Quis denique, evitando, ne vires reliquæ exhauriantur, & mors ipſa promoveatur, rupturam præcavere, ſanguinisque eruptionem lethalem arcere unquam poterit? Periculoſiſſimum itaque ſemper prædicatur quodcunque Aortæ Aneurysma; nulla enim integræ curationis ſpes, niſi forte mox in initio (quod impoſſibile ſere cenſeo) dignoſceretur, ſuperſeſt.

Nihil tamen licet a cura radicali exſpectandum habeamus, Medicum tamen decet, ut, quantum fieri poſſit, ulteriorem Aneurysmatis progreſſum impedire tentando, mortem differat, &, ſymptomata concomitantia mitigando, ægrotanti vitam ſuperſtitem longe tolerabiliorem procuret.

Hiscæ indicationibus ut satisfiat, ea instituenda sunt adminicula; quæ latius jam (in Sect. VII. §. XXV.) exposui. V. S. nimirum, quantum corporis vires sinant, instituuntur, reiterentur; diætæ servetur tenuis, parca; quæcunque sanguinis motum intendunt, avertantur; & talia simul exhibeantur remedia, quæ sanguinem, in massam polyposam nondum nimis compactam, attenuare forte adhuc possunt, fructus v. g. saponacei, sales medii, gummi ferulacea, aliavæ, quæ dominant in corpore acrimoniæ opposita sunt; acrimoniæ v. g. veneræ medicamentis Mercurialibus, scorbuticæ Anti-scorbuticis simul prospiciatur, aliavæ humorum dyscrasia detecta secundum Artis regulas tractetur.

Aortæ vero Aneurysma si extus prominuerit, cutis ruptura præcaveatur; quem in finem summus MORGAGNUS quadruplicatum ex vesica bubula, aut ex molli aluta factum, splenium laudat (a), cujus oræ omnes per medicamentum, quod valentissime id posset, ad proximam cutim, quæ circum tumorem adhuc integra & firma esset, agglutinarentur. Caveatur tamen simul, ne tumor contra vestimenta, aliaque obstacula externa atteratur, aut, applicatis remediis comprimentibus, & sanguine versus interiora retropulso, continuo moriatur æger, tumorque intus disrumpatur, qualia LANCISIUS (b), atque LE DRAN (c) funesta commemorarunt exempla.

(a) l. c. epist. xxvi, art. x.

(b) l. c. prop. xviii.

(c) Observ. de Chirurg. tom. 1, p. 254.



NOTABILIS AORTÆ ANEURYSMATIS OBSERVATIO.

M. **G.** , Uxor **S.** **H.** , annos 65 nata, pro ætate satis agilis, die 16 Augusti 1772 in Nosocomium Delicicum, consensu illustrium harum ædium Curatorum, admittebatur, tumorem, in summo pectore sese emergentem, commonstrans, qui ab Experientissimo atque Artis Medicæ peritissimo Medico **F. BOOGERT**, ac Vigilantissimo Chirurgo **D. SCHOLL**, quorum vices tunc temporis erant ægrorum, ibi decumbentium, morbos tractare, pro more suo attente examinatus, aneurysmaticus habebatur: palpitabat enim insigniter, ita ut etiam e longinquo alternæ ejus contractiones atque dilatationes conspicuæ essent: ad tactum durus erat. Supra sternum, ad distantiam fere unius pollicis a summo ejusdem ossis margine, assurgebat, figura sua quodammodo conum referens; altitudo enim quinque pollices & dimidium; basis quatuor, & acumen duos fere poll. & dimidium, diametro sua adæquabant (*a*): pulsus cum eo, qui in radiali arteria ad carpum a Medicis explorari solet, satis constanter synchronus erat, quandoque tamen & intermittens. Præter cutim eo in loco nihil distractum, aut e sede sua remotum videbatur. Cæterum ægrotæ tussi quandoque satis molesta corripiebatur, quæ tumoris palpitantes maxime intendebat. Interdum eam syncope momentanea affligebat, ita ut pro tempore quasi attonita videretur, mox iterum operibus suis peragendis apta; nec raro de doloribus intra scapulas, præcipue ad vertebrae & anteriorem tumoris partem determinatis, querebatur.

Causam hujus mali indagaturi supra laudati viri sequentia tantum detexerunt: malum jam abhinc quatuor annos perdurasse: non recordari posse ægrotam, cuinam causæ mali hujus origo attribuenda erat, id autem certum esse, ad naviculam, cineribus onustam, remulco abducendam, coactam sæpius se fuisse, & ita nîvis quandoque ingentes intendisse: tumorem, quum primum apparebat, magnitudine sua globulum minorem (quo pueri ludunt) adæquasse: & denique, sensim sensimque ita increvisse, nullo ab ægrotante efflagitato remedio, ut tandem ad notatam supra magnitudinem, quatuor elapsis annis, pervenisset; quæ forma etiam, quamdiu in

(*a*) Vid. Tab. I.

Nosocomio supervixit, mutata haud fuit, omniaque symptomata ad ultimum vitæ halitum, eodem in statu, quo ea supra descripsimus, permanferunt, excepto, quod cutis valde tenfa magis magisque præcipue ad apicem inflammaretur; cui inflammationi ut quodammodo refisteret, apta remedia applicabat prudens Chirurgus, dum interim tuffi reliquisque symptomatibus, quantum fieri posset, mitigandis optime profpiceret fupra laudatus Medicus. Frufta autem quibuscunque tentatis, die 20 Septembris ejufdem anni inflammatio cutis ad apicem tumoris in gangrænam tendebat, quæ, paulatim fefe extendendo, die 26 ejufdem menfis denarii circumferentiam adæquabat, parte illa ita attenuata, ut quolibet momento ruptura imminere videretur, & revera locus hic, die 27 infequente, oculi niftu fere citius, ulteriori refiftentiæ impar, cum forte aliquid, humi deponitum, attolleret ægra, fumma vehementia diffiliret, ita quidem, ut polypi fruftum (a), quod anteriorem tumoris partem adimpleverat, ad fatis magnam diftantiam projectum, fecum abftulerit partem cutis anteriorem, jam plane gangrænofam (b), quod mox aliud, at multo minus, fruftulum cum rivulo fanguinis infequebatur (c), & tandem ultimum, quod maximum erat (d), cum fanguinis horribili torrente, miferriam fanguinem cum anima expellente, erupit, tragœdiamque claufit.

Mox arcefcitus Chirurgus invenit ægrotam fuam ubivis jam fanguine perfufam & morte extinctam; curiofitatis vero gratia ftilum, in vulnus demiffum, in pectus altiffime penetrantem fenfit. Ulteriori autem examine in fequentem diem 28 dilato, & ad interim ego, de rei novitate certior factus, cafum hunc dignum putabam, qui a me (qui ægrotantem fæpius vifitaveram atque jam dudum curaveram, ut tumor ad vitam delinearetur) attente obfervatus in fchedulam conjiceretur, ut, data occasione, eum in proprios ufus convertere poffem.

En jam, quæ in ipfo examine occurrerunt: præcipua hæc erant: Polyporum formam fupra jam defcripsi, eaque ex adjectis (in Tab. 3.) figuris

(a) Tab. III, Fig. 1, 2. v. Icon 8.

(b) Ibid. Fig. 1.

(c) Ibid. Fig. 3.

(d) Ibid. Fig. 4.

figuris melius intelligitur. Ruptura autem, seu vulnus in pectore conspicuum unico pollice a summa sterni parte distabat, perfecte primas inter & secundas costas obvium & ab omni parte contractum, ita ut fere non nisi margo quidam supra reliquam cutim paulo magis affurgens atque rotundulus superesset, in medio relicto foramine circulari, unicum tantum pollicem diametro sua admittente, & medium ossis sterni perforante (*a*). Cruciatim vero pectoris cute incisa, atque musculis pro parte separatis, distinctius visui sese in sterno foramen præmagnum offerebat (*b*), latitudine sua duos pollices (*c*), longitudine vero duos & dimidium adæquans (*d*); ambitu suo ob eminentes undique osseas festucas acutum (*e*) valde erat, & in-
tromisso tandem per illud digito, sacculus detegebatur ab omni parte huic foramini firmiter accretus, inæqualis, atque fibrosus. In lateribus itaque a costis, parte superiori a claviculis, inferiori vero a diaphragmate soluto sterni, attollendo illud, & separando a pleuris insignis resistentia dissecanti ad foramen ossis sterni offerebatur, ita ut coactus esset parietes arteriæ, ipsi accretos & cartilagineos factos, cultro circa foraminis ambitum rescindere (*f*), ibi nimirum arteriæ Aortæ truncus, mox ubi ex sinistro cordis ventriculo exortus supra pericardium emergit, dilataverat se in præmagnum sacculus aneurysmaticum (*g*), qui, foramen in sterno obvium ingressus, firmiter accreverat ambitui interno hujus foraminis (*h*), & cujus parietes ita indurati erant, ut jam pro maxima parte in cartilagineam substantiam abiissent (*i*). Quibus omnibus ad circumferentiam prudenter dissectis, interior ossis sterni foraminis facies, quæ dimidiato pollice superabat diametrum ejusdem foraminis, a parte exteriori dimensam, in conspectum veniebat (*k*). Tota ferme sterni (*l*) pars superior perierat, cujus loco conspiciebatur foramen magnum, crassiori, eo-

(*a*) Tab. II, Fig. 1, 2.

(*b*) Tab. IV, Fig. 1.

(*c*) Ibid. inter *m* & *a*.

(*d*) Ibid. inter *n* & *p*.

(*e*) Ibid. Fig. 1. *m*, *n*, *o*, *p*.

(*f*) Ibid. Fig. 1. *h*, *i*, *k*, *l*. Fig. 2. *a*, *b*, *c*, *d*. Tab. V. *h*, *i*, *k*, *l*.

(*g*) Tab. V. *h*, *i*, *k*, *l*, *m*, *n*, *o*, *p*. Tab. VI. *h*, *i*, *k*, *l*.

(*h*) Tab. IV, Fig. 2. *a*, *b*, *c*, *d*.

(*i*) Tab. V. *m*, *n*, *o*.

(*k*) Tab. IV, Fig. 2.

(*l*) Ibid. Fig. 1, 2.

que inæquali margine cinctum (*a*), infra quod aliud, in saccum usque aneurysmaticum penetrans, foraminulum occurrebat (*b*), & parva quoque pars cartilaginis, qua costa prima tum in dextro tum in sinistro latere cum sterno jungitur, absumpta ita erat, ut nonnisi musculis in loco suo retineretur costa hæc utriusque lateris prima (*c*). In Aortæ trunco manifestabat se apertura satis hians, dilacerata pro parte, pro parte etiam ob firmissimam, quam cum sterno habuerat, connexionem dissecta (*d*). In hoc præterea sacco animadversione dignus erat polypus prælongus, durus, ac simul friabilis, natura sua a supra descriptis, qui ex lamellis fibrosis, sibi mutuo incumbentibus, constabant, in eo tantum diversus, quod hujus lamellæ digitorum contrectatione longe facilius separarentur (*e*): situs erat perfecte sternum inter atque foramen, quod in fundo sacci manifestum, & margine quodam calloso eminente distinctum, directe cum ipso Aortæ trunco, seu potius radice communicabat (*f*): totum fere saccum ita adimplebat massa hæc polyposa, ut nullum ferme locum retro advenienti sanguini relinqui videretur.

Saccus vero ipse amplissimus erat, & non multum supra valvulas semilunares incipiens non solum antrorsum, ubi per ipsum sternum penetraverat, maxime se extendebat, verum etiam retrorsum sursumque, sic ut tantam efficeret capacitatem, ut pugnum minorem facile admitteret (*g*); ipse Aortæ arcus magis etiam, quam secundum naturam esse solet, dilatatus erat, unde ostia vasorum, ex illo provenientes, solito more trium, hoc vero in casu quatuor (*h*), arteriæ nempe innominatæ (*i*), quæ ortum præbet subclaviæ (*k*) & carotidi dextris (*l*), carotidis sinistræ (*m*), vertebralis sinistræ (*n*) ac subclaviæ ejusdem lateris (*o*), majora, quam in statu sano, apparebant.

(*a*) Ibid. *m*, *n*, *o*, *p*.

(*b*) Ibid. *g*. Fig. 2. *c*.

(*c*) Ibid. *c*. *c*.

(*d*) Tab. V. *h*, *i*, *k*, *l*, *m*, *n*, *o*.

(*e*) Tab. III. Fig. 5.

(*f*) Tab. V. *m*, *n*, *o*.

(*g*) Tab. VI. *h*, *i*, *k*, *l*.

(*h*) Tab. V. *r*, *s*, *t*, *v*, *w*. Tab. VI. *m*, *n*, *o*, *p*.

(*i*) Tab. VI. *m*.

(*k*) Tab. V. *r*. Tab. VI. *g*.

(*l*) Tab. V. *s*. Tab. VI. *r*.

(*m*) Tab. V. *r*. Tab. VI. *s*.

(*n*) Tab. V. *v*. Tab. VI. *t*.

(*o*) Tab. V. *w*. Tab. VI. *v*.

In pectoris tandem, & pericardii cavitate colluviei serosæ, inodoræ, minime acris satis magna copia continebatur. Cæterum omnia sana erant; nullum vitium in costis, nullumque in vertebra, accurate licet facta fuerit indagatio, reperiri potuerunt.

Ex tradita hactenus hujusce affectionis historia rationi consonum est statuere, illud a sterni inprimis intropressione, nata inde pectoris cavi angustatione, ac institutis simul nîsibus iusto majoribus diuque protractis exordium suum sumpsisse: quum certum enim sit, mammas foeminæ præ reliqua corporis superficie longe sensiliores esse, neque proinde credibile sit, ab iis (valde licet in ægra nostra exiguis) remulci appressionem tam facile tolerari potuisse, verosimile, inquam, est, hunc corpori ita fuisse circumdatum, ut is infra mammas, sive inter eas situs, trajecta nimirum super humerum dextrum tali modo ejusdem ansa, ut binas inter mammas juxta latus sinistrum extremitas ejus altera redeat, altera vero supra scapulas vel viceversa continuetur, mobiliorem sterni partem interiora versus adegerit (ut solito planior ossis sterni figura optime comprobavit), atque spatium arcum Aortæ inter & ipsum sternum coarctaverit, quibus ut primaria causa accedit, quod, dum continuo nîsus ingentes instituere cogeretur ægra, pulmones ob intensiores aëris inspirationes, ejusque retentiones nimis diuturnas magnopere expansi in qualibet expiratione diaphragma admodum depulerint, cujus itaque fibræ contractæ multum constringere potuerunt, quæ inter capita ejus decurrit, Aortam arteriam, quo demum fieri debuit, ut opposita hæc sanguini retro advenienti resistentia superiorem hujus arteriæ partem ad distensionem magnam coëgerit, & continuo reiterata saccum aneurysmaticum formaverit. Nec difficilius explicatur, qui factum fuerit, ut in principio potius, quam in Aortæ progressu Aneurysma hoc contingerit. Ponamus v. g., ob modo exhibitam rationem, eo, quo Aorta inter capita diaphragmatis decurrit, loco, sanguini retro appellenti resistentiam nasci, mox sanguine itaque illo minus facile perennanti Aorta distendetur, magis vero ad curvaturam usque, quam in descendente ejus parte, quum cor, continuo resistentiam hanc vincere tentans, magna vi sanguinem suum in Aortam projicit, cujus impetus vigor validissimus in Aortæ principio suffocabatur fere, quum versus regurgitantem sanguinis columnam impetuosius impelleretur. Facto igitur in Aortæ principio Aneurysmate,

N n 2

increfcens ejusdem faccus, verſus anteriora potius, a parte nimirum poſteriore obſtante vertebrarum columna, protuberare, &, immi-
nuto ſpatio Aortam adſcendentem inter & ipſum ſternum, eo citius
illud attingere, atterere, & eo, quem ſupra propoſui, modo exca-
vare debuit. Symptomata vero, quæ per totum hujus morbi decurſum
ſeſe obtulerunt, paſſim jam (in Sect. IV. §. XIII.), prolixius vero
(ad hujus Sect. §. XXXII.) enumeravi, atque explicui, ut utique
crambem recoquerem, ſi ea hic ſingulatim repetere vellem : cuilibet
enim perſpicuum puto, a turbato hoc ſanguinis curriculo pleraque
ſymptomata facile derivari poſſe. Quis enim ob impeditum ſanguis
per pulmones trajectum liberioſem, tuſſim, &, ob diſtam rationem
ac prohibitam exinde ſanguis verſus encephalum appuſſionem,
ſyncopen momentaneam natas fuiſſe inficias iverit? Neque ab Aortæ
cum vertebris connexione, in ſaccum aneurysmaticum irruente,
eumque diſtendente ſanguine, & nervis vicinis in conſenſum abreptis,
dolores illos ſcapularum, ac vertebrarum inprimis ad interiorem
Aneurysmatis partem determinatos, repetendos eſſe, facile quis
dubitaverit.

T A N T U M.



DISSERTATIO INAUGURALIS MEDICA
DE
ANEURYSMATE VERO
PECTORIS EXTERNO
HEMIPLEGIAE SOBOLE,
QUAM
PRO GRADU DOCTORIS
BASILEÆ AD DIEM XVIII. AUGUSTI MDCCL
PUBLICÆ DISCEPTATIONI PROPONIT
JOH. JACOBUS WELTINUS,
Foro - Tiberienfis,
AUCTOR.



HISTORIA MORBI.

VIRUM rusticum 45 annorum ætatis, *JACOBUM JÆGER*, Breitenbacensem, ex diuione Helveticorum Solodurenſi, alias ſanum, vegetumque, iter forte facientem, inopinato hemipleſidicus prehendit inſultus; in quo amiſſis ſenſibus, loquela, nec non motu, & pedis, & manus dextræ, voluntario privatus, oculos tamen apertos, os vero quam vehemenſiſſime clauſum oſtendit, immo in latere ſiniſtro, aliquales apparuere motus convulſivi, poſtlininio tamen omnium fundionum compos redditus, in præſentiarum tam in manu, quam in pede, & ſenſus & motus facultate ſanis pollet. Verumtamen poſt paucos, a paroxyſmo hemipleſidico interjeſtos dies, ſine ulla alia cauſa violenta prægreſſa, enatus eſt tumor jam deſcribendus. Intumeſcentia ſc. admodum notabilis occupat locum, 3 aut 4 digitos tranſverſos infra claviculam ſitum, circa quartam circiter coſtam veram, immediate ſub integumentis, & ſupra muſculum peſtoralem majorem ſiniſtri lateris occurrens, tribus quaſi tuberculis conſtans; quorum primum ſtatim a latere ſiniſtro ſterni, parte ejus media, mole nucis juglandis circiter, figura prope globosa, cuti concolor, & preſſioni cedens adparet, cum pulſu vehemenſiſſimo, & ad preſſionem digiti graviter invaleſcente, cum arteriæ in carpo aliarumque pulſu, ſynchro. 2^{da} magnitudine primum aliquanto ſuperans, figura globum quaſi compreſſum æmulatur, & ſpatio unius prope digiti ab illo remotum, magis verſus exteriora occurrit, cum pulſu æque violento, & cateris arteriis plane ſynchro. 3^{ta} dimidio minus præcedentibus, ad coſtam tertiam veram ſedet, paulo ſupra tuberculum primum, ad marginem quoque

sinistrum sterni, haud longe ab articulatione claviculae cum sterno distans, quoad pulsum prioribus haud absimile. Spatium tribus his tuberculis interjectum paulo est depressius, digito injecto aëque cedens, & fortissime pulsans. Si unum, aut plura horum, manu vel digitis adplicatis comprimantur, vir dolorem cum molesta anxietate, & fortiore accedente pressione, fere intolerabili, ac imminente lipothymia percipit, praesertim si supra tumorem, & ex opposita dorsi parte, manu injecta, utrinque pressio adhibeatur. Situm supinum non facile tolerat, in latere sinistro, qua parte tumor est, non sine molestia, in dextro autem, paulo commodius decumbit. Celeriter motus, aut per loca acclivia adscendens, cordis palpitacionem & dyspnoeam notabilem patitur. Caterum aliqua capitis vertigine, & linguae balbutie, inde ab hemiplegiae insultu relicta, laborat: ac facie, habituque corporis, cachecticae labis speciem praese ferre videtur.





ANALYSIS PATHOLOGICA.

§. I.

UT pleraque morborum nomina a Græcis manarunt, sic Aneurysma, *Ανεύρυσμα*, ejusdem originis vox, ex *ἀνά* retro, rursum, & *εὐρύω*, dilato, composita, idem sonare videtur, quod apud Latinos, *arteriæ dilatatio*, vel *tumor ex arteriæ dilatatione causam trahens* (a). Minus eorum etymologia se probat, qui *ἀνεύρυσμα* ἀπὸ τῆς νεύρε, & a privativo derivantes, per *enervationem* interpretantur: siquidem enervatio potius debilitatem circa tendines & nervos, quam vitium arteriæ, designare solet (b).

§. II.

GALENO *ἀνεύρυσμα* dicitur, arteriæ dilatatio, quæ fit ore in arteria ex vulnere facto, quod nec mature obductum, conglutinatum, aut carne contextum fuit (c). Item, *ἀνεύρυσμός*, dilatatio, quæ referatis arteriis fit, cute integra, ac conglutinata (d). Est & *ἀνεύρυσμα*, *φλεβώδης ἀγγεῖα ἀνευρυσμὸς*, ἡ πνευματικῆς ὕλης ἀνάσφυρά ὑπὸ τῆς σαρκὸς κατὰ διαπήδησιν ἀναδιδύμενης: hoc est, venosi vasis dilatatio, aut spirituosæ materiæ per subsultum distributæ, sub carnem dispersio (e). GORRÆO Aneurysma definitur, tumor tactu blandus, cedensque digitis, a sanguine & spiritu, ab arteria, aut vena, profusus, exci-

(a) Vid. GORR. Def. Med.

(b) Vid. STEPH. BLANCARDI Lex. Med.

(c) Lib. De Tum. p. n. p. 356. 27.

(d) Vid. ROB. STEPH. Thes. Ling. latin. ed. Bas.

(e) Auth. Def. Med. p. 400. 43. ÆGINET. L. VI. 37. FOES. ÆCON. HIPPOCR. p. 59.

tatus (a). JONSTONO, tumor ab arteriæ tunicæ interioris apertione, exterioris dilatatione, exortus (b). BARBETTE, tumor p. n. continuo pulsans, digitis facile cedens, at iterum illico se extendens, ab arteriarum interioris tunicæ ruptura, & exterioris dilatatione (c). Mihi Aneurysma dicitur tumor, ex dilatata, vel quocunque modo dissoluta arteria, ortus, sanguine turgidus, variæ magnitudinis, diversique coloris. Pulsus non addo, quia non est perpetuum & inseparabile phænomenon, quod in omni Aneurysmate semper occurrat: nam in spurio vix unquam pulsus deprehenditur, & in vero, si sanguis, ut sæpe fit, in eo coaguletur, aut hic tumor callum contrahat, tunc nulla amplius percipitur pulsatio, ut observationum monumenta satis superque testantur (d).

§. III.

Aneurysma dividitur in verum, & spurium: quorum prius definitur per dilatationem arteriæ naturali majorem, ita ut vi suâ elasticâ ad naturalem sese constringere amplitudinem impotens, præter solitum extensa maneat modum, & sic tumorem mentiatur, plus minusve magnum, plus minusve, aut planè non pro ratione magnitudinis & durationis pulsantem, plerumque ejusdem cum cute coloris. Hinc videmus, non posse accuratam Aneurysmatis veri molem determinari, sicut quidam asserere voluere, nunquam castaneæ magnitudinem excedere (e); dum observationes plurimæ contrarium testantur. Posterius vero, quod veteribus *ἐκχύματος* dicitur (f), tum demum exsurgit, quando sanguis ex arteria, sive per anastomosin, sive diapedesin, sive diæresin, aut quocunque alio modo, in sua continuitate soluta, effusus in spatia cellularia, sub cute stagnat, ibique collectus, tumorem, pro diverso statu sanguinis quiescentis, varie coloratum, vix aut penitus non pulsantem excipiat. Ab hac definitione non longe recedit GALENI descriptio Aneurysmatis, ita se habens: arteriæ autem apertæ affectus Aneurysma

(a) Def. Med. p. 36.

(b) SYNTAGMA Med. p. 548.

(c) CHIRURG. p. II, L. 1, C. 16.

(d) Vid. FR. RUYSCH. Observat. anat. Chir. XXXIX.

(e) Vid. GOUVEY. Chirurg. p. 231.

(f) GALEN. Meth. Med. L. IV, cap. 4.

vocatur, fit autem, quum illa vulnerata, ad cicatricem quidem circumposita pervenit cutis, manet tamen vulnus arteriæ, nec coëuntis, nec cicatrice obductæ, nec carne obturata (a). Ex quo intelligitur, Aneurysma verum posse haud difficulter in spurium abire, quando aut ab impetu sanguinis, arteria sensim sensimque ita extenditur, ut partes ejus nimis tandem a se invicem remotæ, immediato contactu, & hinc cohæsione destituantur, aut sanguis stagnans tantam acquirit acrimoniam, ut vasis substantiam arrodens, sibi ipsi effluxum paret. Insuper Aneurysma dividitur in externum, & internum: hoc in vasis, viscera, partesque in ventribus delitescentes, adeuntibus occurrit (b): illud vero in arteriis versus partes externas, & inprimis sub cute sitis, deprehenditur. Plures distinctiones hinc inde in autoribus chirurgicis occurrentes, de industria omitimus.

§. IV.

Ex his præmissis non difficile erit determinare, qualis denominatio tumori in casu nostro obvio competat: si enim omnes notæ characteristicæ, in definitione Aneurysmatis veri recensitæ, examinentur, omnes tumori nostro accurate convenire, patebit; immo pulsus cum arteriis cæteris synchronus, omnem tollit dubitationem. Etsi enim talis pulsatio non in quolibet deprehendatur, tamen ubi occurrit, manifeste Aneurysma verum indicat. In spurio enim, quanquam interdum quoque adpareat pulsus, tamen nunquam adeo regularis invenitur: hinc jure intumescantiam hanc, Aneurysma verum vocare licebit. Ideoque diutius huic quæstioni non immorabor, potius arteriam, sive locum Aneurysmatis nostri, quoad licebit, ostendere, dein ejus differentiam ab aliis tumoribus, diagnosin, ætiologiam, symptomatologiam, prognosin, & curationem, expeditare conabor.

§. V.

Immediatè ex definitione Aneurysmatis sequitur, in nulla corporis parte tale observari, nisi in arteria quadam sanguifera. Idem ergo tumori nostro erit adplicandum, & cum non minus in prognosi,

(a) De Tum. præter naturam, cap. xi.

(b) PARÆUS L. vii, cap. 32. LANCISIUS de Cord. & Aneur.

quam curatione, haud parum interfit, partem affectam nosse, non inutile fore arbitror, heic, quantum possibile, indagare, qualis arteria fit læsa.

§. VI.

Musculus primus brachium moventium *VESALII*, sive pectoralis major, qui anteriorem thoracis partem fere totus obtegit, ita ut a clavicula ad primam, interdum secundam costam spuriam, & ab osse sterni ad os humeri usque extensus deprehendatur (*a*), varios ex diversis tunicis accipit ramos arteriosos: primò quidem ex intercostali superiori (*b*), qui ramus modo ex aorta descendente, modo ex subclavia, rarius ex cervicali arteria natus, immo interdum ex arteria bronchiali proveniens, ad duo, tria intervalla costarum superiorum distribuitur, & ad musculum pectoralem majorem, minorem, nec non ad involucria medullæ spinalis, plures alios furculos emittit (*c*). Secundò arteriæ intercostales inferiores, quæ ex trunco descendente aortæ exeunt, per paria ad angulos pleræque rectos (*d*), ad costarum oram inferiorem ingrediuntur, & inter duo strata intercostalium muscutorum, ad anteriores usque cartilagineos costarum fines pergunt, ibi cum mammariarum internarum furculis conjunctæ observantur (*e*): princeps cujusque ramus ex media costæ sede, ad exteriores costis incumbentes musculos penetrat (*f*): cæterum semper anastomoses subeunt, cum arteriis intercostalibus superioribus. Tertiò mammaria interna, ex arteria subclavia orta, descendit ad latus sterni, emittens plurimos ramos ad musculos intercostales, pleuram &c. prospicit quoque musculo pectorali majori, in cujus media parte variis anastomosis cum arteria mammaria externa, cæterisque arteriis intercostalibus jungitur (*g*). Tandem mammaria externa, seu thoracica superior, arteriæ axillaris soboles, versus inferiora procedens, in varios distribuitur mus-

(*a*) *ANAT. WINSLOW*. p. II, §. 181.

(*b*) Hanc arteriam negat *GARENGEOTIUS*, *Splanchn.* p. 347. sed abundè confirmant observationes *HALLERI* & *WINSLOWI*.

(*c*) *ANAT. WINSLOWI* p. III, §. 107 & seq.

(*d*) Vid. *EUSTACH.* Tab. XXVI.

(*e*) *RUYSCH.* *Epist.* II, T. II, fig. 3.

(*f*) *EUSTACH.* Tab. XXIV.

(*g*) *ANATOM. WINSL.* p. III. §. 90.

culos, inter quos etiam pectoralis major, & minor, referendi. Et hæc sunt vasa arteriosa, quæ ad musculum pectoralem majorem abeunt.

§. VII.

Nunc accurate demonstrandum esset, in quonam horum ramorum Aneurysma nostrum sedem habeat: sed cum per §. VI plurimæ arteriæ in hoc musculo sibi invicem per anastomoses committantur, & in ægro superstite non liceat sectionem instituere, fere impossibile videtur, exacte ramum determinare; probabilitate igitur contenti, existimamus, ramum ex intercostalibus inferioribus prodeuntem alere: primò enim phœnomna in historia morbi recensita, anxietas sc. & animi deliquium, ad pressionem paulo fortiolem, aut diutius durantem, adparentia, de proxima tumoris, cum visceribus vitalibus, vasisque majoribus, communicatione testantur. Quia vero arteriæ intercostales inferiores semper ex aorta proveniunt, hinc iis quoque propior cum visceribus vitalibus nexus intercedit, quam intercostalibus superioribus, quæ plerumque ex arteria subclavia, aut mammaris externis, vel internis, quæ semper ex arteria subclavia & axillari (§. VI) nascuntur. Secundò decursus arteriarum harum idem evincere videtur, siquidem a posterioribus ad anteriora decurrentes, (§. VI) emittunt ramos, qui ad angulum rectum, sive acutum, ex trunco, sicut plerique in machina nostra rami, egredientes, a posterioribus quoque ad anteriora per musculum distribuuntur; Aneurysma vero in ramo ita decurrente latere, ejus conditio indicat: tuberculum enim secundum ad exteriora situm, magnitudine superat primum, quod magis versus interiora, & tertium, quod ad interiora & superiora occurrit; quia vero omnia tubercula in eodem ramo observantur, necessario maximum ad ejus basin, cætera minora potius ad apicem sita erunt. Hinc videmus, ramum in nostro casu quoque ab exterioribus ad interiora, sive a posterioribus ad anteriora progredi debere; & cum rami ex intercostalibus inferioribus nati, talem decursum teneant, vix dubium est, quin talis in Aneurysma degeneraverit.

§. VIII.

Inquirendum nunc, per quænam signa Aneurysma verum, ab aliis tumoribus distinguatur. A varice differt in eo, quod hæc sit

tumor venæ sanguiferæ, in quo rarissime observatur pulsus: nec tumor pressus adeo facile evanescit, idemque magis adparet nodosus & nigricans: quin etiam LOMMIO testante, varici magis crura, quam cæteræ partes patent, maximeque in foeminis, quæ utero gerunt, & in his, quibus soluta hæmorrhœis, aut curata quartana est (a). Etsi CELSO teste, & in capite, & in ventre, venulæ possint fieri varicosæ (b). Ab œdemate haud difficulter dignoscitur, dum hic tumor deprehenditur mollis, non renitens, qui pressus digitorum vestigia aliquamdiu retinet: cum e contrario Aneurysma verum, multum resistat, & pressum cedat quidem, sed illico iterum restituatur. A tumore inflammatorio his notis discemitur: 1.º hic tumor pressioni cum digitiis, aut manu factæ, non facile cedit, aut totus evanescit, sed potius valide renititur. 2.º Tumor vehementer compressus, vix tolerandum excitat dolorem, dum Aneurysma verum, a partibus vitalibus remotum, accedente pressione, parum creat incommodi, & prope ad vitalia situm, magis anxietatem, quam sensum dolorificum post se trahit. 3.º Hujusmodi tumor semper rubro colore ornatus est, dum Aneurysma plerumque eundem cum cute colorem ostendit. 4.º Tumor inflammatorius nisi resolvatur, intra paucos dies in suppurationem, gangrænam, aut sphacelum abit, Aneurysma vero diu satis sine his accedentibus potest tolerari. Quæ si quis omnia rite perpendit, facili opera tumorem inflammatorium ab aneurysmatico dignoscet; quod eo magis necessarium videtur, quia maxima mala, immo mors ipsa consecuta legitur, ex eo, quod Aneurysma verum pro tumore inflammatorio habitum, sinistre fuit curatum: quale exemplum recenset CL. SCHENCKIUS, ubi Chirurgus haud adeo peritus, Aneurysmati vero, nuchis juglandis magnitudine, ad dearticulationem cum humero sito, existimans, esse tumorem inflammatorium, escharoticum adplicuit, quo apertum, tantam sanguinis copiam fundebat, ut homo cito satis animam cum sanguine redderet (c). A tumoribus cysticis distinguitur in eo, quod hi nascantur ex obstructionibus, vel in glandulis, vel in pinguedine, tum omni destituantur pulsatione, & pressi pro varietate materiæ contentæ, cedant quidem plus minusve;

(a) Vid. JODOCI LOMMII Obs. Med. L. II, p. 280.

(b) De Med. L. VII, cap. XXXI.

(c) Observat. Lib. V, obs. 5.

sed non in totum evanescant : in Aneurysmate autem omnia secus se habere, ex superioribus abunde liquet. Tandem qualis intercedat differentia inter Aneurysma verum & spurium, ex §. III sufficienter patet.

§. IX.

Inde diagnosi Aneurysmatis veri haud erit difficilis (a) : si enim in quacunque corporis parte adparet tumor cui concolor, ad rotundam accedens figuram, qui leni adhibita pressione cedens, aut evanescit, aut plurimum minuitur, mox vero cessante pressione, ad pristinam redit magnitudinem, artiarum more pulsans, ut cum cæteris arteriis pulsus sit synchronus, cui causæ inferiori recentendæ prægressæ fuerint, jure concludere licet, adesse Aneurysma verum, sed potius recens, quam inveteratum. In adulto enim, ubi latera sæpe observantur callosa, nullus deprehenditur pulsus, siquidem tunica artiarum callosæ, validissime resistentes, nullam admittunt ab impetu sanguinis expansionem, qua deficiente, nulla fit contractio, hinc nullus pulsus. Idem quoque contingere debet, si in Aneurysmate adulto, tunica musculosa longe ultra tonum est expansa : tunc etsi accedente extensione, nulla sit ob debilitatas fibras musculares contractio, inde nullus pulsus. Sæpe etiam inveteratum, non retinet eundem cum cute colorem, utpote qua sensim aut erosa, aut per distractionem attenuata, color conspicitur ruber. Unde patet, parim signa supra memorata, non in omni deprehendi Aneurysmate vero, parim tale, cui signa hæc non possunt adplicari, difficillimum esse cognitu; nisi forte causis prægressis ex ægro intellectis, suspicio de Aneurysmate nascatur, aut status tumoris prægressus ab ægroto accurate observatus, ac postea Medico aut Chirurgo fideliter descriptus, præsentis Aneurysmatis fidem fecerit. Hæc tamen omnia tantummodo de Aneurysmate externo valent, quomodo enim, & per quænam signa internum patefiat, non est hujus loci inquirere.

(a) Ex GALENI sententia dignoscuntur hujusmodi affectus, pulsibus, quos edunt artieria; sed & quum comprimuntur, tumor omnis delitescit, substantia, quæ ipsum efficit, in artierias recurrente, quam alibi ostendimus, tenuem esse, & flavum quandam sanguinem, tenui & copioso spiritui permixtum, hic vero sanguis longe calidior est illo, qui in venis continetur, & vulnerato Aneurysmate erumpit, ut vix fisti possit.

§. X.

Causa Aneurysmatis veri proxima consistit in ipsa dilatatione arteriæ naturali majore : hac enim ablata, ipse morbus cessat. Scimus enim, omnem arteriam deprehendi in statu sano ad sensum conoideam : in Aneurysmate vero autem, ubi semper observatur tumor, a tali figura recedens, necessario dilatationem prægressam esse oportet. Nos quidem non laetetur, dari, qui existiment, Aneurysma tam verum, quam spurium, ab arteriæ apertura provenire : differentia in eo posita, quod in spurio major sit apertura, ut sanguis in tunicam cellulosa effusus, ibi symptomata Aneurysmatis excitet spurii, dum in vero apertura sit minima, ut sanguis nonnisi guttatim effluens, itinere videlicet interclusus, (inprimis in brachio, ubi arteria dura coercetur aponeurosi) insita indole grumum efficiat, qui brevi solidus factus, arteriæ adhærens, novo sanguine semper accedente, sensum augeatur, hinc Aneurysma verum producat (a). Ad hoc respondemus : 1.º ex hisce sequi, Aneurysmata tantum in brachio obvia, ab hac causa provenire ; dum in nulla alia corporis parte arteria ita munitur, ut hinc guttatim effluens sanguis itinere intercludatur ; nullibi ergo erit ratio sufficiens, cur non æque, ac in Aneurysmate spurio in cellulosa spatium ad instar guttarum profluat, quia semper gutta præcedens, ab insequente pellitur. 2.º Existimamus, quod si in arteria tanta esset apertura, ut sanguis in forma guttarum penetrare posset, cito satis ab impetu sanguinis, arteriam continuo plenam, sub qualibet cordis systole distendentis, tam magnum oriretur ostium, ut sanguis tandem sine multa resistantia profusus, brevi spatio Aneurysma produceret spurium. Hoc autem non adeo facile evenire, experientia docet. 3.º Ex sola relaxatione, sive resolutione aponeurosis arteriam invadentis, sine læsione vasis, Aneurysmata oriri posse vera, autores quidam sibi rite, & haud sine ratione persuadent (b). 4.º Contrarium adparet ex eo, quod Cel. RUYSCH Aneurysma verum, ex prægressa venæ sectione, a dilatata arteria oritur, in brachio ipso observaverit. Ita enim scribit : ægrotus alias

fatis

(a) Vid. *Quæstionem Med. Chirurg. an tumor scilicetque, cognita, detur Aneurysmatis Chirurgica curatio* : proposita a FRANCISCO THIERY Med. Pontumussano, Facult. Med. Parisiens. Baccalaur. 1750. Parisiis.

(b) Vid. ZACH. PLATNER. *Inst. Chirurg.* §. 425.

fatis generofus, incifionem diftulit, præferens levem tumoris compreffionem, donec poft diem unum atque alterum fua fponde erumperet dilatata arteria, utpote nuda, & nulla cute tefta (a). Unde videmus, RUYSCHIIUM non potuiſſe falli, dum arteria adparente nuda, facile erat diſtinguere, an tantum dilatata, an potius rupta fuerit.

§. XI.

Sententiam fuam ulterius ſtabilire conatur, argumentis ab arteriæ ſtructuræ defumptis, ita ſcribens : Si enim cauſarum efficacia, tunicæ tantum exteriores arteriæ, quæ cellulares ſunt, lædantur, alteram, quæ muſcularis, aut tendinea eſt, omnium robuſtiſſimam, dilatatum iri, credere abſonum eſt : hanc ſi porro etiam lædi ſupponas, tertia intima, quæ debilis eſt, impetui ſanguinis ſuſtinendo ſola multum impar, brevi diſſiliet. Quod ſi vero intimam tantum lædi ſtatuatur, diſtractis alterius tunicæ fibris muſcularibus, verofimilius liquidum vitale in cellulolum tenue textum, quo illæ inter ſe vinciuntur, ſeſe inſinuans, ad cellulofas exteriores uſque exſudabit. Hic notandum, autorem ſibi vel quodammodo contradicere, vel tamen aliquid aſſumere, quod ex ſtructuræ anatomica partis non fluit : in genere enim omnibus tunicis reſiſtentia eſt tribuenda, ideoque unica tantum læſa, decedit aliquid de reſiſtentia totius vaſis, faciliusque hinc dilatationem admittet. Dein autor ſupponit, ſolutis tantum exterioribus tunicis, muſcularem minime dilatari, aut alio modo præternaturaliter adſci, ſed potius ſanguinis impetum facile ſuſtinere, dum contra læſa intima, quæ non majori ac exteriores gaudet reſiſtentia, muſculares fibras ab impetu ſolvi, & aperturam oriri : unde adparet, eum mox tunicæ muſculoſæ reſiſtentiam adſcribere ſufficientem, mox illi talem denegare. Dein tunicam intimam, quam omnes auctores tenuem, membranaceam, & ipſe debilem vocat, tanquam ſat reſiſtentem admittit, quia hac violata ſtatux, fibras muſculares impares eſſe, impetui ſanguinis ferendo. Tunicis vero exterioribus, quæ eſſi cellulares, tamen ſunt denſæ, ſolidæ, & villo ſtipato conſtantes (b), nullam concedit reſiſtentiam, cum his læſis, tunicam muſcularem haud diſſiciliter impetum, abique dilatatione aut ruptura

(a) Obſervat. anatom. Chir. II, p. 6.

(b) HALLERI prim. lin. phyſiolog. §. xxviii.

afferit sustinere. Ex quibus patet, autorem sibi minus constare. Hisce accedunt observationes, quibus evincitur, tunicas tantam admittere extensionem, absque insequente ruptura, ut vix chartæ tenuitatem superent. Sic Cel. VAN SWIETEN a contusione prægressa, Aneurysma verum, in pectore dextro sub clavicula ortum, deprehendit, in cadavere enim arteriam subclaviam dextram in saccum ingentem dilatam vidit, ita ut Aneurysmaris hujus membrana ad chartæ tenuitatem accederet, & per illam pellucidam sanguis contentus conspici posset, qui levi vulnere inflicto, ad ingentem copiam erupit (a).

§. XII.

Tandem addit ultimum argumentum : nimirum hac in re fuisse errori locum ; quippe factitias, vel cellulares quascunque membranas, densas, duras, sanguine concreto, fluidove distentas, pro veris arteriæ tunicis promptum esse accipere, cum tamen diligentiori examine, in mediis his cellulosis, arteria fauciata, non dilatata reperiatur : hæc autem a vero abesse, iterum observationes probant, nam etsi in sacco aneurysmatico membranæ sæpe crassissimæ deprehendantur, dum sanguis grumulosus cum tunica ipsius concrevit, extima tamen tunica non observatur fauciata : Sic RUYSCHIVS describit Aneurysma, quod ex innumerabilibus crassis, carnosis & satis tenacibus, sibi invicem impositis tunicis conflatum erat, inter quas sanguis copiosus & coagulatus delitescbat : quas tamen non pro tunicis arteriæ propriis vendit, sed statim adnectit, harum extimam, quæ proprie arteria aorta erat, straminis habuisse latitudinem (b). Ex quibus omnibus abunde elucet, argumenta a supra citato autore allata, nondum evincere, quod Aneurysma verum sæpius a ruptura vasis nascatur. Ideoque jure cum plerisque autoribus contendimus, dilatationem arteriæ præternaturalem, pro causa Aneurysmatis veri proxima habendam esse.

§. XIII.

Proegumenam Aneurysmatis veri causam, constituit minor arteriæ resistentia, quam in statu sano, sive a læsione tunicarum, sive ab aucto sanguinis impetu, oriunda. Arterias enim resistere, nemo erit,

(a) Comment. in Aphor. BOERH. §. 176, p. 288.

(b) Observat. anat. Chirurg. XXXVIII.

qui dubitat, immo majores arteriæ vix ulla vi aqua injecta possunt distendi. Hæc vero resistentia dependet a firmitudine tunicarum, ex quibus fabrefactæ sunt, quas omnes renitentia gaudere vix negari potest, pro ratione tamen majoris vel minoris soliditatis, hæc enim, tanquam proprietates, unicuique corpori communis, poterit etiam singulis arteriarum tunicis tribui. Tunicae vero ita renitentes, partim impediunt, ne arteria ab injecto vi cordis sanguine dilatata, nimis expandatur, partim quoque, vi sua elastica se constringendo, in pristinum restituunt arteriam statum. Hinc si supponimus, sanguinem eodem ac in statu sano impetu, per arterias ferri, resistentiam vero, sive robur tunicarum, aut per nimiam distractionem, aut per solutionem unius alteriusve tunicae, aut alio quocunque modo, esse imminutam, tunc in tali casu necessario resistentia tanto minor erit, quanto nunc robur tunicarum cedit firmitudini earum in statu naturali. Quum autem ex superioribus pateat, quod per resistentiam arteriæ nimia ejus dilatio prohibeatur; sine dubio heic, multo minori, quam in statu sano, instructa resistentia, præternaturalem quoque admittere dilatationem, & cum imminuto robore tunicarum, elasticitati aliquid decedat, non ad naturalem, sicut in statu sano, contrahitur amplitudinem, hinc extensa manebit: & quia Aneurysma verum, consistit in expansione arteriæ præternaturali, per §. x. sequitur imminutam arteriæ per læsionem tunicarum resistentiam, tanquam causam proegumenam Aneurysmatis esse considerandam. Arteriæ resistentia vero, non solum minuitur a debilitatis, aut quocunque modo læsis tunicis, sed & ab aucto multum sanguinis impetu. Axioma enim est, capacitatem vasis nasci in composita ratione, ex facultatibus distendentibus directis, & facultatibus contrahentibus inversis. Quando impetus distendens duplo major sit, & vas duplo magis resistit, diameter non immutabitur: si vero impetus augeatur, & resistentia maneat eadem, necessario major excitabitur canalis dilatio: si proin talis impetus, aut diutius duret, ita ut arteria sensim ultra tonum expansa, non amplius contrahatur: aut tantus sit, ut vas statim nimis extensum, & in tumorem elatum adpareat, exsurget Aneurysma verum. Unde patet, cur sæpe ex morbis acutis, augmento velocitatis, & copia humorum in plethoricis, Aneurysmata observentur (a).

(a) VAN SWIRTEN comment. loco supra citat. p. 294.

§. XIV.

Explicandum sequitur, quomodo insultus hemiplegicus, efficiundo aut nimiam tunicarum debilitationem, aut intendendo impetum sanguinis, potuerit, tanquam causa procatactica interna, Aneurysma verum excitare. Nulli enim dubitamus, huic tanquam causæ prægressæ Aneurysma, ut effectum adscribere; siquidem æger ante hunc insultum pancreaticæ vivens, nunquam ne minimum quidem incommodi in hoc loco percepit, & statim postea, sine alia causa violenta externa prægressa, quantum ex ipso ægro, ejusque uxore, accurata sciscitatione rescire potui, tumor adparuit, adeo ut nil ob stare videatur, quominus hic tumor, pro effectu & sobole, hemiplegiæ convulsivæ prægressæ, habeatur. Nisi quis forte statuere velit, eodem fere tempore, ex suis causis, vel iisdem, vel distinctis, utramque ægritudinem natam esse.

§. XV. *

Antequam vero possit determinari, qua ratione hemiplegia potuerit producere Aneurysma, paucis præmittenda hujus morbi historia, quo dein ex cognita ejus natura, melius hæc genesis intelligatur. Hemiplegia, vel prægressam apoplexiam sequens, vel sola accedens, est paralytis unius tantum lateris, ita ut in sano latere varii interdum motus convulsivi, orisque non raro canina conspiciatur tortura (a). Causa proxima hujus ægritudinis, secundum plerosque autores recentiores, consistit in impedito, aut plane abolito influxu liquidi nervei, in latus ægrum, sive a compressione nervorum, sive erosione, aut alia quacunque læsione proveniente; dum e contrario spiritus animales impetuosius in sanum ferantur latus, quod ex motibus convulsivis clare cognosci potest. An vero causa in latere affecto, an in opposito sano lateat, nolumus hic exponere, remittimus potius B. L. ad observationes Cl. MORGAGNI (b), & ad experimenta Cl. VALSALVÆ (c).

§. XVI.

Cum itaque observationes doceant, latus sanum sæpe motibus convulsivis vexari, tales etiam in nostro ægroto adparuerint, nemo

(a) FRID. HOFFM. med. syst. rat. p. V. C. I. §. IX.

(b) Adversar. obs. VI, p. 108 & seq.

(c) De Aure humana p. 85, cap. V.

facile dubitabit, iis vasa fuisse debilitata, convulsio enim dicitur, violenta, invita, atque alterne repetens musculi contractio & relaxatio; itaque in musculo contracto, omnes fibræ liquido nerveo turgent, idque eo magis, quo validior contractio fuerit, fibræ hinc ita turgidæ, majus occupabunt spatium, vasa sic sanguiveha comprimentes, cruorem ex illis expellent, quod manifestum ex eo, quia musculus contractus pallefcit, & semper eo pallidior fit, quo magis durus & contractus observatur. Arteriæ hinc compressæ, a sanguine continua vi cordis pulso, quam maxime urgentur, ob compressionem autem non possunt dilatatæ omnem recipere cruorem, moreque solito ad venas transmittere, dum ultimi arteriarum fines pressi, subtiliori tantum sanguinis parti transitum concedunt, hinc arteriæ sensim sensimque ab aggregato cruore turgent, immo si contractio, præsertim valentior, protrahatur diutius, ad rupturam usque distenduntur. Id quod clare in epilepticis observare licet, qui sæpe sæpius musculos a paroxysmo prægresso, nigredine obductos ostendunt, dum sc. a læsis vasis sanguiferis, liquidum vitale fuit profusum. In convulsione clonica quidem, musculi non admodum diu contracti manent, sed mox iterum relaxantur; hinc etiam sanguis ante non libere ab arteria compressa exceptus, nunc in eam, a compressione liberatam, majori copia ac vi irruit, & quam vehementissime, cruore sive crassiore sanguinis parte jam repletam, distendit, ut tandem a repetitis hujusmodi extensionibus multum debilitata, minus resistat. Per extensionem autem nimiam, & sæpius repetitam, vasis debilitationem induci, demonstratur ex eo, quod debilitas dicatur, adunatio partium minimarum cum nisu in cohesionem tam parvo, ut vel levi motu solvi queat (a). Per extensionem itaque talem; partibus plus justo a se invicem remotis, minuuntur puncta contactus, & hinc cohesio, quæ semper eo major, quo plura contactus puncta; in imminuta autem cohesione consistit vasorum debilitas; ergo a nimia expansione vasa debilitari necesse est. q. e. d. Vasa vero debilitata minus resistunt, & cum minor arteriæ renitentia, sit causa Aneurysmatis proegumena, per §. XIII sequitur, insultum hemiplegicum, efficiendo arteriæ debilitationem, pro causa procatastica interna esse agnoscendum. Nobiscum consen-

(a) Aphorif. BOERH. §. 24.

tiunt quoque observationes, quibus probatur: artérias post validos editos nixus, pondera ultra vires sublata, in aneurysmaticos degenerasse saccos (a). Tale exemplum exstat in Historia Acad. Reg. scient. Hominis nempe in venatu subtilissime caput in dextram partem flectentis, quod nonnisi magna cum difficultate potuit reducere, is aurem ab illo momento languit semper, & respiratione & deglutitione multum impeditus, in cadavere ingens Aneurysma in subclavia dextra adparuit (b). Si quis autem a me quærat, cur potius in hac arteria, quam in alia, cui eadem causæ fuerunt adplicatæ, Aneurysma nostrum surrexerit? huic respondebo, id quidem non contigisse sine ratione sufficiente, sed hanc tamen adhuc in obscuro esse, ut aliæ plures morborum causæ, adhuc omnem perspicaciam hominum fugiunt; sæpe videmus, inter duos homines ejusdem temperamenti, iidem admissis causis, unum laborare phrenitide, alterum pleuritide, ubi de causa interrogati, hanc, ne nil dixisse videamur, tribuimus internæ cuidam prædispositioni, licet minus apertæ.

§. XVII.

Abolutâ Aneurysmatis nostri aitiologiâ, nunc ad symptomatologiam, sive explicationem phaenomenorum, in ægro nostro præsentium, progredimur: ubi primò quidem occurrit figura tumoris, ejusque piliatio: Tumor, ut ex historia morbi patet, constat tribus tuberculis, per spatia interposita a se distinctis: ratio videtur consistere, in læsione arteriæ diversis in locis facta, dum tunica, qua parte tumores existunt, debilitatæ, sive læsæ, extensionem admittere præternaturalem, at per reliquum tractum canalis satis resistentes, intumescere renuunt. Alias nulla esset ratio sufficiens, cur non totum vas per longitudinem suam in tumorem elatum esset. Omnes autem ad rotundam accedere figuram, mirum non est, quia arteria in statu naturali conoidea, nunc nimis expansa, necessario hujusmodi figuræ intumescencias formare debet. Quare autem unum tuberculum ab altero, ratione magnitudinis, atque situs differat, ex §. VII. colligi posse videtur. Pulsus eodem ac in statu naturali modo, nascitur, quando enim in arterias semper plenas, a vi cordis sanguis impellitur, dilatatione opus est, ut hæc portio in arterias recipi possit,

(a) VAN SWIKTEN comm. p. 288.

(b) Acad. Roy. des Sciences, ann. 1700. p. 50.

arteriæ vero tanquam canales elastici se restituentes, sanguinem acceptum propellunt, qui motus alterni vocantur pulsus, qualis etiam in arteria aneurysmatica accidere solet. Invalescit autem pulsus accedente pressione, quia sanguis adveniens, non potest in canalem compressum suscipi, unde nascitur cordi, tanquam causæ efficienti dilatationis artieriarum, major resistentia; cum vero actio semper sit æqualis reactioni, cor insurgit, & majori vi resistentiam superare conatur; hinc etiam arteriam magis dilatat; & quia eo validior contractio arteriæ, quo major dilatatio, ni ultra tonum fiat, vehementius quoque contrahetur, alterna vero contractio & dilatatio arteriæ, est ipse pulsus: hinc manifestum, cur presso tumore pulsus graviter invalescat, Spatia interjecta tumoribus æque pulsant, quia enim omnia tubercula in eodem ramo occurrunt, quod ex ipsis spatiis pulsantibus cognoscitur, quoque ex eadem ratione ac ipsi tumores, pulsus edent.

§. XVIII.

Ubi vero tumor unus alterve, aut omnes simul, fortiori, aut diutius durante pressione afficiuntur, accedere solet dolor, cum anxietate, & imminente lipothymia: nervi enim plurimi, imprimis ramus quinti paris cervicalium, conjunctus cum ramo sexti paris eorundem, ad musculi pectoralis superficiem abeunt (a), ad modum omnium fere nervorum in corpore nostro, decursum vasorum sequuntur, hinc si tumor aneurysmaticus prematur, nervi adjacentes quoque compressi, rupturam intentabunt; cum vero per dispositionem nervi, quæ dissolutionem minitatur, fiat doloris idea (b), sequitur a compressionem tumoris ortum iri dolorem. Quia autem simul per compressionem, sanguis in sacco latens, retropulsus denuo accedenti obstaculo est, non poterit truncus rami, in quo Aneurysma sedet, se evacuare, non evacuato trunco, qui per §. VII unus ex intercostalibus inferioribus est, nascetur resistentia sanguini, ex aorta in intercostalem recipiundo; hinc etiam turbatur & aliquomodo impeditur sanguinis motus per aortam; turbato motu in aorta, impeditur aliqua ex parte liquidi vitalis e corde egressus,

(a) WINSLOW. Anatom. p. 111, §. 216.

(b) Aph. BOERH. §. 220.

unde anxietas (a). Quæ si diutius adplicata maneant, aucta semper resistentia, cor non amplius poterit a sanguine liberari, hinc minor ejus quantitas in vasa coronaria veniet, sive tunc immediate a corde, sive ab aorta impleantur, inde motus cordis debilitatur, quia dependet a sufficiente liquidi vitalis, & animalis in fibras cordis influentis copia; inde igitur lipothymia oritur, quæ secundum FRID. HOFFM. consistit in debilitato cordis motu (b). Hæc eo citius accedunt, si simul in opposita parte dorsi, & supra tumores manus injiciatur, quia arteriæ intercostales inferiores, ad curvaturam costarum ingrediuntur, qui locus circiter tumori est oppositus, poterunt ibi compressionem admittere, quod si fiat forte in trunco, in cujus ramo Aneurysma est, eo major nascetur resistentia, hinc eo gravius incommodum.

§. XIX.

Quando æger supinus, aut in latere affecto decumbit, molestiæ percipit sensum: plurima enim vascula cutanea comprimuntur, hinc impeditur sanguinis transitus per illa, augetur vero motus per vasa adjacentia libera, semper enim velocitas sanguinis increfcit, si per vasa pauciora, eadem quantitas eodem temporis spatio trajici debet. Sic etiam per saccum aneurysmaticum velociori feretur motu, hinc magis distentus, adficiet aliquomodo nervos adjacentes, & sensum molestiæ excitabit. Decubitus in latere sano tolerabilior, quia vascula cutanea, etsi compressa, non adeo arcta gaudent communicatione cum vasculis partis adfectæ, unde non tantus contingere potest effectus.

§. XX.

Cum vero æger, aut celeriter movetur, aut per accliviam adscendit, cordis palpitationem & dyspnoeam patitur; per motum enim corporis sanguinis circulationem intendi, nemo est, qui ignorat, immo quo vehementior ille, eo intensior hæc; ideoque sub celeri motu, vel adscensu per accliviam idem contingeret, sanguisque sicut per omnia vasa, ita etiam per Aneurysma velocius ageretur, tanta vero quantitas, quantam

(a) l. cit. §. 631.

(b) Med. syst. ration. P. V. cap. ix.

quantam saccus capere potest, non adeo celeriter per fines arteriæ transibit, inde oritur resistentia notabilis, contra quam cor insurgit, violenterque se contrahit, quam si superare non potest, palpiat: palpitatio enim dicitur, violenta cordis contractio, una cum magna resistentia cruoris a corde pulsi (a). Cum vero & per pulmones celerior sit transitus, velocius quoque thoracem dilatabit, non sine aliqua difficultate, ob tumorem pectori insidentem, hinc difficultas respirationis, quæ dyspnoea vocatur.

§. XXI.

Capitis vertigo, linguæ balbuties, & habitus corporis cachecticus, non videntur symptomata Aneurysmatis nostri, sed potius effectus ab hemiplegia relictæ. Observationes enim testantur, fere semper quædam ab insultu tali prægresso remanere incommoda, quæ pro diversa hujus illiusve nervi læsione, varias turbare solent functiones. Cachectica vero diathesis originem trahere videtur, ab aliquali vasorum debilitatione, oriunda ex nimia quiete, & alimentis ac potulentis forte minus bonæ notæ. Vir enim rusticus, antea assiduus laboribus deditus, nunc a duobus annis ob incommodum ex labore perceptum, otiosus vixit, hinc magnam sine dubio corpori induxit debilitatem. Ipse Medicorum parens HIPPOCRATES non ignoravit, quiete nimia corpus debilitari, dicens: otium humectat, & corpus reddit debile, labor siccat, & corpus robustum efficit (b). Idem CELSUS confirmat his verbis: Ignavia corpus hebetat, labor firmat, illa maturam senectutem, hic longam adolescentiam reddit (c). Nimia autem atonia partium vasculosarum & fibrosarum, est causa proxima cachexiæ, unde adparet ratio habitus cachectici in ægroto nostro præsentis.

§. XXII.

Expositis hætenus tumoris nostri causis, & symptomatibus, ordo requirit, ut ad prognosin accedamus. In genere quidem Aneurysma verum, recens, idoneo loco situm, haud multum alit periculi, & hinc TH. BARTHOLOMIUS prognosin non adeo stricte accipiendâ, apud

(a) BOERH. institut. §. 816.

(b) De Victus ration. Sanor. L. II, cap. X.

(c) De Med. L. I. in præfat.

quem nimirum legitur, paucos lætum atque felicem eventum Aneurysmatis spectasse (a). At in ægroto nostro, quia tumor per duos jam annos durat, ipseque cachexiæ labem præ se fert, Aneurysma periculo vacare minime credimus, metuendum potius existimamus, ne sanguis jam depravatus & cachecticus, in sacco tantæ magnitudinis fere quiescens, aut saltem minus velociter motus, majorem contrahat corruptionem, & ita sensim tunicas arteriarum erodendo, sibi effluxum in spatia cellulosa pareat, ac demum gangrænam & sphacelum post se trahat; aut simul exedendo cutim, hæmorrhagiam cito & forte inopinato lethalem excitet. Hoc jam alias contigisse experientia evincit: ita enim miles quidam, qui per sex septimanas Aneurysma in arteria subclavia dextra gesserat, eroso sacco, præter expectationem, sanguine fluenti adinstar per os erumpente, spatium unius minuti periit (b). Dein si non debita adhiberetur medela, metus esset, ne tumor paulatim mole auctus, tantam sanguinis copiam caperet, ut ab adveniente non amplius propulsus, venis minime traderetur, hinc sanguine tanta in copia stagnante, circulatorius suffocaretur motus; si enim per venas non sufficiens copia sanguinis ad cor redit, qua ad contractionem stimuletur, motus ejus multum debilitatur, immo tandem cum vita cessat; sicut hoc manifeste observari potest in illis, qui per enormes innanitiones plurimum sanguinis amisere. Has ob rationes quantocyus debita instituenda curatio, & quidem, quia tumoris latera nondum adparent callosa, quod ex pultu tam manifesto clare patet, autumarem, per compressionem paulatinam, idoneo instrumento ac ligatura hic factam, posse effici, ut faccus ab impetu sanguinis injecti non amplius expansus, nullum capiat incrementum. Nollem tamen asserere, hac ratione istud Aneurysma radicaliter sanari posse. In sacco enim, qui per tantum temporis spatium jam duravit, nullum est dubium, quin plurimus sanguis in grumos concreverit. Videmus sanguinem nostrum adeo in concretionem pronum, statim ac quiescit, in solidam coire massam, ejusque proin fluiditatem tantum motui perpetuo deberi. In Aneurysmate igitur nostro, ubi semper portio sanguinis fere quiescit, aut tardius tamen movetur, necessario quoque sanguis grumosus erit redditus. Quippe in Aneurysmatibus majoribus dissectis plerumque

(a) Epist. Med. Cent. 111, ep. 53.

(b) Acad. Roy. des Sciences, ann. 1733, p. 153.

sanguis invenitur polypofus : sic Cl. LANCISIUS aortæ Aneurysmate cultro anatomico subiecto, deprehendit internam ejus cavitatem, adeo plenam grumoso sanguine, ut nil amplius capere posse videretur (a). Per compressionem igitur ulterior tumoris extensio prohibetur, at grumi sanguinis non solum non solvuntur, quin potius compinguntur; unde sequitur, non facile possibilem esse curam radicalem ope compressionis institutam, ceu quæ in Aneurysmate tantum recenti, & parvo locum habet. Si itaque ægrotus cupiat, ut in totum restituatur, tenendum est, hanc curationem nonnisi per adhibitam operationem obtineri posse. Hæc autem consistit in excisione tumoris, quæ in nostro casu forte haud adeo periculosa foret, cum neque majores trunci vasorum, ut supra memoratum est, neque etiam integri nervorum fasciculi, musculus pectoralem majorem adeant, sed tantum surculi ex 3^o, 4^o, 5^o & 6^o pari cervicalium, nec non quidam ex dorsalibus (b). Itaque non erit magnus metus hæmorrhagiæ gravioris, aut aliorum malorum, hanc operationem alias consequentium. Tum quia arteriæ plures hoc in loco subeunt anastomoses, minus erimus solliciti de gangræna, aut morte musculi, operationem secutura, dum ablato trunculo quodam, sufficiens tamen ad conservationem musculi, sanguinis copia per cæteros ramulos advehetur. Unde crederem, non tantum periculi cum hac operatione conjunctum fore, quantum cum ea, quæ sæpius in Aneurysmate brachiali suscipitur. Ubi cum non certi sumus, utrum arteria brachialis supra locum incidendum, in duos jam divisa fuerit ramos, nec ne, vel an rami ex superiori hujus arteriæ parte emissi, toti brachio irrigando sufficiant, semper de morte membri, forte operationem, etsi rite administratam, secutura, ægrum monere oportet; quod hoc in loco non tam facile evenire posse videtur: Qua ratione vero, & quibus cum cautelis hæc operatio foret instituenda, nunc pro viribus breviter docebo.

§. XXIII.

Curatio dividenda videtur in palliativam & radicalem. Prior ope compressionis cum idoneis instrumentis faciendæ, instituitur, quæ

(a) De mortibus subitan. observ. v, p. 303.

(b) WINSL. Anatom. p. 311, §. 190 & seq.

utique ad prohibendum ulterius incrementum, valet, sed ad radicalem illius curationem vix sufficere potest, ut superius §. XXXII indicatum est. Instrumenta autem Aneurysmati comprimendo idonea, varia hinc inde in autoribus chirurgicis descripta, existant, sed tantum in brachio adplicari consueta (a). Tale deprædicat BORDELOTIUS Medicus regius, quo se intra anni spatium Aneurysma brachiale, quod jam magnitudinem ovi junioris gallinæ attigerat, curasse jactat (b). Cum vero tantum in brachio adhiberi possint, videamus, quale tumori hostro in pectore sito, conveniat, nihil curantes, quod quidam compressionem aspernati, existimaverint, motum sanguinis compresso tumore suffocari, & latera vasis concrelescere. Sed non simul & semel Aneurysma quam vehementissime premendum est, potius ita, ut impetus quidem minuatur, sed non in totum tollatur. Immo etsi tandem liquidi vitalis motus penitus impediatur, quid interest; nonne idem contingit operatione administrata, ubi vase destructo, sanguini quoque transitus denegatur, æque ac si latera concrevisset, tamen hic fit sine multo dolore, ibi vero cum maximo interdum incommodo. Sequens autem fascia non adeo inepta videtur, Aneurysmati nostro adplicanda: Lorus sc. ex corio ovillo, aut caprillo, vel panno xylyno, Barchet, aut ex habena lineæ, Zwirnband, dicta, confectus, ne cuti immediate admotus pruritus excitet, tres circiter pollices latus, & tam longus, ut circumferentiam thoracis æquet, vel superet, parari potest, cui insinuantur duæ laminæ, ejusdem ac lorus materiæ, si ex corio, aut panno xylyno confectus fuerit, figurâ discum sive orbem æmulantes, tanti diametri, ut possint omnes simul tumores comprimere, spatium vero duabus laminis interjectum, adimpleatur setis equinis admodum firmiter, ut pilam ad comprimendum satis valentem referat, aut setarum loco lamina quædam plumbea æqualis ambitus, corio vel panno interponatur, ad resistendum tanto valentior. Dein fascia hæc ita corpori aptetur, ut orbe vel pila comprimente immediate tumoribus impositâ, alterum lori extremum, sub axilla sinistra in dorsum detur, alterum super humerum dextrum scandens, priori occurrat, ac debitâ ratione uniatur. Nam si sub utraque tantum procedens axillâ, thoracem ambiret, non posset adeo firmari, quin constricto thorace

(a) HIST. Chir. Tab. XI, fig. 8, 9.

(b) BLEGN. Zodiac. med. gall. ann. 1681. M. Mart.

relaxata, paulatim delaberetur. Aut quod mihi antecellere videtur, heic quam commodissime in usum trahi posset, Fascia illa, ab HEISTERO *manile* cum *scapulari* vocata, sic adplicanda: complicatum mantile sub utraque axilla extensum rite constringatur, & ne ad inferiora descendat, fascia scapulari retineatur, ita formata, ut in medio foramen caput excipiat, supra pectus æque ac per dorsum extensa, firmiter cum mantili possit conjungi, hujusque delapsus prohiberi. Superdata autem prius Aneurysmati charta bibula masticata, & ex alcohol vini expressa, imponantur panni multiplices ac gradati, interque hos pannos, nummus, vel aliud quid durum, conjiciatur, & tunc mantile superdetur. Quæcunque autem adhibeat fascia, tantum erit adstringenda, quoad sine majore incommodo æger ferre possit: firmiorem enim adstrictionem prohibet molestia fere intolerabilis statim succedens. §. XVIII. Fascia autem adplicata semel aut bis de die iterum constringenda, & ad plures hebdomadas, vel etiam menses gerenda est, tandem vero effectus, an tumor imminutus fuerit, nec ne, rite perpendendus. Quod si contrarium adpareat, eo citius ad curationem radicalem, sive operationem properandum, de qua nunc dicendum superest.

§. XXIV.

Aneurysmatis operatio triplici instituitur ratione. Quidam torculari rite adhibito, scalpello arteriam secundum longitudinem incidentes, materiam omnem spongiæ aut specilli ope extergunt, qua expurgata, torcular relaxando, in aperturam arteriæ inquirunt, eique frustulum vitrioli viridis gossypio involutum, aut linamentum liquore styptico WEBERI imbutum, immittunt, & superinjectis aliquot spleniolis, vulnus percurant. Alii PURMANNUM secuti, operationem instituunt hoc modo; injecto sc. conveniente ratione torculari, mox cutim summam solam, sine læsione Aneurysmatis, dissecant, dehinc supra & infra tumorem posita arteriæ pars, diligenter ab adjacentibus liberata vasis, uncinuli aut hamuli ope ita elevatur, ut possit filo deligari utrinque arteria, tumoreque medio inter utramque vincituram scalpello exciso, vulnus sanatur. Alii, qui ANELLII methodo delectantur, iterum aliter se gerunt: nimirum torcular primo adplicatur, depressoque dein ex tumore omni sanguine versus arteriæ sinem, cutis suprema secundum longitudinem, illæso manente Aneu-

rysmate, inciditur; tum arteria loco supra tumorem proximo, per trajectum filum duplex, semel aut bis pro re nata constringitur, donec post torcular relaxatum, nil in tumorem veniat, quo facto deligari, & debito modo vulnus foveri debet. Dispicendum igitur, quænam methodus Aneurysmati nostro possit adplicari. Prima quidem, etsi in Aneurysmate brachiali summo cum successu possit adhiberi, sæpeque haud sine optato eventu in usum fuerit vocata, tamen in nostro tumore non æque valere videtur. Quia enim arteria brachiali, ope fasciæ torcularis rite adplicatæ, compressa, prohiberi potest, ne ulla sanguinis gutta in Aneurysma fluere queat, sine omni metu tumorem juxta longitudinem incidere licet; id quod in loco, quem tumor noster occupat, non æque tentare convenit. Nam etsi truncus, sive ramus aneurysmaticus, torcularis ope possit aliquomodo comprimi, tamen nondum tumorem dissecare licebit; nam quia arteriæ intercostales inferiores, cum superioribus & mammariis inosculantur, facile surculus talis, cum ramo aneurysmatico conjunctus, & compressioni ineptus, sanguinem continuo plorans, operationem multum turbaret. Insuper cauteria potentialia, & styptica hac in methodo usitata, minus arident, dum per ligaturam arteriæ convenientem, semper certior spes haurienda non amplius secuturæ hæmorrhagiæ, quam ab adplicatis stypticis, vel cauteriis. Secunda methodus a Cl. PURMANNO sæpius adhibita, magis conveniens videtur. Quia enim arteriæ ab adjacentibus vasis liberata hamuli beneficio attollitur, statim adparebunt ramuli, qui forte hic anastomoses subeunt, quibus tum aut ligatura, aut alio convenienti modo prospici potest. Etiam experimento autor fidem facit, asserens, se hoc modo maxima extirpasse aneurysmata, vulnusque intra unicum mensem curasse. ANELLI autem methodus hic minime locum habet, in cujus administratione requiritur, ut sanguis ex Aneurysmate exprimatur, quod in tumore nostro minime fieri potest, dum tanta copia sanguinis, in grumos jam concreta, non facile poterit exprimi, & versus arteriæ sinem depelli, hinc minime quadrare videtur. Exponendum restat, quid igitur ante operationem, quid in operatione, & post operationem agendum veniat. Ante eam æger debito præparandus modo; id quod fieri solet per convenientem eccoproticum, aliquot ante operationem diebus propinatum, ut, intestinis a saburra humorum vitiosorum liberatis, non adeo facile operationi ullum

accedat incommodum, & multa avertantur mala. Venæsectionem, alioqui etiam præmittere solitam, hic non suaderem, dum, nullis adparentibus plethoræ signis, potius cachexia præsto est, cui sanguinis missio parum idonea, immo summe nociva foret. Potius adhibeat remedia cachexiæ opposita, quæ sanguinem, humoresque corruptos emendare valeant. Simul capiat, inprimis aliquot ante operationem diebus, cibos eupeptos, euchylos, minime acres, aut stimulant, potumque penitus non spirituosum, sed magis temperantem; ne per cibum aut potum, motu humorum intensiore reddito, metus sit, inflammationis, aut febris vehementioris, operationem infecuturæ. In ipsa operatione ægrotus in sella quadam inclinata positus adversa luce, a ministris ita firmandus est, ut neque operatorem turbare, neque sibi ipsi damnum inferre possit. Torcularis applicatio hic minus commoda videtur: forte enim ramus statim ac superficiem musculi attingit, aneurysmaticus est factus, id quod concluditur ex eo, quia ad latus tuberculi 2^a nulla percipitur pulsatio, & hinc torcular adpositum, vix ullum ederet effectum. Cutis igitur juxta longitudinem scalpello incidatur, cavendo, ne simul Aneurysmati inferatur læsio; cute aperta, plerique anxie arteriam a nervo forte adjacente, separare solent; utraque vero sine gravioribus symptomatibus ligari posse, fideles evincunt historiæ (a). Ex tribus nempe varii habitus, ætatisque viris, quibus cum brachii Aneurysma curaretur, nervi strictissime absque splenio ullo, cum arteria ligati sunt, nullus alia symptomata passus est, quam quæ operationi vulgo superveniunt, immo trium uni membrum læsum postea robustius accessit; fatendum tamen, quo tempore nervus constringebatur, doloris vim majorem homines perensisse, motum & sensum magis fuisse imminutos, at hæc brevi evanescebant, & ita ad sanitatem perducti sunt, ut neque celerius, neque melius, non ligato nervo, perducere potuissent viderentur. Hinc existimarem, si separatio nervi ab arteria plurimum facesset negotii, utrumque sine multa hæsitacione ligandum esse: arteria itaque a nervo, & vasibus adjacentibus, si commode fieri possit, separata, hamulo elevetur, tum acus quædam incurva, retusa, duplici filo cerato instructa, subter arteriam trajiciatur, qualem CL. PETITUS ex argento constructam

(a) Bononiens. Scient. Institut. comm. T. II. p. II, 1746.

delineat, qua simul arteria ab adjacentibus vasis liberari potest (a). Dein supra & infra tumorem, lina trajecta valide constringantur, minuto semper spleniolo, aut linteolo, nodo subiecto, ne arteria discindatur; ligata utrinque arteria, tumor medius excindatur, quo facto, vulnus spongia vino aut alcohol madente extergatur, tunc spleniola balsamo cuidam vulnerario imbuta, arteriæ ligatæ adponantur; super hæc injiciantur linamenta, & panni multiplices gradati, quæ tandem, si lubet, emplastro quodam possunt contegi, & fascia mantilis cum scapulari vocata, modo supra jam descripto, adplicari.

Post operationem feliciter institutam, æger instar vulnerati se gerere debet, studere quieti, cibis uti eupeptis, minime fœculentis, ut sunt juscula varii generis, olera, ac carnes animalium juniorum domesticorum: tamen præsentē inflammatione satius est a carnibus abstinere. Pro potu adhibeat pisanam vulgarem, interponendo interdum, haustum decocti cujusdam convenientis vulnerarii. Fascia, nisi aliud quid requirat, ante diem tertium non est resolvenda, quod ubi fit, linamenta vulnere inhærentia non vi erunt diducenda, nisi sponte sequantur, alioquin posset, arteria lacerata, hæmorrhagia succedere. Fila nunquam præcidenda, sed, donec sponte excidant, relinquenda. Denique convenienti ratione vulnus persanandum. Inflammatio, febris, aliaque mala forte supervenientia, remedia cuique horum aptis, oppugnanda.

T A N T U M.

(a) ZACH. PLATNER, Instit. Chirurg. Tab. III, fig. XI.

IN
ANEURYSMATA FEMORIS
OBSERVATIONES,

QUAS,

VENIA EXPER. FACULT. MEDICÆ,

PRÆSIDE

ADOLPHO MURRAY,

M. D. ANAT. ET CHIR. PROFESS. R. ET O. ACAD. REG. SCIENT. HOLM. SOC. SCIENT.

UPSAL. ACAD. BASIL. FLORENT. BOTAN. ET GEORGOPH. UT ET SIENENS.

ET BEROL. N. C. MEMBRO,

EXAMINI DEFERT

PETRUS AFZELIUS ARVIDSSON,

STIPENDIARIUS VICTORINIANUS, VESTRO-GOTHUS.

IN AUDIT. GUST. MAJ. D. XXX JUN. ANNI MDCCLXXXI.

AD EXEMPLAR UPSALIÆ IMPRESSUM.

Rrr



IN

ANEURYSMATA FEMORIS OBSERVATIONES.

PROÆMIUM.

TUMORES aneurysmatici suam a sanguine arterioso, vel extra vel intra vasorum parietes collecto, habent originem. Hi vero tam ob singulares & variantes, sub incremento formas, quam ob summum, quod adferunt, vitæ periculum, Chirugos a GALENO inde, ad diagnosis eorum curandique methodum accuratius pertrahendam, excitaverunt. Ut vero recentiori seculo, maximi nominis Viri chirurgicam scientiam, per corporis humani accuratorem investigationem, & per observationes ad lectum agrotantium sollicitè collectas atque inter se comparatas, ad inopinasum jam fastigium evexerunt; sic etiam, iisdem adminiculis adjuti, plurimas, cognitionem medelamque hujus morbi prementes, removerunt difficultates. Quod enim nunc Aneurysmata ab aliis morbis dignoscere & criteriis minus fallacibus collectis, ea in certas & naturæ rei convenientes species distinguere, atque imminenti malo resistere, vel oborto repagula ponere efficacissima novimus, horum solertia & indefessa naturam servuandi sagacitati est tribuendum. De hoc maxime studiorum genere Viri Celebratissimi inter Anglos, MONRO, HUNTER, WARNER & BROMFIELD, apud Gallos, GARENGEOT, J. L. PETIT & FOUBERT, inter Italos, MOLINELLI, BERTRANDI, MASOTTI, MATANI & GUATTANI, inter Germanos, HEISTER, DE HAEN & PLENCK & nostratibus, ill. ACREL, adeo præclare sunt promeriti, ut eorum nomina, sera, si qua fuerit, posteritas sit concelebratura. His nempe præmuneri subsidiis, multos urribili hoc morbo correptos, nostro tempore medici restituerunt sanitati, quos insanabiles dixisset sortique infausta commisset antiquitas.

Sed historia licet Aneurysmatum, quas nobis tradiderunt numerosissimas, quamcumque arteriam ad tumores ejusmodi formandos aptam esse, & plurima curam

qualemcumque admittere ostendans, id simul tamen ostendere videntur, *Aneurysmata* arteriæ femoralis, tanto stipari discrimine, quanto unquam *Aneurysmata* arteriæ humerariæ, quorum curatio, subsidiis instituta idoneis, felicem habere solet exitum. Hinc mihi observationes ejusmodi *Aneurysmatum* & præsertim pulcherrimam, quam in *Actis Reg. Acad. Scient. ill. ACREL* cum orbe erudito communicavis, attentius perpendenti, ardens obortum est desiderium, inquirendi, utrum vulgaris opinio, quod ea rarissime curam admittant, ipsa partium nitatur structura, an vero pari successu, atque in brachio, truncum læsum filo perstringere possimus.

Hic itaque pagellis, quas exercitii gratia meditationibus circa *Aneurysmata* femoris consecratas volui, descriptionem arteriæ integram Tibi L. C. offero, unde nullo patebit negotio ramos femoralis arteriæ frequentiores & majores formare anastomoses, quam arteriæ brachialis. Pramittam tamen meditationem quadam de *Aneurysmatum* natura in genere, Committentibus forte meis majorem materiam illustrationem subministratura. Descriptione vero postea data, adductis in medium observationibus, theoriam, structura corporis nixam, confirmare conabor, qua omnia benigniorem Tuam L. B. censuram sibi expetunt.

SECTIO PRIMA.

DE ANEURYSMATIBUS IN GENERE.

§. I.

*Diviso
in vera
& spuria.*

RECEPTUM est apud Chirurgos, ut *Aneurysmata* in vera atque spuria distinguant: priora per dilatationem ipsius vasculi, cætera per sanguinis extra illud effusionem formantur. Adeo vero hæ species inter se differunt, ut præter fluidum contentum nihil commune habeant. Sanguis enim arteriosus in vero *Aneurysmate* a dilatato quidem vase remoram quandam sentit, communi tamen flumine, quolibet arteriarum ictu in motum ducitur; in spurio autem sanguis in tela cellulari externa effusus, coagulatus & e communi circulo exclusus existit. Prima porro species, ab imminuta contra sanguinis impulsus, qualicumque membranarum totius vasis, vel cujusdam præcipue particulæ resistentia nata, leni & lentiori gradu prima ducit sua stamina, paulatim, cutis colore non mutato, augetur, tactui molliem prodit, herniæ instar, si tumor minor est, & unum tantum latus vasculi extendit, a digito reprimitur, sub quocunque cordis motu vicissim elevatur, admota aure sonus a sanguine irruente percipitur insignis, & æquali atque circumscripta gaudet superficie. Altera vero, a mechanica tunicarum divisione exorta, ambitum

diffusum; nec tam arctis circumscriptum limitibus & inæquale superficiem habet, multo citius incrementa capit, duritiem format, pressioni externæ plane resistentem, nullum edit sonum, levissimum, quasi reptandum, non vero cum arteriis synchronum, interdum plane nullum, prodit motum, sæpe, ut prior species, dolores excitat, & denique, si per cutem, jam obscure rubro vel plumbeo inquinatam colore prorumpit, terribilibus nonnunquam stipatur hæmorrhagiis.

In ejusmodi signorum discrepantia, quam adeo magnam deprehendimus, ut etiam secunda species aliam, quam quæ Aneurysmati proprie competit, significationem involvat, unumquemque, etiam tironem, verum de natura morbi facile ferre posse judicium putaremus, nisi casus existerent, ubi Aneurysmata spuria adeo similem veris induunt formam, ut exercitatiores etiam in errorem inducere queant.

§. II.

Aneurysmata spuria, ut optime cel. FOUBERT (a) & WILH. HUNTER (b) docuerunt, in *primitiva* s. *diffusa* & *consecutiva* s. *circumscripta* dividimus. Horum primum, eccheumati non dissimile, confestim producit post vulnerationem, si ex secta vel disrupta arteria sanguis pleno rivo sub cute ejicitur, alterum vero post aliquod tempus demum formatur. His alia species, quam *compositam* appellare licet, jungenda, quum ex *primitivo* & *consecutivo* composita sit. Prioris propriis gaudent characteribus, & valde diversa formantur ratione. Ex vulnerata scilicet arteria sanguis magna prorumpit vehementia, obice vero effluxum impediante, externe illi imposito, is in telam circumjacentem sub cute effunditur. Adaucta itaque ad singulum arteriæ pulsus sanguinis effusi copia, tumor non potest non rapidissima capere incrementa; sub quo etiam tempore aliquando ad arteriæ quemque idum elevatur, & coagulum, quod muscularum fibras, nervos, tunicas vasorum, ipsaque cutis strata denique penetrat, adeo membrum expandit, ut omnis ejus sensatio motusque tollatur, ac tumor, ob tensionem vehementissimam nitens,

Spuriorum species, diffusa t. primitiva, & circumscripta s. consecutiva.

(a) Mémoires de l'Académie de Chirurg. T. 2. p. 555.

(b) Medical Observat. and Inq. vol. 1, art. 26, p. 337.

marmoream adquirat duritiem. Colorem obscure rubrum cutis denique induit, sensim tamen nigricantem & gangrænosus maculis interspersum, quum sub tanta extensione gangræna vix evitari possit. Sed quando demum coagulum omnes circumjacentium partium cryptas opplevit, id ulteriorem effusionem impedire videtur. Tunc etiam a calore intrinseco & membri quiete lymphæ coagulabilis a cruore separatur, quo fit, ut tumor certum extensionis gradum nactus, non solum non amplius extendatur, verum etiam paululum iterum decrescat & molliorem, veluti pus intus foret collectum, in nonnullis locis prodat. Aperto tunc tumore in concremento sanguineo lymphæ coagulatae concrementa immixta observamus.

Sed *consecutivum Aneurysma*, alia ratione exordiens, aliis etiam criteriis dignoscitur. Nam a fasciis ad sistendam hæmorrhagiam, quam puncta arteria evomit, qualicumque modo applicatis, effluxus sæpe quidem sanguinis impediitur, si vero hæ, antequam ipsæ vasculi membranæ coaluerunt, remittunt, vel æger nimis cito articulum movere incipit, guttulæ sanguinis paullatim per aperturam minorem vasis elabuntur. Hæ tamen in cellulosa tela collectæ, & pressione atque caloris ope lympham suam demittentes, tumorem formant circumscriptum, quem propriæ membranæ extra obvestiunt. Sacco scilicet, quem dicunt *aneurysmaticum*, sanguis effusus obducitur, qui tamen organicum non prodit textum & nullatenus a dilatata, ut communiter credunt, arteria ipsa originem suam trahit; eam enim in quocunque Aneurysmate spurio naturalem suum retinere diametrum & vulnuscum ipsum sub tumoris formatione eandem, quam sub primo insultu acceperat, servare extensionem, tam aliorum, inter quos cel. TEICHMEYER (a), ALEXAND. & DON. MONRO (b), FOUBERT (c), DE HAEN (d), ACREL (e) & RICHTER nominasse sufficiat, quam mea ipsa, in vivis operationi subiectis, atque etiam alio post operationem extincto, experientia edocuit. Est vero tantum a lymphæ coagulabili atque tela cellulari, polypi instar conflatus, & plura strata sibi invicem adposita habet, quæ concretum sanguinem continent & recentiora additamenta recipiunt.

(a) HALLER Diss. Chir. Tom. 5, p. 302, n. k.

(b) Medical Essays and Obs. Edinburgh Tom. 2. 4. Essays and Observations Tom. 3:

(c) l. c.

(d) Rat. Med. Pars 4, cap. 2.

(e) Chirurgiska Händelser p. 457.

Hoc ut demonstremus, vasorum abscissorum coalitionis rationem, quam GALENUS jam exposuit & cel. PETIT (a) atque POUTEAU (b) pulcherrime dilucidarunt, perpendere fas est. Occluditur scilicet lumen arteriæ, sanguinem sensim, ob propriam suam contractionem minori copia fundentis, thrombo cylindrico & a concrescibili sanguinis parte formato, hicque, cum ipsis vasculi parietibus firmiter ad sex usque lineas cohærens, post aliquod tempus cum illis concrevit, tumque invincibile irruenti sanguini præbet obstaculum. Similiter etiam, si quædam arteriæ tantum superficies aperitur, & sanguinis effluxus apta deligatione cohibetur, coagulo, membranam inorganicam mentiente, vulnuscum occluditur, & sanguini nihilo-fecius liber cursus per reliquum vas conceditur. Quum vero membrana hæc sensim exsicceetur, ut cicatricis demum duritiem induat, mirum non est, quod, si cum adjacente cellulosa & cum ipsa apertura, quæ alioquin non consolidatur, concrevit, tranquillitate & per plures menses continuata compressione, ejusmodi arteriarum vulnera optime consolidentur. Nonnunquam vero istud coagulum in ipsa arteriæ apertura non hæret, sed extra illam, quando major sanguinis copia effusa est, in cellulositate, vas revinciente, congeritur, tumque operculum illud inorganicum latius extensum, firmius licet a circumjacentibus partibus & tela cellulari immixta fulcimentum accipiat, minus flumini resistere potest. A rivo scilicet extrorsum protrudente in membrana adstituta laxiore, quum ipsius vasis parietes minorem jam persentiant pressionem, cavum quoddam quasi exsculpiri, a coagulo nigro sanguine in dies amplificandum. Sed si urgenti flumini minus cedit tumor, rumpitur pseudomembrana, & sanguinis exuberans quantitas, quæ inprimis faccum distenderat, extra faccum effunditur; quo, fluidiore pedetentim cruore absorpto, novum stratum sacco additur, priori simillimum, licet mollius, crassius & quandoque sanguine florido disjunctum. Sic rupturis repetitis faccus semper augetur & a multis laminarum stratis componitur.

Aliiter autem res se habet, si per morbos ante Aneurysmatis spurii ortum, vasa adeo fuerint corrupta, ut pressionem ferre non possint; tum enim in antiquiore malo, iteratas effusiones efficiente, arteria

(a) Histoire de l'Acad. Royale des Sciences, 1735.

(b) Mélanges de Chirurgie, p. 299.

ipsa prope locum affectum in cylindrum, non vero in saccum extēdi videtur. Illustr. ACREL id in praxi sua observasse, literæ ad Dom. Præsidentem humanissime scriptæ & observatio ejus infra enarranda testantur. Sic etiam celeb. MORAND (a) semel arteriam prope lationem ad duplum expansam vidit.

*Consecutiva
mentium
vera.*

Aneurysmata hæc consecutiva signa sæpe efferunt, iis quæ vera comitantur adeo similia, ut periculissimi in arte viri (b), plura pro veris prædicarint, quæ reapse tamen spuria fuerunt. Quæ post incaute vel imperite in brachii arteriam defixum phlebotomum oboriuntur, præcipue huic errori obnoxia sunt. Plerumque enim fortiore deligatione externum vulnuscū, cuti & aponeurosi illatum, iterum coalescit. A minimo vero brachii motu, aliore in curandi methodo commissio errore, nova sanguini urgenti aperitur delabendi via, quæ tamen jam, ob primum coagulum aponeurosi strictissime cinctum, adeo arctis circumscribitur cancellis, ut tumor exorients lentissimos faciat progressus & ambitum adquirat circumscriptum. Præterea cavum in coagulo hoc, quod tam a fasciarum, quam prementis fluminis vi in dies tenacius redditur, & cum aponeurosi, ex qua tela cellularis efflorescit, est concretum, spissum non continet cruorem, sed sanguinem fluidum recipit remittitque. Tumor ergo cæteris mollior est, prementi digito magis cedit & motum efficit cum cordis contractionibus synchronum. Pedetemim tamen, si volumine sensim aucto, repetitis vicibus hæmorrhagiæ oboriuntur, Aneurysmatis saccus valde crassescit, omnesque iterum genuini characteres perdit, atque denique per cutem, ad chartæ tenuitatem usque extensam, prorumpens, sanguinis periculosas edit effusiones. Sæpe etiam, cum cito quævis Aneurysmata ossibus vicinis adcrecant, a sola compressione, vel quibusdam prægressis suffusionibus ossa subjacentia denudantur & carie corripuntur. Sic etiam suppurationes in vicinia tumoris & inter laminas sacci formatas detegimus frequenter.

*Consecutiva
mutantur in
primitiva.*

Ipsa itaque Aneurysmata spuria consecutiva, quæ diu characteres suos essentielles retinuerunt, ex improvviso, si saccus casu ea ratione rumpitur, ut sanguis late in telam cellularem diffundatur, in primitiva commutantur, ita ut, incisa cute, primum in magnam sanguinis

(a) Mém. de l'Acad. de Chir. Tom. 2. 224.

(b) Hujus indolis plurimæ cel. PLENCKII sunt observationes.

guinis coagulati copiam, & tum demum in saccum aneurysmaticum cum arteria cohærentem, sed ab uno latere disruptum offendamus.

Sed Aneurysma primitivum etiam cum consecutivo alia ratione copulatur. Si enim post abundantiorē effusionem, fluxus quidem uberior cohibetur, is tamen lente & guttatim prorumpere pergit, simili modo saccus membranaceus, in cujus fundo arteria non dilatata hiat, prope locum affectum formari incipit. In sene, Aneurysmate primitivo a venæ sectione inepte instituta exorto, ejusmodi specierum complicationem observare mihi contigit. Effusio primo jam die ad axillas & paulo infra cubiti flexionem sese extenderat, sed, quum, tribus septimanis præterlapsis, cel. Præses, demum accersitus operationem tentaret, præter ingentem sanguinis coagulati copiam, in vicinia arteriæ saccum polyposæ texturæ, & a multis membranis compositum, sanguinem tamen fluidiorem in medio continentem, reperit. Aneurysmatis *compositi* nomen hæcce complicatio prorsus meretur.

*Aneurysma
compositum.*

Novam & singularem Aneurysmatis spurii speciem (a), quam ill. WILH. HUNTER detexit, prioribus, etsi ad nostram materiem minus pertinet, adjungere liceat. Accidit nempe, ut vena & arteria lanceolæ ictu simul pertundantur, hæque inter se invicem postea coalescant, quo arterioso sanguini nova comparatur via, per quam tanto impetu ducitur, ut vena jam, cute consolidata, tumens, cum arteriis synchronice elevetur. Bis Aneurysma hoc spurium, per anastomosi singularem formatum, observavit Auctor, viditque arteriam supra novam vasorum conjunctionem dilatatam, infra illam autem contractam.

*Aneurysma
varicosum.*

§. III.

Ad generalem *Aneurysmatum verorum* contemplationem, quæ vasorum structuræ, hic præcipue commutationem subeuntis, cognitionem requirit, adcuratiorē nos jam accingamus. Sunt vero ratione formæ vel *universalia*, si totus vasis diameter cum omnibus suis membranis undique æqualiter intumuit; vel *partialia*, quando in alterutra vasis tantum superficie tumor elevari incipit. *Universalia*

*Aneurysma
v. un.*

(a) Medical Observ. and Inquir. vol. I p. 340. Vol. II p. 390. Vol. III p. 110. Vol. IV p. 382. ARNAUD Mém. de Chir. T. I p. 181.

quidem, si majora sunt, in latere minus resistente magis dilatantur, quando vero de *parialibus* sermo est, tumorem intelligimus ex una tantum arteriæ parte efflorescentem. Causa proxima (a) in ambabus hisce speciebus a debilitato singularem in modum contra sanguinem impellentem nixu membranarum est derivanda, hujusque phaenomeni ratio jam facillime detegitur, jam autem incognita manet. In variis, & præcipue in locis ramos dimittentibus, sæpius ab exuberante tantum humorum copia eorumve aucto cursu, a lapsu, percussione, valida membrorum distensione, a nixu fortiore, qualem sub partu, exoneratione alvi, vel ponderum graviorum elevatione edere homines solent, vel etiam a compressione & obstructione arteriæ cujusdam, quo major sanguinis moles ad adjacentes ruit arterias, ex improvilo tumores formantur aneurysmatici. Mirum non est igitur, quod in tali statu circa cor, ubi vehementissime a contractione ejusdem concutiuntur vasa, & in extremitatibus inferioribus, quæ præ aliis cito suum perdunt tonum, plurimi observentur. Sed in nonnullis singularis & incognita ad dilatationem subeundam dispositio vasis inhæret, ita ut universali quadam diathesi aneurysmatica ea corripi cum ill. DE HAEN (b) statuere possimus; & tum quæcumque, etsi levis corporis percussio inopinatum exercebit effectum, id quod etiam observatio celebris STOLLER (c) in puellam ab amica sua sub lusu in dorsum dejectam, eoque Aneurysmate arteriæ pharyngææ correptam, instituta, in apico ponere videtur.

Sed quandoque specialis humorum & præcipue venereæ labes, ut & mercurius, ad hunc debellandum morbum adhibitus (d) solidorum corporis & inprimis vasorum renitentiam infringit, quod cel. GUATTANI (e) exemplis memorabilibus demonstravit. Contextus vero ipse membranarum in hac, sicuti in scorbutica, cancrosa, arthritica & erysipelacea fluidorum solidorumque depravatione, mirum in modum commutatur, ita ut totius corporis vasa arteriosa, jam

(a) Lege illustr. VAN SWIETEN Comment. Tom. 1, p. 287 seq. MATANI de aneurysmaticis præcordiorum morbis. Liburni 1771. & JAC. VERBRUGGE Diss. de Aneurysmate. L. B. 1773, p. 17 (nobis p. 377), ubi causæ hujus morbi optime explicantur.

(b) Rat. Med. pars IV, p. 41, leg. etiam Mém. de Chirurg. ARNAUD L. c. & DON. MONRO Essays and Observ. vol. 3.

(c) Beobachtungen und Erfahrungen. Gotha 1777, p. 103.

(d) SCHRACHT Institut. Med. pract. p. 150. MATANI L. c. p. 101. seq. (nobis p. 321 seq.)

(e) p. 156 seq. LANCISI p. 48 seq. (nobis).

vieta tantum atque fragilia, jam vero simul cartilagineis & ossis squamis interspersa (a); ne quidem levi tractioni resistent. Ab evoluta tamen nova & excrecente cellulosa velamenta Aneurysmatis communiter simul valde crassescunt & turgida evadunt. Osses & cartilagineas latas laminas inter illa simul generari, plures observationes testantur (b).

Partialium Aneurysmatum verorum formationi, quamquam sæpe sine ulla læsione ab infracta quacunque vi membranarum & præcipue strati muscularis vasorum, suam derivet originem, communiter læsio quædam membranarum præcedit, quæ vel causæ prædisponenti favet, vel etiam ipsa distensionem vasculi promovet. Fieri nempe nonnunquam docet experientia, ut vulnere inflicto, suppuratione, corrosione quacunque, vel etiam fortiore motu, cellulosa externa & fibræ musculares, vel interiores vasorum membranæ, exterioribus intactis, lædantur, quo premens & in eum locum irruens flumen pedetentim tenuiores vasis parietes expandit, & vasculi quasi herniam format. Facile vero intelligitur, hæcce Aneurysmata & præcipue ea, quæ ab intimâ tantum tunica obducuntur, cito in spuria commutari; ea vero etiam, si mature apta adhibetur medela, facilius curam admittere. Intima membrana rupta, sanguis cito contextum totius vasis solvit & Aneurysma primitivum generat. Aneurysmata hæc vera, quæ a tunicarum quadam dilatatione, juncta cum quarundum dilaceratione dependent, quidam artis periti (c) *mixta* appellant: sed plurimi eo Aneurysma verum disrumpit & sanguinem in circumjacente cellulosa effundens intelligunt. Si nempe vis extendens resistentiam membranarum superat, vera in spuria, & plurimum primitivorum indolem recipientia, commutantur. Quandoque tamen, si tumor minus dehiscit, polyposæ laminæ hiatus, sanguinem collectum ejicienti, adcrescunt, & tumor generatur, cujus sacculus partim ab arteria dilatata, partim ab adscitio concremento est conflatus.

Sed tam universales, quam partiales arteriarum sacci antiquiores, si majores sunt, eoque partim omne contractionis robur amiserunt, partim per diuturniorem in hoc diverticulo sanguinis moram, concretionibus polyposis intus sunt obducti, vim omnem motricem per-

(a) HALLER Opusc. path. obs. 18. DE HAEN l. c. Tom. 4, cap. 2. p. 15 &c.

(b) PRINGLE. Essays and Observ. T. 3. Ibid. Casus 9, 10.

(c) HUNTER Med. Obs. and Inq. L. 1, p. 358.

dunt, & pulsus amplius non produnt, sed plurima spuriorum consecutivorum signa mutantur. Credit tamen cel. D. MONRO rupturam quandam membranarum, antequam pulsus perfecte supprimitur, tumorem pati.

Tantam etiam Aneurysmata abscessuum similitudinem, dissoluto sensim coagulato sanguine, nonnunquam induunt, ut testimonio cel. PLATNER (a), DE HAEN (b), MASOTTI (c), BENEVOLI (d) & STOLLER (e), exercitatissimus Chirurgus ad tumorem aperiendum facile seduci possit. In ejusmodi errorem tum præcipue incurrit, si vera inflammatio in vicinia Aneurysmatis exorta est, eaque in suppurationem abiit, sique prægressa omnem suppurationis occultæ suspicionem movent, indicia vero Aneurysmatis a prioribus obnubilantur; cujus exemplum cel. WARNER (f) dedit in Aneurysmate femoris per lapsum inducto.

Quantum demum varices majores & profundiores, si prope arteriæ quandam truncum formatæ existunt, hujusque contractiones adeo in illas agunt, ut vicissim eleventur, diagnosis morbi perturbare possint, casus a cl. MICHAELIS (g) descriptis affatim demonstrat.

In magna hac nunc descripta specierum & signorum complicatione, qua fieri potest, ut non solum in dignoscenda Aneurysmatis specie, sed etiam in natura mali dijudicanda, vehementer periculosis observator decipiatur, difficillime ex labyrintho evolvimur, nisi causam, locum, incrementum omnesque tumoris vicissitudines, quæ sæpe cito citius variant, exacte perpendamus, & phænomenorum seriem a prima læsione subque remediorum usu abortorum rite ponderemus. His tantum adminiculis adjuti, justum demum de morbo ferre judicium discimus.

§. IV.

Prognosis. Aneurysmata omnia, quibus ne ulla quidem arteria est exempta; insigni omnino non carent periculo. Inter hæc vero idipsum, cujus

(a) Institutiones Chir. §. 451.

(b) Rat. Med. P. v, cap. 6, p. 187.

(c) Sull' aneurysma del poplite. Firenze 1773, p. 16. 21.

(d) Observat. Med. n.º 11.

(e) l. c. p. 105.

(f) Philosophical Transactions vol. 60, P. 1, p. 44.

(g) RICHTERS chirurgische Bibliothek, B. 5, p. 124.

prima origo ab ipsa vasorum humorumve depravata indole dependet, vel quod, a multo licet benigniore causa exortum, interne nidulans, nec non truncum quandam inter maximos corripuens, efficaciorē medelam respuit, omni ferè spe perfectæ curationis destituitur. Humorum enim labe, si naturam ejus etiam noveris, correctā, vix tamen solidis & in specie vasorum membranis, deperditam tam cito eaque efficacia injungere valeamus firmitatem, quin tumor citius increſcat & expansæ tunicæ pertinacius retractioni resistat. Coagula etiam hic congesta, quæ ad curam perficiendam resolvi debent, potius in dies indurescere, quam resolutionem admittere solent. Præterea, ut in genere sine naturæ adjumento, vix quidquam ars nostra præstabit, ita etiam eam membri affecti conditionem postulat, ut, si levioribus tumor non cedit remediis, ipsa arteria sine membri detrimento destrui possit, adeoque alii rami profundiores, jam quantum sufficit dilatati, vires trunci ligati suppleant; quod tamen, si axillaris & femoralis arteria prope earum primum exitum morbo sint correptæ, vix ac ne vix quidem est expectandum. Si denique humorum optima conditio coalitioni non succurrit, sed a pure absorpto, vel ignoto quodam latice, crasis humorum est correpta, omnia nostra conamina, immo amputatio ipsa, quæ adeo sæpe in hoc morbo exitialis fuit, ad accelerandum tantum ægri interitum conferunt.

§. V.

Curam igitur hujus morbi ancipitis meditantēs, quamam methodo, an leviori, quæ compressione totius membri perficitur, vel efficaciori, operatione scilicet, illam inchoare debeamus, ex loco affecto & ipsa mali natura elucescit. Compressione Aneurysmatis continua multum præstari, totamque curationem, tam in spuriiis, quam veris partialibus, ejus protractiore usu nonnunquam absolvi novimus. Inprimis vero spuria consecutiva, licet jam insignia fuerint, perfecte & sine ulla recrudescentis mali comminatione fuisse dispulsa, experientia docuit. Incredibili sane & plane inopinato successu, ut alia exempla taceam, cel. GUATTANI, summam in hac ponens fiduciam, in Aneurysmata (spuria puto), quæ ob magnitudinem & vetustatem ligatura perstringere, vel amputatione membri tollere non audebat, compressionem adhibuit. Sed si tantam etiam efficaciam rarius exhiberet, eam tamen illi abrogare non possumus, quod, quum impulsu

Curatio.

1) Compres.
sio.

sanguinis vehementiorem infringat & vasis robur insigne suppetit, celeritatem, qua alias tumor increveret, retardet, & rupturam sacci adeo perniciosam aliquantum impedire valeat. Eo etiam hæc methodus sese commendare videtur, quod, cum, occluso vulnuscule, cursum torrentis per vas læsum aliquantum detineat, is ad minora vasa superius prodeuntia & magis dilatanda derivetur, atque adeo membrum ad perfectiorem curam recipiendam quasi præparet.

Cautela circa compressionem.

Cave vero credas, in omni casu compressionem his dictis præditam esse emolumentis, & sine ulla noxæ formidine adhiberi posse. Ut enim taceam, eam in majoribus veris vix curam perficere, vel adhiberi debere, si corruptela quædam generalis vasorum contextum alteravit; tumore in angustias reducto, in alium locum appulsa unda, similes jam pluresque formabit tumores. Si vero spuriorum indolem jam induit tumor, nunc citius disrumpendus, vi externa insuper addita, multo celerius dissiliet, sanguinemque late diffundet. Præterea, cum constrictio ista ab una tantum parte incrementum cohibeat, nec impediatur, quominus intumescencia ad latera & sursum atque deorsum augeatur, certo plures arteriæ furculi supra vel infra tumorem prius exeuntes, destruuntur, quo omnis spes operationis instituendæ cunctatione nostra sufflaminatur. Neque in spurio majore & vetustiore laudata medicatio tentari debet, nam cutis inde citius exulceratur, suppurationes clandestinæ sæpe circumcirca formantur, saccus inorganicus atque vas subjacenti ossi adcrefcunt, & valde est metuendum, ne os ipsum eo sensim corrodatur. Observavit præterea ill. ACREL sanguinem effusum brevi putredinem contrahere, unde vasa ita macerantur, ut postmodum ligaturam non ferant. Ultra mensem hac ex ratione, si vires, ætas & habitus corporis ægri sanior concesserint, hicce Operator consummatissimus operationem Aneurysmatis spurii non differendam dilatat.

Compressionis species.
1) fasciæ.
2) membrum comprimentes.

Duplici ratione solent hanc Chirurgi instituere compressionem. Vel enim totum membrum fasciis constringunt, vel machinamentis singularibus, in tumorem ipsum agentibus, eum reprimere tentant. Si fasciis utendum, splenia, (quorum exteriora majora esse debent, intimum autem minimum, & si ipsa arteria vulnerata est, corpore quodam duro, ut moneta, instructum), tumori ipsi imposita, fascia circulari ita sunt retinenda, ut locus affectus simul sufficientem susti-

neat preffionem. Cel. GUATTANI (a) vero deligationem fequenti ratione ordinandam proponit. Aneurysmate fplenis quibufdam craffioribus primum obteflo, duo longiora in formam crucis, cujus extrema ad oppofitum latus vergunt, prioribus imponi, hisque alium craffiorẽ & longum pulvillum ad ductum ipsius arteriæ fuperne adaptari jubet. Fascia autem, qua membrum a loco affecto ad alterum fuperius extremum crebris circumvolutionibus obvolvitur, ita adstringi cupit, ut in Aneurysma quidem maximam, in totam tamen arteriam fuam vim etiam exerceat. In poplitis e. gr. Aneurysmate ad inguen ufque fascia adfcendere oportet. Totum apparatus, ægro tranquille in leflo femper cubante, aceto (cujus loco alii acetum faturninum, vel alia decocta, ad refolvendum, fi fieri poteft, coagulum coæcervatum proficua, commendant,) humectat & post 18 vel 20 dies illum novo, fortius applicando, commutat: fi vero pars inferior non deligata tumere incipit, venæ fectionibus repetitis uti fuadet. Et fic trium menfium, immo 50 dierum fpatio, graviora Aneurysmata fanata fuiſſe perhibet laudatus Auðtor. Similem ampliorem & protractam compreffionem BERNHARDUS GENGA (b) commendavit: fi vero, fuafu hujus & cel. THEDEN (c) totum membrum, ab inferiore extremo incipiendo, constringimus, tumefactionem oedematofam, de qua GUATTANI loquitur, evitari poſſe perſuadeor.

b) Invol-
ventes mem-
brum.

Inſtrumenta plurima ad tumorem apte comprimendum inventa, illud præcipue ſibi vindicant, quod in locum affectum præſertim agentia, totum artum non torqueant, nec ſanguinis per minores ramos curſui, ut faſciæ, obſtent. Inter hæc ea, quæ clariffimi Viri, HEISTER (d), SENF (e), BOURDELOT (f), ARNAUD (g), FOUBERT (h), RAVATON (i), & LEBER (k) invenerunt, laudes practicoꝝ ſunt adſecuta. Vereor tamen, ne, cum quædam in

a) Inſtru-
menta.

(a) De externis Aneurysmatibus, Romæ 1772. p. 129. (nobis).

(b) Anatomia Chirurgica lib. 2, p. 213. Bologna 1739.

(c) Neue Bemerkungen und Erfahr. p. 1 & ſeq.

(d) Inſtit. Chir. Tab. v fig. 6. Tab. xi fig. 8 & 9.

(e) PLATNERI Inſtit. Tab. 11 fig. 10.

(f) DIONIS cours de Chir. p. 697.

(g) Mémoires de Chir. Tom. 1, Tab. IV, v.

(h) l. c.

(i) Pratique moderne T. 3, Pl. 18.

(k) PLENCK Sammlungen Tab. 1, fig. 1.



nimis circumscriptum agant locum eorumque vis comprimens minus limitari possit, in graviore casu ea ad eruptiones citatiores tumorem disponant, vel etiam, ob eorum majorem efficaciam, (quod tamen si rami collaterales quantum satis sunt dilatati, non nocebit,) ipsa trunci latera adeo comprimant, ut ipsum ejus cavum demum coalescat. Si vero torculari ill. ACREL, tam ob simplicem suam structuram, quam mitiorem actionem maxime commendabili, una cum fasciis minus adstrictis utimur, spes affulget, fore, ut tam membri totius noxia pressura, quam arteriæ coalitus & Aneurysmatis ruptura optime avertatur. Inter remedia externa, scopo resolvendi simul usurpanda, frustula glaciei & aqua glacialis, cujus repetita applicatione Aneurysmata minora spuria perfecte curata fuisse cel. TH. BARTHOLINUS (a) & DON. MONRO perhibent, principatum tenent. Ea ramen in genere erit observanda regula, quod, cum omnis salus a continua tantum & æquali compressione sit expectanda, rarissime apparatus solvamus, omnesque inutiles tumoris palpationes studio fugiamus. Damna, quæ inde excitari possunt, passim apud Auctores enumerantur. Repetitis quoque venæ sectionibus atque quiete, sanguinis ebullitiones & impetuosiores in locum affectum insultus impedire oportet, quum tota hac methodo id agamus, ut, quod ratione solidorum deficiebat, nunc fluidorum respectu aliquantisper compensetur, &, vulnuscule, si quoddam adest, consolidato, membranæ vasorum contrahantur, demumque contractæ, pristinam recuperent firmitatem.

a) *Operatio
chirurgica.*

*Arteria vel
ligatur*

Sed si ad ipsam operationem confugiendum, cardo rei in eo vertitur, quod cute incisa & omni coagulo, in vicinia tumoris inveniêdo, ablato, arteria prope læsionis locum, secundum artis præscripta supra & infra locum affectum, ita ligatura constringatur, ut sanguini appellenti & per concurrentia vasa refluenti obex ponatur. Eam vero in truncis instituendam constrictionem, quamquam nullum communiter minetur damnum, nonnulli recentiorum valde metuerunt. Nam, si rami supra locum affectum emissi, tantam cum inferioribus non servant communicationem, ut sufficiens per eas quantitas sanguinis ad inferiora non delabatur, inevitabili gangrænæ peri-

(a) Med. obs. de nūvis usu, cap. 27, pag. 154. Hafniæ 1661. MATANI l. c. pag. 174. nobis pag. 356.

periculo subjicitur membrum. Hoc ut impediatur, utque omnia alia incommoda, ligaturam concomitantia evitentur, arteriæ ipsi denu-
datae & a sacco suo præternaturali liberatæ compressionem, (cum *vel nuda*
causticorum usus expertissimorum chirurgorum consilio sit rejectus,) *comprimitur*
applicandam curarunt; firmiter sibi persuadentes, apta ejusmodi &
moderata compressione vulnuscum ipsum arteriæ claudi posse,
simulque lumen ipsius pervium conservari. Id ut impetrent, stipticum
quoddam, chartam masticatam vel agaricum vulnuscum imponunt,
& porro cavum ipsum spleniis graduatis vel lineamentis carptis ita
replent, ut, conum inversum referens, superficiem ad duos digitos
superet; tumque demum fasciam applicant. Summam vero curam
in eo ponere suadet cl. PLENCK, ut torcular, quo sanguinis fluxus
ab initio operationis cohibetur, jam non illico perfecte, sed sensim
relaxetur, usque dum pulsus infra affectum locum sentiri incipiat;
quo hac moderata compressione libera quidem sanguini per vas
pateat via, sed per vulnuscum effluxus ejus simul cohibeatur. Hac
encheiresi caute adhibita, 8 vel 4 septimanarum spatio totum vulnus,
superstite pervia arteria, consolidatum fuisse cl. PLENCK, MORAND,
alii narrant (a).

Prosperum quidem hujus methodi successum in dubium vocare
non audeo, an vero ea unquam lumen arteriæ apertum conservari
possit, adcuratorem eo magis disquisitionem postulare credo, cum
sine hac prærogativa, illa in communi casu ligaturæ præferri non
mereatur. Levi digitorum pressuræ magnarum etiam arteriarum
parietes facillime cedere, eaque effluxum sanguinis statim intercipi
observamus; quo phænomeno in eam ducor sententiam, ut cum ill.
RICHTER (b) existimem, compressione, quam raro ad votum
limitare possumus, quæque tamen semper fortior erit illa, quam
digitis nostris caute applicamus, vas ipsum perfecte claudi & eadem
ratione ac in ligatura adhibita hæmorrhagiam suppressi; levissimam
autem & sanguinis cursum non impediendent constrictionem ejus
imperuoso impulsui neutiquam resistere. Huic quidem opinioni
quispiam id objicere potest, quod pulsus infra locum morbo cor-

(a) Mém. de Chir. Tom. 2, Com. litt. Norimb. 1732, p. 107. Acta Physico-Med.
Acad. Cæsar. vol. VIII, observat. 126. Vol. X in appendice p. 354.

(b) Legantur animadversiones ejus pulcherrimæ de hac materia in Tom. 2 & 4 Biblio-
thecæ Chirurgicæ passim admixtæ.

reptum cito perceptus clare demonstrare videatur, ipsum truncum pervium esse, & sanguinem ad inferiora propellere. Cum vero sæpissime ramos sic dictos collaterales in statu sano solito majores anastomoses formare observemus, hique insuper sub curriculo morbi, ante susceptam operationem sensim dilatentur, atque etiam nonnunquam, post aliquot horas, dum ligatura truncus præcluditur, pulsus in imo cubito sentiat, nescio sane, quid impediat, quominus eandem hic etiam explicationem admittere debeamus. Conceptu præterea difficillimum est, quomodo in casibus a cl. PLENCK allatis, arteriæ vulnus tam cito atque firmiter consolidari potuerit, cum alias a nimis cita relaxatione in omni læsione horum vasorum Aneurysmata generentur. Frustra itaque, si firmam compressionem instituimus, conservationem arteriæ expectamus, in leviori autem, qualis ad scopum obtinendum requiritur, hæmorrhagiæ repetitæ, quæ chirurgi animum quam maxime sollicitant, atque etiam ægrum ad ultimam sæpe metam detrudunt, vix evitari possunt. Leviori, sub somno, motu brachii, quo compressio aliquantum fuit perturbata, binos ægros Montispeffulani, vigesimo post operationem die, hæmorrhagia exitiali correptos fuisse mihi met narravit cel. Præses. Præterea, in Aneurysmate vero genuino & mixto specialis hæc in arteriam compressio vix adhiberi potest. Meo igitur judicio, ne vitam ludibrio exponere videamur, eo in casu tantum hæc methodus adhibenda, quando, ut ill. ACREL & cel. GUATTANI experti sunt, arteriæ velamenta adeo macerata sunt, ut filorum contractionem ferre nequeant, vel arteria adeo profunde jacet, ut difficulter acus circumduci possit. Sed ea ratione tum simul est dirigenda, ut vasis parietes arcte compressi quantocyus concrecant.

Hic in descriptione operationis, ne nimis a proposito nostro abducamur, subsistendum (a). Id tantum monere oportet, quod in quocunque individuo de exitu conaminum nostrorum felici nec nimis cito nobis gratulari, nec etiam, præconceptis opinionibus nimis sæpe indulgentes, in vasorum primæ magnitudinis, ut carotidis & femoralis arteriæ, læsionibus, animum statim abjicere debeamus. Experientia quidem & contemplatione corporis humani adcuratior didicimus, brachialem, radialem, cubitalem; porro, popliteam, tibiales,

(a) Cel. Viri DIONIS, PLATNER, HEISTER, MACGILL, ALEX. MONRO; BERTRANDI &c. optime eam descripserunt.

peroneas, manus atque pedis arterias magnas per suas propages communiter inire anastomoses : eas tamen quandoque ad omnem, quo membrum opus habet, devehendum sanguinem non suffecisse, gangræna in frigidis extremis oboriens, totumque demum membrum depascens, tristi non minus quam luculento indicavit testimonio. Ita etiam, licet vulnerationes arteriæ femoralis, ob profundiorē ejus situm, magnitudinem & parum adhuc descriptas inter ejus propages communicationes, inter funestiores, immo funestissimas collocari soleant, eas tamen absolute lethales vocare, illaque præsidia, quæ in Aneurysmatibus curandis commendavimus, non tentare, tanto magis vituperio dignum esse reor, cum probatissimæ fidei Auctores, felicissimo cum eventu ejusdem constrictionis exempla in fastis suis adnotarint.

Ne igitur nasutuli, dente famam aliorum malevolo sæpe rodentes, fidem observationibus his ex inconsulto derogare in posterum audeant, propius jam ad institutum accedens, per ipsam anatomen demonstrare conabor, in femore tantam ramorum communicationem observari, ut tuto truncus variis in locis deligari possit.

SECTIONO SECUNDA.

PARTICULA PRIMA.

DESCRIPTIO ARTERIARUM FEMORIS.

QUUM in adcuratiore arteriarum Femoris descriptione exhibenda nostras jam periclitari vires debeamus, delineationem statim situs ejusdem atque cursus, licet notissimam, præmittere cogimur, quo loca exitus atque ortus singulorum ramorum liquide indicari possint. Inter ligamentum scilicet Fallopiæ ad os ileum & pubis expansum & psoam transeuntem atque iliacum internum, cavum quoddam invenitur, nervis cruralibus, vasorum lymphaticorum fasciculis, venæ femoralis atque arteriæ, ex abdomine elabenti, viam aperiens liberam, sed glandulis inguinalibus & tela cellulari, adipe abunde immixta, perfecte demum oppletum. Musculi vero, inter se prius arte concreti & introsum ad trochanterem femoris minorem procedentes, infimum & extimum cavi locum occupant, hisque, vel præcipue

carni tendinosæ, quæ psoæ debetur, arteria, vena atque nervi, eo ordine imponuntur, ut nervus cruralis extimum locum, arteria medium, vena vero, quæ arteriam aliquantum obtegit, quam vero postea supergreditur, intimum occupet. Transgresso jam pelvis margine anteriore, arteria, fascia lata & tenaciore cellulositate tantum testâ, ampullam Albinianam, insignem inter prædictos musculos atque pectineum foveam implentem, offendit, eamque oblique retrorsum & extrorsum, receptam a primo ortu directionem semper servatura, transcendit. Hic vero arteria, quam *Femoralem communem* appellare mos est, longitudinem duorum circiter pollicum emensa, in medio iliaco retrorsum bipartitur. *Posterior* ejus productio ex averso trunci latere emititur, & mox retrorsum & paulo extrorsum ita pellitur, ut in declivitate inter musculorum hic sitorum fines, femurque ipsum occultetur, atque ad posteriora femoris excurrere cogatur. Altera vero, *superficiali* multo vicinior, transgrediente tantum factorio in medio femore obtestâ, ad internum vastum inclinat, inter eum & inferius adductoris longi atque magni extremum, duas tertias femoris percurrit tumque demum communem horum musculorum tendinem pertundit & ad poplitem oblique extrorsum defertur. Primam arteriam sub *Femoralis profunda* nomine novimus, alteram *superficialem* appellare solemus.

Ante hanc subeundam divisionem *Femoralis communis* multos, etsi minores & vario modo ludentes, largitur furculos (a). Horum nonnulli cuti abdominis super spinam, inguinisque adipi & glandulis inguinalibus frequenter immerguntur; *alii*, ligamentum Fallopiantum passim transcendentem, in cute abdominis & inter musculos ejusdem oberrant; *alii*, sæpe duplex, transversim ad factorii originem, cristam ilei, iliacum internum & gluteum medium tendit; *alii* demum, in iliaco interno, psoa, pectineo atque tricipite sese perdunt. Hi omnes jam communes, sed pauciores formant trunculos, jam vero singulis seorsim exoriri solent.

Sed his, tam loco exitus, quam distributionis ratione, valde variantibus, multo memorabiliores sunt arteriæ, quas proprie *Pudendas externas* nominare solemus. Numero sæpe tres sunt, omnesque transversim supra pectineum atque adductores excurrunt. *Superior*

(a) *Epigastricam & Abdominalem*, ex *Iliaca* ortas, femorali adscribere non lubet.

earum super montem veneris genitalia attingit, & in abdominis vicini adipe circumludit, altera *inferior* major, in penis cute ad præputium usque descendit, inque scroti cellulositate, vel in muliebrium labiis & clitoridis præputio furculis descendentibus finitur. *Tertiam pudendam* quandoque etiam observamus, priori similem, sed inferiorem, ut etiam infra divisionem primariam demum propullulet. Hæc adductores transcendens, cutim adit, ad scrotum profundius adrepit, cumque *ramis obturatoriiis, circumflexa, pudenda superficiali hypogastricæ* & priori arteria communicationes plures inire solet.

Sed ad FEMORALIUM (a), & primum PROFUNDÆ speciliorem nos jam accingamus descriptionem. Hæc in cavo supra dicto ante & supra trochanterem minorem exorta, & adipe atque abundanti tela cellulari undique obvelata, mox supra iliacum internum ex transverso ad cruralem musculum adque vasti interni superiorem sedem dirigitur; tum vero inter adductoris brevis & longi extrema inferiora atque os femoris deorsum fleðitur, demumque in binas tresve magnas arterias, musculos perforantes, citius tardiusve fissa, inter musculos posteriores femoris longe lateque dispergitur. Si vero, ut sæpe fit, truncus communis altius prope ligamenti oram ipsam divisionem subit, obliquo ductu, nec transverso, profunda arteria reclinatur, tumque ramorum nonnulli, huic alias adscribendi, a femorali superficiali ortum trahere solent, sicuti etiam illa, nonnullos ex supra descriptis, a trunco communi, vel superficiali alias oriundos, ex sinu suo emittit. Non procul ab origine, ramis, sed minoribus, ad iliacum, vastum externum, cutem & adductores ejectis, & varia ratione circumrepentibus, atque etiam cum circumflexis coeuntibus, *Circumflexas, externam & internam* plerumque eodem loco ablegat; quarum *externa* extrorsum transversim & postea retrorsum ducitur, altera vero profunde introrsum atque pone femur extrorsum fleðitur.

Circumflexa scilicet *externa*, si vel ab arteria *profunda* vel *superficiali* oriatur, supra iliacum internum osque ipsum transversim, sub recto anteriore, sartorio, tensore fasciæ latæ atque glutei medii ora anteriore, ad vastum externum propellitur, tumque sub ejus tendinea origine, paulo infra trochanteris majoris radicem, ad exteriora circumducitur. Ea vero in plures statim quasi radiatim excurrentes,

(a) Qui synonyma arteriarum ab Auctoribus usitata scire amant, distissimum Illustr. HALLERI penum, in Iconibus ejus coacervatum, adeant.

adeoque adscendentes, transversos & descendentes dividitur surculos, quos eo ordine, quo excurrere solent, a superioribus incipiendo, enumerare convenit. Adcuratius re examinata, trunculus ipse, minutus surculus fartorio, vasto externo & recto datus, in duos dispescitur ramos, quorum superior *transversus* est & interdum a profunda seorsim provenit, inferior *descendit*. Ille vero vix exortus, valde dividitur & exhibet; 1) *Surculum* sub iliaco musculo ad internum femoris latus projectum & ad trochanteris minoris sedem ramulum *circumflexæ internæ* recipientem. A profunda seorsim etiam oriri eum observavimus. 2) Tum *aliu* iliaco præbet interno, in hujus musculi carne pelvis oram transcendentem. 3) Porro *aliu* profundum, quem *trochantericam anteriorem* appello, super iliacum internum transversim, & porro, inter rectum vastique externi anteriorem oram, recta in trochanteris majoris anteriore facie ad ejus supremum fastigium tendentem, gignit. Hic iliaco, vasto externo, adipi, ossi, capsulæ & gluteo minori, illum superius obtegenti, arterias exhibuit, & cum *trochanterica posteriore* in fossa ejusdem nominis anastomosis iniiit. 4) Jam iterum inter iliacum externum & gluteum minimum *ramum* proserpentem, & demum in externa pelvis facie oberrantem vidimus, egregia anastomosis cum ramo *profundissimo iliacæ posticæ* junctum. 5) Nunc *alii* plures tenses fasciæ latæ, gluteum medium & nonnunquam glutei maximi anteriorem portionem cutemque adeuntes, oculis se offerunt. Solent vero hi omnes ex prioris communi trunco quandoque pronasci, jamque numerosiores, jam pauciores subire divisiones. 6) *Duo* vel *tres* rami demum inter os & vastum externum, circa radicem trochanteris, transversim ad posteriora flectuntur, & cum *perforante prima* atque *trochanterica posterioris* ramo descendente communicant. Hi quoque vasto externo & crurali surculis prospiciunt, & nutritias minutas femori mittunt plures.

Alter ramus, *descendentis majoris* nomine insignitus, inter musculum cruralem & rectum ad oram vasti interiorum projectus, inter hosce binos musculos longe descendit, tum vero a vasto ipso obvelatur cumque illo ad parellam usque defertur. Est certe ob anastomoses suas notatu dignissimus ramus. Quam primum enim inter rectum & cruralem sese contulit, vel paulo serius, 1) *ramum* edit magnum, mox multifidum, recti anterioris averisæ superficiiei im-

merſum. Hic in muſculo iterum varie diviſus, ſurculo quodam ſaſ inſigni & longe deſcendente in interno femoris latere cum *ramo anastoſmotico magno femoralis ſuperficialis*, per vaſtum internum huc ejeſto & recti inferiorem finem adeunte, communicat. Sed hicce ramus a *ſuperficiali* ipſa ſæpe naſcitur, & interdum duplex eſt. 2) Porro edit *ramos tranſverſos* incerto numero, 3 ad 6, in ipſa carne vaſti externi ſub deſcenſu trunci paſſim oborientes, ſed tendineo tantum muſculi ſtrato teſtos. Hi ipſi, in muſculo occultati, ad poſteriora conſteſtuntur eorumque ſuperiores ſurculi cum *ramis tranſverſis externis perforantibus primæ*, inferiores autem cum *ramo exteriore perforantis ſecundæ* ſurculis tranſverſis communicant. Sed vaſtus externus ab hiſce ramis multas accipit arterias.

Verum ipſe truncus *deſcendens major*, qui circa femoris inferius extremum dimidiæ vel tertiæ partis lineæ diametrum communiter vix ſuperat, quandoque tamen pennam columbinam craſſitie æquat, memoratu digniſſimis circa genu irretitur arteriis. *Nutritia* ſcilicet major retrograda, ſupra *articulares* a *ſuperficialis perforante inferiore* nata, & perforata bicipite brevi, in vaſti externi carne tranſverſim reflexa, prima eſt arteriarum communicantium. Ea vero adeo interdum magna eſt, ut in ipſo nexu trunculorum diametrum lineam æquaſſe obſervaverim. Cum *articulari ſuperiore externa* quoque in vaſti externi carne, porro eodem loco, cum *articularis mediæ* (ſi adest,) ramo exteriore, tumque ad limen exterius tendinis recti anterioris prope patellam cum *reti vaſculoſo* circa patellam circumfuſo jam paucioribus, jam vero pluribus & inſignioribus neſſitur ſurculis. Denique *ramulus* quidam hujus arteriæ, inter cruralem & recti tendinem ad vaſtum internum delapſus, cum *articularis internæ ſuperioris* propaginibus alioque, ſæpe inſigni, a *ramo anastoſmotico* magno nato, inoſculatur.

Sed aliam arteriam prope priorem, quam *deſcendentem minorem* nominare placet, a *circumflexa* ſub recto ad vaſtum internum ſæpe ejeſtam fuiſſe vidi, quæ ſartorium & vaſtum internum pluribus adiit ramis & in hujus carne *nutritiam* edidit, in interno offis latere circumrepentem. Hæc ſub tricipitis tendine in poplite cum *perforante inferiore arteriæ femoralis ſuperficialis* coiiit. Trunci vero ipſius ultimos ramulos, plures inter ſe habentes conjunctiones, in carne vaſti ſubſtituiſſe obſervavi. Sed *deſcendens* hæc altera non ſemper

eundem tenet cursum. Alias enim cruralem musculum penetrat, & per vastum externum ad posteriora flexa, a *perforantis secunda ramis exterioribus transversis*, *art. profunda*, recipitur; alias communem cum ramo ad rectum trunculum conficit. Ill. HALLER in Fasc. V, pag. 14, nota 5, ad verba, — *alium grandem ramum vasto interno & crurali dat*, — diversam de eadem exhibet descriptionem, quod nempe, tam ad internum, quam externum femoris latus excurrat, & ab una parte cum *aricularibus* coëat, ab altero vero cum *femorali superficiali*. Sed eandem etiam a femorali superficiali provenisse, & inter vastum internum atque cruralem longe descendisse, quo cum ramo quodam a poplitea reflexo, coiret, observare mihi contigit. Hic sub suo decursu ramos transversales exhibuit, per cruralem ad vastum externum penetrantes, veluti in carne hujus cum *perforantis prima & secunda* ramis transversalibus & *popliteæ externis* furculis conjunctionem inire voluissent.

Circumflexa interna altera est arteria a Profunda nata, cujus vero cursus eo difficilius indagatur, cum ipsa profunde inier musculos circumgyret, nec minus surculi ejus inter musculorum adjacentium latebras confluunt. A latere interno & posteriore trunci prope priorem exiens, (nisi sit superficialis, ut interdum, soboles,) confestim ex transverso, supra trochanterem minorem, ad mediam pectineoram, spatium quod tendinem psoæ & hunc musculum intercedit penetrat, atque adeo inter collum femoris, prædictos musculos, obturatorem externum atque acetabulum ad posteriora prope ossis ischii tuber flexitur. Huc demum delata, dum ultimam suam subit divisionem, ex interstitio quadrati femoris & adductoris magni elabitur, & sub flexorum tendinibus atque quadrato femoris suas ejicit propagines. Sequentes vero hoc sub arteriæ decursu gignit arteriolas. Antequam a pectineo regitur, *rami* quidam ad iliacum internum, pectineum atque capsulam tendunt: tum *alii* ad adductorem brevem, longum, gracilem pectineumque, in hujus superficie passim cum arteriola *superficialis* coëuntes. *Pudenda inferioris* emissaria quendam horum surculum etiam edidisse vidimus, qui ad periosteum pubis scrotumque venit & cum ramo adscendente *obturatoriæ* anastomosin habuit. Pectineus porro, paulo profundius, atque triceps novas recipiunt arterias, ut & capsula articularia alias, retrorsum exeuntes, ex quibus una prope trochanterem cum *profunda* conjungitur. Dum
vero

vero truncus in valle inter caput femoris & trochanterem minorem occultatur, primariam ea ratione subit divisionem, ut *superiorem* eumque *anteriorem* ramum transversim ableget, inter tricipitem brevem & magnum ad synchondrosin usque pubis adscendentem, aliumque *inferiorem* atque *posteriorem*, qui truncus est reliquus circumflexæ circum femoris collum flexus. *Prior* ramum oram acetabuli interruptam intrantem, & ad Haverfii glandulas, cartilagineas & ligamentum teres dispersum edit; tum ramum multifidum ad obturatorem externum; ramos item ad capsulam tricipitemque brevem, & magnum late sparsos. Inosculatur etiam aliis suis ramis cum ramo exteriori & interiore arteriæ obturatoriae, demumque in gracili cuteque ultimi arteriæ finis evanescit. *Posterior* cavo articuli, obturatori externo, tricipiti magno furculos præbet, & eo momento, quo super trochanterem minorem nexum inter tricipitis magni oram superiorem & quadrati inferiorem sejungere debet, in duos iterum abit furculos. Horum *superior & exterior, Trochanterica posterioris* nomine insigniendus, obturatori externo incumbens, oblique extrorsum ad posteriora ossis sub quadrato musculo circumflectitur, demumque, ad fossam trochanteri majori interius atque posterius insculptam elevatur. Hac via exhibet ramos ad tricipitem magnum, alios ad obturatorem externum, *ramo exteriori arteriæ obturatoriae* inosculatos, alios ad quadratum, capsulam articulationis atque os, ut & ramum supra altissimam tricipitis portionem ad radicem trochanteris posterius descendentem & cum *perforante prima* coeuntem. Variis etiam locis cum adjacentibus aliis arteriis nexus alit notabiles. *Pudenda* scilicet *communis* quosdam ad musculos geminos & in tubere ischiatico descendentes recipit furculos, alios *ischiatricæ*, sub tendinibus flexorum cruris & ad nervum ischiaticum prolabentes, alios ex ramo *profundissimo iliacæ*, in fossa trochanterica propullulantes. Sed cum ramis denique in eadem fossa a *trochanterica circumflexæ externæ* natis & cum *transversis* ejusdem furculis ad radicem trochanteris majoris editis, conjungitur.

Inferior & interior hujus arteriæ posterioris ramus in copioso adipe, flexores cruris a femore quodammodo separante, prope tuber ischii ad eosdem ascendit, & multifidis suis ramis transversim ad tricipitem magnum, musculos flexores omnes & tuber ipsum excurrit, quo loco cum *ischiatricæ & pudenda* ramis minutis coit.

U u u

Sic editis *arteriis circumflexis*, truncus profundæ ad locum supra indicatum declinat & communi fini musc. pectinei, adductoris brevis atque vasti interni quasi adglutinator, ad adductoris longi oram superiorem vel paulisper supra illam excurrere solet. Retorsum vero ex sinu suo emittit arterias, quæ per musculos sigillatim evectæ, in posteriore femore disperguntur, truncusque ipse demum reliquus simili ratione ad posteriora deferitur. Arteriæ, quas dicunt *perforantes*, & in *primam*, *secundam*, *tertiam* & *quartam* distinguunt, ex his eæ sunt, quæ tricipitem magnum posterius vere perforant. Cæteræ minores, si quæ adsunt, his intercedentes, adductorum carne penetrata, in musculis femori adglutinati effluunt. Sed communiter binas tantum perforantes observamus, ex quibus infima continuatio est trunci & vel indivisa musculum permeat, vel etiam in duos tresve majores ramos, separatim musculum pertufuros, sejuncta existit.

Perforans prima spatium inter pectineum & adductorem brevem, vel ipsum musculum prope vastum internum pervadit tumque inter os femoris adductoremque magnum, quem posterius offendit, paulo infra trochanterem minorem oblique extrorsum circumducitur & ad pollicis a trochantere majore circiter distantiam, hunc quoque musculum trajicit, sub gluteo maximo ultimas suas propaggines emissura. Vasto interno, tricipiti brevi magnoque, quadrato & trochanteri sub primo suo decursu furculos porrigit. Postea dimittit *ramum transversum* inter os & tricipitem magnum adrepentem &, tendine glutei maximi trajecto, in vasti externi carne, novis sub divisionibus, cum *circumflexa externæ* ramis transversis coalescentem. Idem vero ramus ab interna parte glutei quosdam adscendentes, ad hunc musculum & nervum ischiaticum distribuendos, & arteriæ *ischiatricæ arteriis descendentibus* occurrentes, edit furculos. Porro arteriam *nutritiam* quandam gignit, quæ descendit & in superficie ossis cum *perforante secunda* copulatur. Alia, vel ex trunco, vel ex hocce ramo nata, musculi tricipitis fibras transgrediens, cum arteria *trochanterica posteriore* coadunatur. Dum in vastum externum delabitur arteria, perforantes emittit ad fasciam latam cutemque.

Tum *ramum descendentem*, peculiari loco, interiore quam truncus, adductorem magnum perforantem progignit, qui ad flexorum occultatam superficiem decurrit. Hic ex unico, sed mox multifido trunco cuique flexorum & tricipiti magno plures largitur ramos, & sæpe

adeo longe excurrit, ut demum in superficie horum & in profunditate carnis passim cum recurrentibus ramis *perforantis secundæ* &, deficientibus his, cum *perforante superiore arteriæ femoralis*, huc quoque delata, anastomoses ineat. Sic *perforans prima*, quando crassior, ramis suis descendentibus officia *perforantis secundæ* implet & anastomoses cum *perforante superficialis* trunci format notatu dignissimas. Plerumque tamen *perforantis primæ* rami non ultra primam tertiam partem flexorum excurrunt & in ea regione cum *secundæ* reflexis arteriis unice copulantur. A circumflexæ internæ ramo inferiore pronatos fuisse vidimus, jamque in solum tricipitem excurrisse, jam vero in semimembranosum, bicipitem, nervum atque etiam glutei maximi inferiorem carnem. Quandoque etiam nonnulli rami, tam ex *perforante prima*, quam *secundæ*, in tricipitis magni nervique superficie obambulant, & varias pulcherrimas formant cum *inferioribus* huc reflexis arteriis anastomoses.

Perforans secunda spatium perforat adductoris longi & brevis, vel etiam adductorem longum, tum vero inter femur & adductorem magnum extrorsum & deorsum oblique contorquetur, atque demum ex eo musculo prope lineam asperam in medio femore oblique exsurgit. Sed, sicuti supra notavimus, contingit nonnunquam, ut arteria sub hoc suo inter musculum vel demum bicipitem brevem atque femur reptatu, binis vel tribus aliis locis, sed interius quam truncus, notabilibus ramis tricipitem pertundat, *perforantium* nomine etiam insigniendis.

In describendis ab hac perforante subortis furculis, de iis primum agamus, qui, antequam trunculus extra tricipitem emittitur, propullulant. Et hi sunt, 1) *rami* ad vastum internum & adductorem longum; 2) *ramus* alius ad vastum internum tendens & *duas nutritias*, adscendentes & descendentes, cumque *nutritia magna* coeuntes, gignens; 3) *rami* in adductore magno pluribus locis rarescentes; 4) *ramus* ad trochanterem adscendens cumque *perforante prima* & *trochanterica* communicans; 5) *ramus exterior superior transversus*, paulo infra glutei magni tendinem ad vastum externum circumflexus; in quo musculo, datis prius vasto arterio externo & cuti arteriis, cum *ramis* transversis arteriæ descendens majoris *circumflexæ externæ* variis locis coit: 6) *ramus exterior inferior*, duobus digitis infra trochanterem natus. Hic, ob *nutritiam magnam* femoris superiorem, quam gignit, memoratu dignissimus, oblique ad bicipitis brevis ori-

U u u 2

ginem circum os excurrit, eoque trajecto, a vasto externo conditur, quo in ejus carne arteriæ *descendentis majoris inferiores* transversales furculos, ad patellam usque sæpe delabentes recipiat. Ipsa etiam non raro ad patellam excurrit & cum articularibus anastomoses varias init. Sed ramus, quem proprie *nutritiam* appellamus, in duas iterum abit arterias, quarum *exterior* in ipso osse sese abdit, altera *interna* in linea aspera longe descendit, quo cum *nutritia inferiore*, a *perforante inferiore* femoralis superficialis nata, prius jungatur. Observare vero hic convenit, ramum *exteriorem inferiorem* ipsamque *nutritiam* nonnunquam ex arteria *profunda*, propriis trunculis, adductorem brevem perforantibus, scaturire, tumque prædictum cursum seorsim expedire. 7) *Rami* exeunt, partim in capite brevi bicipitis consumti, partim vero, perforato hoc musculo, in vasto externo cum *ramo* majusculo *arteriæ femoralis* coeuntes.

Reliquum truncum jam extra tricipitem magnum sub flexoribus conspicimus, ubi mox bipartitur, quo tam flexoribus externis, quam internis propagines suas porrigere queat. Adit scilicet semimembranosum, semitendinosum atque bicipitem longum brevemque. Quisque ramus, carnem attingens, plus minusve multifidus fit, & nonnullis reflexis ramis cum *perforantis primæ descendentibus* coit, aliis vero cum ramo *perforante superiore superficialis* copulatur. Plures in nervo ischiatico adjacente excurrunt.

Si plures adsunt *Perforantes*, qua demum cunque ratione exoriantur, hæ priori similem pone flexores subeunt divisionem inque illis sursum & deorsum inter se communicant.

FEMORALIS SUPERFICIALIS, quæ detracta cute a fasciâ lata tantum obtegatur, & inter vastum atque tricipitem ad poplitem vergit, ante ejus per tendinem communem, in quo obliquus quasi canalis pro arteria recipienda exculptus est, immersionem, ramos numerosos minutos incerta ratione ad glandulas inguinales, sartorium perque hunc ad cutem, ad vastum internum, adductorem longum & brevem atque gracilem anteriorem dimittit. Sartorius figillatim & gracilis 4 vel 6 novos accipiunt furculos. Sed omnium maximi sunt ii, quos rectum anteriorem & cruralem adire supra diximus, qui vero, crebro a *profunda* enati, hic sæpissime desiderantur.

Jam vero arteria, indicato loco sese abditura, vel ad ipsum poplitem delapsa, notabiliores, constantiores & magnos edit ramos,

quos sequenti ordine frequenter suum absolvere curriculum observare contigit.

1.^{us} *Ramus anastomoticus magnus* est, qui, ex interna trunci facie, sub tricipitis tendine communi oboriens, iterum ad hunc tendinem sursum reflectitur, & eo pertuso, in interno femoris latere sub vasto interno serpentinis flexionibus & multiplicatis ramis oberrat. Exhibet scilicet, ante immersionem, *arteriam*, quæ sartorii carnem adit cutemque, atque *aliam*, quæ sartorii tendinis lateri exteriori adposita, commissuram genu transcendit, in crure sæpe longe descendit, vel, ad anteriora reflexa, in cute & fascia lata, crus circumcingente, partim evanescit, partim etiam cum *articularibus inferioribus* atque *recurrente tibialis anterioris* inosculatur. Ad tricipitem & flexores cruris ramos emisisse illust. HALLER narrat. Sæpe etiam ramus, qui sartorium comitatur, seorsim a poplitea oritur. Sed trunculi a vasto interno recepti propago, *arteriam* edit, musculum prope rectum iterum penetrantem, quo arteriæ a *circumflexa externa* natæ, & e recto prolabenti occurrat. Hanc sæpe duplicem & ad patellam usque in superficie musculorum descendantem vidi, fuitque valde arteriis *articularibus internis* irretita. *Multi* porro *rami* in vasto interno consumuntur. *Alius* demum infimus hujus trunculi ramus in comitatu tendinis tricipitis, quo tamen obtegitur, ad genu tendit, & sub cursu suo arteriam gignit, quæ sub ligamento laterali in periosteo condyli ad extensorum tendinem communem, & superato illo, ad condylum externum properat. Sic totum femoris extremum transgreditur, & cum *articulari externa superiore* atque *inferiore* conjuncta, arcum format pulcherrimum, numerosas arterias cavitati articulationis largiens.

2) *Ramus perforans superior femoralis superficialis* e latere exteriori trunci, jam a tendine tricipitis occultati, exit. Hocce nomen eam ob causam arteriæ injunxi, quum, ad poplitem deflexa, sæpissime tricipitem seorsim perforet & retrorsum ad flexores femoris feratur. Simili porro ratione ibi in ramos internos & externos multifidos dividitur, quorum ii, qui in carne vel superficie flexorum adscendunt, *perforantis secundæ profundæ* ramos descendentes; qui vero descendunt, *surculos perforantis inferioris femoralis* reflexos recipiunt. Qui bicipitem longum comitabatur, maximus fuit, & præcipue *perforanti profundæ* junctus.

3) *Ramus perforans inferior* priori proximus est & insignis ramus, ex trunco, aliquantisper magis ad posteriora declinato, oriens. Hic, ab adductoris magni inferiore carne testus, transversim, paulo supra trunci capitalis in poplite delapsus, in superficie posteriore femoris ad bicipitem brevem fertur; tum vero, perforato illo musculo, vastum externum eo loco, quo conjunctum cum bicipite brevi adfigitur femori, ingreditur. Sic demum ramos plures, licet minutos, *arteriæ descendentes majoris circumflexæ & articularis poplitæ* excipit, cum quibus varias init communicationes. Nonnunquam etiam alius, ex eodem trunculo inferius propullulans, & primum descendens, ad vastum ex transverso flectitur, demumque musculum cruralem attingit, cum *descendente altera* coiturus. Sed, dum cavum poplitis hinc *perforans* transgreditur, ramum ad musculum semimembranosum emittere solet, qui in superficie carnis cum priore *perforante*, demumque cum *articularis superioris* quodam furculo, huc emissio, inoscatur. Sique prior desideratur ramus, in ipsa femoris superficie furculus descendit, cum articulari coiturus. *Nutritiam magnam inferiorem* etiam gignit eo loco, quo trunculus a bicipite brevi, varios hic accipiente furculos, occultatur. Hæc alte in superficie ossis ascendit &, in plures partita ramos, cum *nutritia altera interna perforantis secundæ* irretitur.

Arteriam hanc alteram perforantem duplicem invenire semel mihi contigit. Ex trunco paulo inferius propullulabat, & vix emissa, nutritiam quandam offerebat, sub vasto interno in interiore ossis facie ascendentem & cum *descendente minore circumflexæ, articulari superiore interna & ramo anastomotico magno* cohærentem. Cæterum nullos ad flexores porrigebat ramos.

Confiteri tamen oportet, binos ultimos ramos in distribuendis suis furculis infinite ludere, ita ut descriptione ad quodcunque cadaver adaptata vix, ac ne vix quidem comprehendi possint. Ex repetitis tamen meis dissectionibus id pro certo habeo, duos vel tres, quos *perforantes* appellare vellem, exoriri, hos trunculis suis ad externum latus præcipue conspecti cumque rete vasculoso genu jungi, nutritiam inferiorem ex iisdem gigni, & ramos insuper, nunc pauciores, nunc numerosiores, communicantes ad flexores cum profunda elevari.

TRUNCUS FEMORALIS prædicto modo ad cavum poplitis per tricipitis tendinem delatus, oblique extrorsum descendit, demumque inter condylos femoris, commissura genu transgressa, inter bina gastrocnemei capita decurrit, quo postmodum sub solei extremo superiore in *Tibialem posticam* & *anticam* dividatur. Et usque ad hunc divisionis locum arteriam POPLITEAM appellamus. Provida vero natura hoc sub cursu arteriæ, ad præcavendas, quantum fieri potest, injurias externas, non solum eam tendinibus flexorum existantibus obvallavit, sed etiam undique copioso adipe atque demum fortiore aponeuroidi, totum articulum circumvelante, obduxit. Ipsa itaque arteria in cavo poplitis tam profunde latet, ut pulsus ibi tangere non valeamus.

Singularem POPLITEA in emittendis plerisque ramis suis observat rationem. Quinque scilicet producens, quas supra frequenter citavimus *articulares*, has non solum transversim a posteriore femoris latere ad anteriùs propellit, verum etiam in earum dispositione eum ordinem observat, ut tres supra commissuram articuli, duas vero infra eandem soleat producere. Excurrentium harum vero arteriarum directio, perfecte transversa non est, sed obliqua, & in multis ita disposita, ut *exteriores* versus truncum sub angulo acuto reflexæ adscendant, *interiores* autem descendendo poplitem transgrediantur. *Articulares* itaque *externo* genu lateri, vel *interno* additas, in *superiores* & *inferiores* distinguunt: quintam, quæ unica est, *azygam* s. *mediam* appellare mos est.

Articularis superior externa, ab externo latere trunci supra condylum enata, in periosteo femoris versus bicipitis brevis originem adscendit, qua sub via minores sursum & deorsum periosteo, capsulæ, bicipiti, immo non raro gastrocnemeis porrigit furculos. Tum vero sub bicipitis tendine communi se condit & vastum externum penetrat inque limite hujus posteriore ea ratione dividitur, ut unus ramus musculo profunde immergatur, alter, qui sæpe duplex est & superficiei vicinior, penetrato musculo, subcutaneus in patellæ superficie obambulet. *Profundus* vero, penetrato demum vasto, cui plures, ut & condylis atque ligamento laterali mittit ramos, in periosteo condyli externi multifidus circumludit, ibique cum *articulari externa inferiore* & *perforantibus femoralis superficialis* variis locis communicat; tum vero ad condylum internum transversim tendit, quo

articularibus internis occurrat. Alter *superficialis* ramus, dum vasti externi oram anteriorem penetrat, in superficie tendinis extensorum communis *descendentem majorem circumflexæ* recipit & nonnunquam furculum *rami anastomotici magni*, ad hunc locum per musciculum cruralem transversum projectum. Sed postea circa tendinem extensorum communem in superiore patellæ ora, valde licet minutus, circumvagatur & *reti vasculoso* se immiscet. Atque sic, eum non solum ad femoris internum latus propulsus, sed & in capsam atque articulationis cavum glandulasque minutis ramis demersum conspiciamus.

Articularis superior interna transverso, vel paulum declinato ductu supra condylum internum ad vastum ejusdem lateris incedit, atque demum, musculo obiecta, ad patellam circumflectitur. Dum vero per popliteum ducitur, periosteum, capsam, condylum, tendines flexorum vicinos, adipemque parvulis furculis adit. Perforato jam tricipitis tendine, *ramum superficialem*, quem etiam ex ramo anastomotico magno provenisse observavimus, inter eum & vastum internum demittit, qui cum ramo adscendente *articularis internæ inferioris* prope ligamentum laterale mox coit tumque descendendo ad patellam properat. In vicinia vero hujus & supra condylum, ut reti formando suam addat symbolam, multas iteratasque subit divisiones, eoque circa patellam & præcipue infra illam late dispergitur. In ligamento capsulari multi rami, strata ligamenti lateralis oblique trajicientes, evanescunt. Sed truncus ipse profundius transversum in periosteum serpit & a vasto interno textus, non solum intra capsam, sub quadricipitis tendine, ingreditur, verum etiam suis furculis reflexis in musculo cum *ramo anastomotico magno*, cum *perforante inferiore superficialis* & *descendentibus circumflexæ* coit. Ad tendines flexores ramos magnos longeque descendentes dedisse vidi. Duplicem hanc articularem dum observavi, binis arteriis pollicis distantia intercessit, priorque *profundi* ductum secuta est, altera vero *rami superficialis*. Nonnunquam etiam *tertia superior* adest, quæ vero minor ad capsulam, cartilaginem semilunarem internam & ligamentum cruciatum tantum tendit.

Articularis media s. *azyga*, qua originem suam; ut ill. HALLER optime observavit, multas exhibet varietates; modo enim solitaria paulo infra priorem ex posteriore externa facie trunci sese elevat, modo

modo ex *interna*, vel *externa superiore* prorepat, modo communi cum superioribus articularibus trunco ex poplitea provenit. Perpetua tamen est arteria, quæ in posterioribus genu ligamenti definit. Vix vero exorta, ramulis ad periosseum femoris & condylos emissis, ad ipsum capsulæ medium inflectitur, ibique in ramum *externum & internum* bipartitur. *Prior* horum inter condylos posteriores in capsula late pulcherrimis ramis oberrat, tumque ligamentum cruciatum & cartilagine semilunares adit, atque communicationes cum omnibus huc demersis profundis ramis inire solet. *Alter* interior adipi poplitis, ossi, ligamento cruciato & capsulæ, sed in interno femoris latere, suas porrigit propagines. Nonnunquam etiam in capsulæ cava superficie ad priora sese contulit.

Articularis inferior externa, cujus ortus infra commissuram genu ab imposito plantari & gastrocnemio musculo regitur, pedetentim ascendit. Quando autem summum fibulæ fastigium attingit, a ligamento laterali externo & aponeurosi genu absconsa, inter femur & fibulæ caput ad anteriora transversim in sulco cartilagini semilunari internæ insculpto ad patellam prorepat. Sub ejus per popliteum ingressu popliteo, soleo, gastrocnemio, cuti, capsulæ, periosseo adipique arteriolas exhibet, atque cum *recurrente ramo* arteriæ *tibialis antica*, ante ejus emersionem natæ, conjungitur. Attingens autem cartilaginem supra dictam, ramum *superficalem* emittit, in cute, aponeurosi tibiæ & superficie patellæ evanescentem, simulque multis arteriolarum *reti vasculoso* & præcipue *articulari internæ superiori* atque *tibialis anterioris* ramis reflexis immersum. *Aliis* minoribus arteriis cartilaginem semilunarem, capsulam & periosseum tibiæ adit. Prope patellam vero trunculus ipse, a tenaci tela cellulosa obvelatus, profundius articulationis caveam subit, ibique ad patellam & capsulam distribuitur, atque etiam alias propagines ad quadricipitis tendinem mittit. Communicat in hoc cavo pluribus locis cum *articularibus externis & internæ superiore* atque *azyga*.

Articularis inferior interna magis quam priores primo suo sub cursu sese abdit. Inter gastrocnemium enim & musc. popliteum ad condyli tibiæ oram internam descendendo excurrit, tum a flexorum internorum tendinibus regitur, demumque, sub ligamento genu laterali interno condita, ad patellæ inferiorem oram reflectitur. Prioribus numerosiores edit furculos, *Alii* scilicet posterius in popliteo,

X x x

ligamento cruciato posteriore, capsula & tendinibus flexorum consumuntur, *alii* in condylo tibiæ circumludunt, *alii* in aponeurosi expansantes, cum *tibiali antica* anastomoses ineunt, *alii* prope patellæ ligamentum sursum flexi, *articularibus*, *superiori* & *inferiori* variis locis inosculantur, *alii* tendini communi extensorum immerguntur, *alii* demum, in patellæ ora obambulantes, in cute ipsa extabescunt. Horum plurimi itaque superficiem genu occupant. *Profundior* autem ramus, quem veluti continuationem trunci consideramus, cartilaginem semilunarem sequitur, & in commissuræ cavo sub patella cum *externa inferiore* transverso ramo unitur, simulque innumeras arteriolas ad ligamenta alaria mucosa, capsulam atque glandulas dispescit.

Ex hac *Articularium* data descriptione facile colligitur, quibusnam arteriis formatio *reitis vasculosi*, genu obducentis, debeatur; omnibus scilicet *articularibus*, junctim cum *recurrente tibiali antica*, *circumflexa externa*, *perforantibus* atque *ramo anastomotico magno*. Priores enim repetitis divisionibus circa genu tam superius, quam inferius & anterieus frequenti anastomosi ita inter se irretiuntur, ut vasculoso plexu totum artum obducant.

Sed præter *articulares* Poplitea alias quoque arterias dimittit, quas, quo sermo noster totum truncum ad ejus usque novam divisionem absolvat, enumerare lubet. *Duas* scilicet ex anteriore facie trunci magnas arterias gastrocneimis porrigit, mox multifidas, inter bina capita descendentes. Ex his quædam ad Achillis tendinem usque per superficiem musculi discurrere solet: *aliæ* soleum musculum adeunt, *aliæ* iterum carnem plantaris longi. Harum nonnullæ etiam in capsula, periosteo atque adipe sese perdunt. Nec raro flexores cruris & præcipue semimembranosus, semitendinosus, biceps atque nervus novas accipiunt arterias, quas, si perforantium superficiales rami, ad flexores delabentes, deficiunt, earum vices supplere & sursum flecti observavimus. Verum has omnes arteriæ popliteæ propagines, tam qua locum, quo gignuntur, quam decursum & magnitudinem, minus constanti submitti legi quisque cadavera perlustraturus inveniet.

HÆC qualiscunque arteriæ delineatio, quam figuræ, quibus opel-
la exornare placuit, illustrant, propagines ejus plurimas inter se
inire anastomoses ostendit. Ex multitudine autem magna nonnullas

summatim recitare lubet, quo sciamus, quantum prædii in curando Aneurysmate ab iis expectare liceat. — Communicant scilicet

Circumflexæ externæ rami transversî ad minorem & majorem trochanterem cum circumflexa interna, prope cristam ilei cum ramo profundissimo iliacæ posterioris, sub vasto ext. cum perforante prima, atque sub tricipite cum ramo descendente trochantericâ posterioris. Eiusdem ramus descendens major in recto musculo coit cum ramo anastomotico magno superficialis, in vasto externo cum perforante prima & secunda, cumque nutritia perforantis inferioris superficialis, prope externum patellæ marginem cum articulari superiore externa & toto reti vasculoso patellæ, & ad internum ejusdem cum articulari superiore interna atque ramo anastomotico magno. Descendens ramus minor in interno femore cum perforante inferiore superficialis & in externo cum articularibus irrepitur.

Circumflexa interna præter priores, etiam cum trunco superficiali in pectinei superficie, sub eodem musculo cum obturatoria, pone & supra trochanterem cum ischiatica & perforante prima, supra tuber ischiæ cum pudenda communi & ischiatica, subque flexoribus cum perforantium binarum ramis alit conjunctiones.

Perforans prima, exhibitis supra enumeratis & cum circumflexis jungendis arteriis, sub tricipite in nudo osse cum perforante secunda & cum pluribus aliis perforantium furculis ad flexores projectis neditur.

Perforans secunda, quæ cum circumflexa interna tam ad magni adductoris supremum finem, quam etiam reu flexores & cum circumflexa externâ descendente ramo atque perforante prima coaluit, magnas in flexorum superficie & carne cum perforante tertiâ & quartâ, vel si defunt, cum perforante superiore superficialis, vel hac etiam aberrante, cum ultimis reflexis ramis arteria popliteæ habet anastomoses. Nutritia ejus magna proprias suppeditat connexiones: alias nempe cum descendente majore, alias in linea aspera cum nutritia inferiore, alias prope patellam cum articularibus atque denique alias in bicipite minore cum prioribus & popliteæ quodam ramo.

Ramus anastomoticus magnus superficialis, recepto in musculo recto & sub extensorum tendine a circumflexa externa ramo, cum articularibus superioribus & per ramum tendinem sartorii concomitantem, cum articulari inferiore & recurrente tibiali adunatur.

X x x 2

Perforans superior superficialis sursum pluribus in locis reflexis furculis *perforanti secundæ* & aliis descendentibus *perforanti inferiori* innectitur.

Perforans inferior superficialis, ramis in vasto interno cum *circumflexa externæ* ramo *descendente minore* & in linea aspera cum *nutritia superiore* communicantibus, emissis, anastomoticos ramos sursum ad *perforantem superiorem* & deorsum ad *articularem sup. internam* aliosque ad ramos *popliteæ* vagos ejicit. Meminisse etiam juvat, in vastum externum reflexos furculos *descendenti* & *articulari superiori* irrequiri.

Quod ad *Articulares* demum attinet, id tenendum, *inferiores* cum *recurrentibus tibialis anticæ* & *posticæ* arteriæ, & *superiores* cum *perforante inferiore superficialis*, cum *circumflexa externa* & ramo *anastomotico* multis locis concurrere.

SECTIONE SECUNDA.

PARTICULA SECUNDA.

ANIMADVERSIONES IN ANEURYSMATA FEMORIS.

§. I.

*Arteriarum
femoris una
supplet alteram.*

Ex dictis constare arbitror, Arteriæ Femoralis furculos frequentiores habere inosculationes & eas ubique dispersas, singularem vasorum complicationem producere. Inficias quidem ire non possumus, quum in dispositione ramorum majorum in artubus inferioribus magnæ sæpe occurrant aberrationes, nonnullas harum conjunctionum etiam sæpe desiderari: dissectionibus vero diligentioribus observavi, quod, si arteriæ quædam deficient, vel solito sint subtiliores, aliæ tum aliis locis multiplicentur & reliquæ tum multo majora & extantiora ineant connubia. Femur, quod inter præparata Academica conservatur, vidi, ubi anastomoses inter *circumflexam externam* & *articularem* atque inter *nutritiam* & *perforantem superficialis*, adeo magnæ apparent, ut pennam columbinam, & quod superat, crassitie æquent. Negari igitur non potest, hos omnes ramos non solum suppetias sibi invicem ferre posse, sed trunci etiam læsi eosdem facili negotio provinciam sustinere. Phænomenon, quod bis in

cadavere deprehendi, veritatem hujus sententiæ stabilire videtur. Quum enim, injectionibus imi ventris subtilioribus occupatus, arteriam femoralem, ne longiorem percurrendo viam refrigeraret cera, filo perstringere meditarer, & fortuito, trunco, altiore loco, quam moris est, diviso, arteriam superficiale tantum ligatura vincirem, felicissime peracto labore, non tantum profundæ arterias omnes, sed etiam totam superficiale, veluti nullam passa esset pressionem, eodem liquore distentam inveni. Quo manifesto patet, conjunctionem has inter arterias adeo validam esse, ut in vivo atque vegeto corpore sanguis libere ex uno in alterum truncum transferri possit. Femora hæc postea dissecta nullam præternaturalem vasorum dispositionem, quæ aliam phænomeni explicationem admitteret, obtulerunt. Nec unquam mihi arteriam femoralem superficiale duplicem videre licuit, qualem celeb. GOOCH (a) se iter observasse contendit, & quod sæpius existere illi eo magis probabile videtur, cum sine ejusmodi singulari arteriarum structura fieri non posse credat, ut, hac lino constricta, rami profundæ superfites ad vitalem laticem omnem circumvehendum sufficiant. Hujus celeberrimi Viri observationibus fidem detrudere ego quidem non ausim; si vero perpendo, eum (dum post resectum femur in carne vivi hominis varietatem hanc detexerit,) transmissum tantum arteriarum extremum examinare potuisse; iusta mihi oboritur suspicio, si amputatio supra femoralis arteriæ in adductorem immersionem fuerit instituta, arteriam perforantem secundam, aliquando solito longius decurrentem & præ more crassiorem, pro altera superficiali habitam fuisse.

Sed experimenta cel. GEORG. MARTIN (b), GOOCH (c) & REVANS in cane instituta, cujus arteriam in medio femore una cum vena & nervo nodo præcluserunt, qui tamen intra duodecim dies, ne minimo quidem membri remanente detrimento, perfecte fuit sanatus, suavissimam hanc mihi confirmat opinionem, Sapientissimi Numinis admiranda bonitate & sapientia ita per totam animalium œconomiam statutum esse, ut, si arteriarum trunci, ob situm eorum superficiei proximum, ictibus externis sunt expositi, hi ab aliis profundius reptantibus, & cum prioribus connexis, vicariam quasi ope-

(a) Philosoph. Transact. T. 65. p. 37.

(b) Commentaria in Eustachii Tabulas, p. 233.

(c) l. c.

ram sentiant. Crebra experimenta in extremitatibus superioribus atque cruribus petita, huic sententiæ suffragantur. Cur igitur femori eandem perfectionem, qua præ cæteris certe ob crassitiem suam eget, adscribere piaculum foret? Sed si etiam communicationes inter femoris binos truncos adeo subtiles statueremus, * in statu sano liberum sanguinis commeatum admittere non possent, eam tamen in arteriæ profundæ dispositione conditionem observamus, ut facillime ejus propagines distendi & ad majorem sanguinis copiam recipiendam aptiores reddi queant. Cum enim arteria profunda, quæ sæpe magnitudine superficialem superat, in multos & magnos statim dividatur ramos, hique, post breviorum incessum, iterum valde multifidi evadant, omnium certe horum luminum diametra trunco multo majora esse, atque adeo, singulos furculos ab hujus impulsione minorem pati expansionem & ad multo fortiorem, sine noxa, vim sustinendam apertissimos esse, adparet. Si vero porro consideramus, eos fere omnes undique molliori & facile cedente tela cellulari obduci, vero simillimum videtur, ad duplum auctam fluidi molem non tantum inter tot arterias facile discesci, sed etiam has, si opus est, tam cito atque leniter diduci posse, ut sine ulla fere mora per novas ejusmodi vias, ad ipsum truncum, infra ejus ligaturam, sanguis revehatur.

Ex his omnibus argumentis conficitur, nullum plane esse dubium, quin, si vel truncus in superiore tertia parte femoris, vel etiam paulo infra, prope ejus per adductorem introitum, ubi cuti vicinissimus est, sed jam prius multos emisit furculos, vel etiam in poplite quo demum cunque modo lædatur, illum, vel filo, vel compressione tuto obferare, ejusque coalitum promovere possimus. Quod ad priora attinet loca, plures quidem hujus operationis possibilitatem vel prorsus negant, vel etiam adeo dubiam credunt, ut resectionem membri, ne labes corpori sincero inuratur, præferant; sed cel. GUENAULT, HEISTER (a), MASOTTI & SUE (b) paucique alii, qui pulchram satis, sed minus accuratam de harum arteriarum communicationibus habuerunt notionem, satis tamen validis rationibus ostendere conati sunt, incolumitatem vitæ & membri tentamine mitioris medelæ non statim periclitari. De poplitis arteria autem summus rerum medica-

(a) HALLERI Disp. Chir. T. v, p. 133 & 135.

(b) Journal de Médecine Tom. 46. RAVATON pratique moderne, Tom. 3, p. 516.

rum Arbitrator, ill. ab HALLER, perlustratione vasorum articularium commotus, sententiam suam ita exprimit; " quare — — apparet, utique arteriam popliteam ferè eadem cum spe inter duos condylos ligari posse, aut excindi, si Aneurysma id requisiverit, & æque bonam spem post eam resectionem de tibia pedeque superesse ". Vix vero sperare licet, hypogastricæ arterias, nempe obturatoriam, ischiaticam, iliacam posteriorem & pudendam, quas omnes etiam cum profunda coire scimus, tantam dilatationem subire posse, ut, si femoralis arteria supra primam divisionem ligetur, ad nutriendum membrum sufficiant. Licet enim ex cel. GUATTANI (a) experimentis constet, aquam colore flavo tinctam & calefactam, si arte in arteriam iliacam internam pellitur, arterias femoris larga copia penetrare, hisque abscissis, ex minoribus ejus furculis abunde depluere; vereor tamen, ne liquor crassior, qualis sanguis est, multo difficilius easdem pervadat vias, vel laticis hujus vitalis portio, ægrius transmissa, insufficiens præbeat membro nutrimentum.

*Hypogastrica agra sup-
plere femo-
ralem potest.*

§. II.

Quod theoretica partium consideratio adeo probabile fecit; ut de exitu operationis felici, æque ac in brachio, vix dubitari possit, illud experiëntia quoque ipsa comprobat. Exempla, quæ coalitionem sine ulla membri jactura promotam fuisse aperte demonstrant, breviter adferam. Et recentissimum multisque nominibus memorabilem primo adducam casum, quem ill. ACREL (b) protulit, unde etiam intrepidæ Ejus & prudentissimæ sagacitatis videmus indicium. Scorbuto atque febre tertiana protracta quam maxime debilitato militi cuidam permolestè accidit, ut cultro incaute, septem pollicum a ligamento Fallopiiano distantia, vulnus femori suo interno infligens, arteriam ipsam simul aperiret, quo spumeus torrens initio tam vehementer profluit, ut animo fere linqueretur læsus: proprio vero Marte demum hac vice substituit. Caute tamen Medicus vocatus, ad præcludendum sanguinis erumpentis exitum, spleniolis & fasciis membrum constrinxit, eoque ad duodecimum usque diem novos

*Aneurysmata femo-
ris operatio-
ne sanata.*

(a) Epistolis ad Casum 16, l. c.

(b) Kongl. Vetenskaps Acad. Handl. a. 1777, p. 83.

hæmorrhagiæ insultus impedire potuit. Cum vero jam tertio aut quinto quoque die vulnusculum iterum sanguinem funderet, & vigesimo die tumor aneurysmaticus cum pulsu distinctissimo exurgeret, isque octo præterlapsis diebus, rupturam minaretur, operationi æger sese subiecit, quam ill. ACREL ob magnitudinem & suffusionem, non compressione, sed ligatura perfecit. Repurgato nempe, post incisionem primam, vulnere a concreto jamque valde foetente sanguine, & denudata, donec injiciendæ ligaturæ locus in conspectum veniret, arteria, quam farciminis instar ad 8 linearum diametrum & manus transversæ longitudinem dilatatam invenit, primam superiorem ligaturam applicavit. Cum vero inferiorem contraheret, ex inopinato arteria supra superiorem ligaturam disrupta, unde tanta vehementia vitalis latex prorupit, ut intra minuti spatium quatuor ad minimum libræ effluerint. His in horrendis angustiiis, cum nec nova ligatura, nec torcularis contractione hæmorrhagia sisti posset, in trunco ipso, dum ex inguine prolabitur, pollicibus firmiter admotis, compressionem instituere placuit, quo effluxus substituit. Atque tum, spongiæ frustulis ad arteriam disruptam directis, compressionem tentare coactus fuit. Eorumque effectus, toto cavo his ipsis repleto, jam exoptatissimus fuit. Sed vim comprimentem adaugere meditans, laminam ferream, formæ femoris adaptatam & globo in concavam faciem ferruminato instructam, femori ita applicavit, ut globus in arteriam disruptam vim suam exerceret. Atque sic, nec nova hæmorrhagia, nec ullum aliud incommodum, a ligata & compressa arteria metuendum, sub reliqua cura spem perfectæ curationis conceptam sufflaminavit. Nam ultimo spongiæ frustulo ex vulnere, optime suppurante, decimo octavo die exempto, ad perfectam consolidationem vulnus adeo festinavit, ut, septem præterlapsis septimanis, firma obductum fuerit cicatrice. Terrorem quidem sub ipsa cura dolor quidam pedis & inprimis halucis vehementissimus, & viginti dies durans, excitavit; præcipue cum post inflammationem, podagricæ similem, hic ipse gangræna & carie corripere-
retur. Cum vero totum membrum naturalem retineret calorem &, extirpatis phalangibus binis, malum non altius proserperet, veritati consentaneum videtur, nutrimenti quendam defectum, hancce corruptelam nullo modo excitasse, sed potius læsionem vehementiorem, in eodem digito ante plures annos securi factam, qua organica hujus
structura

strutura non parum fuit perturbata, hujus phœnomeni causam fuisse. Post duos menses sanus atque vegetus Nosocomium reliquit.

Alium casum, huic similem, cel. LESLIE (a) in commentariis Edinburgicis nobis reliquit. Juvenis quidam scalpellum femori infligens, acumine arteriam eo loco, quo adductores penetrat, vulneraverat. Cum vero sanguis simul sub cute diffunderetur, hæmorrhagia mox remittere visa est. Operationem igitur, cum Aneurysma, usque eo contemptum, terribili vehementia per cutem sanguinem diffunderet, quantocyus ligatura, truncum obserando, suscepit. Post dimidium vero horæ nova hæmorrhagia a ruptura arteriæ supra nodum exorta est, quæ tamen, dissectione altius instituta & novo filo applicato, conquievit. Coit demum vulnus & æger fractas cito omnino recuperavit vires.

In commentatione a Chirurgo Mancunienti, cl. BURCHALL (b) Societati Medicæ Londinensi exhibita, exstat exemplum Aneurysmatis ligati & sine ullo in crure relicto incommodo sanati, quod breviter enarrare liceat. Apice forcipis intra crura compressi, vir quidam fortis & robustus arteriam ipsam sauciaverat, quo, hæmorrhagia cohibita, & vulnere cutaneo coalito, tumor aneurysmaticus spurius enatus est. Hunc postea incidit, &, sanguine grumoso separato, supra ac infra vulnus detectum truncum filo ligavit: unde postmodum coalitio vulneris tam prospere successit, ut æger sine ullo incommodo officiis suis vacare potuerit.

Quam cel. Viri DE HAEN & PLENCK (c) exhibuerunt historiam Aneurysmatis spurii, a cl. LEBER ligaturæ ope sanati, carptim tantum, quum ratione formationis cum prioribus conveniat, proferam. Vigesimo septimo vulneris infligti die ad Nosocomium transferebatur æger genis collapso pallidus, viribus fere exhaustus & febre cum pulsu debili, tussi frequenti atque anxietate jam correptus. Vulnus ipsum externum sponte quidem consolidatum, sed totum membrum ad pedem usque œdematosum & frigidum invenerunt. Incisione peracta & sacco aneurysmatico, qui ad quinque libras cruore circumcinctus erat, absterfo, ligaturam in superiore arteriæ extremo applicavit operator, sed post aliquot horas, hæmorrhagia

(a) Medical Commentaries of the Edinb. Soc. versio Germ. T. 2, P. 2, p. 181.

(b) Medic. observ. and Inquir. vol. III, p. 106.

(c) Rat. Med. T. VII, p. 1. PLENCK'S Sammlungen und Beob. Tom. II, p. 37.

vehementi iterum oborta, in altero spongiæ adminiculo vinculum arteriæ imposuit, quum ex illo maximo nisu sanguinem effluere observaret. Sic ad octavum diem omnia in meliorem statum vergebant; sed, a sanguine tamen, inter musculos effuso jamque putrescente, humores adeo erant contaminati, atque ipsa adjacentium partium structura adeo corrupta, ut indicato die totum vulnus repente gangræna correptum conspiceretur. Ad novum hunc debellandum terribilem morbum, præstantissima remedia, & inter alia enormem & plene inauditam quantitatem pulveris peruviani, tam externe, quam interne, per plures menses adhibuerunt; quibus omnibus gangræna, quæ jam sopita apparuit, jam vero iterum ad graviores strages excitandas revertere visa est, tam feliciter discussa demum fuit, ut laudissimum ulcus pedetentim contractum perfectam acciperet coalitionem, & æger sanitati restitutus suis, ut antea, pedibus uti posset. Nemini certe in mentem venire potest, quod gangræna hæc a defectu nutrimenti suam sumserit originem. Nam hæmorrhagia altera, a neglecta inferiore ligatura oborta, & calor membri, jam secundo die restitutus, manifestum præbuerunt signum, circulationem per vasa lateralia expeditam fuisse atque liberrimam.

Descriptio casus JOHANNIS TRULLI, Chirurgi atque Lithotomi sui temporis celebris, a MARCO AURELIO SEVERINO (a) nobis exhibita, per instrumentum ignivomum in arteriam eandem productæ dilacerationis, sed ligaturæ ope tam prospere sanatæ, ut nil, nisi molestiarum toleratarum vivida recordatio remanserit, optime quoque demonstrat, quid in hoc duplici ex causâ gravissimo malo a benigna expectandum sit natura. Glans enim plumbea femur perfodiens, duas tertias arteriæ destruxerat, & ingens effusi sanguinis copia, sex libras pondere superans, Aneurysma formatum & circumjacentibus partibus undique separaverat, ut in medio coagulo quasi nataret. Sed filo supra atque infra tumorem adducto, nec ipsa læsio, nec vastissimæ, per sanguinem ad quadragesimum diem hic stagnantem, ast putredinis contractæ nulla indicia prodentem, dissolutiones ulla produxerunt coalitionis impedimenta.

Ob sua in artem Chirurgicam merita famosissimus GUATTANI adeo exiguum generatim, si de cura arteriæ femoralis & popliteæ agitur,

(a) De Medicina efficaci. Francofurti 1646, lib. 1, P. 2, p. 51.

ligaturæ, quæ ejus spem defraudaverat, habet fidem, ut operationem Aneurysmatis a cl. SAVIARD felici omine susceptam, in raptum quendam, nec in truncum ipsum femoralem institutam fuisse adierat. Validis etiam ostendit argumentis Aneurysmata in inguinis regione hujus usum non admittere. Cum enim ad detegendum truncum, adeo profunde hic positum, tam ampla infligenda foret plaga, ut cavum abdominis quoque aperiri deberet, &, nec ad cohibendum sanguinem ullus torculam applicandi inveniatur locus, nec a superioribus minutis vasis communicantibus quidquam sit exspectandum, consultius esse credit in tam ancipiti casu ad compressionem confugere.

Ex decima quarta apud hunc Auctorem morbi historia etiam elucescit, illum non frustra hanc fovere opinionem. Agasoni nempe, solitis ex militia veneris sæpissime reportatis vulneribus, in inguine prope ligamentum Fallopii Aneurysma verum pomi magnitudine excrevit, cujus ortum nixui fortiori adscripsit. Quum vero efficacior medelam in hoc periculossimo loco adhibere temerarium crederet, fasciarum usum continuum & quietem commendavit. Hoc consilio, licet regulis præscriptis non exacte vitam adtemperaret, ad tam parvam post tres annos tumor fuit redactus molem, ut spes perfectæ curationis subnasceretur. Sed jam methodi hujus lenioris periculus æger, rhedarii munus iterum in se suscepit, unde paucis septimanis tumor ad eum gradum increvit, ut, febre simul exorta, lectum occupare cogeretur. Chirurgus vero accersitus, operatione intrepide instituta, lino cruorem inhibere conatus est; verum tertio die miser gangræna correptus succubuit.

Sed memorabilis sequens ejus observatio contra priorem vehementer dimicare videtur. Tumor, in plica inguinis, præeuntibus pertinacissimis doloribus, obortus, mollis erat & indolens, pulsus nullum edebat, sed fluctuationem subcutaneam sat exquisitam prodebat, quibus signis, abscessum mentientibus, commotus, eum cultro aperiendum curavit. Sed a torrente, magna vi profiliante, eior commissus mox adparuit, quem, collectione sanguinis, totum spatium inter pubem atque ilia replente, emissâ, forissimâ in arteriam compressione, quantum potuit, corrigere studuit. Hæc illum quoque effectum præstitit, ut die decima tertia, apparatu ablato, nullum amplius sanguinem funderet vulnus, sed optimam admitteret

consolidationem. Vero simile videtur, arteriam femoralem supra inguen jam divisam fuisse; nam alioquin, toto trunco compresso, vix ausa tam fortunate cessissent.

§. III.

*Vulnera ar-
teria femo-
ralis sanata.*

Supra allatis observationibus coalitionem arteriæ femoralis Aneurysmate obsessæ, vel ligatura, vel compressione fortiori promovere didicimus. Sed neque desunt exempla vulnerum arteriæ ejusdem recentium & nullo Aneurysmate conjunctorum, sola compressione & apta cæterum deligatione consolidatorum. Bina eorum tantum illustrationis causa adteram.

Primum a cel. HEISTER (a) sumam. Sutor quidam Helmstädiensis cultrum, per infortunium, ad sex circiter digitos transversos supra genu inflixerat, ut ex vulnere arteriæ mox vehementissime profliret sanguis. Variis ad profluvium cohibendum adminiculis in cassum adhibitis, machina tortili primum ejus impetum cel. HEISTER suspendit, tum lineamenti carptis, alcohole imbutis, vulnus replevit, his lycoperdon superimposuit, super hoc splenia crassa gradatim majora vulnere, atque alium longiorem tractui femoralis arteriæ imposuit, demumque fascia firmiter femur a vulnere ad plicam inguinis usque circumduxit. In quinta vero deligatione, quo vulnuscum tanto melius comprimeretur & Aneurysma consecutivum averti posset, primo splenio, vulnere proximo, laminam ovatam metallicam immittendam curavit, eaque ad perfectam conglutinationem usque, duorum mensium tempore feliciter succedentem, usus est. Torcular etiam, (quod adeo adstringi in similibus casibus curat, ut non quidem vehementem in loco dolorem, sed constrictionem & dolorificam sensationem modicam æger percipiat,) primis quatuor septimanis femur compressit, &, absoluta demum cura, lorium coriaceum lamina ferrea corio obducta eo loco, ubi vulnus fuit, instructum, & ope fibularum cingendum atque constringendum, diu postea femori firmiter applicavit. Hac instituta methodo, nisi omnia me fallunt, tota arteria coaluit.

Alterum ex Diario Medico, gallice scripto (b), depromptum cl. Jussy communicat. Arteria cultello etiam fauciata magno impetu

(a) HALLER Dissert. Chir. Tom. v, p. 131.

(b) Journal de Médecine, Tom. XLII.

fanguinem ejecerat, sed binis pollicibus primum, atque dein torcula effluvio suspenso, spleniis crassius, ad latera vulnusculi applicatis, & fascia arteriam tam firmiter compressit, ut quatuor septimanarum cursu totum malum coaluerit. Sub cura autem, torcula Petitiona usus, sanguinis per arteriam cursum non quidem suppressere sed moderare tentavit. An in hoc casu arteria lumen suum apertum conservaverit, non dicam.

§. IV.

Jam etiam quædam documenta arteriæ popliteæ feliciter alligatæ, *Poplitis fan-*
vel alio modo destructæ, ex optimis scriptoribus GUATTANI & *nata Aneur-*
MASOTTI adferam. Rarissime Aneurysmata spuria in poplitis cavitate *ysmata,*
observantur; vera autem atque mixta communiter, eaque sæpe ad ingentem protuberant molem. Celeb. MATANI Aneurysma poplitis describit, cujus cavum sedecim libras sanguinis congrumati continebat.

Librum cel. GUATTANI pervolventes, diuissimum observationum, Aneurysmatum horum naturam explicantium, penu deprehendimus, & summa adficimur voluptate, quod miuissima ejus methodus, quinque morborum historiis comprobata, quæ cultri usum non exposcit, sed tantum loci affecti circumvolutione & æquali, ut supra diximus, coarctatione peragitur, tam prospero gavisa fuerit successu. Chirurgus autem hoc dexterrimo dignum fuit, ut ipse experiretur, annon etiam altera via speratam liceret attingere metam. In Aneurysma igitur, quod spurii signa plura monstrabat, & ovi anserini erat magnitudine, præmissa fasciarum ope, æquali compressione, venæsectione repetita & diætâ tenui, quibus omnibus tumor jam imminui visus est, operationem cruentam instituit & ligatura arteriam perstrinxit. Et licet incisionem ad 10 pollices extendere cogeretur, quod suppuratio vehemens non potuit evitari, reliqua tamen cura cito atque jucunde fuit absoluta.

De Chirurgus (a) etiam narrat, qui Aneurysma poplitis, pro abscessu habitum, cultro incaute incidit, errore vero vix perpeſſo, confestim ipsam arteriam compressione valida obseravit, & postea aptam curæ perficiendæ deligationem in usum adhibuit. Sorte autem exoptata accidit, ut hujus viri, post quindecim annos febre quadam

(a) Similem casum legimus in *Journal de Médecine* Tom. XLIX a cl. NOLLESON.

extincti, cadaver examinare licuerit, quo jucundo spectaculo ipsam arteriam in poplitis regione perfecte clausam & ligamento similem, supra vero & infra cylindrico suo lumine adhuc præditam observavit.

MASOTTI (a) utramque quidem methodum suas mereri laudes adferit, sed tamen, cum oedema, quod communissimum est hujus morbi symptoma, compressione Guattianiana cito suppurationes gignat fatales, ligaturam præferre videtur. Quo igitur dolores sævissimos, quibus hoc morbo laborantes excruciaci solent, imminueret, & tumoris cum subjacente osse ac vena adunationem, atque ejusdem dilatationem ulteriorem, qua plures rami anastomotici destrui possunt, præcaveret, vasculi alligationem in casibus obviis exercuit. Spe vero defraudatum non fuisse, inter alias, observatio p. 531 exhibita, demonstrat; quæ vero hic alii rarissimæ, opinioni circa vasculorum communicationes quam maxime faventi, locum cedit. Rusticus (b) quidam, dum impiger laboribus suis vacaret, se dolore repentino in poplite sinistro corripit sensit, quem tumor infecutus est aneurysmaticus. Medelam vero adversus hoc malum in dies ingravesceus exoptanti, reserctionem membri commendabant Chirurgi; sed cum illam vehementer averfaretur, & sorti potius se committere veller, pedetentim inflammatione prægressa, in vicinia Aneurysmatis pus ea abundantia colligebatur, ut per cutem exesam erumperet. Erat autem pus sanguinolentum & adeo acre, ut, protractiore ejus excretionem, omnis non solum, quæ poplitem implet, cellulositatis solveretur, sed tota arteria, sine ulla oborta hæmorrhagia, & nervus quoque demum destrueretur. Sed imminuta postea sensim suppuratione, ulcus consolidationem, conservato crure, licet paralytico, admisit. Mirum sane, quod totus sacculus sine hæmorrhagiæ insultibus & sine ullis ad avertendos illos subsidiiis a pure fuerit resolutus. Certe coagulatus sanguis adeo prius compresserat arteriam, ut hac perfecte concreta, sanguis per vasa collateralia ad inferiora propelleretur.

§. V.

*Ergo
non temere
rescindendum
membrum,*

Et sic vivis, ut dici solet, exemplis, quorum numerum alii, uberiores auctorum scripta pervolvendi occasionem nacti, pluribus

(a) MASOTTI sull' aneurysma del poplite. Firenze 1772. Cavalini Istorica collezione di Casi Chirurgici Tom. 2, p. 120.

(b) Ibid. p. 24.

adaugeant, demonstrare conatus sum, morbos hujus arteriæ non, ut multi perhibent, semper fatali periculo stipari. Imperitioris Chirurgiæ viam multi sedulo calcantes, resecandum esse femur, si arteria læsa fuerit, ne succo alibili pars defraudata pereat, anxie clamitant. Sed peritiorum magistra, experientia didicimus adeo crudelis operis apparatus rejici, vel tarde adhiberi debere, atque etiam ipsam operationem, quo vasculorum dilatatio adjuvetur, non diu esse suspendendam, sed tuto statim institui posse.

Quum vero ea, quæ in sectione prima protuli, normam curæ instituendæ suppedirent generalem, & descripti casus rem adhuc plenius dilucidet, perfunctorie tantum quæstionem, quo in casu circumvolutio membri, ad methodum cel. GUATTANI, ligaturæ præferri debeat, resolvam. Illi, qui a tergo vasa a premente sanguine ampliari debere credunt, tutius agi sibi persuadent, si per aptam membri totius compressionem cura incipiat, & tum demum, si malum id exigerit, vel ligatura, vel compressione arteriam ipsam obserandam suadent. Sed si attentius rem consideramus, facile patebit, in nonnullis casibus, etsi in morbis arteriam femoralem adgredientibus constrictione tuto statim suscipi possit, ligaturam pressionem, in aliis pressionem ligaturæ anteponendam, atque demum in aliis utramque methodum esse rejiciendam. Sic etiam, jam pressio totius membri æqualis & lenior, jam vero fortior & in aneurysmaticum tumorem præcipue directa magis conducit. In recentissima arteriæ vulneratione, nullo adhuc formato Aneurysmate, deligatio apta ab initio eo lubentius tentanda, cum millena testentur exempla, arterias lanceola apertas hoc modo facillime fuisse consolidatas. Instrumenta tamen, quæ ad ligandam arteriam necessaria sunt, parata servare convenit, quo in casu necessitatis sine ambagibus adhiberi queant. Nec minus, felicissima experientia adnuente, in Aneurysmate partiali vero, & præcipue spurio, quam diu proprietates veri non perdidit, constrictione fasciarum fortiore & aptis machinamentis repulsio tumoris tentari poterit. Moderatiorem vero & sensim tantum auctam totius membri deligationem Aneurysmata femoris & poplitis vera universalia, atque spuria majora jubent. Cum enim communiter hoc in loco, ut supra ostendimus, a causa interna, in ipsa vasorum textura latitante, exoriantur, & non raro subjacentia ossa valde sint erosa atque ichore corrupta, sæpe ne minimam compressionem ferre possunt, quin dolor simul increascit,

*Quæ
utendum
operationis
methodo,*

tumor volumine augeatur, diffiliat, vel etiam, dum ab una sede depellitur, in aliam exsurgat. Sed tum etiam omnis cruenta operatio præcipitem mortis adventum maturabit. Rarius in Aneurysmate vero art. femoralis, sine ulla illata vi oborto, coalitionem promovere conati sunt. In poplitis Aneurysmate promiscue pari cum successu utraque methodus usurpata fuit, & si quandoque male successit, vitium humorum, morbo protractiore & carie ossa depascente effectum, vel antiquius malum in venis circumrepens, acerbò huic fato originem præbuit. Cel. POTT (a) truncum tantum insigni a tumore distantia vietum atque naturali sua cohæfione destitutum observavit, unde opem a ligatura non petendam credit. Sed omnibus collectis argumentis, si comparisonem inter has methodos instituo, plus sane in quacunque Aneurysmatis specie ligaturæ, quam compressioni tribuam. Facile enim hoc in loco denudatur arteria, rarius in recentiore malo corrupta; cui, quum in specie spuria simul non sit dilatata, ligaturam, pressione postea juvandam, prope læsionem injicere possumus; quo omnia, vel plurima vasa communicantia probe conservantur, minima tantum pars arteriæ hujus destruitur, eaque citius atque firmitus coalescit. Sub compressione autem membri, cujus principalis finis is forte erit, ut lumen trunci apertum servetur, non solum accidere potest, si totus saccus, totusve poples, concremento sanguineo sit repletus, ut, etsi moderate applicetur, cavum coalescat; sed etiam, ut vasa collateralia ad nutriendum membrum adeo necessaria, eandem patiantur sortem, adeoque omnis salutis spes profligetur. Sed si Aneurysma verum, in quo cel. RICHTER (b) compressionem membri improbat, eam molem adquisivit, ut maxime probabile sit, vasa articularia tumore esse comprehensa, si etiam indicium non æquivocis suppurationis & cariei præsentia proditor, ligaturam adhibere temerarium foret. In omni autem Aneurysmate sua origine spurio & recenti, arteriam ipsam sine ulla superflua cunctatione, cute prius incisa, adgredi debemus, ita tamen, ut, ubi putredinis adest metus, compressionem fortiozem, sin minus, filis binis supra & infra tumorem applicandis, arteriæ clausuram promoveamus.

S.

(a) RICHTER l. c. Tom. V. p. 125.

(b) l. c. Tom. IV, p. 208.

§. VI.

Etsi omnium operationum nulla prudentiori indigeat cunctatione, quam quæ membri alicujus resectionem molitur; casus tamen existunt, ubi hæc non omitti debet (a). Nam, vasis collateralibus destructis, inflammatione, suppuratione &, quod pejus, carie excitata, tota membri mole vastissimis effusionibus sanguineis imbuta, & dolorifico sensu, ne minimum quidem ferente attactum, oborto, unica tantum spes in resectione membri est quærenda. Sic etiam, si post ligaturam, vel a nutrimenti defectu, vel ab irritatione, tolli nescia, vel inde orto oedemate gangræna incurrit, amputatio institui debet. Sed, quod rarius scopum hac operatione obtineamus propositum, id, ut alias rationes taceam, notandum est, quod tum demum æger membrorum mutilationem concedat, quando humorum crasis perfecte jam corrupta & vitiata existit; unde fit, ut secundum exempla a cel. GUATTANI & BROMFIELD (b) monstrata, vel lethalis per totam plagæ superficiem exstillans hæmorrhagia, vel gangræna, vel etiam spalmi totum corpus concutientes, miserum postea necent.

Quare etiam, cum timida præscientia futurorum & incerti eventus obscuritas multos a recta salubrique curandi curatione sæpe absterreat, quidam in gravissimis his casibus nullum adhibere remedium, sed naturæ solum rerum exitum committere consultissimum censuerunt. Benignissimam naturam id quandoque præstitisse observamus, quod nunquam ab arte fuisset expectandum; quemadmodum etiam pulcherrimæ observationes cel. ROMMELII, GUATTANI, MASOTTI & DESJANDES (c) commonstrant. Ostendunt enim nonnullos, qui nec amputationi, nec operationi sese subicere voluerunt, vel etiam, quibus ob mali vehementiam Chirurgi auxilium denegaverunt, diætâ tenui, venæ sectionibus repetitis & quiete sola post aliquod tempus, sine ulla suppuratione accedente, vel sensibili rerum commutatione, perfecte fuisse sanatos. Mirum non est igitur, quod levem hanc methodum cel. VALSALVA (d) commendaverit, eamque postea cl. BENEVOLO, GUATTANI & DE HAËN maximi fecerint.

Amputationis indicatio.

Natura in medendo Aneurysmate vires;

(a) POTT remarks on that kind of Palsy of the lower limbs &c. 1779.

(b) Chirurgical observations and cases, p. 304 seq.

(c) Journal de Médecine Tom. XIV. n.º 5. Ephem. Nat. Curios. Dec. 2 Av. VII, p. 385.

(d) MORGAGNI de sed. & caus. morb. epist. XVII, art. 30.

D. CHRISTOPH. JACOBI TREW,

CONSILIARIUM ET ARCHIATRI CÆSAREI, PERSONÆ IMPERIALIS MEDICI, S. R. I. NOBILIS,
S. PALATII LATERANENSIS FORIQUE IMP. AUL. COMITIS. SERENISSIMI MARGGRAVII
ONOLDINO BRANDENBURGICI CONSILIARIUM AULICI ET ARCHIATRI ACTUALIS,
PERILLUSTRIS REIPUBL. NORIMB. PHYSICI ORDINARIUM ET COLLEGII MEDICI SENIORIS
PRIMARIUM, CÆSAR. ACAD. LEOPOLDINO CAROLINÆ N. C. DIRECTORIS, REG. SOCIET.
SCIENT. LONDINENS. ET BEROLINENSIS ITEMQUE BOTANICÆ FLORENTINÆ SODALIS,

ANEURYSMATIS SPURII

POST VENÆ BASILICÆ SECTIONEM

ORTI

HISTORIA ET CURATIO.

CUM FIGURIS.

AD EXEMPLAR NORIMBERGÆ EXCUSUM.



ANEURYSMATIS SPURII

POST VENÆ BASILICÆ SECTIONEM QRTI

HISTORIA ET CURATIO.

OPIFEX quidam 33 annorum, nomine *Baumann*, in oppido Hirschbruck ditionis Norimbergensis vitam degens stricioris habitus & lacertosus, firmaque cæterum valetudine animoque constanti gaudens, die 26 Maji anni superioris 1747 consuetam celebravit in brachio dextro venæ sectionem. Chirurgi minister, qui eam lanceola saltante, Germanis *Schnepper*, administravit, adversa fortuna una cum vena basilica simul cubitæam arteriam aperuit, unde sanguis cum impetu & magni arcus forma exsiluit.

Qui sectionem passus est per integrum brachium illico vehementem sensit dolorem, &, qui eam administravit, a se quoque commissum animadverit errorem, proptereaque magnam sanguinis quantitatem extraxit, unde patiens quoque in lipothymiam incidit antea nunquam perceptam. Chirurgus illico vulnus emplastro fasciæque firmissime constringebat, dolor vero per totum diem continuabat atque ægrotum in lectum conjiciebat, qui cæterum veræ causæ ignarus ex vulgi tantum opinione putabat, nervum forsan quendam simul esse læsum. Altero die totus cubitus ad carpum usque sanguine suffusus reperiebatur, indeque ad ipsum carpum valde tumidus. Chirurgi minister, factum hoc Magistrum suum per quinque dies celans, hisce malis medelam adhibuit emplastris & variis illinamentis, tantumque effecit, ut interea dolor paululum leniretur & suffusio dissiparetur. Nihilominus tamen in loco vulneris mox tumor, amygdalæ magnitudine, in conspectum veniebat mollis quidem tactu

& leni pressioni cedens, illico tamen semper rediens. Nocte diem 31 Maji prægressa, dolor denuo oriebatur adeo vehemens, ut patiens cogeretur, summo mane ex ipso Magistro remedium petere, qui hactenus peractorum nescius & ratus rheumatismum quandam dolorum causam esse, pulverem sudoriferum mittebat, largum sudorem prolicientem, & post aliquot horas ægrotum ipse visitabat, tunc vero, licet prædictum tumorem ipse exploraret, & pulsus in illo, ex propria confessione, perciperet, nullum tamen aliud remedium proponebat, nisi eundem pulverem sudoriferum denuo assumendum. Ægrotus, nullam amplius fidem huic habens, brevi post ex alio chirurgus petiit consilium, qui tumori splenia spiritu quodam imbuta, atque his emplastrum defensivum imponebat. Quum vero horum applicationem exciperet tumoris inflammatio cum vesiculis hinc inde ortis atque dolorum augmento, prior chirurgus iterum revocabatur, qui tunc fomentationes cum aceto calido in usum vocabat, inflammationem quidem sedantes, reliqua vero in statu pristino relinquentes. Postea decem ferme septimanæ transigebantur, quarum decursu mox spirituosa & splenia comprimentia applicabantur, mox iterum negligebantur, neuter vero, neque chirurgus, neque ægrotus, officio suo satisfaciebat. Interea tumor sensim sensimque majus capiebat incrementum, magis magisque cubiti extensionem impendebat, atque ægrotum ad labores subeundos minus aptum reddebant. Hisce in angustiis Norimbergam demum, die nempe 21 Julii, venit, & D. WOLFG. JAC. MULLNERUM, chirurgum adiit, qui statim tumorem pro Aneurysmate declaravit simulque indicavit, in sola operatione chirurgica certam ejus medelam esse querendam, & quum simul cl. Dn. D. JO. FRIDERICUS HERELIUS, Reipublicæ Norimbergenfis Physicus ordinarius, præfens esset, hujus quoque sententiam exploravit, qui priorem confirmavit, & suavit, ut interea tumor lamina plumbea comprimeretur. His auditis ægrotus domum rediit & cum cognatis suis de suscipienda cura consilium iniit, die quoque 24 Julii plumbeam laminam applicuit, eam vero ob dolores excitatos ultra biduum sufferre haud potuit, hincque d. 26 sequente Norimbergam iterum venit. Altero die laudatus chirurgus MULLNERUS meum quoque consilium expetiit.

Explorato hinc tumore, eum ovo gallinaceo majori æqualem deprehendi, nullum vero pulsus vestigium in eo percipere potui;

durus præterea tactui se sistebat, leniter tamen undique pressus, mole multum imminui videbatur; cæterum in summo ejus vesicula obulum magna & sugillata, a plumbea lamina minus apte applicata orta, conspiciebatur. Quum nullum pulsum in hoc tumore detegere potuerim, pro spurio aneurysmate illum habendum esse certior fui, etsi tanto temporis intervallo haud latius sese diffuderit, sed circumscripto quasi spatio inclusus apparuerit. Mali curæque ejus suscipiendæ gravitas communem urgebat consultationem, cui, præter nominatum MULLNERUM & me, interfuit supra laudatus D. D. HERELIUS, ejusque Parens, Inclyti Collegii Medici Norimbergenfis Seniorum primarius, ut & D. JOANN. FRID. HERMANN. ZINCK & D. Jo. EBERHARDUS EIERICH, uterque ex collegio Chirurgorum nostratum.

Quum igitur tumor leni pressioni notabiliter adhuc cederet, omnium consensu concludebatur, tentandum superesse, numne ille per continuam pressionem sensum sensimque adhuc dissipari possit. Quod quo facilius succederet, pro roborandis partibus solidis expantis & resolvendæ cruore coagulato, atque ex tumoris duriæ valde condensato præsumendo, hocce præscribebatur infusum: rec. herbæ amicæ cum floribus, hyperici cum floribus, erysimi, radice rubiæ tincturæ ana drachm. ij., spiritus vini rectificatissimi unc. octo; stent in digestionem per noctem, mane exprimatur & filtretur liquor. Hoc liquore imbuebantur splenia tumori applicanda; ne autem in parte a vesicula superius memorata læsa dolor inde excitaretur, hæc pro magnitudine sua emplastro defensivo prius muniebatur & postea splenia modice tantum fascia constringebantur. Nihilominus dolores mox oriebantur adeo vehementes, ut illis ferendis haud par esset ægrotus, vesicula quoque ulterius se extendebat & totus tumor inflammabatur, quare splenia dicto liquore madefacta absque ulla ferme constrictione applicabantur, nobis expectantibus, num cutis erosio & inflammatio decrementum an incrementum captura esset. Dum vero posterius omnino, imo suspicio inde de spontanea tumoris ruptura oriretur, ne hæc minus opportuno tempore contingeret & hæmorrhagia funesta, antequam succurri posset, accederet, cautelæ loco vinculum tortile vulgare prope axillam applicabatur, sed absque notabili constrictione, debita tamen subjuncta eorum informatione, qui dies noctesque ægrotum custodiebant, quomodo, casu existente,

dirigi idem deberet. His vero circumstantiis in melius non mutatis, omnium consensu nil reliquum erat, nisi omnem spem in ipsam operationem collocare, id quod ægroto annunciabatur, indicatis simul periculis, quæ per ipsam etiam hanc operationem incurrere possent.

Ægroto sic ad omnia præparato, dies 3 Augusti tandem ad operationem suscipiendam destinatur. Interea de methodo, qua illa suscipienda esset, cogitanti mihi in mentem veniebant, quæ primum D. D. HAMBERGERUS, in inclyta Academia Jenensi Professor celeberrimus, in Commercio litterario anno 1732, p. 107 seqq. postea vero prolixius D. NATHANAEL THEOPH. EMRICH, Uratislaviensis, in sua Dissertatione inaugurali sub præsidio celeb. TEICHMEYERI Jenæ anno 1734 de stupendo Aneurysmate in brachio feliciter per operationem curato, ventilata, annotarunt, quorum historiam, quemadmodum illam laudatus HAMBERGERUS consignavit, una cum additamentis ex citata dissertatione excerptis, sed alio typo distinctis, præmittere, operæ pretium fore duxi, quia hic casus, omnino peculiaris, non solum ulteriorem divulgationem meretur, verum etiam methodus, qua tractatus fuit, ad illustrationem porro dicendorum inservit.

Studioso cuidam 20 annorum ante festum Michaëlis anno 1731 vena secatur basilica dextri brachii, sed adeo infauste, ut arteria quoque subjacens cubitæ simul lædereur. Hoc an chirurgus statim cognoverit, affirmare nequeo (non cognovit, quia venam sectam simplici tantum fascia more solito firmavit, quod sequens consilium datum magis adhuc confirmat) illud tamen certum est, quum tumor in flexura cubiti nucis avellanæ magnitudinem haberet, a chirurgo consilium esse datum, ut studiosus arcam parvam lapidibus oneraret & manu dextra frequenter agiaret; quo facto tumor indies evasit major, ita, ut circa festum Martini, quo tempore ægrotus cl. Dom. Consiliar. Aul. TEICHMEYERI auxilium implorabat, jam ovo anserino esset æqualis. Hic Vir cl. ex pulsu in tumore deprehendens, Aneurysma adesse, absque scissione curationem vix sperari posse, pronuntiavit, hoc vero remedii genus ægroto tunc repudianæ, alia quidem per unam alteramque septimanam, sed absque successu, attentata sunt. Aliquot diebus post, nescio quo facto, medicastro, omni scientia medica destituito, traditur æger; iste, pro fungo articularum habens tumorem,
emol

emollientia applicat. Sic increvis tumor sub enormibus doloribus ad insignem magnitudinem. Medicafter, suppurationem ex voto factam credens, cauteria potentialia duo applicat, quorum alterum hora XI nocturna diei XXI Decembris cutem perforavit; sed loco puris tanta sanguinis erupit quantitas (circiter lb vj.) ut agrotus & adstantes, hæmorrhagiam umentes lethalem, denuo ad cel. TEICHMEYERUM tanquam ad sacram anchoram, confugerent. Hic, sedata hæmorrhagia, foramen factum fortiter obturando, emplastro corio illito firmando & splenis fasciisque ulteriorem sanguinis profusionem impediendo, altero die Excell. D. HILSCHERUM atque me ad visitandum ægrotum invitavit, qui tantam hæmorrhagiam perpeffus moribundo similis erat. Tumor in sui medio, circa flexuram cubiti, latitudinem 8 vel 9 digitorum, longitudinem vero pede majorem habebat: latitudine enim sensim decrefcente paululum ultra medium humeri ascendebat, & ultra medium cubiti descendebat; cuius circa flexuram cubiti fusca apparebat. Consilio inito, sequenti die, XXIII nempe Decembris, horis matutinis, sectionem influere decrevimus, quæ sequenti modo peragebatur. Interiori & superiori humeri parti, proxime supra tumorem, itemque exteriori, duos cylindros ex linreaminibus convolutos, quorum diameter minimum duobus, longitudo quinque digitis æqualis erat, ita applicui, ut minimum internus tota sua longitudine arteriæ incumbere: obvoluto linreamine aliquoties duplicato, filum cannabinum crassius, Germanis Klasten-Schnur, bis laxè circumduxi, quod baculo ligneo contorfi.

Explorato inius, ope styli excavati hebetisque, pro investigandis locis incidendis, apertura per cauterium facta immissi, tumore, cel. TEICHMEYERUS cuius sectionem cultro acutissimo instituebat, initio facto a diâa apertura, quæ in cubito hærebat, & a flexura cubiti minimum tres digitos distabat. Continuata sectione in linea recta usque ad condylum humeri internum, eadem, ob tumorem, in humero adhuc per quatuor digitos secundum longitudinem humeri in parte ejus interna extendebatur. A medio primæ sectionis condylum versus externum humeri novam sectionem instituere animus erat, sed non, nisi per duos digitos, continuari poterat: tendo enim musculi bicipitis ibi proxime cuti adhærebat, & ab ossibus minimum tres digitos distabat, adeo, ut nulla ejus cum radio connexio, etiam post sanguinis coagulati evacuationem, observari potuerit. Sectione sufficienter facta, sanguis

Aaaa

fluidus quidem, sed qualis ex venis prodire solet, effluxit, quo fluxu brevi cessante cl. TEICHMEYERUS sanguinis congrumati & paululum fæidi minimum libras duas (Sectione facta, reperiabatur statim partim fluidus, partim, & maximam quidem partem, coagulatus sanguis in cavitate hujus stupendi tumoris, cujus quantitas ad minimum decem librarum [hic procul dubio error] erat) partim digius cavitati immixtis, partim leni pressione externa, expressit. Apparui tunc globus ex carne membranofus superficiei inæqualis, arteriæ adhærens, diametri duorum digitorum. Hunc exploraturus digius paululum compressi, ex ægroto quærens, num dolorem perciperet, quod quum negaret, fortius pressi, & sic non solum ab arteria successive secessit, sed & in tribus locis ruptus sanguinem coagulatum dimisit. Omnibus sic ablatis nuda arteria, non dilatata, cerni poterat, sed nullam ejusdem læsionem observare licebat, donec laxata paululum humeri stridura, sanguis floridus cinnabarinus per angustum foramen magno impetu prosiliret. Cognitio sic loco læsionis, humerus denuo constringebatur, & cl. TEICHMEYERUS frustulum vitrioli calcinati loco læsionis applicabat: huic imponebatur charta emporetica masticata, tota regio pulveribus stypticis (ex æquali ferme pondere radicis tormentillæ, bistortæ, rosarum rubrarum, farinæ volaticæ, boli armenæ, sanguinis hirci exsiccati, glutinis fabrorum, myrrhæ, mastichis, aloës & colophonii) conspergebatur, reliqua cavitas lineamine carpto pulvere styptico consperso, chartæ masticatæ splenia minora, dein successive majora, imponebantur, donec sufficiens altitudo adesset, ut fasciæ circumduci potuerint. His quoque decenter applicatis, in lectum reponebatur ægrotus, sed, laxata stridura humeri, ubivis per fasciæ sanguis floridus arteriosus erumpebat. Denuo hinc humero constricto, fasciæ & splenia separavi, & (eloto prius vulnere vino calido vel potius tepido, cocto prius cum radicis plantaginis, tymphyti, angelicæ, carlinæ, ana unc. una, herbæ rois marini, salviæ, origani, terpilli, ocimi, polii montani, agrimonie, betonicæ, summitatum rutæ, florum hyperici, lavendulæ, meliloti, ana manip. uno, arnicæ manip. dimidio, cubebæ drachmis iij.) solam chartam masticatam, liquore styptico imprægnatam, ex communi consilio applicui, commendante Exc. HILSCHERO ad hunc usum præ reliquis liquorem stypticum Dippelii, qui paratur ex herbis traumaticis vel earum succis, ut betonicæ, pimpinellæ, chærefolii, sedi majoris, plantaginis,

numulariæ, millefolii, aristolochiæ, vincæ pervincæ, saniculæ, verbasci, fabarum, centinodii, destillatis per retortam cum aceto; reliqua, incurvato prius paululum brachio, eodem ac antea modo facta sunt, humectatis scilicet eodem liquore styptico omnibus linteaminibus carptis, insuper pulvere adstringente & balsamico, antea descripto, conspersis. *Ægrotus in lectum reposito & laxata stridura humeri, nihil per fascias effluebat; fasciis vero liquor spirituosus, ex spiritu matricali, theriacali, & aqua Anhaltina æquali portione mixtis, affundebatur. Brevi post lenis & mollis tumor in manu & diguis apparuit, digitos tamen ægrotus melius post operationem, quam ante eandem, movere poterat. Pulsus, qui ante operationem celer erat, post eandem parvus quoque evasit. Cura ægroti studiosis medicinæ, qui operationi adstiterant, commendabatur, ut nempe qualibet hora episthemata humida ex herbis balsamicis, supra indicatis, in vino coctis applicarent, & quolibet bihorio fascias supra dicto liquore spirituosus conspergerent (eoque simul brachium superius & inferius lavarent, id quod per tres primos dies continuabatur) atque medicamenta bezoardica & traumatica ab Exc. TEICHMEYERO tradita (erant hæc mixtura & pulvis: Rec. tinct. bezoard. Wed., essent. traumat. Wed., theriacal. balsam. ana drachm. j. myrrhæ, succini ana drachm. dimid., tinct. anodyn. gutt. xij. Rec. pulv. bezoard. Sennert. scrup. ij., contra casum August., antimonii diaph. ana scrup. j. nixii depur. drachm. dimid., theriacæ cœlest. gr. iij.) decenti tempore (Mixtura propinabatur gutt. XLV. hora VII matutina & III pomeridiana, pulveris gr. XXV. hora X matutina & X nocturna, omnia cum aqua cerafor. nigrorum) exhiberent, atque insuper quidam adstantium vinculum tortile aliquantum remissum continuo teneret, ut duobus illis crassissimis splenis, exterius & interius ad decursum arteriæ applicatis, impetus sanguinis aliquo modo constriingeretur. Proxima nox absque somno fuit, altero die suis urgebat, pulsus erat celerior atque magnus, & tumor brachii tam infra ligaturam, quam supra eandem, major atque durior, absque tamen ecchymosi aut inflammatione gangrænosa; venæ scdō hinc in altero brachio ad vj. vel vij. uncias influebatur & constricdō humeri omnis perfecte remittebatur. Eodem die hora VI vespertina clyster etiam applicabatur, qui vero sequente demum die operationem suam edebat, quod ægrotus ante operationem alvi solutionem expertus fuerat. Potiuncula porro ipsi parabatur sequens:*

A a a 2

Rec. aq. scorz., sambuci, galegæ, ceraforum nigrorum, flor. naphthæ, cinnamomi s. v. ana unc. j, pulv. bezoard. Senneri, cephalici Michaelis epileptici Marchionum, antimon. diaph. ana scrup. j. Extracsti theriacal., scorzoner. ana gr. iv, confect. alkerm. drachm. j, cujus cochlear unum, facta prius agitatione, singulis horis propinabatur. *Altera nocte per aliquot horas dormiverat ægrotus, fætor circa fascias percipiebatur, pulsus adhuc erat celer, sed tumor brachii minus durus. Vesciculæ quoque quædam pellucidæ in dorso manus & cubito erumpabant.* Per tres hoïce primos dies ægroto nullus cibus, præter juscula, & pro potu ordinario decoctum hordei cum cornu cervi & scorzonera, attamen, quum hoc minus ad palatum esset, parvus cerevisiæ potus quoque concedebatur. *Nocte tertia rursus per aliquot horas ægrotus somnum viderat, insomniis tamen agitatiss.* *Sequente die, XXVI nempe Decembris, vesciculæ ovo columbino æquales in vola manus videbantur, in quibus post aperitionem gelatinosa materia deprehendebatur; ægrotus vero fætorem brachii ulterius ferre non poterat. Eodem igitur isto die mane, constricto prius paululum humero, instrumento isto a D. PETIT invento & a D. GARENGEOT in suo de Instrumentis chirurgicis tractatu descriptio, Gallis Tourniquet dicto, removebam fascias atque splenia, & effluebant tam sanguinis, quam materiæ purulentæ, jundim circiter uncia quinque. Cuius, quæ post sectionem flaccida erat, jam succo plena turgebat, optimi erat coloris, nisi quod alterum labium vulneris, ad iendinem usque bicipitis fasci, nigricaret. Dom. Consil. Aul. TEICHMEYERUS chartam masticatam, arteriæ adhærentem, cum ultimo splenio, arteriæ apprimebat, ut tanto tutius cavitatem a sordibus purgare possem (quod peragebatur penicillo ex linteaminibus carptis confectio & humectato spiritu matricali cum aqua Anhalina mixto, alioque penicillo ex eadem materia parato, quo ubique vulnus inungebatur sequenti linimento: Rec. pulvis myrrhæ, mastichis, aloës, gummi sandaracæ, radicis aristolochiæ longæ vulgaris, ana drachm. j, colophonii, balsami peruvianii, copaivæ, ana drachm. ij, mellis rosarum quantum sufficit) qua purgata, viam chartam masticatam circumcirca colophonio subtilissime pulverisato conspersi, reliquam vero cavitatis partem linteaminibus carptis, spiritu matricali imprægnatis replevi; impositis denique dicto modo spleniis, siccis tantum, fascias adeo laxè circumdixi, ut circumvoluæ tantum viderentur, fiducia in torcular repocita.*

In lectum agro reposito, multum laxavi striduram humeri, & nulla subsecuta est hæmorrhagia. Vola quoque manus emplastris saturninis aliisque decenter tradabatur. Epithemata humida seponebantur & fasciæ liquore tantum spirituofo conspergebantur, eoque etiam singulis tribus vel quatuor horis brachium ipsum illinebatur & pellibus leporinis calefactis contegebatur. Sequenti nocte ægrotus sat bene dormivit, sub insomniis tamen. Quinto a sectione die tumor brachii notabiliter imminutus erat & ægrotus non solum digitos, sed etiam carpum, movere, poterat. Quinta nocte sat quiete dormiverat ægrotus. Sexto die, nempe xxviii, ægrotus interea alacriore, validiore & firmiore reddito, denuo abstuli fascias cum spleniis atque linreamine carpto; charta masticata firmiter adhuc adhærebat arteriæ, quam dum Excell. TEICHMEYERUS digito arteriæ apprimebat, totum ulcus a sordibus purgavi, (materiam in cavitatibus contentam, & duas circiter uncias adæquantem, molliter exprimendo, spiritum matricalem & aquam Anhalinam, cum essentia oculorum populi elixirioque proprietatis sine acido, cavitatibus infundendo, & omnia ope penicilli linimento superius descripto abstergendo) partem nigricantem in extremitate cutis apparentem, quæ sese separaverat, a reliqua cute forfice amputavi, charta masticatæ ambium colophonio conspersi, reliquæ vero cavitati balsamum atque essentiam oculorum populi illinivi, eamque linreamine carpto, liquore dicto spirituofo imprægnato, replevi, spleniis duobus primis spiritibus humectatis, reliquis siccis, atque fasciis decenter, lenissime tamen, obduxi. Tendo bicipitis tunc in membranam expansus apparebat. Priusquam hæc fiebat deligatio, vinculum tortile firmabatur; ea vero peracta, rursus aliquantum remittebatur, quantum scilicet necessarium videbatur ad impetum sanguinis per arteriam vulneratam quodammodo coercendum. Sexta & septima nocte optime quieverat ægrotus. Septimo die nullam molestiam amplius sentiebat, cibum appetebat (aliud vero, quam hætenus, juscula nempe, non exhibuimus, nec aliud potum, quam supra indicatum, concessimus) & materia purulenta copiose per fascias prodibat. Octavo die, xxx nempe Decembris, fætor erat enormis, &, ablatis linreaminibus, non solum tendo bicipitis nigricans atque corruptus ex musculo tantum pendebat, quem Excell. TEICHMEYERUS forfice amputabat, sed charta quoque masticata sponte jam ab arteria secedebat, quæ vero ob carnem recentem & bonam circa eam concretam nuda ulterius, nisi in paucis

pundis, haud apparebat, nec sanguinem fundebat, tamesi humerus vix sensibilibiter constrictus esset. Totam igitur arteriam novo conspersi colophonio, novam quoque chartam masticatam, liquore stipitico Dippelii paululum imprægnatam, loco læsionis imposui, reliquaque, ut in tertia deligatione, institui. Quum charta masticata primæ vice secederet ab arteria, vestigium læsionis in eadem nullum observavi, sequente vero die in loco læsionis particulam corneam, sub lentis magnitudine, lividum vidi, quam vero die V Januarii, quum denuo ægrotum visuarem, cernere ulterius haud potui, sed tota arteria elegantissime carne tecta erat. Vitæ periculo feliciter sic, adjuvante summo Numine, superato, cl. TEICHMEYERUS reliquam consolidationem solus rursus suscepit, qui quoque in peculiari dissertatione totum casum illustrabit. Ex hac dissertatione hætenus collata plura addenda haud restant, quam sequentia. D. XXXI Decembris alvo iterum obstructæ clyster denuo adhibitus fuit optato effectu. D. I Januarii omnis tumor brachii subsederat tam supra, quam infra vulnus, similiterque color totius brachii erat naturalis. Durities tamen quædam, sed non admodum dolens, manus latitudinem æquans, super carpo observabatur. Stylo in vulnus immisso deprehendebatur, duritiem prædictam ad tres circiter digitos carpum versus procedere, & quidem intra corpora musculi sublimis atque profundi. Quare mollem conficiebamus turundam, quam unguento illitam in cavitatem immittebamus, id quod etiam die II Januarii in deligatione fiebat, quo pus valde pulchrum sanumque & omni odore destitutum, admodum paucum tamen, in vulnere reperiebatur. Nos vulnus, ubi opus erat, essentia oculorum populi eluebamus, unguento balsamico illinebamus, denuo chartam masticatam ea in regione, in qua arteria aperta fuerat, & quæ regio carne jam omnino vestita clausaque erat, collocaebamus, & hoc quidem, ut eo cautius procederemus. Omnibus locis colophonium adspergebamus, vulnus plumaceolis contegebamus unguento illitis, illudque spleniis deligabamus: neque enim ullum hætenus emplastrum imposueramus. Splenia singulis tribus horis calidis spiritibus irrorabantur, manus etiam & brachium superius illinebantur. Vesicæ in manus vola hætenus existentes hoc die plane sanatæ fuerunt, unde quoque nil quicquam emplastri miraculosi ad earum sanationem amplius applicatum fuit. Equidem tribus ante diebus in condylo humeri interno, nec non in regione musculi anconei, aliquos ægrotos

sentiebat dolores de synovia forsan accedente metum incutientes ; sed & hi evanuerunt & spatio duorum mensium ægrotus plane convaleuit & ab omni motus impotentia liberatus fuit. Hactenus historia ex relatione cl. TEICHMEYERI atque HAMBERGERI.

Probe ergo perpendens , curam hujus affectus ordinariam , secundum quam arteria læsa supra vulnus ligatur , magnam cubiti debilitatem , propter sanguinis arteriosi & ab hoc dependentis nutrimenti sufficientem distributionem interceptam , semper post se relinquere , immo nonnunquam ipsius amputationis causam fieri , insuper nervi alicujus insignis vicini , nimirum medii (*), sive simul ligetur , sive acus ope separetur , læsionem indeque dependentia graviora symptomata facile accidere posse , e contrario ex leni , sufficienti tamen , compressione & obturatione arteriæ vulneratæ , chartæ masticatæ ope obtinenda , nullum horum metuendum esse : concludebam , hanc curam illi multum præferendam & semper prius , immo si vel etiam una vice effectum desideratum haud præstaret , sæpius tentandam esse , antequam arteriæ ligatura suscipiatur , præsertim quum hoc absque periculo fieri queat , & ligatura semper adhuc locum habeat.

Perpendens porro , pro scopo obtinendo , præsertim in hoc & simili plerumque casu , ubi curandus cæterum sanus & robustus , pars læsa præterea nullam adhuc corruptionem internam passa est , potissimum requiri , ut 1) impetus sanguinis , per arteriam læsam circulantis & vulnus ejusdem distendentis , coerceretur , 2) vulnus leniter , sufficienter tamen , comprimatur ejusdemque labia inter se conjungantur , 3) corruptio præcaveatur , 4) partium tamen carnosarum circumjacentium lenis suppuratio , indeque novæ carnis propullulatio , excietur , 5) de novæ hujus carnis propullulantis condensatione prospiciatur , atque sic 6) non solum arteriæ vulneris firma obruratio , sed etiam simul omnium partium divisarum conjunctio & consolidatio obtineatur : concludebam hinc , intuitu *primi momenti* sufficere torcular ad obturationem usque vulneris arteriæ prudenti directione continuatum ; intuitu *secundi momenti* nil aptius excogitari posse , quam chartam emporeticam seu bibulam masticatam , quia sub hac forma & qualitate non solum sanguini penetranti resistere

(*) Conf. WINSLOW *traité des Nerfs* §. 328.

valet, verum etiam omnibus eminentiis & excavationibus se accommodat, adeoque undiquaque æqualiter, absque ulla tamen irritatione vel læsione (quod ab acidis & acribus adstringentibus minus æque expectare licet) comprimit atque hac ratione simul arteriæ vulneris labia inter se conjungit; intuitu *tertii momenti* spiritum vini rectificatissimum omnibus palmam præripere, quoniam neque vasa sanguivaha, neque partes nervosas, corrumpit, sed potius ab omni injuria defendit, atque præterea roborat, adeoque simul intuitu secundi momenti utilis est, dum leni adstrictione partes disjunctas conjungit, e contrario vitriolum, ut & liquores styptici decantati, ab acido concentrato constringentes vires suas obtinentes, si vel etiam his utile quid præstare possent, partibus saltem nervosis adversa sunt, immo etiam reliquas partes teneras, præcipue vascula nova propululantia, potius corrumpunt, quam a corruptione defendunt, quemadmodum etiam vegetabilia adstringentia crassa, & impura, putredinem potius foveant, quam cohibent; intuitu *quarti momenti* sola ita dicta sarcotica ex gummosis, resinosis & terreis, cum digestivo vulgari & simplici, ex terebinthina veneta cum vitello ovi conjuncta, & tandem intuitu *quinti & sexti momenti* hæc eadem sarcotica una cum spiritu vini rectificatissimo sufficere.

Hæc animi mei sensa postquam honoratissimis meis Collegis atque Chirurgis exposueram, hique ea unanimi consensu approbaverant, ad operationem suscipiendam sequens adstruebatur apparatus: aderant nempe

1) in omnem eventum & necessitatis casum, qui arteriæ vulneratæ ligaturam urgeret, duæ acus obtusæ peculiare a D. LE DRAN inventæ, singulæ duobus filis tenuibus, robustis tamen & probe ceratis, instructæ;

2) vinculum tortile vulgare: nempe funiculus robustus, Germanis *Klafter-Schnur*, bacillus; duæ in cylindrum densum, circiter duos digitos transversos crassum & quatuor longum convolutæ fasciæ; splenium ex linteo complicato quatuor digitos transversos latum & tam longum, ut brachium bis circumdaret; frustum denique chartæ crassæ & compactæ, Germanis *Pappendeckel*, tres digitos magnum;

3) aliquot uncia spiritus vini rectificatissimi;

4) aliquot uncia aceti destillati, loco liquoris styptici adhibendi, si præter spem spiritus vini ad cohibendam hæmorrhagiam minus sufficeret;

5)

- 5) quantitas sufficiens vini calidi;
 6) pulvis sarcoticus ita compositus : Rec. pulveris mastichis, olibani, myrrhæ, colophonii, sanguinis draconis, ana drachm. j. glutinis fabrorum, boli armenæ, ana sesqui drachmam.
 7) aliquot orbiculi chartæ bibulæ masticatæ, duplicis generis : duo nempe minores pollicem circiter lati atque vulneri arteriæ immediate applicandi, masticatione præparabantur ex illa charta tenera & rubella, ex qua libelli illi, quibus auri folia condi solent, conficiuntur, plures vero & majores ex charta bibula tenera vulgari, ad priores contegendos : discrimen hoc propterea eligebatur, ut in deligationibus sequentibus eo minus error committeretur, quamdiu requiritur, ut infimi intacti relinquantur.

8) sufficiens quantitas lintei carpi, aliquot splenia, & fascia conveniens ;

9) Mixtura confortans, pro reficiendo operationem passuro : Rec. aqu. florum tiliaë, tunicæ, rubi idæi, ceraforum nigrorum, ana fuscunciam, cinnamomi cum floribus cordial. drachm. ij, liq. anod. miner. Hoffm. scrup. ij, sir. cerafor. acidorum drachm. iij, confect. alkerm. incomp. drachm. j. misceantur.

10) Spiritus salis armoniaci anthosati drachm. iij pro excitando ægroto forte deficiente.

His omnibus rite dispositis, ægroto in sellam collocato & Divini Numinis auxilio implorato, ipsa operatio die III Augusti hora x matutina sequenti ordine & modo suscipiebatur.

1.) Apparatus cura commendabatur Dom. EIERICH.

2.) Vinculum tortile ita applicabatur : unus cylindrorum ex fascia factus imponebatur interiori humeri regioni super arteria brachiali mox infra axillam, alter exteriori regioni oppositæ, ambo firmabantur splenio bis brachium ambiente, & super hac bis, sed valde laxè, ducebatur funiculus ad externam regionem colligatus, ubi uterque funiculi circuitus ope bacilli super frusto chartæ crassioris supposito eoque pedetentim contorquebatur, ut nullus amplius pulsus in carpo percipi posset, cujus directionem postea Dominus ZINCK in se suscipiebat.

3.) Quidam adstantium famulorum firmiter tenebat cubitum, quoque possibile erat extensum, & tunc Dominus MULLNERUS lanceola provide incidebat tegumenta Aneurysmatis ad locum inferiorem

B b b b

& fere medium, paululum tamen interiora versus, pro evitando bicipitis tendine, & quum nil, præter sanguinem nigrum & congruatum, in conspectum venisset, sectionem prosequabatur per totam Aneurysmatis longitudinem, moxque digito aliquot grumos dissolvebat & extrahebat, quos 2 vel 3 unciae sanguinis fluidi, non tamen adeo floridi, sequebantur. Posthæc magis magisque totam cavitatem a grumis digitorum ope purgabat ac denique quendam paulo firmius ad locum arteriæ adhærentem & aliter conformatum protraherebat, illi, quam Domini Jenenses in casu superius exposito offenderunt, valde similem, articulum digiti magnitudine æquantem, sanguine congruato pallidiorem & quasi membranofum, inferius præterea sulco, arteriæ trunco procul dubio respondente, manifeste excavatum. Quum vulnus pro detegenda & libere conspicienda arteria nondum satis amplum videretur, forcice porro tegumenta, quousque soluta erant, non solum & superius & inferius, sed etiam transversim ad condylum humeri internum usque, discindebat, & postea totam cavitatem vino calido eluebat, quibus peractis denique arteria in conspectum veniebat nuda, & sic confirmabat, Aneurysma omnino fuisse spurium. Ut autem ipsius etiam arteriæ vulnus detegeretur, vinculum tortile relaxabatur, & tunc illico sanguis tenuis & floridus cum impetu & arcus forma profliebat, quo viso, D. MULLNERUS locum probe observatum statim digito comprimebat, & altera manu eidem imponebat orbiculum masticatæ chartæ rubellæ, quem Dom. EIERICH spiritu vini rectificatissimo imbuerat, & pulvere sarcotico N.º 6. largiter conspererat.

Constrictio interea a Dom. ZINCK rursus vinculo tortili, primo orbiculo imponebat D. MULLNERUS secundum ex pari charta paratum, & postea plures ex vulgari charta bibula confectos, omnes spiritu vini rectificatissimo & pulvere sarcotico imbutos, usque dum summam cavitatis ferme attigerint; reliquum cavitatis implebat plumaceolis pariter spiritu vini rectificatissimo & pulvere sarcotico imprægnatis, totum vulnus tegebat uno & altero splenio quadrato, & tandem omnia firmabat fascia firmiter constricta.

4). Dum hæc peragebantur, ægrotus aliquoties pallescebat & gravem virium defectum sentiebat, suo tamen iudicio magis ex vinculi tortilis constrictione, quam ipsius operationis doloribus, nihilominus omnia firmo animo sustinebat, semper sibi constabat atque se ipsum odore

spiritus N.º 10 excitabat, hausto simul interdum uno vel altero cochleari mixturæ N.º 9 propinato.

5). Quam primum deligatio facta erat, vinculum tortile pedentum denuo penitus relaxabatur & tamen nullum per fasciam penetrantis sanguinis vestigium observabatur. Quum vero explorato in carpo pulsu hujus nullum indicium per 6 ferme temporis momenta minuta perciperetur, dubium oriebatur, numne arteria per applicata penitus fuerit compressa; sed inter meditationes, quid porro faciendum, sensim sensimque penitus hic rediit & summum in adstantium gaudium declaravit, circuitu sanguinis per arteriam licet restituto, nihilominus tamen eum per vulnus non amplius excedere, adeoque primam statim deligationem optato successu esse peractam, pro quo beneficio Deo agebantur gratiæ debitæ.

6). Quoniam autem necessum erat, ope constrictionis, sanguinis per arteriam circumeuntis impulsus moderari, sicque vulneris ejus coalitum facilitare, minus commodum vero videbatur, vinculum tortile supra descriptum semper in debito constrictionis gradu dies noctesque conservare, hoc removebatur & aliud ejus in locum applicabatur, eum ferme in modum constructum, prouti a GARENGEOT (a) describitur & delineatur. Hoc debita ratione firmato ægrotus in lectum collocabatur, brachio supra & infra deligationem spiritus vini camphoratus illinebatur, eique pulvinar substernebatur & imponebatur.

7). Pro regime præscribatur diætâ tenuis, cibi nempe loco sola juscula, & loco cerevisiæ, cui assuetus erat, aqua tantum fontana haud nimis frigida; ex medicamentis nihil necessarium putabatur, quam pulvis temperans sequens: recip. lapid. cancrorum acido citri saturatum, nitri depurati ana drachm. j. pro quatuor dosibus quotidie una mane, altera ante somnum capiendum, cum aqua fontana sumendis. Cæterum ægroto semper adjungebantur duo ex chirurgiæ studiosis, qui dies noctesque ejus curæ invigilabant. Hac sub dispositione dies & nox infecuta satis tranquille transigebantur. Altero die ægrotus nonnullum æstum, & sitim paululum auctam sentiebat, hinc sequens mixtura sæpius capienda ipsi præscribatur: Rec. aqu. rubi idæi, fragorum, cerafor. nigrorum, florum tiliæ, ana unc. ij, cinnamomi

(a) *Traité des instrumens de Chirurgie* Tom. II. à la Haye 1729, p. 142, editionis Germanicæ ab J. A. MISCHKE translata & Berolini 1729 edita p. 143.

cum floribus cordialibus drachm. ij, liquor. anodyn. mineralis Hoffmanni scrup. ij, clyff. antimonii sulphurati scrup. dimid., sir. cerafor. acidor. drachm. vj misceantur. Cæterum brachio spiritus vini camphoratus, ut antea, aliquoties interdiu illinebatur. Tertio die cubitus & manus notabiliter tumeant, pulsus paululo audior, & urina saturata cum sedimento observabatur, alvus vero libera & reliqua omnia satis tolerabilia, manebant, quare regimen inchoatum tantum continuabatur, neque venæsectio necessaria habebatur, præsertim quum quarto die sitis, pulsus & urina naturalibus & consuetis iterum responderent.

Quum vero tertio jam die fœtor circa vulnus notabilis oriretur, & suppurationem plenam indicaret, altero die, nempe VI Augusti, recens deligatio sequentem in modum instituebatur :

3). Ægrôto iterum in sellam collocato & torculari GARENGEOTI hæstenu applicato remoto, ejus in locum prius vinculum tortile substituebatur, ita tamen, ut funiculus tantum duplex super reliquo apparatu posterioris torcularis duceretur & supposita charta crassa ope bacilli contorqueretur, usquedum pulsus in carpo iterum evanesceret.

2). Posthæc adstans firmiter tenebat cubitum, D. MULLNERUS solvebat fasciam, removebat splenia & plumaceolos, tandemque chartæ masticatæ orbiculos, usque dum duo ultimi chartæ rubellæ in conspectum venirent, id quod dextra manu peragebat, dum sinistra semper orbiculos chartaceos arteriæ apprimebat. Remotis omnibus (exceptis duobus infimis orbiculis chartæ rubellæ, & his proxime incumbente ex charta bibula vulgari confecto, firmiter sinistra manu in situ pristino immotis retentis) dextera eluebat, ope syringæ, vino calido totam vulneris cavitatem, quæ ubique recens comparebat & paucam tantum puris quantitatem fundebat.

3). Recentes orbiculi, ex charta bibula vulgari masticata parati, iterumque spiritu vini rectificatissimo, pulvereque sarcotico imbuti, eodem modo, ac in prima deligatione, applicabantur, reliqua vero cavitas iterum plumaceolis, spiritu vini rectificatissimo imprægnatis, sed porro unguento digestivo vulgari supra pag. 360 indicato obductis, replebatur, & reliqua, ut antea, feliciter peragebantur.

4). Interea temporis aliquoties quidem levia animi deliquia iterum intercurrabant, sed pariter spiritus odore dispellebantur.

5). Facta deligatione, tortile vinculum penitus relaxabatur, & pulsus iterum non, nisi post aliquot minuta, naturalis redibat.

6). Vinculum tortile cum torculari commutabatur, hocque sub modica tantum adstrictione applicabatur, supra ligaturam & infra eam, spiritus vini camphoratus illinebatur, ægrotus in lectum collocabatur &, ut antea, fovebatur.

Reliquam partem quarti diei, noctem insecutam & quintum diem ægrotus satis tranquille transigebat absque ullo accidente præternaturali, ut & noctem sequentem; sub hac tamen somno profundo sepultus aliquanto post subito se erigebat & brachium læsum valde extendebat, quia sibi somnianti videbatur a quodam invadi. Vigiles, illico deligationem explorantes, aliquam in fasciis observarunt quidem maculam, sed quum sanguineum colorem haud referret, fœtoremque potius spiraret, certiores reddebantur, eam a transudante pure tantum ortam esse & nil metuendi accidisse.

Sexto die, VIII Augusti, tertia deligatio instituebatur, sub qua torcular non commutabatur, sed tantum paulo fortius, non tamen ad plenam usque suppressionem pulsus in carpo, constringebatur, deinde omnia, exceptis iterum tribus infimis orbiculis chartaceis, removebantur, cavitas iterum vino calido ope siphonis eluebatur, interea orbiculi chartacei in situ relictæ arteriæ apprimebantur, & reliqua, ut in secunda deligatione, peragebantur, tandemque torcular ad lenem usque constrictionis gradum relaxabatur, brachium spiritu vini camphorato fovebatur, & sic hac quoque vice ægrotus optato successu lecto committebatur, ejusque cura ordine hæcenus consueto continuabatur.

Hac sub deligatione nullam plane sensit alterationem ægrotus, qui etiam totum hunc diem, sequentem noctem, ut & septimum diem, cum nocte insecuta, ordine naturali & absque ullo symptomate transiegit; interea tumor cubiti manusque etiam plane disparuit.

Quum ergo omnia secundum naturam fierent, nullum vestigium alicujus commotionis febrilis superesset, urina potius justo tenuior & limpidior compareret, ægroto tunc concedebatur, ut interdum haustu cerevisiæ se reficeret, interdiu aliquot horas lecto se detineret, & unam tantum pulveris temperamentis dosin vesperi assumeret.

Die octavo, X Augusti, quarta deligatio fiebat, eodem modo, ac tertia, nisi quod duo infimi tantum orbiculi chartæ masticatæ rubellæ in situ detinerentur.

Hac sub deligatione vulnus quidem merum sanguinem stillabat, non tamen arterioso, sed venoso similem & mox, applicato tantum apparatu hætenus consueto, se iterum sistentem, hincque nullum metum periculi incutientem.

Ab hoc tempore recens deligatio quotidie instituebatur, & nono die, XI Augusti, totum vulnus ab omnibus sordibus plane mundum, orbiculique chartæ masticatæ rubellæ primo die applicati penitus mobiles atque soluti deprehendebantur. D. MULLNERUS ergo has quoque removebat, digitum regioni, quam occupabant, applicabat, mox tales orbiculos recentes &, ut antea, spiritu vini rectificatissimo & pulvere sarcofico imprægnatos substituebat, reliquamque vulneris cavitatem plumaceolis, solo spiritu vini rectificatissimo madefactis replebat, quò modo etiam deligatio die XII Augusti peragebatur. Die sequente, qui erat dies Solis & undecimus ab operatione facta, vulnus penitus evacuatum curatius examinabamus & summo gaudio animadvertebamus, torculari licet penitus relaxato, non solum ne unicam guttulam sanguinis exstillasse, sed etiam totam arteriam recenti & firma carne obductam esse. His observatis deligatio quidem, ut antecedens, peragebatur, sed ægroto concedebatur, frustulo assatæ carnis vitulinæ appetitui satisfacere, pulvis præterea temperans non amplius utilis judicabatur, quemadmodum nec vigilum cura & torcularis applicatio, quæ cum primis perfectæ quieti nocturnæ impedimento erat. Quum ergo totum vulnus mundum & carne firma magis magisque repletum deprehenderetur, semper quidem reliqua cavitatis orbiculis chartæ masticatæ, & plumaceolis spiritu vini rectificatissimo pulvereque sarcofico imbutis adhuc replebatur, sed simul, pro obtinenda & acceleranda commoda cicatrice, emplastris glutinantibus contrahebatur ita, ut ex rotundo vulnere oblongum fieret, & labia ejus propius ad se invicem accederent. Præterea, quum ex his circumstantiis optatis certo constaret, non solum arteriam læsam carne sana atque robusta satis munitam, sed etiam ipsum vulnus ejus consolidatum esse, de die XVII Aug. cubitus quandoque leniter extendebatur. Ab eo namque tempore, quo Aneurysma notabile incrementum cepit, ægrotus, ad temperandos dolores, semper tenebat cubitum flexum, unde musculus biceps ejusque tendo, tam valide contrahebatur, ut postea cubitum libere extendere non amplius potis esset; ut autem & hujus musculi & tendinis ejus relaxatio eo facilis

obteneretur, quotidie aliquoties inungebatur sequens linimentum: Rec. ungu. de althæa, populnei, ana fescunciam, olei petræ rubri drachm. j. misceantur. Hac itaque sub directione, aspirante Divini Numinis gratia, eo res ad votum cessit, ut quatuor hebdomadam decursu & tota vulneris cavitas carne firma sanaque repleta, & cicatrix eousque perducta fuerit, ut spatium duos tantum transversos digitos longum & duas lineas latum relictum esset nudum.

Quum ergo vulneratus eousque restitutus esset, &, rerum domesticarum causa, domum redeundi desiderio flagraret, nullum supererat dubium die III Septembris voto ipsius satisfaciendi, hac tamen addita admonitione, ut ad plenam usque cicatricis formationem quotidie bis nudam adhuc carnem linteo spiritu vini rectificatissimo madefacto tegeter, & emplastro defensivo firmaret, linimentum etiam prædictum continuaret, & leni extensione cubitum sæpius exerceret, ipse autem, quam primum fieri posset, huc reverteretur, quia necesse adhuc esset, ut ligaculum quoddam applicaretur aliquamdiu gestandum, ad præcavendam arteriæ, ad locum vulneris debilitatæ, sub gravioribus motibus extensionem, indeque novam Aneurysmatis, vel spurii vel veri, productionem.

Brevi post cicatrix optime firmata & siccata, brachii quoque extensio æque, ac flexio, penitus libera reddita, & sic vulneratus in integrum restitutus est, qui post duos demum menses ad nos rediit, ubi de his propria exploratione certiores facti sumus. Nihilominus, plenæ securitatis causa, D. MULLNERUS ligaculum supra memoratum adaptabat, & eodem modo, quo vena secta firmatur fascia, sed simplici tantum tractu, adplicabat ita, ut globulus quidam eidem inhærens exacte responderet loco, ubi arteria læsa fuit. Hoc ligaculo per aliquot adhuc menses, graviores præcipue labores suscipiens, usus est hic vir, qui mense Februario hujus anni huc regressus de curationis perfectione me iterum certiores fecit.

Anno 1748, die 26 Aprilis pellionis hujus loci servo, annum ætatis 28 agenti, temperamenti sanguineo phlegmatici, natione Pomerano, pariter lanceola saltante vena secabatur basilica dextri brachii. Ex ratione balneatoris, qui idum administrabat, mox sequebatur dolor insolitus atque continuus, quare eum perpeffus ejusdem diei vespere eundem balneatorem adibat & de dolore vehementi conquerebatur. Ille in regione, qua vena secta fuit, ruborem quandam seu inflam-

mationem observans spiritum vini camphoratum eidem adplicabat &, dum altero die notabile enchymoma ibidem vidit, ejusdem spiritus crebriorem adplicationem commendavit. His sub circumstantiis vulneratus opificium suum pro viribus administravit in tertium usque hebdomadam; interea vero in loco læso comparebat tumor castaneæ magnitudine, cui balneator adplicuit emplastrum ad rupturas, aucto vero dolore & tumore, splenium densum spiritu vini camphorato imbutum imposuit & fascia circulari valide firmavit hacque ratione per octiduum continuavit. Statu hoc inde neutiquam in meliorem mutato, balneator collegam & affinem suum consuluit, qui, commodiori consilio succurrere nesciens, fortiorem adhuc compressionem suadebat, quæ vero non solum totius brachii manusque tumorem, verum etiam intolerabilem dolorem excitabat. Licet autem hæcce methodus minime fructuosa, perniciofa potius, reperiretur; nihilominus hic balneator omnem medelam in sola compressione ponebat & de fortiori adhuc tantum cogitabat, eandemque ope machinæ cum cochlea tumori adplicatæ obrinendam esse putabat. Hac itaque tumor forissime comprimebatur; inde vero cutis compressæ necrosis mox sequebatur, quæ partes mortuæ deinde digestivis tractatæ se a sanis separare cœperunt die 2 Julii, quo tempore ille, qui infelicem hanc venæsectionem peregit, de eventu optato sollicitus adiit D. WOLFG. JAC. MULLNERUM, chirurgum illum, ac Operatorem hujus loci expertissimum (cujus dexteritatem in priori observatione jam laudavi) eumque rogavit, ut secum inviseret ægrotum. Hic exploratam partem læsam statim agnovit pro Aneurysmate spurio, simulque declaravit, ex incongrua tractatione malo in pejus mutato, amplius separatis escharis, hæmorrhagiam gravissimam vel plane lethalem, facile secuturam, nec aliam medelam quam ex operatione sperandam esse, ad quam perficiendam opem suam simul obtulit. Hisce se opponebat alter balneator, contendens, escharæ separationem & ulceris consolidationem esse expectandam, & his obtentis emplastrum ita dictum pamphylium reliquum tumorem exficcare posse. Sed accidit paulo post idem, quod MULLNERUS prædixit. Die scilicet octavo Julii, quum læsus balneatoris prioris domum peteret & hunc fociosque suos peropportune præsentis inveniret, Aneurysma sponte sua rumpebatur & magnam copiam sanguinis fundebat, quem omni studio ope torcularis, quod ipsis antea communicabat & commendabat MULLNERUS, sistere

ſiſtere conabantur. Sequentē die ab his ipſis balneatoribus vocatus eſt ſæpius mēmoratus MULLNERUS atque rogatus, ut auxilio ſuo ipſis ſuccurreret, quod etiā lubens ſe præſtiturum ſponſondit & poſtea ad me venit petitque, ut operationi ſuſcipiendæ adſiſterem omniaque, ut in priori caſu, dirigerem. Die ergo Julii nono matutinis horis hic prope humerum adplicabat torcular cum trochlea & pulvillo ex aluta conſecto & bene ſarcto ſciaſciaque circulari ad illud pertinente, deinde præſentibus duobus illis balneatoribus ſolvebat ligaturam & obſervabat læſam partem floreni magnitudine majorem ſphacelatam, tandemque partes mortuas proximasque vivas ſufficienti quantitate lintei carpi ſeu plumaceolorum & ſpiritu vini rectiſſimo imbutorum muniebat neceſſariis ſque ſplenis ſciaſciſque firmabat. His peractis relaxabat torcular eoſque, dum pulſum in carpo denuo ſentire poſſet; ipſa operatio vero in diem ſequentem differebatur.

Hoc die 10 Julii ergo mane conveniebamus, & aderant quoque ex collegis meis honoratiſſimis D. D. GE. LEONH. HUTHIUS D. D. JO. FRID. HERELIUS junior & D. D. JO. ADAM. BAUER; Dn. MULLNERUS vero rogabat Collegam ſuum Dn. JO. EBERHARD EIERICH, Chirurgum & Operatorem non minus expertum, ut ipſi auxiliatricēs manus porrigeret, quemadmodum id in priori caſu laudabili ſtudio & dexteritate præſtitit. Cæterum ex collegis eorum curioſitatis gratia accedebant porro D. CHRISTOPH. ANDR. MULLERUS & Dn. ERNEST. LEOPOLD. STOECKELIUS.

Quum conſilium capiebamus, operationem eadem methodo, quæ feliciter antea ceſſit, ſuſcipere, idem etiā apparatus in ejuſdem caſus recenſione ſuſius deſcriptus, parabatur, non neglecto illo, quo in caſu neceſſitatis pro arteria liganda opus eſſet. Ut reliquis accidentibus quoque proſpiceretur, ordinavi 1) mixturam confortantem cochleatim ſumendam eodem modo, ac ſupra p. 561, n°. 9 deſcripta eſt, compoſitam.

2). Odoramentum naribus ſubinde admovendum: rec. ſpiritus roſis marini drachmas tres, ſalis armoniaci anthoſati drachmam unam.

3). Pulverem temperantem ſingulis ſex horis propinandum: rec. matris perlarum acido citri ſaturatæ, nitri depurati ana grana quindecim, cinnabaris antimonii rectiſicati grana decem, pro doſi.

His omnibus paratis & divino auxilio imploratō ipſa operatio ſequenti ordine & modo ſuſcipiebatur.

Cccc

D. Operator MILLNERUS collocabat vulnēratum in sedile, applicabat vinculum tortile simplex cum funiculo & bacillo & committebat ejus directionem STÖCKELIO, cubitum vero extensum firmiter tenendum commendabat MÜLLERO. Deinde ligaturam vulneris solvebat, quo facto vulnus a sphacelo exesum floreni majoris amplitudine apertum & sanguine grumoso magnaue ex parte quasi polyposo seu fibroso repletum apparebat. Postea hunc grumosum sanguinem indice manus dextræ pedetentim & provide removebat mole sua duas uncias facile æquantem, & partim cum cute, partim & magis adhuc cum subjacentibus musculis vasisque firmiter coherentem. His peractis vulnus cum vino calido syringæ ope probe eluebat & usque donec arteria satis clare in conspectum veniret. Hac detecta vinculum tortile relaxandum præcipiebat, quo facto sanguis illico & magno cum impetu ad operatoris brachii longitudinem profusiebat, qui interea aperturæ locum attentus observabat eidemque tam cito, quam fieri poterat, obturamenta jam parata adplicabat, confrieto interea iterum torculari. Consistebant hæc primo ex charta bibula tenuissima, masticata, ter quaterque complicata, & quadratam in formam pollicis magnitudine explanata, alcohol vini imprægnata & pulvere styptico atque conglutinante, priori in casu p. 561, n°. 6. descripto, largiter conspersa. Harum placentularum chartacearum erant sex, singulæ prædicto modo præparatæ, quarum una alteri imponebatur, & prima præcipue tam provide adplicabatur, ut non solum arteriam, verum etiam vicinas partes accurate ambiret. Reliqua vulneris cavitas, quæ ovum gallinaceum facile capiebat, placentis ex linteo carpto paratis, seu plumaceolis sic dictis & alcohol vini largiter pariter imbutis replebatur tota, cui imponebantur tria ex complicato linteo confecta splenia omniaque denique fascia circulari 4 vel 5 ulnarum firmabantur. His absolutis bacillus vinculi ad pulsus usque in carpo sensationem relaxabatur & deinde hoc cum torculari trochlea instructo commutabatur, hocque iterum constringebatur, ita tamen, ut pulsus in carpo percipiendus non plane supprimeretur. Totum denique brachium habena seu mitella (*Escarpe*) suffulciebatur, æger lecto committebatur, serioque monebatur, ut semper servaret brachium quietum, diætamque tenuem. Idem dies & nox secuta satis tranquille transigebatur, & die 11 Julii reperiebatur fascia adhuc firma & absque ulla sanguinis transudantis macula. Hunc diem excipiebat

nox minus tranquilla, absque tamen ullis symptomatibus notatu dignis.

Die 12 mane iterum conveniebamus, ubi, fortius denuo adstricto torculari, operator fasciam circularem & deinde splenia unacum tribus vel quatuor plumaceolis removebat, quorum vices supplebant totidem recenter confecti & alcohol vini pariter probe imbuti. Tunc simul vulneris labia, ex sphacelosa corruptione male olentia, plumaceolis alcohol vini & unguento digestivo imprægnatis mutiebantur, additisque splenis omnia iterum, ut antea, fascia circulari colligebantur. Eodem die vulneratus vehementer me rogabat, ut ipsi cibum magis nutrientem carnemque, & aquæ loco cerevisiam concederem, quum ventriculus suus pomeranus ejusmodi victum parcum & tenuem amplius perferre haud posset: quibus rationibus consensum eo facilius præbui, quo minus ullum symptoma contradicebat, quemadmodum etiam easdem ob rationes usum omnium remedium internorum amplius continuandum haud injunxi. Hac sub mutatione nox sequebatur tranquilla.

Die 13 deligatio eodem modo iterabatur, quam sequebatur dies & nox tranquilla, si excipias levem animi inquietudinem.

Die 14 deligatio pari modo renovabatur & simul duo vel tres plumaceoli plures quam hucusque removebantur: dies & nox sequebantur ad votum.

Die 15 & 16 deligatio & valetudo eadem, & die 16 vulnus simul cum spiritu vini simplici syringæ ope probe eluebatur.

Die 17 patiens indicabat vulneris dolores majores illis, quos hucusque sensit: in deligatione reperiebantur non solum labia vulneris recentia, verum etiam ipsum vulnus a sordibus magis purgatum, quæ partes nunc magis vivæ procul dubio etiam magis sensiles redditæ sunt. Effluebat simul ex vulnere pauca quantitas sanguinis, sed solummodo ex venarum osculis nunc, purgata corruptione & impedito, ob torcular adplicatum, sanguinis libero circuitu, magis apertis.

Die 18 sub deligatione iterum duo plumaceoli ex illis, qui a prima deligatione relictæ fuerunt, cum reliquis quotidie renovatis removebantur, ubi iterum pauca sanguinis venosi quantitas effluebat.

Die 19 remotis omnibus plumaceolis duæ etiam ex placentulis chartaceis liberæ reperiabantur & simul eximebantur, vulnusque probe purgabatur, cæterum plumaceolis denuo replebatur simulque torcular removebatur, relictis tamen ejus fascia coriacea & splenio super arteria brachiali fasciæ ope, sed leniter tantum constrictæ, firmato.

Die 20 reliquæ etiam placentulæ chartacæ reperiabantur solutæ, quibus remotis, vasa antea denudata nunc carne recenti firmaque penitus testâ se sistebant, de quo magna cum voluptate certiores reddebamur. His observatis cavitas replebatur folis plumaceolis, alcohol vini tamen adhuc imbutis & pulvere styptico & glutinante denuo conspersis, omniaque fascia ordinaria firmabantur.

Die 21, qui erat undecimus ab operatione facta, vulnus ad consolidationem properans observabatur, ad quam ulterius promovendam & vulnus rotundum in oblongum mutandum, hoc contrahabatur emplastro glutinante, cæterum ejus cavitas plumaceolis ut priori die imbutis replebatur.

Die 22 omnia eodem modo tractabantur &

Die 23 cavitas castaneam vix amplius capiebat, cæterum hoc &

Die 24 deligatio pari ratione instituebatur, nunc vero & fascia torcularis & splenium arteriæ brachiali applicatum removebantur.

Die 25 tandem omnis tumor brachii penitus ferme evanescebat & vulnus decimo quarto operationis die ut aliud simplex tractabatur, ita, ut brevi post plena consolidatio sequeretur.



M A N T I S S A.

U^T hujus mali gravitas & medelæ ei parandæ difficultas clarius pateſcant, partes, quæ in venæſectione lædi poſſunt, earumque cum aliis connexiones probe cognitæ eſſe debent. Celeberr. MONRO has partes eandem ob rationem jam ſigillatim delineandas curavit (a), ſed rudi artificis manu. Ex tabulis anatomicis naturali magnitudine & vivis coloribus repræſentatis, quas D. GAUTIER edidit, nulla iis, quæ adhuc explicanda ſunt, lucem aliquam affundit (b) Icones III. D. de HALLER (c) optimæ ſunt; quum vero laudatus auctor, pro ſcopo ſuo, venarum atque arteriarum præcipue univerſam per integrum brachium diviſionem & diſtributionem cum accuracione ipſi ſolita repræſentandam ſuſcepit & præterea, ad chartæ normam, naturali magnitudine multo minorem, eandem ſiſtere coactus fuit: has noſtras icones, magnitudinis naturalis, vaſis vario inſuper colore diſtinctis, haud ſupervacaneas immo pro hoc ſcopo peculigari neceſſarias duxi, quarum explicationem reliquis præmitto, ſed eos, qui illas examinant, ſimul moneo, ut memores ſint, non ſolum venas, uti in toto corpore, ita ſigillatim quoque circa cubitum, diviſione & diſtributione ſua ita variare, ut vix unquam in ſtroque brachio unius ſubjecti unum eundemque ordinem obſervent; verum etiam haud raro arteriarum propagines a regula ordinaria recedere, immo, ipſos nervos, ſaltem ſubdiviſionibus ſuis, ab hac variatione non

(a) *Medical Eſſays and Obſervations, revifed and published by a Society in Edinburgh. Vol. II. 1734. octav. maj. p. 280. ſeq. tab. II, fig. 1. ubi vero omnes partes valde imminutæ repræſentantur. In Germanica verſione, quæ titulo: Die medicinifche Verſuche und Bemerkungen, welche von einer Geſellſchaft in Edinburgh durchgeſehen und herausgegeben worden, Altenburg 1750. in oct. prodierunt, p. 368. ſeq. tab. II, fig. 1. eadem ad parem normam occurrunt; in Gallica vero verſione, quæ antea jam titulo: Eſſais & Obſervations de médecine, de la Société d'Edinburgh, Pariſiis 1742 in duodec. maj. comparuit, p. 349. tab. II, fig. 1. ad minorem adhuc magnitudinem redactæ ſunt.*

(b) Tertia hujus operis ſplendidiffimi & forma regia editi pars in fronte hunc gerit titulum: *Anatomie générale des Viſcères en ſituation, de grandeur & couleur naturelle, avec l'Analogie & la Neurologie de chaque partie du corps humain.* Harum tabularum V. repræſentat quidem in brachii dextri anteriori facie mufculos, venas, arterias & nervos in naturali connexionem; ſed eatenus tantum, quatenus detracta cute ſtatim in conſpectum veniunt, nec tamen ſatis diſtincte.

(c) Iconum anatomicarum, quibus aliquæ partes corporis humani delineatae traduntur, ſeſciculus VI. *Arteria peſtoris & brachii.* Auctore ALBERTO v. HALLER &c. Gott. 1753, fol. maj. tab. III, qua præter mufculos venæ, arteriæ, nervique ſiſtuntur, quatenus detracta cute apparent; tab. IV, quæ arterias in antica, tab. V in poſtica parte occurrentes delineat.

excipiendos esse. His addo, harum figurarum partium omnium denominationem haud esse expectandam, quia non omnes ad scopum præfixum pertinent, iusto longior autem esse nolui.

Figurarum explicationem, quæ in prototypo hic locatur, vide cum reliquis in fine operis.

Satis ita, ut opinor, repræsentatis & expositis omnibus partibus, quæ in curatione Aneurysmatis spurii attendendæ sunt, facilius nunc loca cognosci possunt in venarum cubiti sectionibus evitanda: docendi tamen sunt omnes chirurgi, non solum arterias hujus regionis interdum situm suum paululum mutare (ut taceam ramos extraordinarios quandoque obvios, quale exemplum sistit *fig. 9. (a)*) verum etiam & adhuc magis venas, uti ex sola comparatione *fig. 1* cum 9 satis jam pater. In hac ergo operatione, licet vulgatissima, nunquam non opus est ubique sollicita exploratione & summa accurate, ne ipsa vena penitus pertundatur. Deinde etiam facile intelligi possunt difficultates, quæ operationem chirurgicam premunt, qua Aneurysma spurium sectione exurpandum est.

Antequam autem ulterius progredior, necesse est, ut moneam, propositum mihi haud esse, hic joci exponere universam & generalem Aneurysmatis tam veri quam spurii theoriam, neque etiam recensere omnes Aneurysmatis spurii species modosque, quibus singulæ vel præverti vel curari debeant, utpote quæ omnia Ill. HEISTERUS satis solidequa docuit (*b*) ita, ut iliada post Homerum canere auderem, si in his prolixior essem: id tantum annotasse sufficet, Aneurysma spurium esse sanguinis ex vulnerata arteria effusionem & sub cute collectionem, speciem vero ejus, de qua sola sermo mihi est, esse illam, quando hic sanguis, & quidem ex arteria una vel altera sub venasectione simul aperta, extravasatus & collectus & in grumos condensatus nulli pressioni amplius cedit.

Ejusmodi ergo Aneurysma omnium consensu absque cutis dissectione & sanguinis congruati remotione curari nequit: dum enim sanguis circuitu suo in arteriis ex ampliori spatio in angustius transire cogitur,

(a) Ita Ill. HEIST. etiam prope venam cephalicam, quæ omnium rutissima habetur, magnam arteriam sæpius observavit *Instit. chir. edis. Amst. annæ 1739, p. 425; edis. 1730, p. 410, nota a.*

(b) L. c. P. 11, *Secl. 1, cap. XII, p. 425 seqq. cap. XIII, p. 429 seq. & P. 111 cap. VII §. VII & IX, p. 126 seq.*

is ad singulos ita dictos pulsus vulneris aperturam penetrare nititur, hinc ejus latera continuo disjungit, ideoque eorum consolidationem perpetuo impedit, inde vero indies majorem sanguinis copiam effundit, cui cutis resistere nequit. Et dum sanguis hic effusus vel qualitate sua vel mora condensatur & concrefcit, ulteriori effusioni aliquo modo quidem resistit, sed, dum in fluvium suum reduci nequit, tandem putrescit & in sphacelosam corruptionem abit.

Quomodo autem, sectione tumoris instituta & sanguine congruato evacuato, ulterior sanguinis ex læsa arteria profusio certo, tuto atque jucunde sisti debeat & queat, nondum satis demonstratum est.

Sunt qui adstringentia, quid ? quod corrosiva vel caustica, arteriæ vulnere detecto imponi suadent, e. g. vitriolum cæruleum, liquorem stypticum Weberi, butyrum antimonii-(a) &c. de quorum usu vero infido, vel prorsus noxio, mentem meam jam exposui in priori casu pag. 560.

Reliqui ferme omnes cunctis sanguinis profluxum sistentibus præferunt ipsius arteriæ læsæ ligaturam, dum illa a connexionione cum partibus vicinis separatur, acus curva cum filo cerato trajicitur & denique arteria læsa proxime supra vulnus constringitur, id quod cum variis cautelis & annotationibus satis jam accurate atque prolixè docuerunt præcipue PALFYN (b), GARENGEOT (c), PLATNERUS (d), HEISTERUS (e), MACGILL (f) & ALEX. MONRO (g) quæ hic repetere nimis prolixum foret, id unicum tamen annotasse haud supervacaneum erit, MACGILL, pro elevanda & tutius proinde a nervo reliquisque partibus separanda arteria, ejus vulnere detecto immisisse stylium fortem (h), quod etiam ab alio factum observavit

(a) Vid. PALEYN *chirurgische Operationen*, Francof. & Lips. 1717, p. 402. *ibid.* l. c. p. 439, edit. a. 1750, p. 433, §. XI. GARENGEOT *traité des opérations de chir.* T. III. à Paris 1721, p. 246, edit. germ. Berol. 1733, p. 257, §. 28, commendat suum liquorem causticum, quem vero non describit.

(b) l. c. p. 424.

(c) l. c. p. 349.

(d) *Institut. chirurg.* Lips. 1745, p. 269, §. 438. 439. *Ejusd. Gründliche Einleitung in die Chirurgie, erster Theil.* Leipz. 1748, p. 420 seq. §. 463. 464.

(e) *Instit. chir.* Amstel. 1739, p. 440, §. XIII, p. 443. §. XIII. *ibid.* 1750, p. 424. §. XIII. p. 426. §. XIX.

(f) AGOR. Edinburg. T. II. edit. Gall. p. 325. art. xv edit. German. p. 341 seqq.

(g) *Ibid.* T. IV. edit. Gall. p. 364 seqq. edit. Germ. p. 393.

(h) l. c. edit. Gall. p. 327 seq. edit. Germ. p. 344.

MONRO (*a*) qui insuper (*b*), pro operatione celerius finienda; suadet, ut quamprimum cutis per longitudinem dissecta & sanguis extravasatus ac polyposus remotus est, patiens paululum flectat cubitum, operator vero pollice ac indice sinistrae manus prehendat arteriam brachialem, horumque apices sub eam insinuet, & ita acum super unguibus intrudat, hocque modo secure nervum proximum evitet, quem tactu facile ab arteria distinguere potest, quum hanc, flexo cubito, absque difficultate eousque elevare potest, ut a nervo satis removeatur: ita, pergit, hæc operatio, quæ secundum ordinariam chirurgorum descriptionem difficilis, tædiosa & laboriosa est, facile, cito & secure peragi potest.

Hanc methodum in usum vocare aliisque commendare nullum dubium movet auctoribus citatis interceptus per arteriam ligatam sanguinis ad partes inferiores via recta transitus: nam, licet vel ipse arteriæ brachialis seu humeralis truncus supra divisionem suam in ramos (*g. tab. I. fig. 2. 3. tab. II. fig. 4.*) ligandus veniat, persuasi sunt (*c*) nihilominus sanguinem transire posse ad ramos infra ligaturam ope anastomosis arteriarum humeri collateralium (*d. c. tab. II. fig. 4. c. d. fig. 5. 6. 7. tab. III. fig. 8 & x. fig. 6.*) cum recurrente ulnari (*i. i. fig. 4. y. fig. 6.*), recurrente radiæ (*p. fig. 4. g. fig. 5.*) & recurrente interossea (*m. fig. 4. & n. fig. 7.*) ut & per alterum arteriæ humerariæ truncum (*r. r. r. tab. II. fig. 5. tab. III. fig. 8.*) quando præsens est (*d*), quare monent, arteriam vulneratam etiam infra vulnus ligandam esse, ne sanguis a vasis lateralibus regurgitet & novam hæmorrhagiam excitet (*e*): experientiam quoque huic theoriæ

(*a*) Tom. IV edit. Gall. p. 364. edit. Germ. p. 394.

(*b*) *ibid.* p. 366. ed. Germ. p. 395 seq.

(*c*) GARENGOT l. c. edit. Gall. p. 249. PLATN. edit. lat. p. 262. §. 436. edit. Germ. p. 418. §. 462. conf. MONRO A&S. Edinb. T. II. edit. angl. p. 283. gall. p. 353. germ. p. 372. v. HALLER. ic. fasc. VI. p. 22. b.

(*d*) Ejusmodi arteriæ humeralis duplicis historiam tradit v. HALLER more suo accuratam l. c. p. 35. b. seq. & cui ad manus haud est, evolvat JO. FRID. MOEBII diss. inaug. sub præsidio III. HEIST. Helmt. 1730 ventilatam, quæ sistit *Observationes med. miscell. theoret. & practicas* Observ. VIII. p. 17 seqq. HEIST. compend. anat. 2. 1741. P. II. p. 126. nota 66. **): Instit. chir. 1739. p. 434. nota c. edit. 1750. p. 418. nota h. Acta Edinb. vol. II. edit. gall. p. 351. seqq. germ. p. 370. tab. II. fig. 2, 3, 4.

(*e*) PALF. p. 426. GARENG. ed. gall. p. 251. germ. p. 262. §. 36. HEIST. ed. 1739. t. XXIV. ed. 1750. p. 419. §. XXIV. A&S. Edinb. Tom. II. ed. gall. p. 328. germ. p. 344. Tom. IV. p. 365. ed. germ. p. 395. PLATN. ed. lat. p. 270. §. 439. germ. p. 421.

theoriæ respondisse variis casibus ab auctoribus citatis comprobatum est, ubi simul hæc notabilis observatio adstruitur, si vel etiam pulsus in utroque carpi latere aliquamdiu sentiri nequeat, nihilominus ad amputationem haud properandum esse prius, quam manifesta incipientis sphaceli signa in cubito vel manu adpareant, quum pulsus sæpius post aliquot demum dies redit (a).

Quum nervus ille insignis, qui medianus dicitur (2. 2. *tab. I. fig. 2. 3. tab. II. fig. 5. tab. III. fig. 8.*), arteriam brachialem ubique proxime comitatur, methodi hætenus recensitæ commendatorum monito (b), idem in arteriæ vincitura absque læsione ab eadem separandus est scalpello aliove instrumento tantum, quantum pro libero transitu acus sufficit. Quomodo hæc læsio nervi perniciofa ad mentem laudati MONRO commodius evitari queat, superius p. 575 indicavimus. Quum vero non solum quandoque patiens hanc nervi separationem ferre nec potest, nec vult (c), verum etiam sub hac occupatione ramuli quidam arteriæ laterales facile lædi possunt, hinc procul dubio nonnulli ipsum nervum simul ligare non reformidarunt, de quo LE DRAN (d) hæc latine reddita refert : *sunt quidam prædicorum, qui arteriam detegere negligunt. Quam primum denudarunt capsulam (qua intelligitur tegmen illud membranofum, quod vasa hæc comprehendit) profunde sub illam adigunt acum instruam filo, quo dictam capsulam & multam carnem simul comprehendunt & constringunt. Eist secundum hanc methodum nervus, quem æque ac arteriam hæc capsula continet, simul constringatur, raro tamen symptoma accedit, quia carnis quantitas simul comprehensa obstat, quo minus nervus justo arctius constringatur, id quod etiam exemplum ex PALFYN citatum comprobatur, & magis adhuc relatio Dn. EIERICH supra laudati : hic namque, dum Parisiis studium chirurgicum excoluit, bis vidit eodem modo hanc operationem a D. BOUDOU feliciter administratam. Quamvis autem hac ratione ipsius nervi læsio, gravissimis symptomatibus obnoxia, ut & ramorum arteriæ lateralium læsio omnino præcaveatur, facile tamen ex nimia nervi hujus insignis*

(a) Ejusmodi præ reliquis notabile exemplum refert ill. MONRO A.G. Ed. T. 1v. edit. gall. p. 364. ed. germ. p. 395. facta namque operatione d. 22 Maji, pulsus demum d. 5 Junii distinctè redibat.

(b) locis citatis.

(c) Quale exemplum recenset PALFYN L. c. p. 435.

(d) *Traité des opérations de chirurgie*, à Paris 1742, p. 535.

& plurimis cubiti manusque partibus integritatem conservantis constrictione, pessima symptomata sequi possunt, nimirum vel saltem stupor, si non penitus mors earum partium, quas sustentat: certe in annotatis manuscriptis, quæ ex ore Dn. DUVERNEY Parisiis 1738 excerpta & prout a Dn. EIERICH mecum communicata sunt, reperi, ex tali nervi constrictione quendam duos digitos perdidisse: excurrit namque hic nervus in vola manus ad latus digiti annularis, medii & indicis.

Licet autem negari haud possit, postquam viri doctissimi expertissimique de natura hujus mali æque ac partium, quas occupat, ut & de curationis, arteriæ brachialis vincitura susceptæ, successu suas observationes sollicitè contulerunt, eandem nunc sæpius jam feliciter administratam esse (a); nihilominus tamen hi ipsi Auctores adhuc monent chirurgos, ut nullus ejusmodi operationem solus in se suscipiat, sed alios expertos viros simul in consilium vocet vel saltem testes rei ad artis regulas bene legitimeque peractæ habeat, ut taceam, eosdem ingenue etiam indicasse, quæ minus ad vorum acciderunt (b); quare procul dubio PLATNERUS (c) omnibus probe ponderatis mentem suam hisce declarat: *ex his intelligitur, in brachio, minimum nisi certa sit desperatio, experiendam esse Aneurysmatis chirurgiam* (illam scilicet hædenus expositam): *nam si illa etiam fallit, nihilominus ad ultimum auxilium, quo humerus præcidiur, confugere potest chirurgus.*

Si itaque hac methodo in usum vocata de amputando brachio non securus est chirurgus; si præterea operatione dexterrime etiam ac felicissime absoluta, non raro magna membri debilitas sequitur: aliam methodum hac securiorem prius tentandam esse, nemo inficias ibit, & quum talem iterata vice se præstitit ea, quam in binis casibus recensitis uberius exposui, eandem hunc in finem ulterius explorandam commendare minus dubitavi.

Me quidem haud fugit, alios jam, & præcipue DIONYSIUM (d), compressionis cum charta masticata mentionem jam fecisse, immo

(a) Exempla vid. apud Auctores citatos, adde *Commerc. littérar. Norimb.* 1734, p. 283, n. 11.

(b) Exemplum vide *At. Edinb. T. II.* ed. gall. p. 329 seq. ed. germ. p. 346.

(c) l. c. ed. lat. p. 268. §. 436. edit. germ. p. 419. §. 462.

(d) *Cours d'opérations de chirurgie, à Bruxelles* 1708, p. 484. edit. german. ab Hæist. aucta Augsp. 1722. Tom. II. p. 763.

hanc methodum non solum causticis, verum etiam ipsi ligaturæ prætulisse (a) : sed qui modum applicationis in forma turundarum considerat, facile intelliget, cur non semper, si unquam, effectum optatum præstiterit. Secundum meam namque opinionem effectus hic tantum sequi potest.

1) quando vulnus a sanguine extravasato atque corrupto penitus purgatur, ipsumque arteriæ orificium ejusque labia, quantum fieri potest, mundantur, & quidem optime cum vino calido ope syringæ spongiaeque, ne sanguis corruptus, uti non amplius ad nutritionem, ita etiam neutiquam ad consolidationem aptus, hanc impediat, sed recenti & balsamico sanguini accessus ad hæc labia paretur.

2) quando charta seligitur tenuissima bibula, haud sæpius, quam ter quaterve pollicis quadrati magnitudine complicatur, & masticata iterum probe explanatur : hac enim solummodo sub conditione arteriam exacte ambire, labia paululum conjungere, orificium obturare, reliqua interstitia replere omnibusque partibus arte adhærere valet.

3) quando hæe placentulæ, sigillatim primæ, spiritu vini & subtilissimo pulvere glutinante valde imprægnantur, probe tamen iterum exprimuntur : uterque namque sanguinem denuo affluentem seu in orificio hærentem coagulat, labia orificii constringit & reliquas partes jam corruptas mundat eoque recentis & firmæ carnis generationem promovet, ut taceam, chartam ita præparatam pulveris ope arteriæ tanto firmitus adglutinari.

4) quando torcularis & vulneris compressionis auxilio liber plenusque sanguinis circuitus per arteriam læsam ad sufficiens temporis intervallum semper quidem impeditur, probe tamen nimia & ad plenam pulsus in carpo suppressionem contractio cavetur, ne partibus nimium compressis mortem inferat (b).

Quod autem causam proximam constituit, quæ arteriæ vulnus firmiter obturat iterumque conjungit, est illa polypi quædam species recens generata, quam non solum fuscæ exponit, verum etiam observationibus demonstrat figurisque idoneis declarat celeberrimus

(a) l. c. p. seq.

(b) de his omnibus conf. vol. viii, p. 479 seq.

PETIT (c). Utut autem ejusmodi polyposa concretio & superstrata caro firma recens generata vulnus arteriæ perfecte sanare queat ; confirmationis tamen atque securitatis gratia per aliquot menses ligaculum quoddam gestari potest eo modo , quem vol. VIII , p. 490 docui. Cæterum nemo de perfectione ejusmodi curationis dubitabit , qui considerat, omnium consensu non solum possibile declaratum , verum etiam experientia satis comprobatum esse , arteriæ vulnus sola compressione sanari posse , quamdiu sanguis extravasatus fluxilis adhuc est & in alveum suum reduci potest : quando enim in Aneurysmate spurio inveterato post cutis sectionem omnis sanguis congrumatus removetur , hoc ipso arteria ad eundem statum redigitur , quo ab initio læsionis fuit , adde , hoc in casu compressionem multo aptius applicari posse. Et hæc nunc quidem sufficiant.

(c) *Hist. & Mémoires de l'Acad. Royale des scienc.* a. 1735. edit. Paris. Mémoir. p. 435. & a. 1736. p. 244. qui utriusque commentarii latine reddituri reperiantur in *Commerc. liter. Norimb.* a. 1741. p. 365. 372. tab. IV, fig. 4, 5, 6, 7. & a. 1743. p. 321, 332. tab. IV, fig. 13 — 16. tab. V, fig. 1, 2, 3.



DISSERTATIO MEDICA
INAUGURALIS,
DE
ANEURYSMATE,

QUAM

ERUDITORUM EXAMINI SUBMITTIT
CONRADUS ASMAN,
ZUOLLA TRANSISALANUS.

Die 24 Martii MDCCLXXXIII.

H. L. Q. S.

AD EXEMPLAR GRONINGENSE.



DISSERTATIO
DE
ANEURYSMATE.

§. I.

INTER morbos vitiaque; quibus humanum genus obnoxium est, haud infimum mihi locum mereri videntur Aneurysmata, quæ non solum periculosa, sed & sæpe insanabilia prorsus deprehenduntur.

Antequam vero de Aneurysmatibus agam, haud inutile duxi, prius Arterias, quatenus illæ his sedem præbent, earumque tunicas, & actionem in sanguinem describere.

Per Arterias hodierni Anatomici intelligunt canales membranosos, sanguinem a corde ad alias corpõis partes vehentes, Systole, & Diastole præditos.

Has nonnulli constare statuerunt quinque tunicis, inter quos & BOERHAVIUS (a).

Prima est Extima, secunda Cellulosa, tertia Glandulosa, quarta Muscularis, quinta Interna.

Dantur tamen, quæ tres solummodo assumunt, nempe, primo tunicam externam seu communem « qualis ubique occurrit, quæque

(a) Instit. Med. pag. 88, §. 132.

» arteriam ambit, vicinis nescit, inque sua via firmat, requisita tamen cum mobilitate (a);

Secundo, Muscularem, sic dictam, quia putabant, habere fibras musculares rubras, quæ robur præcipuum arteriæ conciliat & contrahendi facultatem (b). Cl. CAMPERUS tamen variis præparatis in Lectionibus Physiologicis demonstravit, non modo non regulares, sed etiam non rubras esse, actionemque arteriarum æque exerceri posse, si elasticæ essent, solidissimis argumentis comprobavit.

Tertio, huic subjacet tertia, seu interna, tenuis, tenera; internæ membranæ cordis continua (c); æquabilis, & lævis, ex interiore parte, qua cavum arteriæ spectat, canalıs capacitatē proprię efficiens, apta, quæ sanguinem contineat, & libere, faciliq̃ue, ruere finat (d).

§. II.

Descriptis arteriarum fabrica & tunicis, ad illarum actionem in sanguinem progrediendum est.

Arteriarum systema, semper sanguine plenum, quolibet cordis ictu, novam sanguinis undam, duabus uncis sanguinis æqualem vulgo æstimatam, accipit.

Certum est arteriarum conicam figuram & incurvationes multum facere ad resistendum imperum a corde acceptum: accedunt & aliæ causæ, de quibus quoniam hodie inter omnes non certo constat, ne nimium a scopo abducamur, nihil addam.

Arteriarum tunicas jam descripsimus. Itaque interior tenuis, parum virium in impedienda arteriarum nimia dilatatione impendere posse videtur.

Oportet igitur, ut hanc vim in Externa, & Musculari, utpote fortioribus, quæramus.

Constat experientia, has tunicas admodum esse elasticas, id est, tales possidere proprietates, quibus, illarum figura, vi quadam, mutata, sese in pristinam figuram restituere queant.

Probant hanc vim Elasticam arteriis inesse, digitus arteriæ majori
im-

(a) Ill. van Swieten diss. inaug. §. 4. de Arter. fabricæ & efficaciæ Lugd. Bat. 1728. tit.

(b) B. S. Albin. annot. acad. lib. 4, cap. 8, pag. 31.

(c) HALLERI Elem. physiol. tom. 1, pag. 65, §. 9.

(d) B. S. Albin. ibid. lib. 4, cap. 8.

immissus, inde valide compressus, communis membranarum natura, sed imprimis Anatomica injectio; cui arteriæ aliquando ita resistunt, ut, adhibitis etiam omnibus conatibus, siphonis embolum ulterius urgere non possimus, tantaque vi se contrahunt, ut, remoto siphone, materies injecta magno cum saltu resiliat, & sæpius Anatomico incauto imponat.

Quod cum in arteriis emortuis locum habet, nulli alii vi, quam Elasticitati tribui potest.

Ambientia præterea, ær, cutis, cellulosa, muscoli, aponeuroses & ossa, nimis quoque arteriarum distensionem resistunt.

Foran denique & alia huc referenda Vis, quam, animalibus & quibusdam plantis privam, etiam arteriis, & quidem illarum tunicis musculosis, insidere, evicisse videntur recentiorum experimenta (a).

His viribus itaque instructa arteria, sanguine repleta, undæ, a corde acceptæ, primo quidem cedit, alteram vero undam, priorem infecuturam, non expectat; sed ultra diametrum sibi naturalem, id est, spontaneam, dilatata, se contrahit, sanguinemque impellit in locum minus resistentem; adeoque, quum valvulæ semilunares ejus repulsum in cor impediunt, in arterias, minores quidem suis truncis, attamen simul sumtas, alveum multo ampliorem efficientes, propellunt.

Contracta jam arteria, nova unda sanguinis, a corde allata, dilatatur; mox iterum contrahitur, perduratque alterna hæc actio quamdiu viralem animalia spirant auram.

Continuum itaque, in statu sano, cordis & arteriarum vires inter se exercent antagonismum, & talem quidem, ut modo una, modo altera vincat, perstatque sanitas in circulatione, quoad vires arteriarum & sanguinis contenti, quamdiu arteriæ majores tantam copiam sanguinis in arterias minores, minoresque in venas propellunt, quantum a corde contracto accipiunt.

Si vero arteriarum vires excessu peccant, sanguis nimia quantitate in venis colligitur, ut in morientibus accidit. Sin vero defectu, arteriæ ultra modum distenduntur, tonum suum amittunt, & sanguinem nimia copia in cavitate sua retinent.

Sed satis de his, properemus ad Aneurysmatum historiam.

(a) Vid. exper. VERSCHUIJ diff. de arteriarum irritabilitate.

§. III.

Aneurysmatis vocabulum ex *ἀνὰ*, retro, rursus & *ὑπέρω*, dilato, compositum (a), vi vocis, arteriæ dilatationem significare videtur.

Hinc quoque GALENUS (b), quem secutus fuit P. AEGINETA (c), Aneurysma arteriæ dilatationem vocat.

Hodie vero per Aneurysmatis vocem morbos adeo diversos intelligunt, ut generali definitione vix comprehendendi possit: dividunt, enim in Verum, & Spurium; quorum illud tumorem, ab arteriarum tunicis, ultra modum quolibetunque in loco in forma sacci dilatatis, sanguine vel fluido, vel coagulato, vel utroque repletis, formatum; hoc vero tumorem a sanguine, ex arteriæ vulnere elapso, sub cute hærente, excitatum significat.

Ita post SENNERTUM, BOERHAVIUS, HEISTERUS, SWIETENIUS, alique.

Tertiam hisce adjunxit speciem celeb. HUNTERUS (d), quam Mixtam vocat: quando scilicet, externa arteriæ tunica læsa, interna, vel lacerata interna, externa dilatatur.

Placuit vero MONROO (e) Aneurysma Mixtum vocare, quando arteriæ membranæ primo dilatatae, dein ruptæ sunt.

Quartam denique speciem novam, & a se inventam, prioribus quoque addidit celeb. HUNTERUS (f), ubi nempe arteria, venæ subjacente, Chirurgi lanceola læsa, sanguis continue ex arteria in venam transit, eandemque dilatat.

Dividuntur porro in Interna & Externa. Priora vocantur, quæ juxta viscera vitalia in intimis corporis latebris; posteriora, quæ in extremitatibus, vel aliis in regionibus, mox sub cute, locum obtinent. Cæteras distinctiones, in legitimum (g) v. gr. ex causa externa, & spurium, ex causa interna oriundum, aliisque, utpote minoris momenti, de industria omitimus.

Ast, quoniam Aneurysma illud Mixtum HUNTERI, cum Vero satis convenit; vel juxta sensum MONROI ad Spurium proxime

(a) Vid. GORRÆI definit. med.

(b) De tumoribus pag. 356. 27. p. n.

(c) Lib. 6, cap. 37. pag. 564.

(d) Med. obs. and inq. vol. 1, p. 339.

(e) Ess. and obs. phys. and liter vol. 3, pag. 236.

(f) Med. obs. ibid. p. 340.

(g) LANCIS. de motu cord. & aneur. p. 6, 9, 57 hujus editionis.

pertinet, cæteræque distinctiones, in Externum, & Internum, Legitimum, & Spurium, magis locum, & causas diversas, quam Aneurysmatis naturam, & indolem spectant, tribus me dissertationem hanc sectionibus commodissime expedire posse, mihi videor; quorum prior de Aneurysmate Vero, altera de Spurio, tertia de eo, quod Venosum vocavimus, tractabit.

S E C T I O P R I M A.

DE ANEURYSMATE VERO, EJUS NATURA ET INDOLE.

§. I.

ANEURYSMATIS VERI definitionem modo exhibuimus, ejusque possibilitatem, utpote observationibus jam satis evictam (a), non opus est, ut ulterius adstruamus.

Oportet vero, ut ejus naturam, & indolem in hac sectione accuratius perscrutemur; causas, signa, prognosin, & curandi methodum exactius dein indagemus.

§. II.

Membranæ arteriarum dilatatæ & extensæ aliquando sunt extenuatæ (b) aliquando crassitiem naturalem servant (c): ut plurimum tamen statum naturalem multo superant, uti vidit in omnibus Aortæ Aneurysmatibus, quæ ipsi unquam examinare licuit, cel. HUNTERUS (d), tum & cel. STORKIUS (e) in Aneurysmate Aortæ extus crassa & fungosa substantia repleto.

Id tamen non ita accipiendum, ac si ubique eadem semper crassities: sæpe enim in Aneurysmatibus majoribus, uno in loco membranæ sunt tenues, dum in alia admodum sunt crassæ: ita quidem, ut in Aneurysmate Aortæ, a LITRIO (f) descripto, adeo inæquales

(a) LANCIS. de motu cord. & aneur. p. 29 huj. editionis, nec non Med. obs. and inq. vol. 1, p. 341.

(b) SANDIFORT-HEEL en Ontleedk. verh. p. 15. & III. SWIETENII comment. Tom. 1, pag. 389.

(c) Vid. præfat. NOORTWYKII ad editionem Latinam NIHEL de cris. ex pulsu.

(d) Med. obs. and inq. ibid. p. 342.

(e) DE HAEN rat. med. Tom. 1, p. 251.

(f) Hist. de l'Acad. des Sc. ann. 1707, p. 26.

fuerint, ut quibusdam in locis decem lineas adæquarent, licet aliis in locis quintam lineæ partem non excederent.

Sæpe quoque membranæ non tantum crassiores, sed & duræ, cartilagineæ, infulis quasi ossis infarctæ, & aliquibus in locis petrefactæ, repertæ sunt, uti ex observatione, a Cl. MECKELIO (a) accuratissime descripta, imprimis constiuit.

Valvulæ præterea semilunares in arteriæ Aoriæ Aneurysmatibus sæpe ossæ inventæ sunt, aliquando etiam membranæ, purulenta materia, inter lamellas suas, fuerunt repletæ (b).

Rationes, ob quas arteriarum membranæ, licet admodum extensæ, crassiores tamen plerumque evadunt, in unum collegit ccl. DE HAEN (c), & ad sequentes refert.

I.^o Quia sanguis, in Aneurysmate contentus, polyposus, ejus est naturæ, ut ejusdem applicatione tunica arteriosa appareat crassior; quod etiam in LITTRII observatione locum habuisse videtur: refert enim, saccum in multis locis, æquabilem & lævem fuisse, quia membrana arteriæ interna erat investita, aliis vero in locis inæqualem, & asperam, partim propter erosionem, parum, quia fibræ quædam, polypis cordis non absimiles, firmiter Aneurysmatis parietibus adnæcebantur, in laminas facile divisibiles (d).

II.^o Possunt arteriarum membranæ a se invicem discedere, & in interstitiis suis sanguinem, in lamellas compactum, continere.

III.^o Videmus quoque, novas membranas ex veteribus nasci in degenerationibus parvium: sic vidit cl. DE HAEN vesicam felleam in septem loculos divisam, quorum quisque magnum gereret lapidem. Probat præterea ex herniis inveteratis, in quarum operatione aliquando vidit, decem, duodecim, viginti, & plures membranas solvi debuisse, antequam verus herniæ saccus in conspectum prodiret.

Verum hæc & similia rem magis exemplis illustrant, quam re vera explicant.

Incrassatio membranarum fere omnibus in tumoribus obinet,

(a) Mém. de l'Acad. de Berlin anni 1756. obs. 14. conf. cl. MORGAGNI de sed. & caus. morb. epist. 17. artic. 17, nec non DICKSON Med. obs. and inq. vol. 3, p. 63, & cl. MONROUM Ess. and obs. vol. 3, p. 252.

(b) Ess. and obs. vol. 3, p. 254.

(c) Rat. med. vol. 1, p. 253.

(d) loc. cit.

præferim in Cysticis, sed unde durities, cartilaginea indoles, ossæ & lapidea concrementa?

Abdita naturæ phænomena facilius observantur, quam explicantur.

§. III.

Transeo igitur ad Sanguinem in Aneurysmatibus contentum, qui aliquando fluidus, alias grumofus, & coagulatus, ut plurimum tamen pro parte fluidus, pro parte coagulatus, non raro quoque condensatus albus, & lamellis quasi constans, & polypofus repertus fuit.

Et quidem fluidus fuit in Aneurysmatibus quibusdæ minoribus (a); grumofus in observatione STORCKII (b): totus enim sacculus sanguine grumoso erat repletus.

Partim fluidus, partim grumofus, & coagulatus fuit in exemplo ab HUNTERO (c) allato.

Nucleus sanguinis grumosi contentus fuit in Aneurysmate anguli Aortæ, a cl. DE HAEN (d) & C. H. VELSE dissecto, qui in medio perforatus, spatium sanguini, per aortam descendenti, concessit (e).

Aneurysma vero a LITTRIO descriptum (f) continebat sanguinis pintas duas, cujus tertia pars nigra, coagulata, fortiter parietibus sacculi adhærens; tertia pars alte rubra, semicoagulata; tertia pars denique liquida, atramentum fibræ quædam polyposæ, parietibus Aneurysmatis firmiter adfixæ, intus inventæ sunt.

In MORANDI observatione (g) sacculus fuit duobus polypis repletus, quorum unus perforatus, foramine, orificio arterioso ventriculi sinistri non absumpti, quod transitum sanguini, ex corde advenienti, versus inferiora admittebat.

Materiem quoque albam & polyposam in Aneurysmate invenit MECKELIUS (h).

Videntur hæc coagula, & polyposa concrementa, oriri a stagnatione & continua sanguinis compressione: notissimum enim est,

(a) MONRO Ess. and obs. Physf. and Lit. vol. 3, p. 250.

(b) DE HAEN rat. med. tom. 1, p. 251.

(c) Med. obs. and inq. vol. 1, p. 332.

(d) Ibid. tom. 1, p. 250.

(e) Simile quid vid. MONROUM Ess. and obs. Physf. and Lit. vol. 3, p. 225.

(f) Hist. de l'Acad. R. des Sc. anni 1707, p. 26.

(g) Ibid. anni 1721, p. 40.

(h) Mém. de l'Acad. de Berlin 1756, obs. 14.

sanguinem etiam extra corpus, digitis diu contrectatum, magna parte in polypos abire.

Quæ eadem ratio obtinere videtur in polypis cordis, in cadaveribus humanis frequenter obviis, præsertim in illis, qui diu agonizantes, lenta morte extincti sunt.

Etenim probabile non est, omnes illos homines diu ante mortem polypis cordis laborasse, illisque fuisse enectos, cum adeo frequenter occurrant, neque omnes ægri de horum symptomatibus antea conquesti fuerint.

S. I V.

In omnibus arteriis Aneurysmata Vera oriri posse, propter eandem omnium arteriarum vim Elasticam, a fibris supra descriptis pendentem, aliquando mirum in modum debilitatam, experientia evincit.

Frequentius tamen in majoribus, quam in minoribus arteriis oriri, inde probatur, quod impetum minorem patiantur.

Historiæ insigniter dilatati cordis, ejusque auricularum, licet ad Aneurysmata, juxta definitionem datam, non pertineant, huc tamen referendæ, videri possunt apud LANCISIUM (a); nec minoris momenti exemplum exstat a MECKELIO (b) exhibitum; tum quoque a Dno. ROELOFF (c), denique ab ANTONIO DE HAEN (d), qui hanc historiam dedit: Vir levi sarcina onustus, post iter unius horæ confectum, palpitationibus cordis afficiebatur, venæsectione &c. sanatis. Ter, quaterve in anno malum recrudit, iterumque ad eadem remedia contigit; dein per quadriennium ab omni fere incommodo immunis vixit, levissima mali admonitione, ad majores animi corporisque motus, tantummodo percepta. Quinta vero anno redierunt insultus. Auctor ab expertissimo VELSE, nunc Celsissimi Principis Gulielmi V. Archiatro, advocatus, ægrum vidit lividum, anxium, cum pulsu inæquali & tremulo. Manus, pectori admota, morum inæqualem, tremulum & ingratum sentit, exceptis sex ultimis diebus. In cadavere cor triplo majus apparuit solito, mucrone quam basi latius, sinister cordis ventriculus maximus, ad basin amplissimus,

(a) De Aneurysm. propof. 48. Exempla etiam quædam collecta vid. apud MORGAG. de caus. & sed. morborum epist. 17, artic. 1 ad 14 & epist. 18.

(b) Mém. de l'Acad. de Berlin 1750, p. 163.

(c) Mém. de l'Acad. de Berlin 1757, p. 160.

(d) R. Med. vol. 1, p. 251.

adeo tenuis, ut levis modo membranula supereffet. Sanguinem polyposum intus continebat. Ventriculus quoque dexter, uterque sinus, utraque auricula, arteria pulmonalis, & utraque vena cava polypis firmis & longis, erant repleta.

Aneurysmatum arcus Aortæ plurima exstant exempla, quorum præcipua paucis memorabimus.

Præter exempla a LANCISIO exhibita (a), LITTRIUS (b) in actis Parisinis descripsit Aneurysma, stupendæ magnitudinis, quod ex Aortæ arcu ortum, saccum formabat, qui, per anteriora & utrumque colli latus ad maxillam usque ascendens, simul super anteriorem & superiorem pectoris partem se extendebat, ab una axilla ad alteram usque.

Figura sacci lagenæ erat similis, cujus collum in pectoris cavo, fundus in collo & super pectus.

Huic non plane absumile, a Dno. THOMSON observatum, communicavit experitissimus DICKSON (c), quod ortum ex arcu Aortæ, & infra claviculam dextram, quam a sterno separaverat, transiens, supra pectus se in saccum explicaverat, peculiarem tamen & quasi ab alio arcu Aortæ sacco distinctum. Celeb. HUNTERUS in actis Anglicis exemplum Aneurysmatis memoriæ prodidit; quod ex arcu Aortæ, maximopere dilatatæ, exortum, inter cartilagineas secundæ & tertiæ costæ transiens, tumorem magnum & oblongum extus in pectore efformabat.

Cum hac observatione, satis coincidit illa a Dno. ROELOFF (d) descripta, tum & illa celeb. E. SANDIFORTII (e).

Non dissimilis etiam est observatio MORANDI (f) ea cum differentia, quod tumores aneurysmatici duo adfuerint, quorum unus inter secundam & tertiam, alter inter tertiam & quartam costam erat situs, licet, saccum aneurysmaticum unicum tantummodo fuisse, dissectio docuerit.

Aneurysmatis quoque arcus aortæ exemplum habet cl. DE HAEN (g), quod, licet diu tumorem inter secundam & tertiam costam

(a) De motu cord. & aneur. pag. 34 hujus editionis.

(b) Anno 1707, pag. 21.

(c) Med. obs. and inq. vol. 3, p. 17 & seqq.

(d) Mém. de Berlin anni 1757, p. 160.

(e) Heel en Ontleedk. verhand.

(f) Hist. de l'Acad. R. des Sc. anni 1721, p. 39.

(g) Rat. med. tom. 1, p. 250.

effecisset, loco dein mutatum, integro mense ante mortem, nullum tumorem excitavit, ita ut evanuisse videretur.

Dilatationis denique arcus Aortæ cum expansione in tumorem, intra pectus contentum, ex orificio angustiori cum Aortâ dilatata communicantem, observationem tradidit celeb. MECKELIUS (a).

Ab his aliquantum differunt Aneurysmata ab expertissimo NOORTWYKIO (b), & STORCKIO (c) observata; quorum prius mox sub arcu Aortæ incipiens, ad Diaphragma usque protensum, in vesicæ urinariæ majoris inflatæ amplitudinem expansum, tribus amplis hiatibus perforatum erat, qui respondebant intervallis sextæ & septimæ, septimæ & octavæ, octavæ & nonæ costæ, & communicabant cum gibbo ingenti, æquabili, a sinistra scapula per dorsum ad lumbos usque exporrecto, molli, pulsante, elastico, & sanguine coagulato repleto.

Alterum magis compositum: primo enim in arcu suo Aorta erat admodum dilatata, dein, ubi Aorta in rectum esset abitura, saccum emittebat, orificio pollicis diametrum habente, qui transiens inter quartam & quintam costam, quas a se invicem removerat, se explicabat in dorso in ampullam, manui integræ magnitudine parem (d).

Magnum Aneurysma Aortæ infra Diaphragma, & ipsi firmiter annexum, a Dno. BAYFORT observatum, memoriæ tradidit HUNTERUS (e): ubi quoque simul Aneurysma parvum in trunco communi arteriæ Carotidis & Subclaviæ dextrâ adfuit.

Differunt maximopere Aneurysmata arcus Aortæ, quoad longitudinis extensionem & figuram, notante HUNTERO (f): in quinque enim, quæ vidit Auctor, dilatatio incepit mox supra cor; in uno ad Arteriam subclaviam sinistram usque dilatatio tantum processit; in alio parum ultra; in tertio & quarto ad dimidium longitudinis, quam habet Aorta intra Thoracem; in quinto ad bifurcationem Aortæ in lumbis fere usque.

In

(a) Mém. de Berlin 1756, P. 46.

(b) In præfat. ad Nihellium de crîsibus ex pulsû.

(c) DE HAEN R. m. tom. 1, pag. 251.

(d) Vid. plura exempla Aneurysmatum arcus Aortæ apud MORGAG. de caus. & sed. morb. epist. 17, art. 3, & 14, seqq.

(e) Med. obs. and inq. vol. 3, pag. 14 & 26. confer. MONR. Ess. and obs. phys. and litt. vol. 3, p. 225.

(f) Ibid. vol. 1, p. 342.

In horum duobus communis truncus Subclaviæ & Carotidis dextræ valdequàm fuit dilatatus.

In duobus figura fuit oblonga & uniformis. In cæteris figura admodum fuit irregularis, cum quibusdam sacculis magis extensis, quàm cæteræ partes.

MORGAGNUS (a) quoque jam antea divisit Aneurysmata, in ea, quæ vas, æque in omnem partem expansum, format, & in ea, quæ sacci instar e vasis latere excrescunt.

Aneurysma Arteriæ Pulmonalis exstat apud PARÆUM, teste LANCISIO (b).

Aneurysmatis Arteriæ Subclaviæ dextræ singularissimum exemplum descripsit Dnus MALOET (c), quod scilicet Asperam Arteriam perforaverat, & excitato sputo cruento, intra minutum temporis ægro exhausto, mortem induxit.

Notat enim MORGAGNUS (d), sputum sanguinis sæpius observari, ubi Aneurysmata intra pectus rumpuntur.

Aneurysmatum in Arteria Aorta, mox supra divisionem in Iliacas, in Iliacis, in Coeliaca, Mesenterica, Intercoastali, in Brachio, Femore, Poplite, circa talum, in Arteria Epicrania, Temporalis, Nasi externa, exempla collegit celeb. DE HAEN (e).

Quum itaque tot in arteriis observata sunt Aneurysmata, nec ratio datur, cur non in cæteris aliisque locis oriri possent, tuto statuitur, omnes arterias Aneurysmatibus sedem præbere posse.

Attamen experientia evincit, omnium frequentissime Aneurysmata Vera oriri in Aorta; præcipue in ejus arcu, ita, ut horum numerus æqualis, si non major, a MONROO censeatur (f), quàm cæterorum per totum corpus.

Frequentè etiam in poplite occurrunt, & ubicunque arteriæ nudæ decurrunt, vi externæ magis expositæ; rarissime in cerebro; raro etiam in cervice (g).

(a) Advers. Anat. adversario 2. animad. 39.

(b) De motu cord. & aneur. p. 290. V. p. 82 hujus Editionis.

(c) Acad. R. de Sc. anno 1733, p. 44.

(d) De sed. & caus. morb. epist. 17, art. 16.

(e) Rat. med. tom. 1, pag. 247. confer. MONR. Ess. and obs. phys. and litt. vol. 3, p. 281, & seqq.

(f) Ibid.

(g) Ibid. pag. 285.

Aliquando etiam plura Aneurysmata Vera in eodem corpore simul occurrunt, uti in exemplis jam constitit, & ulterius constare potest ex observatione MONROI (a) de Aneurysmatibus in Arteria Crurali, Mesenterica superiori, emulgente sinistra, & Mesenterica inferiori, in eodem corpore obviis.

Nonnunquam etiam, in quadam arteria dispositio aneurysmatica (si ita dicere fas sit) locum habere posse videtur: sic idem MONROUS (b) casum narrat talis dispositionis in Arteriis cruralibus earumque ramis; ubi Aneurysmata adfuerunt in utroque inguine, in utroque poplite, & duo præterea in media parte femoris dextri.

§. V.

Dubium nullum est, quin Aneurysmata omnia Vera oriantur pedetentim adeo, ut non nisi lento gradu in enormes aliquando magnitudines increfcant.

Aneurysma in pectore, quod pulvinari mediocri, quo in sedili utimur, demtis quatuor ejus angulis, æquaret, vidit RUYCHIVS (c).

Aneurysmatum capitis & pugni magnitudinis exempla prostant apud PURMANNUM (d).

Observationem Aneurysmatis Arteriæ Costalis, quod capitis magnitudinem excederet, adfert ULHORNIVS (e), licet, illud Arteriæ Costalis Aneurysma Verum fuisse, vix credibile sit; quod idem etiam de duobus Aneurysmatibus, a LANCISIO (f) observatis, forsitan non immerito animadvertendum esset.

Ovi anserini magnitudinis Aneurysmata duo prostant apud HILDANUM (g); nec non Aneurysma, quod totam sinistram partem pectoris ad sternum usque & collum occupabat (h); adeo ut male quidam, Aneurysmata castaneæ magnitudinem nunquam superare, statuerint (i).

(a) Rat. med. tom. 1, p. 220.

(b) Ibid. p. 178 & seqq. uti & MORGAG. de caus. & sed. morb. epist. 50, art. 9.

(c) Observ. 38.

(d) Chirurg. curios. cap. 8, pag. 605.

(e) HEIST. Heelkund. Verhand. p. 496.

(f) Ibid. p. 245. V. p. 44 hujus editionis.

(g) Cent. obs. & curat. chir. pag. 413 & 418.

(h) Ibid. p. 417.

(i) Vid. GOVEY Chir. p. 251.

Differunt vero Aneurysmata incrementi celeritate; dum alia lente, alia subito admodum augmenta capiunt.

Lente increvit Aneurysma ab Ill. SWIETENIO observatum (a).

Aneurysma ab HUNTERO descriptum tres annos consumserat, antequam ad incrementum summum pervenerit, & ægro mortem (b) induxerit.

SANDIFORTII vero observatio docet, Aneurysma intra septem menses ad ingentem magnitudinem increfcere posse.

§. VI.

Pulsu suo, omnia fere proxime ambientia destruunt, cartilagine & durissimo osse non exceptis.

Costæ, Sternum & Claviculæ erosæ in observatione LITTRII; Sternum, Costæ, Vertebrae & Costarum cartilagine, eodem modo affectæ apud HUNTERUM; Sterni pars superior, ad quartam Costam usque, plane consumta in casu ROELOFFII; magna pars Sterni cum Costæ secundæ & tertiæ parte abolita in exemplo SANDIFORTII; Aspera Arteria perforata, & detrita in observatione MALOETI; luxatio humeri, ex Aneurysmate Arteriæ subclaviæ quoque orta (c) & infinita alia, quæ omnia repetere, operæ pretium non videtur.

Destructionem ossium, cæterarumque partium, non oriri a sanguine ut menstruo ossis, uti quidam putarunt, institutis de industria experimentis evicit PRINGELIUS (d), sed a continuo pulsu arteriarum, unde vasa periosii & perichondrii contunduntur, rumpuntur, & ulcera efficiunt, quorum materies ichorosa, acerrima reddita, ossa & cartilagine continue erodit (e): neque enim requiritur ut ossa denudentur antequam carie exedantur (f), quum continua sanguinis arosio particulas osseas sine ossis putredine auferre posse videatur.

(a) Comment. in aphor. BOERH. tom. 1, pag. 288.

(b) Heel en Ontleedk. Verh.

(c) Journal de Médecine, Chir. & Pharmac. par M. VAN DER MONDE tom. 14; p. 55.

(d) Vid. MONR. Med. Ess. and Obs. Phys. and Lit. vol. 3, p. 253.

(e) Vid. MORGAG. de sed. & caus. morb. epist. 18, art. 26; nec non Cl. SANDIFORTII Heel en Ontleedk. Verh. p. 20.

(f) MONR. ibid. p. 252.

ANEURYSMATIS VERI CAUSÆ.

: §. VII.

DESCRIPITIS jam iis, quæ Aneurysmatis naturam & indolem præcipue spectant, ad Causarum indagationem transeo.

Hæ omnes in eo congruunt, quod æquilibrium inter solidorum, & fluidorum actionem deperditum supponant, ita, ut hæc fortior sit illa; alioquin nunquam oriretur Aneurysma.

Sed idem illud variis modis potest contingere, & quidem, vel vitio solidorum, minus resistentium, vel vitio fluidorum nimia vi impellentium, vel denique, cum utrumque in eundem finem conspirat.

§. VIII.

Solidorum autem resistentia minuitur.

I.^o Vulnere; sive illud afficit tunicas arteriæ externas, internis integre relictis; sive solummodo partes circumjacentes, Cellulosam, Aponeuroses, Musculos &c. quæ robur arteriæ dant: in primo enim casu tunica interna non satis resistens, per vulnus propellitur ab impetu sanguinis; ita contigisse retulit expertissimus NIECHOLS in inflata Arteria Pulmonali, rupta tunica musculari, internam in Cystidem dilatatam fuisse (a); in altero casu, omnes arteriarum tunicæ relaxantur, dilatantur, & ita saccum Aneurysmaticum constituunt; vidit enim HALLERUS (b) arterias Mesentericas in ranis, simulac a Mesenterio, & Cellulosa circumjacente denudaverat, Aneurysmaticas evasisse.

II.^o Contusione vel distractione violenta; quibus arteriarum tunicæ debilitantur: quo pertinent duæ observationes LANCISI (c), nec non observatio SWIETENII (d), non enim requiritur semper ad Aneurysma Verum excitandum, ut membrana exterior vel muscularis quodam in loco sit rupta, quum etiam MONROUS (e) omnes arteriarum tunicas in Aneurysmate integerrimas viderit, & a se invicem separaverit.

(a) Teste MONROO ibid. p. 255.

(b) Mém. sur le mouvement du sang, pag. 10. anno 1756.

(c) LANCIS. l. c. p. 234 ad 242 & p. 245. V. huj. Ed. p. 34 & p. 44.

(d) Comment. tom. 1, §. 176, p. 287.

(e) Ess. and obs. ibid. p. 239.

III.^o Erofione ab acrimonia quacunq̃ue (a); idem enim fit quod in vulnere.

IV.^o Scorbutica vel Venerea labe (b): conſtat enim experientia, ſolidorum compagem in Scorbutico vel Lue Venerea affectis aliquando debilitari.

Multos præterea his morbis adfectos Aneurysmatibus obnoxios fuiſſe, experientia evicit.

An itaque ex gravitate Mercurii, uti quidam putant? vereor ne vitium ſubreptionis commiſſum fuerit.

V.^o Videtur etiam atonia quædam arteriarum univerſalis Aneurysmatibus occaſionem dare poſſe: laxiores ſaltem inventæ fuerunt arteriæ in cadavere viri, qui Aneurysmate in poplite laboraverat, à MONROO (c).

§. IX.

Fluidorum actio in vaſa nimium augetur 1.^o ex plethora; ſive illa fit ad molem ſeu vera; ſive ad volumen, ſeu ſpuria: qualiſcunq̃ue enim ſit, fibras arteriarum nimium diſtendendo, eaſdem dilatat: ſicque, ſi continuo adest, vel frequentius redit, tandem tumorem aneurysmaticum in loco, propter cauſas quaſdam accidentales, præ cæteris, magis debilitato vel impetui ſanguinis magis obvio, tandem excitat.

Quo pertinent quadantenus, valida corporis exercitia, & vehementiora animi pathemata, a pluribus inter Aneurysmatum cauſas recenſita: hæc etenim, calore in corpore excitato, volumen ſanguinis augment, cor irritando, ejus contractionem incitant, duplici itaque nomine obſunt. LANCISIUS (d) hanc conjecturam experientia confirmavit: nam ex centum Aneurysmatibus, ſponte, ſeu abſque ullo externæ cauſæ concuſſu natis, plus media parte, locum habuiſſe in gulofis & bibacibus, reliquam partem in Hypochondriacis, Hyſtericis & Syphilide obſeſſis.

2.^o Nimius etiam ſanguinis imperus a quacunq̃ue cauſa enatus, ſive in toto corpore ſive in quadam parte.

(a) LANCIS. *ibid.* p. 253. V. p. 50 hujus Edit.

(b) LANCIS. l. c. p. 256. V. p. 53. hujus Edit.

(c) Eff. and obſ. *ibid.* p. 211.

(d) l. c. p. 271. V. pag. 66 hujus Edit.

Quo pertinent omnia, quæ solida stimulando, circulum magis incitant, sive a corpore, sive a mente adveniant; tum & illa, quæ diametrum arteriæ imminuendo vel obstruendo, vim sanguinis magis in certam quandam arteriæ partem determinant (a).

Sic nimia coarctata Aorta Aneurysma in ejus curvatura excitare posset, vel nimiam cordis dilatationem inducere, quemadmodum a MECKELIO (b) observatum; unde & sutores ob corporis posituram, sanguinis transitum per Aortam inferiorem ejusque ramos impediens, in Aneurysmata cordis magis inclinant teste MOR-GAGNO (c).

Idem quoque in arteriis minoribus locum habere potest, post convulsiones (d), musculi contractionem diuturniorem, vel nixum quandam violentiorem.

Sic Aneurysma in Carotide ortum ex vehementissimis clamoribus, quod comprimendo Asperam Arteriam ægro, quasi strangulando, mortem induxit, observavit celeb. GAUBIUS (e).

Sic magnum illud arcus Aortæ Aneurysma, a LITTRIO observatum, ex vomitu, ut caussa, ortum fuisse videtur.

Hæc licet Aneurysmatum origini ansam præbere possint, & aliquando re vera præbeant, certum nihilo minus est, maximam partem Aneurysmatum Verorum, quorum historiæ existant, sponte esse subortam, nulla causa evidenti cognita (f).

An Aneurysma aliquando est morbus hæreditarius? videtur utique ex observatione LANCISII (g).

ANEURYSMATIS VERI SIGNA.

§. X.

SIGNA Aneurysmatis Veri GALENUS jam exhibuit.

Dignoscuntur, inquit, hujusmodi adfectus pulsibus, quos edunt

(a) Ibid. p. 264. V. p. 60 hujus editionis.

(b) Mém. de Berlin 1750, p. 163. & MORGAG. de caus. & sed. morb. epist. 18; art. 2, 6, 8.

(c) Ibid. art. 4.

(d) LANCIS. l. c. p. 276. V. p. 70 hujus editionis.

(e) Vid. VAN LEEUWEN dissert. de Aneurysmate Vero p. 13.

(f) Teste MONROO ibid. p. 241.

(g) l. c. p. 230. V. p. 30 hujus editionis.

arteriæ; sed & cum comprimuntur, tumor omnis delitescit, substantia, quæ ipsum efficit, in arterias recurrente &c.

Interim recentiores plura signa addiderunt, & jam memorata in omnibus casibus haud adesse, demonstrarunt.

§. XI.

Dolendum imprimis, internorum Aneurysmatum signa adeo æquivoca & incerta esse (a), ut raro admodum cognoscantur, priusquam ad tantam magnitudinem pervenerint, ut eorum tumor & pulsus etiam extus percipi possint, uti in multis casibus factum, ita ut pulsus, oculo perceptibilis, & dolorosissimus fuerit (b), etiam in Epigastrio & Hypochondriis, ubi Aneurysma aortam infra diaphragma obsidebat (c); immo & ab adstantibus audiri potuerit (d); cum vero nimis inveteratum malum, nullam capit medelam.

Attamen causa violenta prægressa, pectoris dolor profundus, respiratio difficilis, ad minimum motum aucta, animi deliquia, pulsus debilis, intermittens, deficiens, oedema artuum, & pulsatio interna, ab ægro percepta (e), quandoque aliquid luminis dabunt.

Semper vero cogitandum, pleraque hæc signa Aneurysmati non priva, sed & aliis morbis pectoris communia esse, ita ut etiam aliquando prudentissimos in errores ducant (f).

Pulsus in observatione HUNTERI (g) primo fuit regularis; dein sentiri non potuit, neque in brachio, neque in tempore lateris sinistri, licet nullam debilitatem, vel torporem in brachio perceperit æger: tandem rediit pulsus, nunquam vero tam fortis evasit, ut antea fuerat.

§. XII.

Signa Aneurysmatum externorum in universum censentur.

I.^o Causæ prægressæ, II.^o tumor lente crescens, & ex parvo principio ortus, III.^o pulsatio, IV.^o tumoris post pressionem dispa-

(a) Confer OOSTERDYK Schacht Inst. med. pract.; HUNTER med. obs. and inq. vol. 1. p. 147, nec non MONRO Ess. and obs. vol. 3, p. 259.

(b) Med. obs. and inq. vol. 1, p. 525. Hist. Reg. Scient. anni 1707; p. 24, nec non ibid. anni 1721, p. 29.

(c) Med. obs. ibid. p. 14.

(d) DE HAEN R. Med. part. 7, p. 260.

(e) Hist. Reg. Scient. anni 1707, pag. 23.

(f) DE HAEN R. Med. part. 1, p. 257 ad 261.

(g) Med. Obs. ibid. p. 326.

ritio, vel maxima imminutio, ejusque reditus, pressione ablata. De quibus singulatim. De Aneurysmatum Verorum Causis, jam egimus.

Tumor in plerisque Aneurysmatibus externe adest, nisi arteria valde profunde sit sita, mollis plerumque præsertim in recentibus, aliquando duriusculus, præcipue in inveteratis; in posterioribus etenim membranæ non tantum ut plurimum sunt crassiores sed & sanguis intus coagulatus, vel in polypum mutatus.

Color etiam cutis plerumque est naturalis; in inveteratis forsan magis ruber.

Pulsatio, cum pulsu arteriæ in carpo synchronica, aliquando etiam in Aneurysmatibus externis, tanta est, ut oculo facile conspici possit, uti observata docuerunt.

Hicce, si accedat quartum signum, si scilicet tumor pressione disparet, vel multum minuitur, & redit, pressione ablata, satis certo concludere possumus, Aneurysma adesse: nisi enim ultimum accedat signum, glandulas tumidas, aliosve tumores, supra arterias decurrentes, & propter ictum arteriæ, ipsis communicatum, valide aliquando pulsantes, pro Aneurysmatibus assumi possent, quod aliquando factum fuisse videtur, præsertim in cervice & jugulo (a).

Ast multum abest, quam ut hæc signa semper adessent; sæpe enim membranæ adeo sunt incrassatæ, & induratæ, sæpe sanguis intra saccum contentus, adeo coagulatus, vel polyposus, sæpe vis cordis in propellendo sanguine, adeo imminuta, ut neque pulsus percipere (b), neque tumorem retro premere quis possit.

Aliquando etiam suppuratio, in ambitu Aneurysmatis orta, efficit, ut nemo mortalium Aneurysma ab abscessu distinguere queat: hinc sæpe Aneurysmata Lanceola fuerunt aperta funesto cum eventu (c), præsertim in poplite, uti quoque, vice conversâ, abscessus aliquoties pro Aneurysmatibus habitii sunt (d).

Dubia

(a) Conf. HUNTERUM med. obs. and inq. vol. 1, p. 344; & MONROUM Ess. and obs. vol. 3, p. 281.

(b) MONR. ibid. 183, ubi pulsus in Aneurysmate poplitis, eo magis decrevit, quo magis increvit tumor: idem in arteriæ axillaris Aneurysmate ib. p. 196; pulsus vero sentiri posse, quam diu Aneurysma non sit ruptum, defendit, licet, alios contrarium putare, asserat. ibid. p. 247.

(c) MONRO ibid. p. 249.

(d) MANGETI Bibl. med. pract. tom. 1, lib. 1, p. 59.

Dubia itaque aliquando sunt signa Aneurysmatum externorum, ita ut merito celeb. DE HAEN invehat in illos Medicos, qui statim Chirurgum, cæterum satis expertum, increpant, si forte infortunio Aneurysma pro abscessu aperuerit, ac si ipsius ignorantia, vel imprudentia, illud factum fuisset.

Majori itaque jure RUYSCHIVS (a) pulsationem non pro signo Pathognomico omnium Aneurysmatum, sed plurimorum & exiguorum habuit.

Aliquando etiam Aneurysmata, simplicia, duplicia apparere, aliquando etiam locum mutare, exempla, a nobis supra allata, docuerunt (b).

PROGNOSIS ANEURYSMATIS VERI.

§. XIII.

PROGNOSIS Aneurysmatum Verorum multum differt:

I.^o Prout vel arterias majores, quarum functio absque plenaria vitæ extinctiōne destrui non licet, vel arterias minores, quæ solummodo cuidam corporis parti nutriendæ inserviunt, illudque vel solæ, vel cum aliis conjunctæ efficiunt, obsident:

II.^o Prouti sunt interna vel externa:

III.^o Prout parva sunt vel magna, recentia vel inveterata:

IV.^o Pro ratione loci, & situs relative ad partes circumjacentes:

V.^o Prouti ex causa interna, vel externa cognita, orta sunt, De quibus singulatim.

§. XIV.

Aneurysmata arcus aortæ ejusve trunci descendētis, vel rami cujusdam primarii, semper periculosissima sunt: hæc enim propter magnum sanguinis impetum, continue magis, magisque crescunt, pulsū suo vicina destruunt, partes nobiliores comprimunt, vehementer lædunt, illarumque actiones impediunt; hinc sanitatem generalem labefactando, hydropem, atrophiam, tandemque mortem inducunt; vel, subito ruptis illarum membranis, sanguinem omnem

(a) Observ. 38, p. 51.

(b) Vid. dissertationis hujus §. 4.

intra cavitates majores (a), vel ubi cum harum parietibus firmiter concreverint, disruptis, & emortuis integumentis, extra corpus effundunt, quod aliquando subito, aliquando etiam lente, & per intervalla fit, ubi scilicet crusta cutis, sphacelo affecta, & in ambitu separata, cum coagulo, quod intra Aneurysma continetur, cohæret, & sic aperturam aliquamdiu turundæ ad instar obturat, & qualibet cordis contractione extrorsum propellitur, uti observavit HUNTERUS (b) & SANDIFORTIUS (c).

§. XV.

Aneurysmata interna, licet in minoribus arteriis obtinent, propter rupturæ, & hæmorrhagiæ inde oriundæ metum; quoniam Chirurgi manibus obvia sunt, externis, cæteris paribus, multo magis sunt periculosa; minus vero, quam quæ in majoribus arteriis internis sita, propter debiliorem impetum sanguinis, lentius hinc incrementum, & minorem viscerum vitalium compressionem.

Periculum itaque etiam in his indicandum, si modo cognosci queant.

§. XVI.

Parva, & recentia Aneurysmata indolentia, in externis partibus sita, & quæ digiti pressioni cedunt, minoris sunt periculi, partim quoniam, sibi relicta, aliquando per triginta annos hæsisse absque vitæ discrimine, experientia docuit (d); partim, quoniam semper, si crescunt, compressione, vel secus ligatura sanari possunt.

§. XVII.

Multum etiam differre periculum pro ratione loci & situs, respectu partium circumjacentium, facile percipit, qui considerat, quantopere Aneurysmata mole sua partes circumjacentes, pulmones, cor, cætera viscera, asperam arteriam, arterias, nervosque, & ossa vicina comprimunt, hujusque compressionis sequelas sibi ob oculos sistit.

Sic v. g. Aneurysma arteriæ subclaviæ a Dno. MALLOET (e)

(a) MORCAGN. de sed. & caus. morb. epist. 17, art. 14.

(b) Med. obs. and inq. vol. 1, p. 339.

(c) Heel en Ontleedkund. Vern. p. 13.

(d) Vid. LANCET. l. c. p. 230. V. p. 30 hujus editionis.

(e) Vid. diff. hujus §. 4.

observatum, asperam arteriam sensim erodendo, hæmoptoën lethalem produxit.

Sic Aneurysma in Carotide observatum, asperam arteriam comprimendo, ægrum strangulavit (a). Sic denique saccus aneurysmaticus, ex arteria axillari ortus, & juxta arteriam brachialem longe descendens, arteriam eandem adeo compresserat, ut per longitudinem dimidii pollicis penitus concreta post mortem inventa fuerit (b).

§. XVIII.

Si Aneurysma Verum, nulla causa externa cognita, sponte subortum sit, metus est ne plura in eodem corpore latent (c).

Addimus denique, lethalia vulgo haberi in iis, qui a Lue Venerea curari volunt (d).

ANEURYSMATUM VERORUM CURATIO.

§. XIX.

DUPLEX Aneurysmatis Veri curandi methodus est; vel Radicalis, vel Palliativa.

Radicalis iterum duplici modo peragitur, compressione scilicet, vel operatione chirurgica.

§. XX.

Prior methodus raro usu venit; tentari tamen potest in Aneurysmatibus parvis, recentibus, mollibus, indolentibus, osse bene suffultis, antequam ad operationem chirurgicam progrediamur.

Splenia, liquoribus adstringentibus, & discutientibus madida, Aneurysmatibus firmiter sunt applicanda.

In quem usum varia excogitata sunt instrumenta; simplicissima vero methodus reliquis præstare videtur.

Interim sanguinis impetus Venæ Sectionibus, & diætâ tenuissima, & refrigerantē est infringendus; Causa Venerea, vel Scorbutica, si adest, idoneis medicamentis tollenda.

(a) VAN LERUWEN diss. de Aneurysmate vero, p. 14.

(b) MONRO Ess. and obs. vol. 3, p. 196.

(c) MONRO ibid. p. 220; vid. quoque quæ §. 4. ex eodem annotavimus.

(d) Teite MANGITO Bibl. med. pract. tom. 1, lib. 1, p. 60.

Hæc methodo, si fides LANCISIO aliisque Practicis, Aneurysmata Vera in initio aliquando fuere sanata.

§. XXI.

Hæc vero curatio in majoribus periculosissima est, partim quoniam coagula, quæ intus latent, in sanguinem reducuntur, & sic plenariam arteriæ obstructionem producere possunt, partim quoniam hæc Aneurysmata, quo magis comprimuntur, eo magis extenuantur, & præterea in uno loco compressa, in alio loco magis extenduntur, & sic citius etiam rupturam agunt, uti experientia LANCISIVM (a), HUNTERUM (b), MONROUM (c); aliosque docuit.

Hinc tenuiores semper inveniuntur majorum Aneurysmatum membranæ, illis in locis, ubi sacculus ossibus fuerit suffultus, immo & ibidem sæpius penitus destructæ, repertæ sunt.

Tutius itaque est, inprimis, si tumor increfcit & dolorosus fit, ad operationem chirurgicam procedere, quæ simplicissima est.

Applicato scilicet torculari supra Aneurysma ad locum aptum, & denudato sacco aneurysmatico, arteria, & supra & infra sacculum ligatur, cavendo, ne nervus simul ligetur, quod defectum in motu brachii post sanationem vulneris adferre posset (d). Dein sacculus aperitur, & coagula, quæ intus delitefcunt, auferuntur. Si forsan orificium alicujus rami anastomotici, in ipsa Cystide apparet, quod, laxata cochlea torcularis, percipitur, impediendum, ne sanguis per ipsum effluat, quod fieri potest, vel compressione cum agarico v. g. vel linteo carpto; vel nova ligatura quod tutissimum.

Applicetur denique deligatio, & curetur ut vulnus.

§. XXII.

Operatio hæc usu venire potest in omnibus arteriis minoribus; in arteria radiali, ulnari, tibiali, fibulari, etiam in brachiali supra divisionem in cubitu: notum enim est ramum anastomicum, ex arteria brachiali tribus fere digitis transversis supra divisionem in radialem & ulnarem ortum, retrorsum circa cubitum flecti, & arteriæ

(a) Lib. 2, propof. 27, p. 248.

(b) Med. obs. and inq. vol. 1, p. 343. Conf. ibid. vol. 3, p. 26.

(c) Med. Ess. and obs. vol. 1, p. 275.

(d) MONRO Ess. and obs. vol. 3, p. 276.

radiali iterum inferi (a). Dantur etiam rami anastomotici, ex superiore arteriæ cruralis parte orti, qui per adductores magnos femoris penetrant in posteriora, inferiori parti arteriæ cruralis inferi (b), qui hanc operationem in femore possibilem reddunt: experientia enim docuit, ramos anastomoticos post operationem, multipere dilatatos fuisse.

Forſan longe etiam altius in femore & brachio, cum ſucceſſu operatio inſtitui poſſet, uti experimenta eviſiſſe videntur, de quibus plura capite ſequenti, memorabimus. Prudentia ſaltem ſuadet, non ſtatim ad amputationem eſſe progrediendum, ubi Aneurysma nimis alte ſitum videtur, quam ut membrum poſt operationem nutrirī poſſit; ſed operationem inſtituendam eſſe, & expeſtandum, quid de membro fiat, quandoquidem natura in quibusdam caſibus valet, quod a priori nemo mortalium, licet perſpicaciſſimus, augurari poruiſſet. Operatio hæc præterea inſtitui poſſe videtur in arteria Carotide, ubi neceſſitas urget, licet infelici ſucceſſu perterritus, illam diſſuaſerit LANCISIUS (c): vidit enim SWIETENIUS (d) canem omnino ſanum, quamquam ambæ arteriæ Carotides per duodecim dies, & venæ Jugulares per quatuor ligatæ fuiſſent, & ſexto capite cerebrum nullo modo mutatum. Verbo in omnibus arteriis minoribus cum ſucceſſu inſtitui poſſet.

§. XXIII.

Si vero Aneurysmata ita ſunt ſita, ut manui chirurgicæ aditum; non concedant, vel abſque vitæ periculo ligari nequeant, cura palliativa eſt inſtituenda.

Venæ ſectiōibus iteratis, diætā tenuiſſima, medicamentiſcoppotivis, ſanguinis viſ ita eſt moderanda, ut ſaccus aneurysmaticus quam leniſſime increſcat.

Dolor præterea opiatis lenioribus ſedandus, & reliqua ſymptomata idoneis remediis ſunt mitiganda.

Quæ, quantum aliquando contribuere poſſint ad vitam protrahendam,

(a) Vid. celeb. CAMPERI demonſt. anat. pathol. brachii tab. 1, n.º 8, 10, 11, 14.

(b) Vid. EUSTACH. tab. 24, litt. G. M.

(c) L. c. p. 222. V. hujus editionis p. 23.

(d) Comment. tom. 1, pag. 266; conf. expertiſſimi STOLTE diſſert. de morte ſuſpenſorum pag. 38.

hendam & commodiorem reddendam, constare potest ex observationibus celeb. DE HAEN (a).

Ubi vero extus tumor apparet & periculum instantis rupturæ adest, compressione, vita aliquando per aliquot dies potest prolongari (b).

Et hæc quidem præcipua sunt, in talibus casibus, artis auxilia: vix enim credibile est, Aneurysma, in magna arteria semel formatum, repetitis venæ sectionibus, & diu protracta inedia, corpore lente ad illam perferendam assuesfacto, ad plenariam sanationem pertingere posse, licet experimenta VALSALVÆ (c) illud evicisse videantur.

S E C T I O A L T E R A. D E A N E U R Y S M A T E S P U R I O.

§. I.

ADGREDIOR alteram morbi speciem, quam, a priori licet toto cælo diversam, eodem tamen nomine insignire placuit Eruditis. In hujus descriptione, & curatione tanto brevior esse potero, quanto plura, quæ in ipsius tractatione occurrunt, ad generaliora, vulnorum, & hæmorrhagiarum, doctrinæ medicæ capita sunt referenda.

MORBI DEFINITIO ET DIVISIO.

§. II.

EST scilicet Aneurysma Spurium nihil aliud, quam tumor, a sanguinis effusione, ex arteriæ vulnere vel ruptura, sub cute excitatus.

Pater itaque, Aneurysmata Spuria non vocari arteriarum majorum internarum vulnera, vel rupturas, utpote in quibus sanguis effusus non sub cute hæret, neque ullam a Chirurgi manu accipiunt medelam.

§. III.

Dividitur in Circumscriptum & Diffusum (d), quorum primum

(a) Rat. med. part. 5, pag. 90, 91, 92.

(b) MONRO Ess. and obs. vol. 3, p. 260; vid. & SANDIF. Heel en Ontleedk. Verh. p. 13.

(c) MORGAGN. de sed. & caus. morb. epist. 17, art. 31.

(d) HUNTER med. obs. and inq. vol. 1, p. 337.

vocatur, ubi sanguis effusus intra saccum, a cellulosa condensata limitatum, continetur; alterum, ubi sanguis extravasatus per omnem fere cellulosam subcutaneam dispergitur, perque muscutorum diffipimenta alte penetrat.

Dividitur porro in Primitivum, & Consecutivum a FOUBERTO (a). Primum vocat, quando mox post vulnus, sanguis juxta fasciculum vasorum in tunicam cellulosam effunditur; alterum, quod oritur aliquot dies post vulnus arteriæ inflatum, si scilicet compressio non fuit diu continuata: tum enim thrombus, antea formatus, ex vulnere iterum exit.

ANEURYSMATIS SPURII CAUSÆ ET SEDES.

§. IV.

ORIUNTUR plerumque ex vulnere, arteriæ indulto, imprimis ope instrumenti acutissimi & quod cuti tantummodo plagam exigua, ipsius Elasticitate facile occludendum, insert: obtusioribus enim instrumentis arteriæ facilius cedunt, & plagæ majores sanguini liberum exitum concedunt.

Hinc post arterias brachiales in Venæ Sectione imprudenter læsas, & post vulnera, ense pungendo inflata, frequenter occurrunt.

Aliquando etiam originem ducunt ex Aneurysmate Vero, propter nimiam distensionem, erosionem, vel quamcumque aliam causam, rupto.

Hujus exempla duo profert MONROUS (b), unum erat in arteria Poplitea; alterum in Crurali.

Denique quandoque arteriæ, licet non dilatatae, rupturam agunt, ex lapsu, validiori nixu, vel nimis vehementi exercitio, vel iisdem acrimonia quacumque erosio (c).

Vidit expertissimus ELSE (d) arteriam aortam in ipsius arcu duplici in loco ruptam; & arteriam cruralem ex lapsu ruptam, adeo ut femur amputatione auferri debuerit, observavit MONROUS (e).

(a) Mém. de l'Acad. Royale de Chir. tom. 2, p. 335.

(b) Ess. and obs. vol. 3, p. 212 & 215. confer LANCISIUM de mot. cord. & aneur. pag. 268. V. p. 64 hujus editionis.

(c) Ibid. Ess. and obs. p. 269.

(d) Med. obs. and inq. vol. 3, p. 177.

(e) Ess. and obs. ibid. p. 271.

S. V.

Ratio cur aliquando oriatur Aneurysma Circumscriptum, licet cellulosa subcutanea omnis inter se communicet, videtur consistere in parvitate vulneris arteriæ, & lenta sanguinis exstillatione. Hinc sæpe quoque oritur, ubi arteria læsa, primo compressa fuit, ut vulnus externum sanetur, vel ubi arteria non tota perfecta, vulnere externo sanato, rumpitur (a).

S. VI.

Aneurysmatum spuriorum sedes est ubique per totum corpus, ubi arteriæ, sub cute decurrunt, vel etiam alius juxta ossa serpunt.

Omnium vero frequentissime occurrunt in brachio post Venæ Sectionem imprudenter institutam; in genere frequenter in arteriis extremitatum; rarius in cæteris partibus.

In arteria Aorta inter Emulgentem & Mesentericam inferiorem Aneurysma Spurium circumscriptum vidit PRINGELIUS (b). Arteria aperturam habebat, pollicem facile admittentem, quæ ducebat intra Saccum, ex compacta cellulosa efformatum.

In pene Aneurysma Spurium vidit celeb. B. S. ALBINUS (c).

ANEURYSMATIS SPURII SYMPTOMATA ET SIGNA.

S. VII.

SIMULAC arteria aperta sanguinem sub cute fundit, membrum sensim magis & magis intumescit, tumore æquabili, ad tactum molli, sensim duriori id est magis tenso dolorifico: cutis plerumque colorem mutat in obscurum sublividum diversum ab ecchymosi vel contusione. Si diutius pergit sanguinis effusio, omnes membri partes comprimuntur, arteriæ, venæ, nervi: hinc circulatio imminuitur, tandem cessat, & sanguis extravasatus stagnans, putrescit. Hinc gangræna, & sphacelus, ni succuratur, ægro necessario imminet.

S. VIII.

(a) MONR. Ess. and obs. ibid. p. 268.

(b) Ibid. p. 206.

(c) Annotat. acad. lib. 3.

§. VIII.

Hæc in Aneurysmate Diffuso obtinent; non vero in Circumscripto, cujus symptomata, & formationis modus conveniunt cum Aneurysmate Vero.

§. IX.

Signa tum ex prægressis causis, tum quoque ex Symptomatibus concomitantibus eruuntur.

Distinguitur facilius Diffusum quam Circumscriptum: ultimum enim ab Aneurysmate Vero, nisi constiterit arteriam antea in ejus cavum fuisse sauciatam, internosci non potest. Hinc sæpius pro Veris habita fuerunt; licet experientia dein docuerit, aperto tumore, arteriam non dilatatam, vulnere apertam, libere intra saccum, ex cellulosa compacta formatum, & sanguine repletum, contentam fuisse (a).

Pulsatio in Aneurysmatibus Diffusis vix, vel non sentitur, nisi forsan prope Arteriæ aperturam (b). In Circumscripto ut in Aneurysmate Vero, pulsatio aliquando satis fortis est, alias debilior, quandoque non perceptibilis (c). Sin vero recens, & sanguis adhuc fluidus sit, tum compresso tumore, sanguis cum strepitu intra arteriam redit (d). Prudens tamen semper sit Chirurgus in prædictione, quum etiam interdum tumor, cum aliqua pulsatione, ex venarum ecchymosi oriri possit, notante LANCISIO (e), & confirmante Expertissimo ELSE (f).

P R O G N O S I S.

§. X.

PERICULUM mukum differt, prout Arteria major vel minor sit adfecta, prout truncus, vel ramus: quandoquidem truncus ligari

(a) Est. and obs. vol. 3, p. 269, de HAEN Rat. Med. part. 7, p. 230.

(b) Med. obs. and inq. vol. 2, p. 117.

(c) Est. and obs. ibid. p. 261, de HAEN Rat. Med. l. c.

(d) LE DRAN Operatien der Heelkonst p. 387, sed idem in vero locum habet notante eodem l. c. p. 381.

(e) De Mor. Cord. & Aneur. Prop. 12.

(f) Med. obs. and inq. vol. 3, p. 170 & seqq.

H h h h

non potest absque Gangrænæ metu; ramo vero ligato, cæteri rami, anastomosibus dilatatis, ipsius vices supplent.

Differt etiam periculum pro loco, in quo arteria sit sita, an scilicet arteria manibus Chirurgi obvia, facile ligari possit, num vero minus. Tum quoque, prouti vulnus majus est, vel minus; licet in eadem arteria: quo enim minus est, eo major ipsius consolidationis spes est.

Multum etiam refert, an arteria parva, ossibus suffulta, comprimi possit; num vero secus.

Discrimen semper majus datur in Aneurysmate Diffuso, quam Circumscripto, propter metum instantis Gangrænæ & sphaceli: omnia itaque artis auxilia ilico in illis sunt adhibenda, dum in his periculum non adeo est in mora, & quandoque sola compressione sanantur.

CURATIO.

§. XI.

TRIPLEX imprimis curandi Methodus a LANCISIO in eximio opere de Motu Cordis & Aneurysmatibus describitur, tum quoque a recentioribus plerisque adoptatur.

Prima est compressio; altera arteriæ vulneratæ denudatio, & stypticorum ipsi vulneri applicatio; tertia est ligatura.

Hunc quoque ordinem sequemur; addemus vero novam, a LAMBERTO inventam, Aneurysmatum spuriorum curandi methodum; quid de ea censendum experimentis indagaturi.

COMPRESSIO.

§. XII.

POSSE Arteriarum Vulnere Compressione sanari, eodem modo uti Venæ, patet, primo ex Arteriotome, in arteria Temporalis toties cum successu instituta: secundo ex variis observationibus de Arteria Brachiali in Venæ Sectionis operatione infelicitè sæpius læsa, & compressione sanata (a).

(a) MONR. Ess. and obs. vol. 3, p. 279; CONF. HILDAN. Cent. 3, obs. 44; TULP. ib. 4, cap. 17; l'Acad. R. de Chir. tom. 2, p. 541.

§. XIII.

Itaque ubi *Vulnus arteriæ parvum est*, recens, nec multum sanguinis extravasati; vel ubi *Aneurysmatis Spurii circumscripti tumor digitis cedit*, & compressione evanescit, hæc curandi Methodus tentari potest.

§. XIV.

Compressionem in initio pollicis, & digiti indicis ope a Chirurgo ministro perficiendam præfert LANCISIUS (a): quoniam sic a latere arteriæ labia ad se invicem adducuntur; scopus itaque ejus fuisse videtur labiorum *Vulneris arteriæ coalitio*.

Instrumentum quoque in Gallia inventum describit, & aliud, quod nondum in lucem erat editum, denique tertium, a NUCKIO exhibitum. Dein fasciam, lamina plumbea instructam, applicandam suadet, & diu retinendam, etiam per annum, & ultra; quoniam tali modo plures curatos novit, & alios, qui, rejecta nimis subito fascia, deinceps in Aneurysma inciderunt. Venæ Sectionem interea repetitam magnæ existimat efficaciæ ad sanguinis impetum infringendum.

Hæc methodus satis est bona, & a recentioribus in univ. secuta; interim, qui plura instrumenta, in hanc rem excogitata cognoscere cupit, adeat HEISTERUM & ULHORNIIUM.

§. XV.

Sanatione compressionis ope peracta, ægris dein mortuis, thrombum admodum solidum, cum incumbentibus concretum, in ipso arteriæ vulnere rotundo, semper invenit Expertissimus FOUBERT (b).

In Portugallia Aneurysmata Spuria Circumscripta recentia sanant, applicata diu glacie, teste MONROO (c).

ARTERIÆ DENUDATIO ET STYPTICORUM APPLICATIO.

§. XVI.

SI vero Aneurysmata Spuria Circumscripta nimis sunt magna, vel in Diffusis nimia sanguinis quantitas extravasata est, vel denique

(a) Ibid. l. c. Prop. 11.

(b) Mem. de l'Acad. R. de Chir. tom. 3, p. 348 & 344.

(c) Ed. and obs. ibid. p. 273.

compressio externa frustra tentata fuit, alia curandi methodus in usum erit vocanda.

Ut vero sanatio alicujus partis ejus destructione semper præstantior est, sic vulneris arteriæ coalitio ejus ligaturæ longe est anteferenda.

§. XVII.

Igitur, ubi vulnus arteriæ est parvum & ipsa arteria minoris diametri, applicato torculari, sanguinis impetus est infringendus. Tum apertis integumentis, sanguis coagulatus est educendus, & arteria denudanda.

Dein, laxato torculari, ut observetur vulneris locus, mox iterum constrictio, imponantur vulneri globuli, pisi magnitudinis, ex Vitriolo Cyprino ad albedinem Calcinato, gossypio probe involuti; postea pulvis ex Thure & Colophonia inspergatur vulneri, & repleatur porro vulnus plumaceolis, Unguento Digestivo illinitis; retineantur denique hæc omnia fascia, probe accommodata.

Notandum in deligatione Vulneris, globulos Vulneri arteriæ proximos, tamdiu relinquendos esse, donec sponte decendant.

§. XVIII.

Hæc methodus ETMULLERI est a LANCISIO descripta (a); deinceps vero, a Dno. BROSSARD invento specifico ad hæmorrhagias sistendas, Agarico scilicet pedis equini facie, seu Fungo Igniario, qui crescit in quercu, mense Augusti collecto, cortice duriori orbato, dein mallei istibus emollito (b). Hæc methodus ubique fuit adhibita; neque absque successo (c), etiam in ipsis arteriarum truncis (d).

§. XIX.

Operæ vero pretium erit huc transferre, quæ de historia hujus methodi, erudite differit Cl. de HAEN (e).

(a) Ibid. Prop. 14.

(b) Mem. de l'Acad. R. de Chir. tom. 2, p. 225.

(c) Ibid.

(d) de HAEN R. Med. tom. 1, p. 266; Ibidem part 7, p. 233 & 234.

(e) Ibid. p. 264.

» Igitur compressio arteriæ pertusæ celebrata Veteribus, feliciter
 » peracta a SCULTETO anno 1631, primo compressione trunci, tum
 » spongia usta, adstringentissimo pulvere adpersa, ad Vulnus arteriæ
 » admota, dein conveniente ligatura firmata, dein artificiose excogi-
 » tato instrumento, quod ipse Dnus MORAND tom. 2, aët. Acad.
 » Chir. impense laudat, adpressa, hæc inquam compressio a DIO-
 » NISIO, ab HEISTERO aliisque commendata; dein a Cl. HAMBER-
 » GERO anno 1731 facta, & 1732-promulgata; anno 1732 a FOU-
 » BERTO primum Parisiis instituta quidem, at vero non nisi 21 post-
 » modum annis cum publico communicata est. Interea temporis
 » Cl. TREW bis hanc curam perfecit, longe antequam ille Academiæ
 » Parisiensis tomus secundus in lucem prodiret.

§. XX.

Dnus FOUBERT hanc methodum solummodo in vulneribus trunci
 arteriæ adhibet, ramos vero ligatura curat (a), cujus rationem non
 perspicit Cl. de HAEN (b).

Suspicio vero ideo illud factum fuisse, quod ligatura, satis tuto
 arteriæ ramis applicanda, certior sit methodus, quæ tamen in truncis
 magis periculosa, hinc priori methodo, si succedat, in his erit post-
 ponenda.

L I G A T U R A.

§. XXI.

V ERUM enim vero, ubi arteriæ Vulnus nimis magnum est, quam
 ut prioribus methodis sanguinis effluxus sisti queat, vel etiam hæ
 Methodi incassum fuerint tentatæ, sensu tamen & motu membri
 adhuc superstitie, nihil superest quam arteriæ ligatio, quæ sequenti
 modo peragitur.

§. XXII.

Applicato torculari, cutis, cæteraque integumenta inciduntur juxta
 arteriæ longitudinem, sanguis coagulatus tollitur, & arteria denudatur.

(a) Mém. de l'Acad. R. de Chir. tom. 2, p. 517.

(b) Rat. Med. vol. 1, part. 1, pag. 264.

Dein laxato torculari, ut vulnus in conspectum prodeat, & mox iterum adducto, duo fila ope acus incurvæ obtusioris demittuntur infra arteriam, & unum supra, atque alterum infra vulnus ligatur. His factis impletur vulnus plumaceolis, & laxæ (a) deligatur.

§. XXIII.

Ligato sic ramo arteriæ cujusdam, experientia docuit, alium ramum, qui ad idem membrum tendit, tum quoque ramos anastomoticos, dilatari ita, ut pulsus, qui per aliquot dies in arteria ligata infra vulnus sentiri non potuit, dein sensim redeat, & calorem, motum, & nutritionem membro restituat.

Idem quoque fieri posse videtur, si arteria Brachialis parum supra ejus divisionem in Radialem & Ulnarem ligetur, propter ramum anastomoticum, de quo locuti sumus §. 22. Sectionis præcedentis.

§. XXIV.

Sed an non etiam majoribus truncis ligatura applicari posset? experientia utique illud evicisse videtur.

Post ligatum enim arteriæ Brachialis truncum, licet pulsus in carpo non statim perciperetur, altero, tertio, quartove die tamen ipsum rediisse, & ægrum deinceps omnem membri usum recepisse constat (b).

Arteriæ cruralis vulnera, membro superstitie, sæpius ligatura fuere sanata (c); etiam in nostris experimentis; in cane etenim ligavimus arteriam cruralem non longe a Ligamento Fallopii, & membri usum ita recepit, ut nil contigisse videretur: altero etiam ab operatione die, quod magis mirandum, jam utroque crure insistebat.

De ligatura arteriæ Carotidis locuti jam fuimus in sectionis præcedentis §. 23.

§. XXV.

Hanc, licet negari non possit aliquando non caruisse successu, nihilominus verum est, sæpius etiam post arteriarum ligaturam,

(a) LE DRAN *Opération der Heelk.* p. 391.

(b) *Eff. and obs.* vol. 3, p. 277.

(c) DE HAEN *R. Med. part. 7*, p. 236; *Eff. and obs.* vol. 3, p. 266; *Med. obs. and inq.* vol. 3, p. 106; & *ibid.* p. 109, ubi suspicio erat venam Cruralem etiam simul ligatam fuisse.

gangrenam & sphacelum ortum fuisse. Quæ, cum considerasset Dns LAMBERT (a) postquam ter operationem Aneurysmatis institutam viderat, & in uno ægrorum dolorem, tumorem, & inflammationem, adeo vehementem, observaverat, ut Gangrenæ metum induceret, omnibus adhibitis artis auxiliis, suppuratione oborta, feliciter quidem averfa, ita tamen, ut æger, sanatus, brachium debile cum pulsu multo debiliore, quam in altero brachio exinde retinuerit. Postquam denique diu penſitaverat naturæ methodum in sanandis vulneribus, artisque auxilium in uniendis labiis Leporinis, & in equorum venis fectis consolidandis, tandem incidit in novam Aneurysmata curandi methodum. Cogitabat scilicet, an non eadem methodus, quam adhibemus in sanandis labiis Leporinis, in arteriis fauciatibus cum successu institui posset.

Communicavit hanc methodum cum Dno HALLOWEL, qui anno 1759 15 Junii, occasione oblata, experimentum in homine, cujus arteria, loco Venæ in brachio læsa fuerat, instituit, ea cum præcautione, ut duplex filum, unum infra, alterum supra vulnus sub arteria demitteret, ita ut, si forſan nova methodus successu careret, omni momento, ligaturam instituere posset.

Hoc factò, acum chalybeam, tenuem, quarta parte pollicis non longiorem, trajecerunt per labia vulneris arteriæ, & circumligato filo, uti in labio Leporino firmarunt, eo cum successu, ut hæmorrhagia statim fuerit suppressa.

Ægro interim in lecto deposito, quies fuit commendata. Quarta die post operationem vulnus prima vice detectum optime se habebat. Acus cum apparatu sponte decidit die decimo quarto post operationem; die vigesimo secundo vulnus erat sanatum, exceptis iis vulnufculis, quæ fila, præcautionis gratia applicata continebant, quæ setaceorum adinſtar mobilia erant.

His vero remotis, vulnus intra paucos dies perfectè cicatrice obductum fuit, & die quadragesimo secundo post operationem æger integre sanatus, ex Noſocomio exiit, cum pulsu in brachio parum debiliore, quam in altero brachio.

Inventum illud mihi tanti momenti viſum fuit, ut amputationes multas eo præcaveri poſſe ſuſpicarer; inſcius autem quid in tali vul-

(a) Vid. LAMBERT a new method of traecting an Aneurysme, med. obſ. and inq. vol. 2, pag. 360 & ſeqq.

nere, eo modo coalito, contingeret, experimenta nonnulla in canibus instituere decrevi; quorum historiam hic subjungam.

§. XXVI.

Experimentum primum. Iphis calendis Februarii 1772, in cane femella juniore, præsentibus Amicis Expertissimis BUSCH & ALLARDI Medicinæ Doctores, arteriam cruralem dextram ad distantiam unius circiter pollicis infra ligamentum FALLOPPII, lanceolæ ope incidimus, acicula tenuiori chalybea (quo certius essemus de ligaturæ possibilitate) per arteriam prius demissa. Incisa arteria, sanguis cum saltu ad unius pedis altitudinem profiliebat.

Filo cera obducto, labia arteriæ ad se invicem adduximus eodem modo, quo in Labii leporini operatione uti solent.

His factis ne gutta quidem sanguinis per arteriæ vulnus effluebat. Systole & Diastole etiam infra arteriæ vulnus admodum erant conspicuæ. Linteum carptum, vino rubro madidum vulnere imposuimus, atque fascia communi splenium super impositum firmavimus, animalque pedibus ligatis quieti commisimus.

Tertio die deligatio ex nimio motu animalis delapsa erat; acicula vero adhucdum in vulnere conspicua, filoque circumducta. Nulla aderat hæmorrhagia. Vulnus purissimum erat, aciculæ vero punctura tantum excitabat dolorem, ut pede Vulnerato animal insistere non potuerit.

Quarto die, omnia in eodem statu erant.

Quinto die acicula ex arteriæ vulnere erat elapsa, & vulneris labia admodum turgida erant.

Sexto die pede jam insistere potuit animal.

Octavo die vulnus multo minus, admodum purum, neque doloris ullum aderat indicium.

Undecimo die Vulnus cicatrice erat obductum.

§. XXVII.

Experimentum secundum. Die 15 ejusdem mensis, in prædictæ canis arteria crurali sinistra præsentibus Cl. MUNNICKS Anatomes & Chirurgiæ in hac Academia Professore, nec non amicis BUSCH, ALLARDI,

ALLARDI, KEUCHENIO ac dexterrimo Chirurgo QUÆSTIO, operationem modo antea præscripto repetivimus.

Altero die animal satis bene se habebat; deligatio nondum lapsa erat.

Die post operationem quarto, deligationem sustulimus, ut vulnus inspicere possemus. Vulnus satis erat purum, a priori in eo diversum, quod paululum sanguinis, non coagulati, in ejus fundo apparebat; in fundo vulneris aciculam non deprehendere potuimus, deligationem denuo injecimus.

Die Sexto Vulnus fere sanatum.

Die Nono Vulnus, jam cicatrice obductum invenimus.

§. XXVIII.

Experimentum tertium. Die 30 Aprilis de novo experimentum in cane femella instituere voluimus. Hinc methodo antea descripta incidimus arteriam cruralem, eodem in loco, quo in experimento primo; vulnus vero propter motum canis non in loco arteriæ, per quem acicula erat demissa, sed infra illum fuit inflicta, ita ut canis brevi ex hæmorrhagia mortua fuisset.

Hinc judicavimus præstare, arteriam infra & supra vulnus ligare, quam animal forti suæ relinquere, visuri, quid natura efficeret. Quo peracto, inposuimus linteum carptum, & applicavimus fasciam.

Altero die canis optime sese habebat, & pede vulnerato insistere jam potuit. Dein de die in diem validior evasit, vulnusque subito fuit sanatum.

Per aliquot tempus animal servavi, ut postea inciderem; sed doleo admodum, canem clam aufugisse.

§. XXIX.

Experimentum quartum. Eodem die, in altero cane experimentum cum acicula methodo Lambertiana repetivimus, optimo initio cum successu, ita ut diebus sequentibus duobus præterlapsis, nulla adhuc hæmorrhagia orta fuerit; tertio vero die canis fasciam decerpit, & vulnus continue lambendo, acum ex arteriæ vulnere extraxit unde hæmorrhagia lethalis secuta fuit.

EFFECTUS HORUM EXPERIMENTORUM.

§. XXX.

DIE 26 Aprilis 1772, canem prædictam suspendio necatam, anatomico subjecimus cultro, præsentibus amicis BUSCH, ALLARDI, QUÆSTIO, BECKERING & P. DRIESSEN.

Prius crus dextrum, dein sinistrum incidimus. Cicatrices tam pulchræ erant, ut vix percipi possent. Apertis integumentis, arterias denudavimus, vidimusque easdem in loco, cui futura applicata fuerat, admodum angustatas. Musculi, nervi, & vasa etiam firmiter ibi inter se cohærebant. Incidimus dein abdomen, ut arteriæ Iliacæ in conspectum prodirent, quas inflavimus; aërem vero non ulterius, quam ad locum, per quem acus fuerat transacta, penetrasse vidimus; qui tamen ramos anastomoticos, uti videbatur dilatatos, facile intrabat: in utroque enim crure, ramus anastomoticus supra locum operationis ex arteria crurali oriebatur, qui introsum & oblique deorsum descendebat, quem ob exilitatem in cane hac ulterius examinare non potuimus. Inprimis etiam notandum, aërem inflatum in Iliacam arteriam, licet per cruralem transire non posset, tamen exiisse ex arteria eadem læsa infra locum, ubi concreta erat, quod certe per ramum unum alterumve anastomoticum factum fuit.

His nondum contenti, specillo quoque tentare voluimus, an arteriæ re vera essent coalitæ, hinc immisimus specillum Anellianum tenue, & manifestam resistentiâ percepimus, simul ac ad locum, ubi arteriæ erant angustatæ perventum erat, ita ut ulterius specillum, in utriusque lateris arteriam, propellere non potuerimus, quod tamen facile ramum anastomoticum ingrediebatur.

Quo loco arteria vulnerata fuerat, tuberculum efformabat oblongum, duriusculum, cicatricis arteriæ, ut videbatur, reliquium. Inde versus inferiora, totus canalis multo erat angustior, & adeo contractus, ut fere dispareret.

C O N C L U S I O.

§. XXXI.

Ex nostris itaque experimentis, summa cum prudentia institutis, concludendum esse puto Operationem LAMBERTIANAM ligaturæ non

præstantiorem esse; sed minus certam & minus tutam; atque si succedit nullo alio modo, quam arteriæ coalitionem, & quidem per satis longum tractum, inducendo, hæmorrhagiam sistere, nihil itaque magis, quam ipsa ligatura efficere; sin minus, hæmorrhagiæ lethali ansam dare; uti quoque nostris in experimentis experti fuimus. Quum e contrario ligatura, recte instituta, novæ hæmorrhagiæ periculis adeo obnoxia non sit.

Neque dubitamus, quin in operatione, de qua memorat Dnus LAMBERT, eadem arteriæ coalitio locum habuerit; eo magis, quoniam in nostris experimentis ratione etiam habita exilitatis arteriæ, vulnus tantum exiguum fuerit.

Ne quis objiciat, nos diametrum arteriæ, futuram inferendo, plenario occludisse, vel nimium constrinxisse: acus enim subtilissima fuit, & ante vulnus inflatum demissa, ut tam parvam arteriæ partem, quam modo possibile erat, interciperemus; dein vulnus ope lanceolæ, qua cum venam secant, fuit inductum tantummodo minimum; porro filo tenuissimo, acui circumvoluto labia vulneris ad se invicem adducta fuere, neque magis, quam necesse erat adstricta; denique arteriam, post futuram applicatam, & hæmorrhagiam suppressam, neque minus distincta, neque minus fortia, infra, quam supra futuræ locum, diastoles, & systoles signa dedisse, vidimus.

Deligatio præterea ex industria satis laxè fuit applicata, atque hinc in primo experimento, tertio jam die delapsa; neque potuit facile nimis fuisse stricta: qui enim unquam in animalibus experimenta instituit, ipsi procul dubio, non potuit non fuisse perspectum, quam difficile sit in his animalibus, præsertim eo in loco, quo experimenta nostra instituta sunt, fascias firmiter injicere, deligationemque retinere.

SECTIO TERTIA.

DE ANEURYSMATE VENOSO. MORBI DEFINITIO.

UBI ORIATUR, ET A QUIBUS OBSERVATUS.

§. I.

EST denique tertia Aneurysmatis species, quam venosam, vel cum Doctissimo CLEGHORNIO, varicem Aneurysmaticam non immerito appellare liceret; est enim tumor in venis cum corde synchronice pulsans.

Accidit nimirum aliquando, Chirurgum, dum venam Medianam fecat, nimis alte lanceolam dimittere, ita, ut ejus apex, non tantum venam ingrediatur, sed & eandem ab opposito latere perforet, arteriamque, venæ suppositam, & ope tunicæ cellulosæ cum ea nexam, in ejus cavum usque profunde fauciat.

Sanguis itaque per arteriam adductus, in venam transit, & cum sanguine venoso, antequam corporis partibus debita nutritionis, vitæ conservationis, & quæ cetera a vitali latice pendent, munia, præstiterit, ad fontem suam reducit.

§. II.

Locus, quo morbus ut plurimum occurrit, est in brachio, post secam venam, uti ajunt Basilicam (*a*); puto Medianam quæ arteriæ Radiali incumbit, mox supra illum locum, quo hæc in duos ramos Radialem scilicet & Ulnarem dividitur (*b*): vena etenim Basilica a latere arteriæ Brachialis decurrit, & satis ab eadem distat (*c*).

Hæc, licet frequentior hujus Aneurysmatis sedes sit, nihil tamen impedit, quo minus in aliis quoque partibus, in quibus Venæ supra arterias decurrunt, post vulnus inflictum oriri possent.

§. III.

Talium Aneurysmatum mentionem primum injecit HUNTERUS (*d*), dein duas observationes exhibuit, eorumque historiam ulterius elaboravit (*e*).

Exstat quoque casus a CLEGHORNIO descriptus de simili Aneurysmatis specie (*f*); tum quoque ab Expertissimo ELSIO (*g*), WHITTO (*h*), & denique ab Expertissimo ARMIGER (*i*); quorum observata optime conveniunt, paucis circumstantiis exceptis.

(*a*) Med. obs. and inq. vol. 1, p. 140, & ibid. vol. 3, p. 111.

(*b*) Celeberr. CAMPERI Demonst. Anatom. pathol. part. 1, tab. 2, fig. 1 & 2;

(*c*) Ibid. loco cit.

(*d*) Med. obs. and inq. vol. 1, p. 340.

(*e*) Ibid. vol. 2, p. 369 & 400.

(*f*) Ibid. vol. 3, p. 110.

(*g*) Ibid. p. 169.

(*h*) Ibid. vol. 4, p. 377.

(*i*) Ibid. p. 382.

DE ANEURYSMATE. 621
SYMPTOMATA, CAUSÆ ET SIGNA.

§. IV.

SIMULAC lanceola per Venam in arteriam adacta est, sanguis majori cum impetu & saltu ejaculatur, pluraque, quam vulgo adhibentur, requiruntur molimina ad sanguinem tandem sistendum.

Sistitur interim, & vulnus exterius Venæ sanatur, interiori, quod arteriæ vulneri respondet, aperto manente. Hinc sanguis, ex arteria continue in Venam transiens, in ejus parietes arietat, Venas mirum in modum distendit & varicosas reddit, aliquando omnes (a), aliquando tantummodo unicam (b). Motum præterea tremulum in venis excitat, & pulsus, pulsui arteriarum similem & synchronum; eodemque tempore, quo pulsus producit, strepitum edit, cum sibilo, seu sono, quem aer, per parvum foramen transiens, efformat; vel cum sono ultimo literæ R a quibusdam hominibus in pronunciando nimis longe protrahæ; vel, uti aliis placet, cum strepitu aquæ ebullientis, vel denique apud perreptantis comparandum. Streptus ille admodum sensibilis fuit, si specillum ferreum imponebatur tumori; & altera extremitas dentibus tenebatur vel auri applicabatur (c); ægro quoque adeo fuit molestus, ut, lecto incumbens, si cubitus prope ejus caput esset dispositus, somnum capere non posset (d).

§. V.

Niuntur hæc auctoritate summorum virorum: HUNTERUS enim, ut certiore se redderet de vera mali natura, in duobus ægris, quos ipsi videre contigit, quædam experimenta instituit, quæ paucis enarrare haud supervacaneum duco. Primo, compressione evacuatæ venæ, statim ad amplitudinem priorem redibant, licet ligatura infra locum affectum firmiter brachio injecta fuisset.

Secundo, pulsus & sibilus in vena pergunt, licet ligatura infra locum læsum adeo stricte sit applicata, ut arteriæ carpi non pulsent.

(a) Ibid. vol. 3, p. 111, primo Basilica, dein Mediana & Cephalica dilata fuit & varicosa evasit, & ultima quidem ad c'aviculum usque.

(b) Ibid. l. c. p. 379, ubi Basilica tantummodo tribus in locis fuit dilata.

(c) loc. cit. p. 115.

(d) Ibid. vol. 2, p. 404; & vol. 4, p. 379.

Tertio, venæ, comprimendo evacuatæ, angustæ manebant, ut in alio brachio, si eo in loco, ubi Sectio instituta fuerat antea, digito comprimebantur.

Quarto, cessat pulsus & sibilus compressa arteria supra locum affectum.

Quinto, duplici ligatura brachio applicata, prima in media humeri parte, altera infra locum affectum, si sanguis ex venis dilatatis exprimitur, turget arteria; ablata vero digitorum compressione, venæ iterum turgent & arteria detumescit.

Similia quoque experimenta dein instituta sunt a CLEGHORNIO (a), partim quoque alia. Brachio juxta corporis latus dependente, venæ fuerunt largiores.

Streptus tremulus & pulsatio maximi fuere in Vena Basilica, obscuriores in Mediana, obscurissimi in Cephalica. Elevato brachio tumor Venarum minor fuit; pulsatio cum motu tremulo plane cessavit in Cephalica, obscura fuit in Mediana, attamen persistit in Basilica.

Sub vena arteriam digito sentire potuit, & saltum ipsum sanguinis ex arteria in venam. Compressa vena eo in loco, in quo fuerat per-tusa, ita ut arteriæ apertura clauderetur, pulsatio in cæteris venis etiam cessavit, eorumque diameter fuit imminutus. Compressa Brachiali vel subclavia arteria, omnia symptomata cessabant, relaxata vero, omnia majori quoque vi redibant.

In observatione WHITII, jactus sanguinis ex arteria in venam digito tam distincte sentiri poterat, ut facile acum per arteriæ vulnus transigi posset (b). Satis quoque cum his observationibus congruunt illæ Expertissimi ARMIGER (c), excepto, quod pulsationem solam, non verò motum tremulum & strepitum seu sonum perceperit.

§. VI.

Ex quibus observationibus & experimentis concludo, veram horum symptomatum causam, jamjam descriptam, ab HUNTERO fuisse traditam.

Norandum vero, inter utrumque casum, ab HUNTERO observatum, parvam obtinuisse differentiam: in uno enim ægro in loco

(a) Ibid. vol. 3, p. 114.

(b) Ibid. vol. 4, p. 378.

(c) Ibid. l. c. p. 382.

puncturæ saccus aderat sub cute, nucis Moschatæ magnitudinis, admodum pulsans, pressione disprens, fluidum itaque sanguinem continens; saccus ille, inter venam & arteriam læsam situs, cum ipsis firmiter cohærebat.

In alia vero ægra talis sacculi nullum adfuit vestigium.

Observavit denique HUNTERUS, arterias in brachio ampliores fuisse & fortius pulsasse; in manu vero angustiores fuisse & debilius pulsasse, quam in lateris oppositi brachio; quibuscum etiam congruunt observata CLEGHORNII & WHITII.

P R O G N O S I S.

§. VII.

MORBUS non videtur esse periculosus: brevi enim temporis spatio increfcit ad statum continue fere permanentem.

Etenim in homine, de quo jam memoravimus, duobus primis diebus post V. S. brachium lividum factum fuit ad manum usque; tertio die tumor fuit exortus in loco, ubi vena fuerat secta, tantæ magnitudinis, quantæ adhuc erat quinque annis postea, quando HUNTERUM adiit (a). Sic quoque in virgine illa, quam hoc malo affectam viderat sæpius laudatus auctor, quatuordecim annis postea, malum adhuc nullam mutationem subierat, nisi, quod vena, arteriæ incumbens, paulo magis dilatata erat (b).

Illud tamen incommodum ex suo vitio hausit, ut, præsertim ubi aer admodum erat calidus, dolorem leniorem perceperit, nec lateri adfecto incumbere potuerit absque sensu molesto; quasi omnis sanguis totius corporis in brachio esset concentratus: quod ex compressione Venarum, reditum sanguinis impediante, deduxit HUNTERUS.*

C U R A.

§. VIII.

VITIIUM videtur penitus insanabile: quis enim impedit, quominus sanguis ex arteriæ trunco vulnerato in Venam transeat? nec multum refert: morbus enim non difficulter fertur.

(a) Med. obs. vol. 2, p. 400.

(b) Ibid. p. 399.

Hinc nisi in pejus ruit, optimum erit nihil prorsus efficere; caveat modo æger, ne compressione obex ponatur sanguini venoso, ascendenti versus cor; sin vero forte contingeret, ut venæ sensim sensimque in majorem molem crescerent, adeo ut rupturæ metum incuterent, in venæ sectionibus iteratis, diluitori victu, & lenissima compressione, omne videtur positum præsidium.

T A N T U M.



701 1460964.

EXPOSITIO

EXPOSITIO ICONUM.

ICON I.

Figura ex LANCISIO exposita est p. 59.

GUATTANI TAB. I.

FIG. I. Conferatur p. 117.

ANEURYSMATICUM SACCUM ostendit in Arteria Poplitis ortum, & per longitudinem jam apertum, in quo juxta Prototypum ejusdem interior facies, atque dilatationis magnitudo dilucide demonstratur.

- A** Superior pars Arteriæ cruralis in Poplite Aneurysmate affectæ.
- B** Pars superior cruralis venæ.
- DD** Specillum, quod Sacci Aneurysmatici extensionem designat.
- ZZ** Orificium superioris, inferiorisque Arteriæ partis in sacco hians.
- aaa** Sacci Aneurysmatici secundum longitudinem secti universus ambitus.
- bbb** Facies interior ejusdem Aneurysmatici sacci.

FIG. II. Conferatur p. 125.

In Arteria Poplitis eam sedem ostendit, ubi exortum est Aneurysma, & quomodo illud deinceps, etsi ab incauto Chirurgo crudo ferro adaptum, ope compressionis sanatum fuerit.

- AA** Vena cruralis.
- BB** Arteria cruralis.
- C** Centrum Arteriæ Popliteæ, quod fuit Aneurysmate affectum.
- DD** Extensio hujusce Aneurysmatis ob abolitum Arteriæ Popliteæ cavum, & ob ejusdem Arteriæ in substantiam membranaceam conversionem sanati.
- aa** Ejusdem membranaceæ substantiæ adhæsis crurali Venæ.

K k k k

TAB. I. FIG. III. Conferatur p. 155.

- AA Arteriæ cruralis pars superior secundum longitudinem aperta, ut ejus cavum coarctatum demonstret.
 bb In eodem cavo coarctationis indicium signant.
 cc Cavi portio usque ad litteras dd fere tota coarctata.
 ee Arteriæ cruralis pars inferior, in qua ejus cavum jam dilatatum inspicitur.

I C O N II.

GUATTANI TAB. II. Conferatur p. 160.

FIG. I.

- A Facies cordis anterior.
 B Dextera cordis auricula.
 C Auricula cordis sinistra.
 D Pulmonica Arteria resecta.
 E Aortæ sinus.
 FF Aortæ arcus.
 GGG Aorta descendens.
 ††† Dilatationes, sive Aneurysmatica principia.
 HH Subclavia dextera Aneurysmate affecta.
 II Sacculus Aneurysmaticus circumscriptus & a subclaviæ Aneurysmate factus.
 * Exiguum foramen, quod parum aberat, quin ab exteriori sede in saccum penetraret.
 L Arteriæ subclaviæ progressus.
 M Dextera Arteria Carotis.
 N Arteria Carotis sinistra.
 O Arteria subclavia sinistra.
 P Communium Arteriarum iliacarum divisio.
 Q Dextera iliaca exterior Arteria.
 R Dextera Arteria iliaca interior, sive Hypogastrica.
 aaa Extremitates circumferentiæ Aneurysmatici sacci, quem cultro secante aperui, quum verum esset Aneurysma.
 bb Incisionis sacci duo limites.

- cccc Grumus ab arterioso sanguine effectus, in Aneurysmatibus solito compactior, & cohærentior.
 d Superius foramen, quo sanguinis grumum permeabat.
 e Foramen inferius, unde sanguis exibat, & per inferiorem Iliacæ externæ partem deferebatur.
 SS Pars inferior externæ Iliacæ.
 T Arteria iliaca exterior sinistra.
 U Sinistra interior Arteria iliaca.
 ggg Anterior, sive externa sacci Aneurysmatici facies a Peritonei, musculorumque adhæsu soluta.
 hh Spatium dilatationis, ejusdem Arteriæ in aneurysmaticum saccum, in quo epigastrica continetur Arteria.
 K Epigastrica Arteria.
 L Aneurysmatici sacci reliquiæ.
 yy Inferioris partis in iliaca externa continuatio.

FIG. II. Conferatur p. 160.

- A Iliaca sinistra communis.
 B Interna iliaca, sive sinistra hypogastrica.
 C Externa iliaca sinistra.
 mmm Posterior, aut interna sacci aneurysmatici facies.
 nn Spatium abscissionis in iliaca externa Aneurysmate affecta, qua pertransit specillum.
 oo Specillum.
 D Pars inferior externæ Iliacæ.

FIG. III. Conf. ib.

- AA Pars superior Iliacæ externæ.
 BB Pars ejusdem inferior.
 ccc Aneurysmatici sacci circumferentia.
 dddd Lacerti fracturæ sacci aneurysmatici.
 eee Duo aneurysmaticæ abscissionis extrema.

FIG. IV. Conferatur p. 172.

- AA Arcus aortæ in osseam substantiam mutatus.
 bbb Circuitus ossei Aortæ principii a ventriculo sinistro evulsi.

Kkkk 2

- ccc Valvulæ semilunares elevatæ, ossæamque adeptæ naturam.
 dd Arteriæ coronariæ.
 l Foramen ab ossis eisdem valvulis efformatum, per quod
 a sinistro ventriculo sanguis in Aortam fluebat.

Fig. V. Conferatur p. 186.

- AA Uteri fundus.
 B Uteri corpus.
 CCC Uteri crassities.
 D Uteri vasa sanguinea.
 E Uteri cavitas.
 FF Uteri os internum apertum.
 GG Vaginæ portio resecta.
 H Uteri ligamenti lati vestigia.

*Fig. VI.**Conferatur p. 190.*

I C O N III.

GUATTANI TAB. III.

Fig. I. Conferatur p. 170.

- AA &c. Sinister cordis ventriculus patefactus.
 BBB Arteria pulmonica.
 CC &c. Labrum tumoris aneurysmatici in Aortæ integro arcu resecti;
 atque hic moneo, me maximam aneurysmatici sacci por-
 tionem abscidisse, ut interiores illius partes clarius osten-
 derem.
 D Aorta descendens resecta.
 EE Arteria subclavia dextera.
 F Ejus orificium patens.
 G Arteria carotis dextra.
 H Arteria carotis sinistra.
 II &c. Interna sacci aneurysmatici facies.

- K Saccus informis aneurysmaticus, qui concreto sanguine op-
pletus erat.
- L Ejus orificium.
- MM Alia cava, vel Herniæ aneurysmatici sacci.
- aa Orificia duarum coronariarum.
- bbb Trunci earundem resecti.
- ccc Valvulæ semilunares Aortæ.
- ddd Subclaviæ sinistræ orificium se naturaliter habens; ubi anim-
advertendum est, hanc etiam Arteriam, elapso transverso
digito, Aneurysmate jam tentari cœpisse.
- eeee Specillum super idem orificium immissum, adactumque ad
Aneurysmatis cavum.
- NNN Pariet internus in cavo sinistræ subclaviæ Aneurysmate affectæ.
- OO Cava Aneurysmatis sinistram subclaviam occupantis.
- P Cavum aneurysmaticum in extremitate subclaviæ, atque in
axillaris exortu.
- Q Axillaris Arteriæ orificium fere secundum naturam.
- R Brachialis nervus, qui retis in modum Arteriam amplectitur.
- SS Circumferentia aneurysmatici sacci, claviculam sinistram
obsidentis, quæ Aneurysmate correpta erat; ubi pariter
moneo, me, ad ejus interiorem partem nitidius oculis ex-
hibendam, sacci portionem rescuisse.

FIG. II.

- AA Sinistra clavicula ab Aneurysmate in arcum magis curvata.
- B Pars ejus convexa.
- C Ejus pars concava.
- aaa Caries ab Aneurysmate illata.

FIG. III.

- DD Clavicula dextera delineata, ut discrimen inter hanc, &
sinistram intelligatur.

I C O N I V.

GUATTANI TAB. IV.

FIG. I. Conferatur p. 170.

AA &c. Dexter cordis ventriculus in conspectum datus.

BB &c. Circumferentia dextræ cordis auriculæ patefactæ.

CCC Arteria pulmonica.

aa Ovalis foraminis apertura.

bb Specillum, quod sub eadem transit, ad eam attollendam.

Polypus vero a me deprehensus est in sinistro cordis ventriculo, ad initium Arteriæ magnæ. Hunc autem quum conflatum vidissem congerie vesicularum, quæ novæ hac in parte mihi apparuerunt, quæque illis similes erant, quas in plexu choroideo aliquoties inveneram, eas, velut illæ, lymphâ repletas, existimans, Polypum manibus comprimebam; verum hæ crepitantes, inclusum in illis aerem aperuerunt. Quapropter, ut id apertius cognoscerem, scalpello eas perforare decrevi, quo facto, rei novitate percussus, Polypum cum aliquot vesiculis, quæ adhuc reliquæ erant, delineandum curavi Tab. IV, Fig. III.

a Polypi, in ventriculo cordis sinistro reperti, portio, Aortæ initium respiciens.

b Polypi portio ad ventriculi ejusdem fundum conversa.

ccc Vesiculæ aëre refertæ, quibus Polypus contegebatur, & quarum aliquæ in superficie, aliæ vero interius sedem habebant.

FIG. II. Conferatur p. 178.

AA Arcus in aorta resecti pars.

BB Aorta descendens usque ad Aneurysma.

CC Aorta descendens post Aneurysma dissecta.

D Subclavia dextra.

E Dextra carotis.

F Carotis sinistra.

G Cœliaca cum illius divisione.

- HH Arteriæ lumbares extra situm positæ, ob aneurysmaticum
saccum.
aaa Recisio totius ambitus sacci aneurysmatici facta super Verte-
bras, quibus tenaciter adhærebat.
bbb Pars integra sacci aneurysmatici.
ccc Foramen communicationis ab Arteriæ cavo ad cavum sacci
aneurysmatici, per quod transibat in saccum sanguinis
portio, dum reliqua naturale suum iter per Aortam def-
cendentem prosequabatur.

FIG. III.

De ea modo ad Fig. I. dictum est.

I C O N V.

GUATTANI TAB. V.

FIG. I. Conferatur p. 165.

- A Inferius femoris ossis extremum.
B Ossis Tibiæ extremum superius.
C Articulus genu, vel Poples.
DD&c. Reliquiæ Integumentorum, Membranarum, Musculorumque.
EE Aneurysmatici tumoris anterior facies.
FF Circumferentia tumoris aneurysmatici a naturali situ femori,
ut melius ostendi possit.
* Parvus aneurysmaticus saccus communionem cum magno
habens.
GG Vena cruralis, aut poplitea, quæ postquam ad saccum perve-
nit aneurysmaticum, ipsi extrinsecus adhærescit, transver-
seque ab H ad I varicosa fit, & deinde in L suum natu-
ralem recipit statum.
MM Arteria cruralis, aut poplitea, quæ ad a accedens incipit
Aneurysmate corripì, videturque incisura in ipsa quasi
transverse facta ad immittendum fistulosum specillum b,
quod postquam sacci aneurysmatici cavum prætergressum
fuit, per aliam incisuram c, factam in secunda propagine d,

- prodit : apice suo e, divisa deinde in f, Tibialem, & Peronæam, vel Fibularem progignit.
- N Prior propagatio, quæ tibialis anterior dicitur.
- OO Cruralis nervus, qui tumorem aneurysmaticum affecutus, per hujus centrum transverse incedit, super ipsum instar Zonæ se expandens, eumque comprimens, ut cernitur in gg.
- pp Nervus cruralis, qui naturalem suam figuram reassumit.

FIG. II. Conferatur p. 177.

- Demonstrat, antica facie, Arteriam magnam offesactam naturalis magnitudinis tertia parte minorem.
- AAAA Aortæ initium apertum, in quo conspiciuntur.
- aaaa Lamellæ ossæ magnitudinis, & figuræ incertæ.
- bbb Valvulæ tres semilunares.
- cc Ocula arteriarum coronariarum, quarum altera d indivisa, uti solet, progreditur, altera in duos fere mox ab exortu partitur ramos dd.
- BBB Ascendentes trunci ossis lamellis rigescentes.
- CC Arcus Aortæ integrum.
- D Tubus arteriosus a pulmonali arteria resectus.
- E Arteria cœliaca.
- F Mesenterica superior.
- L inferior.
- GG Emulgentes.
- ff Spermaticarum oscula fetis trajecta; ibidemque Arteria binos ferme digitos transversos crusta ossæ destituitur.
- HH Iliacæ,

FIG. III.

Exprimit fragmenta cujusdam veluti tartareæ, aut si mavis ossescentis materiæ, per internam Arteriæ superficiem hac illac disseminatæ.

I C O N V I.

GUATTANI TABULA UNICA.

*De ea conferatur p. 198.**FIG. I.*

- AA Thyroidis cartilago.
 B Ligamentum, cujus ope Crycoidis cartilago Thyroidi adnectitur.
 * Crycoidis cartilago.
 DD Glandula Thyroidea.
 xx Thyroidis Glandulæ sinister lobus, qui Œsophagotomiæ operatione sejungi potest.
 E Isthmus, seu angusta pars glandulæ Thyroideæ.
 FF&c. Asperæ arteriæ facies anterior.
 GG Œsophagus in sua naturali sede, scilicet ad lævam asperæ Arteriæ partem.
 h Nervus recurrens.
 II Frustula membranacea Œsophagi, atque asperæ arteriæ in Thoracis cavitatem ingressum designantia.

FIG. II.

- AA Canis Œsophagus, ad cicatricem in interna ejus facie demonstrandam, apertus.
 B Superior Œsophagi pars integra.
 CC Perfecta cicatrix vulneris, in Œsophagotomiæ tentamine facti, per quod volsellam feliciter immisi.

FIG. III.

Volsellæ forma.

FIG. IV.

Hamuli forma.

I C O N V I I.

GUATTANI *Fig. IV.*

Cur figuræ GUATTANI I, II, III, omiffæ sint dictum est p. 213. Figura IV autem hic depicta respondet p. 233, ubi & ratio omiffæ figuræ V."

- AAA &c. Arteria femoris, in longum sciffa, & aperta, integra tamen, naturalique magnitudine prædita.
- B Nervus, qui secundum directionem eandem graditur.
- C Vena, quæ per femur cum nervo simul, arteriaque pro-
tenditur.
- D Interior, five nervosa membrana, dilacerata.
- E Locus secundi Aneurysmatis, in quo corrosio tanta fuit, ut exterior duntaxat membrana arteriæ intacta relinqueretur.
- F Locus alter, in quo corrosio tam altas radices nequaquam egit.
- eee Septum, quod situm inter primum, secundumque locum, valvulæ munere fungebatur.
- fff &c. Membranæ disciffæ, & aliquo modo inversæ.
- dd Locus, qui musculosæ membranæ carnosas fibras clare ostendebat.
- ccc &c. Membranæ arteriam circumvestientes.
- aaa &c. Locus primi aneurysmatis, in quo arteria penitus disciffa erat, ejusque interior substantia, perinde ac caustico liquore tacta fuisset, cinerea, atque corrupta conspiciebatur.
- bbb &c. Fragmenta ex arteriæ ejusdem scissione facta, hinc inde fimbriarum in morem extuberantia.

I C O N.

V E R B R U G G E.

De omnibus ad VERBRUGGE trahendis tabulis *conf.* p. 463.

T A B. I.

Aneurysmaticum tumorem, pectori insidentem, conicum, a latere sinistro exhibet.

I C O N V I I I.

VERBRUGGE TAB. II.

FIG. I.

Rupturam tumoris (Tab. I.) a latere dextro exprimit, marginemque prominulum, aperturam, in medio colore magis nigricanti conspicuam, ambientem, commonstrat.

FIG. II.

Eundem marginem idemque foramen ab anteriore parte ostendit.

I C O N I X.

VERBRUGGE TAB. III.

FIG. I.

Monstrat polypi frustum a parte anteriori visum, ipsique annexam cutis portionem, simul cum projecto polypo abreptam.

FIG. II.

Idem frustum, at a latere cum adhærente a parte anteriori cutis portione delineatum.

FIG. III.

Frustulum minus, quod vero similiter foveæ, ab inferiore prioris frusti parte conspicuæ, inhæserat, e latere magis convexo, priorem polypum respiciente, expressum.

FIG. IV.

Frustum tertium, ultimo ejectum, similiter impressam leviter foveam in superficie sua superiore gerens, & a latere exhibitum.

FIG. V.

Polypum indicat, sublato sterno, in sacco ipso Aneurysmatico inventum, fundo contractiori sacci inhærentem, atque totum ferme saccum adimplentem.

I C O N X.

VERBRUGGE TAB. IV.

FIG. I.

Sternum cum adnexis ipsi claviculis, & tribus superioribus costis, a parte anteriori delineatum, offert.

- a* Sternum.
bb Claviculæ.
cc dd ee Prima, secunda, tertia utriusque lateris costæ.
ff gg Musculi intercostales tam externi quam interni.
h i k l Sacci Aneurysmatici, foraminis ambitui firmiter accreti, superficies interior.
m n o p Extus disruptæ anterioris Aneurysmatici parietis lacinia.
q Foraminulum pervium, paulo infra præmagnum foramen obvium, intus in sacco hians.

FIG. II.

Sternum ostendit, ut se ab interiori parte commonstrabat.

- a b c d* Lacinia, quæ, ab iis (Tab. V. *h i k l*) dissectæ, ossis sterni faciei interiori firmissime adhærebant.
e Foraminulum, quod in sterni parte anteriori (Fig. I. litt. *q*) conspicuum intus in sacco hiabat.
f Sacci disrupti superficies interior, ubi foraminis ambitui firmiter accreverat.

I C O N XI.

VERBRUGGE TAB. V.

Reclinatis pulmonibus, cordis situ immutato, lacinias Aneurysmatici sacci, sterno antea nexas, Aortæque aperturam, denotat.

- a* Aspera arteria.
b c d e f Pulmones in latus reclinati, *b c d* dextri lobi 3 *e f* sinistri lobi duo.
g Cor pericardio inclusum.
h i k l Laciniae sacci Aneurysmatici, quæ ossi pectoris adhæserunt (Tab. IV, Fig. II, *a b c d*).
m n o Margo crassiusculus foraminis in parte anteriore Aortæ, mox supra valvulas semilunares obvius.
p Aortæ interiora.
q Eiusdem curvatura.
r s t u w Arteriæ, ex Aortæ curvatura prodeuntes. *r* Subclavia dextra communi radice (Tab. VI. *m*) cum carotide dextra nascens; *t* carotis sinistra; *u* vertebralis sinistra; *w* subclavia eiusdem lateris.

I C O N X I I.

VERBRUGGE T A B. VI.

- Aperto Aneurysmatis sacco tum versus Aortæ curvaturam, tum versus ipsius valvulas, sacci magnitudinem & profunditatem monstrat, simulque vasorum, ex Aorta provenientium, oscula offert.
- a b* Pericardii discissi lamellæ.
c Cor.
d Arteria pulmonalis, Aortæ arcui sese subjiciens.
e f g Aperti Aneurysmatis laciniae (Tab. V, *h i k l*)
h i Margo crassiusculus, aperturæ in parte anteriore Aortæ (Tab. V, *m n o*).
k Aortæ curvatura.
l Aneurysmatici sacci interiora.
m n o p Oscula vasorum, ex Aortæ arcu provenientium; *m* ostium commune subclaviæ *q*, atque carotidis dextræ *r n*, carotidis sinistrae *s o*, vertebralis sinistrae *t p*, subclaviæ sinistrae *u*.

Conferatur p. 471.

ICON XIII.

TREW TAB. I. FIG. I, II, III.

TAB. II. FIG. IV.

Referendæ omnes TREWII figuræ ad p. 574.

FIG. I.

Sistit cubiti sinistri regionem circa flexuram ejus cum humero ea sub facie, qua materia ceracea repleta vasa sanguifera nervique, detracta sola cute & pinguedine adparent.

FIG. II.

Ostendit eandem regionem remotis etiam venis extimisque nervis cutaneis.

FIG. III.

Repræsentat iterum hanc regionem, sed remotis musculis pronatore rotundo & radio interno ut & aponevrosi musculi bicipitis.

TAB. II. FIG. IV.

Exhibet hanc cubiti regionem cum humeri anteriori facie integra, ut arteriæ situs & divisiones primariæ sigillatim in conspectum veniant.

*Partium præcipuarum in his figuris conspiciendarum index
hic est :*

- A Musculus biceps *fig. 1, 2, 3, 4.*
 B Ejus tendo *fig. 1, 2, ad insertionem usque detectus fig. 3, 4.*
 C Ejus aponevrosi seu tendo superficialis *fig. 1, 2, separatus & reflexus fig. 3.*
 D Musculus supinator longus *fig. 1, 2, 3, 4.*
 E pronator rotundus *fig. 2, dissectus fig. 3, 4.*
 L Olecranium *fig. 2, 3, 4.*
 A Vena basilica *fig. 1.*
 B Ejus ramus ulnaris *fig. 1.*
 CCC Vena profunda *fig. 1.*
 DD Vena cephalica *fig. 1.*
 E Ejus ramus *fig. 1.*
 FF Mediana ex basilica & cephalica *fig. 1.*
 G Ramus ex mediana & cephalica concursu *fig. 1.*
 H Ramus ex mediana *fig. 1.*
 * Locus ubi plerumque arteria ulnaris in sectione venæ basilicæ vel rami ex mediana læditur *fig. 1, 2, 3, 4.*
 a Arteria brachialis seu humeraria *fig. 1, 2, 3, 4.*
 cc Rami superiores ad musculum tricipitem *fig. 4.*
 ddd Collateralis superior *fig. 4.*
 b Rami ad bicipitem & brachialem internum *fig. 4.*
 ee Ejus excursio per musculum tricipitem, ubi pone olecranium in dorso brachii cum arteriæ ulnaris ramo recurrente (ii) varias anastomoses format *fig. 4.*
 ff Collateralis inferior ad dorsum humeri excurrans & cum inter ossea externa anastomosin habens *fig. 4.*
 g Arteriæ humerariæ divisio *fig. 2, 3, 4.*
 hh Arteria ulnaris seu cubitæa *fig. 2, 3, 4.*
 ii Ejus ramus recurrens cum collaterali superiori (d) concursus *fig. 4.*
 kk Rami musculares *fig. 4.*
 ll Arteria ligamenti seu interossea anterior seu interior *fig. 3, 4.*
 m Ejus ramus ligamentum penetrans seu interossea externa seu posterior *fig. 4.*

- n* Rami musculares *fig. 4.*
oo Arteria radiæa *fig. 2, 3, 4.*
pp Ramus recurrens radiæus *fig. 3, 4.*
q Rami musculares *fig. 4.*

I C O N X I V.

TREW TAB. II. * FIG. V, VI, VII.

TAB. II. ** FIG. VIII, IX.

Quum auctores, qui methodum recensent, qua aneurysmate spurio laborantibus succurrendum sit (de qua mox plura) plerumque allegant arteriam brachialem seu humerariam duplicem sæpius obviam : hujus quoque schema addendum curavi, quod quum in brachio sinistro oblatum fuit, commodioris comparationis gratia exemplæ ordinariæ structuræ, hæcenus *fig. 1, 2, 3, 4* exposita, pariter ex brachio sinistro elegimus : sistunt ergo hujus schematis, (sed, ob spatii defectum, naturali magnitudine octavam partem imminuti) delineationes.

TAB. II. * FIG. V.

Ubi utriusque arteriæ per humeri & cubiti faciem anteriorem distributio unacum nervo mediano in conspectum venit.

FIG. VI.

Exhibet arteriæ collateralis inferioris distributionem & anastomases cum ramis recurrentibus.

* FIG. VII.

Monstrat collateralis superioris nexum cum interossea externa.

TAB. II. ** FIG. VIII. *

Sistit Figuræ quintæ partem seu cubiti flexuræ regionem, sed in magnitudine naturali, & cum humerariæ ordinariæ infra cubiti flexuram ramis denudatis.

FIG. IX.

FIG. IX.

Repræsentat ejusdem regionis venas nervosque cutaneos, partemque arteriæ extraordinariæ, quatenus statim apparent, sola cute pinguedineque ablata.

Partium conspicuarum expositio hæc est :

A	Musculus biceps <i>fig. 5.</i>
B	Ejus tendo <i>fig. 5.</i>
C	Ejus aponeurosis <i>fig. 5.</i>
D	Supinator longus <i>fig. 5.</i>
E	Pronator rotundus <i>fig. 5.</i>
F	Rotundus major <i>fig. 5.</i>
L	Olecranon <i>fig. 6, 7.</i>
M	Ulna <i>fig. 7.</i>
AA	Vena basilica <i>fig. 9.</i>
B	Rami ulnares <i>fig. 9.</i>
CC	Vena cephalica <i>fig. 9.</i>
DD	Ramus venæ cephalicæ <i>fig. 9.</i>
EE	Mediana ex basilica & cephalica <i>fig. 9.</i>
F	Ramus ex utriusque concursu <i>fig. 9.</i>
GG	Ramus ex mediana <i>fig. 9.</i>
a	Arteria subclavia <i>fig. 5, 6.</i>
bbbb	Arteria brachialis seu humeralis <i>fig. 5, 6, 7, 8.</i>
cccc	Collateralis superior <i>fig. 5, 6, 7.</i>
ddd	Collateralis inferior <i>fig. 5, 6.</i>
e	Ramus muscularis <i>fig. 5.</i>
f	Rami musculares <i>fig. 5, 6.</i>
g	Recurrens radiæa hic supra divisionem humeralis orta <i>fig. 5.</i>
h	Ramus ad supinatore longum <i>fig. 5.</i>
i	Divisio humeralis arteriæ <i>fig. 8.</i>
k	Ramus recurrens <i>fig. 8.</i>
lll	Rami musculares <i>fig. 8.</i>
mm	Arteria interossea interna <i>fig. 8.</i>
n	. . . interossea externa <i>fig. 7, 8.</i>
ooo	. . . radiæa <i>fig. 5, 8.</i>

M m m m

- pp* Ramus per muscolum sublimem excurrens *fig. 8.*
qq Arteria ulnaris seu cubitæ *fig. 8.*
rrr . . . brachialis extraordinaria *fig. 5, 6, 8, 9.*
ss Ejus rami musculares *fig. 5.*
t Ejus anastomosis cum radiæ (o o) *fig. 5, 8.*
u Arteria interscapularis *fig. 6.*
x . . . collateralis tertia non semper præsens *fig. 6.*
y Arteria recurrens ulnaris *fig. 6.*
z Arteria interossea interna *fig. 6.*
 1. 1. Nervi cutanei rami *fig. 9.*
 2. 2. 2. Nervus medianus *fig. 5, 8.*

I C O N X V.

M U R R A Y T A B U L A.

Conferatur p. 515. seq.

F I G. I.

Faciem anteriorem & interiorem femoris finistri exhibens,

Offa & Musculi.

- A Symphysis pubis.
 B Os ileum.
 CCC Adductor magnus cum tendine adductorum communi.
 D Adductor longus.
 E Adductor parvus.
 FF Pectineus discissus.
 GG Semitendinosus cum semimembranoso.
 H Gracilis internus.
 I Iliacus internus.
 K Rectus anterior.
 LLL* Sartorii extrema, quorum superiori portio tenoris fasciæ
 latæ adhæret.

- M Vastus internus cum crurali.
 N Patellæ & femoris interior superficies.
 O Gastrocnemei extremum superius.

Arteriæ.

- a Arteria femoralis communis.
 b Arteria pudenda inferior.
 c Rami ad iliacum, rectum & sartorium.
 dd Arteria femoralis profunda.
 e circumflexa externa.
 f Trunculus ejus transversus.
 g Rami ad sartorium, tensorem fasciæ latæ & rectum.
 h Rami inter os & vastum ext. ad posteriora flexi.
 i Trunculus circumflexæ descendens.
 k Ramus descendens major.
 ll Ramus ad rectum & anastomosis ejus cum ramo anastomotico magno superficialis.
 m Ramus descendens minor.
 nn Hujus ramus ad recti oram cum ramo ad rectum, articulari interna & reti vasculoso coiens.
 o Ramus ejus alter, cum ramo anastom. magno communicans.
 p Circumflexa interna.
 q Ramus ejus superior.
 r inferior ejusdem.
 s Perforans prima.
 t Perforans secunda.
 u tertia.
 v Arteria femoralis superficialis.
 v* Locus, ubi tendinem tricipitem permeat.
 w Ramus anastomoticus magnus superficialis.
 x Conjunctiones hujus cum descendente minore, cum ramo ad rectum & articulari interna superiore.
 y Ramus prioris, sartorii comes.
 z Ramus ejusdem ad genu adrepens.
 æ Art. articularis superior interna.
 β Ramus ejus profundus.

M m m m 2

- β* Communicationes hujus cum descendente minore & ramo
anastomotico magno.
γγ Ramus superficialis articularis internæ.
δδ Articularis inferior interna.
δ* Anastomoses ejus cum articulari superiori & recurren-
te tibialis.

FIG. II.

Femoris sinistri facies anterior & exterior.

Offa & Musculi.

- A Os ileum.
B Sacrum cum coccyge.
C Tuber ischii.
D Trochanter major.
E Musculus biceps.
F Ejusdem caput breve.
G Gluteus maximus abscissus.
H Vastus externus.
I Cruralis.
K Iliacus internus.
L Tensoris fasciæ latæ extremum superius.
M Sartorii pars superior.
NN Rectus anterior cum tendine extensorum communi.
O Patella.
P Condylus externus.
Q Fibulæ extremitas superior.
R Tibiæ superius extremum.

Arteriæ.

- a Arteria femoralis communis filo suspensa.
b Femoralis profunda.
c Circumflexa interna detruncata.
d Circumflexa externa.
e Trunculus ejus transversus.
f Rami ad tensorem fasciæ latæ.

- g* Trochanterica anterior.
h Rami ad trochanterem & os.
iii Anastomoses rami transversus cum perforante 1.^o & 2.^o
k Truncus circumflexæ ext. descendens.
l Ramus ejus descendens major.
m Hujus ramus ad rectum.
n Ramus in vasto cum nutritia magna profundæ & perforante inferiore superficialis anastomoticus.
oo Ramus ejus cum perforante inferiore & cum ramo profundo articularis superioris externæ communicans.
p Ramus descendens minor abscissus, cujus tamen
q Surculus ab interiore femoris latere huc ejicitur, ut cum ramo profundo articularis sup. ext. communicet.
r Ramus transversus perforantis 1.^o
s Ramus transversus perforantis 2.^o
t Nutritia magna profundæ.
u Perforans inferior superficialis, cum ramis suis anastomoticis.
v Articularis superior externa.
ww Rami ejus, superficialis nempe & profundæ.
x Articularis inferior externa.
y Rete vasculosum patellæ.

FIG. III.

Femoris sinistri facies posterior.

Offa & Musculi.

- A* Symphysis ossis pubis.
B Tuber ischii.
C Ligamentum ischio-sacrum majus.
D Trochanter major.
E Gluteus minimus.
F Geminus superior.
G Piriformis.
H Obturator internus.
I Geminus inferior.

<i>K</i>	Musculi ani abscissi.
<i>L</i>	Quadratus femoris.
<i>M</i>	Glutei maximi pars.
<i>N</i>	Vasti externi superior portio.
<i>OOOO</i>	Adductor magnus.
<i>PP</i>	Semitendinosus.
<i>Q</i>	Bicipitis caput longum.
<i>R</i>	Caput breve bicipitis.
<i>S</i>	Semimembranosus.
<i>T</i>	Sartorii tendo.
<i>U</i>	Gracilis interni tendo.
<i>VV</i>	Capita gastrocnemii.

Arteriæ.

<i>a</i>	Art. ischiatica abscissa.
<i>b</i>	Rami ejus in trochantere cum perforante 1. ^m & circumflexis conjuncti.
<i>c</i>	Rami ad tuber.
<i>d</i>	Arteriolæ ex pudenda communi.
<i>e</i>	Ramus inferior circumflexæ int.
<i>f</i>	Trochanterica posterior.
<i>g</i>	Ramus ad caput flexorium descendens.
<i>hh</i>	Art. perforans prima.
<i>i</i>	Rami ejus ad gluteum maximum & trochanterem, truncati.
<i>k</i>	Rami ejusdem transversi.
<i>l</i>	Ramus ad tricipitem & flexores, a profunda seorsim editus.
<i>m</i>	Perforans secunda.
<i>n</i>	Rami ejus transversi.
<i>oo</i>	Ramus ejus ad flexores.
<i>p</i>	Perforans tertia.
<i>q</i>	Perforans quarta.
<i>r</i>	Nutritia magna.
<i>s</i>	Perforans superior superficialis.
<i>t</i>	Perforans inferior ejusdem.
<i>u</i>	Nutritia hujus inferior.
<i>v</i>	Ramus descendens nutritiæ.

u	Truncus reliquus perforantis.
xx	Rami duo art. popliteæ ad flexores revertentes,
y	Ramus anastomoticus magnus.
z	Surculus hujus ad articulationem.
a	Ramus sartorii comæ.
β	Articularis externa superior.
γ	Articularis media.
δ	Artic. externa inferior.
ε	Artic. interna superior.
ζ	Artic. interna inferior.
ηη	Rami ad gastrocnemeos.

Obs. Puncta cursum arteriarum latentem denotant.



Ad 1460 967

INDEX OPERUM. LANCISIUS.

	pag.
LIB. I. DE Aneurysmatibus in Genere.	1
<i>Prop. 1. De Aneurysmatis Etymologia.</i>	
<i>Prop. 2. Exponitur generalis Aneurysmatis idea cum descriptione locorum, quæ ab hoc malo affici solent.</i>	2
<i>Prop. 3. Impetus cordis in sanguinem, & hujus in Arterias, eorumque proportio inter se.</i>	3
<i>Prop. 4. Generalis Aneurysmatum definitio.</i>	5
<i>Prop. 5. Divisio in legitimum & spurium.</i>	6
LIB. II. De Aneurysmatibus particularibus.	9
A. Arteriarum.	
a. De Aneurysmatibus legitimis Arteriarum.	
CAP. I.	
<i>Prop. 6. Arteriarum structura & usus.</i>	
α. Aneurysmate Arteriarum ex vulneribus.	
<i>Prop. 7. Idea & divisio.</i>	11
a) Vulnera penetrantia Arteriarum.	
<i>Prop. 8. Diagnofis.</i>	12
<i>Prop. 9. Prognofis.</i>	13
<i>Prop. 10. Curatio minus laudabilis.</i>	14
<i>Prop. 11. Curatio probanda.</i>	15
b) Vulnera Arteriarum cum Ecchymofi.	
<i>Prop. 12. Ea ecchymofis verum est Aneurysma.</i>	20
<i>Prop. 13. Diverfi status Ecchymofis ab arteriæ vulnere.</i>	22
<i>Prop. 14. Curatio recentis ecchymofis.</i>	
<i>Prop. 15. Ecchymofis ex arteriarum Carotidum vulnere.</i>	23
<i>Prop. 16. Curatio ecchymofum inveteratarum.</i>	24
<i>Prop. 17.</i>	24

<i>Prop.</i> 17.	Quare supra arteriam ligatam nullus oriatur tumor.	26
<i>Prop.</i> 18.	Cur infra ligatam arteriam non deficiat nutritio.	27
c)	Vulnera non penetrantia Arteriarum.	
<i>Prop.</i> 19.	Aneurysma inde ortum.	28
β. CAP. II.	Aneurysmata legitima ex contusione.	31
<i>Prop.</i> 20.	Causa eorum.	32
<i>Prop.</i> 21.	Exemplum Aneurysmatis Aortæ:	34
<i>Prop.</i> 22.	Aliud.	37
<i>Prop.</i> 23.	Diagnosis & Prognosis.	40
<i>Prop.</i> 24.	Curatio Aneurysmatum internorum.	41
<i>Prop.</i> 25.	Curatio Aneurysmatum externorum.	42
<i>Prop.</i> 26.	Aneurysmata partis anterioris thoracis, quæ vitio fluidorum & contusionibus oriuntur.	43
<i>Prop.</i> 27.	Exemplum sanationis Aneurysmatis Aortæ.	44
<i>Prop.</i> 28.	Aneurysma Aortæ, usu instrumenti comprimentis citius rupti.	45
γ. CAP. III.	Aneurysmata, a fluido erodente pendentia.	48
<i>Prop.</i> 29.	Humor erodens quid, & quotuplex.	
a) <i>Prop.</i> 30.	Aneurysmata ex affectibus hypocondriacis, scorbuticis.	50
<i>Prop.</i> 31.	Exemplum Aneurysmatis carotidis.	51
b) <i>Prop.</i> 32.	Quid Aneurysma Gallicum.	52
<i>Prop.</i> 33.	Exempla duo.	53
<i>Prop.</i> 34.	Aneurysmata fiunt ex usu mercurialium.	55
δ. <i>Prop.</i> 35.	Nulla sunt Aneurysmata pendentia a fibrarum Arteriarum paralyfi.	56
b. CAP. IV.	De Aneurysmatibus nothis.	57
<i>Prop.</i> 36.	Impetus sanguinis vel rectus est, vel compositus ex recto & reflexo.	
<i>Prop.</i> 37.	Actio momenti compositi exponitur.	59
<i>Prop.</i> 38.	Diuturna Arteriarum compressio, polypi generationis occasionem præbet.	60
<i>Prop.</i> 39.	Impetus sanguinis, qui ab initio spurium Aneurysma efficit, raro verum inducere potest.	63
<i>Prop.</i> 40.	Aneurysmata spuria initio citius veris sanantur	65

<i>α.</i>	<i>Prop.</i> 41. Signa Aneurysmatum a vi cunei sanguinis.	66
	<i>Prop.</i> 42. Curatio eorum.	67
<i>β.</i>	<i>Prop.</i> 43. Species Aneurysmatum spuriorum ab arteriarum convulsione.	69
	<i>Prop.</i> 44. Diagnōsis Aneurysmatum a convulsione fibrarum longitudinalium.	70
	<i>Prop.</i> 45. Diagnōsis & curatio Aneurysmatum a convulsione fibrarum circularium.	71
	<i>Prop.</i> 46. Exemplum sanati Aneurysmatis Arteriæ cœliacæ.	72
B. Cordis Aneurysmata.		
a.	CAP. V. De hæreditaria ad cordis aneurysmata constitutione & de cordis prolapsu.	74
	<i>Prop.</i> 47. Hæreditaria constitutio.	
	<i>Prop.</i> 48. Cordis prolapsus.	75
b.	CAP. VI. De cordis aneurysmatibus.	77
	<i>Prop.</i> 49. Cordis cava difficulter erosione interna dilatantur.	
	<i>Prop.</i> 50. Facilius vi percussu sanguinis.	78
	<i>Prop.</i> 51. Facile reverberati humores acres ob vim & acrimoniam aneurysma generant.	80
	<i>Prop.</i> 52. Cur Aneurysmata frequentius in Auriculis quam Ventriculis.	81
	<i>Prop.</i> 53. Ossæ arteriæ, causa Aneurysmatum.	82
	<i>Prop.</i> 54. Pathemata animi, causa Aneurysmatum.	85
	<i>Prop.</i> 55. Contenta respiratio, causa Aneurysmatum.	86
	<i>Prop.</i> 56. Exemplum Aneurysmatis à sanguine acri.	87
	<i>Prop.</i> 57. Cur agitentur Venæ jugulares, agitato corde dextro?	89
	<i>Prop.</i> 58. Cur in antiquis Aneurysmatibus pulsus deficiat?	92
	<i>Prop.</i> 59. Cur corde aneurysmatico, omnes arteriæ solito exiliores? &c.	93
	<i>Prop.</i> 60. Cur, dilatato corde dextro, pulsus magnus & æqualis?	95
	<i>Prop.</i> 61. Cur magna Aneurysmata intus polyposa?	96

INDEX OPERUM. GUATTANI.

a. D E Poplitis Aneurysmatibus.	115
Operatio instituta.	
Infelix quia ossibus adhæsit saccus.	116
<i>Historia I.</i>	
Cum successu, tumore undique separabili.	121
<i>Historia II.</i>	
Naturæ in sanando Aneurysmate potestas.	125
<i>Historia III. IV. V.</i>	
Membri amputatio, quater instituta, toties ægrum sustulit.	126
Compressionis emolumenta.	129
<i>Historia VI. VII. VIII. IX. X.</i>	
Non successit, semel incuria ægri, alia vice, imminente gangræna.	140
<i>Historia XI. XII.</i>	
Operatio Aneurysmatis feliciter instituta a M. A. SEVERINO.	142
<i>Historia XIII.</i>	
b. De inguinis, cruralisque Arteriæ Aneurysmatibus.	144
Compressio minuit tumorem, qui omissa illa magis denuo increvit; factæ tunc a Chirurgo alio operationi, succubuit æger.	
<i>Historia XIV.</i>	
Incisus tumor immanis, dolens; fluctuans; dein compressa arteria fausto eventu.	148
<i>Historia XV.</i>	
Compressionem, initio utilem, solvere dolor jussit; mors. Sectio tumorem in pelvi ruptum, & cariem ossis ostendit.	152
<i>Historia XVI.</i>	
Rami arteriæ hypogastricæ, femoralibus inosculatæ, harum defi- cientem truncum supplere videntur.	153

- Aneurysmaticum systema arteriosum. 159
 Aneurysma ruptum; mors ex tabe, non autem ex pede gangrænofo.
 Sectione, arteria iliaca externa obturata, ossa ileum cariola in-
 venta sunt.
Historia XVII.
 Aneurysma in quovis inguine unum; mors nondum rupto tumore.
 Systema arteriosum aneurysmaticum. 159
Historia XVIII.
 c. De superioris furæ partis Aneurysmatibus. 162
 Compressio quater tentata, toties fatalis.
 Compressio gangrænam movit, unde mors. 163
Historia XIX.
 Compressionem solvere dolor iussit, & spasmus intolerabilis. Mors
 accedente tertiana.
Historia XX.
 d. De manuum pedumque Aneurysmatibus. 166
 Aneurysma manus, rupturam minans, apertum. Sanatio.
Historia XXI.
 Aneurysma Tarsi ex venæ sectione, parvum, sedula cura non auctum. 167
Historia XXII.
 e. De internis Aneurysmatibus.
 Aneurysma Cordis.
Historia XXIII.
 Aliud simile. Valvulæ semilunares ossæ. 170
Historia XXIV.
 Aliud; diu tamen, bono cum regimine, protrahita vita. 173
Historia XXV.
 Aneurysma Arteriæ aortæ, prope celiacam, gladii vulnere ortum,
 per octo annos toleratum. 178
Historia XXVI.
 Quatenus his aneurysmatibus curatio adhiberi possit. 181
-
- De partu extraordinario, *Observatio I.* 182

Placenta ori uterino irradicata; hæmorrhagia inde lethalis, quum recnsarit partim oblatum à Guattano auxilium femina, partim fidem detraxerit, ignorata reliquis in consilium vocatis Medicis (turpe dictu!) morbi conditione.

De singulari Abdominis hydropo, *Observatio II.* 186

Vegetæ valetudinis mulier supra inguem dextrum dolere cœpit & tumere; tumore plurimum aucto, facta punctio; exiit amurca. Post quinque menses secunda vice pungebatur illa. Tunc valetudo prospera minuebatur; intra quindecim dein menses novies puncta, obiit. Sectio negata.

De tumore abdominis hydatidibus referto, *Observatio III.* 189

Tumor prope hepar per novem menses crevit; sponte rumpitur; exiere hydatides; sensim re-dita sanitas.

De Œsophagotomiæ operatione. 191

Castanea œsophago illapsa & retenta formato sacco. 192

Qua ratione instituenda operatio. 195

Experimenta in canibus facta. 197

(In homine vivo nondum instituta est.)

Historiæ duæ Aneurysmatum; alterum brachii, sanatum; alterum femoris, lethale. 199

a. De cubiti flexuræ Aneurysmatibus. 203

a) Aneurysma ex venæ sectione ortum, operatione sanatum.

Historia L.

Experimenta, quibus rami arteriæ humeralis collaterales, earumque diversitas demonstrantur. 211

Aneurysma in flexura cubiti, si mole multum crevit, arteria supra ramorum lateralium originem vincienda esset, unde certo periret membrum; quare nunquam diu differenda operatio est. 215

b) De spurio Brachii Aneurysmate. 216

Differentia inter Aneurysma verum & spurium. 217

Signa læsæ arteriæ, distinguenda a sanguine per saltus ex ista modo vena exeunte. 218

- Fasciæ; ut læsæ arteriæ medeantur, confestim adplicari debent,
ante, quam multus sanguis elapsus sit. *Historia II. (*)* 219
- Brachium involvendum extensum sit, vulnere recto; flexum vero,
hoc obliquo aut transverso. 221
- Descriptio duorum Aneurysmatum, simillimorum eis quæ
HUNTERO VARICOSA dicuntur. 223
- Historia III. IV.*
- Ipse GUATTANI venæ vulnus ita cum arterioso glutinatum
putat, ut hæc in illam hiet. 226
- Fasciæ Genghianæ (III. THEDEN *Einwickelung*) descriptio 226
- b. Singulare femoris Aneurysma. 228
- Historia V.*
- Lethale fuit. Sectio docuit, dilatatam in saccum fuisse arteriam,
eamque supra tumorem vulnere duorum pollicum disruptam,
ex quo elapsus sanguis gravia symptomata & mortem attulit. 232

(*) Omissum in nostra editione & in Prototypo Romano nomen *Historia II.* ad casum
hac in pagina descriptum sine dubio perinet; nullus enim alibi descriptus exstat.

INDEX OPERUM. MATANI.

- PREFATIO. 237
- §. I. Medicinæ origo. 237
- §. II. Remediorum vetustas. 238
- §. III. Medicinæ propagatio. 239
- §. IV. Græcorum sapientia. 241
- §. V. Romanorum sectæ. 242
- §. VI. Scientia Arabum. 243
- §. VII. Medicina apud Europæos. 242
- §. VIII. Medicina Etruscorum. 243

INDEX OPERUM. MATANI.

655

§. IX. Ocasio scribendi.	<u>245</u>
§. X. Operis distributio.	<u>246</u>
§. XI. Aneurysmatum cognitio.	<u>247</u>
§. XII. Exitus prudenter investigandus.	<u>248</u>
§. XIII. Cadaverum dissectio necessaria.	<u>250</u>
§. XIV. Anatomicorum inventa.	<u>252</u>
§. XV. Vetusitas studii chirurgici.	<u>253</u>

P A R S I.

§. 1. Introductio.	<u>257</u>
§. 2. Hominum querelæ.	<u>258</u>
§. 3. Aneurysmata apud veteres.	<u>259</u>
§. 4. Veterum cognitiones.	<u>260</u>
§. 5. Aneurysmatum observatio.	<u>262</u>
§. 6. Aneurysmatum definitiones & divisiones.	<u>263</u>
§. 7. Aneurysmatum efformatio.	<u>265</u>
§. 8. Ingens cordis amplitudo.	<u>266</u>
§. 9. Causæ peculiares.	<u>267</u>
§. 10. Varices venarum.	<u>268</u>
§. 11. Vasa coronaria describuntur.	<u>269</u>
§. 12. Vasorum turgescencia.	<u>271</u>
§. 13. Sanguinis constitutio.	<u>272</u>
§. 14. Cordis obstructiones.	<u>273</u>
§. 15. Vasorum sanguineorum alterationes.	<u>275</u>
§. 16. Polyporum indoles.	<u>276</u>
§. 17. Polyporum efformatio.	<u>278</u>
§. 18. Polyporum signa.	<u>279</u>
§. 19. Aneurysmatis & polyposæ concretionis conjunctio.	<u>280</u>
§. 20. Erosionum efformatio.	<u>281</u>
§. 21. Concretionum quantitas.	<u>283</u>
§. 22. Cordis læsiones.	<u>284</u>
§. 23. Hydrocordiæ origo.	<u>285</u>
§. 24. Pericardii alterationes.	<u>286</u>
§. 25. Aortæ Aneurysma.	<u>287</u>
§. 26. Aliorum vasorum vires.	<u>288</u>

§. 27. Explicatur quomodo fiant Aneurysmata.	289
§. 28. Puerorum Aneurysmata.	292
§. 29. Ciborum noxa.	293
§. 30. Arteriarum ossificatio.	294
§. 31. Fœtuum nondum natorum incommoda.	296
§. 32. Puerorum ægritudines nonnullæ.	297
§. 33. Prava puerilium corporum administratio.	299
§. 34. Animi perturbationes.	300
§. 35. Sanguinis concreciones.	302
§. 36. Tusses convulsivæ.	303
§. 37. Auctæ cordis vires.	304

P A R S I I

§. 38. Tempestatum varietas.	306
§. 39. Extrinseci aeris mutationes.	308
§. 40. Locorum constitutio.	309
§. 41. Observationes.	311
§. 42. Effectus peculiare mutationis atmosphericæ.	312
§. 43. Arteriarum vis immutata.	313
§. 44. Veterum & recentiorum usus.	314
§. 45. Regionum situs observandi.	315
§. 46. Rusticorum regimen.	316
§. 47. Peculiare aliquæ Aneurysmatum causæ.	318
§. 48. Aeris elasticitas.	319
§. 49. Prævum vitæ regimen.	320
§. 50. Lues venerea.	323
§. 52. Nonnulli effectus luis venereæ.	325
§. 52. Laxitas inducitur.	324
§. 53. Prævi salivationis effectus.	326
§. 54. Veterum ingluviæ.	327
§. 55. Morbi ex prava ciborum qualitate & quantitate manantes.	328
§. 56. Gymnasticæ abusus.	329
§. 57. Hystericæ seminarum affectiones.	330
§. 58. Puellarum ægritudines nonnullæ.	332
§. 59. Menstruæ purgationis suppressio.	334
	§. 60

§. 60.	Artificum nonnullorum Aneurysmata.	333
§. 61.	Validarum tussium noxa.	336
§. 62.	Aneurysmata cujuscunque arteriæ.	
§. 63.	Peculiaris observationis descriptio.	338
§. 64.	Confectaria.	340
§. 65.	Aucta arteriarum & sanguinis vis.	341
§. 66.	Medicorum observationes.	342
§. 67.	Curationis institutio.	344
§. 68.	Lac diu infantibus exhibitum.	345
§. 69.	Nutricum cautiones.	347
§. 70.	Cautiones alterius generis.	349
§. 71.	Sanguinis missiones.	
§. 72.	Animadversiones.	351
§. 73.	Exempla ægritudinum, quæ cum aneurysmate conjunctæ, non semper venæ sectionem exigunt.	352
§. 74.	Lactis & feri usus.	354
§. 75.	Remediorum usus.	355
§. 76.	Usus rerum frigidarum.	356
§. 77.	Regimen in victu.	357

INDEX OPERUM. VERBRUGGE.

<i>Sectio I.</i>	CONCISA cordis, vasorumque majorum descriptio.	361
§. I.	Cor.	
§. II.	Venæ.	365
	Arteria aorta.	366
§. III.	Motus sanguinis per cor.	371
<i>Sectio II.</i>	Aneurysmatis etymologia, divisio, definitio.	373
§. IV.	Etymologia.	
§. V.	Aneurysma verum.	374
§. VI.	... spurium.	375

O o o o

§. VII. Aneurysma mixtum.	
§. VIII. cardiacum.	
<i>Sectio III. Aneurysmatum causæ.</i>	377
§. IX. Veri.	
§. X. Spuri.	382
§. XI. Mixti.	386
§. XII. Cardiaci.	387
<i>Sectio IV. Aneurysmatum effectus.</i>	397
§. XIII. Veri.	
§. XIV. Spuri.	402
§. XV. Mixti.	404
§. XVI. Cardiaci.	406
<i>Sectio V. Aneurysmatum diagnosi.</i>	416
§. XVII. Veri.	417
§. XVIII. Spuri.	422
§. XIX. Mixti.	423
§. XX. Cardiaci.	425
<i>Sectio VI. Aneurysmatum prognosis.</i>	429
§. XXI. Veri.	
§. XXII. Spuri.	430
§. XXIII. Mixti.	
§. XXIV. Cardiaci.	
<i>Sectio VII. Aneurysmatum curatio.</i>	431
§. XXV. Veri.	
Interna.	
Compressio.	432
Extirpatio.	435
§. XXVI. Spuri.	436
Compressio.	
Operationes variz.	438
§. XXVII. Mixti.	443
§. XXVIII. Cardiaci.	
<i>Sectio VIII. Specialior Aneurysmatis aortæ pertractatio notabili casu illustrata.</i>	444
§. XXIX.	

§. XXX. Exempla Aneurysmatum aortæ, eorumque causæ.	
§. XXXb Sedes ut plurimum in Artu.	450
§. XXXII. Effectus præcipue in ossa.	452
Concretiones ossæ, & lapidæ arteriarum.	457
§. XXXIII. Diagnôsis.	460
§. XXXIV. Prognôsis & curatio.	461
Observatio aneurysmatis aortæ.	463

I N D E X O P E R U M.

W E L T I N U S.

H ISTORIA aneurysmatis veri pectoris externi, hemiplegiæ sobolis.	471
§. I. II. Aneurysmatis definitio, etymologia.	473
§. III. IV. V. . . . divisiones.	474
§. VI. Arteriæ pectoris.	476
§. VII. Aneurysma hoc Arteriam intercostalem tenet.	477
§. VIII. IX. Diagnôsis Aneurysmatis veri.	
§. X—XIII. Causæ.	480
§. XIV—XVI. Qua ratione hæmiplegicus insultus aneurysma hoc produxit.	484
§. XVII—XXI. Symptomata in ægro observata.	486
§. XXII. Prognôsis.	489
§. XXIII. XXIV. Curatio aneurysmatis in genere.	491

INDEX OPERUM. MURRAY.

<i>Seclio</i> L	D E Aneurysmatibus in genere.	500
	§. I. Divisio in vera & spuria.	
	§. II. Spuriorum species.	501
	Diffusa f. primitiva & circumscripta f. consecutiva.	
	Aneurysma compositum	505
 varicosum.	
	§. III. Aneurysma verum.	
	Universale.	
	Partiale.	507
<i>Seclio</i> L		
	§. IV. Prognosis.	508
	§. V. Curatio.	509
	1) Compressio.	
	(1) Fasciæ.	510
	a) Membrum comprimentes.	
	b) involventes.	511
	(2) Instrumenta.	
	2) Operatio chirurgica.	512
	(1) Arteria ligatur.	
	(2) denudata comprimitur.	513
<i>Seclio</i> II.	P. I. Descriptio Arteriarum femoris.	515
	P. II. Animadversiones in Aneurysmata femoris.	532
	§. I. Una arteria supplet alteram.	
	§. II. Aneurysmata femoris operatione sanata.	535
	§. III. Vulnere arteriæ femoralis sanata.	540
	§. IV. Poplitis sanata aneurysmata.	541
	§. V. Non temere refecandum membrum.	

Quænam instituenda operatio.

143

§. VI. Amputationis indicatio.

145

Naturæ in medendo molimina.

INDEX OPERUM.

TREW.

ANEURYSMATIS spurii (circumscripti) post venæ basilicæ sectionem
orti, historia & curatio.

149

Historia.

Compressio tumorem exasperavit.

151

Descriptio aneurysmatis similis quod TEICHMAYER operatione
sanavit compressa denudata arteria.

152

Curatio instituta similem priori in modum.

159

Tertia observatio ejusdem generis, pari methodo adhibita curationis.

167

Mantissa.

Delineatio vasorum brachii.

173

De arteriæ ligatura.

175

cum nervo.

177

Qua ratione compressio bene instituenda sit.

179



INDEX OPERUM. ASMAN.

P ROLEGOMENA.

- §. I. De fabrica arteriarum. 583
 §. II. De arteriarum actione in sanguinem. 584
 §. III. Aneurysmatis definitio, divisio. 586
 1) Verum, 2) spurium, 3) mixtum ex HUNTERI &
 MONROI mente, 4) Venosum.

Señio I. De aneurysmate vero. §. I. 587

1. Natura & indoles.

- §. I. II. Tunicae arteriae dilatatae alias crassiores, alias non. 587
 §. III. Sanguinis in dilatata arteria conditio. 589
 §. IV. Enumeratio aneurysmatum variis in corporis partibus orto-
 rum; frequentissima sunt in aorta. 590
 §. V. Lente crescunt illa; exempla insignium. 594
 §. VI. Destruunt partes ambientes. 595

2. Causae.

- §. VII. Sublatum inter solida & fluida æquilibrium. 596
 1) §. VIII. Minuta resistentia solidorum.
 2) §. IX. Auctus fluidorum impetus. 597

3. Signa.

- §. X. XI. Ambigua sunt. 599
 §. XII. Enumerantur.

4. Prognosis.

- §. XIII. Variat pro indole aneurysmatis. 601
 §. XIV. Prouti existit in maiore vel minore arteria, §. XV.
 Externum f. internum. §. XVI. Recens f. inveſteratum. §. XVII.
 Partes vicinas offendit. §. XVIII. Causa externa f. interna.

5. Curatio.

INDEX OPERUM. ASMAN.

§. XIX. Duplex est.	663
1) Radicalis.	603
(1) §. XX. Compressione quæ in parvis adhiberi potest.	
(2) §. XXI. Operatione	604
§. XXII. Quibus in partibus adhiberi queat.	
2) §. XXIII. Palliativa.	605
<i>Sectio II. De Aneurysmate spurio. §. I.</i>	606
1. §. II. Definitio.	
2. Divisio. §. III. Circumscriptum & diffusum.	
3. Causæ. §. IV. Vulnus & ruptura.	607
4. Sedes. §. VI. Frequentissima in brachio; rariores.	608
5. Symptomata. §. VII. Diffusi; §. VIII. Circumscripti.	
6. Signa. §. IX.	609
7. Prognosis. §. X.	
8. Curatio. §. XI.	610
1) Compressio. §. XII—XV. in vulnere recenti, vel aneurysmate circumscripto, cujus tumor digito cedit, adhibenda.	
2) Arteriæ denudatio & Stypticorum applicatio. §. XVI—XX.	611
3) Ligatura. §. XXI—XXIV.	613
4) Sutura convoluta LAMBLERTI.	615
§. XXV.	
Experimenta in vivis animalibus facta.	616
§. XXVI—XXIX.	
Hac operatione concresecunt arteriæ, lumine destructo, unde non anteponenda ligaturæ est. §. XXX. XXI.	618
<i>Sectio III. De Aneurysmate venoso.</i>	619
1. Definitio §. I. 2. Sedes §. II. 3. Observationes. §. III.	
4. Symptomata, signa. §. IV—VI.	621
5. Prognosis nil mali affert. §. VII.	623
6. Curatio nulla, neque necessaria. §. VIII.	

ARGENTORATI, Typis FRANCISCI GEORGII LEVRAULT.

ALA 1460867

Digitized by Google

Icon 14. Frew Tab. II^a et III^a

Fig. 9.



M

Icon. 2. Guattani Tab. II.

L

I

Fig: I.

B

S

S

h


y


J




1717












Icon. 6. Guattani Tab. Unica.





Tab. I.



Real. univ.












Fig. 3.



Lenzel sc.



J. Wilson sculp.



David 10.



